



XV  
C.  
29.









# GRATIANI CANONES

GENUINI AB APOCRYPHIS DISCRETI,  
CORRUPTI AD EMENDATIONUM CODICUM FIDEM EXACTI,  
DIFFICILIORES COMMODA INTERPRETATIONE ILLUSTRATI


OPERA ET STUDIO

CAROLI SEBASTIANI BERARDI

PRESBYTERI UNELIENSIS

In Regio Athenæo Sacrorum Canonum Antecessoris.

PARTIS II. TOM. SECUNDUS.



TAURINI, MDCCLV.

---

EX TYPOGRAPHIA REGIA.

*Bibl. Dom. Prof. Neg. Soc. Scy.  
Catal. incript.*







# REGI AUGUSTISSIMO

CAROLUS SEBASTIANUS BERARDUS.



*Vantuncumque laboris, operæ, curæ, studii conferendum fuit ad istas elucubrandas in Gratianum Opus animadversiones, id totum vel ab ipso scribendi initio eo libentius contuli, quo splendidius nomen, ac nobilius patrocinium fuit, quod illis decorandis, ac tuendis accessurum esse sperabam; Tuum nimirum amplissimum, & maximum,*  
REX

REX AUGUSTISSIME , *cujus gratiam , quemadmodum vehementer optaveram , clementiam , munificentiam fui statim , atque illas in lucem prodidi , ex voto , & cumulatissime consecutus . Postquam vero Tuam in dies majorem benevolentiam in fovenda , promovendaque studiorum meorum ratione expertus sum , abi præsertim nuper me Ecclesiasticorum Canonum Antecessorem in Athenæo Regio designaveris , cum facile intellexerim , id esse Tuæ erga meum opus beneficentissimæ voluntatis argumentum , tum equidem sensi , mihi majores vires adjici , ac stimulos , quibus ad opus idem alacrius perficiendum ardore quodam prope singulari , atque incredibili concitarer . Quamobrem defatigari quidem potui recenti munere , quod me propemodum desigebat palestræ in interpretatione Sacrarum Legum publice , & pro concione explicandarum , nullo tamen modo ita distrabi , aut morari , ut a cæpio vel cohiberi paullisper , vel destitisse viderer . Jam dimidiam compleveram Operis partem , & prope eram , ut Volumen tertium pro modulo expolirem , expolitumque Typographo commendarem : cumque ea duo , quæ gerenda mihi erant officia , commode jungi , sociarique posse cognoscerem , quorum potius alterum altero jurvaretur , quorum etiam grata vice identidem recrearer , una utrumque gessi studio , quo potui , impensissimo , ut expectationem , quam de me in utraque parte conceperas , si non explere possem , saltem attingere , aut non omnino frustrari quoquo modo conarer . Itaque en tertium operis Clementiæ Tuæ multis nominibus debiti , ac dicati Volumen , quod ut eadem ipsa , quam in excipiendis ceteris præstitisti , benevolentia excipias , supplex rogo , obtestor . Si iis , quæ initio edidi , Tuam , REX AUGUSTISSIME ; in me , resque meas conciliare gratiam per singularem , & vere Tuam , vereque Regiam Clementiam mihi licuit ; patere etiam precor , ut posteriora hæc , quæ ad finem vergunt , posita a me sint ad perpetuum , & constans grati , atque obsequentis animi monumentum .*

# INDEX CAPITUM,

Quæ in hoc tertio Volumine continentur,

Cap. <u>59.</u>	De Gregorio Magno	Pag. <u>1.</u>
Cap. <u>60.</u>	De Bonifacio III.	pag. <u>182.</u>
Cap. <u>61.</u>	De Bonifacio IV.	pag. <u>184.</u>
Cap. <u>62.</u>	De Deusdedis	pag. <u>187.</u>
Cap. <u>63.</u>	De Honorio	pag. <u>189.</u>
Cap. <u>64.</u>	De Martino	pag. <u>190.</u>
Cap. <u>65.</u>	De Eugenio	pag. <u>192.</u>
Cap. <u>66.</u>	De Agathone	pag. <u>193.</u>
Cap. <u>67.</u>	De Sergio	pag. <u>194.</u>
Cap. <u>68.</u>	De Gregorio II., & Gregorio III.	pag. <u>196.</u>
Cap. <u>69.</u>	De Zacharia	pag. <u>209.</u>
	Appendix de aliquibus Bonifacii Episcopi, & Martyris monumētis	pag. <u>221.</u>
Cap. <u>70.</u>	De Stephano II., aut III., vel etiam IV.	pag. <u>224.</u>
Cap. <u>71.</u>	De Hadriano	pag. <u>229.</u>
	Appendix de can. <u>21.</u> cau. <u>1.</u> qu. <u>1.</u> adscripto Tarasio Episcopo Constantinopolitano	pag. <u>245.</u>
Cap. <u>72.</u>	De Leone III.	pag. <u>246.</u>
Cap. <u>73.</u>	De Stephano IV., seu V.	pag. <u>251.</u>
Cap. <u>74.</u>	De Paschali	pag. <u>252.</u>
Cap. <u>75.</u>	De Gregorio IV.	pag. <u>257.</u>
Cap. <u>76.</u>	De Leone IV.	pag. <u>263.</u>
Cap. <u>77.</u>	De Nicolao	pag. <u>281.</u>
Cap. <u>78.</u>	De Johanne VIII.	pag. <u>343.</u>
Cap. <u>79.</u>	De Stephano V., seu VI.	pag. <u>359.</u>
Cap. <u>80.</u>	De Leone VIII.	pag. <u>373.</u>
Cap. <u>81.</u>	De Leone IX.	pag. <u>375.</u>
Cap. <u>82.</u>	De Nicolao II.	pag. <u>379.</u>
Cap. <u>83.</u>	De Alexandro II.	pag. <u>385.</u>
Cap. <u>84.</u>	De Gregorio VII.	pag. <u>406.</u>
	Appendix de Confessione Berengarii	pag. <u>424.</u>
Cap. <u>85.</u>	De Urbano II.	pag. <u>425.</u>
Cap. <u>86.</u>	De Paschali II.	pag. <u>460.</u>
Cap. ultimum.	De Innocensio II.	pag. <u>471.</u>

Imprimatur . Vicarius Generalis S. Officii Taurini .

V. Allemandi .

Se ne permette la Stampa . Quaregna per la Gran  
Cancelleria .

# CAPUT LIX.

## De Gregorio Magno.

Nemo est aut ex Pontificibus Maximis, aut ex Sanctis Ecclesiæ Patribus, qui adeo frequenter a Gratiano laudetur, quemadmodum Gregorius Magnus. Id sequentia capita demonstrant, quæ ut numero plurima sunt, ita accuratori ordine exhiberi debuerunt.

### Sectio 1. de epistolis Italiam universam spectantibus.

Ex epist. ad Mauricium & Vitalianum magistros militum. { Can. 18. cau. 23. qu. 8. non omnino certæ auctoritatis.

Ex epist. ad Velocem magistrum militum. { Can. 17. cau. 23. qu. 8. Gratiani proposito parum accommodatus.

### Sectio 2. de epistolis directis ad Cives Urbis Romæ.

Ex epist. ad Gratianum Subdiaconum. { Can. 75. cau. 12. qu. 2. vix varius in diversis exemplaribus.

Ex epist. ad Montanum & Thomanum. { Can. 68. cau. 12. qu. 2. ex integra epistola supplendus.  
Can. 15. cau. 25. qu. 1. Gratiani proposito parum accommodatus.

Ex epistola ad Theodorum Consiliarium. { Can. 67. cau. 12. qu. 2. consonat cum integris epistolæ exemplaribus.

Ex epistola ad Quertinum exprobratum. { Can. 8. dist. 88. incertæ auctoritatis, & alienus a proposito Gratiani.

Ex epist. ad omnes cives Romanos. { Can. 12. de cons. dist. 3. consonat cum integris exemplaribus.

### Sectio 3. de Epistolis ad Ravennates.

Ex epist. ad Castorium Notarium. { Can. 8. cau. 2. qu. 5. jungendus cum epistolis ad Marinianum Ravennatem.

Ex epist. ad Johannem Episcopum Ravennatem. { Can. 1. dist. 68. a Gratiani sententia alienus.  
Can. 22. dist. 93. jungendus cum can. 7. & 8. dist. 100.  
Can. 7. dist. 100. { jungendi cum can. 22. dist. 93.  
Can. 8. dist. 100. {  
Can. 2. cau. 16. qu. 1. jungendus cum can. 26. cau. 18. qu. 2.  
Can. 26. cau. 18. qu. 2. jungendus cum can. 2. cau. 16. qu. 1.  
Can. 1. cau. 33. qu. 1. est potius Rhabani epist. ad Heribaldum.  
Can. 2. cau. 33. qu. 1. pertinet potius ad Capitularia Francorum.

Ex epistola ad Johannem Subdiaconum. { Can. 10. dist. 63. conferendus cum can. 33. cau. 24. qu. 1.  
Can. 3. cau. 16. qu. 5. ex integra epistola supplendus.

Ex epistola ad Marinianum Episcopum. { Can. 11. dist. 50. consonat cum integris epistolae exemplaribus.  
Can. 1. dist. 58. jungendus cum can. 28. cau. 18. qu. 2.  
Can. 9. cau. 2. qu. 5. jungendus cum can. 8. cau. 2. qu. 5.  
Can. 2. cau. 5. qu. 1. ex integris exemplaribus emendandus.  
Can. 13. cau. 7. qu. 1. paullo varius in diversis codicibus.  
Can. 3. cau. 12. qu. 5. paullo varius in diversis exemplaribus.  
Can. 37. cau. 16. qu. 1. jungendus cum can. 27. cau. 18. qu. 2.  
Can. 27. cau. 18. qu. 2. jungendus cum can. 37. cau. 16. qu. 1.  
Can. 28. cau. 18. qu. 2. jungendus cum can. 11. dist. 50.

Ex epistola ad Secundum. { Can. 6. dist. 86. eum integris epistolae codicibus consonat.

### Sectio 4. de epistolis per Samnium directis.

Ex epistola ad Barbarum Beneventanum. { Can. 16. dist. 61. ad integram epistolam exigendus.

### Sectio 5. de epistolis directis per Latium, & Campaniam.

Ex epistola ad Agnellum Episcop. Terracinae. { Can. 5. cau. 21. qu. 1. { Simul jungendi, & ex integra epistola supplendi.  
Can. 6. cau. 21. qu. 1. {

Ex



Ex epist. ad Anthemi-  
um Subdiacono-  
um Campaniz.

- Can. 1. dist. 84. ex integra epistola supplendus.  
Can. 2. dist. 84. ex integra epistola supplendus.  
Can. 2. dist. 89. conferendus cum can. 1. dist. 84.  
Can. 20. cau. 7. qu. 1. ex integra epistola supplendus.  
Can. 32. cau. 16. qu. 1. jungendus cum can. 39. cau. 27. qu. 1.  
Can. 2. cau. 17. qu. 4. ex integra epistola supplendus.  
Can. 5. cau. 20. qu. 1. ex Gregoriani temporis adjunctis expli-  
candus.  
Can. 39. cau. 27. qu. 1. jungendus cum can. 32. cau. 16. qu. 1.

Ex epistola  
ad Benenarum  
Episcopum.

- Can. 11. dist. 61. minus accommodus proposito Gratiani.  
Can. 48. cau. 16. qu. 1. paulo varius in diversis exemplaribus.

Ex epist. ad Cle-  
mentinam Neapo-  
litanam.

- Can. 3. dist. 89. paulo varius in aliis codicibus.

Ex epist. ad For-  
tunatum Neapoli-  
tanum Episcopum.

- Can. 15. dist. 54. ex integra epistola supplendus.  
Can. 5. dist. 71. consonat cum integris epistolæ exemplaribus.  
Can. 6. cau. 19. qu. 3. conferendus cum can. 1. dist. 53.  
Can. 28. cau. 27. qu. 2. ex integra epistola supplendus.  
Can. 6. cau. 29. qu. 2. paulo varius in diversis exemplaribus.

Ex epist. ad Gau-  
dentium Nolanum  
Episcopum.

- Can. 19. dist. 61. paulo varius in diversis exemplaribus.

Ex epist. ad Go-  
discalcum Ducem  
Campaniz.

- Can. 67. cau. 11. qu. 3. ex integris exemplaribus emendandus.

Ex epist. ad Johan-  
nem Episcopum  
Velitranum.

- Can. 44. cau. 7. qu. 1. paulo varius in diversis exemplaribus.  
Can. 49. cau. 16. qu. 1. paulo varius in diversis exemplaribus.

Ex Epistola ad  
Clerum & Nobiles  
Neapolitanos.

- Can. 4. dist. 28.  
Can. 1. dist. 39.  
Can. 4. dist. 47.  
Can. 15. dist. 61.  
Can. 17. cau. 8. qu. 1.
- Amul jungendi, & ad integros epistolæ  
codices exigendi.

Ex epist. ad Milites  
Neapolitanos.

- Cau. 7. cau. 23. qu. 1. incerta auctoritatis.

Ex epist. ad Pa-  
schasium Episcop.  
Neapolitanum.

Can. 3. dist. 45. paullo varius in diversis codicibus.

## Sectio 6. de epistolis directis per Illyricum.

Ex epist. ad Anto-  
ninum Subdiaco-  
num in Dalmatia.

Can. 8. dist. 74. jungendus cum can. 40. cau. 7. qu. 1.  
Can. 1. cau. 8. qu. 2. paullo varius in diversis exemplaribus.  
Can. 64. cau. 11. qu. 3. ad integram epistolam exigendus.

Ex epist. ad Epi-  
scopos Epiri.

Can. 11. dist. 100. ex optimis codicibus emendandus.

Ex epist. ad Epi-  
scopos per Ella-  
diam.

Can. 117. cau. 1. qu. 1. consonat cum aliis Gregorii epistolis.

Ex epist. ad Johan-  
nem Episcopum  
Primæjustinianez.

Can. 9. dist. 63. { Simul jungendi, nec non cum can. 11.  
Can. 10. dist. 100. { dist. 100.  
Can. 44. cau. 2. qu. 7. ex integra epistola emendandus.

Ex epist. ad Johan-  
nem Episcopum  
Gorietii.

Can. 3. dist. 100. ex integra epistola emendandus.  
Can. 116. cau. 1. qu. 1. referendus ad canonem 3. dist. 100.  
Can. 6. cau. 2. qu. 3. { simul jungendi, & ex integra epi-  
Can. 7. cau. 2. qu. 3. { stola emendandi.

Ex epist. ad Johan-  
nem Episcopum  
Larissæum.

Can. 52. cau. 16. qu. 1. ad integram epistolam exigendus.  
Can. 13. cau. 25. qu. 1. referendus ad can. 52. cau. 16. qu. 1.

Ex epistola  
ad Maximum Sa-  
lonitanum.

Can. 9. dist. 12. ex integra epistola supplendus.  
Can. 1. cau. 6. qu. 5. ex integra epistola emendandus.  
Can. 1. cau. 9. qu. 1. ex integra epistola supplendus.

Ex epist. ad Na-  
talem Episcopum  
Salonitanum.

Can. 5. dist. 44. ex integra epistola emendandus.  
Can. 6. dist. 44. consonat cum integris epistolæ exemplaribus.  
Can. 2. dist. 74. consonat cum integris epistolæ exemplaribus.  
Can. 40. cau. 7. qu. 1. jungendus cum can. 5. dist. 44.  
Can. 15. cau. 24. qu. 3. jungendus cum can. 10. cau. 25. qu. 2.  
Can. 10. cau. 25. qu. 2. supplendus ex integris epistolæ exemplaribus.

Ex epist. ad om-  
nes Salonæ Confi-  
scentes.

Can. 2. dist. 93. { simul jungendi, ac referendi etiam ad  
Can. 2. cau. 1. qu. 6. { epistolas ad Maximum Salonita-  
num, de quibus supra.

Ex epist. ad Sabi-  
nium Episco-  
pum Jaderinum. { *Can. 3. dist. 50. ex integra epistola emendandus.*

## Sectio 7. de epistolis per Apuliam, & Calabriam directis.

Ex epistola  
ad Andream Ta-  
rentinum. { *Can. 7. dist. 33. conferendus cum epist. ad Johannem Callipolitanum.*

Ex epist. ad Ser-  
gium Defensorem  
Sipontinum. { *Can. 19. cau. 27. qu. 1. jungendus cum can. 18. cau. 27. qu. 1.*

Ex epist. ad Vitalia-  
num Episcopum  
Sipontinum. { *Can. 18. cau. 27. qu. 1. jungendus cum can. 19. cau. 27. qu. 1.*

## Sectio 8 de epistolis directis per Lucaniam, & Brutios.

Ex epist. ad Boni-  
facium Episcopum  
Regiensem. { *Can. 9. dist. 32. jungendus cum can. 1. dist. 28. & can. 1. dist. 31.  
Can. 49. cau. 12. qu. 2. consonat cum integris epistolæ exemplaribus.  
Can. 2. cau. 27. qu. 1. non pertinet ad epistolas Gregorii Magni.*

Ex epistola ad Fe-  
licem Episcopum  
de Acropoli. { *Can. 14. cau. 12. qu. 1. ex ipsa epistola supplendus.*

Ex epist. ad Johan-  
nem Episcopum  
Squillatinum. { *Can. 10. dist. 34. jungendus cum can. 3. dist. 98. & can. 42.  
cau. 7. qu. 1.  
Can. 3. dist. 98. jungendus cum can. 10. dist. 34. & can. 42.  
cau. 7. qu. 1.  
Can. 42. cau. 7. qu. 1. jungendus cum can. 10. dist. 34., &  
can. 3. dist. 98.  
Can. 41. cau. 17. qu. 4. ex integris exemplaribus emendandus.  
Can. 42. cau. 17. qu. 4. idem est cum §. ult. can. 5. cau. 18. qu. 2.*

Ex epist. ad Sabi-  
num Subdiaconum  
Regionarium. { *Can. 4. cau. 17. qu. 4. consonat cum integris epistolæ exemplaribus.*

## Sectio 9. de epistolis directis per Siciliam.

Ex epist. ad Cyprianum Diaconum. { *Can. 2. cau. 12. qu. 5. consonat cum integris epistolæ exemplaribus.*  
*Can. 8. cau. 19. qu. 3. parum aptus preposito Gratiani.*

Ex epist. ad Donum Messanensem Episcopum. { *Can. 14. cau. 12. qu. 2. { simul jungendi, & ex integra epistola supplendi.*  
*Can. 16. cau. 12. qu. 2. {*

Ex epist. ad Fantinum Defensorem. { *Can. 2. cau. 14. qu. 6. ex integra epistola emendandus.*  
*Can. 98. de cons. dist. 4. ex optimis codicibus emendandus.*

Ex epist. ad Felicem Episcopum Messanensem. { *Can. 4. cau. 25. qu. 2. apocryphus quidem, sed consonat cum aliis Gregorii sententiis.*  
*Can. 10. cau. 35. qu. 2. apocryphus, & ex integra epistola supplendus.*  
*Can. 2. cau. 35. qu. 8. apocryphus, & ad integros codices exigendus.*

Ex epist. ad Hadrianum Notarium Panormitanum. { *Can. 8. cau. 26. qu. 5. supplendus ex integra epistola.*  
*Can. 21. cau. 27. qu. 2. paullo varius in diversis exemplaribus.*

Ex epist. ad Johannem Episcopum Panormitanum. { *Can. 10. dist. 28. ex integris epistolæ exemplaribus emendandus.*  
*Can. 23. dist. 86. consonat cum integris epistolæ exemplaribus.*  
*Can. 2. cau. 15. qu. 7. idem est cum can. 23. dist. 86.*

Ex epist. ad Johannem Episcopum Syracusanum. { *Can. 4. dist. 22. ad integros epistolarum codices exigendus.*  
*Can. 6. dist. 74. paullo varius in aliis exemplaribus.*  
*Can. 21. dist. 93. paullo varius in diversis exemplaribus.*

Ex epist. ad Justinum Prætozem. { *Can. 6. cau. 2. qu. 5. paullo varius in diversis exemplaribus.*

Ex epist. ad Libertinum Præfatum. { *Can. 13. dist. 54. ex integra epistola supplendus.*

Ex epist. ad Leonem Episcopum Catanensem. { *Can. 2. dist. 32. ex integra epistola supplendus.*  
*Can. 63. cau. 16. qu. 1. consonat cum antiquis Gelasii Decretalibus.*  
*Can. 20. cau. 27. qu. 2. idem est cum can. 2. dist. 32.*

Ex epist. ad Maximum Episcopum Syracusanum. { *Can. 3. cau. 7. qu. 1. ex optimis exemplaribus emendandus.*  
*Can. 29. cau. 12. qu. 2.*  
*Can. 45. cau. 12. qu. 2. { simul jungendi, atque ad integros codices exigendi.*  
*Can. 38. cau. 16. qu. 1. {*  
*Can. 12. cau. 20. qu. 1. {*

Ex

- Ex epist. ad Preje-  
stem Illustrem Pa-  
normitanum. { *Can. 12. cau. 25. qu. 2. consonat cum can. 1. cau. 35. qu. 9.*
- Ex epist. ad Pe-  
trum Subdiacono-  
num. { *Can. 1. dist. 28. emendandus ex can. 1. dist. 31.*  
*Can. 1. dist. 31. consonat cum integris epistolæ exemplaribus.*  
*Can. 2. cau. 16. qu. 4. consonat cum recepta Justiniani disciplina.*  
*Can. 4. cau. 16. qu. 6. ex integris exemplaribus emendandus.*  
*Can. 5. cau. 16. qu. 6. ex integra epistola supplendus.*
- Ex epist. ad Roma-  
num Defensorem. { *Can. 25. dist. 81. ex integra epistola supplendus.*  
*Can. 4. dist. 88. ex optimis codicibus emendandus.*  
*Can. 39. cau. 11. qu. 1. jungendus cum can. 4. dist. 88.*  
*Can. 3. cau. 14. qu. 6. ex integra epistola supplendus.*
- Ex epist. ad Secun-  
dum. { *Can. 16. dist. 50. falso Gregorio tributus.*  
*Can. 24. dist. 50. apocryphus, & referendus ad can. 16. dist. 50.*  
*Can. 34. cau. 16. qu. 7. ex integra epistola supplendus.*  
*Can. 7. cau. 18. qu. 2. ex optimis exemplaribus emendandus.*
- Ex epist. ad Venan-  
tium ex monachum  
Syracusanum. { *Can. 4. dist. 43. emendandus ex vulgatis epistolæ exemplaribus.*  
*Can. 3. cau. 17. qu. 1. consonat cum vulgatis epistolæ exemplaribus.*
- Ex epist. ad Urbi-  
cum Abbatem. { *Can. 25. cau. 27. qu. 2. consonat cum optimis epistolæ exem-  
plaribus.*
- Ex epist. ad plures  
Siciliæ Episcopos. { *Can. 1. dist. 53. ad Gregoriani temporis causas exigendus.*  
*Can. 1. dist. 94. ex optimis codicibus emendandus.*  
*Can. 9. cau. 10. qu. 3. ex optimis codicibus emendandus.*
- Sectio 10. de epistolis directis per Tusciam, & Umbriam.
- Ex epist. ad Candi-  
dum Episcopum  
Urbevetanum. { *Can. 2. cau. 7. qu. 1. paullisper varius in diversis exemplaribus.*
- Ex epist. ad Johan-  
nem Episcopum  
Urbevetanum. { *Can. 13. cau. 16. qu. 1. ex integra epistola emendandus.*
- Ex epist. ad Valen-  
tinum Abbatem. { *Can. 20. cau. 18. qu. 2. consonat cum can. 103. & 104. de cons.  
dist. 4.*

Ex

Ex epist. ad Venan-  
tium Episcopum-  
Lunensem . { *Can. 10. dist. 50. ex duabus Gregorii epistolis compositus.*

### Sectio 11. de epistolis per Picenum directis .

Ex epist. ad Casto-  
rium Episcopum-  
Ariminensem . { *Can. 2. cau. 18. qu. 2. { Simul jungendi , atque ad inte-  
Can. 3. cau. 18. qu. 2. gros codices exigendi .  
Can. 6. cau. 18. qu. 2.*

Ex epist. ad Vale-  
rianum & Deme-  
rianum Clericos Fir-  
manos . { *Can. 15. cau. 12. qu. 2. cum integra epistola consonat .*

Ex epist. ad Johan-  
nem Episcopum-  
in vicinia Anconi-  
tana . { *Can. 1. dist. 85. ex integra epistola supplendus , atque emen-  
dandus .*

Ex epist. ad Passi-  
vum Episcopum-  
Firmanum . { *Can. 18. dist. 61. fere consonat cum integris epistolæ exemplaribus.*

### Sectio 12. de epistolis ad Mediolanenses scriptis .

Ex epist. ad Deo-  
dorum Episcopum . { *Can. 12. cau. 12. qu. 2. referendus ad can. 1. cau. 12. qui 5.  
Can. 1. cau. 12. qu. 5. ex integra epistola supplendus .*

Ex epist. ad Con-  
stantium Episco-  
pum . { *Can. 1. dist. 50. fere consonat cum optimis epistolæ exemplaribus.  
Can. 52. cau. 11. qu. 3. paullo varius in diversis exemplaribus .  
Can. 74. cau. 11. qu. 3. cum ipsa Gregorii epistola consonat .*

Ex epist. ad Ma-  
gnum Presbyte-  
rum . { *Can. 2. cau. 24. qu. 3. a Gratiani proposito alienus .*

Ex epist. ad Cle-  
rum Mediolanen-  
sem . { *Can. 2. cau. 8. qu. 2. cum integra Gregorii epistola consonat .  
Can. 6. cau. 9. qu. 1. ex integra epistola supplendus .*

## Sectio 13. de epistolis per Sardiniam directis.

- Ex epist. ad Januarium Calaritanum Episcopum.
- Can. 9. dist. 50. propemodum consonat cum optimis exemplaribus.
  - Can. 16. dist. 54. ex integris codicibus supplendus.
  - Can. 29. dist. 81. consonat cum integris epistolæ exemplaribus.
  - Can. 24. dist. 86. propemodum consonat cum integris exemplaribus.
  - Can. 5. dist. 89. ex integris exemplaribus emendandus.
  - Can. 1. dist. 95. ex optimis exemplaribus emendandus.
  - Can. 11. cau. 1. qu. 7. referendus ad canonem 24. dist. 86.
  - Can. 28. cau. 2. q. 7. ex optimis codicibus emendandus.
  - Can. 4. cau. 5. qu. 6. ex integris exemplaribus supplendus.
  - Can. 40. cau. 12. qu. 1. ad initium hujus epistolæ pertinet.
  - Can. 4. cau. 13. qu. 2. ex integra epistola emendandus.
  - Can. 12. cau. 13. qu. 2. ex integra epistola emendandus.
  - Can. 14. cau. 16. qu. 1. ex integra epistola supplendus.
  - Can. 7. cau. 19. qu. 3. jungendus cum can. 13. cau. 25. q. 2.
  - Can. 27. cau. 23. qu. 4. consonat cum optimis exemplaribus.
  - Can. 4. cau. 23. qu. 6. a Gratiani proposito alienus.
  - Can. 13. cau. 25. qu. 2. jungendus cum can. 7. cau. 19. qu. 3.
  - Can. 10. cau. 26. qu. 5. consonat cum sexti sæculi disciplina.
  - Can. 28. cau. 27. qu. 1. paullo varius in diversis codicibus.
  - Can. 29. cau. 27. qu. 1. ex integra epistola supplendus.
  - Can. 120. de cons. dist. 4. ex optimis codicibus emendandus.

- Ex epist. ad Innocentium, aliosque Episcopos.
- Can. 45. cau. 2. qu. 7. ex integra epistola emendandus.

- Ex epist. ad Venerium Episcopum Calaritanum.
- Can. 29. cau. 27. qu. 2. referendus ad can. 1. cau. 33. qu. 1.
  - Can. 1. cau. 35. qu. 10. Gregorio falso tributus.

- Ex epist. ad Vitalem Defensorem.
- Can. 19. cau. 18. qu. 2. ex optimis exemplaribus emendandus.

## Sectio 14. de epistolis directis per Corsicam.

- Ex epist. ad Bonifacium Defensorem.
- Can. 7. cau. 25. qu. 2. ex integra epistola emendandus.

- Ex epist. ad Petrum Episcopum.
- Can. 121. cau. 1. qu. 1. ex integris epistolæ exemplaribus emendandus.

Ex epist. ad Sim-  
machum Defenso-  
rem .

Can. 24. dist. 81. paullo varius in diversis exemplaribus .

## Sectio 15. de epistolis ad Gallicanos .

Ex epist. ad Are-  
gium Vapincen-  
sem .

Can. 10. dist. 23.  
Can. 5. dist. 100.

Consonant cum vulgatis epistolae exem-  
plaribus .

Ex epist. ad Bru-  
nichildem Regi-  
nam .

Can. 1. dist. 61. ex integra epistola supplendus .  
Can. 2. dist. 100. ad Gregoriani temporis adjuncta exigendus .  
Can. 7. cau. 2. qu. 5. partim Gregorio, partim recentiori Pon-  
tifici tribuendus .  
Can. 47. cau. 23. qu. 4. jungendus cum can. 2. dist. 100.

Ex epist. ad Con-  
stantiamReginam .

Can. 8. cau. 12. qu. 2.  
Can. 9. cau. 12. qu. 2.

Simul jungendi, ac tribuendi  
potius Gregorio V.

Ex epist. ad De-  
fiderium Episcop-  
um .

Can. 5. dist. 86. paullo varius in diversis Codicibus .

Ex epist. ad Ethe-  
rium Lugdunen-  
sem .

Can. 14. cau. 7. qu. 1. ex optimis codicibus emendandus .

Ex epist. ad Sere-  
num Massiliensem  
Episcopum .

Can. 27. de cons. dist. 3. consonat cum integra epistola .

Ex epist. ad Sya-  
rium Episcopum  
Augustodunensem .

Can. 7. dist. 17. ad integram epistolam exigendus .  
Cau. 7. dist. 47. jungendus cum can. 2. cau. 1. qu. 1.  
Cau. 2. dist. 48. ex integra epistola emendandus .  
Can. 3. dist. 59. ex integris exemplaribus emendandus .  
Can. 5. dist. 83. paullo varius in diversis codicibus .  
Can. 9. dist. 100. jungendus cum can. 7. dist. 17.  
Can. 2. cau. 1. qu. 1. jungendus cum can. 7. dist. 47.  
Can. 4. cau. 1. qu. 1. referendus ad can. 13. cau. 1. qu. 1.  
Can. 5. cau. 1. qu. 1. non verbis, sed sententiis Gregorii consonat.  
Can. 13. cau. 1. qu. 1. paullo varius in diversis exemplaribus .  
Can. 27. cau. 1. qu. 1. jungendus cum can. 7. cau. 14. qu. 5.  
Can. 3. cau. 1. qu. 6. paullo varius in diversis exemplaribus .  
Can. 7. cau. 14. qu. 5. referendus ad canonem 27. cau. 1. qu. 1.

Ex



Ex epist. ad Theodoricum, & Theodebertum Reges. {  
*Can. 20. cau. 1. qu. 1. consonat cum integris epistolæ exemplaribus.*  
*Can. 28. cau. 1. qu. 1. ex integra epistola emendandus.*

Ex epist. ad Virgilium Episcopum Arelatensem. {  
*Can. 2. dist. 49. ex integra epistola emendandus.*  
*Can. 6. dist. 100. ex integra epistola supplendus.*  
*Can. 59. cau. 2. qu. 7. ex optimis codicibus emendandus.*  
*Can. 9. cau. 25. qu. 2. ex integris epistolæ exemplaribus emendandus.*

Ex epist. ad omnes Episcopos Galliarum. {  
*Can. 7. dist. 89. ex optimis codicibus emendandus.*  
*Can. 2. cau. 1. qu. 3. apocryphus, sed Gregorii sententiis conformis.*  
*Can. 16. cau. 35. qu. 2. pertinet ad Capitularia Francorum.*

### Sectio 16. de epistolis ad Hispanos.

Ex epist. ad omnes Hispaniz Episcopos. {  
*Can. 1. cau. 1. qu. 3. apocryphus, sed sententiis Gregorii consonat.*  
 Ex epistola ad Johannem Defensorem. {  
*Can. 7. cau. 2. qu. 1. { simul jungendi, dabitur fides,*  
*Can. 38. cau. 11. qu. 1. { atque ex optimis codicibus*  
*Can. 3. cau. 16. qu. 6. { emendandi.*

Ex epistola ad Leandrum Episcopum Hispalensem. {  
*Can. 80. de cons. dist. 4. ex optimis codicibus emendandus.*

Ex epist. ad Recaredum Regem. {  
*Can. 48. cau. 7. qu. 1. jungendus cum can. 11. cau. 14. qu. 5.*  
*Can. 11. cau. 14. qu. 5. ex integris exemplaribus emendandus.*

### Sectio 17. de epistolis in Angliam missis.

Ex epistola ad Augustinum Episcopum. {  
*Can. 6. dist. 4. apocryphus, nec ad hanc, ex qua laudatur, epistolam pertinet.*  
*Can. 1. dist. 5. { simul jungendi, & ex integra epistola emen-*  
*Can. 2. dist. 5. { dandi.*  
*Can. 3. dist. 5. paullo varius in diversis exemplaribus.*  
*Can. 4. dist. 5. consonat cum integris epistolæ exemplaribus.*  
*Can. 1. dist. 6. { simul jungendi, atque ex integra epistola*  
*Can. 2. dist. 6. { emendandi.*  
*Can. 10. dist. 12. consonat cum sententiis Ambrosii.*  
*Can. 3. dist. 32. idem est cum can. 8. cau. 12. qu. 1.*  
*Can. 6. dist. 80. ex integris epistolæ exemplaribus supplendus.*

- Can. 1. cau. 6. qu. 3. jungendus cum can. 3. cau. 25. qu. 2.*  
*Can. 8. cau. 12. qu. 1. jungendus cum can. 30. cau. 12. qu. 2.*  
*Can. 11. cau. 12. qu. 2. adversari videtur aliis Gratiani monumentis.*  
*Can. 30. cau. 12. qu. 2. consonat cum sententiis Gelasi Papæ.*  
*Can. 2. cau. 20. qu. 1. potius Gregorio III. tribuendus.*  
*Can. 3. cau. 25. qu. 2. jungendus cum can. 1. cau. 6. qu. 3.*  
*Can. 7. cau. 33. qu. 4. paullo varius in diversis exemplaribus.*  
*Can. 20. cau. 35. qu. 2. jungendus cum can. 2. cau. 35. qu. 8.*

## Sectio 18. de epistolis ad Afros.

Ex epistola ad  
Episcopos Con-  
cili Bizaceni.

*Can. 46. cau. 2. qu. 7. ex integra epistola emendandus.*

Ex epistola ad  
Columbum Epi-  
scopum Numidiz.

*Can. 7. dist. 56. consonat cum integris epistolæ exemplaribus.*  
*Can. 120. cau. 1. qu. 1. consonat cum integris epistolæ exem-  
plaribus.*

Ex epistola ad  
Dominicum Car-  
thaginensem.

*Can. 8. cau. 25. qu. 2. paullo varius in diversis codicibus.*

Ex epistola ad  
Gennadium Patri-  
cium, & Exar-  
chum.

*Can. 48. cau. 23. qu. 4. ex optimis codicibus emendandus.*  
*Can. 49. cau. 23. qu. 4. ex optimis codicibus emendandus.*

Ex epistola ad  
Episcopos Numi-  
diz.

*Can. 8. dist. 12. paullo varius in diversis exemplaribus.*

Ex epistola ad  
Adeodatum Epi-  
scopum Numidiz.

*Can. 119. cau. 1. qu. 1. paullo varius in diversis codicibus.*

## Sectio 19. de epistolis ad Constantinopolitanos directis.

Ex epistola ad  
Anatolium Diaconum.

*Can. 1. cau. 7. qu. 1. adhuc ex integra epistola emendandus.*

Ex epistola ad  
Cýriacum Episco-  
pum Constantino-  
politianum.

*Can. 10. dist. 40. consonat cum integris epistolæ exemplaribus.*  
*Can. 9. cau. 8. qu. 1. paulo varius in diversis codicibus.*

Ex epistola ad  
Domitianum Epi-  
scopum Melitinæ.

*Can. 3. cau. 2. qu. 1. ex optimis codicibus emendandus.*

Ex epistola ad  
Eliam Presbyte-  
rum, & Abba-  
tem Isauriz.

*Can. 122. cau. 1. qu. 1. ex optimis codicibus emendandus.*

Ex epistola ad  
Johannem Episco-  
pum Constantino-  
politianum.

*Can. 2. dist. 15. supplendus ex integris epistolæ exemplaribus.*  
*Can. 6. dist. 41. paulo varius in diversis codicibus.*  
*Can. 1. dist. 45. ex integra epistola illustrandus.*  
*Can. 93. cau. 1. qu. 1. paulo varius in diversis codicibus.*

Ex epistola ad  
Quiricum, aliof-  
que in Hiberia  
Episcopos.

*Can. 44. de conf. dist. 4. ex integris exemplaribus emendandus.*  
*Can. 84. de conf. dist. 4. jungendus cum can. 44. eadem dist. 4.*

Ex epistola ad  
Sabinianum Dia-  
conum, & Apo-  
crisarium.

*Can. 20. cau. 23. qu. 8. dubiæ auctoritatis.*

Ex epistola ad  
Mauritium Impe-  
ratorem.

*Can. 41. cau. 11. qu. 1. paulo varius in diversis exemplaribus.*  
*Can. 11. cau. 27. qu. 2. falso tributus Gregorio.*

Ex epistola ad  
Constantinam Au-  
gustam.

*Can. 24. dist. 63. { simul jungendi, & ex integris codicibus*  
*Can. 6. cau. 21. qu. 5. { emendandi.*  
*Can. 8. cau. 12. qu. 2. ex variis monumentis contextus.*

Ex epistola ad  
Theotistam Patri-  
tiam.

*Can. 40. cau. 2. qu. 1. ex integra epistola supplendus.*  
*Can. 11. cau. 6. qu. 1. ex integra epistola supplendus.*  
*Can. 19. cau. 27. qu. 2. ex optimis exemplaribus emendandus.*  
*Can. 6. §. 1. de pœnit. dist. 3. ex optimis exemplaribus emendandus.*

Sectio 20. de epistolis directis Alexandriam, Antiochiam,  
& Jerusalem.

Ex epistola ad  
Eulogium Episcopum Alexandrinū. { *Can. 5. dist. 99. ex adjunctis Gregoriani temporis interpretandus.*

Ex epistola ad  
Anastasium Episcopum Antiochenum. { *Can. 26. cau. 1. qu. 1. ex integra epistola supplendus.*

Ex epistola ad  
Anastasium Presbyterum Jerosolymitanum. { *Can. 4. dist. 40. ex integra epistola supplendus.*

Ex epistola ad  
Palladium Presbyterum de Monte Syna. { *Can. 55. cau. 11. qu. 3. ex optimis codicibus emendandus.*

Sectio 21. de aliis canonibus ex Regesto Gregorii  
laudatis.

{ *Can. 9. cau. 1. qu. 7. falso tributus Gregorio Papæ.*  
*Can. 9. cau. 5. qu. 6. referendus potius ad monumenta Johannis Diaconi.*  
*Can. 3. cau. 1. qu. 1. recentioris Collectoris manu editus juxta sententias Gregorii.*  
*Can. 115. cau. 1. qu. 1. ad alia Gregorii I., vel Gregorii VII. monumenta exigendus.*  
*Can. 63. cau. 11. qu. 3. pertinet potius ad epistolas Simplicii.*  
*Can. 1. cau. 35. qu. 8. falso tributus Gregorio.*  
*Can. 39. cau. 16. qu. 1. ad integram Gregorii epistolam exigendus.*

Sectio 22. de canonibus sub nomine Decreti Gregoriani  
laudatis.

Ad Episcopos omnes. { *Can. 1. dist. 89. referendus ad monumenta Johannis Diaconi.*  
*Can. 11. cau. 2. qu. 6. pertinet potius ad Gregorium IV.*  
*Can. 5. cau. 18. qu. 2. saculo XI. aut XII. confusus.*

In Concilio Generali.

- Can. 23. dist. 34. multo aliter legitur in aliis exemplaribus.  
 Can. 2. dist. 92. dubia apud aliquos auctoritatis.  
 Can. 4. cau. 1. qu. 2. consonat cum aliis Gregorii monumentis.  
 Can. 58. cau. 2. qu. 7. consonat cum aliis Gregorii monumentis.  
 Can. 1. cau. 16. qu. 6. ex adiunctis Gregorianis temporis interpretandus.

In Concilio Meldenfi.

- Can. 1. cau. 35. qu. 2. falso tributus Gregorio Magno.

## Sectio 23. de Capitibus ex libris Moraliū , seu Commentariorum in Job.

- Can. 2. dist. 13. ex integris codicibus supplendus, atque emendandus.  
 Can. 13. dist. 38. ex integra Gregorii epistola supplendus.  
 Can. 9. dist. 45. ex integris codicibus emendandus.  
 Can. 14. dist. 45. consonat cum integris codicibus.  
 Can. 1. dist. 46. ex integris codicibus supplendus.  
 Can. 2. dist. 46. consonat cum integris codicibus.  
 Can. 3. dist. 47. paullo varius in diversis exemplaribus.  
 Can. 18. dist. 50. Grastani preposito minime accommodatus.  
 Can. 9. cau. 1. qu. 4. consonat cum integris codicibus.  
 Can. 3. cau. 3. qu. 7. ex optimis codicibus emendandus.  
 Can. 5. cau. 3. qu. 7. ex variis Gregorii monumentis compositus.  
 Can. 10. cau. 8. qu. 1. ( simul jungendi, atque ex optimis  
 Can. 99. cau. 11. qu. 3. ( codicibus emendandi.  
 Can. 10. cau. 22. qu. 2. ex integris Gregorii codicibus supplendus, atque emendandus.  
 Can. 19. cau. 22. qu. 2. ( simul jungendi, atque ex optimis  
 Can. 20. cau. 22. qu. 2. ( codicibus emendandi.  
 Can. 11. cau. 22. qu. 5. recentiore interpretum manu corruptus.  
 Can. 22. cau. 24. qu. 1. paullo aliter in optimis codicibus descriptus.  
 Can. 12. cau. 24. qu. 3. ex integris codicibus emendandus.  
 Can. 13. cau. 32. qu. 4. consonat cum optimis exemplaribus.  
 Can. 13. cau. 32. qu. 5. paullo varius in diversis exemplaribus.  
 Can. 82. de pœn. dist. 1. ex integris exemplaribus emendandus.  
 Can. 4. de pœn. dist. 2. ex optimis exemplaribus emendandus.  
 Can. 22. de pœn. dist. 2. cum integris codicibus consonat.  
 Can. 23. de pœn. dist. 2. ex optimis exemplaribus emendandus.  
 Can. 43. de pœn. dist. 2. summam continet canonis 44. sequentis.  
 Can. 44. de pœn. dist. 2. ex integris codicibus supplendus, atque emendandus.  
 Can. 45. de pœn. dist. 2. ex integris codicibus emendandus.

Can.

- Can. 17. de pæn. dist. 3. consonat cum integris exemplaribus.  
 Can. 13. de pæn. dist. 4. ex integris exemplaribus emendandus.  
 Can. 5. de conf. dist. 4. consonat cum integris exemplaribus.  
 Can. 22. de conf. dist. 5. consonat cum integris exemplaribus.

## Sectio 24. de Capitulis ex libris Homiliarum depromptis.

Ex homiliis in  
Ezechielem.

- Can. 17. dist. 50. Gratiani proposito perperam accommodatus.  
 Can. 4. cau. 17. qu. 1. ad integros codices exigendus.  
 Can. 9. de pæn. dist. 2. ex integris codicibus emendandus.  
 Can. 10. de pæn. dist. 2. { simul jungendi, atque ex integris codi-  
 bus emendandi.  
 Can. 11. de pæn. dist. 2. {  
 Can. 15. de pæn. dist. 2. ex integris codicibus emendandus.  
 Can. 29. de pæn. dist. 3. ex integris codicibus emendandus.  
 Can. 40. de pæn. dist. 3. ex integris codicibus emendandus.  
 Can. 16. de pæn. dist. 4. { consonant cum integris exempla-  
 ribus.  
 Can. 17. de pæn. dist. 4. {

Ex homiliis in  
Evangelia.

- Can. 15. dist. 45. ex optimis codicibus emendandus.  
 Can. 53. dist. 50. ex optimis codicibus emendandus.  
 Can. 114. cau. 1. qu. 1. consonat cum integris exemplaribus.  
 Can. 10. cau. 1. qu. 3. ex optimis exemplaribus emendandus.  
 Can. 1. cau. 11. qu. 3. ex optimis exemplaribus emendandus.  
 Can. 60. cau. 11. qu. 3. { simul jungendi, item ex optimis  
 Can. 61. cau. 11. qu. 3. { exemplaribus supplendi, atque  
 Can. 62. cau. 11. qu. 3. { emendandi.  
 Can. 88. cau. 11. qu. 3. {  
 Can. 15. cau. 23. qu. 4. ex integris codicibus emendandus.  
 Can. 16. cau. 23. qu. 4. ex integris codicibus emendandus.  
 Can. 28. cau. 23. qu. 4. referendus ad canones 1. 60. 61. 62.  
 & 88. cau. 11. qu. 3.  
 Can. 45. cau. 27. qu. 2. consonat cum integris exemplaribus.  
 Can. 10. cau. 32. qu. 1. fere consonat cum integris exempla-  
 ribus.  
 Can. 6. de pæn. dist. 3. consonat cum integris exemplaribus.  
 Can. 47. de pæn. dist. 3. ad integros Gregorii codices exigendus.  
 Can. 7. de pæn. dist. 5. ex integris codicibus supplendus.  
 Can. 7. cau. 36. qu. 2. referendus ad canonem 10. cau. 32. qu. 1.  
 Can. 34. de conf. dist. 2. pertinet potius ad Lanfrancum.  
 Can. 73. princ. de conf. dist. 2. consonat cum integris exemplaribus.  
 Can. 67. de conf. dist. 4. jungi potest cum can. 10. cau. 32. qu. 1.  
 Can. 16. de conf. dist. 5. ex integris Gregoris codicibus emendandus.

## Sectio 25. de libro Pastoralis.

- |                           |   |   |   |
|---------------------------|---|---|---|
| {                         | Can. 10. dist. 38. ex integris codicibus emendandus.      |   |   |
|                           | Can. 1. dist. 43. paullo varius in diversis codicibus.    |   |   |
|                           | Can. 1. dist. 49. paullo varius in diversis codicibus.    |   |   |
|                           | Can. 2. dist. 83. referendus ad can. 32. cau. 2. qu. 7.   |   |   |
|                           | Can. 57. cau. 2. qu. 7. ex integris codicibus emendandus. |   |   |
|                           | Can. 13. de pæn. dist. 3.                                 | { |   |
|                           | Can. 14. de pæn. dist. 3.                                 |   | simul jungendi, ex integris exemplaribus supplendi, atque ex aliis monumentis explicandi. |
|                           | Can. 15. de pæn. dist. 3.                                 |   |   |
| Can. 16. de pæn. dist. 3. |   |   |   |

## Sectio 26. de libro Dialogorum.

Incertæ omnes  
auctoritatis.

- |   |   |
|---|---|
| { | Can. 4. dist. 25. paullo varius in diversis exemplaribus.   |
|   | Can. 18. dist. 32. parum accommodatus proposito Gratiani.   |
|   | Can. 72. cau. 1. qu. 1. exigendus ad canonem 42. cau. 24. qu. 1.  |
|   | Can. 49. cau. 7. qu. 1. ex integris codicibus supplendus.   |
|   | Can. 17. cau. 13. qu. 2. consonat cum sententiis S. Augustini.  |
|   | Can. 21. cau. 23. qu. 4. fere consonat cum integris exemplaribus.   |
|   | Can. 16. cau. 23. qu. 8. fere consonat cum integris exemplaribus.   |
|   | Can. 42. cau. 24. qu. 1. idem propemodum est cum can. 72. cau. 1. qu. 1.                                  |
|   | Can. 60. de pæn. dist. 1. fere consonat cum integris exemplaribus.  |
|   | Can. 2. de pæn. dist. 4. ex integris codicibus emendandus.  |
|   | Can. 22. de conf. dist. 1. consonat cum aliis Gregorii monumentis.  |
|   | Can. 73. vers. hæc salutaris de conf. dist. 2. partim ex Dialogorum, partim ex Alcuini libris compositus. |

## Sectio ultima: de ceteris Capitibus Gregorii nomine relatis.

- |  |   |
|--|---|
| {  | Can. 4. dist. 17. est potius Pelagii I.   |
|  | Can. 2. dist. 29. pertinet potius ad Gregorium VII.                               |
|  | Can. 2. dist. 33. referendus ad librum de Ecclesiast. dogmat. Augustino tributum. |
|  | Can. 3. dist. 40. consonat aliis Gregorii monumentis.                             |
|  | Can. 11. dist. 40. ad integras Gregorii sententias exigendus.                     |
|  | Can. 29. dist. 63. pertinet potius ad Pontificalem Librum Anastasi.               |
| Can. 23. dist. 81. referendus ad Romanam Synodum sub Zacharia. |   |

Tom. III.

C

Can.

- Can. 12. cau. 1. qu. 1. referendus potius ad Paschalem II.*  
*Can. 84. cau. 1. qu. 1. ex variis plurium Patrum fragmentis compositus.*  
*Can. 89. cau. 1. qu. 1. potius ad Augustini sententias exigendus.*  
*Can. 11. cau. 1. qu. 4. potius pertinet ad Alexandrum II.*  
*Can. 42. cau. 2. qu. 7. potius pertinet ad Gregorium IV.*  
*Can. 43. cau. 2. qu. 7. referendus ad canonem 44. cau. 2. qu. 7.*  
*Can. 2. cau. 5. qu. 6. referendus ad canonem 3. cau. 5. qu. 6.*  
*Can. 20. cau. 11. qu. 1. potius Pelagio I. tribuendus.*  
*Can. 66. cau. 11. qu. 3. pertinet potius ad Isidorum Hispalensem.*  
*Can. 70. cau. 11. qu. 3. ad varias Gregorii sententias exigendus.*  
*Can. 78. cau. 11. qu. 3. pertinet potius ad Isidorum Hispalensem.*  
*Can. 3. vers. totor cau. 13. qu. 2. ad Gregorii dialogos referendus.*  
*Can. 3. cau. 15. qu. 6. potius pertinere videtur ad Gregorium VII.*  
*Can. 23. cau. 16. qu. 1. { apocryphi, atque ad canones Con-*  
*Can. 24. cau. 16. qu. 1. { cilio Nemausensis exigendi.*  
*Can. 35. cau. 16. qu. 7. pertinet ad Capitularia Francorum.*  
*Can. 1. cau. 23. qu. 1. est potius Origenis.*  
*Can. 7. cau. 23. qu. 5. exigendus ad canonem 3. cau. 14. qu. 6.*  
*Can. 22. cau. 24. qu. 3. exigendus ad canones Concilii Trosle-*  
*Can. 15. cau. 27. qu. 1. exigendus ad epistolam Gregorii ad Ma-*  
*Can. 14. cau. 27. qu. 2. perperam tributus Gregorio.*  
*Can. 2. cau. 28. qu. 2. ad Commentaria Ambrosii tributa exi-*  
*Can. 22. cau. 32. qu. 7. falso tributus Gregorio.*  
*Can. 2. de pæn. dist. 6. recentiori auctori tribuendus.*  
*Cau. 3. cau. 35. qu. 5. recentiori auctori tribuendus.*  
*Can. 1. cau. 35. qu. 9. referendus ad canonem. 12. cau. 25. q. 2.*  
*Can. 4. cau. 35. qu. 9. tribuendus est Nicolao I.*  
*Can. 17. de cons. dist. 1. referendus ad epistolam Felici IV.*  
*tributam.*  
*Can. 23. de cons. dist. 1. falso tributus Gregorio.*

**Q**UO tempore in pejus ruebant res Italix instantibus Longobardis prope finem sexti sæculi, sive anno 590. Maximum Pontificatum gessit Gregorius cognomento Magnus, vir æque illustris sanctitate morum, atque ad res publicas summa prudentia, ac vigilantia administrandas idoneus, longoque usu instructus. Eximix pietatis, atque in Deum religionis, ita dixerim, fundamenta jecerat apud Monachos, qui dudum Sancto Benedicto institutore in Occidentali- bus Provinciis vitæ optimæ rationem profitebantur: nimirum Gregorius mona- sticæ vitæ addictus illam adeo coluit, ut aliis dein auctor extiterit nova mona- steria erigendo, quæ etiam & beneficiis auxit, & gratia sua munivit. Illinc vero ad graviora negotia vocatus Apocryfarii munere fungi cœpit apud Imperatorem  
in



in urbe Constantinopolitana, ubi sane quid optimi regiminis, quid Ecclesiasticæ prudentiæ ratio exigeret ea ætate, diu addiscere potuit, quamobrem post Pelagium II. dignus habitus est Pontificatu Maximo, universo suffragante Romano Populo, ipso etiam consentiente Imperatore. Imperium tunc regebat Mauritius, cui deinde successit Phocas adhuc vivente Gregorio: Quum tamen in Orientem plurimum laboraret Imperator, ut Persarum irruptionem impetus cohereret, indefensam propemodum Italiam Barbarorum incursionibus reliquerat. Eam ob rem nihil Imperatori grarius esse potuit, quam ut electus Gregorius esset in Romanum Antistitem, cui ipse tamquam sibi necessitudine juncto publica Imperii negotia committeret in Italia, quemadmodum revera, & Imperii incolumitatem, & salutem Italicæ universæ commisit, uti constat ex epistolis Gregorii numero plurimis. Id sane quodammodo invitum se fuisse exequutum Gregorius ipse testatur, probe noscens, quantum ex sæcularibus totius Imperii Occidentalis curis detrahi posset Ecclesiasticis utilitatibus, quibus tamen licuti ipse non desuit, ita in ceteris sese solertissimum, optimum æque Principem, ac Pontificem exhibuit, ut & necessitati rerum, & populi morore confecti desiderio, & expectationi Mauriti Augusti abunde satisfecisset. Id voluit Sanctus Pontifex in epist. ad Theodistam Imperatoris Sororem lib. 1. epist. 5. ita scribens: *Sub colore Episcopatus ad sæculum sum reductus. Tantis terræ curis inservio, quantis me in vita laica nequaquam deservisse reminiscor.* Et infra: *Ecce serenissimus dominus Imperator fieri simiam leonem jussit, & quidem pro jussione illius vocari leo potest, fieri autem leo non potest.* Unde necesse est, omnes culpas, ac negligentias meas non mihi, sed suæ pietati deputer, qui virtutis ministerium infirmo commisit. Item in epist. 25. lib. 1. ad Johannem Constantinopolitanum, atque alios majores Orientis Episcopos ait: *Suscipio itaque pastoralis curæ onere cum cuncta hæc, atque alia hujusmodi multa, considero, videor, quod esse non possum, maxime quia in hoc loco quisquis pastor dicitur, curis exterioribus graviter occupatur, ita ut sæpe incertum fiat, utrum Pastoris officium, an terreni Proceris agat.* Idipsum conqueritur in homil. 17. in evangelia, ibi: *Est & aliud, Fratres charissimi, quod me de vita Pastorum vehementer affligit, sed ne cui hoc injuriosum videatur fortasse, quod assero, me quoque pariter accuso, quamvis barbarici temporis necessitate compulsus valde in his jaceo invitus.* Ad exteriora enim negotia delapsi sumus, & aliud ex honore suscipimus, atque aliud ex officio actionis exhibemus. Necessitas itaque publica ea ætate ita redegerat Ecclesiastica munera, ut civium incolumitati, Reipublicæ salutis Imperatore ipso enixe, rogante opera impenderetur. Quanti enim interfuisset hujusmodi præsidii uti, ipsemet Gregorius homil. 18., nunc 6. in Ezechielem his verbis describit: *ubi que laudis aspicimus, ubique gemitus audimus, destructæ urbes, everfa sunt castra, depopulati agri, in solitudinem terra redacta est.* Nullus in agris incola, pene nullus in urbibus habitator remansit, & tamen ipsæ parvæ generis humani reliquæ adhuc quotidie, & sine cessatione seruntur. . . . Alios in captivitatem duci, alios detruncari, alios interfici videmus. . . . ipsa autem, quæ aliquando mundi domina esse videbatur, qualis remanserit Roma, conspiciamus. Immenfis doloribus multipliciter adtrita desolatione civium, impressione hostium, frequentia ruinarum &c. Facit ad hanc ipsam rem epist. 3. lib. 1., epist. 49., alias 47. ejusdem libri, epistola ad Constantiam Augustam lib. 4. num. 34. Hæc ideo paullo fufius persequutus sum, ut facilius ea traderentur, ac perciperentur, quæ infra de sollicita Gregorii cura observa-

buntur, neve fortassis mirum alicui videatur, si aliquando Gregorium animadverterit res fortasse bellicas, publicaue imperii negotia pertractantem, quæ invitus ipse, & nonnisi publica exigente necessitate suscepisse professus est.

Jam vero antequam Gregorii Magni monumenta recenseam, in primis dicam, eadem perpetuo in Ecclesia fuisse receptissima, quemadmodum & ipse Gratianus maximi fecit, qui innumera propemodum capita ex illius libris excepit. Quamobrem in iis enumerandis hunc ordinem mihi proposui, ut priorem locum epistolis darem, utpote quæ uberiores Gratiani decreto materiem suppeditaverint; deinde ea expenderem, quæ in Conciliis ipse designasse dicitur, hinc progredere ad libros Commentariorum in sacras literas, post quos expenderem librum Pastoralem, ac librum Dialogorum, tandem vero subjicerem cetera, quæ Gregorio ipsi per Gratianum tributa fuerunt.

Utque ab epistolis Gregorianis exordiar, illæ in libros plures sunt distributæ, quos *Regesti* nomine adpellant, significatione sumta a verbo *regerere*, quod significat in codicem referre, eadem ratione, qua hodie, quæ in codices publicos referuntur, corrupto vocabulo *registrari*, ipsosque codices *registra* dicimus. Sic Gregorius Turonensis hac voce usus est in lib. 10. historiz cap. 19. ibi: *Scripta enim ista in Regesto Chilperici Regis in uno scriniorum pariter sunt reperta*. Istud autem Gregorii Regestum in plures libros distributum designatur indictionibus unicuique epistolæ convenientibus, ita ut suis unicuique epistolæ annus accommodetur, quamquam tamen viri in eo plurimum versati maxime se elaborasse profiteantur propter codicum varietatem, ut illius restitutionem curarent. Epistolas istas restituere conatus olim fuerat Petrus Guffanvillæus, adnotationibus illustravit Dadinus Altaferri, recentius perficere opus visi sunt Monachi Maurini, quorum adnotationes optimas huc advocare non pigebit, quoties id opportunum fiet in fragmentis Gratiani. In recensendis Gregorii epistolis ego non utar vulgata codicum methodo, neque singulas per temporis ordinem percurram. Geographicum potius ordinem mihi sequendum proposui, ut perspicue magis observarentur, quæ pro varietate locorum Pontifex optimus præstituit; neque enim hanc rationem ad germanam canonum interpretationem minus accommodatam censeo, ne huc illuc per varias provinciarum disciplinas, ac consuetudines ire, redire, uno fere contextu videar, præsertim vero quod multæ diversis annis in eandem Provinciam, & ad eosdem, eisdem etiam de causis scriptæ fuerint, quas incongruum sane est pro servanda temporum ratione sejungere. Porro ex his, quæ sequuntur, primo quisquam obtutu observabit, Gregorium maximam Ecclesiarum ferme omnium sollicitudinem habuisse, & quidem non solum ob Pontificis Maximi officium, quod egregie gerit, sed etiam quod ea ætate bellorum injuria turbata maxime erat Episcoporum non tam inferiorum, quam majorum jurisdictio, ac potestas.

## S E C T I O I.

De epistolis Italiam universam spectantibus.

De epistolis ad Mauricium, & Vitalianum, & Velocem  
Magistros Militum.

Huc revocanda sunt, quæ superius generatim de Gregorio præfabar, nimirum eundem in gravissima periclitantis Reipublicæ necessitate curam aliquando gessisse bellicarum rerum, Imperatore hanc Provinciam commendante. Id enim perspicue demonstrant epistolæ duæ, quarum prior ad Mauricium, & Vitalianum, posterior ad Velocem Magistros militum directæ est. Fateor quidem, priorem epistolam non omnino indubitatæ auctoritatis existere, quum Monachi Maurini observaverint, eam non in omnibus codicibus reperiri. Verum decet illa & Gregorianam vigilantiam, qua Suanensium fidem explorandam monet a Magistris militum Imperialium, ne forte contingeret, Romani Imperii hostes clanculum a Suanensibus auxilium obtinere. Nomina Mauririi, & Vitaliani fictitia non sunt, quum & Mauricius, & Vitalianus Magistros militum fuisse ex aliis Gregorii epistolis constet. Integra hæc epistola refertur in can. 18. cau. 23. qu. 8., ubi tamen pro illis verbis *cum quo & trahetis* legunt Maurini, *cum quo ut traheretis*. Pro illis mensis Junii legunt mensis Januarii; & pro illis quantum comperi hostis multitudinem habet collectam, & in Marchia dicitur residere, legunt: quantum comperi hostem collectum habet, & Narina dicitur residere. Paulli Diaconi codices habent: & Nardias dicitur residere. Nec sane alicui videri debet melior Gratiani scriptura; etenim ea loquendi formula, quæ usurpatur *hostem collectum habere*, congruit temporibus Gregorii; nam apud Scriptores mediæ ætatis nomen *hostis* exercitum significabat, quemadmodum demonstrat Cangius in Glossario, qui & hanc Gregorii sententiam aliis auctorum ejusdem temporis testimoniis illustrat. Præterea ubi Gratianus legit *sculpas*, nonnulli MSS. codices habent *sculeas*, & quidem, ut arbitror, rectius; sculcarum enim fit mentio in legibus Longobardorum tit. 15. §. 6. lib. 1. ibi: *Siquis in exercitu ambulare contemserit, aut in sculcam, det Regi, & Duci suo solidos 20*. De hujus vocabuli significatione non omnes conveniunt. Quidam putant sculeas esse exploratores, qui scilicet explorandi hostilis exercitus causa a Duce mittuntur. Alii intelligunt vassallorum officium, quo Principem suum belli causa iter habentem comitari tenentur.

Alteræ epistola, quam ad Velocem etiam Magistrum militum scriptam dixi, est numero tertia lib. 2. recentioris editionis. Illum Gregorius hortatur, ut Ariumphum Longobardorum Ducem insequatur, quoties ad Romanas, vel Ravennates regiones excurrere meditaretur. Epistolæ hujus fragmentum exhibetur in can. 17. cau. 23. qu. 8., ubi pro *Mauricio* legendum esse *Mauriolum* manuscripti codices cum editis recentioribus monent, quemadmodum etiam in principio canonis pro particula *ut*, legendum *&*. Cetera cum optimis exemplaribus consonant post Correctionem Romanam. Gratianus his fragmentis utitur, ut de-

Can. 18.  
cau. 23.  
qu. 8.Can. 17.  
cau. 23.  
qu. 8.

monstret, Sacerdotum officium eo etiam pertinere, ut horrentur ceteros ad arripienda arma *ad oppressorum defensionem, atque ad inimicorum Dei oppugnationem*, ut ipse scribit post canonem 6. eadem causa, & quaestione. Ceterum adnotare debuisse, Gregorium professum fuisse, se invitum quodammodo ad hanc peragenda fuisse compulsum, & quidem Imperatoris mandato, in illis demum temporum adjunctis, in quibus propemodum pereunti Italiz nullum subsidium superesse videbatur. Imo & si animum Gregorii exploremus, is sane fuit, ut pacis magis, quam belli instaurandi, etiam ubi de Longobardis ageretur, se auctorem ostenderet, imo & id conatus est, ubi de memorato Ariulpho sese occasio obtulit; quemadmodum manifeste liquet ex Gregorii epist. ad Severum Scholasticum Exarchum, olim 29. lib. 4., in recenti editione 36. lib. 5., cui adjungi possunt epistolæ 2. & 5. lib. 7. olim, nunc vero lib. 9. epist. 4. & 6. ad Januarium Calaritanum, item epistola ad Eusebium Thessalonicensem, quæ olim erat 6. indictionis 2., nunc in lib. 10. epist. 42.

## SECTIO II.

*De epistolis directis ad Cives Urbis Romæ.*

De epist. ad Gratosum Subdiaconum.

Can. 75. cau. 12. qu. 2. depromptus ex epistola ad Gratosum Romanæ Ecclesiæ Subdiaconum exhibet liberalem Gregorii voluntatem, quam erga monasteria, & Monachos sæpe, ac sæpius ostenderat. Quippe is fuit Gregorius, qui monasteria complura paternis ex facultatibus extruxerat, qui in monasteriis ipsis diu vixerat, qui tandem ubi Summum Pontificatum adeptus est, non dubitavit, quædam Romanæ Ecclesiæ prædia erigendo virginum monasterio concedere. Quæ apud Gratianum leguntur cum optimis epistolæ exemplaribus consonant, nisi quæpiam adnotanda arbitretur quædam levioris momenti, nam ubi Gratianus legit: *Campana quondam uxor Patritii . . . monasterium virginum . . . Et jam ipsa, quam &c.*, legunt Maurini: *Campana quondam Patritia . . . monasterium (omissa voce virginum) . . . ut tam ipsa, quam &c.*

De epist. ad Montanam, & Thomam.

Can. 68. cau. 12. qu. 2. Quum servorum manumissio pietatis officia spectet, Gregorius pientissimus Antistes duos ex Romanæ Ecclesiæ servis manumittere non dubitavit, Montanam nomine, & Thomam, ad quos epistolam dedit, quæ in vetere editione est numero 12. lib. 5. Illorum manumittendorum singulares etiam erant causæ: nam Montana monasticam amplecti vitam optabat, quod desiderium apud Gregorium rerum monasticarum maxime studiosum probatissimum erat; Thomam vero Gregorius idem suscipiendo Notarii Ecclesiastici muneris destinaverat. Hinc non solum libertate utrumque donavit, sed etiam peculio. Ex hac epistola deprompti sunt canon

canon 68. cau. 12. qu. 2., & canon 15. cau. 25. qu. 1., quos jungere hoc modo oportebit. Cum *Redemptor noster* (is est canon 68.) *totius conditor creaturæ... quo tenebamur captivi* (Monachi Maurini legunt: *quo tenebamur capti*)... *relaxamus servitutis peculium*. Post hæc subdit Gregorius se Montanz concedere, duas uncias hæreditatis olim a Gaudio Presbytero quæsitæ, quod ipsa monasterium ingredi cuperet, ita tamen ut ea portio hæreditatis monasterio proficeret, item se concedere Thomæ quinque uncias ejusdem hæreditatis a Gaudio susceptæ, quem etiam Notarium Ecclesiæ Romanæ adscripsit, dummodo tamen eadem bona reverterentur ad Romanam Ecclesiam, si idem Thomas sine liberis decessisset. Hinc ita prosequitur: *Hæc igitur, quæ per hujus manumissionis chartulam statuimus, atque concessimus, nos, successoresque nostros sine aliqua scitote refragatione servare. Nam justitiæ, & rationis ordo suadet* (hic est canon 15.), *ut quæ sua a successoribus desiderat mandata servari, decessoris procul dubio voluntatem, & statuta custodias. Hanc autem manumissionis paginam, &c. quæ habentur in fine memorati canonis 68. Num vero Gratiano proposito consonet memoratus can. 15., facile hinc unusquisque judicabit; etenim Gratianus ex eo conatur demonstrare, decreta sacrorum canonum semel constituta a Pontificibus Maximis esse servanda; at vero Gregorius ibidem non de canonum decretis sermonem instituerat, sed de servis a se manumissis.*

## De epist. ad Theodorum Consiliarium.

Qui superioris epistolæ ad Montanam, & Thomam, idem fere est tenor epistolæ ad Theodorum Consiliarium, quæ est 18. lib. 2. indict. 11. Constituerat Gregorius, remuneratione quadam gratam exhibere voluntatem erga Theodorum, cujus consiliis utebatur in Ecclesiæ utilitatem; ac propterea, cum fervorum ministerio destitueretur, Gregorius illi Acohimum quendam Romanæ Ecclesiæ servum donavit, cujus donationis perpetuum esse voluit, ac firmum in hac epistola monumentum. Hujus epistolæ fragmentum emendatum, atque ad integros codices exactum habemus in can. 67. cau. 12. qu. 2. Can. 67.  
cau. 12.  
qu. 2.

## De epist. ad Quertinum Expræfectum.

Epistola, quæ ad Quertinum Expræfectum scripta fertur, non omnino indubie auctoritatis est. Neminem enim non in dubium vocare potest Maurinorum testimonium, qui illam vix in paucis MSs. codicibus se reperisse profitentur. Movet præterea epistolæ ipsius argumentum, quod non satis convenire Gregorio videtur. Agitur in ea de Quertino viro illustri Expræfecto, qui Gregorio commendaverat Bonitum quendam religiosum virum, ut facilius præfecturam obtineret. Hæc sane sollicitudines a Gregorii animo alienæ videntur: etsi enim ille, sæcularibus aliquando sese curis immiscuit, non tamen nisi suadente gravissima necessitate id præstitit, & precibus Imperatoris quoquo modo compulsus, quem admodum superius ostendebam. Ex hac epistola, quæ est 50. in lib. 10. in vulgari editione, qualiscumque tandem sit ejus auctoritas, depromtus est canon 8. dist. Can. 8.  
dist. 88.

dist. 88., quem Gratianus, ut suo proposito accommodaret, ita recidit, ut Gregorii sententia vix percipiatur. Sanctus Pontifex aiebat, non expedire Bonito, ut Præfecturæ munere fungeretur, quod tunc temporis adferre posset *amaritudines, & tribulationes*. Addit: *quia inutile; & valde laboriosum est, hominem literatum ratiociniorum causas assumere, & in eis se, quod non expedit, obligare*. Verba hæc Bonitum laicum virum, & bonis artibus instructum spectantia Gratianus ad Clericos transduxit, ut exinde demonstraret ex sententia Gregorii, Clericos ratiociniorum causas non debere suscipere, sed a quibuscumque sæculi curis abstinere.

## De epist. ad Cives Romanos.

*Can. 12. de conf. dist. 3.* Ad Romanos Cives generaliter scripta est epistola in Maurina editione n. 1. lib. 13., in vulgari vero num. 3. lib. 11., cujus sententiam integram, licet nonnullis omissis verbis, retulit Gratianus in can. 12. de conf. dist. 3. Illud unum observandum est, Guffanvillæum, qui universas Gregorii epistolas adnotationibus exornavit, rejicere verba illa, velut adulterina: *Si pro luxu animi, atque voluptatis*; contra quam sentiant Maurini accuratissimi, solertesque operum Gregorianorum restauratores.

## SECTIO III.

### De epistolis ad Ravennates.

## De epist. ad Castorium Notarium.

*Can. 8. c. 14. 2. qu. 5.* Turbaverat vehementer Gregorii animum causa Maximi Episcopi Salonitani. Is videlicet de Simoniaca hæresi accusatus, imo etiam convictus, excommunicationis vinculo innodatus fuerat, quod contemnens Missarum solemnia celebrare non dubitavit. Hujus causæ discussio mandata fuisse videtur Castorio in Ravennatenſi Civitate Notario, præcipue vero Mariniano Episcopo Ravennati, quem admodum constat ex epistolis Gregorii ad eos missis. Erat Castorius urbis Romæ Notarius Ecclesiasticus Ravennam profectus, ut arbitror, Gregorii mandata ibidem exequuturus, arg. canonis 7. dist. 100., cujus propterea fidem, atque integritatem cum Gregorius satis probatam haberet, facile intelligimus, quare eum selegit una cum Mariniano de Maximi causâ judicaturum. Itaque Castorius mandatum suscepit sub ea formula, ut, si Maximus sese de more purgasset per jusjurandum, illum in Ecclesiasticam communionem Pontificia auctoritate reciperet, indicta tantummodo penitentia, causa obedientiæ, dum spreta excommunicationis latæ sententia Missarum solemnia celebrare ausus fuerit. Atque huc pertinet canon 8. ca. 2. qu. 5. qui omnino consonat cum epist. 80. in vulgari editione, lib. 7. Hac vero in re observandum est, consuetudinem fuisse tempore Gregorii, ut qui de aliquo crimine accusaretur, inficiatus se solemnî jurejurando ante Marti-

tyrum

tyrum sepulcra purgaret, quemadmodum inferius etiam animadvertendum erit ad can. 9. cau. 2. qu. 5., & liquido constat ex memorato canone 8. Sed de hac Maximi Salonitani causa uberius infra sermo recurrit, ubi agetur de epistolis ad Marinianum Ravennatem Episcopum pag. 29.

## De epistolis ad Johannem Episcopum Ravennatem.

Plures epistolæ sunt, quæ a Gregorio scriptæ feruntur ad Johannem Episcopum Ravennatem. Gratianus in can. 1. dist. 68. memorat unam, quæ est in vulgari editione 32. lib. 2. Interrogaverat Johannes Gregorium de pluribus Ecclesiasticæ disciplinæ capitibus. Inter cetera & interrogationem palam facit, & rescribit Sanctus Pontifex. *Illud autem quod dicitis, ut is, qui ordinatus est, iterum ordinetur, valde ridiculum est, & ab ingenio vestri consideratione extraneum, nisi forte quod exemplum ad medium deducitur, de quo & ille judicandus est, qui tale aliquid fecisse perhibetur. Absit autem a fraternitate vestra sic sapere &c.*, quæ leguntur in memorato canone 1., ubi pro illis verbis non debet consecrari, legunt Maurini: *non valet consecrari*. Species igitur erat de ordinatis Clericis, qui cum crimen aliquod contraxissent, postulabant, an rursus sacris ordinibus essent initiandi. At Gregorius id ridiculum videri; ut enim semel baptizatus rebaptizari non debet, ita nec semel ordinatus reordinari. At si quis levem culpam admisisset, poenitentia expiatus, in eo, in quo susceptus est, ordine ministrabit. Hujus rescripti sententia meo judicio non satis perspicua est, ut non aliqua indigeat interpretatione. *Ridiculam* eam quæstionem Gregorius adpellat, quando tamen non est adeo certum tam apud veteres Patres, quam apud recentiores scriptores, num qui gravis criminis reus existit, ac propterea ex canonum disciplina a suscipiendis ordinibus arcetur, si fortasse culpa Episcopi cuiuspiam ordinetur, valeat ordinatio. In Concilio Constantinopolitano l. can. 4. irrita habita fuisse videtur ordinatio Maximi Cynici, quod ad Episcopatum per Simoniam processus fuisset. Constantinus in Concilio Romano duodecim Episcoporum depositus legitur, quod statuta ordinum interdicta non servasset, cautumque de Episcopis ab ipso ordinatis, ut rursus ordinarentur. Videatur Morinus de Sacris Ordinationibus parte 3. exercit. 5. Ad hanc rem notare juvabit verba illa, quæ etiam leguntur in can. 1. dist. 68. *cum levi culpa*. Videlicet Johannes ita generaliter postulavit de jure, ut quæreret, an pro quolibet etiam levi culpa unusquisque ordinatus denuo ordinari deberet. Hæc sane quæstio ridicula visa est Gregorio, qui pro admissi qualitate expiatum Clericum rescripsit in suscepto semel ordine permansurum. At de gravis criminis reo, nihil tale Gregorius respondit: sciebat enim eum ita repellendum esse, ut perpetuo a sacris officiis amoveretur, frustra autem quæri, an, si admittendus esset ad Ecclesiastica officia, ordinari rursus deberet; quæ sane quæstio in conspectu sacrorum plurium monumentorum, ridicula adpellari neutiquam potuisset. Gratianus hoc fragmento abusus est; etenim de illis Clericis intellexit, qui ordinati fuerint ab eo, quem non constat Episcopum esse.

Alia est epistola Gregorii ad Johannem Ravennatem in vulgari editione 54. lib. 2. indiç. 11., in Maurina vero 56. lib. 11., ex qua deprompti sunt canon 22. dist. 93., & canones 7. & 8. dist. 100. Ibi Gregorius Johannem objur-

Can. 1.  
dist. 68.  
  
  
  
  
  
  
  
  
  
Can. 22.  
dist. 93.  
Can. 71  
& 8.  
dist. 100.

gar, quod pallio tantum uteretur post Missarum solemniam, completaque Ecclesiastica officia, sive, ut in eadem epistola dicitur, *post dimissos de secretario filios Ecclesie*. (secretarium erat Diaconicon, sive locus vestibus sacris destinatus, uti apud Dionysium Exiguum in can. 21. Synodi Laodicenae, Concilium Agathense can. 66., Bedam hitor. Anglorum cap. 1. lib. 2.). Priora ejusdem epistolae verba eadem sunt cum verbis canonis 7. dist. 100., & quidem post Romanam Correctionem optime consonant. Post hæc subsequuntur in epistola verba canonis 8. subsequentis usque ad illa *injuncta correptio*. In editione Maurina pro illis verbis in parenthesis positis *quod a vobis abste*, legitur, *quod a nobis abste*. Hinc Gratianus nonnulla omisit, quæ modo supplere juvabit. *Mora autem nimis est vestra fraternitas, atque cum tumore cordis quasi satisfaciens scripsit nobis, pallio te non nisi post dimissos de Secretario filios Ecclesie, & Missarum tempore, atque in instantis uti solemnibus, verbis aliquid te usurpasse contra generalis Ecclesie consuetudinem aperissima veritate profectus. Quomodo enim fieri potest, ut illud cineris, atque cilicij tempore per plateas inter populorum strepitum agas licite, quod te agere in conventu pauperum nobilium, & in Secretario Ecclesie velus illicitum excusasti? Illud tamen, Frater charissime, tibi non putavimus ignotum &c.* hæc exhibet Gratianus in dicto canone 8., ubi tamen pro illis verbis: *Præceptum a prioribus Romanæ urbis Pontificibus, quod hæc &c.* legunt Maurini: *Præceptum a prioribus Romanæ urbis Pontificibus, quo hæc &c.*, nec non illis verbis: *Quod si postremo nihil horum est, aliis Metropolitanis hujus te præbere &c.* legunt iidem: *Vel si postremo nihil horum est aliis Metropolitanis hujusmodi te præbere &c.* In fine ejusdem epistolae leguntur verba canonis 22. dist. 93., ubi tamen nonnulla desiderantur in fine, ut integra Gregorii sententia percipiatur. Nimirum post illa verba, *sola subreptione præsumitur*, ita legitur in epistola. *Sed nos servantes bonorem fraternitatis tuæ, licet contra voluntatem antedicti Cleri nostri, tamen primis Diaconibus vestris, quos vobis quidem testificati sunt, & ante eis usos fuisse, in obsequio dumtaxat tuo mappulis uti permittimus; alio autem tempore, vel alias personas hoc agere vehementissime prohibemus.* Mappulæ, de quibus hic mentio fit, erant Sudarioli quidam, quos Clerici sacris vestibus induti, præsertim dum sacræ prædicationis munus obibant, sinistra manu tenebant ad tergendam frontem paratos, in quorum locum successerunt circa sæculum 11. recentiores manipuli, quos modo in sacrarum vestium numero recensemus, uti animadvertit Cardinalis Bona lib. 1. Rerum Liturgicarum cap. 24. §. 5.

Alia itidem est epistola Gregorii ad Johannem num. 1. in lib. 4., in qua Sanctus Pontifex totus est, ut doceat neminem ex Clericis Ecclesiasticis ministeriis additum, esse ad monasteria, ut Monachis præstet, transferendum. Integram epistolam duobus separatis capitibus descripsit Gratianus, quam hoc in loco exhibebo.

*Pervenit ad me* (hic est canon 26. cau. 18. qu. 2.) *quod in Ecclesia fraternitatis tuæ aliqua loca dudum Monasteriis consecrata, nunc habitacula Clericorum, aut etiam Laicorum facta sunt; dumque hi, qui sunt in Ecclesiis, fingunt se religiose vivere, Monasteriis præponi appetunt, & per eorum vitam Monasteria destruuntur. Nemo etenim potest, & Ecclesiasticis obsequiis deservire (quæ sequuntur Gratianus omittit in canone 26., sed recitat in canone 2. cau. 16. qu. 1.) & in monachica regula ordinasse persistere, ut ipse Monasterii distributionem teneat, qui quotidie in ministerio Ecclesiastico*

can. 8.

cau. 16.

qu. 1.

can. 26.

cau. 18.

qu. 2.



*fastico cogitur permanere. Proinde fraternitas tua (hæc omittuntur in dicto can. 2., sed habentur in fine dicti canonis 26.) hoc quolibet in loco saltum sit, emendare festinet, quia ego nullo modo pariar, ut loca sacra per Clericorum ambitum destruantur. Vos itaque ita agite, ut mihi hæc de re correctam causam sub celeritate nunciatis.*

Duo adhuc supersunt Gratiani fragmenta, quæ ex epistola Gregorii ad Johannem Ravennatem laudantur, videlicet canon 1. & 2. cau. 33. qu. 1., neuter tamen aut in epistolis ad Johannem, aut in ceteris Gregorii monumentis legitur. Quod spectat canonem 1., is ab eodem Gratiano laudatur ex epistola Gregorii ad Venerium Episcopum Calaritanum in can. 29. cau. 27. qu. 2., ut proinde Gratiani auctoritas in hac re, sicut in aliis numero plurimis parum valeat. Video potius hunc canonem pertinere ad Rhabanum in epist. ad Heribaldum cap. 29., ubi hæc leguntur. *Quod autem interrogasti de his, qui matrimonio conjuncti sunt, & nubere non possunt, si ille aliam, vel illa alium ducere possit, non cum auctoritate, sed de quorundam statutis respondemus, in quibus scriptum est: Vir, & mulier si se conjunxerint matrimonio, & postea dixerit mulier de viro, quod non possit ei nubere, si potest probare per justum judicium, quod verum sit, accipiat alium.* Rhabanus in primis professus est, se non cum auctoritate respondere, quatenus in ecclesiasticis canonibus generalibus nihil tale constitutum fuerat; verum juxta quorundam statuta rescribit, quorum sane nomine intelligit Capitularia Francorum, in quibus ita legitur in lib. 6. cap. 55. *Si vir, & mulier conjunxerint se in matrimonium, & postea dixerit mulier de viro non posse illum nubere cum ea, si ea poterit probare, quod verum sit, accipiat alium.* Idipsum habetur in cap. 91., & in Capitulis Isaac Lingonenfis tit. 11. cap. 13. Primus Burchardus Gregorii Magni nomine eadem retulit, quod, uti alias sæpe animadverti, a Capitularibus Francorum nominandis sibi proposuerat abstinendum. Burchardum sequutus est Ivo, Ivonem Gratianus. Observandum etiam est, postrema illa Gratiani verba, *si autem ille aliam acceperit, separentur*, legi quidem apud recentiores Collectores, non vero aut in Capitularium capitibus memoratis; aut apud Rhabanum.

Quod etiam ex epistola Gregorii laudetur canon 2. cau. 33. qu. 1., Burchardo debemus, qui cum præcedentem canonem 1. numero 40. libri sui 9. Gregorii nomine retulisset, canonem hunc 2. in cap. 43. ejusdem libri 9. eodem nomine descripsit. Nota nobis est Burchardi fides; ipse enim si Capitularium fragmenta alienis nominibus insignivit, & Gregorio tribuit, quod referebat in capite 40., quid ni eodem ratione tribuisse credendus est Gregorio caput 43. ? Excidit, fateor, quem admodum alia numero plura exciderunt, hujusmodi Capitulare, tantum sub nomine Gregorii Burchardo auctore superfuit in recentioribus collectionibus Ivonis, Gratiani, & Gregorii IX. in cap. 5. de frigidis, & maleficiatis. Sane stylus ipse, quo fragmentum illud describitur, Capitularibus Francis apprime consonat, in eo præsertim, ubi septima manu jusjurandum fieri dicitur; etenim conjuratores, qui etiam dicti sunt Sacramentales, aut Consecramentales passim in legibus Salicis, Bajuvaris, aliisque mediæ ætatis Constitutionibus memorantur. Jusjurandum insuper tactis Sanctorum reliquiis apud Francos solemnè erat, uti in Capitularibus Dagoberti anni 650. sub titulo legis Alamannorum tit. 5., & in Capitulari, cui interfuit Bonifacius Sedis Apostolicæ Legatus circa annum 744. cap. 14., ibi; *Omne Sacramentum in Ecclesia, & super Reliquias a laicis juretur.* Cum igitur memoratus canon nec inter Gregorii epistolas habeatur, nec Gregorio conveniat, conveniat autem Capitularibus Fran-

Can. 1.  
cau. 33.  
qu. 1.

Can. 2.  
cau. 33.  
qu. 1.

corum ; alias Burchardus nomine Gregorii abusus fuerit in recensendis Capitularium fragmentis ; ego sane non dubito , quin illud caput recte Francorum Capitularibus tribui debeat.

## De epistolis ad Johannem Subdiaconum .

*Can. 10. dist. 63.* Non semel legatione Pontificis Maximi functus est Johannes Subdiaconus , præsertim in Ecclesia Ravennate , ac Mediolanensi ; quemadmodum constat ex duabus Gregorii epistolis , quarum una est 30. lib. 3. , altera 17. lib. 13. in Maurina editione . Ex illa depromtus est canon 10. dist. 63. , pertinetque ad causam eligendi Mediolanensis Episcopi in vicem defuncti Laurentii , quo tempore Mediolani vices Pontificis Maximi gerebat Johannes . Verba canonis cum integra epistola consonant , in qua tamen Maurini Monachi omiserunt illa verba *& auxiliante* . Ex hac epistola constat facile , Mediolanensem Antistitem consuevisse de more quidem a Clero eligi , electioni autem consuevisse formam dare , eandemque semel perfectam confirmare Romanum Antistitem , quemadmodum postrema hujus canonis verba perspicue demonstrant . Imo & id clarius liquet ex epistola Pelagii , ex qua habemus canonem 33. cau. 24. qu. 1. , ubi conqueritur Pontifex de Aquilejensi Episcopo , quod Mediolanensem Episcopum schismaticus ordinasset , quum tamen Mediolanensis Episcopus ad ordinationem Romani Antistitis spectaret , & tum demum permissum est Mediolanensem ab Aquilejensi ordinari , aut Aquilejensem a Mediolanensi Episcopo , cum *pro longinquitate , vel difficultate itineris ab Apostolico onerosum illis fuerat ordinari* .

*Can. 3. cau. 16. qu. 5.* Ex altera epistola habemus canonem 3. cau. 16. qu. 5. , quoniam vero nonnulla apud Gratianum ibidem desunt , non gravabor integram epistolam hic describere . *Lator præsentium Johannes frater , & Coepiscopus noster aliqua nobis de causis Ecclesie sue dato Capitulari noscitur intinasse . Quibus cognitis culpanda a nobis experientia tua fuerat , si ad te perlata hactenus indefinita remanserint . Sed inquirentes agnovimus , quod ad notitiam tuam minime sunt perducta . Ipsum ergo , quod nobis Capitulare porrectum est , his fecimus subter adnecti . Agnitis itaque omnibus , ac discussis , si ita apud se esse , ut suggestum est , manifesta veritate patuerint , Fratrem , & Coepiscopum nostrum Marinianum adire te volumus , eumque modis omnibus adhortari , ut his , quorum in peragendis negotiis Ecclesie iphus interesse dignoscitur , debeas deputare , quasenus perperis omnibus cum prædicto viro , de his , quæ nota ( legunt alii nota ) fuerint , ecclesiastica inter se debeant tranquillitate decidere . Si vero elegerint renitendum , experientia tua imminet esse judicium , & quidquid cognitorum inter eos fuerit sententia definitum , te debeat exequente compleri , ne diutinis protractionibus dilata paupertas Ecclesie iphus diversis , sicut jam factum asserit , dispendiis ingravetur . Indicavit etiam nobis , quod quidam Exuperantius Episcopus ausu temerario in Diacesi iphus oratorium construxerit , idque sine præceptis auctoritate contra morem præsumserit dedicare , Missasque illic publicas celebrare non metuit . Quam rem cum summa te celeritate , ac districtione convenit emendare , ne ulterius tale aliquid adtentare permittas . Oratorium vero , quod ab incompetenti persona repereris esse constructum , huic cum proprio te volumus Episcopo , si res , ut dictum est , ita se habere constiterit , sine mora aliqua reformare . Ex his ita descriptis adparet , in Ravennatensi Provincia Johannem Subdiaconum mandata suscepisse Apostolica , quibus in iis causis , quæ emergebant , Marinianum Ravennatensem Episcopum adiret , moniturus , ut singula dirimeret pro æquitate ; quod si executioni non fuerit de-*  
man-

mandatum, ipse Johannes Cognitoribus praeſtitutis, quidquid definitum eſſet, exqueretur. Quæ porro ſubjiciuntur de Epifcopo, qui in aliena Diœceſi oratorium conſtruxerat, ac dedicaverat *ſine præcepti auctoritate, & contra morem*, referuntur plane ad præcepta Gelafii, de quibus in can. 4., & ſequ. de conſecr. diſt. 1., quibus explicandis & hoc Gregorii monumentum congruere poteſt.

## De epiftoſis ad Marinianum Epifcopum Ravennatem.

Jam ſuperius memoravi Marinianum Ravennatem Epifcopum Johannis ſucceſſorem, ad quem plurimæ habentur apud Gregorium epiftoſæ. Quam primum memorat Gratianus, eſt in lib. 7. num. 18. in vulgari editione, & lib. 8. num. 15. Can. 1. diſt. 58. in Maurina, cujus fragmentum eſt in can. 1. diſt. 58. Vulgo receptum eſt, hinc originem ſumiſſe exemptiones, & privilegia Monachorum. Sane, quod in canone 1. legitur, nonnihil diminuiſſe videtur liberæ Epifcoporum auctoritatis in Monachos, cum Gregorius indulſerit Abbatibus, ne ipſis non offerentibus ad clericales gradus Monachi Epifcopali auctoritate diſtraherentur. Verba canonis ita legenda ſunt: *Ad eccleſiaſticum tamen officium nullus exinde producatur, niſi quem Abbas loci admonitus propria voluntate obtulerit*; quæ quidem intelligere oportet non de Monachis ideo ordinandis, ut in monaſterio munera clericorum implerent, ſed ut ad ordinem eccleſiaſticum exercendum extra monaſteria traherentur. Siquidem ea ætate nondum obtinuerat, ut Monachi intra clauſtra eccleſiaſticis officiis fungerentur, ſed ſibi tantum, vitæ privatæ, quieti, atque orationi ſtudebant. Hanc eſſe germanam Gregorii ſententiam, apertiſſime demonſtrant hæc verba, quæ in epiftoſa ipſa ſubſequuntur: *Quifquis autem ex prædiſto monaſterio ad eccleſiaſticum ordinem pervenerit, ulterius illic nec aliquam poteſtatem, nec licentiam habeat habitandi*. Verum, num hæc Monachorum exemptio in certa jurifdiſtionis ſpecie conſtiterit, an generalis fuerit, quæ ſcilicet omnia monaſteria ſpectaret, maxime dubito, imo reor, potius ſingularem fuiſſe favore Monafterii Beatorum Johannis, & Stephani in Claſſitana Civitate conſtituti, de quo uno ſicut hæc epiftoſa concepta eſt, ita verofimile eſt Gregorium cogitaſſe; nec adeo facile, ubi de privilegiis agitur, licet interpreti latiore, quam verba ferant, ſignificationem adſingere. Ejus privilegii occaſio ſingularis etiam fuit: nimirum Epifcopus, cujus jurifdiſtionis illud monaſterium ſuberat, prætextu ſacrarum ordinationum, ſive clericorum e monaſterio adſumendorum, Monachorum quietem ſæpiſſime turbaverat, quemadmodum deducitur ex can. 5. cau. 12. qu. 2., cujus plura verba ad hanc epiftoſam pertinent, ibi: *Quam ſit neceſſarium monaſteriorum quieti proſpicere, & de eorum perpetua ſecuritate tractare, anteaſſum vos officium, quod in regimine monaſterii exhibuiſtis, informas*. Et ideo; quia monaſterium Beatorum Johannis, & Stephani, quod in Claſſitana eſt Civitate conſtitutum, cui communis filius Claudius Abbas præeſſe dignoſcitur, multa a prædeceſſoribus veſtris præjudicia, atque gravamina pertuliſſe cognovimus &c. Id etiam clarius deducitur ex can. 28. cau. 18. qu. 2., qui ad eandem epiftoſam pertinet. Illum Gratianus, quaſi generalem diſciplinam contineret, expreſſit; oportebit propterea ita reſtituere ex integris epiftoſæ exemplaribus. Oportet, ut hoc ſanctitas veſtra decerere debeat temperare, ut viſitandi, exhortandique gratia ad monaſterium, quoties placuerit, ab ejuſdem civitatis Anſiſte accedatur, ſed ſic charitatis officium illic Epifcopus impleat, ut gra-

Can. 28.  
cau. 18.  
qu. 2.

*gravamen aliquod monasterium non incurrat.* Quæ omnia ut ad sua principia revocentur, animadvertendum est, olim Monachos tamquam laicos vitam traduxisse; & nullo speciali jure gavisos fuisse in Ecclesia. Primum in Concilio Chalcedonensi constitutum novimus, ut Monachi sub speciali Episcopi regimine subderentur, ac tum, licet nondum pro clericis haberentur, tamen visi sunt singulari jure laicis esse majores in Ecclesia, uti liquet ex can. 4. ejusdem Concilii. Augusta est Monachorum conditio ex eo, quod frequentius e monasteriis seligebantur, qui adsumerentur in Clerum. Quoniam vero nonnullorum Episcoporum ambitu, vel avaritia aliquando factum est, ut jurisdictionem suam impensius exercendo monasteriorum bona diriperent, Monachorum in oratione consistentium quietem turbarent, vel sibi vindicare certam lucri speciem in monasteriis visitandis, in chrismate quotannis renovando, in eligendis Abbatibus, in dedicandis monasteriorum Ecclesiis; vel canonicam portionem postulerent sibi addici, quoties certa bona monasteriis offerbantur, quasi ecclesiastica, arg. can. 27. cau. 12. qu. 2., vel frequentius Sacra publica cum maxima celebritate in monasteriis celebrarent, hæc omnia in causa fuerunt, cur Gregorius Magnus in illis monasteriis, in quibus hæc ita sese habere contingeret, singularem obtinere decreverit disciplinam, atque Episcoporum jurisdictionem illorum respectu paulisper imminuerit.

Opportunum erit his omnibus jungere canonem 27. cau. 18. qu. 2., licet habeatur in alia epistola ad eundem Marinianum, quæ in vulgari editione est 40. lib. 6., in Maurina vero est 43. lib. 7. Integra fere epistola in eo canone legitur, dummodo cum eo jungatur canon 37. cau. 16. qu. 1., qui ad eandem pertinet, in quibus etiam nonnihil adnotandum est, quoad scripturæ varietatem. *Dudum ad nos multorum (hic est canon 27.) relatione pervenerat .... nisi orandi tantummodo causa .... mysteria. Sed ne vel pro cujuslibet Monachi, aut Abbatis promotione (quæ hic omittit, Gratianus retulerat in dicto canone 37.) .... ut diximus, potestatem. Ne monasteria hujus occasionis velamine ea, quæ prohibemus, sustinere onera compellantur. Hæc itaque omnia &c.,* quemadmodum legitur in fine dicti canonis 27. Ex hac porro integra sententia patet, monasteria Ravennatensis Dioceseos clericorum avaritia, aut ambitu nonnihil gravaminis pertulisse, quod in causa fuit, ut Gregorius aliqua decerneret ad eorundem incolumitatem.

Præterea opportunum erit his omnibus jungere epistolam in vulgari editione 1. lib. 5., & in Maurina 1. lib. 6., ex qua depromptus est canon 3. cau. 12. qu. 5. Ejus epistolæ hoc est argumentum. Johannes Ravennas Episcopus Mariniani prædecessor, dum viveret, Monasterium quoddam construi jusserat juxta Ecclesiam S. Apollinaris, atque quædam bona Ecclesiastica eidem contulerat annuente Gregorio Magno, penes quem persuasum erat Monasteriorum erectiones piis causis adcenferi. Erat enim Gregorius Monachorum Patronus, ut superius observatum est; ac propterea inter causas, quibus erogarentur Ecclesiastica bona, & hæc liberalitatis in Monasteria optima illi videri poterat. Post hæc Johannes idem testamentum condidit moriturus, eosque heredes instituit, qui hereditatem inde adire recusarunt. In eodem testamento confirmavit, quæ primum Monasterio inter vivos donaverat. De ea testamenti specie questus est Marinianus, novum esse allegans, Episcopos testamenta condere, aliosque præter Ecclesias suas successores optare. Respondit Gregorius, discrimen intercedere inter bona intuitu Ecclesiæ quæsitæ, & bona familiaria, ut de his, non de illis testamentum subsisteret: imo

vero illud ratum haberi debere, quod favore Monasterii, velut in piam causam dispositum fuerat; præsertim quod eam dispositionem jam pridem Gregorius ipse probaverat. Hinc Gregorius Marinianum velut minus liberalem non tam in hoc, quam aliis in locis fuisse testatur, quemadmodum inter cetera liquet ex can. 6. di. 86. Canonis 3. verba ita ex integris exemplaribus legenda sunt. *Quia vero dum viveret* (subaudiendus Johannes Mariniani prædecessor) *sæpius a nobis expetiit, . . . necessario prævidimus abortandam . . . Hæc itaque omnia sic sollicite &c. usque in finem.* Observandum est etiam in illis verbis: *Et collatarum illis rerum*, aliquos Codices ex editis ita habere: *Et collectarum illis rerum*, quamquam Maurini Monachi observaverint in omnibus MSS. Codicibus legi *collatarum*, quæ lectio videtur integro contextui accommodatior. Non est hoc loco prætermittenda subtilis quidem, sed elegans observatio, quam ego opportunam, atque utilem arbitror in specie testamentorum a Clericis conditorum, in quibus variam juxta varia tempora, & loca disciplinam agnovi. Non loquor sane de testamentis Clericorum in causa familiaris peculii, de quo nulla esse potest dubitatio, quin Clerici libere testamentum condant. Nec itidem loquor de testamento condendo de rebus Ecclesiasticis in usus minime pios; id enim esset adversus Ecclesiastici peculii conditionem, quod extra usus pios perdere nec viventi Clerico conceditur: alias vero in æternæ salutis periculum concedendum non est morientibus, quod viventibus denegatur. Reducitur res ad supremas dispositiones piarum causarum favore faciendas. Olim scio a nonnullis Sanctis Patribus improbata fuisse Clericorum testamenta; quæcumque tandem causæ pietas proponeretur, minusque morientibus, quam viventibus permittebatur. Id probat hoc ipsum Gregorii monumentum in dicto can. 3., ubi probari dicuntur Mariniani donationes, non quod testamento illas confirmasset, id enim *prohibente lege* factum esse dicitur; sed quod Gregorius ipse eas donationes extra ordinem probaverat. Probat etiam S. Augustinus, qui omnia Clericorum testamenta sæpius detestatus est. At vero Alexander III. in cap. 12. de testamentis ait, consuetudine non improbandi inductum fuisse, ut Clericorum testamenta firma habeantur, & rata, ubi causæ pietas id exposcit. Num aliud Augustinus, ac Gregorius; aliud Alexander III. tradiderunt? Agnosco difficultatem, & varietatem disciplinæ, quæ ex mera philosophicorum principiorum diversitate profecta est, nullatenus ex eo, quod diversa ratione senserint Ecclesiastici viri de peculio Clericali. Nimirum omnibus persuasum erat, Clericorum administrationem in rebus Ecclesiasticis morte finiri, omneque jus beneficiarii, ut vocant, penitus interire, ut ad Ecclesiam, vel successorem devolvatur. At non semper apud Patres Ecclesiæ fuit probatum, momentum mortis, a quo testamentorum vim omnem ac potestatem pendere placuit, morti potius adscribi, quam vitæ. Fuit in hac re inter Philosophos veteres plurimos, atque Jurisconsultos Romanos dissensio, Philosophis præsertim Platonem secutis, asserentibus momentum mortis morti adscribendum, contra sentientibus Stoicis, quorum doctrinam veteres Jurisconsulti amplexi fuerunt. Hinc veteres Ecclesiæ Patres, Augustinus præsertim Platoniorum philosophiæ deditus, ceterique, qui simplicem potius philosophorum doctrinam, quam Jurisconsultorum Romanorum placita adamarunt, rejecerunt Clericorum testamenta, ne forte administrationem ecclesiasticorum bonorum ultra vitæ suæ tempus producere quodammodo viderentur. At vero sæculo ineunte 12., quo Alexander III. floruit, jam recipi in Ecclesia cepit Ro-

manorum Jurisconsultorum prudentia, quam canonum disciplinæ amicam, ita dixerim, manum præbere constabat, præsertim ubi nomocanones fieri cœperunt auctoribus Photio, Balamone, & Armenopulo, quos dein recentiores Latini imitari fuerunt: Tunc nimirum etiam juris civilis capita sacris canonibus Collectorum industria assui cœperunt, ac sic paulatim canonicæ, civilisque jurisprudentiæ studia jungi, ut, ubi nil aliud obfisteret, communia utriusque principia haberentur. Quamobrem relicto Platoniorum adagio illud addiderunt ex veteri philosophia Jurisconsultorum Viri ecclesiastici, momentum mortis vitæ potius tribuendum fore, atque ea ratione non improbandam consuetudinem esse dixerunt, qua Clerici possent in piis causis testari, in quas ecclesiasticas obventiones impendere, dum viverent, potuissent. Sic reor, me veterem prudentiam canonum cum recentiore conciliasse.

Est alia ad Marinianum epistola 79. lib. 7. in vulgari editione, quæ ad causam pertinet Maximi Salonitani, de qua jam aliqua animadverti initio hujus sectionis ad canonem 8. cau. 2. qu. 5., quæ huc etiam referre juvabit. Utroque Gregorius, sive ad Castorium Notarium, sive ad Marinianum scribens voluit, ut si Maximus se jurejurando ante Martyrum sepulcra purgasset, ab accusationibus prorsus absolveretur. Quæ sane reos purgandi ratio tempore Gregorii recepta erat, cum persuasum tunc esset, eos, qui perjuri ad sepulcra Martyrum accessissent, Divinam ultionem experturos. Hinc Gregorius idem homil. 32. in Evangelia num. 6. ait: *Ad extincta eorum ( scilicet Martyrum ) corpora viventes ægri veniunt, & sanantur, perjuri veniunt, & a Dæmonio vexantur.* Ex hac epistola depromtus est canon 9. cau. 2. qu. 5.

In Ravennatenſi Urbe quidam anonymus scriptum evulgaverat contra Castorium Diaconum in eadem Urbe degentem, de pluribus criminibus eundem redarguens, aliqua etiam adjiciens adversus Gregorium Pontificem Maximum de pace, de qua stabienda idem Pontifex studio gravi curabat inter Imperatorem, ac Principes Longobardorum Italiæ fere universæ minitantes. Hunc calumniatorem anonymum anathemate perculit Gregorius in epistola juxta vulgarem editionem 30. lib. 5., juxta Maurinam 31. lib. 6., quæ hanc habet inscriptionem: *Gregorius Mariniano Episcopo Ravennatenſi cum ceteris Fratribus, & Coepiscopis, Sacerdotibus, Levitis, Clero, Nobilibus, Populo, Militibus Civitate Ravenna consensientibus, vel ex ea foris degentibus.* Hæc sane inscriptio indicat, quantum Gregorio insideret imo corde, damnationis sententiam publicam esse, & per omnium ora traduci, ut qui publice aliis injuriam inferre non dubitaverat gravissimam, publice etiam damnaretur. Integra fere epistola legitur in can. 2. cau. 5. qu. 1., cujus verba cum optimis exemplaribus consonant, dummodo dematur vox illa *publico*, uti animadverterunt Correctores Romani; dummodo etiam pro illis verbis; *non valet, si tanti mali conscius etiam prohibitus*, legatur; *non valet tanti conscius, & jam prohibitus*; & pro illis, *percutus sit, ut fallax &c.*, legatur; *percutus sit, & ut fallax &c.*

Canon 13. cau. 7. qu. 1. legitur in alia ad Marinianum epistola, quæ in vulgari editione est 49. lib. 7., in Maurina est 19. lib. 7. Ibi abdicante Ariminensis Ecclesiæ Antistite episcopatu suo causa infirmitatis, mandat Gregorius alium eligi Antistitem. In memorato canone, sicut in ipsa epistola describenda, non consonant omnino codices universi: etenim in primis pro illis Gratiani verbis: *Corporis, qua nosis*, in aliquibus codicibus legitur: *capitis, qua nosis*, in aliquibus *capitis, ut nosis*.

*noſtis*, legendum eſſe potius *capitis*, quam *corporis* ſuadent poſteriora illa verba: *de eadem capitis, qua detinebatur, moleſtia*. Deinde pro illis verbis *precibus urgentium*, in aliquibus editis codicibus legitur: *precibus arguentium*; itidem pro voce, *compulſi* legendum eſt *compulſi*, pro voce *revocari* legendum *evocari*, & pro illis verbis *vobis quoque ultra placuerit* legendum eſt *vobis quidem vita placuerit*. De nomine *Heptatheuci* jam animadverterunt Romani Correſtores, apud Gregorium legi *Epratici*, quam vocem exhibet etiam epiſtola 32. lib. 2. in Maurina editione. Eaſ ſignificantur ſeptem priores libri veteris teſtamenti, Genetiſ, Exodi, Levitici, Numerorum, Deuteronomii, Joſue, & Judicum, eodem modo, quo quinque priores Pentatheuci nomine designantur.

Non abſimilis cauſa eſt, quam tractavit Gregorius in alia epiſtola ad Marinianum in vulgari editione 39. lib. 6., in Maurina 42. lib. 7., ubi nimirum mandat Mariniano, ut in Corneliensi Eccleſia in locum lapſi Epiſcopi curet alium a populo eligi, electumque conſecret. Corneliensis Eccleſia ea eſt, quæ olim Urbs dicebatur ſorum Corneli, vulgo Imola, nunc Romandiola diſta inter Bononiam, & Ravennam, & quidem ſub Ravennatenſi Archiepiſcopatu. Ex hac epiſtola depromtus eſt, eiſdemque omnino verbis conſonat canon 11. diſt. 50. Can. 11. diſt. 50.

## De epiſtola ad Secundum.

Cum Secundo Ravennate, qui in pluribus vulgatis codicibus Secundinus adpellatur, fuit artiſſima Gregorio Papæ neceſſitudo, qui illi, laico quidem viro, graviſſima etiam negotia peragenda commiſerat. Hujus rei argumento eſt epiſtola 29. lib. 5. in vulgari editione, ſeu 30. lib. 6. in Maurina, in qua Sanctus Pontifex Secundo commiſit inſtituendæ pacis leges cum Agilulpho, ut ſcilicet ejus animum cum Imperatore conciliaret. Nimirum id ſibi quodammodo proprium Gregorius fecerat, ut paci inter Principes ſanciendæ ſtuderet, quemadmodum conſtat ex epiſtola ad Severum Scholaſticum, lib. 5. num. 36. in Maurina editione, & alibi pluries. Item eidem Secundo commiſit, ut Pontificio nomine Marinianum Ravennatenſem Epiſcopum in rebus eccleſiaſticis, muneribuſque epiſcopalibus quodammodo obdormientem expegeſceret, præcipue excitare ad eleemoſynam pauperibus elargiendam. Huc pertinet canon 6. diſt. 86. eiſdem omnibus verbis ex epiſtola in codice Gratiani relatus. Can. 6. diſt. 16.

## SECTIO IV.

### De Epiſtolis per Samnium directis.

#### De epiſt. ad Barbarum Beneventanum.

Ex illis epiſtolis, quas Gratianus commemoravit, una eſt per Samnium directæ, quæ videlicet ad Barbarum Beneventanum Epiſcopum ſcripta fertur. Ibi Gregorius Barbarum conſtituit Panormitanæ tunc vacantiſ Eccleſiæ Viſitatore. Mos enim

*Tom. III.*

E

enim

enim erat sexto Ecclesiæ sæculo, ut quoties vacarent Ecclesiæ, designaretur Episcopus, qui interea sacra perageret, & curaret, ut quantocius successor eligeretur. Hæc epistola, quæ est in vulgari editione 16. lib. 11., integra describitur in can. 16. dist. 61. In aliquibus codicibus pro verbo *commonemus* legitur *commonentes*; item pro verbis illis *laicæ personæ aspirare præsumant*, legitur: *laicam personam aspirare permittas*. In versic. *monasteria &c.* admonent Monachi Maurini, illum in MSS. Codicibus plerisque non reperiri, ac consequenter suspectæ fidei esse. Quispiam, forte suspicabitur, a Monachis has epistolas describentibus aut omissum, aut abrafum fuisse, ubi cœperunt exemptiones monasteriorum, & privilegia vires habere. Quærent aliqui, quisnam fuerit Barbarus ille Episcopus, qui Visitatoris munere, fungi debuit. Dubium moverunt codicum diversa exemplaria; etsi enim in plurimis, iisdemque vulgaribus dicatur fuisse Beneventanus Episcopus, alibi tamen hæc inest epistolæ inscriptio: *Gregorius Barbaro Episcopo Carinis*. Carinensis Urbs fuit olim apud Brutios non procul a Regio. Sunt, qui putent intelligendam esse inscriptionem de Episcopo alius Urbis Urbi Panormitanæ proximioris, forte ex ruinis Hyccaris oppidi constructæ, ea ratione, quod verosimile non videatur, Gregorium voluisse constituere Panormitanæ Ecclesiæ Visitatorem eum, qui procul ab Urbe Panormitanæ Episcopatum teneret. Quoties major non urget ratio, non video, cur a vulgatis codicibus sit recedendum, quin dissiti loci obstitit; forte enim contingere potuit Barbarum Beneventanæ Ecclesiæ Episcopum necessariis quibusdam curis fuisse distentum prope Urbem Panormitanam, quod facile contingere potuit illis temporibus ob publicasurbationes Provinciarum, proindeque ea occasione Panormitanæ Ecclesiæ visitationem perficere potuisse, præsertim cum hæc visitatio non diu protraheretur, sed uno, aut altero mense finem acciperet. Major vis his accedit ex eo, quod Barbarus ille jam fuerit Gregorio acceptissimus, & in visitandis vacantibus Ecclesiis alias probatus, cui jam demandata fuerat Ecclesiæ Hortonenfis visitatio, ut liquet ex epistola Gregorii in vulgari editione 39. lib. 3., & in Maurina 41. lib. 4.

## SECTIO V.

*De epistolis directis per Latium, & Campaniam.*

### De epist. ad Agnellum Episcopum Terracinæ.

Agnellus quidam Episcopus Ecclesiæ de Fundis in Latio exclusus a sua Ecclesiâ <sup>can. 5.</sup> fuerat improbitate hostium, qui urbem occupaverant, ita ut nec ad illam sacræ <sup>6.</sup> ministeria celebraturus accedere posset, nec episcopales redditus ex illa percipere, <sup>dist. 21.</sup> proptereaque non tam ipse Ecclesiæ, quam Ecclesia ipsi deesset, vir cæteroque <sup>q. 1.</sup> Episcopatu dignissimus, & diu probatus. Vacaverat interea Tarracinensis Ecclesiæ etiam in Latio constituta, cujus Populus, & Clerus electione facta in Agnellum. Fundensem consenserunt. Postulatum hinc a Gregorio, ut factam Agnelli electionem confirmaret. Annuit Sanctus Pontifex, rescribens, ut Agnellum Tarracinensem quidem Ecclesiâ regendam susciperet, sed *Fundensis Ecclesiæ Pontifex* esse



non desineret, nec curam, gubernationemque ejus frateriret. Epistolæ hujus, quæ in Maurina editione est 13. lib. 3., in vulgata 13. lib. 2. indiſt. 11., exemplar perhibet Gratianus in can. 5. & 6. cau. 21. qu. 1., apud quem tamen nonnulla desiderantur, quæ hoc loco exhibebo. *Relatio Cleri simul, (hic est canon 5.) & Populi Tarracinenſis nos valde lætificat. Et quia defuncto Petro Pontifice suo ſibi Cardinalem poſtulant conſuiſi te Sacerdotem, eorum vota neceſſario complenda eſſe prævidimus; quatenus & illi ſe gaudeant impetraſſe, quod poſtulant, & nos conceſſiſſe, quod expedit, videamur. Quia igitur ob cladem hoſtilitatis nec in Civitate, nec in Eccleſia tua eſt cuiquam habitandi licentia, ideo te auctoritate noſtra Tarracinenſi Eccleſiæ Cardinalem conſtituimus Sacerdotem, admonentes, ut ita de animabus populorum illic conſentium, Deo protegente, debeas eſſe ſollicitus, quatenus callidi, perverſique hoſtis inſidiæ commiſſo tibi gregi qualibet arte nocere non valeant, ſed ſollicitudinis tuæ grex circumſpectus cuſtodia, digni ſe laſtoris gaudeat meruiſſe tuamina. In tuis alſibus plebi exempla bene vivendi exiſtant. Avaritia in te vires non habeat. Tua prædicatione qui literas neſciunt, quid divinitus præcipiatur, agnoſcant. In Dei timore populum quemadmodum vivere poſſit, tui mores inſtituant. Operibus exerce, quod ſubjeſſos doces, & prædicas. Alſus tui in aliorum correptionem proficiant, in adiutorium ſibi vitæ tuæ imitationem aſſumant. Sicque te in cunſis operibus exhibere ſeſtina, ut ſcripturam, conſtructionemque in te habeat, quicumque aut negligit, aut non poteſt leſione formari. Tota igitur mentis intentione . . . . modis omnibus ſaculatem. Illud quoque fraternitatem tuam &c., quemadmodum in canone 6. Singularis ſane diſciplina ex hac epistoſa dignoſcitur, & adverſus generales juris eccleſiaſtici regulas, quæ monent, neminem in duabus Eccleſiis Episcopum poſſe conſtitui. Fuit in Agnello ratio ſingularis; ipſe enim licet vigilantiffimus ad Eccleſiam ſuam accedere non ſinebatur improbrate hoſtium, ut diximus, ac propterea, ne improbis indulgeretur, non erat ab Episcopatu Fundenſi Pontificia auctoritate transferendus. Alias vero ne Agnellus idem ſine Eccleſia eſſe videretur, neve neceſſarii ſubſidiis deſtitueretur, rectæ æconomiz ratio poſtulabat, ut alteri Eccleſiæ regendæ præſiceretur. Jure igitur Gratianus ante eos canones ſcribere potuit: *Poteſt etiam utriusque (Eccleſiæ) tamquam titularæ præſeſſe, ſed jure ſpeciali, non communi.* Non video autem, cur Romani Correſtores hinc occaſionem arripuerint arguendi Gratianum, ſubjicientes: *Alia eſt ſententia B. Gregerii, ac Gratianus putare videatur. Hunc enim Agnellum, qui antea Fundorum erat Episcopus, quod ea Civitas ab hoſte eſſet vaſtata, Tarracinenſem Cardinalem conſtituit Sacerdotem.* Verum, venia dixerim graviffimorum Virorum, idem & ipſi cum Gratiano adſtruunt, & quidem optime. Quid enim aliud eſt, ideo Agnellum duplici Episcopatu frui potuiſſe, quod Fundenſis Eccleſia ab hoſte vaſtaretur, quam duplici Episcopatu frui potuiſſe ex jure ſingulari? Illud ego ſingulare jus dixerim, quod ſingularia vel locorum, vel temporum, vel perſonarum adjuncta inducere poſſunt; neque, ut arbitror, alia ſuit Gratiani ſententia. De voce *Cardinalis*, quæ in hac epistoſa occurrit, nihil dixerò. Jam de illa ſatis loquuti ſunt, & optime Romani Correſtores iidem ad cap. *Fraternitatem diſt. 71.**

## De epistolis ad Anthemium Subdiaconum in Campania.

Can. 1.  
dist. 84.

Fuit Anthemius unus ex Subdiaconis Regionariis, quibus Pontifices Maximi certis de crassius vices suas demandare aliquando consueverant, ut vel quid gestum esset, ipsi renunciarent, vel, si forte levior causa videretur, iudicio suo dirimerent. Plures ad eum sunt Gregorii epistolæ. Ex his est epistola 31. lib. 11. in vulgari editione, & 26. lib. 13. in Maurina, ex qua depromptus est canon 1. dist. 84., cuius verba ita exigenda sunt ad vulgatos Gregorii codices, cum apud Gratianum nonnulla desiderentur. *Pervenit ad nos Fratrem . . . five filii Ecclesiæ (hanc vocem Ecclesiæ, monent Maurini Monachi in aliquot MSS. Codicibus desiderari) vel oppressi pauperes . . . possit addiscere; sed rebus, quæ ad Pastoris curam pertinent, prætermittis, ad fabricandum navis toto se studio inutiliter occupare. Unde, sicut fertur, contigit, quadringentos illum, aut amplius jam solidos perdidisse. Hoc quoque ejus culpis adjungitur, quod ita quotidie despectus cum uno, aut duobus Clericis dicitur ad mare descendere, ut & apud suos in fabula sit, & extraneis sic vilis, ac despicibilis videatur, ut nihil habere Episcopalis vel genii, vel reverentie judicaretur. Quod si ita est . . . debeas, ac hortari, ut vitio torporis excusso, deses esse non debeat; sed in Ecclesiæ suæ, ac Monasteriorum cura sit vigilans, paternam filiis suis caritatem exhibeat, in defensionem pauperum cum discretione, in quibus justitia suaserit, sit erectus, consilia sapientum libenter suscipiat, quatenus & Civitas illa ejus quæ sit sollicitudine consolari, & ipse desidia suæ culpas valeat operire. Si vero, quod non credimus &c. Paschasius, de quo hic sermo instituitur, erat Episcopus Neapolitanus. Jungatur can. 2. dist. 89.*

Can. 2.  
dist. 84.

Huic argumento proxima est epistola ad eundem Anthemium in vulgari editione 33. lib. 11., in Maurina 27. lib. 13., ex qua depromptus est canon 2. dist. 84. Priora epistolæ verba hæc sunt, quæ a Gratiano omissa fuerunt: *Quoties illa de Fratribus Coepiscopisque nostris audimus, quæ & illos reprehensibiles ostendere, & nobis tristitiam valeant generare, de eorum nos emendatione non mediocriter cogit necessitas cogitare. Quia ergo nuntiatum nobis est, Campaniæ Episcopus ita negligenter existere, ut immemores honoris sui, genique neque &c. Vocem illam genique, quæ & in Gratiano, & in plurimis editis exemplaribus desideratur, asserunt Maurini in MSS. codicibus vetustis reperiri. Eadem formula usus est Gregorius in epistola supra memorata ad Anthemium, sive in can. 1. dist. 84. ibi: Nihil habere Episcopalis vel genii, vel reverentie. Observandum etiam est, ubi Gratianus legit: *Convocatis, & nostro illos mandato*, in editis epistolæ exemplaribus ita legi: *Convocatis ex nostro illos mandato*.*

Can. 2.  
dist. 89.

Episcopo minus dignam sollicitudinem fuisse, quam habebat Paschasius Neapolitanus Antistes, observavimus ad can. 1. dist. 84. Aliud ejusdem rei argumentum suppeditat canon 2. dist. 89. ex epistola Gregorii ad Anthemium in vulgata editione 66. lib. 9., in Maurina 71. lib. 11. Ait ibidem Gregorius: *Hortandus præterea idem Frater ex nostro mandato est, ut se in omnibus vigilantem exhibeat, & Ecclesiæ suæ amplius disciplinam non negligat, ne & peccatum de his, qui ei commissi sunt, sustineat, & nos contra se vehementer stimulet, si in officii sui cura, quod non optamus, incautus, vel lentus extiterit. Volumus autem, ut memoratus Frater noster Pascha-*

*Paschasius & Vice-Dominum &c.*, quæ legimus in dicto canone 2. Jungendus idem canon erit cum can. 1. dist. 84., ex eo enim liquebit facile, quæ fuerit præcipua Paschasii cura, nimirum a negotiis Ecclesiasticis aliena, quamobrem a Gregorio debuerit admoneri, imo etiam reprehendi; quamquam tamen ex eadem epistola liqueat, parum Gregorii monita apud ipsum potuisse, cum iteratis præceptis, & comminationibus opus fuerit. De Vice-Dominis, quorum officium hoc in canone memoratur, mentionem etiam fecit Cassiodorus in lib. 5. variarum epist. 14., item Gregorius idem in can. 3. dist. 89. Sane olim ex can. 27. Concilii Chalcedonensis disciplinam fuisse constat, ut Episcopi Œconomum, quem etiam Vice-Dominum dicebant, haberent in peculio ecclesiastico administrando, ne sine testibus ipsi pro voluntate eodem peculio uterentur. Paschasius receptæ sui temporis disciplinæ non servierat, sed spreto cujuscumque Œconomi officio, ipse per se suæ Ecclesiæ redditibus utebatur, ut voluptatibus suis indulgeret, præsertim in navibus instruendis, quemadmodum constat ex canone 1. jam pluries memorato.

Ad redarguendam quoque Pigmenii Amalphitani Episcopi (erat olim Amalphia Urbs Episcopalis in Campania, nunc Archiepiscopalis in Regno Neapolitano) negligentiam pertinet Gregorii epistola alia ad Anthemium, quæ est 23. lib. 5. in vulgatis, & lib. 6. in Maurina editione. Fere integra refertur in can. 20. cau. 7. qu. 1., si quæ autem apud Gratianum desunt, ex his facile quisquam supplebit, *Pervenit ad nos Pimenium* (legunt alii *Pigmenium*) *Amalphitanæ Civitatis Episcopum . . . vagari, quod videntes alii nec ipsi in castro se retinent, sed ipsius exemplum sequentes, foris magis eligunt habitare. Et quia hoc agentes ipsi potius ad suam hostes deprædationem invitant, ideo hac tibi auctoritate præcipimus &c.*

Alia est ad Anthemium epistola in vulgari editione 40., in Maurina 42. lib. 1., quæ Gregorius inhibet Monachis, nequis ex ipsis e monasterio egrediatur, nec ad sæcularis vitæ genus transeat, imo nec ad Clericatus officia facile adspiret. En priora epistolæ verba, ex quibus facilius explicabitur canon 32. cau. 16. qu. 1. ex eadem epistola depromptus. *Jobannes Frater, & Coepiscopus noster directo per Justum Clericum suum capitulari, inter alia plura hoc nobis nescitur intimasse, aliquos Monachos monasteriorum in Surretina Diœcesi positorum, de monasterio in monasterium, prout eis libuerit, transmigrare, & a proprii Abbatis regula desiliero rei secularis abscedere, sed &, quod non licere notum est, peculiaritati eorum singulos studere. Si quos autem qualibet occasione a Clericatu &c.* Sunt hæc verba memorati canonis 32., quem a Gratiano corruptum emendaverunt jam in suis adnotationibus Correctores Romani. Post pauca sequuntur, quæ Gratianus edidit in canone 39. cau. 27. qu. 1. eisdem omnino verbis. Aliqua in hisce canonibus digna sunt singulari animadversione. In primis novi, ibidem agi peculiari sermone de Monachis Surretinæ tantummodo Diœceseos. Porro Urbs Surretina Urbs erat Episcopalis in Campania, nunc Archiepiscopalis. Deinde sunt, qui putant, verba illa *qualibet occasione*, quæ habentur in dicto can. 32. juxta ea, quæ nuper describebam (quidquid Romani Correctores ex suis exemplaribus scripserint) falso esse inserta in vulgari editionibus; hinc Thomas Jamesius in vindiciis Gregorianis ait: *Verba hæc qualibet occasione, ad amplificandum Monachorum ordinem spectant, aliena sunt, atque obscura textui ab aliquo tenebrione, in membranis non comparent.* Quæ sane si vera sunt, Romanorum Correctorum codex aliis codicibus præstabit. Demum quod spectat interdictum, ne passim Monachi ad Clericatum adspirent, suis sane rationum momentis innitebatur,

Can. 10.  
cau. 7.  
qu. 1.

Can. 32.  
cau. 16.  
qu. 1.

Can. 39.  
cau. 27.  
qu. 1.

rebat, quæ egregie expendens Severus Sulpitius dialogo 1. cap. 14. ita de Monachis eisdem scribebat. *Siquis Clericus fuerit effusus, dilatat continuo simbrias suas, gaudet salutationibus, inflatur occurſionibus, ipse etiam ubique discurrit, & qui antea pedibus, aut asello ire consueverat, spumante equo superbus inuehitur. Parua prius, ac villi cellula contentus habitare, erigit celsa laquearia, construit multa conclavia, sculpsit ostia, pingit armaria, vestem respuit grossiorem, indumentum molle desiderat, atque hæc caris viduis, ac familiaribus mandat tributa virginibus, illa ut hyrrum rigentem, hæc ut fluentem texat lacernam.*

Benenatus quidam Messenates Episcopus certam pecuniarum quantitatem acceperat, ut castrum in Urbe, in qua residebat, ædificari curaret. Exequi tamen ipse neglexerat, quod sponderat, imo suscepit pecuniam in alios, privatosque usus converterbat. Monuit de hac re Anthemium Gregorius epistola 33. lib. 11. in vulgari, & 51. lib. 9. in Maurina editione, cujus sententiam integram hic describam, ut commodum sit interpretatio canonis 2. cau. 17. qu. 4. *Pervenit ad nos, quendam Benenatum Messenatem Episcopum pro construendo illi castro solidos accepisse. Et quia pars eorum solidorum apud eum dicitur remansisse, experientia tua subtili indagatione perquirat, & siquid manifeste de ipsis solidis cognoveris remansisse, comitatio comiti prædillæ Civitatis sub desupercepti illud pagina contradat, atque immineat, ut in constructione ejusdem loci, sicut sunt dati, Deo adjuvante, proficiant, quia ratio nulla permittit, ut propriis cujusquam usibus applicetur, quod pro communi utilitate datum esse cognoscitur.* Benenatus ille, qui Messenas hic dicitur, alibi Misenus, sive Misenæ Civitatis Episcopus adpellatur, quem spectant canon 11. dist. 61., & canon 48. cau. 16. qu. 1.

Est alia ad Anthemium epistola 48. in vulgari, 51. in Maurina editione lib. 1., in qua legitur can. 5. cau. 20. qu. 1., ubi pro voce *providentia* legendum est, *experientia*. Palmaria insula, de qua in eo canone sermo est, parva sane, & in mari Tyrreno sita contra Terracinam, fuit olim receptaculum Monachorum, quemadmodum & insula Orphiaria, sive Orphiana, de qua sermo fit in eadem epistola Gregorii; siquidem Monachi in insulis tunc degere solebant, in quibus procul a strepitu quietam, & qualis solitariis hominibus convenit, vitam tradebant, quemadmodum testatur Ambrosius lib. 5. in Hexameron cap. 5. Vult ibi Gregorius, neminem ante annos decem & octo in monasteriis insularum recipiendos esse, ea ratione, quia dura est in insulis congregatio Monachorum. De hac re investiganda video parum sollicitos Interpretes fuisse, & Glossographos. Ego id minime prætermittam, novi enim, quod ibidem Gregorius statuit, non generale disciplinam continere, sed singularem & suis tantummodo temporibus accommodatam. Erat tum Italia universa hostilibus armis concussa, Italique debiliores vel ætate, vel sexu in insulas Italicæ adjacentes sese quasi in asylum recipiebant, rati eo hostium exercitus nequitiam perventuros. Id tradit ipse Gregorius initio ejusdem epistolæ, ibi: *Comperimus in insula Orphiana . . . multos virorum cum mulieribus suis diversorum patrimoniorum illuc pro necessitate feritatis barbaricæ refugisse, quod importunum judicavimus, ut dum aliorum refugiorum loca vicina sint, ibidem cum Monachis debeant mulieres habitare.* En igitur apertissimam causam, cur ea ætate dura esset in insulis congregatio Monachorum, qui tenebantur vel ex ipso charitatis, ac miserationis officio integras excipere familias in monasteriis suis, in monasticæ solitudinis, quietis, orationisque divinæ dispendium. His accedit, puerulos metu hostium

hostium in insularum monasteria adductos, facile parentum suasionibus monasticam vitam professos tum fuisse, quam tutam omnino a publicis perturbationibus in insulis illis esse suismet oculis videbant; proindeque non satis maturo consilio, perpensaque causa Monachos se fieri exoptabant.

## De epistolis ad Benenatum Misenum.

Vacante Cumana Ecclesia prope Misenum Promontorium sita, quæ hodie ob Cumanam dirutam Urbem Neapolitanæ Ecclesiæ juncta est, a Gregorio constitutus est ejus Visitator Benenatus Misenus Episcopus, ad quem directæ est epistola 19. in vulgari, & 25. in Maurina editione lib. 2. Ad eam referendus est canon 11. dist. 61. his verbis: *Caritas tua ad prædictam Ecclesiam ire properabit, & assiduis adhortationibus Clerum, plebemque ejusdem Ecclesiæ admonere te volumus, ut remoto studio diversarum partium uno, eodemque consensu talem sibi præficiendum expectant Sacerdotem, qui & tanto ministerio dignus valeat reperiri, & a venerandis canonibus nullatenus respuatur. Qui dum fuerit postulatus, cum solemnitate decreti, omnium subscriptionibus roborati, & dilectionis tue testimonio literarum, ad nos sacrandus accurrat &c.* Si hæc ita descripta perpendantur, liquebit facile, quam perperam usus fuerit Gratianus hoc fragmento. Ostensurus ipse erat discrimina, quæ intercedunt inter postulationem, atque inter electionem, tradens inter cetera, atque eo monumento comprobans, electionem quidem fieri *cum solemnitate decreti omnium subscriptionibus roborati, postulationem vero simplici petitione.* At bone Deus! cum Gregorius solemnitatem decreti omnium subscriptionibus roborati exigit, postulationis utitur vocabulo, ibi: *dum fuerit postulatus &c.* Quomodo igitur ad electionem ea pertinent; aut quomodo postulatio fieri dicitur sine decreti solemnitate? Dixerit forte quispiam, apud Gregorium nomine postulationis electionem intelligi. Et ipse id fateor, quia Gregorii tempore erant hæc promiscua nomina, nec adhuc postulatio diverso jure, ac electio dicebatur. At si id verum est, quomodo ex Gregorii monumentis potuit Gratianus jura postulationis ab juribus electionis omnino sejungere, & diversam utriusque formulam tradere?

Cumanam Ecclesiam vix jure Visitatoris adivit Benenatus, non quidem cogitavit, ut electionem fieri Antistitis curaret, sed potius ut illam suæ Ecclesiæ jungeret, ipseque esset tum Misenæ, tum Cumanæ Ecclesiæ Episcopus. Id obtinuit ex Gregorii rescripto, seu epistola 31. in vulgari, & 45. in Maurina editione lib. 2. Hæc fere integra legitur in can. 48. cau. 16. qu. 1., & quidem eisdem verbis, si conferatur cum editione vulgari. In editione Maurina levis est scripturæ varietas; nam ubi legunt alii *utrasque nos Ecclesias . . . & ideo te quæcumque tibi de earum . . . perspexeris, ibi habitato . . . Ecclesiam, cui corporaliter præsens non es &c.* legunt Maurini Monachi: *utramque nos Ecclesiam . . . & quæque tibi earum . . . perspexeris, habitato . . . Ecclesiam, a qua corporaliter ad præsens absens es &c.*

Can. 11.  
dist. 61.

Can. 48.  
cau. 16.  
qu. 1.

## De epistolis ad Clementinam Neapolitanam.

Clementinam, ad quam scripta est epistola 11. lib. 1., Patriam Neapolitanam fuisse Maurini Monachi conjiciunt ex lib. 3. epistolarum Gregorii epist. 1. *Can. 3. dist. 89.* Eam consolatur in primis Sanctus Pontifex de morte Eutherii Viri clarissimi; deinde, cum Clementina ad se mitti petiisset Anatolium quendam Diaconum, rescribit Gregorius, illum mitti non posse, quod Romanæ Ecclesiæ Vice-Dominus, sive Œconomus jam constitutus esset. Hanc posteriorem epistolæ partem retulit Gratianus in can. 3. dist. 89., in quo tamen duo menda occurrunt in nonnullis Gratiani exemplaribus; ubi enim Gratiani codices habent, *quem ad nos dirigi, & austeritas fecit*, in vulgaris epistolarum codicibus legitur: *ad vos dirigi, & austeritas facit*. De nomine Vice-Domini nihil hic dixerim, quum quædam attigerim superius ad canonem 2. dist. 89.

## De epistolis ad Fortunatum Episcopum Neapolitanum.

Plurimæ sunt, & quidem diversis in causis, Gregorii epistolæ ad Fortunatum Neapolitanum Episcopum. Prior recensetur apud Gratianum in can. 15. dist. 54. *Can. 15. dist. 54.* epistola 32. lib. 6. in Maurina, & 31. lib. 5. in vulgari editione. Agit ibi Gregorius de servis Judæorum, sive Judæi fuerint, sive Gentiles, ac scribit, eos quoties Christiani esse maluerint, abs Judæis amplius possideri non posse, imo nec venditionis titulo in aliorum dominorum potestatem transferri, sed jure ad libertatem proclamare. Jam pridem id Christiani Imperatores constituerant toto tit. Codicis, ne Christianum mancipium; quomobrem studendum erat Gregorio, aliisque Ecclesiasticis Antistitibus, ne Imperialia privilegia favore Religionis Christianæ concessa in desuetudinem abirent. Id perspicue patet ex integra epistola, cujus initium hoc est: *Fraternitati vestre ante hoc tempus scripsimus, ut hos, qui Judaica superstitione ad Christianam Fidem Deo aspirante venire desiderant, dominis eorum nulla esset licentia venundandi, sed ex eo, quod voluntatis suæ desiderium prodidissent, defendi in libertatem per omnia debuissent. Sed quia, quantum cognovimus, nec voluntatem nostram, nec legum statuta subtili scientes discretionem pensare, in paganis servis hac se non arbitrantur conditione infringi, Fraternitatem vestram oportet de his esse sollicitam, &c.*, quæ leguntur in dicto canone 15., in quo, siquæ est codicum varietas, Romani jam Correctores animadverterunt.

Alia epistola 11. lib. 6. in Maurina, & 11. lib. 5. in vulgari editione laudatur in can. 5. dist. 71. in causa Gratiani Venafranz, seu, ut alii scribunt, Benefranz Ecclesiæ Diaconi. Is enim cum in propria Ecclesia ministrare hoste prohibente non posset, Pontificia auctoritate, ac petente Neapolitano Episcopo Neapolitanæ Ecclesiæ adscriptus est. Verba dicti canonis 5., quæ cum ipsa epistola omnino consonant, argumentum hujus rei perspicue ostendunt. Postularem hoc in loco a Romanis Correctoribus, cur non illud animadverterint, quod animadvertendum voluerunt in can. 5. & 6. cau. 21. qu. 1.

Sollicita, & propemodum anxia in Monachos cura, qua afficiebatur Gregorius, *can.*

eundem excitavit, ut ad Fortunatum Episcopum scriberet, conquerens, quod ille Monachos, ac monasteria non foveret, quemadmodum decere Episcopum videbatur. Ea est epistola 23. lib. 8. in vulgari, & 24. lib. 10. in Maurina editione, ad quam referendus est canon 6. cau. 19. qu. 3. Primum monuit Gregorius, ne quisquam ad tonsuram monasticam admitteretur, nisi primum per biennium mansisset in monasterio tyrocinii causa. Id Maurini Monachi in lib. 1. vitæ S. Gregorii cap. 3. in tomo ultimo suæ editionis ita sunt interpretati, ut singulare fuisset constitutum in Ecclesia Neapolitana urgentibus quibusdam loci simul, ac temporis adiunctis; quia videlicet, ut in eadem epistola Gregorius refert, tunc contigerat in Urbe Neapolitana, quandam Mauritium precipitanter de laico Monachum factum, nec antea probatum, sublatis monasterii rebus aufugisse. Præterea monuit Gregorius, ut nemo ex militibus ad monasticam professionem admitteretur, nisi prius Gregorius ipse de ea re certior fieret. Romani Corredtores recte animadverterunt, Interpretes, ac Glossographos in hac epistola expendenda non nihil a proposito aberrasse. Etenim Gregorii monitum respiciebat Constitutionem Mauriti Imperatoris, qua cavebatur, ne milites ante expletum militiæ tempus ad monasticam professionem admitterentur. De hac lege differendum erit inferius ad canonem 1. dist. 53. Unum tantum hoc loco animadvertam, nimirum ubi apud Gratianum legitur, quos ad conversationem susceperint, & qualicumque præsumat ratione suscipere, legi in optimis codicibus, quos ad convertendum susceperint, & qualibet præsumat ratione suscipere.

Epistola 20. lib. 6. in vulgari, & 23. lib. 7. in Maurina editione, ex qua depromtus est canon 28. cau. 27. qu. 2., scripta est ad Fortunatum Neapolitanum Episcopum, simul & ad Anthemium Subdiaconum, ac Defensorem. Acceperat Gregorius, virginem quandam sponsalia contraxisse cum Stephano, post datam autem eidem fidem monasticam vitam professam fuisse. Eam ob rem Stephanus sua interesse putabat, si domum, aliasque res virginis, velut in injuriæ sibi illatæ compensationem, occuparet. Gregorius causæ cognitionem Fortunato simul, atque Anthemio demandavit, quorum operæ commisit, ut si vera fuerint, quæ narrarentur, monerent Stephanum de rebus restituendis, ea addita ratione, quia decreta legalia desponsatam, si converti voluerit, nullo omnino censuerunt damno multari, quemadmodum in dicto canone 28. legitur; at si Stephanus monitis non acquieverit, sibiim quid factum fuerit, renunciaretur, ut ipse Gregorius opportunis modis faciendam ex necessitate restitutionem curaret, quam Stephanus sponte, & ex consilio facere neglexisset. Monent Maurini pro verbo illo multari, in aliquibus MSS. codicibus legi multare.

In canone 6. cau. 29. qu. 2. integra refertur epistola 1. in vulgari editione lib. 6., in Maurina libro 7. Agitur ibi de causâ Clerici cujusdam Neapolitani, qui prætenu servitutis, quæ uxorem affectam aiebat, a se illam abjecerat. In eodem canone observandum est, ubi Gratianus legit cautius novit, quia scilicet maritus suus . . . sua eam vos conjugio reformaretis . . . macula servilis . . . nos illud cognoscatis &c. in aliis codicibus ita haberi: Acutius novit, quum quia maritus suus . . . suo eam vos conjugii reformare Fraternitas vestra cognoscat . . . macula servitutis . . . nos illum cognoscatis &c.

## De epistola ad Gaudentium Nolanum Episcopum.

*Can. 19. dist. 61.* Vacante Ecclesia Capuana, ejusdem visitationem juxta morem sui temporis mandavit Gregorius Gaudentio Nolano Episcopo per epistolam 11. lib. 10. in Maurina, 13. lib. 4. in vulgari editione. Nimirum ne bona vacantis Ecclesie a quocumque diriperentur, Metropolitanis, aut Primatis sollicitudo Episcopum designabat, cujus solertia omnia custodirentur, imo & electio Successoris celebraretur. Huc spectat canon 22. Concilii Chalcedonensis, canon 35. Synodi sextæ, quibus addi possunt can. 45. 46. 47. 48. cau. 12. qu. 2. Ex laudata Gregorii epistola depromtus est canon 19. dist. 61., cujus postrema verba in aliquibus exemplaribus corrupta sunt, ideoque ita restitui debent: *Sedulo, ac devote debeant deservire*. In prioribus verbis non consonant omnes Gregorii codices; alicubi enim pro nomine *Fest* Capuani Episcopi legitur *Sixtus*, alicubi *Fusus*.

## De epistola ad Godifscalum Ducem Campaniæ.

*Can. 67. cau. 11. § 3.* Elegans est Gregorii sententia, quæ legitur in can. 67. cau. 11. qu. 3. ad coercentes effrænes iracundie impetus maxime accommodata. Ea legitur in principio epistolæ ad Godifscalum Campaniæ 12. lib. 8. in vulgari, & 11. lib. 10. in Maurina editione. Ira percitus Godifscalus (alii appellant Gudifscalum, alii Guidifscalum) adversus Abbatem monasterii Sancti Archangeli, ejusdem monasterii januas effringi jusserat, irruensque armata militum selectorum manu, quidquid militibus libuisset, eripiendum voluit. De hoc gravi iracundie motu conquestus est apud ipsum Ducem Gregorius, adserens iram ratione esse temperandam, quemadmodum legitur in dicto canone 67., cujus postrema verba ita ex editione Maurinorum erunt legenda: *Nam commotionis tempore justum putas ira, quod fecerit*.

## De epistolis ad Johannem Episcopum Vellitranum.

*Can. 44. cau. 7. qu. 1.* Duplex memoratur apud Gratianum epistola Gregorii ad Johannem Episcopum Vellitranum (est Velletri Urbs Campaniæ non præcul a Roma, cujus Episcopatus hodie junctus est Ostiensi). Prior epistola est in editione Maurina 14. lib. 2., in vulgari 11. lib. 2., ex qua excerptus est canon 44. cau. 7. qu. 1. Ibi Gregorius metropolitico etiam jure Johanni mandat, ut injuria belli causam præbentem, interea Episcopalem Sedem in alium Diocesæ locum transferat. Variam varii codices exhibent lectionem; ubi enim Gratianus legit: *In loco quondam Arenata . . . transmigrari, quatenus ab hostilitatis . . . illic consuetudinem solemnium festive disponas*, in aliis codicibus habetur: *in locum, qui Harenata dicitur . . . transmigrare, quatenus & ab hostilitatis . . . illis consuetudinum solemnium festa disponas*. Omitto ea, quæ jam in his postremis verbis Romani Correctores animadverterunt; eo enim omnia collineant, ut indicetur, in loco Harenata constituendam opportune esse Ecclesiam Cathedrali, ad quam populus solemnibus diebus ecclesiasticis con-



confluere teneretur juxta veteres canones, videlicet canonem 21. Concilii Agathensis, can. 15. Concilii Arvernensis, can. 25. Concilii Aurelianensis I., & can. 3. Concilii Aurelianensis IV.

Altera epistola, ex qua depromptus est canon 49. cau. 16. qu. 1., habetur in *Can. 49.*  
lib. 2. epistola 35. in vulgari, epistola 50. in Maurina editione. Inscriptio episto- *can. 10.*  
læ non eadem est in omnibus codicibus; in aliquibus enim Johannes dicitur Episcopus *qu. 1.*  
*Vellitrans*, in quibusdam *Veliternus*, in uno MS. *Uquillacinus*, uti observaverunt Monachi Maurini. Non videtur recedendum a vulgari lectione unius, vel alterius codicis causa, ubi præsertim nulla melior ratio subest. Extat fere integra epistola in dicto canone 49., ubi Romani Correctores pro voce *Treverensum* recte adposuerunt *Triumtabernensum*. Monachi Maurini freti auctoritate codicum MSS. legerunt *trium tabernarum*; & quidem optime congruit emendatio cum epistolæ integræ contextu; nam tres tabernæ erant olim Urbs Latii Episcopalis, cujus vestigia supersunt in via Appia non procul ab Urbe Velitrensi, de qua etiam mentio fit in Actibus Apoltolorum cap. ult. ibi: *Occurrerunt nobis usque ad Appii forum, & tres tabernæ*. Illud adjici potest, Monachos Maurinos in MSS. Codicibus quibusdam pro voce illa *commoti* legisse *commonisi*.

## De epistola ad Clerum, & Nobiles Cives Neapolitanos.

Vacante Neapolitana Ecclesia, Clerus, & Populus suffragia ita diviserat, ut vix constaret, quis rite electus esset ex duobus Diaconis Johanne, & Petro. In his causarum adjunctis ad Clerum, & Nobiles Neapolitanos scripsit Gregorius epistolam, quæ in vulgari editione est 40. lib. 8., in Maurina 62. lib. 10. Ipsam integram descripsit Gratianus, quinque se junctis fragmentis. Initium epistolæ legitur in can. 17. cau. 8. qu. 1., post cujus postrema verba, ita sequitur: *Prius enim* *Can. 17.*  
*quam scripta ad nos vestra recurrerent* (legunt alii *discurrerent*) *Johannem Diaconum* *can. 8.*  
*&c.*, quæ habentur in can. 4. dist. 28., & statim subsequuntur verba canonis 1. *qu. 1.*  
dist. 39. ibi: *Petrus item Diaconus, quem a vobis electum adseritis &c.* Huic sane *Can. 4.*  
canoni aliam sententiam Gratianus affinxisse videtur, quam quæ Gregorii esset. *dist. 28.*  
Ait Gregorius, eo tempore debuisse talem in Episcopatu constitui, qui *Can. 1.*  
*de extrinseca etiam subjectionum utilitate, & cautela sciret esse sollicitus*, quæ sane intelligenda *dist. 39.*  
erant in conspectu hostium barbarorum; tunc enim pene ruente Orientalium imperio, inter gravissimas angustias pressi ab exteris Itali Populi consueverant ad Episcopos suos, tamquam ad parentes optimos confugere, quamobrem opportunius tempus esse non poterat, quo prudentissimus quisque Episcopus eligeretur. At Gratianus rei historice parum gnarus ita canonem interpretatus est, quasi *Can. 4.*  
*pro sua simplicitate* esset quis ab Episcopatu adipiscendo repellendus, ne ejus occasione res *dist. 49.*  
Ecclesiæ dilapidarentur. Pergit Gregorius inquit: *Nam de eo insuper ad nos pervenisse cognoscite, quod solidos dederit ad usuras &c.*, quæ habentur in can. 4. dist. 47., ubi tamen leviuscula quædam observari possunt; etenim pro illis verbis: *alium eligere, & ab hujus vos persona . . . esse putaveris . . . ut vitam, moresque illius &c.* *Can. 15.*  
vulgares Codices exhibent: *alium eligite, & ab hujusmodi vos persona . . . esse putaveris . . . ut de vita, moribusque ipsius &c.* Demum epistola concluditur verbis *dist. 61.*  
illis, quæ Gratianus descripsit in can. 15. dist. 61. Eadem verba cum Gra-

Gratianus aliquantisper corruerit, ut fragmentum magis perspicuum redderet, ita restituiam. *Studii præterea vestri sit, etiam alium, qui aptus sit, providere, ut si forte huic ordini hic non videatur idoneus, sit, in quem se vestra declinare possit electio. Nam grave Cleri illius erit opprobrium, ut, si hic fortasse adprobatus non fuerit, alium scilicet dicant, qui eligi debeat, non habere.*

## De epistola ad Milites Neapolitanos.

Can. 7.  
caus. 23.  
qu. 1.

Pluries jam tradidi, Gregorium Pontificem promovendæ Imperatorum, ac Civium Imperatoribus subditorum utilitati studiosissime pro officio prospexisse. Huius rei inter cetera argumentum præbet epistola 31. lib. 2. in Maurina, & 24. lib. 12. in vulgari editione. Ibi monentur Neapolitani Milites, ut Constantio Tribuno Civitatis obtemperent, causâ publicæ utilitatis. Integra epistola refertur in can. 7. cau. 23. qu. 1., dummodo ea adjiciantur, vel emendentur, quæ minus apposite in principio Gratianus descripsit, his verbis: *Summa militiæ laus inter alia bona merita hæc est, obedientiam Sanctæ Reipublicæ utilitatibus exhibere, quodque sibi utiliter imperatum fuerit, obtemperare, sicut & nunc devotionem vestram fecisse didicimus &c.* Animadvertunt Maurini Monachi, epistolam eandem in plerisque MSS. Codicibus desiderari; proindeque non omnino certa est illius auctoritas, aut omnino indubium, quodcumque ex illa deduceres argumentum.

## De epistola ad Paschasium Episcopum Neapolitanum.

Can. 3.  
dist. 45.

Quanta esse debeat Episcopi solertia, ut populi a Fide Christiana aberrantes ad eandem revocentur, aut trahantur, innuit Gregorius in epistola ad Paschasium Episcopum Neapolitanum in Maurina editione 12. lib. 13., in vulgari 15. lib. 12. Eam integram retulit Gratianus in can. 3. dist. 45., in quo tamen ubi legitur, *Judei siquidem Neapoli consistentes . . . licuit observare. Quod si . . . operam dare . . . ad fidem illi . . . ut eos ex eorum codicibus &c.* Monachi Maurini legendum voluerunt: *Judei siquidem Neapolim habitantes . . . licuit observare, vel colere. Quod si . . . operam adhibere . . . ad fidem illis . . . ut eis ex eorum codicibus &c.*

## SECTIO VI.

### De epistolis directis per Illyricum.

### De epistolis ad Antoninum Subdiaconum in Dalmatia.

Quod munus obibat Anthemius, ut supra traditum est, in Campania Subdiaconus, illud ipsum obibat Antoninus Subdiaconus in Dalmatia. Horum opera utebatur Pontifex Maximus non tam ad tuendas Ecclesiæ facultates in Provinciis sitas, quam veluti Delegatorum extra ordinem, qui aut mandata Pontificum exequen-

tur,

tur, aut, prout res incideret, Pontifices eosdem redderent certiores. Tres ad eundem Antoninum Gratianum retulit Gregorianas epistolas, quæ Salonitanam potissimum Ecclesiam, & Natalem ipsius Ecclesiæ Episcopum respiciunt. Prior epistola est numero 16. lib. 2. indict. 10. in vulgari, & 20. lib. 2. in Maurina editione, cujus argumentum hoc est. Natalis Salonitanus cognatis suis sacra Ecclesiæ vasa concefferat, contradicente Honorato Archidiacono, ad cujus curam illa potissimum pertinebant. Quod ægre ferens Natalis Honoratum ab Archidiaconatu dejecit sub specie promotionis ad Ordinem Presbyterii. Conquestus Honoratus statim fuit apud Gregorium, qui propterea de ea re ad Antoninum scripsit. Verba epistolæ sunt in can. 8: dist. 74., quæ sane cum integra fere epistola plurimum congruunt cum epistola altera a Gregorio scripta ad eundem Natalem, ex qua legitur apud Gratianum canon 40. cau. 7. qu. 1.

Can. 8.  
dist. 74.

Altera epistola, in vulgari editione 9. lib. 2. indict. 11., scripta est occasione iniquæ sententiæ ab eodem Natali Salonitano prolata in causa Florentini Epitauritanæ Civitatis Episcopi. Eum damnaverat Natalis, non servatis solemnitatibus ex sacrorum canonum disciplina præstitutis, nimirum nullo celebrato Sacerdotum Concilio, imo, quod gravius erat, nulla præhabita criminum objectionum probatione. Voluit Gregorius eam sententiam revocari, causamque in Concilio retractari. Epistolæ fragmentum legitur in can. 64. cau. 11. qu. 3. Epitauritana, autem Civitas, cujus Episcopum insequabatur Natalis, eadem est, quam hodie adpellant Ragusam Urbem maritimam in Dalmatia.

Can. 64.  
cau. 11.  
qu. 3.

Vita functo eodem Natali Episcopo Salonitano, Gregorius Antonino mandavit, ut curaret in Ecclesia vacante quaniocius successorem Episcopum eligi per Cleri, Populiq; suffragia. Epistola Gregorii est in vulgari editione 22. lib. 2. indict. 11., in Maurina 22. lib. 3., atque ex ea depromptus est canon 1. cau. 8. qu. 2., ubi pro illis verbis *te admonente* animadvertunt Maurini Monachi ex MSS. Codicibus legendum potius esse *te imminente*, una etiam observantes apud Gregorium verbum *imminere* promiscue usurpari, ac verbum *inflare*, *urgere*, & similia.

Can. 1.  
cau. 8.  
qu. 2.

## De epistola ad Episcopos Epiri.

In vulgari editione lib. 5. epistola 7., in Maurina lib. 6. epistola 8. hanc exhibet inscriptionem: *Gregorius Theodoro* (legunt aliqui, *Theodorico*, vel *Theoderico*), *Demetrio*, *Philippo*, *Zenoni*, & *Alcisseno* Episcopis Epiri. Hi certiore Gregorium fecerant de electione, ac consecratione Andreæ Episcopi Neapolitani, siquidem Nicopolis erat Urbs Epiri Metropolitana. Qua in re observandum est, duas in Illyrico tunc Provincias fuisse Epiri nomine designatas, novam, & veterem. Epirus nova, quæ hodie Albania superior est, Metropolim habebat Dyrrachium. Epirus vetus, quæ a nonnullis Albania inferior dicitur, recentioribus vero Chimera, & Larta Metropolim habebat. Nicopolim ad sinum Ambracium. De hac Epiro vetere intelligenda est Gregorii epistola, quamobrem jure Monachi Maurini emendarunt vulgatos codices in ea parte, in qua exhibent Andreæ Nicomedianæ Civitatis Episcopum; voluerunt enim legendum non *Nicomedianæ*, sed *Nicopolitanæ*; quæ emendatio validis argumentis confirmatur apud Petrum\* de Marca in lib. 5. de concord. Sacerd. & Imper. cap. 25. num. 10. Exinde etiam liquet, emen-

Can. 11.  
dist. 100.

emendandum similiter esse canonem 11. dist. 100. ex ea epistola depromptum. Quæ vero in eo canone memorantur privilegia Episcopi Nicopolitani, quæ se confirmasse instat suorum Prædecessorum Gregorius proficitur, eo pertinent, ut Nicopolitanus Episcopus Vicarius esset in Epiro Sedis Apostolicæ, quemadmodum & in sua Provincia erat Episcopus Thessalonicensis, aliique numero plurimi in diversis Ecclesiis. Insigne vero privilegii illius, & Vicariatus Apostolici erat pallium, quod, ut liquet ex eodem canone, ad eundem Episcopum directum fuit.

## De epistola ad Episcopos per Elladium.

Can. 117. Non omnes codices omnino consonant in inscriptione epistolæ 56. lib. 4. vulgaris, & 58. lib. 5. Maurinæ editionis. Maurini Monachi maluerunt legendum esse: *Gregorius universis Episcopis per Helladium Provinciam constitutis*, In codicibus Gratiani legitur *per Helladem*, in aliquibus *per Heledam*. Exhibent alii codices *per Archelaidam*: alii *Episcopis Adrellada*, vel *Arellada constitutis*. Sane nemo non videt ibi Helladis Episcopos erudiri, sive Achajæ; Hellas enim proprie Achajæ est Corintho proxima, quam memoravit S. Paullus initio epistolæ 2. ad Corinth. Qualis fuerit hujus epistolæ causa, palam facit canon 117. cau. 1. qu. 1., ubi duo leviuscula menda corrigenda erunt; ubi enim legit Gratianus, *ex quo, ut prædixi, innuitur &c.*, & *cum primo contra Sanctam &c.* legendum est juxta optimos codices: *ex quo, ut prædixi, malo innuitur &c.*, & *cum prima contra Sanctam &c.* Eadem propemodum verba scripserat Gregorius in memorata superius epistola ad Episcopos Epiri, eadem etiam in epistola ad Episcopos Galliarum, ex qua depromptus est canon 2. dist. 48., ex quibus liquet, pluribus in Provinciis simoniarum vitio Episcopos Gregoriani temporis infectos fuisse.

## De epistolis ad Johannem Episcopum Primæ Justinianæ.

Quæ Urbs in Albania vocatur Locrida, alias Achridus, nuncupata fuit aliquando Justinianeæ prima; Justinianeæ, quod in ea natus fuerit Justinianus; prima, ut distingueretur tum ab Ulpiano Mætiæ superioris, quæ dicta est Justinianeæ secunda, tum ab aliis Urbibus ideo eodem nomine donatis, quod ab ipso Justiniano fuerint restauratæ. Illa igitur paullatim pluribus ornari, augeri que privilegiis cœpit, ut liquet ex Novella 11. Constitutione, donec Metropolis facta Prævalitanæ Provinciarum, illud præterea obtinuit, ut ejus Urbis Antistes Primas, & Vicarius Sedis Apostolicæ existeret. Ad eam Episcopalem Sedem evectus fuerat Johannes, ad quem Gregorius gratulatus epistolam scripsit 8. lib. 4. in vulgari editione, & in Maurinæ 23. lib. 2., cujus priora verba hæc sunt: *Manifestum bonitatis esse liquet indicium, in unius electione convenire consensum. Quia igitur suscepta &c.* Hic ea sequuntur, quæ legimus apud Gratianum in can. 9. dist. 63. eisdem omnino verbis; post ea autem statim legi debent verba canonis 10. dist. 100. Ex his sane observare merito possumus, Pontifices Maximos sæculo sexto pallium consuevisse concedere iis, qui Romanæ Sedis Vicarii in diversis singuli Provinciis constituerentur, quemadmodum etiam constat ex epistola Gregorii superius memorata ad Episcopos Epiri.

Alia

Alia est ad eundem Johannem epistola, ad quam referendus est canon 44. cau. 2. qu. 7. a Gratiano, aut quovis alio Scriptore, qui Gratiano auctor fuerit, omnino depravatus. Ea est epistola 31. lib. 12. in Maurina, & 34. lib. 10. in vulgari editione. Ibi Gregorius expositis Paulli Docleatini Episcopi criminibus, de quibus nimirum accusatus fuerat Paullus, imo etiam depositus, subrogato in ejus locum Nemesione, proposuit, quid Johanni Primæ Justinianæ Episcopo agendum superesset. Erat Doclea Urbs Episcopalis Illyrici ad Lacum Scodritanum, atque olim suberat Scodritano Episcopo, donec Justinianus, ut nuper tradebam, patriam suam ad dignitatem Metropolis evehi voluit; ex eo enim tempore Docleatinus Episcopus Episcopo Primæ Justinianæ subiectus est. Causam igitur Paulli Docleatini dirimendam voluit Gregorius abs Johanne, vel jure ordinario, tanquam Metropolitano; vel etiam extra ordinem tanquam Sedis Apostolicæ Vicario. Eodem tempore Gregorius etiam ad Constantium Episcopum Scodritanum scripsit, ut operam suam jungeret cum Johanne ad rei ejusdem, & causæ executionem commodius obtinendam. Hæc ad Constantium epistola est 35. lib. 10. in vulgari, & 30. in lib. 11. in Maurina editione. Jamvero Gratiani fragmentum ad integram Gregorii epistolam exigamus. Ita scribit Gregorius: *Dilectissimus itaque lator præsentium Nemesion ad nos veniens indicavit, sicut & gestorum exemplaria, quæ huc detulit, continebant, Paullum Docleatinæ Civitatis Episcopum inter alia mala in corporale crimen lapsum, a suis fuisse Clericis accusatum, atque habita cognitione, ita, quod sine dolore dicere non possumus, claruisse, atque insuper, postquam convictus est, etiam eum libellum, in quo ea, de quibus accusatus fuerat, vera esse confessus est, obtulisse. Qua de re sententia illo episcopali deposito, ejus loco se cum Fraternitatis vestra consensu esse Episcopum ordinatum. Sed nunc eundem Paullum cum auxilio secularium Judicum venientem Episcopum more prædonis ingressum, ablatisque violenter rebus Ecclesiæ ab eo se prosectum, & ad summam injuriam, ac necem pene perductum. Et quoniam tantæ nequitie pravitas nec dissimulanda, nec leviter attendenda est, Fraternitas vestra hæc omnia diligenter curæ addiscere, & si ita se, ut edocui sumus, veritas habet, prædictum Paullum districta faciat executione compelli, ut quæcumque abstrulerit, omni mora, vel excusatione cessante restituat; si vero nihil Ecclesiæ, sed suum proprium dixerit abstulisse, quamvis grave, & iniquum fuerit, ut non a vobis, vel Metropolitano ejus hoc peteret, sed temerario ausu manu præsumeret agere; verumtamen siquid proprium tulit, sub Fraternitatis vestræ debet examinatione constare, si verum est. Sed & illud diligenter quærendum est, si quid male de rebus dilapidavit Ecclesiæ, ut ex eo, quod nunc abstulit, hoc reformare, ac satisfacere modis omnibus compellatur.*

## De epistolis ad Johannem Episcopum Corinthi.

Post dejectionem Anastasii Corinthii Episcopi, quem *malum, & execrandæ pravitatis* pastorem Gregorius vocat, succellit in Episcopali Sede Johannes, quem propterea idem Pontifex monet, ut non solum vestigia Decessoris sui non sequatur, sed lapsam in ea Ecclesia disciplinam pro viribus restituat, præsertim vero simoniam, ac simoniacos omnes detesteretur. Gregorii epistola est 55. lib. 2. in vulgari, & 57. lib. 5. in Maurina editione. Ex ea depromptus est. canon 3. dist. 100. y ad quem

Can. 3.  
dist. 100.  
Can. 116.  
cau. 7.  
qu. 1.



gorius idem, una suggerens quid abs Johanne Corinthio agendum esset cum Paulo Diacono, qui ad Episcopi sui Anastasii accusationem rite quidem procefferat, sed prævaricatus fuerat spe præmii, quod accusatus Episcopus ipsi sponponderat; item, quid agendum cum Euphemio, & Thoma etiam accusatoribus, qui ab Anastasio ipso sacris Ordinibus initiati fuerant, pactione inita, ut ab accusatione recederent. Referuntur hæc in can. 6. & 7. cau. 2. qu. 3., qui quoniam paullo aliter, quam in integris epistolis exemplaribus leguntur, ita sunt rectius describendi. Ait Gregorius: *Paululum itaque Diaconum latorem præsentium, quamvis culpa sua vebementer confundat, atque redarguat, quod deceptus promissione ab accusatione nuper depositi quondam Episcopi sui destiterit, & cupiditatis studio filere contra animam suam potius, quam prædere vera consenserit, tamen quia pios plus nos esse convenit, quam districte, hanc ei culpam ignoscimus.* Et paullo postea: *Euphemium vero, atque Thomam in ordine, locoque tantummodo, unde ad ordines sacros promoti fuerunt, volumus revocari, & cunctis diebus vitæ suæ eorundem locorum continentiam, (id est annua vitæ subsidia) sicut consueverunt ante, percipiant.* Sunt hac ratione ad optimos codices relicturi canon 6. & 7. superius memorati. Attamen animadvertendum adhuc superest, in can. 6. §. *Omnis igitur Gratianum ea retulisse, quæ apud Gregorium non habentur, quæque alibi idem Gratianus refert nomine Fabiani, aut Sixti, in can. 4. cau. 2. qu. 8., & can. 1. cau. 3. qu. 6., de quibus jam actum est suo loco.*

## De epistola ad Johannem Larissæum.

Urbs mediterranea Thessalix est Larissa, olim Metropolis ad Penzum fluvium in Pelasgiotide regiuncula inter Pierium montem ad Boream, & Pelasgicum sinum ad Austrum, quæ hodie est sub dominatione Turcarum. Huic Civitati tempore Magni Gregorii præerat Johannes Episcopus, ad quem epistolam Sanctus Pontifex scripsit, quæ in Maurina editione est 7. lib. 3., in vulgari 7. lib. 2. Epistolæ argumentum ut percipiat, operæ pretium erit primum expendere disciplinam, quæ in Episcoporum, judiciis, & accusationibus sæculo sexto vigeat ex Novellis Constitutionibus Justiniani, præsertim vero ex Nov. 83. Ibi constitutum fuit, ut si in civilibus negotiis conveniretur Episcopus, causa coram Archiepiscopo dirimeretur, ne si ad alia judicia pertraheretur, a sacro cogeretur ministerio vacare; at si difficultates quædam suborirentur, aut propter causæ naturam, aut alia quædam adjuncta, quibus coram Archiepiscopo causa finire non posset, ad civiles judices pergeretur juxta Romani juris regulas pronunciaturus: si vero criminalis esset controversia, ut illa coram competentibus judicibus, quales erant in Provinciis Præsides, ageretur, exceptis delictis ecclesiasticis, ut vocant, quæ Synodorum cognitioni reservata semper fuerunt. His igitur legibus disciplina judiciorum clericalium consistebat, dum memoratus Larissæ Episcopus Johannes adversus Hadrianum Thebanæ Civitatis Episcopum sententiam damnationis pronunciavit. Porro Thebana Ecclesia fertur olim Larissæo Episcopo, tanquam Metropolitæ subiecta, licet tamen auctoritate Pelagii II., qui Gregorium præcessit, ab ejusdem jurisdictione subdusta fuerit, forte autem subiecta Primæ Justinianæ Episcopo, qui nuper metropolitica jura, curante Justiniano Imperatore, obtinuerat. Nihilo tamen minus Johannes Larissæus eam exemptionem parvi pendens Thebani Episcopi causam

Can. 52.  
cau. 16.  
§. 1.  
Can. 19.  
cau. 25.  
qu. 2.

sam ipse discusserat, reumque agnitum damnaverat, eamque jurisdictionem eo audentius explicavit, quo gravior erat auctoritas, qua innitebatur, nimirum Mauricii Imperatoris. Hadrianus Thebanus Episcopus a duobus primum improbis Thebanz Ecclesiz Diaconis apud Imperatorem Mauritium fuerat de criminibus accusatus. Imperator, ut arbitror, ignarus Thebanum Episcopum nuper a Larisszi Episcopi jurisdictione exemptum fuisse auctoritate Pelagii II., ratus antiqua Metropoleos jura Larisszo Episcopo inesse, causam Hadriani in eo, quod erat civilis negotii admixtum, Larisszo Episcopo dirimendam mandavit, in eo vero, quod ad crimina objecta pertinebat, sibi reservavit, juxta memoratam Justiniani Constitutionem. Hac Imperiali delegatione fretus Johannes Larisszus precipitato judicio Hadrianum damnavit, quin solertius in causis ipsius adjuncta incubuisset, quod sane si perfecisset, animadvertisset Hadrianum nonnisi ex privato memoratorum Diaconorum odio fuisse accusatum, & callida quadam suggestione ad aulam Imperatoris, & causam, & Episcopum fuisse delatum. Post eam Episcopi Larisszi sententiam provocavit Hadrianus ad Imperatorem, qui novam causam cognitionem demandavit Honorato Sedis Apostolicz Diacono, & Sebastiano viro laico, quem *Gloriosum Antigraphum* Gregorius vocat; qui judices, causa cognita, eundem Hadrianum absolverunt. Nondum absoluta res fuit, sed calliditate hominum invidorum rursus factum est, ut causa coram Johanne Primz Justinianez Archiepiscopo Principali interveniente jussione retractaretur, quemadmodum ipsemet Gregorius ait; quod ego arbitror ex eo profectum, quia nonnulli objecerint judicialia gesta eo usque fuisse prorsus invalida, quod ex errore primum Thebani Episcopi causa a Larisszo Episcopo discussa fuerat, quz erat ab Episcopo Primz Justinianez discutienda. Itaque deducta causa ad Episcopum Primz Justinianez damnatus est Hadrianus, atque ab Episcopali Sede depositus, qui propterea aliam sibi ineundam superesse viam non agnovit, quam ut ad Gregorium Pontificem confugeret, quemadmodum revera confugit. Eum Gregorius benignissime excipiens in propriis dignitatis ordinem revocandum esse decrevit. Hic subsisto; jam enim exinde facilis redditur interpretatio canonis 52. cau. 16. qu. 1., cujus priora verba usque ad illa *neque canonice condemnatum*, recte consonant cum initio Gregorianz epistolz. Quz vero in epistola Gregorii subjiciuntur, atque a Gratiano omittuntur, spectant integram facti seriem, de qua conqueritur Sanctus Pontifex, omnia fraudibus, & calliditatibus invidorum, ac perfidorum hominum fuisse peracta. Post quz ita prosequitur: *Sed de Johanne Primz Justinianez Urbis Antistite, ac de nequissimo ejus, damnandoque judicio alias sumus, juvante Domino, tractaturi. Hadrianum &c.*, quemadmodum apud Gratianum in dicto canone 52. usque ad verba illa: *Decernimus jussione percipere*. Post quz statim subsequuntur, quz habentur in can. 13. cau. 25. qu. 1. hoc modo: *Hac enim consona Sanctis Patribus &c.*, post quz rursus adjuenda sunt, quz habentur in vers. *Res autem* ultimo in memorato canone 52. usque in finem.

### De epistolis ad Maximum Salonitanum.

Dalmatiam universam turbaverat causa Maximi Salonitani (erat olim Salonæ Dalmatiz Urbs Princeps, ex cujus ruderibus deinde crevit Spalatum); nimirum cum



cum vacasset Salonitana Ecclesia nihil non molitus est Maximus, ut eandem quocumque modo occuparet. In primis data, promissave pecunia, nonnullorum Episcoporum suffragia mercatus est, deinde quos sibi refragantes accepit, vi facta, & irruens armis dejecit. Spreta hinc canonica electio, neglecta Pontificis Maximi auctoritas, omnia susdeque eversa. Eo tandem devenit Maximus, quo promotioni suæ quandam conciliaret auctoritatem, ut fingeret Imperatoris Diploma, quo sibi concessum jure fuisse Episcopatum apertissime declararetur. Bonis omnibus displicuit tantus ambitus, præsertim Gregorio Papæ, qui perditum hominem, impium ficiarium, & impudentem falsarium ab Altaris communione pronunciata sententia removet. Factus hinc fuit audentior Maximus, nam Gregorii sententia sprete sacra officia publice obiit de more, imo & ipsam epistolam Papæ, in qua sententia damnationis continebatur, publice scindendam voluit. Tandem vero poenitentiam motus vetera crimina expiavit, quem propterea Gregorius ex indulgentia singulari ad communionem ecclesiasticam restituit, imo etiam concessa Episcopi dignitate, sacro pallio decoravit juxta suorum Prædecessorum morem. Re ita explicata facile percipitur canon 9. dist. 12., qui sane parum congruere videtur proposito Gratiani. Excerptus ille est ex epistola 81. lib. 9. in Maurina, & 82. lib. 7. in vulgari editione, in qua benigne Gregorius Maximum poenitentem alloquitur his verbis: *Postquam ergo Fraternitas tua Apostolica Sedis communionem se reparasse cognovit, personam ad Nos transmittat, quæ pallium tibi deferendum ex more percipiat. Nam quemadmodum illicita perpetrari non patimur, sic quæ sunt consuetudinis, non negamus.* In hac porro epistola Gregorius Maximum utpote conversum ad catholicam unitatem jam Salonitanum Episcopum salutavit.

Can. 9.  
dist. 12.

Non ita se Gregorius gessit in alia epistola, quam antea ad Maximum scripsit, quo tempore ex ambitu omnia turbabat. Ea est epistola 25. lib. 5. in vulgari, & lib. 6. in Maurina editione. Illius inscriptio hæc est, *Gregorius Maximo arreptori Ecclesie Salonitane*; vel ut alii codices exhibent: *Gregorius Maximo in Salona, qui Episcopatum arripuit*. Ibidem Gregorius Maximum commonefacit, ut ab ambitu suo recedat, debitam Prælati obedientiam exhibeat, necnon Romam, siquod suffragium, vel jus habeat, pergat ostensurus. Hinc depromtus est canon 1. cau. 6. qu. 5., cujus priora verba ita legenda sunt: *Nam quod postulas, ut illuc personam dirigere debeamus, quæ præsentem de his quæ dicuntur, possit esse probatio &c.*

Can. 1.  
cau. 6.  
qu. 5.

Eundem Maximum Salonitanæ Ecclesiæ Præsumtorem appellat Gregorius in epistola 20. lib. 3. in vulgari, & lib. 4. in Maurina editione, ubi Gregorius eundem Maximum ab officio Sacerdotis amovet, quousque constitisset de Imperiali Diplomate, quod se obtinuisse Maximus ajebat, quemadmodum superius animadverti. Ex hac epistola excerptus est canon 1. cau. 9. qu. 1., cujus sententia ex præcedentibus epistolarum verbis clarior adparebit, ibi: *Addit inauditum nefas, quod per interdictionem quoque nostram, quæ sub excommunicatione tua, ordinantiumque te facta est, cæsis Presbyteris, Diaconibus, ceteroque Clero, manu militari ad medium diceris deductus. Quam rem Nos consecrationem dicere nullo modo possumus, quia ab excommunicatis est hominibus celebrata.*

Can. 1.  
cau. 9.  
qu. 1.

## De epistolis ad Natalem Salonitanum Episcopum.

De Natali Salonitano Episcopo nonnulla jam differui superius, ubi actum est de Antonino in Dalmatia Subdiacono, præsertim quod spectat Honoratum Archidiaconum, quem Natalis iniuste, & prætextu promotionis ad maiorem gradum honore, & officio exuerat. Erat Natalis in rebus ecclesiasticis administrandis maxime negligens, cognatis suis, & amicis indulgens. Ad eum scripta est epistola Gregorii 14. lib. 2. in vulgari, & 18. lib. 2. in Maurina editione, in cujus initio

Can. 5. legitur canon 5. dist. 44., ubi pro verbis illis *si hæc actionum tuarum*, legendum  
dist. 44. est ex integris codicibus: *nisi hæc actionum tuarum*. Exhibent hæc perspicue indolem Episcopo indignam Natalis. Quæ sequuntur in epistola, respiciunt causam

Honorati Archidiaconi; hunc enim, ut præfatus sum, cum obstitit prævarum ecclesiasticarum administrationi, Natalis ab Archidiaconatu transiit ad Presbyteratus ordinem reluctantem, & invitum; atque in locum ipsius alium sibi indulgentem ordinavit. Eamobrem irritam declaravit Gregorius utriusque ordinationem, voluitque substitutum Archidiaconum a ministerio perperam suscepto cessare, Honoratum vero in suum gradum restitui. Sententia Gregorii integra habetur in canone 40. cau. 7. qu. 1.

Can. 40.  
cau. 7.  
qu. 1.

Alia est epistola Gregorii ad Natalem 37. in vulgari, 52. in Maurina editione. Can. 6. lib. 2. In ea ferme eadem repetit Gregorius, quæ in præcedente, Natalem Episcopum paterne corrigens, & ad meliorem frugem excitans. Quoniam vero Natalis laudaverat apud Gregorium frequentia, quibus delectabatur, convivia, quasi ad benevolentiam conciliandam instructa, respondet Gregorius: *Convivia autem, communia, quæ ex intentione impendendæ charitatis sunt, recte Sanctitas vestra in suis epistolis laudat. Sed tamen sciendum est &c.* Hæc retulit Gratianus in can. 6. dist. 44.

Præterea responderat Natalis se ordinem ecclesiasticum non ignorare, quod a Gregorio in præcedente epistola sibi objectum fuerat. Rescripsit autem hoc in loco Gregorius: *Quod autem vos fatemini ecclesiasticos ordines ignorare non posse, ego quoque hoc de vobis per omnia scio, atque ideo valde contrister; quia cum rerum ordinem scitis, in me, quod peius est, sciendo dereliquistis. Postquam enim ad Beatitudinem vestram, & Decessoris mei, & mea in causa Honorati Archidiaconi scripta directæ sunt, tunc contempta utriusque sententia præfatus Honoratus proprio gradu privatus est. Quod si quilibet ex quatuor Patriarchis fecisset, sine gravissimo scandalo tanta contumacia transire nullo modo potuisset. Tamen postquam Fraternalitas vestra ad suum ordinem rediit, nec ego meæ, nec Decessoris mei injuriæ memor sum. Quod vero dicitis nostris temporibus debere servari, ( hæc retulit Gratianus in can. 10. cau. 25. qu. 2. ) quæ a meis quoque Prædecessoribus tradita, atque custodita sunt, alibi hoc a me, ut statuta Majorum Consecratoribus meis in qualibet Ecclesia infringam, quia mihi injuriam facio, si Fratrum meorum jura perturbo. Sed cum responsales vestri advenierint, quæ inter vos, & præfatum Honoratum Archidiaconum sint gesta, cognoscam, & ex ipso meo examine perpenderis, quia si pars vestra per justitiam fulta est, nihil adversi a me perferetis, sicut nec ante pertulistis. Sin vero sepefatto Honorato Archidiacono in assertionem suam justitia suffragatur, ex ejus absolutione monstrabo, quia personas, etiam quas novi, in judicio non cognosco. De excommunicationis vero articulo ( hic est canon*

Can. 10.  
cau. 25.  
qu. 2.

15. cau. 24. qu. 3.) quæ tamen interposita conditione gradus, secundo, vel tertio, jam ut ita dicam, ex necessitate subijuncta est, Beatitude vestra immerito queritur, cum Paullus Apostolus dicat: In promissu habentes ulcisci omnem inobedientiam. Sed ista jam transeunt, ad nostra redeamus. Si enim recte agit, ego Domino Natali non possum conjunctus non esse, cujus me affectui valde esse debitorem novi. Sic recte conjuncti sunt canones, quos ex eodem contextu diversas in partes disciderat Gratianus. Ex his autem, quæ descripta sunt, liquet integram hanc Gregorii epistolam objectam fuisse responsionibus Natalis Salonitani, qui conquestus fuerat se a Gregorio redargui, quod Ordinum ecclesiasticorum rationem ignoraret, sive Prælati suis minime obtemperaret, item quod non æquo judicio communionem ecclesiastica privatus esset. Quibus rescriptis Gregorius, primo Ordinem ecclesiasticum non visum fuisse notum Natali, ubi non paruit Romanis Antistitibus, a quibus præceptum erat, ut Honoratus in pristinum statum restitueretur; quod si Natalis se Ordinem ecclesiasticum non ignorare asseruit, eo vehementius conquestus est Gregorius, cum videret negligi a Natali Ordinem ecclesiasticum non ex ignorantia, sed sponte, & animo deliberato. Ex quibus magis magisque intelligitur Gregorii sententia in memorato canone 5. dist. 44. ibi: *Ipsum quoque usum ecclesiastici Ordinis ignores.* Deinde ait Gregorius, se quidem minitatum fuisse Natali poenam excommunicationis, sed post secundam, vel tertiam monitionem, imo & adjecta conditione, nisi resipuerit. Notant in iis verbis Maurini, vocem illam *gradus*, quæ legitur in dicto canone 15.; in plerisque MSS. Codicibus desiderari; quidquid ibidem observaverint Romani Correctiores.

Ad eandem Honorati Archidiaconi Salonitani causam pertinet canon 2. dist. 74. depromptus ex epistola Gregorii 19. lib. 1. eisdem omnino verbis. Quod ibidem dicitur de *Secretario*, in quo confecta fuerant gesta Concilii habiti in causa Honorati, referenda sunt ad veterem Episcoporum morem, qui in Secretario Ecclesiæ suæ Concilia Diocesana celebrare solebant. Porro Secretarium idem erat, ac Diaconicum, sive pars templi secreta, in quam Episcopus sese recipere solebat ante, & post Sacra celebrata, quemadmodum commode deducitur ex Concilio Laodiceno can. 21., & Sidonio Apollinari lib. 5. epistola 17. Cum hac causa Honorati similis fuit causa Ætii Archidiaconi Constantinopolitani; quemadmodum enim Honoratus sub promotionis specie dejectus est a Natali Salonitano, ita Ætius sub eodem prætextu dejectus est ab Anatolio Constantinopolitano. Hinc quemadmodum Gregorius dejectionem Honorati improbavit in locis nuper laudatis, ita Leo Magnus jamdudum improbaverat dejectionem Ætii, ita scribens ad Marcianum epist. 84. *Qui (nimirum Anatolius) non inveniens quod argueret in fide, quod improbares in moribus, dejectionem innocentis per speciem honoris implevit.*

## De epistola ad omnes Salonæ Consistentes.

Recofenda sunt iterum hoc in loco, quæ superius tradidi ad epistolas Gregorii ad Maximum Salonitanum, (qui nimirum impetu facto Ecclesiam Salonitanam invaserat) ut facilius percipiatur argumentum Gregorianæ epistolæ 26. in vulgari editione lib. 5., in Maurina lib. 6., cui hæc inest inscriptio: *Gregorius dilectissimis Filiis Clero, & Nobilibus Salonæ consistentibus.* Cum enim Gregorius adversus Maxi-

mum

num vehementissime fuerit indignatus, hæc epistola certiores fecit Salonitanos Cives, se non privato odio ea in causa duci, sed ex zelo ecclesiasticæ disciplinæ, mirari tamen interea, quod ex tot Salonitanis Civibus, ac Clericis perpauci admodum fuerunt, qui a Maximi communione abstinerint. Gregorii verba, ad quæ exigendus erit canon 2. cau. 1. qu. 6., hæc sunt: *Pervenit ad me quosdam perverse mentis homines, ut dilectionis vestræ animos vulnerarent, vobis insinuare conatos, quia ego contra Maximum quoddam odio movear, & non magis quæ canonica, sed ea, quæ furoris sunt, exequi concupiscam. Sed absit hoc, absit a sacerdotali animo, ut in qualibet causa privato zelo moveatur. Ego autem & vestræ dilectioni providens &c.*, quæ leguntur in memorato canone 2. Post nonnulla sequuntur in epistola verba canonis 2. dist. 93., in quibus nihil est singulare, & dignum animadversione.

## De epistola ad Sabinianum Episcopum Jadertinum.

Urbs Archiepiscopalis Illyrici est Jadera, vulgo Zara adpellata, cujus Antistes Gregorii Magni tempore erat Sabinianus. Ad ipsum scripta est epistola 25. lib. 7. in vulgari, & 24. lib. 8. in Maurina editione. Ei gratulatur Sanctus Pontifex, quod abstinisset a communione Maximi Salonitani, cui ipse Gregorius, ut superius dictum est, sua communione interdixerat, eaque occasione nonnulla subjecit in causa cuiusdam lapsi Presbyteri, quem non esse in gradu pristino recipiendum docet, quemadmodum refert Gratianus in can. 3. dist. 50., cujus priora verba ita legenda sunt ex optimis epistolæ exemplaribus: *Presbyterum vero, de quo nos Fraternitas tua latoris præsentium relatione consuluit &c.* Ex his sane deducitur, Gregorium fuisse vigilantissimum veteris ecclesiasticæ disciplinæ custodem, atque adfertorem, juxta quam Clericis semel lapsis nulla restitutionis spes supererat, quemadmodum & idem Gregorius alibi docet, nimirum in epistola ad Januarium Calaritanum, ex qua desumptus est canon 9. dist. 50., & in epistola ad Petrum Subdiaconum, quæ est 18. lib. 1. in fine. Hinc postrema canonis verba, quibus dicitur cum reo mitius agendum esse, quia facili professione facinus suum confessus fuerat, non ita intelligenda sunt, ut reus idem in suum ordinem restitueretur, sed ut mitiori poenitentiae subijciatur.

## SECTIO VII.

*De epistolis per Apuliam, & Calabriam directis.*

## De epistola ad Andreæm Tarentinum.

Tarentum olim magnæ Græciæ, nunc Regni Neapolitani pars est in Provincia Hydruntina, hodie Civitas Archiepiscopalis. Tempore Gregorii erat ejus Urbis Antistes Andreas, quem de concubinato reprehendit Sanctus Pontifex in epistola 44. lib. 2. in vulgari, & 45. lib. 3. in Maurina editione his verbis: *Tribunal Judicis Aeterni securus adspiciet, quisquis reatus sui conscius digna cum modo poenitentia* pla-

placare contendit. Habuisse te siquidem concubinam manifesta veritate comperimus, & te illius criminis participationem habere. De qua etiam contraria est quibusdam nata suspicio &c. Ex his supplendus erit, atque emendandus canon 7. dist. 33. De eadem causa scripsit Gregorius ad Johannem Episcopum Callipolitanum his verbis: Ex gestis, quæ ad Nos Fraternitas tua direxit, inventum est Andream fratrem, & Coepiscopum nostrum habuisse sine dubio concubinam. Sed quia incertum est, si eam in sacro ordine constitutus contigeris, necesse est, ut eum sollicita adhortatione commoneas, ut si positus in sacro ordine cum ea se novit immixtum, ab eo, in quo est, officio quiescat, & nullatenus administrare præsumat.

## De epistolis ad Sergium Defensorem, & Vitalianum Episcopum Sipontinum.

Urbs Apuliz Episcopalis olim erat Sipontum, cujus dirutæ loco sita deinde est Manfredonia in ora maritima ad radices montis Gargani. In hac Urbe munere Defensoris fungebatur Sergius. Porro Defensoris officium duplex erat; alii enim civiles Defensores, & publici Urbibus Imperiali auctoritate præsidebant; alii ecclesiastici, qui singularem viduarum, pauperum, Monachorum, & Clericorum curam gerebant utraque freti auctoritate, civili nimirum, atque ecclesiastica, de quibus mentio fit in Novella Justiniani 56. Ex hoc posteriori genere erat Sergius, ad quem habemus epistolam 10. lib. 7. in vulgari, & 9. lib. 8. in Maurina editione relata integre apud Gratianum in cau. 19. cau. 27. qu. 1. Ibi Gregorius Sergium monet, ut una cum Vitaliano Sipontino Episcopo curet, virginem quandam e monasterio post elicitam professionem regressam in monasterium reverti. Verba epistolæ paulo discrepant a verbis Gratiani; nam ubi Gratianus legit: *Nuncius pervenit . . . ubi distulisti . . . poena possis reserante . . . quæ modo facere præceperis, a te debueramus etiam cum ultione ante facta cognoscere*, legitur in epistola: *Nuncius pervenit . . . ubi distulisti . . . poena possis reserante . . . quæ modo facere præceperis, a te debueramus etiam cum ultione facta cognoscere*.

Can. 19.  
cau. 27.  
qu. 1.

Eandem ob causam scripsit Gregorius ad Vitalianum Sipontinum Episcopum, epist. 9. lib. 7. in vulgari, & 8. lib. 8. in Maurina editione; quæ integra refertur in car. 18. cau. 27. qu. 1. Levius nonnulla emendare oportebit, ut canon Gratianus omnino cum integris epistolæ exemplaribus conveniat. Nimirum ubi legit Gratianus: *Nam si ut præfati sumus . . . quia ergo tantum habes . . . in Monasterio &c.* Legendum est: *Nam scis præfati sumus . . . quia ergo tantum habes . . . in Monasterio &c.* Monent etiam Maurini Monachi in illis verbis: *Non credimus laicorum &c.* in nonnullis MSS. Codicibus legi: *Non credimus Clericorum, vel Laicorum &c.* Ex toto autem contextu liquet, ideo Gregorium de ea re ad Vitalianum scripsisse, quia Vitalianus parum de eo crimine puniendo, emendandove sollicitus videbatur, quando potius, ac prius de poena inflicta certiorum Pontificem. Maximum reddere debuisset, quam Pontifici Maximo quid actum esset, renunciaret. Hæc sententia plurimum convenit cum lege 3. cod. de officio Præfetti Prætoriorum Orientis, & Illyrici, qua cavetur, ab iudicibus inferioribus ad Supremos Magistratus, non crimina, sed vindictam ipsam referri; sive Romanorum minores Magistratus paratos esse debuisset ad animadvertendum in facinorosos homines, non supremi Magistratus iussionem expectare.

Can. 18.  
cau. 27.  
qu. 1.

SECTIO

## S E C T I O V I I I.

*De epistolis directis per Lucaniam, & Brutios.*

## De epistolis ad Bonifacium Episcopum Regiensem.

Gratianus relaturus in can. 9. dist. 32. Gregorii monumentum, quo ostenderet Subdiaconis servandæ castitatis obligationem imminere, refert quidem integrum, accommodatumque fragmentum epist. 5. lib. 3. in vulgari, & lib. 4. in Maurina editione ad Bonifacium Episcopum Regiensem; ex eo tamen non satis aperte liquet Gregorii propositum, nil aliud adserentis, quam a Subdiaconis Regiensibus illud ipsum servandum esse, quod jam pridem custodiendum mandatum fuerat Subdiaconis Siciliæ. Quamobrem huc revocanda erit epistola Gregorii ad Petrum Subdiaconum in Sicilia, ex qua depromti sunt canon 1. dist. 28., & can. 1. dist. 31.; ex illis enim aperte liquet, Siciliæ Subdiaconos continentis servandæ lege obstrictos fuisse.

Ad eundem Bonifacium Regiensem scripta est epistola 43. lib. 2. indict. 11. in vulgari editione, 44. lib. 3. in Maurina, ubi Gregorius Bonifacium monet, ut forminz cuidam restituat ea bona, quæ Lucius Bonifici decessor, cum ad illam pertinerent, per vim occupaverat, & Ecclesiæ addixerat. Initium hujus epistolæ eisdem omnino verbis legitur in can. 49. cau. 12. qu. 2.

Non idem sane Bonificius Regiensis est, ad quem scripta est Gregorii epistola, ex qua legimus canonem 2. cau. 27. qu. 1., quemadmodum nec idem est Gregorius Magnus illius auctor. Ivo in cap. 63. partis 7. eadem verba referens laudavit fragmentum his verbis: *Ex epistola S. Gregorii Papæ missa ad Bonifacium.* Eodem fere modo Burchardus in cap. 45. lib. 8. *Ex epistola Gregorii Papæ missa ad Bonifacium.* Regino Prumiensis eadem retulit tum in cap. 56. prioris appendicis, tum in cap. 45., & 46. posterioris cum hac inscriptione: *Ex epistola B. Gregorii Papæ Bonifacio Archiepiscopo missa, in qua inter cetera ita legitur.* Idem titulus habetur in additione 4. Capitularium cap. 88. Ex quo facile liquet, hanc epistolam tribuendam esse potius aut Gregorio II., aut Gregorio III. in epistola ad Bonifacium Episcopum in Germaniam missum, nisi forte quispiam malit epistolam hanc ipsam adscribere Zachariæ Gregorii III. successoris, cujus epistolæ etiam plures extant ad Bonifacium eundem scriptæ, atque ad eandem propemodum causam pertinentes; quæ propterea a collectoribus confundi facile poterunt, ut aliz pro aliis fumerentur. Quicumque autem ex iis Pontificibus auctor fuerit Gratiani monumenti, parum referre videtur, dummodo animadvertamus, disciplinam ibidem traditam recte congruere initio octavi sæculi, quo lidem Pontifices floruerunt; dummodo præterea epistola non referatur ad ipsa initia missionis Bonificii Episcopi in Germaniam; etenim quod in memorato canone 2. traditur, supponit Germanorum Ecclesiam jam suscepisse tunc non tantum Christi Fidem, quæ præcipua erat, sed Ecclesiasticam etiam disciplinam. Interea nonnihil intererit eadem verba canonis referre, prout in Capitularibus leguntur, tamquam in eo  
exem-

exemplari, quod ceteri Collectores sequuti fuisse videntur. Ita exhibet Capitularium Collector in addit. 4. cap. 88. *Viduas a proposito discedentes viduitatis, super quibus nos consulere voluit dilectio tua, Frater charissime, credo te nosse a Sancto Apostolo Paulo, & a multis Sanctis Patribus, nisi convertantur, olim esse damnatas, quas & nos Apostolica auctoritate damandas, & a communione fidelium atque a liminibus Ecclesie areendas fore censemus, usquequo obediant Episcopis suis, & ad bonum, quod exeperint invite, & voluntarie revertantur. De virginibus autem non velatis, si devoverint, a sanctae memoriae Praedecessore nostro Papa Innocentio taliter decretum habemus. Hae vero, quae nec dum sacro velamine tectae, tamen in proposito virginali semper se simulaverunt permanere, licet velatae non fuerint, si nuperint, his agenda aliquanto tempore poenitentia est; quia sponsio earum a Domino tenebatur. Si enim inter homines solet bonae fidei contractus nulla ratione dissolvi, quanto magis ista pollicitatio, quam cum Deo pepigit, solvi sine vindicta non poterit? & cetera. Nam si virgines nondum velatae taliter poenitentia publica puniuntur, & a caetu fidelium usque ad satisfactionem excluduntur, quanto potius viduae, quae perfectioris aetatis, & maturioris sapientiae, atque consilii existunt, virorumque consortio multoties usae sunt, & velari se permisissent, habitumque religionis assumerunt, & demum apostataverunt, atque ad priorem vomitum sunt reversae, a Nobis, & ab omnibus fidelibus a liminibus Ecclesiae, & a caetu fidelium usque, ad satisfactionem sunt eliminandae, & carceribus tradendae, qualiter juxta h. Apostolum Paulum, tradentes hujusmodi hominem satanae in interitum carnis, ut spiritus salvus sit in die Domini: De talibus enim & Dominus per Moysen loquitur, dicens: Auserte malum de medio vestri. De quibus & per Prophetam ait: Letabitur justus, cum viderit vindictam: Manus suas lavabit in sanguine peccatoris. De talibus namque, eorumque similibus, atque eisdem consentientibus, (quia non solum qui faciunt, sed etiam qui facientibus consentiunt, rei sunt) Dominus per eundem Prophetam David loquitur, dicens: Videbas furem, currebas cum eo, & cum adulteris portionem tuam ponebas. Et multa talia, eorumque similia. Tales vero personae indubitanter adulterae esse manifestantur, quoniam, relicto immortalis sponso, ad anteriorem ut canes, ad proprium reversae sunt vomitum, & apostatae factae illicitae, ac sacrilegae se contagione poluentes, viris mortalibus se conglutinauerunt; quae etiam juxta eundem Apostolum Paulum, eo quod viduitatis propositum dimiserunt, & fidem, quam cum Deo pepigerunt, frangere praesumpserunt, atque primam fidem praevaricaverunt, sunt damnae a nobis, & a vobis, atque a reliquis nostri ordinis viris, a singulis videlicet sua in Diaecesi, a liminibus Ecclesiae, & a caetu fidelium, usque ad satisfactionem, ut praedictum est, sunt eliminandae. A talium autem consortio, & societate omnes fideles in omnibus abstinere mandamus. Super quibus etiam placuit, quouisque in ipso detestando, & illicito, atque sacrilego carnis contubernio perseverant, ut nullus Christianorum, nisi quibus proprius studio corrigendi iusserit Episcopus, cum eis in quoquam communice, aut ad domum, in qua sunt, accedat; cum quibus etiam, ut jam dictus Sanctus praecipit Apostolus, nulli fidelium cibum sumere licet. Quod si quis ex his quidquam tentare, aut temere praesumpserit, pari cum eis excommunicationis sententia feriatur &c. Integrum exscripti monumentum, quod sub Gregorii ad Bonifacium Archiepiscopum scribentis nomine in Capitularibus adiectis refertur, non tantum ut ex eo suppleretur quidquid Gratiano canonice deest, sed etiam ut exinde dignosceretur, an ea omnia, quae ibidem traduntur, jure optimo aut Gregorio II., aut Gregorio III., aut Zachariae Pontificibus tribuantur; plurimum enim vereor, ne multa sub Gregorii*

nomine congesta sint, quorum quidem pars eundem Pontificem deceat, pars vero ab eodem, vel ejusdem temporis Pontificibus facile adjudicetur. Sane in eo nulla dubitatio esse potest, quod dici solet, viduas a proposito recedentes Episcoporum potestati fuisse obnoxias, quemadmodum inter cetera perspicue deducitur ex Capitulari anni 779. cap. 5. ibi: *“Ut Episcopi . . . de viduis infra suam parochiam potestatem habeant ad corrigendum.* Verum hæc Episcoporum potestas in sola admonitione consistebat, non in pœnis gravioribus infligendis, quod exprimit luculenter Zacharias Papa in epistola ad Pippinum Majorem-domus, itemque ad Episcopos, Abbates, & Proceres Francorum, quæ incipit *Gaudio magno* cap. 6. ibi: *De viduis, si possint in propriis habitaculis suis salvare animas, item ex eodem libro cap. 21. ita continetur. “Ut viduæ non velentur a Pontificibus, & si professam continentiam, proposito mutato, calcaverint, ipse pro se rationem Deo pro suis sint altibus reddituræ. Nam de viduis sub nulla benedictione velandis superius latius duximus differendum, quæ si propria voluntate professam conjugii castitatem mutabili mente calcaverint, periculi earum intererit, quali Deum debeant satisfactione placare.* Sicut enim, si se forsitan continere non poterant, secundum Apostolum nullatenus nubere vetabantur, sed habita secum deliberatione promissam Deo pudicitie fidem debuerunt custodire. Nos autem, nullum talibus laqueum debemus injicere, sed solam adhortationem præmii sempiterni, pœnasque proponere divini judicii, ut nostras absolute conscientia, & illarum pro se rationem Deo reddat intentio. Igitur Zacharias aut velari viduas pati noluit, quod & vetustiores Pontifices tradiderant, aut nullis pœnis affigendas esse jussit viduas a sancto proposito recedentes, sed prudentibus tantummodo monitis adjuvandas. At si hæc servari debuerunt apud Episcopos Francorum, apud quos sacræ disciplinæ vigor jamdiu fuerat institutus, quomodo aut Gregorius sive II., sive III., aut idem Zacharias arctiorem proponere voluit disciplinam Germanis nuper ad Fidem conversis, quorum ratione nonnulla ab eisdem Pontificibus fuisse scimus maxima cum indulgentia remissa? De virginibus sane similis constitutio ibidem a Zacharia lata demonstratur cap. 21. ibi: *Item de non velatis virginibus, si deviaverint, in eodem libro 20. capite continetur: Hæc vero qui necdum sacro velamine tellæ, tamen in proposito virginali semper se simulaverunt permanere, licet velatæ non fuerint, si forte nupserint, his agenda aliquanto tempore pœnitentia est, quia sponsio earum a Domino tenebatur. Si enim inter homines solet bonæ fidei contrahus nulla ratione dissolvi, quanto magis ista pollicitatio, quam cum Deo pepigit, solvi sine vindicta non poterit? Nam si Apostolus Paulus, quæ a proposito viduitatis discesserant, dixit eas habere damnationem, quæ primam fidem irritam fecerunt, quanto potius virgines, quæ prioris promissionis fidem frangere sunt conatæ? His, arbitror, Zachariæ fragmentis usus est, qui memoratum Gratiani canonem confarcinavit, & viduis accommodavit, quod de virginibus traditum fuerat, præsertim vero viduis hæc accommodare se posse ratus est ex eo, quod similia quædam legerat in Concilio Germanico habito a Bonifacio Archiepiscopo sub eodem Zacharia Pontifice anno 742., ubi cap. 6. ita decretum fuit: *Statuimus similiter, ut post hanc Synodum, quæ fuit 21. Kal. Maji quisquis servum Dei, vel Ancillarum Christi, in crimen fornicationis lapsus fuerit, in carcere pœnitentiam faciat in pane, & aqua. Et si ordinatus Presbyter sic, duos annos in carcere permaneat, & antea flagellatus, & scorticatus videatur, & post Episcopus adaugeat. Si autem Clericus, vel Monachus in hoc peccatum inciderit, & post tertiam verberationem in carcerem missus, versente anno ibi pœnitentiam agat. Similiter & Nonnæ velatæ**



velata eadem penitentia continentur, & radantur omnes capilli capitis ejus. Quod ibi dicitur de Nonnis, quispiam forte de viduis intellexit juxta illud Hieronymi ad Eustochium: *Et quia maritorum experia dominatum viduitatis praeferunt libertatem, caele vocantur, & Nonnae*. Sed aliter in Regula S. Benedicti, & in Concilio Aquigranensi anni 816. can. 18. Nonni, & Nonnae vocantur, ii nimirum, exque, qui in Monasteriis praefecti ceteris erant, praefective, qua nimirum significatione, Itali etiamnum designant avos, aviasque in signum paternae reverentiae. Itaque, Bonifacius Archiepiscopus voluit Nonnas penitentiam gerere debere in carcere ad instar Clericorum, & Monachorum, scilicet ut illae remotae a ceterarum consortio remanerent, non tam penitentiae causa, quam ne quotidianum inter Sanctimoniales pravum antea vitae vestigium superesset. Hujusmodi carceres apud veteres Pontifices ergastula nuncupata fuerunt, ut in epistola Siricii ad Himerium Episcopum Tarraconensem cap. 6. Ex his facile colligi potest, memoratum Gratiani canonem, prout in Gratiani codicibus jacet, non facile tribui posse Gregorio II. aut III., aut etiam Zachariae, in ea parte, in qua de viduis agitur, quamquam in altera parte, in qua agitur de virginibus, apprimè conveniat.

## De epistola ad Felicem Episcopum de Acropoli.

Cum plures Ecclesiae in Lucania constitutae vacassent, scilicet Velia Urbs olim Episcopalis in ora littorali maris Tyrreni Pextum inter, & Bruxentum constituta; item Bruxentum Urbs Italiae, quae nunc dicitur *Policastro* sub Archiepiscopo Salernitano, ubi nunc est Principatus citerior in Regno Neapolitano; item Blanda, quam olim fuisse Lucaniae Urbem tradit Cluverius Italia antiquae lib. 4. pag. 1263., quaeque hodie appellatur *Porto di Sapri*; harum omnium visitationem juxta morem sui temporis mandavit Gregorius Felici de Acropoli Episcopo in earundem Urbium vicinia constituto. Erat olim Acropolis Urbs Episcopalis, licet modo sit Oppidum obscuri nominis in sinu Salernitano situm. Hanc ad rem pertinet epistola Gregorii in Maurina editione 43., in vulgari 29. lib. 2., ex qua legitur canon 14. cau. 12. qu. 1., ubi pro verbo *injunximus* legendum est, *injungimus*; item postrema verba ita supplere oportebit ex integris exemplaribus: *Disfruite, canoniceque ut vivant modis omnibus studebis*.

Can. 14.  
cau. 12.  
qu. 1.

## De epistolis ad Johannem Episcopum Squillatinum.

Scillacium (utor verbis Cassiodori libro 12. variar. cap. 15.) prima Urbium Brutiorum, quam Trojæ destructor Ulysses creditur condidisse, Civitas supra sinum Arabicum constituta, nunc adhuc Episcopalis est sub Archiepiscopo Regiensi, sita in ora maris Jonii in Calabria ulteriore, & Regno Neapolitano inter Locros, & Cosentiam. De ea mentio fit in can. 25. cau. 25. qu. 2., qui Gelasium praefert auctorem. Eadem in epistolis Gregorii appellatur Squillatium, & Johannes ejusdem Episcopus Squillatinus in epistola 25. in vulgari, & 37. in Maurina editione lib. 2. Ibidem Sanctus Pontifex eidem Johanni jam Episcopo Lissitano, sed a sede sua imperu hostili depulso Ecclesiam Squillatinam regendam commisit. Initium.

Can. 42. epistolæ legitur in can. 42. cau. 7. qu. 1., post quæ statim sequuntur uno con-  
 cau. 7. textu, quæ habentur in can. 10. dist. 34., ibi: *Præcipimus autem, ne unquam &c.*,  
 q. 1. deinde his adnectenda sunt verba canonis 3. dist. 98. juncti Romanorum Correc-  
 Can. 10. torum animadversione. Ex quibus una compositis liquet, Gregorium normam epi-  
 dist. 34. scopalis vitæ, ac sollicitudinis tradere. Ecclesia Lissitana, seu Lyssitana, quæ in  
 Can. 3. aliquibus etiam codicibus Lusitana perperam dicitur, a qua ad Squillatinam trans-  
 dist. 98. latus est Johannes, erat in Urbe Lisso, quæ hodie dicitur *Alessio* in ora Provincie  
 Prævalitanæ in Illyrico ad mare Adriaticum.

Est ad eundem Johannem epistola in Maurina editione 34. lib. 8., in vulgari  
 Can. 41. 33. lib. 7., ad quam pertinet canon 41. cau. 17. qu. 4., ubi Gregorius Mona-  
 & 42. chorum indemnitate vigilantissime prospicit; jam enim superius animadvertimus non  
 cau. 17. uno in loco, ab Episcopis nonnullis ea ætate monasteria turbata fuisse, alias au-  
 q. 4. tem Sanctum eundem Pontificem ita consuluisse, ut Monachorum quies-incolumis  
 haberetur. In eo canone mendum irrepsit in codices Gratianeos, ubi enim legitur,  
*Scillacenum castrum, quæ in CD. pedes extenditur*, ex optimis epistolæ codicibus le-  
 gendum est: *Scillacenum castrum, quæ in DC. pedes extenditur*. Dicendum hoc in  
 loco videretur de canone 42. cau. 17. qu. 4., utpote qui additus est canonis præ-  
 cedenti. Verum ad hanc epistolam minime pertinet, ac perperam ab auctore Pa-  
 learum huc relatus. Quamobrem cum alias a Gratiano describatur in §. ult.  
 canonis 5. cau. 18. qu. 2., ideo inferius commodius expendetur.

## De epistola ad Sabinum Subdiaconum in Lucania.

Ex Subdiaconis Regionariis, qui per Suburbicarias Provincias ecclesiastici Ro-  
 manæ Ecclesiæ Patrimonii conservandi causa mittebantur, erat Sabinus in Lucania,  
 Can. 4. ad quem scripsit Gregorius epistola 6. lib. 8. in vulgari editione, 5. lib. 10. in  
 cau. 17. Maurina, ut scilicet curaret, ne ea, quæ certæ Ecclesiæ ultima pii testatoris volun-  
 q. 4. tate relicta fuerant, a privatis decernerentur, sed ipsi Ecclesiæ concederentur,  
 ratione adjecta, quod qui res Ecclesiæ relictas retinet, sacrilegii crimen admittat.  
 Verba Gregorii ad hanc sententiam pertinentia integra retulit Gratianus in can. 4.  
 cau. 17. qu. 4.

## SECTIO IX.

### De epistolis directis per Siciliam.

Gregorii Magni temporibus singulari etiam jure, sive metropolitico suberant  
 Romanæ universæ Siculorum Ecclesiæ; etenim nulli in Sicilia erant Archiepiscopi;  
 hinc ubi Episcopatus in Sicilia vacabat, confirmatio, & consecratio a Romano  
 Antistite omnino pendebat, in Conciliis provincialibus celebrandis Romam conflue-  
 bant Siciliæ Episcopi; & siquæ etiam leviores causæ ibidem emergebant, nihil  
 propemodum irrequisito Romano Antistite dirimebatur. Hæc facile deducuntur ex  
 epistola Gregorii ad Petrum Subdiaconum 18. lib. 1., ad Maximianum Siracusa-  
 num 4. lib. 2., & aliis. Hæc initio prænotanda duxi, ut exinde adpareret, quare pecu-  
 liaris fuerit in Siculorum rebus Gregorii cura, ac pastoralis sollicitudo.

De

## De epistolis ad Cyprianum Diaconum.

Dux memorantur a Gratiano Gregorii epistolæ ad Cyprianum, quem idem Pontifex appellavit *Diaconum nostrum*, & *Siciliæ Reddorem*. Erat itaque Cyprianus Rector ecclesiastici Patrimonii in Sicilia a Romano Antistite ita præfectus Ecclesiæ bonis, ut curaret, nequid ex illis aut Episcoporum, aut Clericorum incuria deperiret. Prior epistola est in vetere editione 22. lib. 4., in Maurina 27. lib. 5., & fere integra refertur in can. 2. cau. 12. qu. 5. Commendabat Cypriano Gregorius res Ecclesiæ, ne ex testamento a Theodoro Episcopo factis res ecclesiasticæ diminuerentur. Is erat Theodorus Episcopus Lilibetanus pluries in operibus Gregorii Magni memoratus; Lilibetum enim erat Urbs Siciliæ, hodie *Marsala*, in valle Mazarz, cujus Episcopus aliquando legatione Sedis Apostolicæ functus est, quemadmodum Paschasius Lilibetanus in Concilio Chalcedonenſi vices gessit Magni Leonis.

Can. 2.  
cau. 12.  
qu. 5.

Alterâ Gregorii epistola est 6. lib. 3. in vulgari, & 6. lib. 4. in Maurina editione. Ex ea depromptus est canon 8. cau. 19. qu. 3., ubi tamen nil nisi facti cuſpiani enarratio continetur, quæ sane nihil probare potest, quod conveniat Gratiani proposito. Hæc canonî præfigitur rubrica: *Post Monasterii ingressum eidem Monasterio omnia sunt conferenda*. At non hæc est fragmenti Gregoriani sententia, ubi tantum exponitur, Petronillam quandam virginem religiosam vestem sumiſſe, unaque res suas in Monasterium speciali donationis titulo contulisse. Quæ in epistola sequuntur ad rem Gratiani ne facere quidem possunt, etenim Gregorii scriptum ad Gratiani quæſtionem minime pertinet.

Can. 8.  
cau. 19.  
qu. 3.

## De epistola ad Donum Messanenſem Episcopum.

Eximiam Sancti Pontificis pietatem præfert epistola in vulgari editione 25. lib. 6., in Maurina 38. lib. 7. ad Donum Messanenſem Episcopum, quem aliqui codices Bonum adpellant, alii Dominum, alii Dominum. Ibi Gregorius suadet, etiam sacra ministeria in captivorum redemptionem esse vendenda. Priora, & postrema epistolæ verba leguntur in can. 14., & can. 16. cau. 12. qu. 2., quæ ut uno contextu jungantur, integram hic epistolam exhibeo: *Et sacrorum canonum* (hic est canon 14.), *& legalia statuta permittunt, ministeria Ecclesiæ pro captivorum esse redemptione vendenda. Et ideo quoniam Faustinus later præsentium, ut filias suas de iugo potuisset captivitatis exuere, trecentorum triginta solidorum probatur debitum contraxisse, ex quibus triginta redditus, ad reliquæ quantitatis restitutionem, cum certum est non posse sufficere, Fraternitatem tuam bis hortamur assatibus, ut de argento Merientis (legunt alii Milensis) Ecclesiæ; cujus miles esse dignoscitur, quod apud vos est, quindecim ei libras, accepto ab eo desuſcepto, dare modis omnibus debeatis; ut eo venumdato, & restituto debito, necessitate valeat obligationis absolvi. Sed & illud Fraternitas vestra debet esse sollicita, ut si quidem de prædicta Ecclesiâ usuale, argentum est, suprascriptam quantitatem accipiat; alioquin de sacris vos vasis hac in re eam, quam prædiximus, quantitatem præbere necesse est. Nam sicut omnino* (hic est

Can. 14.  
& 16.  
cau. 12.  
qu. 2.

est canon 16.) grave est frustra ecclesiastica ministeria venumdare, sic iterum culpa est imminenti hujusmodi necessitate res maxime desolatæ Ecclesiæ captivis suis præponere, & in eorum redemptione cessare.

## De epistolis ad Fantinum Defensorem.

Can. 2.  
dist. 14.  
q. 6.

Victor Panormitanus Episcopus Judæis apprimè infensus illorum synagogas occupaverat, quocumque sitz erant in Urbe Panormitana una cum ceteris Judæorum hospitibus. Id factum improbat Gregorius in epistola ad Fantinum Siciliæ Defensorem 59. lib. 7. indictione 2. in vulgari, & 55. lib. 9. in Maurina editione, jubens, ut curet Judæis omnia loca restitui, quæ nondum Episcopali auctoritate in Christianorum templa consecrata fuissent, pro iis vero, quæ jam consecrata propinquarent, pretium reddi. Sane Gregorio illud semper antiquissimum fuit, ut quoscumque etiam a Christiana Fide alienos ita benigne exciperet, ut blanditiis potius in rectam semitam traheret, quam affligendo a Christiano nomine magis in dies, ac magis averteret. Id quoque alias luculentius expressit, præsertim in can. 3. dist. 45. Ex memorata epistola depromptus est canon 2. cau. 14. qu. 6., cujus verba a Gratiano in epitomen propemodum redacta, ita potius erunt describenda: *Ante aliquantum tempus Victori Fratri, & Coepiscopo nostro scripsimus, ut quoniam quidam Judæorum data nobis petitione quesiti fuerunt, synagogas in Civitate Panormitana positas cum hospitibus suis fuisse ab eo irrationabiliter occupatas, quousque causa, utrum juste factum esset, potuisset agnosci, ab eorum suspenderet se congregatione; ne forte in eorum sola voluntate versari præjudicium videretur. Et quidem nos prædictum Fratrem nostrum incongrue aliquid egisse Sacerdotii ejus respectus facile credere non permixit. Sed quia Salerio Notario nostro, qui illic præsens postea inventus est, renunciantem comperimus, nullam extitisse causam, pro qua potuissent rationabiliter occupari, atque eas esse inconsulte, ac temere consecratas; idcirco experientiæ tuæ præcipimus, ut quia, quod semel consecratum est, Judæis ultra non valet restitui, quantum a Filiis glorioso Venancio Patricio, & Urbico Abbate synagoga ipsæ cum his hospitibus, quæ sub ipsis sunt, vel earum parietibus coherent, atque hortis ibi conjunctis æstimatæ fuerint, studii tui sit, ut præfatus Frater, & Coepiscopus noster dare pretium debeat, quatenus hoc, quod occupari fecit, in jus Ecclesiæ ipsius valeat permanere, ut illi opprimi, aut aliquam pati injuriam nullo modo videantur. Aurea sane sententia, quæ & cum recta ratione consonat, & cum civili Romanorum jure, quod res semel religiosas, aut sacras, aut publicas rursus in prophanas, aut privatas abire non sinit, servato tamen antiqui Domini jure, ut saltem pretium consequatur.*

Can. 98.  
de cons.  
dist. 4.

Et quidem supradictam causam Fantino Defensori Gregorius mandaverat, cujus solertiam jam expertus fuerat in procuranda Judæorum ad Christianam Fidem conversione. Nimirum Fantinus jam delegatus pridem a Gregorio fuerat, ut Judæos quosdam in Agrigentino territorio conculcentes, & se baptizari postulantes benigne exciperet, imo & baptizari curaret; quemadmodum liquet ex epist. 23. lib. 8. in Maurina, & 24. lib. 7. in vulgari editione, ex qua depromptus est canon 98. de cons. dist. 4., ubi Maurini Monachi adnotant legendum esse baptizet, non vero baptizes, ut nimirum referatur ad Episcopum loci illius, non ad eundem Fantinum, erat enim tum Episcopis reservatum solemne baptisma conferre, nec

cidem

eidem Fantino, utpote Defensori, congruere poterat, cum ut plurimum Defensores ecclesiastici nonnisi Subdiaconi constituerentur.

## De epistola ad Felicem Messanensem Episcopum.

Quæ Gregorii epistola 32. in lib. 12. vulgaris, & 17. lib. 14. Maurinz editionis ad Felicem Messanensem Episcopum scripta fertur, paucis velut germanum Gregorii monumentum habetur. Data illa fingitur anno 604., ut rescriberet Gregorius Felici de tribus ecclesiasticæ disciplinæ capitulis interroganti. Prima interrogatio ad eos spectabat, qui quarta progenie, seu gradu conjuncti sunt, num si matrimonium inierint, sint separandi, quemadmodum idem Gregorius separandos scripserat ad Augustinum Anglorum Episcopum. Altera erat de accusationibus Episcoporum. Postrema de Ecclesiis, de quarum consecratione dubitaretur. Quicumque hanc epistolam a Gregorio abjudicant, pluribus ad id demonstrandum, & quidem perspicuis argumentis utuntur. Et primo conferendo vulgatam interrogatoriam Felicis ad Gregorium epistolam cum rescripto ipso Gregorii, multa statim emergunt ab historica veritate aliena. Dicitur ibi, Augustinum Anglorum Episcopum ordinatum fuisse a Gregorio Papa, & in Angliam ab eo missum, quum tamen testetur Beda in lib. 1. historiz Anglorum cap. 27. a Virgilio Arelatenfi Episcopo fuisse ordinatum. In eadem etiam epistola mentio fit Benedicti Syracusanæ Ecclesiæ Episcopi; at hic Benedictus putum figmentum est deceptoris; etenim initio Pontificatus Gregorii Syracusanam Ecclesiam regebat Maximianus Episcopus, & post ipsum Johannes, quem adhuc viventem anno 603. memorat Gregorius in lib. 11. epist. 34. in vulgari editione. Præterea Felix in Messanensi Ecclesia Episcopus vixit quidem anno 591., five anno primo Gregoriani Pontificatus, quemadmodum demonstrat epistola 38. lib. 1. a Gregorio ad illum directæ; at idem jam vita functus fuerat anno 595., antequam Augustinus in Angliam proficisceretur, quemadmodum perspicue liquet ex epistolis Gregorii ad Donum Episcopum Messanensem, qui Felici successisse dicitur anno 595. ex epist. 39. lib. 5. Sunt sane hæc invidæ propemodum argumenta, quibus vulgo istud monumentum tamquam apocryphum Eruditorum fere omnium suffragio rejicitur. Ego & nonnulla adjiciam ad hanc rem magis, magisque firmandam. Video in epistola ipsa, eam inscriptionem, quæ Gregorio fuit insueta, ibi: *Reverendissimo Fratri Felici Episcopo Gregorius servus servorum Dei*. Neque enim Gregorius ad Episcopos scribens, eos *Reverendissimos* vocare solebat; neque alias se *servum servorum Dei* inscripsit; & quamquam non desint, qui hanc formulam a Gregorio primum invidiam voluerint, a recentioribus deinde Pontificibus Maximis perpetuo usu receptam, tamen in aliis Gregorii epistolis desideratur, dummodo illas excipias, quæ suspectæ fidei habentur, uti est privilegium S. Medardi Monasterii Suevionensis. Stylus etiam epistolæ Gregorianus non est, prolux præfatio, variz res inordinate congestæ, & proposito non congruentes quæstiones, de quibus interrogatus Gregorius dicitur, intermixtæ, ipsamet epistola valde proluxa, quum tamen auctor ab initio profiteatur se paucis singula velle complecti, a more Gregorii sunt aliena; etenim Sanctus Pontifex in suis epistolis brevissima præfatione uti consuevit, nunquam non ad rem, paucis plurima expediens, quemadmodum liquet ex collatione alia-

aliarum epistolarum. Quod vero clarius idipsum demonstrat, est apertissimus character Isidori Mercatoris, cujus sententiis hæc eadem epistola undequaque referta est, præsertim quod attinet ad accusationum Episcopaliū disciplinā. At vero de hac accusationum Episcopaliū materie nulla subesse poterat Messanenſi Episcopo ratio, cur Gregorium interrogaret; etenim dubitatio emergere forte de ea re potuisset in ea Provincia, in qua esset Metropolitanus Episcopus, ad quem causæ Episcoporum olim deferri solebant; sed in Sicilia Romano Antistiti, ut diximus, etiam tamquam Metropolitz subiecta, ea interrogatio supervacanea videbatur, nisi dicere velimus, Gregorium de iis fuisse interrogatum, quæ ad Gregorii ejusdem officia pertinebant. Quid demum est, quod Gregorius dicatur improbare Episcoporum accusationes? quando ipse eos alias laudavit, qui jure suos Episcopos accusaverant; e converso damnavit illos, qui ab accusatione Episcoporum jure suscepta prævaricando delinquerunt. Luculentissimum hujus rei argumentum deducitur ex can. 6. & 7. cau. 2. qu. 3., ubi Gregorius ad Johannem Corinthium scribens improbat acta Paulli Diaconi, item Euphemii, & Thomæ, quod ab accusatione jam pridem instituta Episcopi sui recesserant.

Can. 4.  
cau. 25.  
qu. 2.

Can. 10.  
cau. 35.  
qu. 2.

Can. 2.  
cau. 35.  
qu. 8.

Ex his luculentissimis rationum momentis nemo non videt, eam epistolam perperam Gregorio adscribi, ac propterea a Gregorio abjudicandos eos canones, qui ex eadem epistola laudantur. Ex his in primis est canon 4. cau. 25. qu. 2. Pertinet is ad primam inquisitionem de non jungendis matrimoniis intra septimam generationem. Ait auctor epistolæ, se in hac re contra canonum disciplinam aliquid indulgisse Anglorum gentibus recens ad Fidem conversis, concludit tamen, hæc generalia non esse, nec ita veterum Patrum facili negotio esse immutanda. Ceterum etiamſi apocryphus habendus sit memoratus canon 4., illius tamen sententia recte consonat cum aliis germanis Gregorii monumentis, præsertim vero cum canone 10. cau. 25. qu. 2. ex epistola ad Natalem. In eadem epistola parte legitur canon 10. cau. 35. qu. 2., qui tum demum cum integris epistolæ codicibus consonabit, cum pro illis verbis *et cunctis hominibus* legetur, *et cunctis bonis hominibus*. Refertur præterea ex eadem epistola canon 2. cau. 35. qu. 8., cujus tamen verba in epistola ipsa non leguntur, sed ibidem similia quædam his verbis: *Progeniem vero suam unumquemque de his, qui fideliter edocti sunt, et jam firma radice plantati sunt inconvulsi, usque ad septimam observare decernimus generationem; et quamdiu se adfinitate agnoscunt propinquos, ad hujus copulæ non accedere societatem præsumant. Nec eam, quam aliquis &c.* Hæc subsequuntur verba canonis 10. cau. 35. qu. 2., quæque similiter propemodum recitantur in can. 16. cau. 35. qu. 2. Plane quibus ex locis hæc, similesque sententiæ depromptæ fuerint, jamdudum animadverterunt Romani Correctores, observantes, fragmentum istud esse confarcinatum ex variis Conciliorum, Legumque capitulis in unum congestis, quæ unicuique ex Interpretibus hucusque talem peperere confusionem, ut in graduum cognationis computatione, matrimonii causa ignorare se profiteantur, quod singulis peculiariter ætatibus tribuendum sit. Ajunt enim vetustissimis temporibus intra secundum, vel tertium gradum contracta cognationis jura matrimonii ineundi causa; deinde media ætate protracta usque ad septimum gradum, tandem vero disciplinam ejusmodi severiorem ad gradum quintum attemperatam. Quo vero tempore hæc disciplinæ varietas inducta fuerit, non præfigunt, nec Leges indicant aut civiles, aut ecclesiasticas, ex quibus eadem repetatur, nisi forte quæ pertinent ad receptam poltre-

postremam disciplinam. Dabo ego in praesentia operam, ut haec res, quoad fieri possit, illuissetur.

Cognatorum nuptias, qui nobis propinquiores sunt, vel ipsam naturam abhorere omnibus fere gentibus visum est. Verum quoto in gradu sint detestabiles, aut improbandae natura definitum non est, sed sapientiae, prudentiaeque Legumlatorum mandatum. Quid in universo Orbe varii Legumlatores edixerint, parum solliciti esse debemus, contenti observare Romanas Leges, quas Majores nostri etiam ab initio nascentis Ecclesiae coluerunt, vel quod jura Romanorum facile ceteris antecellerent dignitate, atque praesentia, vel quod summa esset Romani populi auctoritas, Roma olim innumeris propemodum Provinciis dominante. Itaque Romana Lex inter fratres quidem, ac sorores conjugia vetuit, item inter patrum, & neptem; amitam, ac nepotem; ubi vero deveniretur ad fratrum filios, inter ipsos conjugia licuit celebrari. Haec disciplina juris Romani perduravit usque ad Theodosium Imperatorem, qui primus statuit, ne inter consobrinos, & patruales matrimonia fierent. Id refert S. Ambrosius in epist. 66. ibi: *Nam Theodosius Imperator etiam patruales fratres, & consobrinos vetuit inter se conjugii convenire nomine, & severissimam poenam statuit, siquis temerare ausus fuerit fratrum pia pignora.* Hujus Constitutionis fit mentio in l. un. Cod. Theodos. Si nuptiae ex rescripto petantur, & apud Augustinum in lib. 15. de Civitate Dei cap. 16. Non tamen diutius constitit haec disciplina, quam paullo post abrogavit Arcadius Imperator Theodosii filius, antiquam revocans consuetudinem, qua matrimonia consobrinorum, & patruelium legitima habebantur l. 19. Cod. de nuptiis, eamque jurisprudentiam Justiniani adhuc temporibus viguisse liquido constat ex §. 4. Institut. de nuptiis. Imo cum Imperatorum jurisdictio fuerit in Occidente imminuta Regibus Longobardorum Italiam occupantibus, eandem disciplinam viguisse scimus etiam tempore Regis Rotharis circa annum 650.; etenim ejus legem habemus in lib. 2. Legum Longobardorum tit. 8. num. 4. ita conceptam: *De his, qui de illicito matrimonio nati sunt, vel nascuntur, id est de matrina, aut filiastra, vel cognata, quae sunt uxor fratris, aut soror uxoris, quia canones sic habent, de duabus sororibus, sicut de duobus fratribus, & qui de tali matrimonio natus fuerit, haeres legitimus patri suo non sit.* Ex quibus sane verbis deducitur, cognationem medio septimo saeculo nondum fuisse, ultra fratres, & sorores in conjugiiis consideratam. Atque hinc manifesto etiam liquet, quam falso Gregorio Magno tributa fuerint illa fragmenta a Collectribus canonum, in quibus ad septimam usque generationem ea rite interdicta videntur matrimonia, cum & quinquaginta annis ante Gregorium, sive temporibus Justiniani, & quinquaginta annis post Gregorium, sive temporibus Rotharis eandem non interruptam disciplinam extitisse probaverim de licitis nuptiis patruelium fratrum, vel consobrinorum. Crepit paullatim ab ea disciplina recedi non sane lege Ecclesiastica, sed Regia, ejusdem nimirum Rotharis, qui paullo post in tit. 8. Legum Longobardorum §. 4. constituit: *Ut nullus praesumeret reliquam de consobri suo uxorem amodo ducere, subdens: Hoc autem ideo affiximus, quia, Deo teste, Papa Urbis Romae, qui in omni mundo toto Caput Ecclesiarum Dei, & Sacerdotum est, per suam epistolam nos adhortatus est, ut tale conjugium fieri nullatenus permittemus.* Post haec nulla alia juris immutatio adparet, nisi temporibus Caroli Magni, qui primus post firmatum in Occidente imperium novam quandam tum civilibus, tum ecclesiasticis causis formam indidit, videbatur enim novum im-

perium, præsertim postquam vetus deformatum a barbaris turpiter fuerat, novas leges, ac disciplinas exigere. Hinc antiquatis, contentisque Imperatorum veterum constitutionibus novum jus emerfit, quod Carolinum vulgo appellatur. Itaque Carolus Imperator pientissimus, ac religiosissimus Princeps cum Episcopis pluribus, novas, quas in animo habebat, leges condendas contulit, quæ Capitularia vocantur, collatasque executioni demandandas decrevit. His primum statutum est, ut matrimonia confanguineorum usque ad septimum gradum prohiberentur, quemadmodum liquet ex lib. 7. Capitularium cap. 432., quam disciplinam & imperiali, & ecclesiastica auctoritate definitam sequens ætas moribus confirmavit, repetitisque canonibus Viri præsertim ecclesiastici custodiendam mandarunt. Cur vero protracta esset usque ad septimum gradum matrimonii prohibitio, id censeo ex veterum Jureconsultorum penu decerptum, qui cognatorum nomen usque ad septimum gradum protrahabant, ubi de hereditaria successione ageretur. Ait enim Paulus in §. ult. tit. 11. lib. 4. sententiarum: *Successionis idcirco gradus septem constituti sunt, quia ulterius per rerum naturam nec nomina inveniri, nec vita succedentibus prorogari potest*; quibus consonat Modestinus in l. 4. princ. ff. de gradibus, & adfinibus. Sane huc respexisse Capitularium auctores probant Patres Concilii Meldensis, si Concilii Meldensis est canon 1. cau. 35. qu. 2. Nolo curiosius inquirere, num hæc ratio ab hereditatibus ad matrimonia rite extensa fuerit. Taatuni dixero, hanc confanguinitatis extensionem vifam postea fuisse minus utilem, ut proinde necesse fuerit, eadem confanguinitatis jura intra quartum gradum contrahere in Concilio Lateranensi sub Innocentio III. celebrato, cujus constitutionis fragmentum refertur in cap. 8. de confanguinit. & adfinit., quamque confirmavit tandem Concilium Tridentinum.

## De epistolis ad Hadrianum Notarium.

Multos Gregorii tempore fuisse maleficos, quos vulgo adpellant sortilegos, atque incantatores, patet ex Concilio illius ætatis, Venero, Agathensi, Aurelianensi I., & aliis, ac præsertim ex epistola Gregorii ad Hadrianum Panormitanum Notarium in Maurina editione 53. lib. 11., & 47. lib. 9. In vulgari, cujus integra verba hic referam, ut ex illis suppleatur canon 8. cau. 26. qu. 5. Ait Gregorius: *Pervenit ad nos, quod quosdam incantatores, atque sortilegos fueris insecutus. Ex omnino nobis sollicitudinem, zelumque tuum gratum fuisse cognoscas, sed moleste tulimus, quod te dubitare, ne ab eis nobis contra experientiam tuam surripi potuisset, didicimus, cum certus esse, ac scire debueras, hoc tibi apud nos ad commendationem magis proficere, non ad culpam adscribi. Et ideo studii tui sit sollicite quærere, & quoscunque hujusmodi inimicos Christi inveneris, ita districta ultione corrigere, ut & nos de experientia tua melius debeamus habere judicium, & Deo nostro te, quod maxime studendum est, valeas commendare.*

Ad eundem Hadrianum scripta est epistola 44. lib. 9. in vulgari, & 50. lib. 11. in Maurina editione, quam integram retulit Gratianus in can. 21. cau. 27. qu. 2., ubi tamen pro illis verbis in *Monasterio remanere . . . nec quondam fornicationis crimen . . . licet dimittere uxorem . . . illi etiam si jam tonsuratus . . . conversationis gratia &c.*, legunt Maurini Monachi: in *Monasterio permanere . . . nec quoddam fornicationis crimen . . . licet relinquere uxorem . . . illi vel si jam tonsuratus . . .*

con-



*conversionis gratia &c.* Ex hac Gregorii epistola sane constat, olim licuisse ex juris civilis disciplina alterutri ex conjugibus ab alio discedere professionis monasticæ causâ, quemadmodum probant illa verba: *Esti mundana lex præcipit conversionis causâ utrolibet invito posse solvi conjugium*; ut enim divortia passim admittebantur vel, ut ajebant, bona gratia, vel ex causâ, ita admitti facile potuerunt causâ religiosæ vitæ ineundæ. Quod quidem Sanctis Ecclesiæ Patribus non fatis placuit, quemadmodum idem Gregorius indicat in hoc ipso canone, necnon in epistola ad Theotistam, cujus fragmentum est in can. 19. cau. 27. qu. 2. Hinc Sanctus Augustinus in epist. 227. ait: *Uno sola causâ esse posset, quæ te id, quod vovisti, non solum non hortaretur, verum etiam prohiberemus implere, si forte tua conjux hoc tecum suscipere animi, seu carnis infirmitate recusaret; nam & vovenda talia non sunt a conjugatis, nisi ex consensu, & voluntate communi, & si præpropere factum fuit, magis est corrigenda temeritas, quam persolvenda promissio.* Referuntur hæc in can. 6. cau. 33. qu. 5. Lex autem humana, quam Gregorius memorat hujusmodi matrimonia dissolventem, est Novella Justiniani vel 117. cap. 12., vel 123. cap. 40.

## De epistolis ad Johannem Panormitanum Episcopum .

Ea olim in sacris ordinibus conferendis disciplina vigeat, ut quotiescumque de maritis initiandis ageretur, necessarius esset consensus uxoris, imo id præterea requireretur, ut eadem uxor voto se continentiz obtringeret, quo fiebat, ut ipsa ne post viri quidem mortem alteri jungi conjugio posset. Hinc in Antislodorenſi Concilio anni 578. non longe a temporibus Gregorii Magni celebrato can. 22. ita constitutum legimus: *Non licet reliquæ Presbyteri, nec reliquæ Diaconi, vel Subdiaconi post ejus mortem maritum accipere.* His præhabitis facilis est interpretatio canonis 10. dist. 28., in quo integra fere legitur epistola Gregorii ad Johannem Panormitanum Episcopum 5. lib. 14. in Maurina, & 62. lib. 11. in vulgari editione. Emendandus tamen erit Gratianus in illis verbis: *Quo conductor fuit . . . dicens nec eam virginem ad eum venisse, denique nec religiosam mutasse vestem, postquam . . . ut si in conjugio Diaconi mulierem, de qua agitur, fuisse constituerit &c.* pro quibus legendum est: *quo conductor fuerat . . . dicens, nec virginem illam ad eum venisse, denique ut nec religiosam mutare vestem præsumeret, postquam . . . & si ita in conjugio Diaconi mulier fuisse constituerit &c.* Præterea jam adnotaverunt Correctores Romani in integris epistolarum exemplaribus desiderari vocem illam *falsa*, licet habeatur penes Ivonem. Conductoris autem nomine, quod ibidem memoratur, eum intelligi arbitror, qui generaliter omnia mulieris bona administrabat, imo & personæ ipsius mulieris veluti tutor, ac defensor publica constituebatur auctoritate, quem Longobardorum leges Mundualdum appellabant, quemadmodum liquet ex lib. 2. tit. 2. Legum Longobardarum. Porro conductoris nomine significatum fuisse generalem bonorum omnium administratorem liquet ex eisdem Legibus Longobardicis lib. 3. tit. 1. §. 10.

Alia est ad Johannem Panormitanum epistola 51. lib. 11. in vulgari, & 44. lib. 13. in Maurina editione, quæ tamen in aliquibus MSS. Codicibus inscribitur ad Maurinianum Ravennatensem Episcopum, quemadmodum animadvertenter Maurini Monachi. In ea totus est Gregorius, ut moneat Episcopum, quæ ratione sese cum Clericis suis gerere debeat. Inter cetera saluberrimum monitum est, quod ex hac ipsa epistola retulit Gratianus in can. 23. dist. 86., necnon in can. 2. cau. 15. qu. 7. eisdem verbis.

Can. 10.  
dist. 28.

Can. 27.  
dist. 86.

Can. 2.  
cau. 15.  
qu. 7.

## De epistolis ad Johannem Episcopum Syracusanum.

Quum plures in Sicilia apud Johannem Episcopum Syracusanum obmurmurassent de Gregorio, quod ipse Constantinopolitanam Ecclesiam deprimere meditaretur, alias vero Græcorum disciplinam adamaret, ac sequeretur, Sanctus idem Pontifex id accipiens ad Johannem epistolam scripsit 64. lib. 7. in vulgari, & 12. lib. 9. in Maurina editione, in qua duo potissimum tradidit: primum se non Ecclesiam Constantinopolitanam comprimere, sed potius decere eam esse Romanæ subiectam, quod nihil dignitatis illius derogare videtur: Alterum, se non sequi omnino græcam disciplinam, imo quæ ab ipso instituta nuper fuerant, a Græcorum ritibus plurimum distare. Huc pertinet canon 4. dist. 22. usque ad vers. *Nam quod Primas*. Ante Romanam correctionem desiderabantur apud Gratianum illa verba: *Quod & Dominus piissimus Imperator, & Frater noster Eusebius ejusdem Civitatis Episcopus assidue proferuntur*. Mendum vero in eisdem verbis inesse nemo non videt, cum certum sit, tempore Gregorii nullum Eusebium, sed Cyriacum Constantinopolitanæ Ecclesiæ præfuisse. In vulgatis codicibus epistolarum Gregorii hoc ipsum mendum habetur: verum legendum esse, & *Frater noster ejusdem Civitatis Episcopus &c.*, omisso nomine Eusebii, vetusti MSS. Codices indicant; sic Eusebii nomen deesse in libris antiquis Gregorii, quos præ manibus ipse habuerat, Thomas James ait in vindiciis Gregorianis; deesse testatur in antiquissimo codice Regiæ Bibliothecæ Baluzius in notis ad Gratianum; idem demum nomen Eusebii omiserunt Amalarius in lib. 4. cap. 26. de officiis ecclesiasticis, & Anselmus Lucensis lib. 2. cap. 68. Quæ sequuntur apud Gratianum in vers. *Nam quod Primas* ad aliam epistolam Gregorii pertinent, ad eundem quidem scriptam, sed in alia causa, eique numero 65. in vulgari editione lib. 7., & 59. lib. 9. in Maurina. Apud veteres persuasum fuit, ibidem agi de Episcopo Constantinopolitano, quum tamen agatur de Episcopo Primatæ Byzacenæ Provinciæ in Africa, quemadmodum & integer epistolæ contextus, & optimi codices demonstrant. Mendo illi occasionem dare potuit nominis similitudo inter *Byzaciæ* Africanam Provinciam, & inter *Byzantium* nomen vetustum Urbis Constantinopolitanæ. Et quidem hoc erratum adeo potuit apud Scriptores, ut exinde argumentum sumerent, quo ostenderent Constantinopolitanam Ecclesiam fuisse Romanæ subiectam, quemadmodum sumit Gratianus in memorato canone, & Hincmarus Rhemenfis in epistola 47. ad Johannem VIII., necnon alii recentiores. Hinc in vetustis aliquibus Gregorianarum epistolarum editis codicibus hoc lemma præfixum est eidem epistolæ: *De Episcopo Constantinopolitano de crimine accusato*; quamobrem jure in recentioribus editionibus hæc verba substituta fuerunt: *De Episcopo Byzaceno provinciæ Africæ de crimine accusato*. Illius epistolæ argumentum, prout ex Gregorii verbis deducitur, paucis trado. Accusatus fuerat Primas Byzacenæ Provinciæ in Africa apud Episcopos suos de certis criminibus, quorum judicium Africani Episcopi in ipsamet Provincia terminari volebant; juxta veterum Africanorum traditionem, ac disciplinam. Accusatus Episcopus Romam potius ad Pontificem Maximum causam deferri, & ab eodem dirimi postulabat. Et quidem Imperialis auctoritas ejus postulationi accesserat, qua jubebatur, accusatum Episcopum Romæ defendendum fore, totamque causam a

Pon-

Pontificis Romani sententia pendere. Obliterunt Africani Episcopi; & apud Theodorum Magistrum militum in Africa curarunt, ne Imperatoris voluntas executioni demandaretur. Interea Syracusæ venerat Martinus quidam, quem Virum eloquentissimum Gregorius adpellat, atque de ea re cum Johanne Syracusano Episcopo verba fecerat. Johannes pro ea, qua erga Apostolicam Sedem ferebatur, adfectione suadebat Martino, nihil esse convenientius, quam ut ea causa ad Pontificem Maximum deferretur, eodemque tempore ad Gregorium scripsit, sive quid ipse de ea re ab Africano viro intellexerit, sive quid ipse de eadem re Africano Viro responderit. Gregorius autem inter cetera ita rescripsit loquens de Primate Byzacenæ Provincie a Coepiscopis suis accusato, & Apostolicæ Sedis judicium postulante: *Nam quod se dicit Sedi Apostolicæ subjici, siqua culpa in Episcopis invenitur, nescio, quis ei Episcopus subiectus non sit. Cum vero culpa non exigit, omnes secundum rationem humilitatis æquales sumus.* Integra hæc epistola summam Gregorii prudentiam exhibet, ut ille minus dixisse, plus dicere voluisse intelligatur. Etenim, ut ipse fatetur, ignorabat quo animo Primas ille Byzacenus ad Sedem Apostolicam esset accessurus, & quis forte futurus esset exitus, si verbis vividioribus sententiam suam apud Johannem expressisset; interea vero nihil omisit, quin commendaret causam illam Johanni, proficiens se de illius benevolentia certum esse.

Ad eundem Johannem Syracusanum aliam scripsit epistolam Gregorius 36. lib. 11. in vulgari, & 28. lib. 13. in Maurina editione in causa Cosmæ cujusdam. *Monachi primum, deinde Subdiaconi, ac tandem Presbyteri.* Integra illa refertur in can. 6. dist. 74., ubi leviuscula quædam emendanda sunt; etenim pro illis Gratiani verbis: *Quæ Juliana dicitur, Presbyter est ordinatus, . . . fugam querat auxilium . . . in Ecclesiam, ubi &c.*, legitur in aliis epistolæ exemplaribus: *Quæ Juliana vocatur, Presbyter dicitur ordinatus . . . fuga querat auxilium . . . in Ecclesia, ubi &c.* Con. 6.  
dist. 74.

Alia iterum epistola est Gregorii ad Johannem Syracusanum in vulgari editione 28. lib. 7., in Maurina vero 27. lib. 8., quæ omissa brevi Gregorii præfatione, integra in ceteris refertur apud Gratianum in can. 21. dist. 93., & quidem eisdem verbis post Romanam Correctionem. Monachi tamen Maurini pro voce *Catinensis* rectius legendum volunt *Catanensis*, animadvertentes in aliquot vetustissimis Codicibus MSS. desiderari illas duas voces *verum esse*. Compagus, de quo ibi fit mentio, communi eruditorum consensione calceamenti sacri species erat, quamquam in ejus figura explicanda non omnes conveniant; alii enim putant fuisse maxime cavum, atque profundum ad medias usque tibias ascendentem; alii fuisse genus calceamenti incisum, quo pes partim tegetetur, partim nudus extaret. Con. 21.  
dist. 93.

## De epistola ad Justinum Prætorem.

Jamdudum Romani Correctores recte emendaverunt inscriptionem canonis 6. cau. 2. qu. 5., depromti ex epistola Gregorii 23. libro 2., in vulgari editione, quæ ad Justinum, non Imperatorem, quemadmodum exhibebant Gratiani codices, nec Presbyterum, quemadmodum vulgares epistoliarum Gregorianarum codices trahunt, sed Prætorem, quemadmodum vetustissimi & optimi MSS. codices habent. Porro Justinum Prætorem in Sicilia fuisse demonstrat epistola 2. Gregorii in Con. 6.  
cau. 2.  
qu. 5.

in lib. 1. ad eundem directâ; eam autem epistolam, quæ refertur in memorato canone 6., ad Prætozem Siciliæ scriptam esse constat, quia ibidem agitur de Leone Catanensi Episcopo, quem post causæ discussionem, innoxium agnium, & juxta morem illius ætatis ad corpus Sancti Petri præstito jurejurando purgatum Justino commendat. Integra epistola relata est in dicto can. 6., in quo tamen pro illis verbis, *decipere non valet . . . rumor adpersit . . . omisum, quod nostro . . . distrida eorum . . . nequa in cordibus remaneat &c.*, Maurini Monachi ex optimis codicibus legendum potius voluerunt: *Decipere non valet . . . rumor adperserat . . . omisum, aut nostro . . . distrida eum . . . nec quedam cordibus remaneat &c.* De Leone Catanensi inferius agendum erit ad canonem 2. dist. 32., can., 63. cau. 16. qu. 1., & can. 20. cau. 27. qu. 2.

## De epistola ad Libertinum Præfectum.

Plurimum prodest ad rectam interpretationem canonis 13. dist. 54. integram. Can. 13. dist. 54. hoc loco describere Gregorii epistolam 37. lib. 2. indict. 11. in vulgari, & 38. lib. 3. in Maurina editione, scriptam ad Libertinum Siciliæ Præfectum. Ait Gregorius: *Ab ipso administrationis exordio Deus vos in causæ suæ voluit vindicta procedere, & hanc vobis mercedem propitium cum laude servavit. Fertur siquidem, quod Nasas quidam sceleratissimus Judeorum, sub nomine B. Helia altare puniendâ temeritate construxerit, multosque illic Christianorum ad adorandum sacrilega seductione deceperit. Sed & Christiana, ut dicitur, mancipia comparavit, & suis ea obsequiis, ac utilitatibus deputavit. Dum igitur severissime in eum pro tantis facinoribus debuisset ulcisci, gloriosus Justinus (is est Justinus Prætor, de quo superius actum est) medicamento avaritiæ, ut nobis scriptum est, delinquit, Dei distulit injuriam vindicare. Gloria autem vestra hæc omnia distrida examinatione perquirat, & si hujusmodi manifestum esse repererit, ita distridissime, ac corporaliter in eundem sceleratum festinet vindicare. Judeum, quatenus hac ex causâ & gratiam sibi Dei nostri conciliet, & bis se posteris pro sua mercede imitantium monstret exemplis. Mancipia autem Christiana, quæcumque eum comparasse passerit, ad libertatem juxta legum præcepta sine omni ambiguitate perducite, ne, quod absit, Christiana religio Judæis subdita pollatur. Ita ergo omnia distridissime sub omni festinatione corrigite, ut non solum pro hac vobis disciplina gratias referamus, sed & testimonium de bonitate vestra, ubi necesse fuerit, præbeamus. Gravissima sane erat causâ, qua rogabat Gregorius Libertinum, ut in impium. Natâtem animadverteret, Christianosque impietatis causâ in servitutem suam redactos ad libertatem vocaret; cum præsertim id Romanæ leges exigerent. Jampridem enim id constituerat Imperator Constantinus, quemadmodum testatur Eusebius in lib. 4. de vita Constantini cap. 27., idque etiam confirmaverant subsequentes Imperatores in l. 1. & 2. cod. ne Christianum mancipium.*

## De epistolis ad Leonem Episcopum Catanensem.

Quædam jam de Leone Catanensi Episcopo attigi in epistola Gregorii ad Justinum Prætozem Siciliæ, ex qua depremtus est canon 6. cau. 2. qu. 3. Ad eundem  
duz

duz epistolæ Gregorii sunt, quas memorat Gratianus. Prior est in Maurina editione 36. lib. 4., & in vulgari 34. lib. 3., ubi totus est Gregorius, ut præcipiat, continentiam a Subdiaconis esse fervendam. Ex ea legimus canonem 2. dist. 34., cum quo jungendus canon 20. cau. 27. qu. 2.; eadem enim ferme omnia utroque leguntur. Quoniam vero nonnulla sunt ibidem ex integris exemplaribus emendanda, integram Gregorii epistolam hic describam. Ait Gregorius: *Multorum relatione comperimus, hanc apud vos olim consuetudinem tenuisse, ut Subdiaconi suis licite miscerentur conjugibus. Quod ne denuo quisquam præsumeret, a Servo-dei Sedis nostræ Diacone ex auctoritate nostræ Decessoris est isto modo prohibitum; ut eodem tempore hi, qui jam uxoribus fuerant copulati, unum ex duobus eligerent, idest aut a suis uxoribus se abstinere, aut certe nulla ratione ministrare præsumerent. Et quantum dicitur, Spectosus tunc Subdiaconus pro hac re ab administrationis se suspendit officio, & usque in obitus sui tempus Notarii quidem gessit officium, & a ministerio, quod Diaconum oportuerat exhibere, cessavit. Post ejus obitum, quia relicta ejus Honorato marito est sociata, a tua eam Fraternitate in Monasterio cognovimus esse deputatam. Ideoque si, ut fertur, ejus se maritus ab administratione suspendit, antedictæ mulieri non debet officere, quod ad secundam conjugii copulationem migravit; præsertim si non tali mente Subdiacono juncta est, ut a carnis voluptatibus abstinere. Si ergo ita se veritatem, quemadmodum edocuit sumus, habere agnoscis, prædictam te mulierem de Monasterio per omnia convenit relaxare, ut ad suum maritum sine aliqua possit formidine remeare. De cetero vero Fraternitas tua sit omnino sollicita, ut quos ad hoc jam officium contigeris promoveri, hoc quammaxime diligenter inspicias; ne si uxores habent, miscendi se cum eis licentia potiantur, sed ad similitudinem Sedis Apostolicæ eos cuncta observare sua nihilominus distributione constituat. Hæc sententia etiam clarius intelligetur, quoties cum eadem conferantur, quæ superius tradidi ad canonem 10. dist. 28., nimirum eam fuisse disciplinam Gregorii temporibus in ordinationibus Clericorum, ut quoties maritus sacris ordinibus initiaretur, relicta conjux perpetuo continentiz vinculo obligaretur.*

Ex alia epistola ad eundem Leonem 8. lib. 7. in vulgari, & 7. lib. 8. in Maurina editione deprimus est canon 63. cau. 16. qu. 1., in quo licet nonnulla epistolæ verba omissa fuerint, nihil tamen desideratur, quo explicari possit integra Gregorii sententia. Nihil ibidem aliud Sanctus Pontifex decernit, quam Leonem Catanensem Episcopum quartam tantummodo portionem bonorum ecclesiasticorum, quocumque titulo accesserint, posse vindicare, ut aliz portiones in Clericos, aliasque causas distribuere juxta vetera Romanæ Ecclesiæ decreta, quæ præsertim inter Gelasii decretales reperiuntur.

Can. 2.  
dist. 14.  
&  
Cum 20.  
cau. 27.  
qu. 2.

Can. 63.  
cau. 16.  
qu. 1.

## De epistolis ad Maximianum Episcopum Syracusanum.

Quod de quartarum distributione servanda in redditibus ecclesiasticis tradidit Gregorius in nuper memorato canone 63. cau. 16. qu. 1., idipsum etiam docuit in epistolis ad Maximianum Episcopum Syracusanum, ad quem in vulgari editione directæ feruntur quatuor epistolæ, nimirum 11., 12., 13., & 14. lib. 3., & lib. 4. in Maurina, quamquam tamen Monachi Maurini asserant, decimamtertiam, falso dici scriptam ad Maximianum eundem, sed potius scriptam fuisse ad Clementium Episcopum Primatem Byzacenum, freti auctoritate veterum Codicum MSS.

Can. 29.  
cau. 12.  
q. 2.

MSS. Sane facile fuit Typographi inscriptionem ita immutare, cum eadem epistola media esset inter epistolas ad Maximianum. In epistola numero 11. quatuor sunt Gratiani fragmenta. Ita exorditur Gregorius: *Olim quidem Fraternitati tue nostra fuerat auctoritate commissum, ut siquæ in Sicilia exciderent Ecclesiæ, ceterisque venerabilibus locis, vel incongrue gererentur, nostra vice corrigeres. Sed quia post hæc de quibusdam neglectis hactenus capitulis ad nos querela pervenit, rursus ad eorum correctionem tuam Fraternitatem specialiter prævidimus excitandam. Cognovimus namque de relictibus Ecclesiarum noviter acquisitis &c.* Hic subsequuntur verba canonis 29. cau. 12. qu. 2. ubi tamen pro illis: *Quam rem pravam . . . siue de his, quæ obvenient, vel obvenierint, quartæ &c.* Maurini Monachi legendum monent: *Quamobrem pravam . . . siue de iis, quæ nunc obvenierunt, vel obvenierint, quartæ &c.* Post verba hujus canonis, statim in epistola habentur verba canonis 38. cau. 16. qu. 1., quem animadvertendum est consonare quidem Codicibus editis Gregorianis, paullo tamen aliter legi in Codicibus MSS. juxta adnotationes Maurinorum, etenim in istis desideratur particula quodammodo, & pro illis verbis, aut admissa clericatus militia monasticis non promoveantur ordinibus legitur: aut omissa clericatus militia monachis promoveantur ordinibus, item pro illis verbis præ sui magnitudine legitur pro sui magnitudine. Prosequitur Gregorius, inquires: *Sicque invicem & ecclesiasticus ordo vitæ monachicæ, & ecclesiasticis utilitatibus regula monachatus impediatur* (legunt aliqui, impediatur). Illud quoque charitatem tuam commonere curavimus &c. Jungenda hic sunt, quæ legimus in can. 45. cau. 12. qu. 2., in quo tamen nonnulla occurrunt observanda; etenim pro illis verbis: *Convenientibus Oeconomis, cunctisque Clericis prioribus legunt Maurini: Convenientibus Hierarchicis* (aliqui MSS. Codices habent *Feraticis*, alii ad marginem, idest *Oeconomis*), cunctisque Cleri prioribus. Ex ea sane marginali adnotatione in textum irrepere potuit vox illa *Oeconomis*; quæ legitur apud Gratianum pro alia voce *Hierarchicis*. Ceterum ego reor, nomine Hierarchicorum venire Visitatores Episcopos, qui vacantibus Ecclesiis præficiebantur, quorumque solertia potissimum fieri consuevisse successoris Episcopi electionem passim ex epistolis Gregorianis adgnosco. Item pro illis verbis ejusdem canonis 45. *Ut illi consequantur stipendium, qui pro tempore &c.* legitur in exemplaribus epistolæ integris: *Ut illic consequantur stipendium, quo pro tempore &c.* At si quispiam quærat, quid nomine *specterum* in eodem canone designetur, dixero illo intelligi res Ecclesiæ pretiosiores, quemadmodum intelliguntur apud Gregorium Turonensem lib. 6. historiz Francorum cap. 38. ibi: *Magni ibidem thesauri ex auro, argentoque, & multarum specierum reperti sunt.* Insuper in eodem canone 45. aliqui omisit Gratianus post illa verba labore tollatur, quæ ita describi debent. Sic namque ea, quæ ad munitionem pauperum facultatis pertinent, desideramus expleri, ut nulla penitus in rebus eorum ambitiosis hominibus venalitatibus relinquatur occasio. Visitatores Ecclesiarum &c. Demum post verba ejus canonis postrema, ita clauditur Gregorii epistola: *Juvenulas abbatissas fieri vehementissime prohibemus. Nullam igitur Fraternitas tua, nisi sexagenariam virginem, cujus ætas hoc, atque mores exegerint, velari permittat, quatenus tam prioribus, quam præsentis capitulo tuæ distributionis instantia, Domino adjuvante, correctis, & diu dissolutum rerum venerabilium statum canonicis nexibus religare festines, ut divina negotia non per incongruas voluntates hominum, sed competenti possint distributione disponi.* Ita emendare oportebit, ac supplere verba canonis 12. cau. 20. qu. 1.

Can. 38.  
cau. 16.  
q. 1.

Can. 45.  
cau. 12.  
q. 2.

Can. 12.  
can. 20.

Hæc omnia, quæ descripta sunt, integram exhibent epistolam 11. Ex 12. autem, aut 14. nihil est in Gratiano codice. Tantum adparet fragmentum ex 13., quæ non ad Maximianum Syracusanum scripta est, ut nuper animadvertebam, sed ad Clementium Episcopum Byzacenum. Atque hoc in loco emendanda est editio Gratiani, sive, ut verius dicam, veteres Gratiani codices restituendi sunt, in quibus legebatur in inscriptione ejusdem canonis: *Gregorius Clementino Episcopo Primati Byzaceno*. Præterea pro illis Gratiani verbis, tamen paullo latius judicavimus, *apertiusque retexendam . . . pro suis ordinandis negotiis . . . subtiliter, districteque debeas esse sollicitus. Quod si &c.* legendum volunt Maurini Monachi: tamen paullo judicavimus apertius retexendam . . . pro suis ordinandis negotiis . . . sollicitè, districteque discutias. *Quod si &c.*

Can. 3.  
cau. 7.  
qu. 1.

## De epistola ad Præjectem Illustrem Panormitanum.

Quidam Præjectes, seu, ut aliis placet, Projecta, seu Prærectes vir illustris Panormitanus convenerat cum Fantino Defensore Ecclesiastici Patrimonii de quibusdam bonis Ecclesiæ adscendis: Postulatum autem fuerat a Pontifice Maximo, ut gesta utriusque ipsius auctoritate confirmarentur. Annuit Gregorius per epistolam 61. lib. 7. in vulgari, & 57. lib. 9. in Maurina editione, ex qua depromtus est canon 12. cau. 25. qu. 2., postquam enim Gregorius professus est, se illorum gesta auctoritate sua per ipsam epistolam confirmare, ita ut sponderit nec se, nec suos successores irrita aliquando declaratos, addidit: *Quia valde ecclesiasticæ est moderationi conveniens, ut quæ ordinata fuerint, vel decisa, nulla in posterum debeant refragatione turbari*. Similia propemodum leguntur in can. 1. cau. 35. qu. 9.

Can. 12.  
can. 25.  
qu. 2.

## De epistolis ad Petrum Subdiaconum.

Dux laudantur apud Gratianum Gregorii epistolæ ad Petrum Siciliæ Subdiaconum. Prior est in vulgari editione 42., in Maurina 44. lib. 1., in qua agitur de diversis ecclesiasticæ disciplinæ capitibus, præsertim vero de Clericis conjugatis, & eorundem uxoribus. Hujus epistolæ initium ad causas pertinet rusticorum, qui ecclesiasticis prædiis colendis additi erant; hos enim laici in facultatibus suis aliquando a Subdiaconis rei rusticæ ecclesiasticæ præfectis Gregorius agnovit; inter cetera, si quispiam villicus obierat, statim Subdiaconos a successione propinquos repellere, & Ecclesiam substituere, item, si quispiam villicus delictum aliquod grave admisisset, non in reorum ipsorum personam Subdiaconos animadvertendum curare, sed rebus & bonis quæsitis reos spoliare. Hæc omnia, ne fierent, Gregorius vetuit, ad quæ pertinet canon 4. cau. 16. qu. 6. his verbis describendus: *Cognovimus etiam, quod si quis ex familia (intellige familiam rusticorum) culpam fecerit Ecclesiæ, non in ipso, sed in ejus substantia vindicatur, de qua re præcipimus, ut quisquis culpam fecerit, in ipso quidem, ut dignum est, vindicetur; a commodo autem ejus omnino absteatur, nisi forte parum aliquid, quod in usum executoris, qui ad eum transfusus fuerit, proficere possit*. Ex iis sane liquet, quam depravata sit Gratiani scriptura, qui pro iis verbis: *commodo . . . absteatur* legit: *Communione absteatur*.

Can. 4.  
cau. 16.  
qu. 6.

Can. 5.  
cau. 16.  
qu. 6.

Post multa ad varias privatorum causas dirimendas pertinentia ita prosequitur Gregorius: *De lapsis Sacerdotibus, vel Levitis &c.*, quemadmodum legitur in can. 5. cau. 16. qu. 6., ubi quidam salubria traduntur de clericis graviorum criminum reis poenitentiz addicendis. Maurini Monachi verba illa *vel Levitis* miserunt, quemadmodum & pro illis verbis Gratiani: *Vivere sciuntur . . . ut res lapsorum . . . qui de correptione . . . in poenitentiam volumus &c.* potius scribendum voluerunt: *Vivere sciunt, . . . & res lapsorum . . . qui de correptione . . . in poenitentiam volumus &c.* Nonnulla adhuc ex integra epistola assuenda sunt postremis Gratiani verbis, ut tota exhibeatur Gregorii sententia ibi: *Ne, si nudentur, locis, in quibus dati fuerint, onerosi sint. Si qui parentes in possessione habent, ipsi res eorum tradenda sunt, ut in ipsis iura Ecclesie conserventur.*

Can. 1.  
dist. 31.  
Can. 1.  
dist. 28.

Statim post hæc sequuntur in epistola Gregorii, quæ eisdem omnino verbis legimus in can. 1. dist. 31., ex quo liquet, tunc temporis non generaliter Subdiaconis omnibus, sed Subdiaconis tantum Romanæ Ecclesiæ, eorumque deinde exemplo Subdiaconis Siciliæ impositam fuisse continentiz legem; imo & Gregorium summam moderatione usum fuisse in ejusdem recentis legis executione; cujus disciplinæ inducendæ causa fuit, quod inciperent tunc Subdiaconi ad ministeria altaris propius accedere, unde paulatim factum est, ut Subdiaconatus inter sacros Ordines recenseretur; quod ostendunt postrema illa canonis verba: *Quia nullus debet ad ministerium altaris accedere, nisi cujus castitas ante susceptum ministerium fuerit approbata.* Eadem verba in can. 1. dist. 31. relata jampridem descripserat Gratianus in can. 1. dist. 28., mutatis tamen nonnullis ex eodem propterea emendandis.

Can. 2.  
cau. 16.  
qu. 4.

Altera Gregorii epistola ad Petrum est 9. lib. 1., ex qua depromptus est canon 2. cau. 16. qu. 4., ubi pro illis verbis, *inconscissos quadraginta annis* legendum est: *inconscissis quadraginta annis.* Ibi totus est Gregorius in sopienda lite, quæ mota fuerat de finibus quorundam agrorum ad Monasterium S. Theodori Panormitanum, & Romanam Ecclesiam pertinentium. Atque in ea specie primum animadvertendum voluit Sanctus Pontifex, ejus favore dirimendam esse controversiam, qui jure quadragenariz præscriptionis potiebatur. Ex hoc non desunt viri eruditi, inter quos Gassanvillæus, qui adferant, Gregorium primum fuisse quadragenariz præscriptionis auctorem, quando tamen ante Gregorium tricennalis præscriptio sufficiebat. Verum quicumque ita sentiunt, Imperatorias sane Constitutiones ante Gregorium editas se prorsus ignorasse fatebuntur. Porro usque ad tempora Justiniani viguit lex Theodosii junioris, qua cautum erat, ut actiones omnes ultra triginta annorum spatium protendi non possent. Justinianus in leg. 23. cod. de Sacros. Eccles. primum asseruit se voluisse æternam firmitatem dare actionibus, quæ competere Ecclesiis, Monasteriis, aliisque piis, religiosive locis, ut nullo unquam tempore circumscriberentur; eo tamen rem reduxit, ut si in mobilibus, si in immobilibus rebus Ecclesiarum, piorumque locorum sola centum annorum præscriptio obesset. Hanc vero Justinianeam Constitutionem vel nunquam, vel brevissimo tempore fuisse moribus observatam, aperte colligitur ex Novella ejusdem Justiniani 131. cap. 6., qua statutum cernimus, omnibus generaliter Ecclesiis, ac piis locis quadraginta annorum præscriptionem obijci posse. Itaque Gregorius non quadragenariz ipse præscriptionis auctor exstitit, sed juxta leges Justinianas, quæ nuper suis temporibus invaluerant, in proposita specie rescriptit.



## De epistolis ad Romanum Defensorem.

Defensoris Ecclesiastici patrimonii munere in Siciliaungebatur Romanus, ad quem plures numerantur Gregorii epistolæ. Ex ipsis illa est, ex qua Gratianus descripsit canonem 25. dist. 81., numero 39. lib. 7. in vulgari, & 60. lib. 9. in Maurina editione, cui hæc inest inscriptio: *Gregorius Romano Defensori, Fantino Defensori, Sabino Subdiacono, Hadriano Notario, Eugenio Notario, Felicit Subdiacono, Sergio Defensori, a paribus, & sex patronis*. Spectat hæc epistola, ut patet, non Siciliæ tantum, sed nonnullas alias Provincias, quarum ad Defensores, Rectoresque Ecclesiasticos a paribus, idest singulis exemplaribus ad singulos missis directæ est. Ejusdem causæ melius percipitur, describendo potissimam Gregorii sententiam, ex qua memoratus Gratiani canon suppleri possit, ibi: *Pervenit autem ad nos quosdam Episcoporum sub prætextu quasi solatii in una domo cum mulieribus conversari. Et ideo ne per hoc aut subannatoribus justa obrektionis detur occasio, aut facilem antiquus humani generis inimicus materiam deceptionis assumat, hujus tibi serie præceptionis injungimus, ut strenuum te studeas, & sollicitum exhibere. Et si qui Episcoporum, quos commissi tibi patrimonii finis includit, cum mulieribus degunt, hoc omnino compescas, & de cetero eas illic habitare nullo modo patiaris, exceptis eis, quas sacrorum canonum censura permittit, idest matre, amita, germana, & aliis hujusmodi, de quibus prava non possit esse suspicio. Melius tamen faciunt, si etiam a talium se cohabitatione contineant. Nam legitur, quod B. Augustinus nec cum sorore sua habitare consenserit, dicens: Quæ cum sorore mea sunt, sorores meæ non sunt. Doliti ergo viri cautela, magna nobis esse debet instructio. Quod de Augustino hæc dicitur, consonat cum iis, quæ scripsit Possidius in vita ejusdem Augustini cap. 26.*

Can. 25.  
dist. 81.

Alia ad Romanum epistola 11. lib. 8. in vulgari, & 10. lib. 10. in Maurina editione integra refertur in can. 4. dist. 88., quam etiam epistolam memorat Johannes Diaconus in lib. 3. cap. 36., aliis 47. Ubi Gratianus legit: *velut unum de laicis in causis secularibus occupari, & prætoriis inutiliter deservire . . . ad reverendum &c.* legendum malunt Maurini Monachi: *velut unum de ultimis in causis occupari, & prætoriis inutiliter observare . . . ad revertendum &c.* Scriptura ita restituta aliam plane a Gratiana Gregorianam sententiam reddit. Etenim ibidem reprehendit Sanctus Pontifex Basilium, quod velut unus de ultimis, scilicet ex iis, qui in Clero constituti sunt, Ministris inferioribus, & temporalibus causis occuparetur, quæ minime decebant Episcopum spiritualibus tantum negotiis Præfectum. Porro tunc temporis res Ecclesiæ rusticæ, litesque causæ rerum ecclesiasticarum subortas solebant tractare Subdiaconi, aliquando etiam Diaconi, frequentius Defensores, quorum gradus inter minora ministeria recensebatur. Prætorii nomen significabat locum, in quo jus reddebatur, quemadmodum eo in sensu usurpavit Latinus Interpres Johannis in cap. 19. Evangelii. Verbum autem *observare* tempore Gregorii sumebatur pro munere fungi. Sic Concilium Andegavense anni 453. can. 10. ita habet: *De Laicis, vel Clericis, qui Ministris ordinati observare noluerint*. Eodem sensu accipitur in can. 4. & 26. Concilii Aurelianensis IV. anni 541., imo & apud eundem Gregorium in epistola ad Amos Episcopum Jerosolymitanum, & in epistola ad Victorem Episcopum Panormitanum. Reprehendit itaque Gregorius

Can. 4.  
dist. 88.

Episcopos illos, qui neglecta animarum cura, spiritualibusque negotiis, tribunali-  
bus potius insidere curabant. Qua in re non erit inopportunitum animadvertere,  
quod narrat Nicephorus lib. 10. cap. 13., nimirum Julianum Imperatorem, qui  
& Apostata vulgo dicitur, dolo malo Clericos dignitatibus senatoriis auxisse, ut re-  
ligioso quodam prætectu ecclesiasticorum Virorum animos a divino cultu, sacrifi-  
que ministeriis alienaret, futurum sperans, ut ea ratione facilius Christiana religio  
interiret. Qui plura ad hanc rem desiderat, adeat S. Bernardum in lib. 1. de consi-  
deratione ad Eugenium cap. 6.

Quæ in nuper memorata epistola Gregorius scripserat, tantam vim apud Ro-  
manum habuerunt, ut ipse (contra mentem tamen Gregorii ipsius) causas Cle-  
ricorum, ne ab Episcopo quidem cognoscendas voluerit, imo & Episcopo incon-  
sulto ipse cognoverit. Id Sancto Pontifici displicuit, quemadmodum enim eo men-  
tem intenderat, ut Episcopos a secularibus negotiis, ac causis alienandos curaret,  
ita voluit, ut Clericorum cura ad Episcopos potissimum pertineret, suæque illis ju-  
risdictio publicis etiam legibus firmata servaretur. Exhibetur Gregorii sententia in  
can. 39. cau. 11. qu. 1. decerpro ex epistola ad Romanum 32. lib. 9. in vulgari,  
& 37. lib. 11. in Maurina editione. In codicibus editis epistolæ Gregorianæ pro  
verbis Gratianæ ad eligendos judices legitur ad eligendum judicem. Item in postremis  
verbis animadvertunt Monachi Maurini, ita legi in aliquot exemplaribus: *Nisi ut  
præterquam ecclesiasticus custodiri illic ordo debuit, confundatur.*

In epistola ad Romanum in vulgari editione 24. lib. 7. indi& 2., in Maurina  
27. lib. 9. legitur canon 3. cau. 14. qu. 6., cujus priora verba ita supplenda sunt  
ex editis, integrisque epistolæ exemplaribus: *Ferventis ad nos, quia quidam homines,  
minorem omnino discretionem tenentes, in suis nos periculis implicari desiderant, atque  
ita volunt ab ecclesiasticis Personis defendi, ut ipsæ quoque Personæ ecclesiasticæ ex eo-  
rum culpa teneantur.* Idcirco præsentem te præceptione admoneo, & per te Fratrem, &  
Coepiscopum nostrum Dominum Johannem (forte is est Johannes Syracusanus Episco-  
pus) vel ceteros, qui interesse possunt, ut patrocina ecclesiastica, sive mea suscipiatis  
scripta, sive etiam minime fuerint directæ; sub tanto moderamine debeatis impendere,  
quatenus hi, qui in furtis publicis implicati sunt &c. Quod hic dicitur de intercessio-  
nibus Episcoporum, ac Clericorum apud publicos Magistratus favore reorum, di-  
sciplinam exhibet vetustam; constat enim apud Sanctum Augustinum, illius temporis  
Episcopos libentissime eo officio functos, quemadmodum deducitur ex ejus epistola  
152., & 153., aliisque etiam monumentis facile demonstrari potest, præ ceteris  
ex can. 4. cau. 23. qu. 5.

## De epistolis ad Secundinum.

Ad Secundinum Taurominitanum in Sicilia Episcopum est Gregorii epistola 31.  
lib. 7. in vulgari, & lib. 8. in Maurina editione. Huc pertinet canon 34. cau. 16.  
qu. 7., cujus verba ita supplenda erunt ex integræ epistola. Ait Gregorius: *Que-  
rimoniam Monachorum Monasterii Castellienfis oblata ab eis petitio, quæ tenetur in-  
subditiis, patefecit. Proinde Fraternalitas vestra hæc, quæ adserunt, sollicita persequatur  
cura fudeat. Et si ea invenerit veritate subsistere, rationem tuitionis illis impendat, &  
Monasterium, quod Monasterio eorum unicum est, secundum consuetudinem deputatis da-*

*congregatione eorum illis Monachis provideat ordinari: quia rationis ordo non patitur, ut Monasterium ipsum & maxime contra voluntatem Fundatorum, ab eorum dispositione ad arbitrium suum præsertim Laica Persona subducatur, aut aliquis sibi in id ius debeat vendicare.* Monasterium Castellionense, sive Vivariense, de quo heic agitur, erectum olim fuerat a Cassiodoro, quemadmodum ipse testatur in lib. Divinarum lectionum cap. 29., ejusdemque illustri Viri secessu nobilitatum. Illius jura laici quidam deturbare volebant, in eo præsertim, quod aliud Monasterium illi a Fundatoribus ipsis subjectum, sejungere meditarentur. Urget Gregorius Monachorum Patronus Secundinum, ut a causa cognita Monachorum Castellensium jura tueretur.

Alia ad eundem Secundinum epistola est in Maurina editione 59. lib. 3., in vulgari 57. lib. 2. indist. 11., quæ integra refertur in can. 7. cau. 18. qu. 2., ubi pro verbis illis *propter Monachorum molestias* ex veteribus Codicibus MSS. legendum est: *propter Monachorum insolentias*. Ad illa autem verba canonis: *Repleto loco ipsorum fontium*, animadvertendum est, non olim, prout hodie usu venit, baptisteria fuisse in altum erecta ad manum baptizantis accommodata, sed potius in imo solo concavata, ut aptius baptizandi immergerentur. Hujusmodi baptisteriorum figuram tradunt Johannes Chrysostomus homil. 40. in cap. 15. epistola 1. ad Corinthios, Ambrosius homil. 16. in psalmum 118., Gregorius in libro Sacramentali de Sabbato Pentecostes, quibus addi potest Isidorus in lib. 2. de Divinis Officiis cap. 24.

Dux istæ, quas nuper memoravi, ad Secundinum epistolæ jure optimo Gregorio tribuuntur. Num vero alia epistola ad Secundinum apud Maurinos 52. lib. 2., apud alios 54. lib. 7. Gregorii sit, Viri eruditi plurimum dubitant. Hæc exhibetur epistolæ inscriptio: *Gregorius Secundino servo Dei incluso*. Aliqui codices habent: *Gregorius servus servorum Dei dilectissimo Filio Secundino servo Dei incluso*. Ex his jam liquet, Secundinum ibidem memoratum non esse Taurominitanum Episcopum, sed potius professione Monachum. Sunt qui hunc Secundinum eundem esse velint cum Secundo Ravennate, de quo superius egi. Verum hujus opinionis non solum valida defunt argumenta, sed & defunt conjecturæ. Ceterum hujusmodi epistolam apocrypham esse multa demonstrant. De ea ita scribit Guffanvillæus. *Hæc epistola facilius expungeretur, quam sanaretur. Eam variis adsummentis assitam fuisse probant MSS. Codices; consentiunt Eruditi, quibus palatum sapit. Textus ipse infinitis vitiis scatet, & manuscriptorum perpetua fere est inconvenientia.* Non est cur singula persequar in eadem epistola contenta. Tantum me referam ad canonem 16. dist. 50., qui ex illa depromptus est, ubi fingitur Gregorius a Secundino Monacho interrogatus, utrum Sacerdotes lapsi a sua dignitate, iterum post poenitentiam reciperentur in pristinum gradum, respondet autem recipiendos esse. De hoc fragmento ita prosequitur laudatus Guffanvillæus: *Ex triginta manuscriptis vix unus, aut alter codex continet enorme fragmentum de lapsis, quod incipit, & quia Tua Sanctitas &c.* Paucis Monachi Maurini Operum Gregorianorum editores: *illud rejiciendum putamus.* Sane sententiæ ibidem traditæ universa propemodum adversatur antiquitas. Ut enim omittam canonem 61. ex iis, qui Apostolici vocantur, epistolam Cornelii ad Fabium Anrichenum apud Eusebium lib. 6. cap. 35., Cyprianum epist. 64. & 68., Basilium epist. 1. ad Amphilochoium cap. 3., idem ipse Gregorius alibi sæpiissime scribit, Sacerdotem semel lapsum, ne post poenitentiam quidem, in pri-

Can. 7.  
cau. 18.  
qu. 2.

Can. 16.  
dist. 50.

pristinum gradum restituendum esse. Conferatur canon 1., 9., 10., & 11. dist. 50. Quomodo verosimile erit, Gregorium ita facile suam revocasse sententiam, & quidem in ea epistola, quæ scriberetur ad Monachum, sive ad *inclusum*, ad quem res illa pertinere nullatenus poterat? Imo quis suspiceret, Gregorium adeo fuisse eam materiam fuisse persecutum præter morem suarum epistolarum, quum tamen disciplinæ hujus nec leve ex sacris canonibus vestigium exhiberi potuisset? Sunt qui putaverunt, varias istas Gregorii sententias facile componi posse, quemadmodum composuit Gratianus; eam ob rem distinguunt inter privata, ac publica crimina, atque ajunt, Gregorium perpetuo, & sine spe restitutionis rejecisse a gradu suo Clericos omnes publicis criminibus obnoxios, eos autem, quos privata tantummodo criminis conscientia premit, facile restitui. Verum hanc conciliandi rationem, duo evincunt esse a veritate alienam. Primum est perpetua Ecclesiæ traditio usque ad ipsam Gratiani ætatem constantissime producta. Ejus testem optimum laudo Urbanum II. in epistola ad Constantiensem Episcopum ita scribentem: *De Presbyteris, Diaconis, Subdiaconis, qui post acceptum ordinem in aliquo crimine lapsi fuerint, sive palam, sive clam, constat quidem canonum censura ab ecclesiasticis eos officiis inhiberi.* Alterum est ipsamet canonis ejusdem inconcinna compositio, ex qua illa privatorum, publicorumque criminum distinctio aut non probatur, aut etiam excluditur. Quæcumque enim rationes ibidem adferuntur, ut demonstraretur, Sacerdotes lapsos post penitentiam restitui, æque privatim, ac publice peccantibus accommodantur. Ipsummet Sancti Petri exemplum ibidem propositum rem perspicuam facit, cum enim Petrum publice peccasse sciamus, alias autem restitutum in gradum, atque honorem suum, concludendum esset, aut exemplum Petri memoratam distinctionem rejicere, aut rei propositæ non satis convenire; quodcumque autem dicatur, conjecturam gravissimam præbet, qua canonem ipsum a Gregorii sententiis abjudicemus. Vidit sane Gratianus ipse, quam infirmum præsidium esset memorata criminum publicorum, privatorumque distinctio, eamque ob rem in tota dist. 50. modo in unam, modo in alteram partem declinavit; quamquam commodius sese expeditivisset, si apocrypha, quæ ibidem adfert, monumenta a germanis secernere scivisset. Quod profecto ausum magis detegit auctoris epistolæ ad Secundinum, illud est, quod illius opinionis fundamentum esse adfirmet in quinque generalibus Synodis ante Gregorium celebratis, quando tamen in illis nihil tale adparere unquam potest.

Can. 24.  
dist. 50.

Idem omnino dicendum erit de canone 24. dist. 50., cujus sententia in hac eadem epistola legitur his verbis, quæ sane referenda erunt ad memoratam canonem 16. ejusdem distinctionis 50. Nimirum post illa verba canonis 16. *post dignam igitur satisfactionem credimus posse rediri ad honorem*, ita prosequitur epistolæ auctor: Dicente Propheta: *numquid qui cadit, non adjiciet, ut resurgat?* Et post pauca: *Unde & Psalmista ait: Cor mundum crea in me Deus, & spiritum tuum rectum innova in visceribus meis. Ne projicias me a facie tua, & Spiritum Sanctum ne auferas a me. Dum enim petit, ne a Domino proleceretur, pro lapsus culpa alienam Rex, & Propheta simul rapuisse uxorem tremefactus expavit, & Propheta indicante flagitium suum penitentiam agens, addebat: Redde mihi letitiam salutaris tui, & spiritu principali confirma me. Si enim condignam Deo penitentiam non fecisset, nequaquam aliis prædicaret: Ait enim, docebo iniquos vias suas, & impii ad te convertentur. Dum enim peccata prospexit Propheta mundatus per penitentiam, non dubitavit prædicando curare aliena,*

aliena, & sacrificium de seipso Deo offerre studuit, cum dicebat: *Sacrificium Deo spiritus contribulatus*. Hæc si cum memorato canone 24. conferantur, statim liquet, Palearum auctorem paucis perstrinxisse prolixi hujus monumenti sententiam, & quædam veluti epitome expresse sub nomine Gregorii.

## De epistola ad Venantium Syracusanum.

In epistola 33. lib. 1. objurgat Gregorius Venantium Syracusanum Patritium, cum monasticam vitam olim professus fuisset, deinde monasticæ ejusdem vitæ pertransitus ad sæcularem reuersus fuerit, imo & conjugem duxerit, ex qua duas filias susceperat. Epistolæ ipsius initio asserit Sanctus Pontifex, se ratione Episcopatus sui teneri, ut Venantium ipsum admoneat, corrigatque, quo pertinet canon 4. dist. 43. his verbis legendus: *Hinc etiam Ephefius Paulus dicit: Munde sunt hodie manus meæ a sanguine omnium vestrum. Non enim subterfugi, quominus annuncierem vobis omne Dei concilium. Mundus ergo a sanguine omnium non esset, si eis Dei consilium annuntiare nolisset; quia cum increpare delinquentes noluerit, eos procul dubio tacendo Pastor occidit*. In hac quoque epistola legitur canon 3. cau. 17. qu. 1., cuius verba omnino consonant cum vulgatis Gregorianæ epistolæ exemplaribus. Quod factum Venantii spectat, certum est, Venantium olim Monachum diutissime in conjugio postea inito constituisse, & usque ad finem vitæ suæ desidem sese exhibuisse, ne ad Monasterium reverteretur. Nimirum constat ex epistola Gregorii 31. lib. 9. in vulgatis editionibus scripta ad Johannem Episcopum Syracusanum, Gregorium ipsum monitis Johannem excitasse, ut Venantium exmonachum in extremis laborantem corripere, atque hortaretur, ut saltem moriturus in monachali habitu constitutus ab hac vita decederet. Sunt porro hæc omnia referenda ad veterem disciplinam, juxta quam nondum illud receptum fuisse videtur, ut Monachorum conjugia prorsus essent invalida, licet illicita haberentur, ac pœnis ecclesiasticis gravissimis coercerentur, quemadmodum deduci facile potest ex canon. 2., & 3. dist. 27., canon. 1. cau. 20. qu. 3., canon. 22., & 41. cau. 27. qu. 1.

## De epistola ad Urbicum Abbatem.

Panormitano Sancti Hermetis Monasterio præsidebat Abbas Urbicus, ad quem scripsit Gregorius epistolam in vulgatis editionibus 49. lib. 5., apud Maurinos 48. lib. 6. illum exhortans, ut Agathonem quendam, ut converteretur, postularentem in Monasterium benigne reciperet, dummodo tamen Agathonis ejusdem uxor converti etiam voluisset. Ex hac epistola depromtus est canon 25. cau. 27. qu. 2., in quo vocum quarundam transpositio ceteroqui levissima conspicitur: ubi enim Gratianus scripsit: *Et si uxor illius*, legendum potius est: *Si & uxor illius*. Non defuerunt, qui crederent, Agathonem, de quo heic agitur, illum eundem esse, qui deinde Maximus Pontifex electus est circa annum 679., moti ex eo, quod scripserit Anastasius Bibliothecarius in libro Pontificali his verbis: *Agatho natione Siculus ex Monachis &c.* Verum non sunt hæc omnino verosimilia. Siquidem Gregorii epistola scripta est circa annum 596., in qua dicitur, non solum Agathonem

me-

memoratum conjugio jam adstrictum fuisse, verum etiam *Divina inspiratione compunctum, reliquiis seculi hujus actionibus ad Deum converti festinare*; ex quibus deduci videtur, Agathonem Gregorii Magni tempore adolescentiam jam excessisse. Sed licet fingere juvet, vix illum attigisse annum ætatis suæ vigesimum tempore, quo Gregorius epistolam scripsit, jam oporteret, Agathonem fingere electum Pontificem post annum ætatis suæ centesimum; quod sane non facile dixeris.

## De epistolis ad plures Siciliæ Episcopos.

*Can. 1. diff. 53.* Difficilis vulgo, ac salebrosa visa est interpretatio canonis 1. diff. 53., quem ut recte expendamus, operæ pretium erit, quædam ex fide historica prænotare. Nemo ignorat, quænam fuerit ætate Gregorii Magni Imperii Romani conditio, quod Longobardis hinc illinc irruentibus pene ad interitum deducebatur. Quamobrem Mauritius Imperator sibi maxime opportunum esse cognoverat, si modo milites strenuos colligeret, quorum copia hostium arma retunderentur, modo rerum publicarum ministros optimos institueret, quorum consilio sive belli, sive pacis adminicula exacte, sollicitèque instaurarentur. Neminem præterea latet, temporibus Gregorii numero plurima erecta Monasteria fuisse, in quibus viri æque, ac mulieres quietam vitam traducerent procul a sæculi curis de æterna solummodo vita solliciti, eademque large, aut donis aucta fuisse, qua viventium eleemosynis, qua ultimis morientium voluntatibus, aut privilegiis non contemnendis distincta, quemadmodum legentibus Gregorii epistolas facile constat. Clericorum item conditio optima erat, præsertim quod referente Johanne Diacono lib. 2. cap. 15. Gregorius ipse Laicos omnes a sua familiaritate abjecisset, solosque Clericos domesticæ vitæ socios adscivisset, imo & ceteris Episcopis auctor fuisset, ut idipsum peragerent, argumento canonis 58. cau. 2. qu. 7.

Itaque diversa prorsus erat laicorum, nec non Clericorum, Monachorumque vita, atque conditio. Laici gravissimis negotiis occupati in facultatum modo, modo etiam in vitæ periculo constituti, curis undique gravissimis angebantur; Clerici e contrario, aut Monachi tranquillo sacræ pacis otio fruebantur. Quis inde non videat, optatissimam tunc exitisse laicis hominibus aut clericalis, aut monasticæ vitæ rationem, non religionis, aut pietatis initam studio, sed quietis? Res eo devenit, ut Civilis Respublica necessariis subsidiis destituta in interitum vergeret, civibus huc illuc abscedentibus ad Ecclesias, vel ad claustra, nonnullis etiam publico jam munere, atque administratione functis in detrimentum publici ærii religiosam vitam in fraudem ratiocinii ingredientibus. In his rerum adjunctis Imperator Mauritius legem tulit saluberrimam duo capita continentem. Primum ut *quisquis publicis administrationibus fuisset implicatus, ei ad officium ecclesiasticum venire non liceret*. Quæ quidem constitutio veteribus jam legibus consonabat; jam enim Imperator Constantinus id primum decreverat in l. 4. cod. de Episcop. & Cleric., dein confirmaverat Arcadius, & Honorius in l. 12. eod. tit. ita, ut quicumque curialibus adhuc negotiis obnoxius esset, atque ad Clerum deinde promotus, rursus ad curiam revocaretur, quemadmodum tradit Innocentius Papa in can. 3. diff. 51., firmatque Gelasius in can. 9. diff. 54. Hoc legis caput Gregorius idem in epist. ad Mauritium valde laudavit, *evidentiſſime ſciens*, ut ipse inquit epist. 62. lib.

lib. 2. in vulgari editione, quia qui *secularem habitum deferens ad ecclesiastica officia venire festinat, mutare vult seculum, non relinquere*. Alterum legis caput erat, ut ei, qui fuerit eisdem publicis rationibus obnoxius, aut etiam militiz adscriptus, non liceret in Monasterio converti, quam constitutionis partem se *expavisse* Gregorius fatetur in eadem epistola ad Mauritium, quia *per eam calorum via multis clauditur*, rogans propterea Imperatorem, ut aut temperando, aut immutando vigorem ejusdem legis inflectat. Interea vero Gregorius illam Mauriti legem, prout sibi ab Imperatore mandatum erat, promulgari curavit, quemadmodum ipse ibidem fatetur his verbis: *Ego quidem jussioni subiectus, eandem legem per diversas terrarum partes transmitti feci; & quia lex ipsa omnipotenti Deo minime concordat, ecce per suggestionis meae paginam Serenissimis Dominis nunciavi*. *Utroque ergo quae debui, exolvi, qui & Imperatori obedientiam praebui, & pro Deo, quod sensi, minime taceui*. Duo igitur peragenda hac in re sibi Gregorius proposuerat, primum ut legem, qualicumque ea esset, promulgaret, quo mandato Imperatoris indulgeret, alterum, ut eundem Imperatorem officio fere patergo moneret, quo secundam ejusdem legis partem immutaret, aut saltem inflecteret. Jungi his posset Gregorii alia epistola ad Theodorum Medicum, quae est 65. lib. 2. in vulgari editione.

Ista praefatus facilem habeo interpretationem disti canonis 1. dist. 53. deprompti ex epistola 11. lib. 7. in vulgari, & 5. lib. 8. in Maurina editione, cujus hanc inscriptio est: *Gregorius] Eusebio Thessalonicensi (olim Macedoniz Metropolitano) Urbisio Diracitano, (vulgo Durazzo urbi Macedoniz in Provincia Albaniz) Constantia Mediolanensi, Andreae Nicopolitano, Johanni Corinthi, Johanni Primae Justinianae, Johanni Cretensi Sciritano, (ita dicto ab Urbe Scodra olim in Dalmatia, quae nunc dicitur Scutari), Johanni Larissae, Mariniano Ravennae, Januario Caralis, & omnibus Episcopis Siciliae*. His omnibus Episcopis Metropolitans (excipe Siciliæ Episcopos, qui, ut diximus, Romano Pontifici, etiam ut Metropolitano subdebantur) promulgaverat Imperatoriam laudatam legem Gregorius ex Mauriti mandato. Secutus fuit Mauriti morem Justiniani sui Decessoris, qui Constitutiones Religionem quoque modo spectantes a se editas ad Patriarchas dirigebat, a quibus ad Metropolitans, & a Metropolitans ad Episcopos devenirent, uti colligitur ex Novella 5. in fine, ibi: *Hæc itaque omnia Sanctissimi Patriarchæ sub se constitutis Deo amabilibus Metropolitans manifesta faciant; at illi subiectis sibi Deo amabilibus Episcopis declarent, & illi Monasteriis Dei sub una ordinatione constitutis cognita faciant &c.* Hinc Gregorius memoratis Metropolitans velut eorum Patriarcha, Episcopis Siciliae velut eorum Metropolitam legem Imperatoriam exhibuit, quemadmodum verba ipsa ejusdem canonis 1. aperte demonstrant, in quibus Maurini pro illis verbis: *Ex militaribus viris*, legendum voluerunt: *Ex militariis numeris*. Porro numerorum nomine veniunt cohortes, juxta illud, quod tradit Optatus Milevitanus in lib. 3. de schismate Donatistarum cap. 4. ibi: *Revertuntur vexati milites ad numeros suos*. Ex hujus canonis verbis liquido constat, Gregorium ad memoratos Episcopos transmississe exemplar Imperatoris legis, quamquam tamen in ipsa legis executione rem non adeo expeditam voluerit singulari sane prudentia. Quod enim spectabat priorem legis partem, eam voluit adamussim esse servandam; scilicet praeprout non esse ordinibus sacris initiandos, aut ad Monasteria admittendos, quicumque rationibus publicis obstricti dicerentur; sed primum inquirendum fore, num revera obnoxii tenerentur, quo casu non primum ordinari praecepit, quam rationibus eis-

dem publicis satisfecissent. At in altera legis parte monuit, venientes a militibus numeris ad Monasteria non esse temere suscipiendos, *nisi eorum vita fuerit subtiliter inquisita*; & nisi venientes ad Monasteria per triennium regularem vitam ibi traderent. Moderatus hinc fuit Gregorius Principis Constitutionem; cum Mauritius milites nusquam recipiendos in Monasteria voluerit; Gregorius demum post triennium recipi posse declaraverit, non quod Imperatoris legibus adversaretur, sed quod proposuerat Imperatorem monere, quemadmodum per epistolas monuit, ut ab illa lege desisteret, sperabatque futurum, ut intra triennii spatium Mauritium ab eadem lege distraheret. Porro hac spe concepta prudentissimus Pontifex durissimam quidem legem promulgavit, sed plenam legis executionem in triennium suspendit. Atque ejusdem Papæ moderatio eo vel magis laudanda erit, quod sciamus Imperatores sexti sæculi consuevisse commendare eadem ratione decreta sua, quoquo modo ad res ecclesiasticas pertinentia Patriarchis, aut Pontificibus Maximis promulganda, quomodo decreta res Imperii spectantia fidei committebant Præfectorum Prætorio etiam promulganda. At vero Præfectis Prætorio ita committuntur hæc, ut si ipsi acceptam Constitutionem ad detrimentum Reipublicæ vergete putavissent, eidem Imperanti significarent legis asperitatem correcturo, atque interea a legis executione abstinere, uti constat ex Novella Justiniani 152. Quidni etiam idipsum sibi licere in promulganda lege Mauriti Gregorius arbitratetur, ut suspensa interea legis executione, moneret Imperatorem epistolis, eidemque nimiam latæ legis asperitatem exhiberet?

Can. 7.  
dist. 94.

Hæc, quam huc usque expendi, epistola ad plures Episcopos directæ est, quamvis in Gratiano codice ad solos Siciliæ Episcopos directæ feratur. Solis autem Siciliæ Episcopis scripta est epistola 1. libri 1., ubi Gregorius eosdem monet, ut semel in anno ad Concilium conveniant, vel in Catanensi, vel in Syracusana Civitate ob eorundem Episcoporum commodum celebrandum, mittens propterea Petrum Romanæ Ecclesiæ Subdiaconum, cui vices suas commisit, sive in indicendo Concilio, sive in rebus Ecclesiæ Romanæ tuendis, atque administrandis. Ex hac epistola est canon 1. dist. 94., ubi pro illis verbis *patrocinium commississe* legendum est ex veteribus Codicibus MSS. *patrimonium commississe*, quam emendationem etiam probat epistola Gregorii 2. & 3. lib. 1., in quibus Sanctus Pontifex scribit, se in Siciliam misisse Petrum Subdiaconum *ad regendum Siciliæ patrimonium, & pro regendo Ecclesiæ patrimonio*. Imo & mitti consuevisse a Romano Pontifice in Siciliam Ministros ad curam gerendam *ecclesiastici patrimonii* idem Gratianus demonstrat in can. 9. cau. 10. qu. 3., qui legitur in alia ad Siciliæ Episcopos epistola

Can. 9.  
cau. 10.  
qu. 3.

in vulgari editione 22. lib. 11., apud Maurinos 18. lib. 13. Hæc epistola scripta præfertur ad Leonem, Secundinum, Johannem, Donum, Lucidum, & Trajanum Siciliæ Episcopos. Cum enim hi Episcopi, dum per diocesium Sacramentum Confirmationis administrarent, Sacerdotibus, aliisque Clericis gravamen inferrent, certior factus Gregorius illos admonuit paterno plane officio, quemadmodum in eodem canone 9. legimus, ubi pro illis verbis *per universas vestras dioceses* legendum erit: *per diversas vestras dioceses*; item pro illis; *quod tunc placuit, sicut nunc dicitur, minime custoditur*, legendum erit: *quod tunc placuit, nunc, sicut dicitur, minime custoditur*. Demum illa verba postrema, *non graves studeatis existere*, ita erunt corrigenda, *graves non studeatis existere*.



## S E C T I O X.

*De epistolis directis per Tusciam, & Umbriam.*

## De epistola ad Candidum Episcopum Urbevetanum.

Ægrotantes Clericos ecclesiasticis debere subsidii adjuvari æquitas ipsa naturalis postulat; quemadmodum enim *servire nobis intelliguntur etiam hi, quos curamus ægros, qui cupientes servire, propter adversam valetudinem impediuntur, uti recte edisserit Paulus in l. 4. §. 5. ff. de statu liberis*, ita etiam servire adhuc Ecclesiæ dicuntur Clerici, quos ab officio deturbat adversa corporis valetudo. Hanc ob rem cum Calumniosus quidam Clericus Urbevetanæ Ecclesiæ sola ægritudinis causa a Candido Episcopo suo ecclesiastici peculii sibi debita portione privatus fuisset, Gregorius ad Candidum eundem scribens epist. in vulgari editione 5., in Maurina 8. lib. 2., consueta illi subsidia ministrari iussit; quemadmodum perspicue liquet ex can. 2. cau. 7. qu. 1., ex eadem epistola deprompto. Animadvertitur, apud Maurinos verba illa & ideo desiderari, quamquam & apud Gratianum, & apud alios collectores habeantur.

Can. 2.  
cau. 7.  
qu. 1.

## De epistola ad Johannem Episcopum Urbevetanum.

Superius jam sæpe animadvertendum fuit, tempore Gregorii Magni Monasteriorum cultum, & incrementa quandam, ita dixerim, aliquot Clericorum, imo & Episcoporum invidiam concitasse, hinc Episcopos eo adductos fuisse, ut Monachorum quietem aliquando turbarent. Turbaverat inter ceteros Johannes Urbevetanus Episcopus, qui interdixerat Abbati Monasterii Sancti Georgii, vel, ut alii volunt, Sancti Gregorii, ne in Monasterio eodem Missæ celebrarentur, aut mortuorum cadavera tumularentur. Opportunum duxit ad hanc rem Gregorius epistolam ad Johannem scribere, quæ est 12. lib. 1., quæque integra propemodum exhibetur in can. 13. cau. 16. qu. 1. Ejus verba hæc sunt juxta Maurinos codices: *Agapitus Abbas Monasterii S. Gregorii* (legunt alii: *Agapius . . . S. Georgii*) *insinuavit nobis, plurima se a vestra sanctitate gravamina sustinere, & non solum in his, quæ necessitatis tempore aliquod Monasterio possint ferre subsidium; verum etiam quod eodem Monasterio Missas prohibeatis celebrari, sepeliri etiam ibidem mortuos interdicanis. Quod si ita est, a tali vos hortamur inhumanitate suspendi, & sepeliri ibidem mortuos, vel celebrari Missas, nulla ulterius habita contradictione permittatis, ne denovo querelam de iis, quæ dista sunt, præditus Vir venerabilis Agapitus deponere compellatur. Ad hujus canonis interpretationem observandum est, Gratianum perperam ex illo inferre post canonem 16., quod si quis apud Monasterium sepulturam sibi eligere voluerit, libere a Monachis potest sepeliri. Ex enim nullibi constat, Gregorium locutum fuisse de illis, qui sepulturam in Monasterio sibi elegerunt, sed forte respicere voluit ad sepulturam Monachorum ab hac vita decedentium ab ipsis Mona-*

Can. 13.  
cau. 16.  
qu. 1.

chis libere in Monasterio faciendam, cum nondum invaluisset usus, ut defunctorum cadavera ad Ecclesias deferrentur. Revera cum prohiberetur tunc temporis, ne intra Ecclesias tumularentur cadavera, suboriri quæstio poterat, utrum quod de Ecclesiis cautum erat, in Monasteriis etiam recipiendum esset. Ita nonnulli ex Episcopis arbitrabantur, Monasteria habentes non tam pro religiosis, quam pro sacratis locis. Quod cum grave Monachis videretur adamantibus in eodem, quo vixerunt, loco inhumari, Gregorius Magnus ut Monachis gratam rem faceret, aut singulari concessio privilegio, aut etiam juxta commune jus, quod quidem interdicebat sepulturas fieri in sacris, non autem in religiosis locis, qualia erant Monasteria, rescripsit. Canon ita explicatus longe abest a Gratiani proposito; hinc enim Collector ad sui temporis mores veterum Patrum fragmenta inflecebat, non juxta auctorum disciplinam interpretabatur.

## De epistola ad Valentinum Abbatem.

Valentinum Abbatem redarguit Gregorius in epist. 40. lib. 3. in vulgari, & *can. 20. cau. 18. qu. 2.* 42. lib. 4. in Maurina editione, quod parum sollicitus de regulari disciplina, Monachos sibi subiectos non in officio contineret. Integra hæc epistola eisdem omnino verbis legitur in can. 20. cau. 18. qu. 2., quodque ibidem traditur aliis Conciliorum ecclesiasticorum capitibus consonare videtur, quemadmodum illis facile liquerebit, qui cum hoc canone conferet canones 103. & 104. de consecr. dist. 4. Hunc Valentinum Abbatem suspicor Monasterium habuisse in Diocesi Spoletana, etenim in epist. 37. lib. 2. in Maurina editione ad Christantum Spoletanum scripta mentio fit Valentini Abbatis, nec non Monasterii ejusdem jurisdictioni subiecti.

## De epistola ad Venantium Episcopum Lunensem.

Duplex epistola est Gregorii ad Venantium Lunensem Episcopum scribentis, prior est 5., posterior est 16. lib. 4. in vulgari editione; sunt autem apud Maurinos 3. & 7. lib. 5. Ex iis, velut ex uno monumento, compositus est apud Gratianum canon 10. dist. 50. Priora canonis verba, usque ad illa, *hoc in tua Fraternitatis ponimus potestate*, continent integram epistolam priorem, ubi pro illis Gratiani verbis de Saturnino Presbytero, & ministerium Sacerdotii; legunt Maurini Monachi: *De Saturnino Expresbytero, & ministerium presbyterii*. Nomine viatici, quod ad exitus tempus auctoritate Gregorii reservatur, arbitror intelligi sacramentalem reconciliationem, seu absolutionem, quemadmodum apud veteres usurpari solebat. Quæ sequuntur in §. *Præterea* pertinent ad epistolam posteriorem, in qua non tantum agitur de Saturnino e gradu Presbyterii dejecto, sed de aliis etiam Clericis eidem ferme sententiæ obnoxiiis. Hic quoque apud Gratianum legitur: *Saturninum vero Presbyterum*; at Gregorii integra epistola apud Collectores exhibita habet: *Saturninum vero Expresbyterum*. Dux, quæ ibidem memorantur, insulæ, Capraria in mari Tyrreno inter Corsicam, & oras Tusciæ, & Gorgona fere media inter Corsicam, & eandem Tusciæ oras, erant tunc Monachorum frequentia illustres. Quod vero dignius est observatione, firum est in vetustissima disciplina, quæ

ex duabus istis Gregorii epistolis eruitur. Nimirum receptissimum erat, ut Clerici semel lapsi, ne post poenitentiam quidem in pristinum gradum restituerentur, quod alias demonstravi, atque ex hoc potissimum cum Viris eruditis rejiciendam non dubitavi epistolam ad Secundinum Gregorio tributam, ex qua depromptum sci-  
mus canonem 16. dist. 50.

## S E C T I O X I.

*De epistolis per Picenum directis.*

## De epistola ad Castorium Episcopum Ariminensem.

In causa 18. qu. 2. tres canones exhibuit Gratianus depromptos ex epistola Gregorii ad Castorium Ariminensem, nimirum canonem 2., 3., & 6.; nullius tamen ex illis lectio probanda, quia non solum hujusmodi fragmenta a Gregoriana ipsa epistola discrepant, verum etiam ipsa Gregorianæ epistolæ exemplaria non invicem conveniunt: Hinc Monachi Maurini in sua editione duplicem epistolæ textum ob MSS. Codicum varietatem exhibere debuerunt, ne ipsi suo judicio optimum Gregorianæ epistolæ exemplar elegisse, unumque alteri prætulisse in dubio viderentur. Agitur sane in hac epistola de aliquibus privilegiis in dispendium juris Episcopalis Monasterio Sanctorum Andreæ, & Thomæ Ariminensi concessis; sed in ipsorum privilegiorum explicatione non una est codicum omnium formula, quorum alii magis, minus alii Episcopalibus juribus detrahunt. Quid concludendum foret in tanta codicum varietate? Obvenit animo haud temere præconcepta suspicio, qua credam Monachorum manibus in hisce Gregorianis epistolis plura aut adjecta fuisse, aut immutata. Nemo enim dubitare potest, quin hæc monumenta a Monachis potissimum custodita fuerint, ac de manu in manum in Monasteriis ipsis traducta variis exemplaribus. Cum vero nondum inventa fuisset ars typographica, æquis non videt, facile Monachos potuisse quædam per paraphrases, latiores sententias explicare, aut etiam posterioribus gliscentibus Monasteriorum consuetudinibus accomodare? Non est hæc nuda suspicio, aut dubitatio, ubi codicum ipsorum varietas adparet, quorum alterutrum ab archetypo dissidere necesse est, facileque ab iis corrumpi potuit, qui codices ipsos solertius custodiebant, quorumque intererat nonnulla immutari. Itaque vel quod corrupta hodie sit hujusmodi epistola, vel quod in dubio semper non privilegiis, sed juri ordinario favere debeamus, ea hodie probanda lectio erit a viro sacrarum rerum studioso, quæ Episcoporum auctoritati minus officiet, si tamen generaliter Episcoporum auctoritati officeret, quod favore unius Monasterii Ariminensis a Gregorio concessum videri potest, cum non facile privilegia in exemplum trahantur.

Jamvero ut ad rem veniam, verba canonis 2. cau. 18. qu. 2. in Gregorii epistola non leguntur, & in nullis exemplaribus exhibentur. Jure propterea adnotant Romani Correctores, eundem canonem 2. habendum esse pro quadam summa canonis posterioris, quæ forte a Monacho quodam præfigi potuit aut initio, aut ad marginem Gregorianæ epistolæ ad Castorium, ut sic integra Gregorii sen-  
tentia

Can. 2.  
3. & 6.  
cau. 18.  
qu. 2.

tentia paucis perstringeretur. Ceterum plurimum adhuc distant utriusque canonis formulæ. Deducenda res est ad canonem 3. cau. 18. qu. 2. In vulgari editione lib. 4. epist. 43. ita legitur: *Abbatem vero eidem Monasterio non alium, sed quem dignum moribus, atque aliis monasticæ disciplinæ communi consensu Congregatio tota poposcerit, te volumus ordinare. Missas autem illic publicas per Episcopum fieri omni modo prohibemus, ne in fervoribus Dei secessibus popularibus occasio præbeatur ulla conventibus, & simpliciores ex hoc animas plerumque, quod absit, in scandalum trahat, frequentior quoque introitus mulieribus arceatur.* Sic etiam habet epist. 41. lib. 2. Maurinæ editionis priore loco descripta. Multo aliter legitur in epistola eadem posteriore loco edita, ibi: *Defuncto vero Abbate cujusquam congregationis, non extraneus, nisi de eadem congregatione, quem sibi propria voluntate concors fratrum societas elegerit, & qui electus fuerit, &c.* quæ habetur in can. 5. §. *Defuncto* cau. 18. qu. 2., de quo inferius sermo instituendus erit. Cum posteriore hujusmodi editione consonare videtur Gratianus canon 3. memoratus, licet non omnino; verum prior editio videtur ceteris anteferenda, quia magis perspicua, stylo Gregorii consentanea, & speciei Gregorio propositæ accommodata. Etenim cum in Gregorianæ epistola ageretur de uno Monasterio Ariminensi, convenientius erat ita scribi: *Abbatem vero eidem Monasterio &c.*, quam generalibus vii verbis: *Defuncto Abbate, cujusquam Congregationis.* Sane Gratianus in Monasteriis & degens, & scribens illam potius editionem secutus est, quæ ad extendenda Monasterii privilegia valeret, ita scribens *Abbatem cuilibet Monasterio, &c. Cuilibet*, inquam, quæ vox amplior etiam erat, quam in quocumque Gregorianorum operum exemplari.

Verum enim vero demus adhuc utriusque editionis parem esse debere auctoritatem, illud saltem admittere oportebit, unam posse per alteram explicari, ubi minime adversantur, & dubietas inest. Posterior editio habet, debere Abbatem non extraneum, sed de eodem Monasterio a sociis electum ordinari. A quonam vero hæc ordinatio electi fiat, minime definitur. In priore vero editione perspicue adferitur, electi ordinationem ad Episcopum pertinere, ibi: *Te* (nimirum Castorium Ariminensem Episcopum) *volumus ordinare.* Ecce itaque Gratianus in can. 2. cau. 18. qu. 2. erit excipiendus, ubi exprimit: *Abbas in Monasterio non per Episcopum, aut per aliquem ordinetur?* De electione Abbatis agebat Gregorius, a qua extraneum quemcumque exclusit, non de ordinatione, quam soli Episcopo referavit. Nullibi autem leguntur ea Gratiani verba *vel Clericos*, vii notant Romani Correctores, apud Gregorium, quæ sane Collector Gratianus non aliunde derivare potuit, quam ex depravatis alicujus Monasterii codicibus.

Quod spectat Missarum celebrationem, qua Episcopis in Monasteriis interdictum, universi Codices Gregoriani ad Missarum publicarum solemnitatem referunt, quemadmodum & refert Gratianus ipse in dicto canone 3., quamquam in canone 2. generaliter fragmentum Gratianus expresserit. Longe præterea abest a Gregorii proposito, quod in fine ejusdem canonis 2. adjicitur: *ut nulli Ecclesiæ subjiçatur*, quasi Gregorii ratio, quare Episcopum a Missis celebrandis in Monasterio excluderet, ea esset, quod Monachi a quacumque Ecclesiæ exempti proponerentur. Non ita, arbitror, locutus fuisset Sanctus Pontifex, quoties eximendos ab ordinario Monachos voluisset, aliud enim non subjiçit Episcopo, aliud est *nulli Ecclesiæ subjiçit*, quasi acephalos. Imo multo aliter sese Gregorius explicat in priore editione superius memorata. Siquidem non ideo Episcopus a Divinis Mysteriis publice cele-

brandis

brandis in Cœnobio abstinere debebat, quod ipse Cœnobio non præsideret, sed ne ad Monasteria sacrorum Myſteriorum prætextu populus univerſus, feminæ præſertim, conflueret: ne in ſervorum Dei ſecreſſibus (ſunt ipſa Gregorii verba) popularibus occaſo præbeatur ulla conventibus, & . . . in ſcanſalum trahat frequentior quoque introitus muliebris. Vereor, ne hodierna ætate verſæ ſint in hac re vices; ubi enim Monachi olim ex Gregorii conſtitutione voluerunt, Epiſcopum quidem ad Monasteria accedere, dummodo tamen populi frequentia non adeſſet, ne Monachorum eorundem religioſa quies turbaretur, ac ſolitudo, modo nonnulli adverſus Gregorii ſententiam frequentiam populi adamaverint, dummodo a Monasteriis Epiſcopos ipſos excluderent.

Dicendum adhuc ſupereſt de dicto canone 6. cau. 18. qu. 2., cujus ſane verba non conſonant cum priore Maurinæ editionis exemplari, in quo nil aliud dicitur, quam Abbatem eſſe eligendum a ſuis Monachis, & ab Epiſcopo ordinandum; item Epiſcopum Miſſas publicas in Monasteriis celebrare non debere, ne monaſtica quies ulla ratione turbetur, ac demum hæc adeo firma eſſe ſervanda, ut Monachi ab omni gravamine liberi divinum opus ſumma cum animi devotione perficiant. At quid non addidit Gratianus in dicto canone 6. ? Videtur ille deceptus ex poſtiori Maurinæ editionis exemplari, aliove ſimili, ab otioſo quodam Monacho elucubrato, qui voluerit Gregorianam epiſtolam interpretatione ſuis temporibus, & voluntati accomodata ſupplere. In hoc poſtiori exemplari ita legitur: *Luminofus Abbas Monasterii Sanctorum Andreae, & Thomæ in Ariminenſi Civitate conſtituti, quas nobis lacrymabiliter preces effuſerit, inducæ textus petitionis informat. Namque eodem veſerente pluribus in Monasteriis multa a Præſulibus præjudicia, atque gravamina Monachos pertuliſſe comperimus. Oportet ergo, ut tuæ Fratemitatis proviſo de futura quiete eorum ſalubri diſponat ordinatione; quatenus converſantes in illis, in Dei ſervitio, gratia ipſius ſuffragante, mente libera perſeверent. Miſſas quoque publicas ab eo in Cœnobio fieri omnimodo prohibemus, ne in ſervorum Dei ſecreſſibus, & in eorum receptaculis ulla popularis conventus præbeatur occaſio, vel mulierum fiat novus introitus, quod omnino non expedit animabus eorum. Quæ apud Gratianum ſubſequentur in verſ. nec audeat, &c. uſque in finem in omnibus Gregorianarum epiſtolarum exemplaribus deſiderantur, aſſutaque videntur epiſtolæ Gregorii ab eximio deceptore, cui deteſtabilis viſa fuit in Monachos Epiſcoporum juridiſſio.*

## De epiſtola ad Valerianum, & Demetrium Clericos Firmanos.

Firmanæ Eccleſiæ in Piceno Suburbicario præfederat Fabius Epiſcopus circa tempora Gregorii Magni. Is certam eccleſiaſticæ pecuniz quantitatem expenderat in redemptionem captivorum Demetrii, Valeriani, & Paſſivi, quorum priores Clerici, poſtremus Epiſcopus Firmanæ ejuſdem Eccleſiæ deinde fuerunt. Quæſitum fuit, num iſti ære eccleſiaſtico redempti refundere tenerentur in eccleſiaſticum ærarium nummos ſux redemptionis cauſa ab Eccleſia impenſos? Reſpondit Gregorius non teneri in epiſt. 14. lib. 7. indiſt. 2. in vulgari, & 17. lib. 9. in Maurina editione, cujus verba integra ferme referuntur a Gratiano in can. 15. cau. 12. qu. 2., etenim poſt verba illa Gratiani poſtrema, *objici quæſtionem nihil aliud in epiſtola*

ipſa

Can. 15.  
cau. 12.  
qu. 2.

ipsa legitur, quam quæ hic subjiçuntur: nimirum: *quia ratio pietatis exposuit, ut quod studio pietatis impensum est, ad redemptorum onus, vel afflictionem debeat pertinere*. Sane res ecclesiasticas impendi recte potuisse in captivorum redemptionem perpetua traditio fuit, cujus argumento vel una satis esse posset lex 21. cum authentica sequente Cod. de Sacrosanctis Ecclesiis.

## De epistola ad Johannem in vicinia Anconitana Episcopum.

*Can. 1. dist. 85.* Vacante Anconitana Ecclesia cum plures essent ad Episcopatum electi, res ad Gregorium Pontificem deducta est, cujus iudicio omnis controversia dirimeretur. Ut de hac causa inquireret, mandavit Sanctus Pontifex tum Armenio illius Ecclesie Visitatori Episcopo, tum Johanni, quem proinde in Anconitana vicinia constitutum fuisse suspicor. Huc autem pertinet epistola ad Johannem eundem scripta 6. lib. 12. in vulgaribus codicibus, & 11. lib. 14. apud Maurinos, cujus integra fere verba exhibentur in can. 1. dist. 85., atque in hujus canonis prioribus verbis ita legendum est: *Indicatum nobis est, Florentinum Archidiaconum Ecclesie Anconitanæ, qui, &c.* Item pro illis Gratiani verbis, *adjicientes etiam ad illum tenacem existere, ut in domo ejus amicus, &c.* legendum erit: *addentes etiam, ita illum tenacem existere, ut domum ejus amicus, &c.* Plane singulare est, quod in hoc eodem canone observandum est: scilicet ubi proponebatur Florentinus electus, qui jurejurando sese obstrinxerat, ne unquam ad Episcopatum se promoveri pateretur, Gregorius in id solertius inquirendum voluit, non quod Sanctus Pontifex dubitaret, num hoc jusjurandum probandum esset, sed potius ut ex eo, quale fuisset electi ingenium, studium, qualis indoles, atque animus turius indicaret. Revera probari nullo modo poterat hujusmodi jusjurandum, ubi id promittitur, quod non ex jurantis voluntate pendet, sed potius ad munera publica pertinet, quorum exercitium, ut in publicam tendit utilitatem, ita ab iis, qui res publicas administrant, etiam in invitos, ac refragantes deferitur.

## De epistola ad Passivum Episcopum Firmanum.

*Can. 18. dist. 61.* Passivus Firmianus Episcopus is fuit, quem nuper ex epistola Gregorii ad Demetrium, & Valerianum Clericos Firmanos, captivum fuisse ahebam, & ecclesiastica pecunia redemptum. Ad hunc scripta proponitur epistola 13. lib. 10. in vulgari, & 12. lib. 12. in Maurina editione, cujus sententia perspicua est in can. 18. dist. 61., ubi tamen in aliquibus Gratiani exemplaribus legitur: *vel a nobis Subdiaconus fiat*, quum potius legendum sit: *vel a vobis Subdiaconus fiat*.

## S E C T I O X I I .

*De epistolis ad Mediolanenses scriptis .*

## De epistola ad Deodatum Episcopum.

Non satis apte, appositeque explicari posset sententia canonis 1. cau. 12. qu. 5., nisi integram heic describendo Gregorii epistolam ad Deodatum Episcopum Mediolanensem in vulgari editione 42. lib. 10., & 38. lib. 12. apud Maurinos. Nulli dubium est, scribit Sanctus Pontifex, quia sicut Sacerdotibus res in Episcopatu adquisitas nulla est alienandi licentia, ita de eis, quas ante habuerint, quidquid iudicaverint non vetantur. Itaque Fraternitatem vestram tempore, quo ad nos fuit, quæstam esse recolimus, quod quadam immobilia, quæ Constantius Decessor vester Luminosæ ancillæ Dei filiæ fratris sui (legunt Maurini: filiæ suæ, fratribusque suis) testamenti serie legati titulo dereliquit, jam Episcopus adquisisset, decrevisseque nos, ut si hoc constaret, nullum ex his Ecclesiæ vestra præjudicium pateretur. Quod & vos oportet recollere, & molestiam aliquam prædictæ ancillæ Dei non facere, nec ei sine cognitione de his, quæ possidet, quidquam auferre. Sed si hoc Ecclesiæ vestræ auctores probari posse confidunt, vestris nobis epistolis indicate, ut qualiter hoc ipsum constare debeat, disponamus; dummodo cognita veritate nec Ecclesiæ vestra pati præjudicium, nec illa iniuste videatur affigi: quia, quantum aliqui perbibent, hoc supradictus Decessor vester non in Episcopatu, sed dum adhuc esset Diaconus adquisiuit. Unde necesse est, ut, sicut diximus, facta probatione debeat constare, quod verum est. Eandem vero ancillam Dei Fraternitati vestræ commendamus, ut a nullo eam patiatur gravari, vel opprimi, ne, si inquietata fuerit, ex huius causæ occasione hoc pati, quod non decet, existimetur. Et ideo siquid forte fuerit, quod debeat emendari, aut a plano adhortationis vestræ moderamine corrigatur, aut certe nobis subtiliter nuntietur; quatenus & vos ab invidia sitis extranei, & nos, quod convenit facere, nullatenus omitamus. De canone 12. cau. 12. qu. 2. nihil adjicio, cum nihil aliud in illo contineatur, quam priora integre hujus descriptæ epistolæ verba.

## De epistolis ad Constantium Episcopum.

Ex epistola ad Deodatum Mediolanensem Episcopum nuper exhibita liquido constat ante Deodatum Ecclesiæ Mediolanensem rexisse Constantium Episcopum, ad quem Gregorii epistolæ scriptæ tres præferuntur apud Gratianum. Prior est numero 17. lib. 4. in vulgari, & 4. lib. 5. apud Maurinos, ex qua depromptus est canon 1. dist. 50., ubi sane confirmatur verus illa de lapsis clericis ad pristinum gradum etiam post pœnitentiam restituendis disciplina. Monachi Maurini pro illis verbis *pro reversionis spe legendum* potius voluerunt: *per reversionis spem*.

Altera epistola est in vulgari codicibus 14. lib. 6. & in Maurinis 14. lib. 7., cujus argumentum est de non curandis malorum obrelegationibus. Rumor enim qui-

Tom. III.

M

dam

Can. 52.  
cau. 12.  
qu. 3.

dam audiebatur adversus eundem Constantium, quem pravi homines ex invidia carpebant. Asserit Gregorius, se non facile credere malignis hujusmodi hominibus, interea tamen Constantium monet, ut ita se gerat, quo ab eisdem sibi detrahentibus se sejungat. Huc pertinet canon 52. cau. 11. qu. 3., ubi pro illis verbis, *ex sacri eloquii testimonio tenemus*, legendum voluerunt Maurini: *& sacri eloquii testimonium tenemus*; item in illis verbis, quæ prope finem canonis habentur, *quæ æterna vitæ sunt*, observaverunt, in quibusdam MSS. codicibus legi: *quæ interna vitæ sunt*, atque postrema hæc lectio magis Gregorii proposito accommodata videtur.

Can. 74. cau. 11. qu. 3. Postrema Gregorii epistola est in vulgari editione 30. lib. 8., & 29. lib. 10. in Maurina. Ibi docet Gregorius, Pompejum quandam Episcopum accusatum damnari nullo modo posse, quia nondum probata ab accusatoribus fuerant crimina eidem objecta; atque huc pertinet illa Gregorii sententia, quæ legitur in can. 74. cau. 11. qu. 3. *Nam grave est satis, & indecens, ut in re dubia certa dicatur sententia.*

## De epistola ad Magnum Presbyterum.

Can. 2. cau. 24. qu. 3. Vacaverat Mediolanensis Ecclesia ex obitu Laurentii Episcopi, qui Magnum Ecclesiæ ejusdem Presbyterum a communione suspenderat. Occasione arrepta ad Gregorii benignitatem totum se contulit Magnus, futurum sperans, ut extra gradum suum non diutius consistere videretur. Annuit Gregorius per epistolam 26. lib. 2. in vulgari, & lib. 3. in Maurina editione, eundem Magnum interea monens, ut curaret a Populo, & Clero successorem Episcopum Virum laudabilem eligi. Ex hac epistola depromptus est canon 2. cau. 24. qu. 3., ubi animadvertunt Maurini, pro illis verbis *culpæ exigentibus*, legendum potius esse, *culpæ extantibus*, quemadmodum exhibent vetera MSS. exemplaria. Illud ego adnotandum arbitror, licet in verbis Gratianæ sermo institutus videatur de privatione communionis, ex integro tamen epistolæ contextu adparere de simplici suspensione locutum fuisse Gregorium: ita enim habent prima ejusdem epistolæ verba. *Sicut exigente culpa quis a Sacramento communionis digne suspenditur, ita infentibus nullo modo talis debet irrogari vindicta. Comperimus, &c.* Itaque species canonis ita erit effingenda. Accusatus coram Laurentio Mediolanensi Episcopo Magnus, indubio fuerat ipsi sacra communione interdictum. Causa post mortem Laurentii ad Gregorium deducta prospere cessit Magno, qui insons agnitus est, atque ad jura communionis pristinx restitutus. Quæ cum ita sint, nescio cur Gratianus ex hoc ipso canone demonstrare velit, excommunicationem iniquam nocere potius excommunicatori, quam excommunicato; non enim quidquam hujusmodi in epistola pertractatur; hinc dicere jure poterimus Gratianum procul a Gregorii proposito aberrasse. Illud demum in vulgatis Gratiani editionibus observandum est, falso in inscriptionibus canonis Magnum appellatum fuisse Episcopum Mediolanensem, is enim non Episcopali, sed Presbyterali munere in Mediolanensî Ecclesiâ fungebatur, quemadmodum ex ipsâ Gregorii epistola perspicue liquet.



## De epistolis ad Clerum Mediolanensem.

Auream plane dixeris Gregorii epistolam ad Clerum Mediolanensem, in vulgatis editionibus 29. lib. 2., & lib. 3. apud Maurinos, scriptam occasione Episcopi electi Constantii. Et quidem de illius electione certior Gregorius factus, eundem commendat in primis, quod dum sua uteretur familiaritate, virum integerrimum agnovisset, deinde tamen aperte proficitur, se in ea parte nihil velle prastare, quod proposuisset, neminem commendare eligendum, ne electio humano favore, potius, gratiave fieri videretur. Hinc tradit Episcoporum electionem nonnisi maturo animi iudicio, ac bene pensato celebrandam esse, una proposita Ecclesiarum utilitate. Prudentissima hæc Gregorii sententia jam satis conspici potest in can. 2. cau. 8. qu. 2., quem ex hac epistola depromptum fuisse scimus.

Can. 2.  
cau. 8.  
qu. 2.

Post obitum Constantii, ut superius jam tradebam, successit in Mediolanensi Episcopatu Deodatus, de cujus electione etiam gratulatus est Gregorius in epist. 65. lib. 8. in vulgari, & 4. lib. 11. in Maurina editione. Ibi traditur duos fuisse electos, primum scilicet Deodatum a Mediolanensi Clero; alterum a Longobardis, quorum armis universa fere Italia vastabatur. Scripsit Gregorius, se ratam habere Cleri Mediolanensis electionem, rejecta omnino illa, quæ a Longobardis facta fuerat, ea etiam adjecta ratione, quod Longobardi Catholici non essent, sed apud hæreticos consistèrent. Huc spectat canon 6. cau. 9. qu. 1. his verbis legendus. *Nos in hominem, qui non a Catholicis, & maxime a Longobardis eligitur, nulla præbemus ratione consensum, nec si alicujus præsumptionis usurpatione factum fuerit (notant Maurini in aliquot MSS. exemplaribus legi: factus fuerit) in locum, vel ordinem illum Sacerdotis suscipimus.*

Can. 6.  
cau. 9.  
qu. 1.

## S E C T I O X I I I.

*De epistolis per Sardiniam directis.*

## De epistolis ad Januarium Calaritanum Episcopum.

Plurimæ sunt ad Januarium Calaritanum Episcopum Gregorii Magni epistolæ, quas memorat Gratianus. Præ ceteris memorabilis est 26. lib. 1. in vulgari, & lib. 4. in Maurina editione; in ea enim nonnulla ecclesiasticæ disciplinæ capita traduntur. Initium hujus epistolæ legitur in can. 40. cau. 11. qu. 1., ubi simplex, & nuda facti expositio continetur, ex qua sane aliquid concludere minime licet. Hæc sunt priora epistolæ verba: *Fratri, & Coepiscopi nostri Felicitis, & Cyriaci Abbatis relatione cognovimus, quod in insula Sardinia Sacerdotes a laicis Judicibus opprimantur, & Fraternalitatem tuam ministri sui despiciant; dumque solum simplicitati a vobis studetur, quantum videmus, disciplina negligitur, unde hortor, ut omni excusatione postposita Ecclesiam, quam suscepisti, auctore Deo, regas, disciplinam Clericos tenere cogas, nullius verba metuere studeas. Archidiaconum vero tuum, ut audio, &c.* Hæc statim

Can. 40.  
cau. 11.  
qu. 1.

M 2

sequuntur.

Can. 29.  
dist. 81.

Can. 4.  
cau. 23.  
qu. 6.

sequuntur verba canonis 29. dist. 81., quæ cum vulgatis ejusdem epistolæ exemplaribus consonant. Post hæc ad alia gradum facit Gregorius, subdicens, rusticos Calaritanæ Ecclesiæ esse cogendos, ut Fidem Catholicam amplectantur his verbis: *Accidit autem aliud valde lugendum, quia ipsos rusticos, quos habet Ecclesia tua nunc usque in infidelitate remanere negligentia Fraternalitatis vestræ permisit. Et quid vos admoneto, ut extraneos ad Deum adducatis, qui vestros ab infidelitate corrigere negligitis? Unde necesse est, vos per omnia in eorum conversionem vigilare. Nam si cujuslibet Episcopi in Sardinia insula paganum rusticum invenire potuero, in eundem Episcopum fortiter vindicabo. Jamvero si rusticus tantæ fuerit perfidia, & obstinationis inventus, ut ad Dominum Deum venire minime consentiat, tanto pensionis onere gravandus est, ut ipsa exactionis suæ pœna compellatur ad reſtitutionem festinare.* Postrema hæc verba leguntur in can. 4. cau. 23. qu. 6., in quo sane primo obtutu paulo asperior proponi disciplina videtur, dum traditur, rusticos per pecuniarias pœnas ad Fidem Catholicam adducendos esse, contra quam tradiderit Gregorius Nazianzenus in oratione 8. his verbis: *Neminem vi duci vult lex nostra, coadque, ac non sponte gubernari. Hoc enim modo ne alia quidem imperia contineri, ac conservari possunt, quod ita natum comparatum sit, ut quidquid vi tenetur, arrepta occasione statim se in libertatem adferat, ne dum nostrum, non dicam imperium, sed magisterium, quod nulla re æque, ac voluntatis libertate conservatur.* Cur vero aliorum investigo testimonia. Patrum, quum Gregorius ipse Magnus frequentissime scripserit, neminem vi, aut pœna indicta ad Fidem Christi suscipiendam fore cogendum? Perspicuum est ejus testimonium in epistola 34. lib. 1. ad Petrum Terracinenſem Episcopum, ibi: *Eos, qui a Religione Christiana discordant, mansuetudine, benignitate, admonendo, suadendo, ad unitatem Fidei necesse est congregare, ne quos dulcedo prædicationis, & præsentis futuri Judicis terror ad credendum invitare poterat, minis, & terroribus repellantur.* Item in epistola 45. lib. 1. ad Virgilium, & Theodorum Gallicanos Episcopos scribens improbat illorum factum, qui Judæos vi ad Baptismum compulerant, his verbis: *Dum enim quispiam ad Baptismatis fontem non prædicationis suavitatem, sed necessitate pervenerit, ad pristinam superstitionem remeans, inde deterius moritur, unde venatus esse videbatur.* Imo & idem Gregorius in alia ad ipsum Ianuarium Calaritanum epistola 6. lib. 9. Maurinæ editionis redarguens quosdam, qui vi adhibita nonnullos Judæos ad Christi Fidem perduxerant, subdit: *Hæc circa eos temperantia magis utendum est, ut trahatur ab eis velle non reniti, non ut adducantur inviti, quia scriptum est: Voluntarie sacrificabo tibi, idest ex voluntate mea confitebor tibi.* Hinc autem facile quæritur, qua ratione mutato stylo Gregorius asseruerit in dicto canone 4., rusticos gentiles indicta pecuniaria pœna esse ad Fidem Christi trahendos. En germanam, ut arbitror, Gregorii sententiam. Singularis erat species in dicto canone 4. de colonis, seu rusticis Ecclesiæ Calaritanæ, illis scilicet, qui prædiorum rustica illius Ecclesiæ colebant, quos propterea Januario singulari jure obnoxios Sanctus Pontifex noverat. Hos decebat abs Januario primum moneri, qui si monitis non indulſissent, possent, aut deberent severiore pœna gravari, ut ea ratione ad Fidem facilius adducerentur. Hoc porro gravamen proprie vis, aut pœna dici non poterat, sed modus quidam singularis, quo strictius, & ad summum jus cum colonis ethnicis ageretur, pollicente Episcopo, humanius se cum illis adurum, quoties Christum sequerentur. Plane de colonis prædiorum Ecclesiæ Calaritanæ ibidem agi, apertissime liquet ex verbis ejusdem epistolæ, ibi: *Accidit autem aliud*

valde

valde legendum, quia ipsos rusticos, quos habet Ecclesia tua, nunc usque in infidelitate remanere, negligentia Fraternitatis vestrae permisit. Et quid vos admoneo, ut extraneos ad Deum adducatis, qui vestros ab infidelitate corrigere negligitis? Hæc sane penitus, uti decet, considerata non aliis accommodari possunt, nisi colonis ecclesiasticis, in quibus vigilantior esse debebat, & exactior Episcopi cura. Simile argumentum habetur in epistola 23. lib. 3., ubi rusticorum nomine intelliguntur Christianorum coloni, quemadmodum in epistola 66. lib. 7., sive in canone 5. dist. 89. Quæ omnia si apprimè perpendantur, nonnihil a Gratiani proposito aliena videntur.

Quæ in Gregorii epistola statim subsequuntur, habentur in canone 9. dist. 50., ubi pro illis verbis, *quod omnino prohibemus*, legendum est, *quod omnino prohibuimus*. Sane ibi Gregorius, ubi de Clericis lapsis ad pristinum gradum minime restituentis verba facit, laudat veteres canones, ibi: *Sacratissimi quoque canones contradicunt*. Hi sunt canon 10. Concilii Nicæni, canon 1. Concilii Ancyani, canon 29. ex Apostolicis, canon 7. in decretis Syricii, canon 21., & 23. in decretis Innocentii, aliique similes numero plures.

Tandem in fine ejusdem epistolæ legitur canon 1. dist. 95., cujus corrupta apud Gratianum editio in causa fuit, cur & sacrorum canonum Cultores, & Theologi numero plurimi eam opinionem iniverint, quæ alias adversari videtur ecclesiasticæ, & quidem vetustissimæ traditioni. Perpetuo custodita disciplina in Ecclesiâ fuit, quæ administratio Sacramenti Confirmationis solis Episcopis reservetur, exclusis ab illa iis, qui solo Presbyteratus ordine sunt insigniti. Huc pertinere etiam potest ipsa Apostolorum doctrina, juxta quam legimus in illorum Actibus solos Apostolos Paracletum Spiritum eo Sacramento tradidisse. Ad hanc rem egregie edisserit Innocentius Papa in epistola ad Decentium Eugubinum cap. 3. ita scribens: *Hæc autem Pontificibus solis deberi, ut vel consignent, vel Paracletum Spiritum tradant, non solum consuetudo ecclesiastica demonstrat, verum & illa lesio Aduersum Apostolorum, quæ asserit Petrum, & Johannem esse divites, qui jam baptizatis traderent Spiritum Sanctum*. Jungi his posset Capitulum 4. de consuetudine apud Gregorium IX. Nihilominus tamen non desuerunt, qui Presbyteris eandem facultatem concedi posse dixerunt, ex ecclesiastica saltem dispensatione, ducto argumento ex memorata Magni Gregorii epistola, prout legitur apud Gratianum, ubi sane liquet concessum fuisse Presbyteris, ut baptizatos Chrismate consignarent. Verum agnoscenda est corrupta editio Gratiani; etenim pro illis verbis: *qui baptizati sunt, & Baptizatos*, legendum potius est: *qui baptizandi sunt, & Baptizandos*, quemadmodum habetur, tum in editione Veneta Gregorii anni 1505., tum in Parisiensi anni 1518., 1571., 1586., tum in Basileensi anni 1564., tum demum in Maurina ceteris plane accuratiore, ubi etiam Monachi auctores testantur, ita in MSS. veteribus numero quatuordecim haberi. Verba porro ita concepta designant, aliam fuisse consignationem infantum Presbyteris concessam, quam confirmatoria; confirmatoria enim non in baptizatis, sed in baptizandis exercetur. Erat igitur illa consignatio quædam ceremonialis, qua Cathecumeni ad Baptismum præparabantur, cujus generis vestigia adhuc supersunt in recentioribus Baptismi ritibus. Neque forsitan turbare quempiam debet, quod refertur ex Johanne Diacono, testante apud Africanos simile quidpiam legi Presbyteris ecclesiastica dispensatione concessum, quemadmodum habetur in ejus epistola ad Senarium edita apud Mabillonium in tom. 1.

Musæi

Muszi Italici, his verbis: *Sed nec illud tangat animum, quod sibi aliquando quedam vis necessitatis adsumit, veluti quod nunc per Africam fieri dicitur, ut sanctum Chriftma conficiant, quod merito moveret, si istam Pontificatus auctoritas licentiam non dedisset. Unde constat, a Pontificibus quodammodo fieri, quod in tanta rerum necessitate, ut a Presbyteris effici possit, superior ordo constituit.* Hæc sane etiamsi indubiam fidem facere credantur, diversa tamen potius sunt, quam contraria, quum in ipsis non de administrando Sacramento Confirmationis agatur, sed potius de Chriftinate, conficiendo. Et quamquam ex dispensatione ecclesiastica indulgeri aliquando potuerit, ut Presbyteri Episcopis inferiores sacrum Chriftma conficerent, non tamen, exinde necessario inferitur, ut iidem Sacramentum Confirmationis administrarent, cum plurimum adhuc discriminis intercedere queat inter utramque potestatem.

Alia est Gregorii epistola ad Ianuarium 27. lib. 4. apud Maurinos, & 24. lib. 3. in vulgari editione. Referibit ibidem Sanctus Pontifex de variis ecclesiasticæ disciplinæ capitibus, atque inter cetera ait: *Præterea nos, latorem præsentium Episcopum Presbyterum quorundam Sardonum literis criminaliter accusatum, &c. Quæ sequuntur, integra legimus in can. 4. cau. 5. qu. 6. In fine vero ejusdem epistolæ leguntur verba canonis 29. cau. 27. qu. 1., ubi agitur de mulieribus, quæ neglegenter religioſæ initæ vitæ professione e Monasterio egressæ fuerant, & nuptias contraxerant, de quibus ita Gregorius: In mulieribus, quæ de Monasteriis ad laicam vitam sunt egressæ, virosque sortitæ, quid fieri debeat, cum prædicto Fraternitatis tuæ Presbytero subtilius sumus loquuti, cujus relatione Sanctitas vestra potest plenius informari. Et paullo infra referuntur verba ipsa memorati canonis 29. Eos autem, &c.*

De variis itidem ecclesiasticæ disciplinæ capitibus scripsit Gregorius in alia epistola ad Ianuarium 9. lib. 4. in Maurina, & lib. 3. in vulgari editione; ubi in primis sermo fit de virginibus monasticam vitam professis, quæ eo redactæ in Sardinia fuerant, ut cogerentur e monasterio exire, per prædia sua villasque discurrerent suos reditus curaturæ, ut fiscalibus tributis satisfacerent. Hanc monialium divagationem improbat Gregorius, suavitque ut meliori, qua fieri posset, ratione, illis abutibus consuleretur, ac præsertim virum frugi præstituendo prædialibus monasteriorum curis, ut interea sacræ Virgines intra monasterii claustra ab omni periculo removerentur. Post hæc ita subdidit: *Si qua autem earum vel per antericrem licentiam (juxta quam scilicet vagari consueverant) vel per impunitatis pravam consuetudinem ad lapsum adulterii deducta fuerit, aut in stupri fuerit (monent Maurini in nonnullis MSS. codicibus legi: ad lapsus adulterini deducta est, aut in furti fuerit) perducta voraginem &c. Quæ sequuntur, habemus in can. 28. cau. 27. qu. 1., ubi tamen pro illis verbis: & sic penitendo proficiat, legunt Maurini: & sibi penitendo proficiat.*

Post pauca ibidem legitur canon 16. dist. 54. quem non facile poterit quispiam interpretari, nisi una animadverterit integra contextus verba, ibi: *Pervenit ad nos, servos ancillæque Judæorum fidei causa ad Ecclesiam refugientes, aut infidelibus restitui Dominis, aut eorum, ne restituantur, pretium dari. Hortamur igitur, ut nullatenus tam pravam consuetudinem manere permittas; sed quilibet servus Judæorum ad venerabilia loca confugerit causa fidei &c.* Jure adnotaverunt Correctores Romani ad memoratum canonem Gratianum, vocem illam *Christianorum* tum in editis, tum in MSS. codicibus desiderari. Jam constitutionibus Imperatorum cautum fuerat, ne Christianus quispiam Judæo serviret, toto titulo Codicis ne Christianum mancipium,

Can. 4.  
cau. 5.  
qu. 6.

Can. 29.  
cau. 27.  
qu. 1.

Can. 28.  
cau. 27.  
qu. 1.

Can. 16.  
dist. 54.

pium, & Novella 5. cap. 2., eamque ob rem, si servus Judzorum ad Ecclesiam conversionis causa venisset, a servitutis vinculo liberabatur. Has Principum constitutiones Christianæ Religionis peritiles vix, ac ne vix quidem custodiri Gregorius noverat apud Calaritanos, qui servos Judzorum ad Ecclesiam confugientes fidei suscipiendæ causâ, aut restitui Dominis, aut eisdem pretium dari voluerunt, quod Sanctus Pontifex improbavit, ægre ferens, aut restitui servos ejusmodi in periculum gravissimum animarum ad veram Dei fidem anhelantium, aut erogari extraneis hominibus peculium ecclesiasticum in usum potius fidelium pauperum dispensandum, ubi præsertim domini Judzi satis Imperatorum legibus omni jure domini exuti fuerant.

Post verba memorati canonis 16. statim in epistola sequitur, quod legimus in *Can. 120. de conf. dist. 4.* can. 120. de conf. dist. 4. cujus tamen verba apud Gratianum, alioque nonnulli editos codices depravata fuerunt. Ita legendum voluerunt Maurini Monachi ex generali MSS. omnium veterum consonantia: *Episcopi baptizatos infantes signare bis in frontibus chrismate non presumant; sed Presbyteri baptizandos ungant in pectore, ut Episcopi postmodum ungere debeant in fronte.* Hinc porro liquet, duplicem sacris chrismatis unctionem in usu fuisse temporibus Gregorii Magni, aliam ceremoniam ante baptismum, aliam sacramentalem post baptismum, qua nimirum Sacramentum Confirmationis administrabatur. Illa a Presbyteris fiebat, hæc Episcopis reservabatur. Quod si adhuc quisquam aut vulgata Gregorianarum epistolarum exemplaria, aut ipsum Gratiani codicem sequi malit, non erit abs re animadvertere duplicem, etiam post baptismum, unctionem fuisse, aliam ceremoniam, & a Presbyteris faciendam, aliam sacramentalem in fronte Episcopis reservatam. Huc pertinere posset, quod scribitur in sacramentario Gregorii ad ritum Sabbati sancti, ibi: *ut autem surrexeris a fonte, (qui baptizatus est), ille, qui eum suscipit, offert eum uni Presbytero, qui faciat signum crucis de chrismate cum pollice in vertice ejus, dicens Ecce.* Et post pauca subjicitur, sic in unctum adducendum esse ad Episcopum, causa suscipiendi Sacramenti confirmationis. His fere consonat Isidorus Hispalensis in lib. 2. de ecclesiasticis officiis cap. 26., ibi: *Presbyteris, sive extra Episcopum, sive presente Episcopo baptizant, chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt spiritum Paracletum.*

In eadem Gregorii epistola prope finem leguntur verba canonis 14. cau. 16. qu. 1. ibi: *Pro fundandis etiam monasteriis, quæ a diversis jussa sunt construi, si iuxta perspicis hæc aliqua ab iis, quibus indita sunt, excusatione differre, solerter, secundum quod leges præcipiunt, imminere te volumus, (ita legunt Maurini ex fide veterum codicum, neglecta editione illorum, qui legendum putant, admonere te volumus), ne piæ defunctorum voluntates tuæ, quod absit, remissione cassentur.* *Can. 14. cau. 16. qu. 1.*

Prior epistola lib. 7. indictione 2. in vulgari, item prima lib. 9. in Maurina editione est alia epistola ad Januarium, quem Gregorius objurgat, quod ad exarandam cujusdam messum ante Missarum solemniam die dominico convenisset, celebratisque Missarum solemnibus statim ad prædium remeasset terminos possessionis eradicaturus. Hujus epistolæ præfatio legitur apud Gratianum in can. 28. cau. 2. qu. 7. ita emendando. *Prædicator omnipotentis Domini Paulus Apostolus dicit: seniore non increpaveris: sed hæc ejus regula in ea re servanda est, cum culpa senioris exemplo suo non erabis ad iteritum corda juniorum. - Ubi autem senior juvenibus exem-* *Can. 28. cau. 2. qu. 7.*

exemplum ad interitum præbet, ibi distilla increpatione feriendus est. Nam scriptum est: laqueus juvenum omnes vos, & rursus, Propheta dicit: & peccator centum annorum maledictus est. Postremum hoc sacræ scripturæ testimonium ita expressum consonat cum vulgatis veteris testamenti codicibus apud Isaiam cap. 65., contra quam scripserit Gratianus, ibi: maledictus puer centum annorum. Si alias sacrarum eloquiorum interpretationes desideres, Hebraica lectio ita redditur: & peccator filius centum annorum maledicetur; apud septuaginta hæc scripta reperies: & peccator centenarius etiam maledictus erit; quibus conveniunt Syriaci, Chaldæi, & Arabes hæc sententia: quicumque peccaverit centesimum annum agens, maledicetur. Qualiscumque vero hujusmodi sumatur interpretatio eo collineat Gregorii scopus, ut ostenderetur, jure Januarius reprehendi de die dominico violato, licet ipse senior esset. Postquam sententiam ita ad rem propius accedens Sanctus Pontifex ait: *Tanta autem nequitia ad aures meas de tua senectute pervenit &c.* Quæ sequuntur, exhibuit Gratianus in can. 24. dist. 86., ubi tamen pro illis verbis; hortamur ut aliquando respicias, miser senex . . . humanitus adveneris, legendum est: hortamur aliquando, respice senex . . . humanitus evenerit. Eiusdem sententiæ fragmentum retulit rursus Gratianus in can. 11. cau. 1. qu. 7., quem propterea juvabit exigere ad memoratum canonem 24.

Can. 24.  
dist. 86.

Can. 11.  
cau. 1.  
qu. 7.

Can. 10.  
cau. 26.  
qu. 5.

De pluribus disciplinæ ecclesiasticæ capitibus egit Gregorius in alia ad Januarium epistola, quæ est 66. lib. 7. in vulgari, & 65. lib. 9. in Maurina editione. Ex hac depromptus est canon 10. cau. 26. qu. 5., ubi pro illis verbis, *Divini intentione iudicii . . . in pœnitentiam redigendi*, legendum potius est, *Divini intentione iudicii . . . in pœnitentiam dirigendi*. Voluit Sanctus Pontifex, idolorum Cultores, & Aruspices variis ecclesiasticis pœnis esse affigendos, servos scilicet salutari virgarum correptioni subigendos, liberos autem homines pœnitentiæ agendæ causâ in Monasterio, sacrove loco includendos. Erant hæc apud veteres consuetæ a Viris ecclesiasticis infligi pœnæ. Quod enim spectat ad virgas, & flagella, hæc memorat tamquam suorum temporum usu recepta Augustinus in epistola ad Marcellinum apud Gratianum memorata in can. 1. cau. 23. qu. 5., memorat etiam idem Gregorius laudatus in cap. 1. de Calumniatoribus; in quo tamen pœnitentiæ genere ea servanda erat ab Episcopis moderatio, ut ipsi se potius tamquam Patresfamilias gererent quasi erga liberos, seu, ut verbis utar Gregorii in can. 1. dist. 45. tamquam *Pastores*, non tamquam *Percussores*. Inclusio quoque in Monasteriis invalescere cœpit tempore Gregorii in viris præsertim honestioribus, quemadmodum etiam hodie aliquando viget, ut Episcoporum iudicio rei graviorum criminum ad certum tempus Religiosis quibusdam locis addicantur. Fuit hæc pœnitentia criminum capitalium reis indicta in Concilio Agathensi can. 50., five can. 7. dist. 50., item a Gregorio Magno in epistola ad Marinianum Abbatem Panormitanum, quæ est 26. lib. 2. in vulgari editione; nec non in epistola 40. eiusdem libri. Post verba laudati canonis 10. cau. 26. qu. 5. statim sequitur in eadem epistola canon 5. dist. 89., cuius editio, ut optimis Gregorii codicibus respondeat, ita erit emendanda. *Indicatum etiam nobis est, quod laicis quibusdam curam vestri patrimonii committentes, postmodum in rusticorum vestrorum deprædationibus, atque per hoc exfugationibus (ita legunt Msurini, contra quam habeat vulgata editio ex fatigationibus) fuerint deprehensi, & reddere res, quas indecenter retinent, habitas, quasi suæ ditioni, quippe vestræ non suppositi curationi, postponant, vobisque despiciant alium suo-*

Can. 5.  
dist. 89.

rum reddere rationem. Quod si ita est, distribue a vobis discuti convenit, atque inter eos, Ecclesięque vestrę rusticos causam examinari subtilius. Et quidquid in eis fuerit fraudis inventum, cum pœna legibus statuta reddere compellantur. De cetero vero cavendum a Fraternitate vestra est, ne secularibus viris, atque non sub regula vestra degentibus res ecclesiasticę committantur, sed probatis de vestro officio Clericis. In quibus siquid reperiri poterit pravitatis, ut in subditis, emendare, quod illicite gestum fuerit, valeatis, quos apud vos habitus sui magis officium conveniat, (ita legunt Maurini, vulgares codices habent commendet), quam excuset.

Romani Corredtores jamdiu indicaverunt Gregorii epistolam, ex qua depromtus videtur canon 4. cau. 13. qu. 2. Plurimum in primis consonat cum verbis epistolę ad Januarium, ex qua exhibetur canon 14. cau. 16. qu. 1. Sed magis etiam consonat cum alia epistola ad eundem Januarium, quę est 20. lib. 9. in vulgari editione; ubi agitur de monasterio construendo, quoties ea, quę pridem ædificationi oberant, nullum amplius impedimentum adferrent: Ait Gregorius: Necessę est, ut si impletum hoc fuerit (nimirum si nihil amplius oberit) defuncti dispositio modis omnibus conservetur. Ex his facile erit Gratiani verba emendare.

Can. 4.  
cau. 13.  
qu. 2.

Nihil pro ecclesiastica sepultura esse exigendum decrevit Gregorius in alia ad Januarium epistola 55. lib. 7. in vulgari, & 3. lib. 9. in Maurina editione; atque ex ea depromptus est canon 12. cau. 13. qu. 2. ita describendus ex Maurinorum editione: *Questę est nobis Nereida clarissima Femina, quod ab ea centum solidos pro filię sue sepultura Fraternitas vestra non erubescat exigere, atque ei super doloris gemitum majorem dispendii studeat inferre molestiam. Quod si ita se veritas habet, quia grave nimis est, & procul nimis est a Sacerdotis officio, precium de terra concessa patre dñi querere, & de alieno velle facere iustu compendium, ab hac se petitione Fraternitas vestra contineat, & molesta ei de cetero non existat: maxime quia & Hortulanum quondam, de quo se ipsa asserit filiam suscepisse, Ecclesię vestrę non in parva quantitate munificum memorat extitisse. Hoc autem vitium & Nos, postquam Deo auxilio ad Episcopatus honorem accessimus, de Ecclesię nostrę omnino vetuimus, & pravam denuo consuetudinem nequaquam usurpari permiximus, memores, quia dum Abraham a filiis Emor, hoc est Ephor filio Seor sepulcrum pretio ad humanandum corpus conjugis postulare, pretium accipere renuit, ne commodum videretur de cadavere consecutus. Si ergo tantę considerationis paganus vir fuit, quanto magis Nos, qui Sacerdotes dicimur, hoc facere non debemus? Unde ne hoc avaritię vitium, ne vel in alienis denuo tentari pręsumatur, admoneo. Sed si quando aliquem in Ecclesię vestra sepeliri conceditis, siquidem parentes ipsius, proximi, vel heredes pro luminaribus sponte quid offerre voluerint, accipere non vetamus. Peti vero, aut aliquid exigi omnino prohibemus, ne, quod valde irreligiosum est, aut venalis fortasse, quod absit, dicatur Ecclesię, aut vos de humanis videamini mortibus gratulari, si ex eorum cadaveribus studeatis querere, quolibet modo compendium. Integra fere in his continetur Gregorii epistola, quam crediderim intelligendam esse de jure sepulturę extra ordinem in Ecclesię concedendo. Siquidem olim nondum mos invaluerat, ut fidelium cadavera passim in Ecclesię tumularentur; sed raro, & nonnisi ex speciali privilegio id indulgebatur, quemadmodum indulgeri cępit principio Viris clarissimis, & de Ecclesię optime meritis. Hoc beneficium pro filia sua defuncta obtinuerat clarissima Femina, intuitu etiam prędefuncti Viri in Ecclesię munifici, quemadmodum demonstrant ipsamet Gregorii verba. Ceterum & raro concessum id juris fuisse, perspicue vi-*

Can. 12.  
cau. 13.  
qu. 2.

dentur innuere illa Gregorii ejusdem verba, *Sed si quando aliquem in Ecclesia vestra sepeliri conceditis, &c.*

*Can. 7.* Licet olim Monachis testamenta condendi facultas minime denegaretur, l. unica  
*cau. 19.* Cod. Theodos. de bonis Clericorum, & Monachorum, & l. 20. Cod. Justinian.  
*q<sup>da</sup>. 1.* de Episcopis, & Clericis, recentiore tamen ætate eadem facultas ademta ex no-  
*Can. 13.* vis Justiniani Constitutionibus, Nov. 5. cap. 5. & sequ., Nov. 123. cap. 38. Po-  
*cau. 25.* stremas hæc leges laudavisse visus est Gregorius in can. 7. cau. 19. qu. 3. de-  
*q<sup>da</sup>. 2.* prompto ex epistola ad Januarium in vulgari editione 7. lib. 7., & lib. 9. in Mau-  
 rina; ubi asseritur, Sicicæ monasticam vitam professæ testamentum nullius esse mo-  
 menti, quo etiam pertinet canon 13. cau. 25. qu. 2., jungendus propterea cum  
 memorato canone 7., ut ad speciem ibidem propositam referatur.

*Can. 27.* Demum apud Gratianum in can. 27. cau. 23. qu. 4. refertur epistola Gregorii  
*cau. 23.* ad Januarium 34. lib. 2. in vulgari, & 49. ejusdem libri in Maurina editione.  
*q<sup>da</sup>. 4.* Gratiani verba penitus consonant cum optimis epistolæ exemplaribus, dummodo  
 in illis: *pro defensione propriæ injuriæ suæ*, omiſsa voce *propriæ* legamus: *pro defen-*  
*sione injuriæ tuæ.*

## De epistola ad Innocentium, aliosque Episcopos.

*Can. 45.* Jam Metropolitani juribus potiebatur temporibus Magni Gregorii Episcopus Ca-  
*cau. 2.* laritanus. Hinc Sanctus Pontifex epistolam scripsit ad Innocentium, Vincenium,  
*q<sup>da</sup>. 7.* Marinianum, Libertinum, Agathonem, & Victorem in Sardinia Episcopos, quos  
 ita suadet Metropolitæ suo esse subiectos, ut ab ipso Paschalem denunciationem sus-  
 cipiant, & nonnisi petiti ab eodem venia a suis Ecclesiis discedant. Hæc epistola  
 est 8. lib. 7. indiſt. 2. in vulgari, & 8. lib. 9. in Maurina editione. Ex illa de-  
 promptus est canon 45. cau. 2. qu. 7., cujus sententia ita erit ex integris exempla-  
 ribus describenda: *Hortamur ergo Fraternitatem vestram, ut antiquam Ecclesiarum ve-*  
*strarum consuetudinem exequentes tam de suscipienda Paschali denunciatione, quam etiam*  
*si quemquam vestrum pro causis propriis ubicumque compulerit ambulare necessitas, ab*  
*eodem Metropolita vestro secundum indiſtam vobis regulam petere debeatis, nec eum pos-*  
*ponere in aliquo præsumatis, excepto si, quod non optamus, contra eundem Metropolita-*  
*ram vestrum habere vos aliquid causæ contingat, ut ob hoc Sedis Apostolicæ judicium*  
*ii, qui petere festinant, licentiam habeant, quod scitis per canones etiam antiquorum*  
*Patrum institutione permiffum.* Hæc si cum canone Gratiani conferantur, facile li-  
 quebit, verba Gratiani nonnihil depravata fuisse. Porro in verbis postremis nuper  
 memoratis, ubi *canones antiquorum Patrum* laudantur, perspicuum est, illorum no-  
 mine intelligi canones 4., & 5. Concilii Sardicenis.

## De epistola ad Venerium Episcopum Calaritanum.

*Can. 29.* Non sibi constans fuit Gratianus in describendis verbis canonis 29. cau. 27. qu.  
*cau. 27.* 2.; heic enim illa recenset sub nomine Gregorii scribentis ad Venerium Calarita-  
*q<sup>da</sup>. 2.* num, deinde in can. 1. cau. 33. qu. 1. eadem laudat ex epistola Gregorii ad  
 Johannem Ravennatem. Sane in epistola Gregorii ad Venerium nihil hujusmodi  
 con-



continetur; quamobrem ad illius canonis interpretationem videantur ea, quæ jam differui ad dictum canonem 1. cau. 33. qu. 1. Quæ vero vulgo circumferuntur epistola ad Venerium Episcopum Calaritanum, ea fere integra habetur apud Gratianum in can. 1. cau. 35. qu. 10. At de ipsa ita sentiunt Maurini Monachi: *Epistolam ad Venerium Episcopum Calaritanum non admittimus: eam inter opera S. Gregorii recensere vetat ingens styli dissimilitudo: item Venerius ille est Gregorii Magni ævo incognitus: altum etiam, ac perpetuum omnium codicum silentium, item manuscriptis, & omnibus Scriptoribus ante Anselmum Lucensem, & quendam Polycarpum, quos Gratianus sequutus est. Idipsum fere testatus est Baluzius in notis ad Gratianum, asserens, se illam epistolam non reperiisse apud auctorem Anselmo Lucensi antiquiorem; apud Anselmum autem extare in lib. 10. cap. 35. in Codice MS. S. Germani Parisiensis, ubi tamen manu antiqua ad marginem adjectum legitur: Apocryphum caput. Sane quicumque Gratianeum canonem leget, statim Maurinorum sententiæ adquiret, nisi tamen Maurinos Monachos progressos nimis fuisse crediderit, ubi ajunt Venerium Episcopum Gregoriano ævo incognitum fuisse. Etenim, dictum velim venia tantorum Virorum, in lib. 11. epist. 28. vulgaris editionis epistola Gregorii legitur ad Venerium Episcopum, in qua Gregorius illi commisit visitationem Ecclesiarum Taurianensis, & Turritanensis, quæ sane Ecclesiæ ut erant in Sardinia sitæ, ita & in Sardinia existenti Episcopo commendari debuerunt.*

Can. 1.  
cau. 35.  
qu. 10.

## De epistola ad Vitalem Defenforem.

Summa sollicitudo, qua Gregorius afficiebatur erga monasteria, resque monasticas, eum concitavit, ut ad Vitalem Ecclesiasticum in Sardinia Defenforem scriberet, ejusdemque curæ illud commendaret, ne monasteria ab aliquibus turbari sineret, sed perpetuo Episcopali officio dirigerentur. Est hæc epistola 65. lib. 7. in vulgari, & 64. lib. 9. in Maurina editione, ex qua legitur canon 19. cau. 18. qu. 2., ubi tamen pro illis verbis: *Executione perturbat. Quod omnino non grate suscipimus . . . quemquam usurpare . . . sed ut Episcopo loci illius, &c. legendum volunt Maurini Monachi: Executione perturbent, quod omnino graviter suscipimus . . . quemquam hoc usurpare . . . sed Episcopis loci ipsius, &c.* Si hoc fragmentum penitus perpendatur, facile dignoscetur, quam longe a Gregorii sententiis aberraverint, qui scripsere, monasticarum exemptionum auctorem Gregorium Magnum fuisse, quum tamen in hac ipsa epistola nihil pressius Gregorius urget, quam monasteria in Sardinia sita in Episcoporum jurisdictione consistere.

Can. 19.  
cau. 18.  
qu. 2.

## S E C T I O X I V.

De epistolis per Corsicam directis.

## De epistola ad Bonifacium Defensorem.

Can. 7. In inscriptione canonis 7. cau. 25. qu. 2. ita habetur apud Gratianum. *Gregorius Bonifacio primo Defensori*. Refertur id ad epistolam 17. lib. 7. in vulgari, & cau. 25. qu. 2. 14. lib. 8. in Maurina editione, ubi sane pro codicum varietate, varietas quoque dignoscitur inscriptionum. Veteres editi Codices cum Gratiano codice consonant. Maurini ita inscribendum maluerunt: *Gregorius Bonifacio: De privilegiis Defensorum*. Alii ex vetustis MSS. Codicibus ita legunt: *Bonifacio Defensori: de privilegiis Primicerii Defensoris*: vel: *Bonifacio Primicerio Defensori privilegis Primicerii Defensoris*. Qualiscumque probetur inscriptio, constat ex epistola 77. lib. 11. apud Maurinos, Bonifacium Defensorem fuisse Patrimonii ecclesiastici in Corsica Insula; immo & primus omnium Defensorum vocatur in epistola Gregorii ad Phocam, quæ est 38. lib. 3. apud Maurinos. Quædam in hac ad Bonifacium epistola tribuuntur ecclesiasticis Defensoribus privilegia, quæ declarat Gregorium esse perpetuo custodienda; atque eo pertinet canon 7. cau. 25. qu. 2., cujus priora verba ita legenda sunt: *Hæc itaque Constitutionis nostræ decreta, &c.*; item pro illis Gratiani verbis: *sive quæ in nostra presentia . . . in totum, vel in partes ea, &c.* ita legendum est: *sive quæ eis in nostra presentia . . . in totum, partemve qualibet, &c.*

## De epistola ad Petrum Episcopum.

Can. 121. Discrepant etiam Codices in exhibenda inscriptione epistolæ Gregorianæ, ex qua excerptus est canon 121. cau. 1. qu. 1.; alii enim eam scriptam volunt ad Petrum Aleriensem in Corsica Episcopum, quibus Gratiani codex consentire videtur; alii codices scriptam exhibent Chrisanto Episcopo Spoletano, alii Anastasio Episcopo Antiocheno. Quod spectat Gratiani canonis interpretationem, parum, aut nihil proficere potest codicum hujusmodi diversitas; nihil enim aliud ex eodem canone deducitur, quam Gregorium ordinasse in Acolythum eum, cujus opera utebatur in epistolis ad Episcopos transmittendis, idque intercedente Episcopo, ad quem hæc epistola dirigebatur. Verba canonis ita legenda sunt ex optimis epistolæ exemplaribus: *Latorem presentium pro intercessione Sanctitatis vestre Acolytum fecimus, quem ad obsequia vestra retransmisimus, ut si, &c.*

## De epistola ad Simmachum Defensorem.

Can. 24. Ad Simmachum Defensorem in Corsica scripta est epistola 52. in Maurina, & dist. 81. 50. lib. 1. in vulgari editione; ubi legitur canon 24. dist. 81. ita ex integra epistola

stola supplendus: præterea volumus, ut Sacerdotes, qui in Corsica commorantur, prohiberi debeant, ne cum mulieribus conversentur &c. Maurini Monachi arbitrantur, hoc fragmentum corruptum esse in illis verbis: *vel uxore*, hanc propterea notam adicientes: *dubito an non vox illa irrepserit; siquidem ista conversatio res est plena periculi, & suspiciosissima*. Idque deducunt ex Concilio Agathensi, in quo ita definitum legitur canone 16. *Sane si conjugati juvenes consenserint ordinari, etiam uxorum voluntas ita requirenda est, ut sequestrato mansionis cubiculo religione præmissa, postquam pariter conversi fuerint, ordinentur*; item ex Concilio Nicæno can. 3., ubi decretum scimus, non licere Episcopis, Presbyteris, aut Diaconis extraneas mulieres habere, nisi forte matrem, sororem, amitam, *vel eas tantum personas, quæ omnem suspicionem effugiant*. Ego sane difficiliter adducor eo, ut ad emendationem codicum progrediendum putem, præsertim ubi omnium codicum fides aliud suadet, & quæ in contrarium asferuntur, parum probant. Etenim quod ex Concilio Agathensi profertur, singulare admodum est, & juvenes conjuges spectat ad ordinationem venientes, quorum causa ipsum ætatis lubricum arctiorem videretur exigere disciplinam, ut quæcumque gravi periculi species evadatur. Quod vero in Concilio Nicæno legitur in canone 3., minime interdicit Clericis consortio, & cohabitatione uxorum, sed tantum feminarum extranearum, quarum sane nomine uxor minime venit; imo eodem Nicæno canone arbitror, expresse admissam fuisse cohabitationem uxorum in illis verbis: *vel eas tantum personas, quæ omnem suspicionem effugiant*. Nulla plane suspicio subesse potest in uxoribus, quas sacerdotes, illarum etiam consensione accedente, a se thoro sejungi maluerunt, ut sacerdotio fungerentur. Atque hac ratione visum sunt intellexisse Nicænam sanctionem Patres Concilii Carthaginensis vulgo III., cujus canonem retulit Gratianus in can. 27. dist. 81., ubi a clericorum cohabitatione extraneæ quidem mulieres excluduntur, sed admittuntur ex omnes, quæ cum eisdem sacerdotibus ante susceptum ordinem cohabitabant, quarum sane nomine venire potissimum uxores, facile unusquisque animadvertet.

## SECTIO XV.

*De epistolis ad Gallicanos.*

### De epistola ad Aregium Vapincensem.

Ex Gallicanis Episcopis, qui sub Gregorio Magno floruerunt, fuit Aregius Vapincensis sub Archiepiscopo Aquensi, quem subscripsisse Concilio Valentino anni 584., ejusdem Concilii acta testantur. Ad eum scripta est epistola 112. lib. 7. in vulgari, & 107. lib. 9. in Maurina editione; ex qua depromptus est canon 10. dist. 23., ubi pro illis verbis, *decorandos esse concessimus*, manuscripta quædam vetera hæc exhibent: *decorandos esse censuimus*. Canonis sententia ita erit explicanda. Diaconi omnes in Ecclesia Romana Dalmaticis utebantur, tamquam veste propria, atque insigni singulari, quemadmodum refert Anastasius in vita Sylvestri. Erant Dalmaticæ, uti scribit Johannes Diaconus in vita S. Gregorii lib. 3. cap. 59., vestes

Can. 10.

dist. 23.

Can. 9.

10. dist. 100.

vestes sericæ albæ, usque ad talos effusæ, manicis amplis, auro ornatæ, & clavis, seu plagulis ex purpura adfutis distinctæ. Et licet sint, qui dicant, clavos fuisse purpureas bullas, quasi clavorum capita, intextas, verosimilius tamen est fuisse lineas, sive virgulas, quales hodie adhuc in vestibus sacris Sacerdotum, ac ministrorum adspicimus. Sic Tibullus aureos clavos in femineis vestibus *vias* vocavit. Olim Dalmaticis utebantur Romani milites, item Senatores lato clavo ipsis adfuto: equites etiam clavo adjecto angusto, sed duplici, demum Romana plebs rectas Dalmaticas habebat, & nullis clavis ornatas. Aregius itaque Episcopus, dum Romæ constitisset una cum Archidiacono suo, usum Romanæ Dalmaticæ valde conspicuum esse ratus, sibi & Archidiacono suo concedi postulavit, præsertim quod Roma in Patriam redux quodpiam Romanæ Ecclesiæ ornamentum transferre vellet ad usum suum, quemadmodum jam Arelatenfes Episcopi Pallii ornamentum a Romano Antistite obtinuerant. Nondum obtentis Dalmaticis Roma abcessit Aregius, qui diu Romæ consistere non potuerat, ad suos revocatus ocissime urgentibus Ecclesiæ necessitatibus. Hinc Gregorius ad ipsum Dalmaticas misit, ne ejusdem Episcopi petitionem neglexisse videretur. Post verba memoratis canonis 10. dist. 23. statim in epistola subsequuntur verba canonis 5. dist. 100., quæ integra omnino consonant cum vulgatis epistolæ exemplaribus.

## De epistolis ad Brunichildem Francorum Reginam.

*Can. 1. dist. 61.* Ad Brunichildem Francorum Reginam plures sunt Magni Gregorii epistolæ. Inter ceteras est epistola 114. lib. 7. in vulgari, & 109. lib. 9. in Maurina editione, ubi Sanctus Pontifex eandem Reginam, cui eo tempore Regni totius administratio commissa fuerat, ita monet, *ut inter alia bona de ordinandis curam Sacerdotibus gereret, quorum officium (ait) in tantam illic, sicut didicimus, ambitionem perductum est, ut Sacerdotes subito, quod grave nimis est, ex laicis ordinentur.* Hæc sane ea sunt, quæ Gratianus retulit in can. 1. dist. 61.

*Can. 2. dist. 100.* Quæ referuntur in can. 2. dist. 100. eruta sunt ex epistola 11. lib. 9. apud Maurinos, & 5. lib. 7. in vulgari editione; ubi Gregorius proficitur, se libentissime morem gerere voluntati Brunichildis, quæ pallium Syagrio Episcopo Augustodunensi postularat, præsertim quod Imperatoris consensus accessisset, quemadmodum in memorata epistola legitur. Ad ejusdem canonis interpretationem plura vulgo tradita solent, de pallii usu, sed adeo involuta, ut vix patere possit, qualis fuerit vetus illa pallii disciplina. Ut plurimum enim hodiernum Archiepiscopale pallium, cum antiquo confunditur; nec in ipsis palliis veterum satis distinguitur Pontificale pallium a vulgari. Ut hæc in lumine collocentur, animadvertere juvabit, olim Christianos pallio juxta usum Philosophorum amicos incessisse, atque a Romana toga, quasi a cultiore, & ornatiore habitu humilitatis causa abstinuisse, ut tradit Quintus Septimius Florens in libro de pallio, & B. Rhenanus in librum Tertulliani de pallio. Hoc pallii genus laneum erat, ut plurimum pulli coloris, & quadrangulare: scilicet duo anguli ante pectus juncti integrum pallium a tergo pendens sustinebant, ut demonstrat Johannes Lami in libello de eruditione Apostolorum. cap. 4. digressione 1. Hoc tamen erat pallium vulgare, cujusmodi fere hodie commune clericis omnibus esse videtur, & Monachis numero plurimis.

Fuit

Fuit aliud Regale pallium, quo primum Imperatores ad eximium suæ dignitatis, ac Majestatis decus, & ornamentum assumerunt. Erat quidem figura aliis, & quidem vulgaribus palliis non absimile, ad tales usque profuens; ac contextus ex bysso candente, nec non quibusdam loris, sive virgulis sub collo super humeros, & pectus pendentibus ornatum, quod vestimenti genus Imperatores deinde elargiti sunt etiam illis, qui in præcelsa Ecclesiæ dignitate constituti essent. Sic Hieronymus Rubeus in Historia Ravennatum edidit quoddam rescriptum nomine Theodosii Imperatoris (quidquid sit de hujus rescripti fide, atque auctoritate), ex quo anno 432. Ravennatenſi Episcopo plures subjiciuntur civitates, & pallium simul ab Imperatore conceditur. Præsertim vero concessum ab Imperatoribus fuisse pallium Romanis Antistitibus tamquam singulare dignitatis ornamentum, liquet ex can. 14. dist. 96., qui licet apocryphus videatur, aliquid tamen ad hanc rem probare potest, cum antiquus ille sit. Porro inter cetera inducitur ibidem Constantinus Imperator ita scribens favore Romanorum Pontificum. *Contradimus palatium Imperii nostri Lateranense, deinde diadema, videlicet coronam capitis nostri, simulque phrygium, nec non & superhumeralia, videlicet lorum, quod Imperiale circumdare adſoles collum, verum etiam & clamydem purpuream &c.* Quis non agnoscat in postremis hisce verbis imperiale pallium demonstratum? Clamydis enim nomine, pallium dicitur, cui lorum, seu superhumeralia erat adſutum, sive fascia quædam, quæ pallii ipsius partem collo adhærentem ornat. Itaque interea pallium pontificium ita elaboratum erat, ut ad talos usque demitteretur, ac fluere, quemadmodum universa veterum monumenta probant, in quibus ubi de pallio agitur, de eo tamquam de splendido vestis genere sermo sit. Fuit etiam variis crucibus in tota sui latitudine depictis; at quod potissimum in pallio considerabatur, erat fascia illa superhumeralis, sive lorum, in qua situm esse quoddam insigne regium credebatur. Hinc factum est, ut veteres Pontifices Maximi, cum vellent alios Episcopos in excellenti dignitate constitutos, præsertim vero quibus vices suas gerendas mandarent, pallio decorare, id non auctoritate sua impetiri consueverunt, sed ab ipsis Imperatoribus, ut impertirentur, impetrarunt, ne quod sibi liberalitate imperatoria concessum erat imperiale insigne, ad alios liberalitate propria extenderent. Imo & Episcopi ipsi pallium velut imperantis donum exceperunt. Liberatus Diaconus in cap. 21. sui Breviarii scribit, Anthimum Constantinopolitanum Patriarcham a Sede sua dejectum, *Pallium, quod habuit, Imperatoribus reddidisse*. Vigilius Papa in epist. 1. ad Auxanum non primum pallium eidem Auxanio Episcopo Arelatensi se concessurum scripsit, quam Justiniani Imperatoris consensum postulasset. Item Gregorius Magnus in hac ipsa epistola ad Brunichildem missurus pallium ad Syagrium Augustodunensem asserit, hanc se facultatem ab Imperatore obtinuisse. Postquam vero Romanum Imperium ad Occidentales reversionem est, pallii ornamentum mere ecclesiasticum videri cæpit, datumque fuit a Pontificibus Maximis jure proprio illis, quibus antea concedi solebat, Episcopis, præsertim qui Vicarii Sedis Apostolicæ dicebantur. Tandem ubi Metropolitani fere omnes in Occidente visi sunt a Sede Romanâ immediate pendere, præsertim quod major præceteris Episcopis Metropolitanarum dignitas ex quadam veluti Pontificia delegatione apud plurimos adparuerit, hinc factum est, ut Metropolitani omnes pallio donarentur Pontificis Maximi liberalitate. Sed interea observare juvabit, pallium illud vetus mutasse figuram. Etenim, ut aiebam, pallium illud antiquum constabat ex pro-

prolixa clamyde variis crucibus depicta, item ex superhumerali, sive loro, quod erat potissimum in pallio ornamentum; at pallium novum in solo superhumerali consistere cœpit, ut commodius ad Episcopos mitteretur a Romano Pontifice, & cruces in superhumerali adfui cœperunt, quæ olim in tota clamyde pingebantur; quasi in hac sola fascia antiquum adhuc pallium repræsentetur, quæ olim tamquam præcipua in pallio considerabatur.

His præjactis, facile erit interpretari memoratum canonem 2. dist. 100. apud Gratianum. Misit Gregorius Imperatoris accedente consensu ad Syagrium Augustodunensem Episcopum pallium, quod asseruit, exigentibus causarum meritis, & fortiter postulantibus tantummodo debere concedi; erat enim tum Regium insigne, non adeo facile, ac sine discrimine impertiendum. Hinc probare omnino non possum, quod ad hanc Gregorii epistolam adnotaverunt Maurini Monachi: nimirum, ideo Gregorium expetiisse consensum Imperatoris in pallio concedendo Antistiti Gallicano, ne Romanus Pontifex, & in eo Romani omnes viderentur spontanea pallii oblatione sibi alienam benevolentiam, favoremque mercari, ut forte Græcum imperium fastidientes, Orientalium jugum finitimarum gentium subsidio excuterent. Hæc enim nuda suspicio est Virorum eruditorum. Ego verosimilius arbitror, non aliam rationem esse Gregorio potuisse, cur Imperatoris consensionem exoptaverit, nisi quam super tradebam, quia videlicet imperiale ornamentum non erat sine imperiali consensu aliis communicandum.

Can. 47. Prope finem ejusdem epistolæ Gregorius eandem Reginam hortatur, ut, quoad  
cau. 23. potest, ecclesiasticam utilitatem auctoritate sua foveat, ac curet, quo pertinet canon 47. cau. 23. qu. 4., cujus verba omnino consonant cum editis epistolæ exemplaribus. dummodo tamen ratio habeatur adnotationum a Romanis Correctoribus adjectarum.

Can. 7. Ad eandem Brunichildem extat epistola Gregorii apud Maurinos 6. lib. 13., in  
cau. 2. vulgari editione 8. lib. 11., ubi agitur inter cetera de Menna Episcopo, cujus  
qu. 5. causam asserit Gregorius se Romæ discussisse, eundemque purgatum de more veterum per solemne jusjurandum ante corpora Martyrum remittere in Gallias; atque huc pertinet canon 7. cau. 2. qu. 5., cujus verba a principio usque ad versiculum *Purgationem* recte consonant cum integra epistola: verum quæ in eodem versiculo subsequuntur usque in finem, in Gregorii epistola desiderantur. Adnotaverunt Correctores Romani, posteriora hæc referenda potius esse ad canonem 11. cau. 2. qu. 5., ut potiore jure tribuantur Alexandro II. Pontifici. Revera Ivo Carnotensis illa Alexandro adscripsit juncta verbis ejusdem canonis 11. Et quidem non contemnenda est Ivonis auctoritas in monumento suæ ætatis, quod in epist. 74. ad Hildebertum Cenomanensem Episcopum refert ibi: *ita scripsit Alexander II. Papa Ramaldo Cumano Episcopo. Super causa Gislandi Presbyteri tui de morte Episcopi sui Prædecessoris tui infamati in medium consulimus. Itaque circumstantium omnium fratrum assensu unanimi tuæ dilectioni rescribimus, præfatum Gislandum ante te præsentandum: ubi si certi accusatores defuerint tunc dilante justitia, sine omni controversia Presbyter quæcumque ob hoc injuste amisit, ac sacerdotium, & integra accipiat beneficia: purgationem tamen antea (legunt alii ante te) duobus sibi sacerdotibus junctis, ubi accusator cessaverit, eundem ex se præbere tuo committimus arbitrio. Vulgarem denique legem ac nulla canonica sanctione sustam, ferventis scilicet, sive frigida aquæ, ignitique ferri contactum, aut cujuslibet popularis inventio-*  
nis

nis (quia fabricante hæc sunt omnino siliæ invidia) nec ipsum exhibere, nec aliquomodo se volumus postulare, imo Apostolica auctoritate prohibemus firmissime. Laborant Viri eruditi in inquirendo, quisnam fuerit Mennas ille, de quo Gregorius egit: alii enim in Gallia, & Toletanum Episcopum putant, ad quem est epistola 58. lib. 11. in Maurina, & 52. lib. 9. in vulgari editione; ajunt alii, ipsum fuisse Episcopum in Campania, de quo sermo est in epistola ad Syagrium Augustodunensem 117. lib. 7. in vulgari editione. Qui Gallicanum, & Tolosanum fuisse Episcopum censent, ex eo conjiciunt, quod is absolutus in Galliam remissus fuerit, ut in memorato canone 7. legitur; quod præterea de eo ad Galliarum Reginam Gregorius scripserit. Nihilominus tamen aliorum opinio mihi magis adridet, vel quod in memorata epistola ad Syagrium dicatur Mennas in Romana Diocesi Episcopus, & apud Romanum Antistitem accusatus, apud quem solemniter jurejurando purgari debuerit; quando Gallicanus Episcopus causam dixisset apud Primatem Arelatensem juxta receptos illius temporis mores. Quæ in contrarium adferuntur, exigui admodum momenti esse videntur: quod enim dicitur, Mennam in Gallias fuisse remissum post absolutionem, ex eo profluit, non quod Mennas gereret Episcopatum in Gallia, sed quod, licet esset Campaniz Episcopus, in Gallia aliquandiu constitit ob certas causas nobis ignotas. Neque vero mera sunt hæc indicia, aut divinationes; etenim id constat perspicue ex laudata Gregorii epistola ad Syagrium, in qua mentio fit de Menna Episcopo Campaniz commorante apud Gallos, quem accusatum Romam accedere defendendum voluit Pontifex Maximus.

## De epistola ad Constantiam Reginam.

Toto cælo aberrant a veritate, qui canones 8. & 9. cau. 12. qu. 2. Gregorio Magno tribuendos esse arbitrantur. Non sunt illi invicem disjungendi, unum enim, ut infra videbimus, eundemque habent auctorem; imo, quemadmodum animadverterunt Correctores Romani, tum in veteribus Gratiani codicibus, tum apud vetustos Collectores juncti sunt penitus, unoque contextu descripti. Hæc in recentibus Gratianis exemplaribus præfixa inscriptio est: *Gregorius ad Constantiam Reginam Gallie lib. 4. epist. 33.*, verum libris Gregorianis non consonat; siquidem epistola 33. lib. 4., qualis heic laudatur, non ad Constantiam Reginam Galliz, sed potius ad Constantinam Augustam scripta fuit. Et quamquam initio ejusdem epistolæ hæc legantur: *cum serenissimam Dominam sciam de cælesti patria, atque antæ sue vitæ cogitare, culpam me committere vehementer existimo, si ea, quæ pro timore omnipotentis Domini sunt suggerenda, siluero*; quæ sane eadem sunt cum Gratianis verbis initio ejusdem canonis 8., verum quæ in ipso canone 8., & 9. sequuntur, ne vocula quidem tenus, apud Gregorium ibidem leguntur, imo nec in alia Gregorii ipsius epistola. Neque sane hæc Gregorio Magno convenire queunt. In primis enim quænam erat Gregorii tempore Constantia Galliarum Regina? Hanc nomine Brunichildem fuisse ex superioribus agnovimus. Deinde, quod maxime demonstrat, Gregorii temporibus hæc fragmenta non convenire, est, quod ibidem Longobardorum leges memorentur de invasionibus rerum ecclesiasticarum; imo & Longobardorum leges ibidem dicantur *lex vulgaris*. Hujus nomine refertur lex 1. tit. 18. lib. 1. legum Longobardorum a Rothare Rege constituta, qui

Can. 8.  
c. 9.  
cau. 12.  
qu. 2.

circa annum 638. Rex est inauguratus. Quomodo Gregorius, qui jam a triginta & amplius annis objerat ante Rotharis leges, istas laudare potuit, istas appellare legem vulgarem, ea præsertim ætate, qua Longobardi invisi erant apud omnes, nec sine discrimine a Romano Pontifice commendandi? Aperienda itaque rei veritas est, ac restituenda vetus inscriptio Gratiani, ita, ut deleantur ea verba: *lib. 4. epist. 33. seu cap. 77.*, ea autem sola remaneant: *Gregorius ad Constantiam Reginam Galliarum.* Inscriptione capituli hoc modo restituta, & canonem 8., & canonem 9. simul jungendos, suo auctori facile tribuimus. Est hæc epistola Gregorii V. anno 998. ad Constantiam tunc Galliarum Reginam, & Roberti Regis conjugem scripta, quam posteriore ætate hoc nomine edidit Sirmondus ex apographo exscripto ex codice S. Sergii Andegavensis. In hac autem epistola eadem verba leguntur, quæ habemus in memoratis Gratiani canonibus, ex quibus etiam liquet, quæ esse occasio potuerit, ut fragmentum Gregorio Magno ab aliquibus tribueretur; nimirum quia Gregorius V. imitatus est initio verba Gregorii Magni in epistola ad Constantiam Augustam. Nonnulla adhuc animadvertenda sunt, quæ spectant codicum varietatem. Pro illis verbis Gratiani in can. 8. *Decreta pro violata emunitate . . . . Si vero incendium fecerint, ibi novies tantum componant, si prædæ vero in quadruplum restituant*; legit Sirmondus: *Decreta pro emunitate . . . si vero incendium fecerint, sibi nonam componant, prædæ vero in quadruplum restituant.* Item in canone 9. pro illis Gratiani verbis: *Et quia summum in rebus bonum est . . . . Ecclesiæ transmittimus . . . . immunitas violata, & præsumptio*, legit Sirmondus: *Et quia summum in Regibus bonum est . . . Ecclesiæ transmittimus . . . emunitas, & præsumptio.* Non heic tamen constitit Cossartius, qui hanc a Sirmondo editam epistolam in suam collectionem traducens, emendare voluit notam numeralem indictionis; ubi enim apud Sirmondum, & Gratianum legitur, *secunda indictione*, Cossartius legendum voluit *indictione undecima*, asserens hanc epistolam non alio anno scribi potuisse, quam anno 998., in quem incidit undecima indictio. Ante illum annum scribi epistola non potuit, cum eodem anno 998. Constantianupserit Regi Galliarum; post eundem annum non facile admittetur, cum anno 999. Gregorius obierit. Non est inverosimilis Cossartii emendatio, præsertim quod Amanuensibus errandi occasionem præbere potuerit nota ipsa numeralis 11., quæ aliquando pro undecimo, aliquando pro secundo accipitur. Insuper animadvertendum est, plures ex eruditis suspicari, Julianum, de quo sermo fit in eisdem canonibus, fuisse Episcopum Andegavensem, ex ea conjectura, quod hæc epistola primum, ut dixi, in codice S. Sergii Andegavensis reperta fuerit, quasi epistolæ in illis locis inveniantur facilius, in quibus epistolarum materies agitata fuit. Ego id non ausim fidenter adferere, præsertim quod inter monumenta ecclesiastica non adpareat, Andegavensem Ecclesiam tunc Julianum Antistitem habuisse; quamquam tamen non ignoro, Gallicanorum illius ætatis Episcoporum, ac præsertim Andegavensium epochas fuisse plurimum turbatas, quemadmodum universi Eruditi, fatentur, ut propterea quisnam fuerit sub Gregorio V. Andegavensis Episcopus, dignosci non valet.



## De epistola ad Desiderium Episcopum.

Ex pluribus Gregorii epistolis, præsertim epistola 54. lib. 6., & epistola 106. lib. 9. apud Maurinos constat, Desiderium fuisse Viennensem in Gallia Episcopum. Ipse spreto Episcopali officio, & cura sacrorum totum se Grammaticis institutionibus tradendis intenderat, proinde oburgatus a Gregorio in epistola 48. lib. 9. in vulgari, & 54. lib. 11. in Maurina editione, ex qua legitur canon 5. dist. 86., ubi pro illis Gratiani verbis *poposcit, minime valeremus*, legunt Maurini, *poposcerat, minime pateremur*. Nemo vero ex eo canone forte coniciat, Gregorium artem Grammatices, velut Episcopis noxiam improbasse: non artem ipsam Sanctus Pontifex, sed Episcopi propositum redarguebat. Ceterum Grammatices artis utilitatem etiam de Episcopis loquens agnovit, ubi tradidit per illam nos plurimum juvari posse in interpretatione sacrarum literarum, quemadmodum ex ejus-Commentariis in librum 1. Regum cap. 3.prehendimus.

## De epistola ad Etherium Lugdunensem Episcopum.

Ad Etherium (legunt aliqui Eleutherium) Episcopum Lugdunensem est apud Gregorium epistola 5. lib. 13. in Maurina, & 7. lib. 11. in vulgari editione, quæ fere integra legitur in canone 14. cau. 7. qu. 1., ubi pro illis verbis: *Compassione flere . . . ut quod mente . . . & ideo quia viventem Episcopum ab officio suo necessitas infirmitatis . . . ordinari: sed si intervalla . . . ad hoc ministerium intellectum habere, nec ad alia officia . . . solemniter ordinetur*, legendum potius est ex codicibus optimæ notæ: *Compassione flere . . . ut quid mente . . . & ideo quia vivente Episcopo, quem ab officio suo necessitas infirmitatis . . . ordinari, si intervalla . . . ad hoc ministerium intellectualia nempe officia . . . consecratur*.

## De epistola ad Serenum Massiliensem Episcopum.

Serenus Massiliensis Episcopus, cum quosdam agnovisset in Ecclesia, Dei, & Sanctorum imagines colere ipsos acriter reprehenderat, imo & imagines ipsas deleverat, pravorum sane arbitror hominum consilio, quibus ille adherere solebat, quemadmodum colligitur ex canone 59. cau. 2. qu. 7. Factum hoc improbavit Gregorius duabus epistolis, scilicet 110. lib. 9., & 113. lib. 11. in Maurina, seu 109. lib. 7., & 9. lib. 9. in vulgari editione. Ex posteriore epistola depromptus est canon 27. de conf. dist. 3. Cum sententia Gregorii omnino consona est Tridentini Concilii constitutio initio sessionis 25.

## De epistolis ad Syagrium Episcopum Augustodunensem.

Sunt qui Syagrium Augustodunensem in Gallia Episcopum cognatum Reginæ Brunichildis fuisse censuerunt, atque eam ob rem pallium ex singulari privilegio a Romano Pontifice facilius impetrasse, quemadmodum conjici potest ex memorata superius epistola Gregorii ad Brunichildem. Ego cum noverim singularia fuisse ejusdem Syagrii in Ecclesiam merita, quippe qui Augustinum Anglorum Episcopum in evangelico munere adjuverat, eaque ratione Gregorii Magni eximiam sibi conciliaverat benevolentiam, quemadmodum Gregorius idem proficitur in epistola ad Syagrium 108. lib. 9. in Maurina, & 112. lib. 7. in vulgari editione, in hanc potissimum causam singularia privilegia refero ipsi concessa, quibus & pallio ornaretur ipse, & Augustodunensis ejusdem Ecclesia, servato Metropolitæ honore, supra ceteras Gallicanas Ecclesias post Lugdunensem eveheretur. Huc pertinet canon 7. dist. 17. *omnino rationis ordo nos admonet, &c.* Pro verbo *acrescere* apud Maurinos legitur *excescere*. Porro si hæc consideraverimus, facile eruetur, olim in subscriptionibus synodalibus Episcoporum quendam ordinem fuisse servatum, ut excellentiores dignitate primi subscriberent, & seniores inter eos qui dignitatem parem haberent. Verum nemo hodie ignorat, subscriptiones veterum Conciliorum adeo esse turbatas, ut vix singulorum Antistitum prærogativa dignosci aliquando possit.

Alia est ad eundem Syagrium epistola 106. lib. 9. in Maurina, & 110. lib. 7. in vulgari editione, cui hæc inest inscriptio: *Gregorius Syagrio Augustodunensi, Etherio Lugdunensi, Virgilio Arelateni, & Desiderio Viennensi Episcopis Galliarum a paribus*. Notanda sane hoc in loco est formula illa *a paribus*, quæ & in aliis Gregorianarum epistolarum inscriptionibus aliquando legitur. Alii enim opinantur *a paribus* scripturam dici, quum non est authentica, sed ex authenticis desumpta, idest, quod par, & similis authenticæ habeatur. Alii ita nuncupatam volunt, quod Gregorius exemplar epistolæ miserit, aliud exemplar penes se retinens, quæ duo exemplaria appellarentur paria, sive a paribus, eodem fere modo, quo sententiz olim dicebantur ex pariculo recitari, idest per exemplar omnino consonum, quemadmodum constat ex titulo codicis *de sententiis & pariculo recitandis*. Vero-similior vero mihi videtur opinio asserentium, epistolam *a paribus* missam fuisse tunc intelligi, quando ad plures scripta profertur ita, ut ad singulos singula epistolæ exemplaria transmissa fuerint; siquidem non alibi inter Gregorianas epistolas hæc clausula reperitur, quam ubi ad plures scriptum est. Hujusmodi epistolas hodie vocant *circulares*. Dicendum itaque in memorata epistola formulam *a paribus* nihil aliud significare, quam Gregorium eandem epistolam ad plures Episcopos simi-

libus

libus exemplaribus direxisse. Quod si ad epistolæ ipsius sententias accedendum est, adparebit, in illa diversæ disciplinæ ecclesiasticæ capita contineri, tum de abominanda hæresi Simoniacorum, tum de Neophitis non ordinandis, tum de communione clericorum vita. Ubi in primis de Simoniacæ hæresi agitur, legimus verba canonis 7. dist. 47., & post pauca exhibentur etiam verba canonis 2. cau. 1. qu. 1., qui ita erit emendandus: *vehementi tadio mæroris adscimur, si in ecclesiasticis officiis quemquam habeat locum pecunia, & fiat seculare, quod sacrum est. Quicumque vero hoc pretii studeat datione mercari, dum non officium, sed nomen attendit, sacerdos non esse, sed dici tantummodo inanis concupiscit.* Paulo post sequuntur in epistola verba canonis 3. cau. 1. qu. 6. ibi: *sicut autem is, qui invitatus renuit, quæritus fugit, &c.* Romani Correctores in hoc canone emendaverunt illa Gratiani verba ad summum Sacerdotii, vel Pontificii, & legendum voluerunt: *ad summam Sacerdotii.* Monachi Maurini legerunt: *ad summam Sacerdotii.* Prosequitur post aliqua Gregorius de hæresi Simoniacorum ita scribens: *cum liqueat hanc hæresim in Ecclesia ante omnes radice pestifera, &c.* sive, ut in quibusdam MSS. veteribus legitur: *ante omnes radices pestifera, &c.* Habebis hæc integra apud Gratianum in can. 13. cau. 1. qu. 1., cuius canonis verba in parte jam retulerat Gratianus idem in can. 4. eadem causâ, & quæstione. Subdit Sanctus Pontifex, ne eleemosynæ quidem in pauperes erogandæ causâ posse intercedente pecunia clericis officia sacra concedi, quo spectat canon 27. cau. 1. qu. 1., his verbis: *Neque enim eleemosyna reputanda est, si pauperibus, &c., usque ad illa, gravatur potius, quam juvatur, nam post ista ita legitur apud Gregorium: Eleemosyna redemptoris, cum ceteris, quæ exhibentur in integro can. 7. cau. 14. qu. 5., post cuius verba subjicitur vericulus unde etiam, qualis habetur in memorato canone 27., dummodo pro illis Gratiani verbis, aperte sacra scriptura nos prohibet . . . quia offert sacrificium de substantia pauperum, quasi visitat filium . . . quantum apud Deum dolor: . . . ut si impar est, abstineat, & ad id cum metu etiam, cui se sufficere existimat, accedat, ita legamus: aperte sacra scriptura ordo nos prohibet . . . qui offert sacrificium de substantia pauperis, ac si visitet filium . . . quantus apud Deum dolor . . . ut & impar abstineat, & ad id cum metu etiam, qui se sufficere existimat, accedat.* Postrema verba hujus canonis 27. a §. *quisquis* usque in finem pertinent ad secundam epistolæ partem, ubi agitur de Neophitis non ordinandis, quemadmodum & ad eandem referendus est canon 2. dist. 48., cuius verba apud Gregorium leguntur paulo ante memoratum §. *quisquis* hoc modo: *Sicut autem tunc Neophitus dicebatur, qui initio in sanctæ Fidei erat conversatione plantatus, sic modo Neophitus habendus est, qui repente in religionis habitu plantatus ad ambiendos honores sacros irrepsit. Ordinate ergo ad ordines ascendendum est, nam casum appetit, qui ad summa loci fastigia postpositis gradibus per abrupta quærit adscensum. Et cum idem Apostolus doceat inter alia sacri ordinis instituta discipulum, manum non esse cuiquam citius imponendam, quid hoc celerius, quid præcipitanti, quam ut exoritur a summitate principium, & ante esse incipiat Episcopus, quam minister? Quisquis ergo Sacerdotium non ad elationis pompam, sed ad utilitatem adipisci desiderat, prius vires suas cum hoc, quod est subiturus, onere metiatur; ut & impar abstineat, & ad id cum metu etiam, qui se sufficere existimat, accedat: Ab re autem non facimus, si ad argumentum rationabilium usum rerum irrationabilium colligamus. Aptæ namque ædificationibus ligna succiduntur, nec tamen illius viridibus ædificii pondus imponitur, nisi eorum viriditatem multorum dierum mora scæterit,*

Can. 7.  
dist. 47.Can. 2.  
cau. 1.  
qu. 1.Can. 3.  
cau. 1.  
qu. 6.Can. 4.  
O 13.  
cau. 1.  
qu. 1.Can. 27.  
cau. 1.  
qu. 1.Can. 7.  
cau. 14.  
qu. 5.Can. 2.  
dist. 48.

caverit, & apta ad necessarium usum effecerit: quæ observantia si forte negligitur, citius superimposita mole franguntur, & gignit ruinam ad auxilium res provisæ. Similia promodum habentur in epistola ad Virgilium Arelatensem, de qua inferius sermo recurrit, & cujus occasione nonnulla adhuc de hoc canone traduntur. Ad hanc eandem

Can. 3. dem epistolæ partem etiam pertinet canon 3. dist. 59., ubi tamen pro illis Gratiani  
dist. 59. verbis: *Præstituti sunt, qui antequam disciplinatus, &c.*, legendum est: *Præstituri sunt, qui antequam discipulatus, &c.*

Can. 5. Refertur apud Gratianum tamquam ex hac ipsa epistola depromptus canon 5.  
cau. 1. qu. 1. Sane si canonis sententiam consideremus, illa non est ab eadem Grego-  
qui. 1. rii epistola aliena, cum in ea & Simoniacorum, & Neophitorum ordinationes improbatæ fuerint; at si verbis Gratiani sit inhærendum, frustra hæc ad Gregorii epistolam referemus. Vix aliqua addenda essent hodie ad hunc canonem, postquam Romani Correctores summam in eo exigendo ad Gregoriana monumenta diligentiam impenderunt, quemadmodum ex subiectis ipsorum animadversionibus statim liquet. Tantum dixero epistolam illam, quæ sub nomine Paschalis II. ibidem memoratur, & cum qua plurimum consonare Gratianeum canonem Romani Correctores adnotaverunt, non facile Paschali II., & recte tribui posse, quidquid ex Ivonis, similiumque Scriptorum codicibus erui videatur. Etenim ejusdem epistolæ mentionem fecit ante Pontificatum Paschalis II. Goffridus Abbas Vindocinensis in epistola ad Urbanum II. lib. 1. epist. 1. Hinc ibidem monuit Sirmondus: *Nuper canones relegens quandam sententiam inveni, quæ Paschali Papæ inscribitur, ubi Neophitum factum Episcopum hæreticum vocat, & sicut Simoniacum, ita & Neophitum a Sancta Ecclesia debere separari docet, & præcipit.* An potius Paschali I. hæc sint tribuenda, non absim adserere. Apud Ivonem Carnotensem parte 2. cap. 84. legitur epistola sub nomine Paschalis Papæ, eademque est, cujus fragmentum adparet in can. 7. cau. 1. qu. 3., atque ibidem hæc sub initium traduntur: *Audivimus enim (quod valde miramur), quod sacri apud vos ordines pecuniis distrabantur. Dum quicumque tale aliquid adtentaverint, omnino hæretici probentur, Spiritu Sancto per Gregorium intimante, quia quisquis per pecunias ordinatur, ad hoc ut fiat hæreticus, promovetur. Et ut hujus nostræ paginulæ non præsumtionis, sed timoris causam fuisse monstremus, Beatus idem prosequitur. Quisquis contra simoniacam, & Neophytorum hæresim pro officii sui loco vehementer non arserit, cum eo se non dubitet habiturum portionem, qui prius commisit hoc periculosum flagitium.* Hinc visus est canonem suum exhaustisse Gratianus, ubi tamen quicumque epistolæ auctor extitit, Gregorii non verba, sed sententias describendas oratione compendiaria voluit.

Can. 5. Dicendum adhuc superest de canone 5. dist. 83. Legitur is in epistola ad Syag-  
dist. 83. rium 117. lib. 7. in vulgari, & 113. lib. 9. in Maurina editione; ubi agitur de causâ Menatis, & Theodori Episcoporum improbam vitam agentium. Cum enim Menas Romanæ Dioceseos Episcopus in Gallicanis Provinciis versaretur, monuit Syagrius Gregorius, ut curaret Romam reduci Menatem, inquires: *Consentire videtur erranti, qui corrigenda, ut refecari debeant, non corrigit.* Maurini legunt: *non concurrat.* Quæ sane verba eadem sunt cum Gratianeis, licet in aliquibus editis Gregorii epistolis desiderentur.

## De epistolis ad Reges Theodoricum, &amp; Theodebertum.

Ex iis, quæ superius animadvertimus ad epistolas ad Syagrium missas, liquet C. r. 20.  
 Gregorii Magni temporibus apud Gallicanos Antistites simoniacæ crimen frequens  
 fuisse in ordinationibus sacris admissum. Quamobrem prudentissimus Pontifex, ut  
 malo gravissimo occurreret, operæ pretium duxit, de simoniaca hæresi profligan-  
 da ad Francorum Reges aliqua scribere, quorum auctoritate eandem facile consi-  
 ciendam fore sperabat. Erat tunc divisa Gallia inter duos Fratres Theodoricum,  
 & Theodebertum, quorum prior Burgundiæ, posterior Aquitanicæ Rex dicebatur.  
 Ad Theodoricum scripta est epistola 53. lib. 9. in vulgari, & 59. lib. 11. in Mau-  
 rina editione, ibidemque legitur eisdem verbis canon 20. cau. 1. qu. 1., ad utrum-  
 que vero scripta legitur per similia exemplaria epistola 110. lib. 9. in Maurina,  
 & 114. lib. 7. in vulgari editione, ex qua depromtus est canon 28. cau. 1. qu. 1.,  
 cujus priora verba ita legenda erunt: *Fertur autem hanc Simoniacam hæresim, qua-*  
*primæ, &c.* Item pro illis Gratiani verbis: *Episcoporum culpa . . . juvare . . . Sic*  
*enim dignus is sacerdotio creditur, qui non actionis merito, sed præmiorum causa suffra-*  
*gatur, restat, ut nihil sibi in ecclesiasticis honoribus gravitas . . . inducantur . . .*  
*placere debuerant, ita potius legendum erit: Vestrorum Episcoporum culpa . . . ju-*  
*vare . . . Si enim is dignus sacerdotio creditur, cui non actionis merita, sed præmio-*  
*rum copia suffragatur, restat, ut nihil sibi in honores ecclesiasticos gravitas . . . indi-*  
*cantur . . . placere debuerant.*

## De epistolis ad Virgilium Episcopum Arelatensem.

De eadem simoniaca hæresi scripsit Gregorius ad Virgilium Arelatensem Epi-  
 scopum, quem sacro pallio ob ejusdem insignia merita decoraverat; his etiam  
 nonnulla adjecit de Neophitis non ordinandis in epistola 53. lib. 5. in Maurina,  
 & 51. lib. 4. in vulgari editione. Ex ea repetendus est canon 2. dist. 48., licet Can. 2.  
 apud Gratianum referatur, tamquam depromtus ex epistola Gregorii ad Syagrium  
 Augustodunensem; etenim, quemadmodum superius attigi, potius sententia, quam  
 verba ejusdem canonis 2. in illa epistola ad Syagrium continetur. Porro in illo  
 canone ita legendum erit: *Sicut Neophitus tunc vocabatur, qui adhuc noviter erat eru-*  
*ditione plantatus in fide, ita nunc inter Neophitos deputamus, qui adhuc novus est in sacra*  
*conversazione. Scimus autem, quod ædificati parietes non prius tignorum pondus acci-*  
*piunt, nisi a nativitatæ suæ humore siccantur, ne si ante pondera, quam solidantur,*  
*accipiunt, cunctam simul fabricam ad terram deponant.* In eadem epistola ad Virgi-  
 lium legitur canon 6. dist. 100., ubi pallii concessio Virgilio facta dicitur ob sin-  
 gularia ipsius merita, simulque ob specialem delegationem Apostolicæ Sedis, quo  
 munere Virgilium Gregorius distinxerat, quemadmodum liquet ex his Summi Pon-  
 tificis verbis: *Itaque Fraternitati vestræ vices nostras in Ecclesiis, quæ sub Regno sunt,*  
*Præcellentissimi Filii nostri, Childeberti juxta antiquum morem, Deo auctore, committi-*  
*mus. Singulis siquidem Metropolitæ secundum priscam consuetudinem proprio honore ser-*  
*vato pallium quoque transmisimus, quo Fraternitas tua intra Ecclesiam ad sola Missarum*  
*solemnia utatur.*

Hinc

*Can. 59. cau. 2. qu. 7.* Hinc autem facile percipitur, quare Virgilio Arelatenſi mandatum fuerit, ut vice Apoſtolica, occasione oblata, in Episcoporum Gallicanorum mores inquireret, quemadmodum liquet ex canone 59. cau. 2. qu. 7., qui depromptus eſt ex epistola 55. lib. 11. in Maurina, & 49. lib. 9. in vulgari editione. Nonnihil eſt in Gratiano canone adnotandum: nimirum pro illis verbis: *in ſocietate ſua . . . non iniquitatem immunditiis maculare*, legendum potius eſt: *in ſocietatem ſuam . . . non iniquitatem immunditiis cumulare*.

*Can. 9. cau. 25. qu. 2.* In Arelatenſi Urbe conſtructum Regia Childeberti munificentia fuerat monaſterium, cui eodem Rege poſtulante privilegia quædam acceſſerant Pontificis Maximi auctoritate, quæ tum rerum monaſticarum curam, tum Abbatis electionem ſpectabant. Hæc privilegia Gregorius amantiſſimus Monachorum Pater confirmavit, eandemque ob rem ad Virgilium Arelatenſem ſcripſit, epistola 115. lib. 7. in vulgari, & 111. lib. 9. in Maurina editione; cujus priora verba inſtar præſationis obtrinentia leguntur in can. 9. cau. 25. qu. 2., ubi pro illis verbis, *quod ratio exigebat utilitatis, oportuit deſignari, &c.*, ita legendum erit: *quod ratio exigebat, utiliter oportuit deſignari ita, quod deſignatum eſt, non debet violari*. Verba illa in parentheſi poſita: *niſi forte ubi major auctoritas eſt*, ut jam a Romanis Correſtoribus adnotatum eſt, in pluribus editis Codicibus, & MSS. deſiderantur, ac propterea in Maurinorum editione omiſſa fuerunt. Facile eſt, eadem ab aliquo Gloſſographo vel ad codicem Gratiani, vel ad epistolam Gregorii adjeſta fuiſſe in margine, & e margine demum in textum irrepiſſe, quod ſine novum eſſe non debet, præſertim quod Romani Correſtores teſtati fuerint, ſe viſiſſe unum Gratiani exemplar, in quo ea clauſula *adpoſita eſt tamquam gloſſa*, & fortaliſſi traducta ex canone 6. cau. 6. qu. 4.

## De epistolis ad omnes Galliarum Episcopos.

*Can. 7. diſt. 89.* Tradebam nuper, Virgilium Arelatenſem Episcopum tamquam Vicarium Apoſtolice ſedis conſtitutum fuiſſe in Provinciis Gallicanis ſub Childeberti regimine conſtitutis. Itaque Gregorius generatim ad Episcopos Galliz, quos Virgilio ſubjecerat, epistolam ſcripſit 52. lib. 4. in vulgari, & 54. lib. 5. in Maurina editione; in qua illos hortatur, ut Virgilio tamquam Præſidi ſuo obtemperent. Hujus epistolæ exordium reſertur in can. 7. diſt. 89., ubi pro illis verbis: *vera concordia . . . quia vero quæque creatura in una, eademque qualitate, &c.* Maurini Monachi legendum fuiſſent: *una concordia . . . quia vero creatura in una, eademque æqualitate, &c.*

*Can. 2. cau. 1. qu. 3.* Sententia canonis 2. cau. 1. qu. 3., non eſt aliena a temporibus Gregorii Magni, imo conſonat cum monumentis ipſius numero plurimis. Etenim conſtat, Gregorii ætate Simoniacam hæreſim graſſatam fuiſſe in eccleſiarum perniciem, uti facile deducitur ex ſuperius memoratis epistolis ad Syagrium, ad Theodoricum, & Theodebertum, alioſque, quos Sanctus Pontifex monitos pro officio voluit, ne tanta labe ex provinciæ diutius inquinarentur. Verum quoties verba ipſa canonis 2. conſideremus, facile arbitrabitur, ea eſſe a Gregorio aliena. Revera nullibi inter epistolæ Gregorii eadem reperiuntur, imo quæ ibidem leguntur *beneficiorum eccleſiaſticorum & præbendarum* vocabula recentiorum deſignant auctorem. Ego puto, hoc fragmentum fuiſſe conſarcinatum a quodam collectore non valde antiquo,

qui

qui voluerit integram epistolam Gregorii ad Syagrium, Etherium, Virgilium, & Deliderium scriptam (ex qua sumti sunt canon 7. dist. 47., canon 2. 4. 13. 27. cau. 1. qu. 1., canon 3. cau. 1. qu. 6., & alii jam superius memorati) paucis perstringere, imo & usurpatis vocibus ad recentiora tempora formatis Gregorianam ipsam sententiam exhibere, quæ tota sita in eo est, ut simoniz vitium in ecclesiasticis officiis nusquam admittatur.

Canon 16. cau. 35. qu. 2. adscribitur apud Gratianum Gregorio Papæ in epistola ad Episcopos Galliz missa. Verum quantum ejus sententia aliena sit ab ætate Gregorii Magni, jam diserte observabam ad canonem 2. cau. 35. qu. 8., ubi li-  
Can. 16. cau. 35. qu. 2.  
 quido demonitavi, prohibitionem nuptiarum inter cognatos usque ad septimam generationem longe post eam ratam esse repetendam. Romanorum Correctorum industriam nemo non laudabit, dum solliciti quærent canonis hujus auctorem, ac fere videntur illum adtribuere Gregorio II. Ego vero agnosco Burchardi consuetas artes. Legitur hic canon in lib. 6. Capitularium Francorum cap. 80. his verbis: *Progeniem suam unumquemque usque ad septimam observare decernimus generationem, & quando se agnoscunt adfinitate propinquos, ad hujus copulæ non accedant societatem.* Hoc idem fragmentum descripturus Burchardus in lib. 7. cap. 11., cum a Capitularibus Francis memorandis abstinendum sibi proposuisset, fragmentum inscripsit Gregorio Magno, parum sollicitus, num disciplina, quæ ibidem tradebatur, Gregorio conveniret. Forte vero ad Episcopos Galliz directam voluit sententiam Gregorio tributam, ut quoquo modo ad Gallos referret fragmentum illud, quod ex Gallicanis monumentis ipse decerperat. Burchardi fidem secutus est Ivo, Ivonem Gratianus.

## SECTIO XVI.

### *De epistolis ad Hispanos.*

#### Et primum de epistola ad omnes Hispaniæ Episcopos.

Quoniam temporibus Gregorii ex Clericis quamplurimi in sacris officiis sive suscipiendis, sive administrandis simoniz vitio inquinati fuerunt, uti ex multis superius memoratis epistolis liquet, ita posteriore ætate, ubi canonum Collectores nonnulla congefferunt adversus simoniacam pravitatem, congestas sententias facile Gregorio tribuerunt. Id contigisse superius aiebam in canone 2. cau. 1. qu. 3., atque idipsum adfirmandum est de canone 1. ejusdem causæ, & quæstionis. Nul-  
Can. 1. cau. 1. qu. 3.  
 libi sane inter epistolas Gregorii reperitur epistola ad universos Hispaniæ Episcopos missa, qua eosdem monuerit, ut a simoniz vitio recederent, imo nec stylus ipse Gratiani fragmenti Gregorio eidem consonat. *Beneficii ecclesiastici nomen*, quod ibidem occurrit, eo tempore inauditum adhuc fuerat. Quid igitur aliud concludendum erit, quam Gratianum generales Gregorii sententias, quibus simoniaci improbabantur, exhibuisse recentioribus Clericorum moribus accommodatas, easdemque sub nomine Gregorii ad Hispanos Episcopos scribentis edidisse? Unum adhuc suspicor: nimirum Gratianus forte incidit in Codicem MS. Gregorianum, in quo referebatur, quemadmodum & in hodiernis editis refertur, epistola Gregorii

gorii ad Episcopos per Helladem Provinciam constitutos, de qua sermo fuit superius instituendus. Potuit ibidem esse hæc inscriptio: *Gregorius universis Episcopis Helladis*. Quid facilius contingere poterat Gratiano, quam pro voce *Helladis* in codice aut breviato, aut non satis accurate formato legere *Hispanis*? Porro in epistola Gregorii ad Episcopos Helladis plurima his similia traduntur, quemadmodum constat ex collatione canonis 117. cau. 1. qu. 1.

## De epistolis ad Johannem Defensorem.

In veteribus Gregorii editionibus duæ exhibentur epistolæ ad Johannem Defensorem euntem in Hispaniam, nimirum epistola 50., & 54. lib. 11. Apud Maurinos vero habentur quasi unica epistola numero 45. lib. 13., distributa tamen in duo Capitularia. Primum Capitulare, ut Maurinos Monachos sequar, ita inscribitur: *Gregorius Johanni Defensori in nomine Domini eunti in Hispaniam*. Aliæ autem vetera manuscripta ita exhibent: *Capitulare, quod observandum est a Johanne Defensore eunte in Hispaniam*. Porro in hoc priore Capitulare agitur de Januario quodam Episcopo Malacitano, & quodam ejusdem Ecclesiæ Presbytero, item de caussa Stephani cujusdam Episcopi de variis criminibus accusati. Erat mos tunc temporis Romanorum Pontificum, ut quotiescumque ecclesiastici Viri Romanæ ab Urbe decederent causam quandam ecclesiasticam vice Pontificis Maximi in Provinciis cognitari, ut isti a Pontifice Maximo quoddam Capitulare reciperent, veluti normam in judicio adamussim custodiendum. Hujusmodi, arbitror, fuit hoc, de quo agimus, Capitulare, ex quo depromtus est canon 7. cau. 2. qu. 1. usque ad §. *de persona*; ubi tamen pro illis verbis Gratiani: *In Ecclesia, atque in loco suo* . . . . ut ex hoc colligere valeas, utrum adhuc in exilio demorari, an certe in Ecclesia sua, & officio suo debeat revocari. De Episcopi supradicti persona . . . . quia levioris culpæ videtur . . . . officium in illa Ecclesia . . . restituere compellatur . . . odio sui quædam filia . . . habitum, ilest si alii accusatores, atque alii testes fuerint . . . si eo præsentem, qui accusatus est, sub jurejurando . . . si scriptis alium est, vel si ipse licentiam . . . testati sunt, si scriptis . . . imminere periculum viatici benedictio . . . quod forte aliqua . . . formare debebas, ita legendum potius erit: in Ecclesiam, atque in locum suum . . . ut ex hoc recte colligere valeas, utrum adhuc in exilio demorari, aut certe in Ecclesiam suam, & officium suum debeat revocari. De supradicti vero Episcopi persona . . . quia levior culpa videtur . . . officium ab illa Ecclesia . . . restituere condemnetur . . . in odio suo quædam filia . . . habitum, aut si alii accusatores, alii testes fuerint . . . aut si eo præsentem, sub jurejurando . . . seu scriptis alium est, vel ipse licentiam . . . testati sunt, vel si scriptis . . . imminere discrimen viatici ei benedictio . . . quod si forte aliqua . . . formare debeas. In §. Si autem Episcopum antedictum talem culpam commississe confiteris, quod absit, &c. sese refert Gratianus ad canonem 3. cau. 16. qu. 6., qui sane huic eidem canonis 7. erit jungendus. Post verba postrema memorati canonis 3. finem habet primum Capitulare, in quo formula traditur judiciaria in causis criminalibus Sacerdotum custodienda.

Can. 7.  
cau. 2.  
qu. 1.  
Can. 3.  
cau. 16.  
qu. 6.

Can. 38.  
cau. 11.  
qu. 1.

Capitulare posterius refertur apud eundem Gratianum in memorato canone 7. cau. 2. qu. 1. in §. *de persona Presbyteri*, quem Gratianus idem supplendum vult

ex



ex canone 38. cau. 11. qu. 1. In hoc igitur canone 38. exordium habet Capitulare secundum, ubi tamen pro illis verbis: *sicut Novella Constitutio*, legendum erit: *sicut hæc Novellarum Constitutio*. Illa etiam verba, quæ sequuntur, *Imperator Justinianus Augustus* in Maurinorum editione desiderantur. Porro Novella ibidem memorata est 123. cap. 21., ex qua, & ex editione Maurinorum emendandus erit Gratiani codex paullisper depravatus: nam ubi Gratianus legit: *Doceat prius . . . subiacet . . . judicata sunt, non adqueverit . . . Sciendum est, quia superius libro Cod. 1. legitur*; ita potius legendum erit: *Adeat prius . . . subiacet . . . judicata sunt; adqueverit . . . Sciendum est, quia in eadem Constitutione LI. C. legitur*. Postrema hæc verba in aliquibus MSS. Codicibus ita potius exhibentur: *Sciendum est, quia in eadem Constitutione quinquagesimo primo Capitulo legitur*. Ceterum quæ ex hac ipsa Justiniani Constitutione referri videntur, habentur in cap. 19. memoratæ Novellæ juxta recentiorum capitulum partitionem, quod sane caput apud veteres forte esse potuit quinquagesimum primum, nisi dicere malimus erratum fuisse in numeralibus notis. Post verba memorati canonis 38. sequitur in ipso Capitulari versiculus de persona Januarii, qualis habetur in memorato canone 7. cau. 2. qu. 1., ubi tamen pro illis verbis: *Dum si quamlibet injuriam . . . & ministris ut ipsi cultui*, legendum erit: *Dum quando si quamlibet aliam injuriam . . . & ministris, vel ipsi cultui*. Ad hanc rem videri posset lex 10. Cod. de Episcopis, & Clericis. Item in versiculo *Contra hæc vox illa Judices* apud Maurinos in editione Gregorianarum epistolarum desideratur. In versiculo *quod autem* ita legendum est: *Illud autem, quod dicitur a servis suis accusatus, quia audiri minime debuerit, hæc constitutio præfecit, sic dicens Codicis lib. 9. tit. 1. constit. 20. Hæc sane est lex siquis 9. Codice de his, qui accusare*. In versiculo *si vero* ita legendum erit: *Si vero dictum fuerit, quia de hoc accusatus est, quod ad majestatis crimen attendit, nec ipsum de eo, &c.* Demum in versiculo *Quod autem* ultimo erit ita legendum: *Nam ibi inter alia præcipitur, ut sententia, quæ sine scripto data fuerit, nec nomen sententiæ habere mereatur*.

Plane ex his omnibus perspicue liquet, in hoc capitulari 2. normam quandam juxta civiles leges traditam fuisse Johanni Defensori, dum iturus erat in Hispaniam de pluribus ecclesiasticorum virorum causis judicaturus. Ego vero non indiscriminatim secundo huic capitulari indubiam fidem habeo, aut tamquam genuinum Gregorii monumentum adserere audeo. Hoc secundum capitulare in veteribus MSS., quemadmodum observant Maurini Monachi, ita inscribitur: *Capitulare secundum legum imperialium pro immunitate clericorum Johanni Defensori eunti in Hispaniam*. Aliqui MSS. codices ita habent: *Johanni Defensori eunti in Spaniam exemplum legis*. In aliis codicibus vetustis integrum idem capitulare desideratur. Itaque dubiam rem facit ipsa codicum etiam vetustorum varietas, in quorum nonnullis prorsus omittitur capitulare, in aliis legitur quidem, sed non adjecto Gregorii nomine. His addo singularem observationem. Scilicet unusquisque civilis historiz gnarus facile noverit, in Hispania nonnisi post longam ætatem receptum fuisse codicem Justinianum, potius ibidem viguisse diutius codicem Theodosianum, causa diutissimorum bellorum, quæ Hispaniam ab Orientalium Imperio divisere. Quis autem verosimile arbitrabitur, Gregorium dedisse Johanni eunti in Hispaniam hujusmodi capitulare, ut legibus Justinianeis esset conforme, quod propterea apud Hispanos facile fuisset improbandum? Itaque crediderim potius, illud

Capitulare secundum fuisse opus studiosi cujuscumque, qui exercitationis causa voluerit, juxta leges Justinianee normam judicariam texere, quæ spectaret causis ecclesiasticis, quam completam Johanni Defensori eunti in Hispaniam accommodavit; quamobrem facile contingere potuerit, ut in aliquo Gregorii MSS. codices irreperet, non tamen in omnes, cujus rei argumentum illud est, quod, ut superius diximus, in optimis antiquis Gregorii codicibus desideretur.

## De epistola ad Leandrum Episcopum Hispalensem.

*Can. 80. de cons. dist. 4.* Vetus quæstio fuit de trina unctione, quæ in Baptismo in nonnullis Ecclesiis usu recepta erat. Et quidem usque ad Arianorum tempora sine ulla dubitatione, triplex illa immersio ab omnibus probabatur, qua nimirum clarius Sanctissimæ Trinitatis Sacramentum exprimebatur. Exorta vero hæresi Arianorum, aut Macedonianorum, cum plerique ex trina illa unctione non tam Personarum, quam Divinæ ipsius Naturæ distinctionem perperam augerentur, servandæ germanæ fidei causa apud aliquos unica unctio tantummodo probata est, qua significaretur una Patris, Filii, & Spiritus Sancti natura. Non multo postea fuerunt, qui disciplina ecclesiastica unicæ unctionis abuterentur, Eutychiani nimirum, in illa unicam Christi naturam falso credentes, quemadmodum jam tradidi ad canones 30., & 82. de cons. dist. 4. Quamobrem duplex illa disciplina, quæ in sacrorum Mysteriorum significationem æque recte custodiri a Catholicis poterat, in pravas rerum divinarum imagines detorquebatur ab Hæreticis, unde factum est, ut pro locorum, & personarum adjunctis modo hæc, modo illa baptizandi formula probaretur. Hinc mirum non est, si Gregorius utramque non improbaverit in epistola ad Leandrum Episcopum Hispalensem, quæ est 41. in vulgari, & 43. in Maurinorum editione lib. 1., ex qua depromptus est canon 80. de consecr. dist. 4., ubi pro illis verbis Gratiani: *ut dum retro infans . . . neque istud aliquid obstitit baptizandos semel . . . in tribus personis, &c.*, ita legendum erit ex optimis exemplaribus: *ut dum tertio infans . . . neque ad hoc aliquid obstitit baptizandum semel . . . in tribus subsistentiis, &c.*

## De epistola ad Recaredum Regem.

*Can. 11. can. 14. tit. 5. Can. 48. can. 7. tit. 1.* Livigildi Regis hæretici filius, & pientissimi ac religiosissimi martyris Emenegildi frater fuit Recaredus Rex Visigothorum in Hispania, quem ad Catholicam Fidem conversum, ornatumque optimis moribus amare se professus est Gregorius in nuper laudata epistola ad Leandrum Hispalensem. De eo ita scribitur in libro 3. dialogorum Gregorii cap. 31. *Recaredus Rex non patrem perfidum, sed fratrem Martyrem sequens, ab Ariane hæreses pravitate conversus totam quoque Visigothorum gentem ita ad veram perduxit fidem, ut nullum in suo Regno militare permetteret, qui Regni Dei hostis existeret, per hæreticam pravitatem non timeret.* Optimus hic Princeps, postquam amplexus esset Catholicam Fidem, dona vere Regia Romanam misit in obsequium Apostoli Petri, e cujus sede Gregorius in grati animi monumentum quasdam sanctorum Reliquias, ac dominicæ Crucis venerabile fragmentum

mentum ad ipsum transmisit. Hæc sane perspicuum faciunt argumentum epistolæ Gregorii ad Recaredum, in vulgari editione 126. lib. 7., & 122. lib. 9. in Maurina. Hinc depromptus est canon 11. cau. 14. qu. 5. ubi sanctus Pontifex Regi gratulatur, quod sibi facile persuasisset, ea dona Petro Apostolo acceptum iri, subdens: *Scriptum est enim: vota iustorum placabilia, &c.* ita legenda sunt priora memorati canonis verba; siquidem illa: *victimæ impiorum abominabiles Deo*, licet habeantur in libro Proverbiorum cap. 15., ex quo cetera accepta videntur, ad rem tamen Gregorii minime faciebant, sed a Gratiano eandem materiam persequente data occasione adjecta fuerunt; quemadmodum etiam adjecta fuerunt verba illa: *dona quippe iniquorum, &c.*, usque in finem canonis, quæ sane apud Gregorium desiderantur, quamquam legantur & in cap. 5. Proverbiorum, & in cap. 34. Ecclesiastici. Cum eodem canone jungendus erit canon 48. cau. 7. qu. 1., qui apud Gregorium in eadem epistola legitur post pauca: nimirum ibi fit mentio Abbatum a Recaredo missorum, quorum, ita dixerim, manu oblatio fieret donorum, qui tamen maritima navigatione fatigati adeo fuerant, fluctibusque jactati, ut in Hispaniam re infecta redire coacti fuissent. Asserit autem Gregorius, probationem in illis virtutis extitisse, non iudicium reprobationis. Vix adnotanda est levissima codicum varietas in exhibendis verbis canonis Gratiani 48., scilicet pro illis verbis *in maris fluctibus*, legunt Maurini: *in marinis fluctibus*.

## S E C T I O X V I I.

*De epistolis in Angliam missis,*

S I V E

De epistola ad Augustinum Anglorum Episcopum.

Temporibus Gregorii Magni ad Catholicam Fidem conversa fuerat Anglia, opera præsertim Augustini, qui proinde generali quodam officio, & nomine *Anglorum Episcopus* vulgo appellatur. Ad illum scripta extat epistola Gregoriana singulari ordine digesta, & præter ejusdem Pontificis morem. Exhibetur in Gregoriano Regesto omnium postrema, continens undecim interrogationes Augustini, totidemque Sancti Papæ rescripta. Non desunt ex Viris eruditis numero plurimi, qui de fide hujus epistolæ dubitaverunt. Maurini Monachi, qui ceteris accuratius Gregorii opera ediderunt, testantur illam in pluribus vetustis MSS. desiderari. Habetur quidem integra apud Bedam in lib. 1. Historiæ Anglorum cap. 27., sed id quidem demonstrat, apud Anglos extitisse epistolam temporibus Bedæ, non vero a Gregorio fuisse conscriptam. Ad hanc rem plurimum facit epistola Bonifacii I. Moguntinorum Archiepiscopi natione Angli, & Bedæ contemporanei ad Nothelmum Archiepiscopum Britannix, in qua hæc leguntur: *Similiter diligenter obsecro, ut illius epistolæ, quæ continentur, ut dicunt, interrogationes Augustini Pontificis, ac Prædicatoris primi Anglorum, & responsiones Sancti Gregorii Papæ, exemplar mihi dirigere curetis, in qua inter cetera capitula continetur, quod in tertia genera-*

*neratione propinquitatis fidelibus liceat matrimonia copulare, & ut scrupulosa cautela, diligenter investigare studeatis, si illa conscriptio supradicta Patris nostri Sancti Gregorii esse comprobetur, an non, quia in scrinio Romanæ Ecclesiæ, ut asserunt Scriniarii, cum ceteris exemplaribus supradicti Pontificis quesita non inveniebatur. Quid ad hæc responderit Nothelmus, minime constat. Interea liquet, epistolam hanc ipsam, non satis notam fuisse Bonifacio Episcopo Moguntino, qui tamen genere Anglus erat, & quem potissime Anglorum res latere non facile poterant; liquet præterea eundem Bonifacium de veritate ipsius epistolæ dubitasse, eamque ob rem Nothelmum consuluisse, ut scrupulosa cautela diligenter investigare studeret, quæ sane scribendi formula indicat, non sibi facile Bonifacium persuadere potuisse, ut laudatam epistolam Gregorio sine discrimine tribueret; liquet demum epistolam ipsam jam tum a Scriniariis Romanæ Ecclesiæ fuisse non sine solertia quesitam, atque inter ceteras Gregorianas epistolas non repertam. Suspicio sane gravis exinde suboritur, quæ de epistolæ auctoritate dubitemus. Immo & Bedæ ipsius testimonium, qui ceteroquin memorato in loco eandem epistolam integram refert, non amovet, sed augeat potius dubitationem. Quippe Beda Historicum agens in Anglia non debuisset epistolam stylo valde effusam integram describere, si verè Gregoriana fuisset; cum enim non satis esset antiqua, & a sæculo circiter scripta, in Angliâ tritissima fuisset, ac pervagata. Quod si epistolam ipsam sedulo consideraveris, agnosces statim vel ipsam scribendi methodum a ceteris Gregorii epistolis dissonare; agnosces insuper ejusmodi interrogationes ab Augustino factas, quæ adjunctis temporum non convenirent. Revera Augustinus ex veterum scriptorum testimonio Monachus primum, deinde Clericus in Angliam missus est causa evangelicæ prædicationis. Functus Apostolico munere uberrimo cum fructu Anglorum Episcopus consecratus est. Quis non videat eas proponi debuisse ab Augustino interrogationes, quales recens jam Fidei causa postulat, ac præsertim de Fidei ejusdem dogmatibus, de administratione Sacramentorum, de modis adducendorum Principum Anglorum ad tuendam, promovendamque Religionem, atque his similibus gravioribus novæ illius Ecclesiæ negotiis? At vero alio pertinent, quæ in illa epistola interrogationes factæ proponuntur. Prima scilicet est de divisione oblationum ecclesiasticarum, & bonorum omnium inter Episcopum, & Clericos faciendâ, quasi in hoc potissima sita fuerit Augustini Episcopi cura, ac sollicitudo, quæ suis primum juribus firmandis adversus Clericos consularet, quod turpe sane fuisset Viro Apostolico. Immo hæc quaestio inopportuna videri poterat, utpote quæ jam pridem definita fuerat ex pluribus Pontificum Maximorum decretis, præsertim Papæ Gelasii, quæ Augustinus ignorare non poterat, cum mos esset veterum Episcoporum, ut sacros canones, & decreta Pontificum studio assiduo prosequerentur. Secunda interrogatio spectat continentiz leges a Clericis custodiendas. Sequentes vero interrogationes editæ sunt de furibus rerum ecclesiasticarum, de Episcopis ad Synodum convenire non volentibus, de mulieribus mentis patientibus, aliisque similibus causis, quas nemo non videt ab adjunctis & locorum, & temporum alienas; vel enim ista ad rem parum faciebant, vel adeo trita erant, ut non possent ab Augustino in Episcopatus ordine constituto, atque ob eximiam rerum sacrarum peritiam ad prædicandum Evangelium misso ignorari. Præter hæc plura exhibentur a Gregorio scripta, quæ vel non consonant illorum temporum moribus, vel perperam Anglorum gentibus recens conversis accommodarentur.*

darentur. Hinc in responsione ad primam interrogationem dicitur, quartam reditum ecclesiasticorum portionem in *Ecclesiis reparandis* impendendam esse. Decuisset prorsus scribere impendendam in *Ecclesiis edificandis*. Ubi enim agitur de gente recens ad Fidem conversa, non opus est reparatione, sed edificatione Templorum. Item in responsione ad decimam interrogationem tradit Gregorius, Romanorum antiquum usum fuisse, ut viri post *admissionem propriae conjugis* & lavacro se purgarent, & paululum ab ingressu Ecclesiae reverenter abtinerent, quae sane disciplina in nullo veteri Romanorum monumento demonstrari potest, & eruditibus omnibus inaudita. Quis itaque post tot animadversiones poterit Gregorio Magno memoratam epistolam sine ullo errandi periculo adserere? Ego sane jure me concludere arbitror, quoties eidem epistolae non indubiam auctoritatem inesse dicam, ita ut nequeat ex illa solidum ad res ecclesiasticas demonstrandas, firmandasve argumentum deduci. His autem generaliter prae notatis recensenda sunt Gratiani capita ex illa depromta, ac cum eadem epistola, cujuscumque tandem sit auctoritatis, conferenda.

Itaque in interrogatione 1. perhibetur Augustinus sciscitatus, in quot portiones dividenda forent ecclesiastica bona? Quae respondisse Gregorius fertur, leguntur in can. 30. cau. 12. qu. 2., cujus verba omnino cum ipsa epistola consonant, imo etiam consonant cum sententiis Gelasii in epistola ad Episcopos Lucaniz, cujus fragmentum habemus in can. 27. cau. 12. qu. 2. Post verba memorati canonis 30. statim in eadem responsione subsequuntur verba canonis 8. cau. 12. qu. 1., ab initio usque ad versiculum *si qui vero*; qui versiculus pertinet ad responsionem secundae interrogationi ita conceptae: *opto etiam doceri, an clerici continere non valentes possint contrahere, & si contraxerint, an debeant ad saeculum redire?* Hinc sequitur Gregorii responsio: *Si qui vero sunt clerici, &c.* Sane, ut adnotant Monachi Maurini, verba interrogationis in quibusdam veteribus MSS. desiderantur, solaque responsio exhibetur, adfusa responsioni praecedenti sub prima interrogatione. Hinc facile arbitrari quispiam poterit, Gratianum similia epistolae exemplaria sequutum fuisse in memorato canone 8., in quo utramque responsionem uno contextu exhibuit. Observandum etiam est, in versiculo *communiter autem viventibus*, ita legendum esse ex editione Maurinorum: *communi autem vita viventibus*, & paullo inferius pro illis verbis: *quod superest in causis piis, &c.*, legendum esse: *quod superest necessitatibus in causis piis &c.* Eadem propemodum verba jampridem descripserat Gratianus in can. 3. dist. 32.

Tertia interrogatio his verbis exprimitur: *cur cum una sit fides, sunt ecclesiarum consuetudines tam diversae?* Et altera consuetudo Missarum est in Romana Ecclesia, atque altera in Galliarum Ecclesiis tenetur? Responsionem legimus in can. 10 dist. 12. ubi pro illis verbis colligere poteris . . . loca amanda sunt, legendum est: *colligere potuisti . . . loca nobis amanda sunt.* Praeterea in postremis illis verbis, in consuetudinem deponere, non omnes consonant veteres codices, quorum aliqui potius ita exhibent, *in consuetudinem dispone*. Inducitur ibi Gregorius Augustinum monens, at in nova Anglicanae Ecclesiae institutione disciplinam in diversis Ecclesiis variam consideraret, quodque melius, convenientiusque inveniret ubicumque, illud colligeret, collectumque in recenti Ecclesia stabiliret. Conformis huic sententiae fuerat olim sententia Ambrosii in lib. 3. de Sacramentis cap. 1. ita scribentis: *in omnibus cupio sequi Ecclesiam Romanam: sed tamen & nos homines sensum habemus; ideo quod alibi rectius servatur, & nos recte custodimus.*

En

Can. 11.  
can. 12.  
qu. 2.

En quartam interrogationem: *Obsecro, quid pati debeat, si quis aliquid de Ecclesia furto abstulerit?* Responso legitur in can. 11. cau. 12. qu. 2., ubi in postremo versiculo ita legendum erit: *addis etiam, quomodo ea, quæ furto de Ecclesiis abstulerunt, reddere debeant, sed absit, quod Ecclesia cum augmento recipiat, quod de terrenis rebus videtur amittere, & lucra de damnis quærat.* Quæ hoc in loco traduntur, perspicue adversari videntur illis, quæ legimus in can. 7. 8., & 9. cau. 12. qu. 2., item in can. 21. cau. 17. qu. 4. verum ubi agitur de monumentis hujusmodi spuriis, aut quorum aliqua ad posteriora tempora pertinent, non est mihi elaborandum, ut alia cum aliis concilientur.

Can. 20.  
can. 35.  
qu. 2.

Quintam interrogationem, eique accommodatam responsonem Gratianus omisit, sextam interrogationem attigit ita conceptam: *usque ad quam generationem fideles debeant cum propinquis sibi conjugio copulari, & noveris, & cognatis si liceat conjugio copulari.* Attigit autem, ubi retulit responsonem Gregorii in can. 20. cau. 35. qu. 2., ubi tamen pro illis verbis, *ut sive fratris, & sororis* legendum est: *ut fratris, sive sororis.* Et in versiculo unde necesse &c., ita legendum erit: *unde necesse est, ut jam tertia, vel quarta generatio fidelium licenter sibi jungi debeat.* Quæ vero post hæc verba subsequuntur, ad eandem epistolam minime pertinent, sed potius ad epistolam, quæ scripta fertur ad Felicem Messanum, quæ suo in loco apocrypha demonstratur. Imo & ibidem quædam sunt ex codicibus notæ melioris emendandi; etenim ubi Gratianus legit: *De sanguinis conjunctione . . . specialiter, & generaliter ceteris me certissime scripsisse cognoscas . . . docere, & verbis . . . sed aliquavulsum firmaretur*, ita legendum erit: *De consanguinitatis conjunctione . . . specialiter, & non generaliter ceteris me scripsisse cognoscas . . . docere, instare, & verbis . . . sed caprum firmaretur.* Ceterum quæ ibi traduntur de conjugii ineundis in tertia, aut in quarta generatione Augustino, sive etiam in ulteriori gradu Felici tradita, jam superius demonstratum est ab ætate Gregorii omnino dilare, quemadmodum unusquisque agnoscere poterit ex iis, quæ differui ad canonem 2. cau. 35. qu. 8. Unum tantum hoc in loco adjiciam, quod nonnihil luminis adferre ad hunc canonem poterit, depromptum scilicet ex Concilio Romano sub Zacharia Pontifice anni 743., in quo inter cetera ita legitur cap. 15. *Sed neque hoc silentium est, quod in Germaniæ partibus ita diu vulgatum, quod in archivo nostræ Sanctæ Ecclesiæ scriptum minime reperimus, ipsi tamen asserentibus hominibus de Germaniæ partibus didicimus, quod beatæ recordationis Sanctus Gregorius Papa, dum eos ad religionem Christianitatis divina gratia illustraret, licentiam illis dedisset in quarta se copulare generatione, quod quidem Christianis licitum non est, dum usque se cognoverint, sed dum rudes erant, & invitandi ad fidem quamquam minime scripserim, ut dictum est, reperimus, credere non ambigimus.* Deo autem largiente, qui illuminat omnem hominem venientem in hunc mundum, præteritis annis literas miserunt Archiepiscopi, & Reges Provinciæ illius, petentes Apostolica præcepta, qualiter liceat eis conjugia copulare, & quomodo debeant observare. Quibus quantum Dominus dare dignatus est, admonitionis præcepta direximus.

Can. 6.  
dist. 80.

Omissa cum Gratiano septima interrogatione ad octavam progredior ita conceptam: *peto, si longinquitas itineris magna interjacet, ut Episcopi facile non possint convenire, an debeat sine aliorum Episcoporum præsentia Episcopus ordinari?* Responso legitur in canone 6. dist. 80., cujus verba ita ex integris epistolæ exemplaribus supplenda erunt, atque emendanda. *Et quidem etiam in Anglorum Ecclesia, in qua*

qua adhuc selus tu Episcopus inveniris, ordinare Episcopum non aliter, nisi cum Episcopis, potes. Nam quando de Galliis Episcopi veniunt, illi in ordinationem Episcopi testes tibi adstant. Sed Fratritatem tuam ita volumus in Anglia Episcopos ordinare, ut ipsi sibi Episcopi longo intervallo minime disjungantur; quatenus nulla sit necessitas, ut in ordinatione alterius Episcopi convenire non possint. Pastorum quoque aliquorum presentia valde est utilis, ut facillime debeat convenire. Cum igitur Deo auctore ita fuerint Episcopi etiam in propinquis sibi locis ordinati, per omnia Episcoporum ordinatio sine aggregatis tribus, vel quatuor Episcopis fieri non debet.

Nona interrogatio hæc est: Posulo etiam, qualiter debeamus cum Galliarum, atque Britannorum Episcopis agere. Rescriptum legimus in can. 3. cau. 25. qu. 2., necnon in can. 1. cau. 6. qu. 3., quorum canonum verba ita exigenda erunt, ut cum integris epistolæ codicibus consonent. In Galliarum Episcopos (hæc habentur in memorato canone 3.) nullam tibi auctoritatem tribuimus, quia ab antiquis Prædecessorum meorum temporibus pallium Arelatenfis Episcopus accepit, quem nos privare auctoritate percepta minime debemus. Si igitur contingat ut Fraternitas tua ad Galliarum Provincias transeat, cum eodem Arelatenfi Episcopo debet agere, qualiter, siquæ sunt in Episcopis, vitia corrigantur. Qui forte in disciplinæ vigore tepidus existat, tuæ Fraternitatis zelo accendendus est. Cui etiam epistolæ fecimus, ut cum tuæ sanctitatis presentia in Galliis fuerit, ei ipse tota mente subveniat, ut quæ sunt Creatoris nostri iussioni contraria, ab Episcoporum moribus compescat. Ipse autem ex auctoritate propria Episcopos Galliarum judicare non poteris, sed suadendo, blandiendo, bona quoque tua opera eorum imitationi monstrando, pravorum mentes ad sanctitatis studia reforma, quia scriptum est in lege: (habentur hæc in memorato can. 1.) per alienam messem transiens falcem mittere non debet, sed manu spicas conterere, & manducare. Falcem ergo iudicii mittere non potes in eam segetem, quæ alteri videtur esse commissa; sed per effectum boni operis frumenta dominica vitiorum suorum paleis expolia, & in Ecclesiæ corpus monendo, & persuadendo, quasi mandendo converte. Quidquid vero ex auctoritate (rursus hæc reperies in memorato canone 3.) agendum est, cum prædicto Arelatenfi Episcopo agatur, ne prætermitti possit hoc, quod antiqua Patrum institutio invenit. Britanniarum vero omnium Episcoporum curam tuæ Fraternitati committimus, ut indoliti doceantur, infirmi persuasionibus roborentur, perversi auctoritate corrigantur.

Decima Augustini interrogatio plurima capita comprehendit. Primum num prægnans mulier debeat baptizari; secundo, postquam genuerit, quamdiu debeat ab ingressu Ecclesiæ abstinere; tertio, post quot dies debeat infans recens natus baptizari; quarto, post quæ tempora liceat viro uxori recens enixæ conjungi; quinto, an menitruo tempore possit femina Ecclesiam ingredi, & ad Euchariistiæ Sacramentum accedere; sexto demum, an vir, qui suæ conjugi nuper conjunctus est, possit ante, quam lavetur aqua, Ecclesiam ingredi, & Sacramentum Divinæ Mensæ suscipere. Sane non erat, uti superius animadvertēbam, de hisce rebus Pontifex Maximus interrogandus, erant enim ex illis plurimæ passim obvix, ac planz, nonnullæ etiam ex ipsis inconcinnz, & extra disciplinam ecclesiasticam. Fertur autem Gregorius primæ interrogationi respondisse, mulierem prægnantem baptizari posse; secundæ quid responderit, exhibetur in can. 1. & 2. dist. 5. his verbis: Cum vero enixa fuerit mulier, post quot dies debeat Ecclesiam intrare, testamenti veteris præceptione didicisti, ut pro masculo xxxiii. diebus, pro femina vero lxxvi. diebus debeat abstinere. Quod tamen sciendum est, quia in mysterio accipitur. Nam si

Can. 3.  
cau. 25.  
qu. 2.  
Can. 1.  
cau. 6.  
qu. 3.

Can. 1.  
& 2.  
dist. 5.

eandem hora, quæ genuerit, æstura gratias intret Ecclesiam, nullo peccati pondere gravatur. Voluptas etenim carnis, non dolor in culpa est. In carnis autem commixtione voluptas est, in prolis vero partu dolor, & gemitus. Unde ipsi primæ exemplum dicitur: in doloribus paries. Si itaque enixam mulierem prohibemus Ecclesiam intrare, ipsam ei penam suam in culpam deputamus. Legunt nonnulli ex veteribus MSS. in culpam duplicamus. Quæ tertiæ interrogationi respondent, leguntur in.

Can. 3. canone 3. dist. 5., quem etſi Romani Correſtores ad vulgaria epiſtolæ exemplaria exegerint, nonnihil tamen adhuc ſupererit emendandum iis, qui Maurinorum editionem ſequi maluerint; etenim pro illis verbis Gratiani: *Baptizari autem vel enixam mulierem, vel hoc, quod genuerit, ſi periculo mortis urgetur . . . interveniente paullulum mora inveniri non valeat, qui redimatur*, legunt Maurini Monachi: *Baptizari autem vel enixam mulierem, vel hoc, quod genuerit ſine mora, ſi mortis periculo urgetur . . . interveniente paullulum morte inveniri non valeat, qui redimatur*.

Can. 4. Quartæ, quintæve quæſtioni quomodo auctor epiſtolæ ſatiſfecerit, legimus in can. 4. diſt. 5., cujus verba integra prout apud Gratianum referuntur. Quæ demum ad ſextam quæſtionem pertinent, traduntur in canone 7. cau. 33. qu. 4., ubi tamen pro illis Gratiani verbis: *De legitimo matrimonio ſuſceptus fuerat*, ita legitur: *De legitimo conjugio natus fuerat*. Quod ibidem memoratur de Romana conſuetudine, juxta quam viri ſe lavarent ante ingreſſum Eccleſiæ, putam fabellam exhibet, cum nullum ſit veterum monumentum, in quo diſciplinæ hujus ne leviffimum quidem veſtigium dignoſcatur.

Can. 1. Superreſt undecima, ac poſtrema Auguſtini interrogatio ita concepta: *Quæro etiam, ſi poſt illuſionem, quæ per ſomnium ſolet accidere, vel Corpus Domini quilibet accipere valeat, vel, ſi Sacerdos ſit, ſacra Myſteria celebrare*. Hanc eiſdem etiam verbis quæſtionem movet Gratianus in diſt. 6., licet longe aberrans a propoſito ſuo, ubi canone 1. & 2. retulit integram fere reſponſionem, quæ in Gregoriana hac epiſtola legitur. Heic autem priora canonis verba ita erunt legenda: *Hunc quidem teſtamentum veteris legis, ſicut in ſuperiori capitulo jam diximus, pollutum dicit, & niſi lotum aqua etiam uſque ad vesperam intrare Eccleſiam non concedit. Quod tamen tunc ſpecialiter ad illum populum, ſpiritualiter autem intelligens ſub eodem intellectu accipiet, quo præſati ſumus, quia quaſi per ſomnium illudatur, qui tentatus immunditia, &c. In verbis poſterioribus, ubi legitur: *Qua ſubtiliter . . . ex naturæ ſuperſtuitate & infirmitate . . . aut dies exigit . . . abſtinere . . . ſi tamen dormientem turpi imaginatione illuſio non concuſſerit*, ita potius legendum erit: *Quia valde ſubtiliter . . . ex naturæ ſuperſtuitate, vel infirmitate . . . aut dies feſtus exigit . . . abſtinere . . . ſi tamen dormientis mentem turpis imaginatio non concuſſerit*. In verſiculo *Qua in re ita erit legendum: Qua in re unum ibi oſtenditur, ipſa mens rea non tunc vel ſuo judicio libera, cum ſe & dormiente corpore nihil meminit vidiffe, tamen in vigiliis corporis meminit in ingluviem cecidiſſe. Si vero ex turpi cogitatione vigilantis oritur illuſio in mente dormientis, patet animo ſuus reatus. Videt enim a qua radice inclinatio illa proceſſerit, qui, quod cogitavit ſciens, hoc pertulit neſciens. Quæ deinde ſubſequentur apud Gratianum: *Et propter talem pollutionem a ſacro myſterio ea die abſtinere oportet*, in epiſtola ipſa non leguntur, ſuntque potius additamentum Collecſtoris, aliquid ad rem propoſitam ex iis, quæ ſuperius deſcripſerat, inferentis. Poſt illa verba, hoc pertulit neſciens, ſtatim ſequitur: *Sed penſandum eſt, &c.*, quæ leguntur in canone 2. diſt. 6., ubi tamen pro illis verbis: *Inter ſuggeſtionem,***



*tionem, delectationem, & consensum iudex, &c.*, ita potius legendum erit: *Inter suggestionem, & delectationem; inter delectationem, & consensum iudex, &c.* Item in versiculo *si autem captivus*, ita legendum erit: *Si autem captivus erat, minime pugnabat: sed & pugnabat: quapropter captivus non erat; & pugnabat igitur lege mentis, cui lex, quæ in membris est, repugnabat. Si hoc pugnabat, captivus erat. Ecce itaque, &c.* Quæ in hoc ipso canone leguntur, videntur congruere cum iis, quæ traduntur in cap. 25. lib. 4. *Moralium* apud Gregorium Magnum, ibi: *Quatuor quippe modis peccatum perpetratur in corde, quatuor consummatur in opere. In corde namque suggestionem, delectationem, consensu, & defensionis aulacia perpetratur. Fit enim suggestio per adversarium, delectatio per carnem, consensus per spiritum, defensionis audacia per elationem, &c.* Eadem fere traduntur in homil. 16. in Evangelia, ibi: *Sed sciendum nobis est, quia tribus modis tentatio agitur, suggestionem, delectationem, & consensu; quæ ideo huc loci Gregorii testimonia adduxi, ut indicarem memoratum canonem 2., etsi dubiæ sit auctoritatis, plurimum tamen cum aliis Gregorii sententiis convenire.*

Duo adhuc Gratiani fragmenta supersunt expendenda, quæ licet ex epistola Gregorii ad Augustinum laudentur, in illa tamen minime reperiuntur, qualia sunt canon 6. dist. 4., & canon 2. cau. 20. qu. 1.

Quod in primis attinet ad canonem 6. dist. 4. Eruditi omnes jure, ac merito arguantur, illum apocryphum esse, quod vel unum Quinquagesimæ celebrandæ argumentum evincit. Etenim in Ecclesia Quinquagesima demum observari cæpit post editas Isidori Mercatoris pseudoepistolas decretales, præsertim vero epistolam Telephori, cujus fragmentum est in can. 4. dist. 4., immo in Concilio Aurelianiensi 1., & IV. prope tempora Gregorii Magni celebrato Quinquagesimæ usus, quem tum nonnulli novitatis amatores adversus generale Ecclesiæ disciplinam inducere faterentur, interdictus est; ac tum demum receptum fuisse suo tempore agnovit Alcuinus octavi sæculi Scriptor in libro de ecclesiasticis officiis. Ceterum nuper memoratum Gregorii nomine fragmentum in nullis veteribus Gregorii Codicibus sive editis, sive MSS. reperitur, eo autem minus in epistola ad Augustinum Anglorum Episcopum, quemadmodum tradit Gratianus. Hinc Maurini Monachi hoc ipsum monumentum ad calcem Gregorianorum operum rejecerunt, professi, se nullibi illud reperisse. Quomodo vero hoc fragmentum Gregorio tribui potuerit, forte ex eo putaverim, quod similia quamplurima legantur de Quinquagesimæ observatione, item de quadragesimali abstinencia a carnibus, lacte, ovis, & sumtuosioribus marinarum belluarum conviviis in Regula S. Benedicti cap. 49. Cum enim Regula S. Benedicti maximo in honore habita, probatissimaque fuerit apud Gregorium Magnum, facile evenire potuit recentiore ætate, ut quæ in eadem Regula præstituerentur, quasi ex auctore Gregorio laudarentur. Perbelle heic juvat referre, quod lepide scribit Johannes Baptista Mantuanus in suo Poemate de Quadragesima alludens ad id, quod ex Gregorio Magno in memorato canone 6. refertur de permisso minutorum piscium esu quadragesimali tempore, ac sumtuosioribus marinarum belluarum conviviis interdictis, ibi:

Non tamen illicitum pisces adhibere minutos:  
Gregorius Magnus prohibet, sed longior usus  
Obstitit, & ponti pecuaria magna per omnes  
Jam volitant procerum mensas, & prandia Regum:  
Sordida Gregorii leges observat egestas.

Q<sub>2</sub>

Ex

Can. 16.  
cau. 2.  
qu. 2.

Ex epistola etiam Gregorii Magni ad Augustinum Anglorum laudatur canon 2. cau. 20. qu. 1., verum hujus canonis originem jam perspicue indicaverunt Correctores Romani, asserentes illum legi in epistola 4. Gregorii III. ad Bonifacium. Legarum Germaniz, & simile quidpiam haberi in Concilio Vormaciensi cap. 22. Revera Bonifacius Episcopus exhibetur apud Collectores ita quæsitivè a Gregorio III. *Si pater, aut mater filium, filiamve intra septa monasterii in infantia annis sub regulari tradiderint disciplina, utrum liceat eis, postquam pubertatis annos impleverint, egredi, & matrimonio copulari.* Respondit autem Gregorius: *hoc omnino devitamus, quia nefas est, ut oblati a parentibus Deo filiis voluptatis fræna laxentur.* Itaque partim ex interrogatione Bonifacii, partim ex responsione Gregorii III. memoratus canon 2. compositus est, & ideo forte Gregorio Magno tributus, vel quod idem Pontificis auctoris nomen occasionem errandi dederit Collectoribus, vel quod Gregorius idem Magnus de rebus monasticis singularem sollicitudinem gessit. Non debeo tamen omittere hoc in loco, Gratianum in quæstione 1. causa 20. disputare, num. possint parentes ita filios suos impuberes, imo etiam infantes monasterio tradere, ut non liceat amplius eisdem filiis a monasterio, cui semel additi fuerunt, etiam post pubertatem divertere; verum adductis hinc illinc veterum Sanctorum Patrum testimoniis hæsitare adhuc, ut nihil omnino concludat. Nolo in præsentia, ne fusior fiat oratio, investigare, quid singuli interpretes canonum, præsertim recentiores, in hac specie tradiderint. Dicam dumtaxat paucis, quod ipse sentio. Nimirum sancti Patres juxta principia juris, quæ illorum erant recepta temporibus, canonum definitiones edidere, præsertim ubi definitiones canonum a civilis juris principiis pendere quodammodo videbantur; eamque obrem ubi ejusdem juris civilis principia immutari debuerunt, mutationi quoque obnoxiz fuerunt ecclesiasticæ sanctiones. Nemo ignorat, quale quantumque fuerit olim jus patriæ potestatis, eo etiam productum, ut parentes impune filios suos exheredare, exponere, abdicare, vendere, imo etiam occidere possent, argumento l. 11. ff. de liberis, & posthumis. Quis in tanta parentum potestate non probasset, parentes ipsos potuisse etiam vi adhibita filios suos perpetuo in monasteria detrudere? Id decuit admitti penes ecclesiasticos Patres, qui meliorem ea ratione filiis conditionem quæri a parentibus intuebantur, ubi parentes eos divino penitus servitio addicerent, quos potuissent a familia repellere, alienæ servituti subicere, aliquando etiam vita privare. Inflexa deinde fuit, ac tandem coercita parentum potestas nimis arcta, & severa, ac filii in naturalem propemodum libertatem evadentes ab jugo gravissimo erepti respirarunt. Quid ni & in his temporum, ac causarum adjunctis alia penes viros ecclesiasticos prudentia reciperetur, qua fieret, ut in liberorum admissionibus ad monasteria proprius eorundem, ac liber consensus accederet? Itaque minime ego dubitaverim ita dirimendam quæstionem hanc esse, ut pro variis temporum adjunctis varia quoque in hac parte invecita fuerit disciplina, alicubi asperior, mitior alicubi, alibi citius, serius alibi immutata, prout aut mitior, aut asperior patria potestas fuerit, prout etiam asperior illa parentum auctoritas aut focius fuit, aut serius imminuta.

## S E C T I O XVIII.

*De epistolis ad Afros.*

## De epistola ad Episcopos Concilii Bizaceni.

Ex septem Provinciis, quibus Africana Ecclesia constabat, una erat Bizacena, cui tamquam Primas Clematius Episcopus præsidebat. Cum vero Clematius idem de gravissimis criminibus accusaretur, juxta veterum consuetudinem, præsertim Africanæ Ecclesiæ, ad Synodum Provinciam deducta est causa. Eam ob rem convenientes totius Provinciæ Episcopi epistolam receperunt a Gregorio Magno (in vulgari editione 37. lib. 10., apud Maurinos 32. lib. 12.), qua moniti sunt, ut summa diligentia causam discuterent, ac sententiam dicerent. Ex hac epistola depromptus est canon 46. cau. 2. qu. 7., qui cum sit apud Gratianum nonnihil corruptus, ita erit ex optimis epistolæ Gregorianæ exemplaribus emendandus. Sicut laudabile, discretumque est, reverentiam, & honorem debitum exhibere prioribus, ita. restitudoinis, & Dei timoris est, siqua in eis correctione indigent, nulla dissimulatione postponere, ne totum, quod abest, corpus incipiat morbus invadere, si languor non fuerit curatus in capite. Ante multum siquidem temporis quædam ad nos de Fratre nostro Clematio Primæ vestro perlata sunt, quæ cor nostrum non modico more transfigerent. Sed prementibus diversis tribulationibus, & maxime circumstærentibus hostibus ea nobis non fuit spatium requirendi. Et quoniam ita sunt gravia, ut transiri indiscussa nullo modo debeant, Fraternitatem vestram his hortamur assatibus, ut cum omni sollicitudine, ac vivacitate veritatis indagare substantiam multis modis debeatis, ut aut si ita sunt ultione canonica refecerentur, aut si falsa, Fratris nostri innocentia diu sub nefandæ opinionis dilaceratione non jaceat. Unde ut non quis desidia corporis in requisitione sit, admonemus, ut non cujusquam personæ gratia, non favor, non blandimenta, vel quodlibet aliud quemquam vestrum vel ad discutiendum quæ nobis nunciata sunt, molliat, vel a tramite veritatis excutiat; sed sacerdotaliter ad investigandam vos propter Deum veritatem accingite. Nam si quis in hoc aut piger esse, aut negligentem se præsumserit exhibere, distis criminibus apud omnipotentem Deum se noverit esse participem, cujus zelo ad persequendas subtiliter nefandis causas facinoris non movetur.

Can. 46.  
cau. 2.  
qu. 7.

## De epistolis ad Columbum Episcopum Numidiæ.

Columbum Numidiæ Episcopum tamquam prudentissimum, & quique consilii virum laudavit Gregorius in epistola ad Adeodatum Numidiæ Primatem, de qua inferius agendum erit. Ad eundem vero Columbum duplex exhibetur Gregorii epistola. Prior est 48. lib. 3. apud Maurinos, & 47. lib. 2. in vulgari editione, qua Gregorius Africanum Antistitem monet, ut in Synodo sollicitus sit de custodienda canonum disciplina, in ea præsertim parte, quæ clericorum ordinationes spectat. Eo referendus est canon 120. cau. 1. qu. 1., cujus priora verba ita legenda

Can. 120.  
cau. 1.  
qu. 1.

genda sunt: Itaque erga Primatem Synodi tuæ esto sollicitus, ut pueri ad sacros Ordines &c. Ratio autem, quare pueri arcendi ab ecclesiasticis ordinibus essent, multiplex a Gregorio redditur, videlicet puerorum eorundem inscitia, imprudentia, ambitus, favor, ac demum avaritia, quæ hujusmodi ordinationes corrumpere solet.

Can. 7. Alia est ad eundem Columbum Gregorii epistola apud Maurinos 8. lib. 12., & dist. 56. in vulgari editione 8. lib. 10. ubi queritur Sanctus Pontifex de causa Donadei Diaconi, qui iniuste a quibusdam damnatus fuerat, atque a gradu dejectus; unaque Columbum monet, ut in eandem causam solerter inquirat, addens rationem, quæ a Gratiano integra refertur in canone 7. dist. 56.

## De epistola ad Dominicum Carthaginensem.

Can. 8. Ad Dominicum Carthaginensem Episcopum scripta est Gregorii epistola 39. cau. 25. lib. 2. in vulgari, & 47. ejusdem libri in Maurina editione; ubi inter cetera 94. 2. Sanctus Pontifex sermonem instituit de juribus privilegiorum ecclesiasticorum tuendis, de quibus generaliter fuerat a Dominico interrogatus. Huc pertinet canon 8. cau. 25. qu. 2., ubi pro voce illa *derogabo* animadverterunt Maurini Monachi legendum esse *derogo*.

## De epistolis ad Gennadium Patricium, & Exarchum.

Can. 48. Duplex est in Gregorianis codicibus epistola ad Gennadium Patricium, & Exarchum Africæ. (Exarchus in Africa dicebatur, qui Imperatoria auctoritate toti Africanæ Provinciæ Præfectus erat, dictus ita, quasi ex Principis latere missus). cau. 23. Prior est epistola 72. in vulgari, & 74. in Maurina editione lib. 1., ubi Gregorius Gennadium laudat, quod Imperatoria auctoritate hæreticis in Africa obstitisset oppositis armis; eundemque etiam monet, ut dum Concilium totius Africæ erat celebrandum, illud curaret definiendum, ut non in parvis, ut olim, sed in spectabilibus urbibus Primatum dignitates constituerentur. Siquidem in Africa vetus obtinuerat disciplina, qua inter Episcopos ille Primas haberetur, qui ordinatione sua senior, & antiquior ceteris esset; atque hinc vaga erat Primatum sedes, quandoque etiam in inferiores Civitates translata. Quum vero exinde nonnulla suborirentur incommoda, disciplinam immutandam suasis Gregorius, quemadmodum etiam consulendum scripsit illi disciplinæ etiam in Africa receptæ, qua interdicebatur Episcopis Africanis, ne ad Apostolicam Sedem accederent, expeterentque judicia transmarina, quemadmodum veteres Africanæ Ecclesiæ canones postulabant. Integra hæc epistola legitur in canone 48. cau. 23. qu. 4., ubi tamen pro illis Gratiani verbis: *oportet etiam inimicis . . . meliori ingenio . . . magis profecto excellentiæ vestræ . . . per eum religionis . . . quod brachium . . . velut mucrone &c.* legendum erit juxta optimos Maurinorum codices: *oportet eam inimicis . . . meliori genio . . . magno profectu excellentiæ vestræ . . . per ea religionis . . . qui brachium . . . velut mucronem &c.*

In canone 49. cau. 23. qu. 4. legitur maxima pars alterius epistolæ, quæ est 73. in vulgari, & 75. in Maurina editione lib. 1., ubi Sanctus Pontifex eundem Gennadium laudat, quod alacriter pro fide, ac religione tuenda arma suscepisset, imo & armorum vi maximum eidem fidei incrementum adtulisset. Nonnulla tamen emendanda sunt apud Gratianum. Etenim pro illis verbis; *in futuram vitam cœlestium gaudiorum participatione . . . Principis excellentiam . . . largitis Dacorum habitationibus restauraveris*. Quæcumque igitur hic illi christianissima mente conferitis, &c., in integra Gregorii epistola ita legitur juxta codices vulgatos: *in futura cœlestium gaudiorum participatione . . . Principis utilitatibus excellentiam . . . largitis datitiarum habitatoribus restaurasset*; quæcumque igitur illi Christiana mente conferitis, &c. Mihi non displicet illorum opinio, qui corruptam esse editionem asserunt in voce illa *datitiarum* utpote satis obscura, & potius legendum putant *daratiorum*, quorum sane nomine intelligemus populos Africanæ Provinciæ finitimos, siue ditionis illius, quæ *Dara* appellatur.

Can. 49.  
cau. 23.  
qu. 4.

## De epistola ad Episcopos Numidiæ.

Nuper ajebam, receptissimum fuisse in Africa morem, ut Primates ecclesiastici non ex dignitate Civitatis, sed ex senio Episcoporum Comprovincialium constituerentur. Hinc non solum eveniebat, ut Primas quandoque in humili Civitate sederet, verum etiam Primatis honorem obtinerent Episcopi, qui cum olim apud Donatistas defecissent, deinde ad Catholicam Fidem reversi in suum Episcopatum restituti fuerant; hi etenim si ætate ceteros antecellerent, Primatus honorem postulabant. Perniciosum id evenire posse Ecclesiis apprime novit Gregorius, quamobrem scribens ad omnes Numidiæ Episcopos epistola apud Maurinos 77., in vulgari editione 75. lib. 1., non improbavit quidem Africanæ Ecclesiæ usum, quo fiebat, ut priores tempore in honore Primatus potiores haberentur, sed probare non potuit, ea occasione Episcopos olim Donatistis adhærentes ad Primatum adspirare, quibus illud satis esse poterat, ut in pristino gradu recepti fuerint. Huc pertinet canon 8. dist. 12., ubi tamen pro verbis illis: *Constituendis sive de ceteris capitulis . . . plebis curam gerere . . . ad obtinendum culmen Primatus anteire*, legendum porius est: *Constituendis, ceterisque capitulis . . . plebis tantummodo curam gerere . . . ad obtinendi culmen Primatus anteire*.

Can. 8.  
dist. 12.

## De epistola ad Adeodatum Numidiæ Episcopum.

Ex epistola superius memorata ad Columbum Numidiæ Episcopum intelleximus, quam sollicitus Gregorius fuerit, ut in Numidia Provincia sacræ ordinationes solius ecclesiasticæ utilitatis intuitu celebrarentur, non favor, non ambitus, non pecunia intercederet. Idipsum urget Gregorius in epistola ad Adeodatum Numidiæ Primatem, in vulgari editione 48. lib. 2., apud Maurinos 49. lib. 3., ex qua depromptus est canon 119. cau. 1. qu. 1.; hodie a Romanis Correctoribus maxima in parte emendatus. Maurini Monachi voluerunt in illis verbis *ordines, nisi, &c.*, legendum esse, *ordines adspirare, nisi, &c.*, item pro verbo *subrepat*, legendum maluerunt *subripiat*.

Can. 119.  
cau. 1.  
qu. 1.

## SECTIO

## SECTIO XIX.

*De epistolis ad Constantinopolitanos directis,*

## ET PRIMUM

De epistola ad Anatolium Constantinopolitanum  
Diaconum.

Cum Anatolio Ecclesie Constantinopolitane Diacono forte Gregorius amicitiam  
*Can. 1.* iniiit, dum in Urbe Constantinopolitana apud Imperatorem Legati munere funge-  
*caus. 7.* retur. Hinc Anatolius ex arduissima necessitudine Gregorio indicavit mentem Im-  
*qu. 1.* peratoris, qui petebat, ut Johannes Primus Justinianus Episcopus ab Episcopatu suo  
 removeretur. Quid responderit Sanctus Pontifex, exhibetur in epistola 47. lib. 11.  
 in Maurina, seu 41. lib. 9. in vulgari editione, cujus sententia refertur in canone  
 1. cau. 7. qu. 1., ubi tamen pro illis verbis: *Ex ejus dispositione veniat . . . ipso*  
*non deposito, ac in custodia, legendum est: Ex ejus depositione veniat . . . ipso inde-*  
*posito conservare, ac in custodia, &c.* Jam præter hæc plurima emendaverunt Corre-  
 ctiores Romani.

De epistola ad Cyriacum Episcopum  
Constantinopolitanum.

Mauritio imperante anno circiter 596. Constantinopolitanus Episcopus electus  
 est Cyriacus in locum defuncti Johannis cognomento Jejunatoris. Ad eum scripta  
 est Gregorii epistola apud Maurinos 4. lib. 7., & in vulgari editione 5. lib. 6., in  
*Can. 9.* qua Sanctus Pontifex & recens electo gratulatur, & gratulando varia Episcopalis vitæ  
*caus. 8.* præcepta interserit. Fere in principio ejusdem epistolæ legitur canon 9. cau. 8. qu. 1.  
*qu. 1.* cujus priora verba ita scribenda erant apud Gratianum: *In scriptis autem vestris,*  
*&c.* Alludit ibi Gregorius ad Cyriaci epistolam, qua Cyriacus idem electionem  
 suam Pontifici Maximo significaverat. In illis autem verbis: *Mortuus est Christus,*  
*ut & qui vivunt . . . quoties itaque nobis ex corde . . . quem superna gratia elegit .*  
*ita potius erat scribendum: Mortuus est Christus, superest, ut & qui vivunt . . .*  
*quies itaque nobis & ex corde . . . quem superna gratia eligit.* Post hæc tradidit  
*Can. 10.* Gregorius nihil referre ad vitæ sanctitatem, num quis secretis in locis degat, sive  
*dist. 40.* in monasteriis, num inter sæculi actiones; ac propterea, si quando contingat vitæ,  
 ut ajunt, contemplativæ additum ad regendam Ecclesiam vocari, refragari nullo  
 modo debere. Huc pertinent verba canonis 10. dist. 40., quæ omnino consonant  
 cum integris epistolæ exemplaribus.

De epistola ad Domitianum Melitinæ  
in Armenia Episcopum.

Erat Domitianus Melitinæ Episcopus, & Armeniæ Metropoli Imperatoris Mauritiū sanguineus, de quo plura narrat Evagrius in lib. 6. Historiæ cap. 16., 17., & 18. Ad eum scripta exhibetur epistola Gregorii 50. lib. 8. in vulgari, & lib. 10. in Maurina editione, ubi inter cetera agitur de causa Theodori cujusdam Episcopi, ad quam pertinet aurea illa sententiā, quæ legitur in c. 3. cau. 2. qu. 1., ubi tamen legenda non erit vox illa *jussu*, cum in integra Gregorii epistola desideretur.

Can. 3.  
cau. 2.  
qu. 1.

## De epistola ad Eliam Presbyterum, &amp; Abbatem Isauriæ.

Ad Eliam in Isauria Presbyterum, & Abbatem scripsit Gregorius epistolam, quæ in vulgari editione est 301. lib. 4., & 38. lib. 5. in Maurina. Ibi inter cetera profertur Sanctus Pontifex, ad se missum fuisse Epiphanium quendam olim monasterio adductum, quem ipse ordinaret; asserit autem se quidem ordinem sacrum ei contulisse, sed eundem sic ordinatum non posse ad Eliam remitti juxta vetustum ecclesiasticum morem, quo fiebat, ut quilibet certa in Ecclesia ordinatus, perpetuo in ea consistere deberet, ex quo & illud perspicue deducitur, ad unumquemque Episcopum spectasse semper suæ Ecclesiæ clericos ordinare. Huc spectat canon 122. cau. 2. qu. 1., ubi pro illis verbis: *transmittere . . . in alio . . . ordinem acceperis . . . si ergo vos videre non potuit, &c.*, legendum potius erit: *retransmittere . . . in alio . . . ordinem sacrum acceperis . . . si ergo vos videre non potuit, &c.* Quæ posteriora verba magis integræ epistolæ conveniunt, cum initio epistolæ dicatur Eliam venturus fuisse Romam ad limina Apostolorum, fuisse tamen gravi infirmitate detentus; hinc jure Gregorius agebat, se in Epiphanio quiescisse, licet Eliam ipsum videre non potuerit.

Can. 122.  
cau. 1.  
qu. 1.

De epistolis ad Johannem Episcopum  
Constantinopolitanum.

Memoratum Cyriacum Ecclesiæ Constantinopolitanæ Episcopum præcesserat, ut diximus, in dignitate Johannes Cognomento Jejunator, ad quem extat Gregorii epistola apud Maurinos 53. lib. 1., & in vulgari editione 52. lib. 2. Hujus occasio hæc fuit. Quidam ex Isauriæ Monachis dignitate sacerdotii etiam insignis nomine Athanasius de gravissimo crimine per calumniam accusatus publice in Ecclesia Constantinopolitana casus fuerat Episcopi jussu, quando tamen reus facinoris vulgo esse ferebatur adolescens quidam Episcopo familiaris. Præterea Johannes quidam Presbyter Chalcedonenis invidia pravorum hominum de hæresi Marcionistarum accusatus damnatus fuerat ab iudicibus a Constantinopolitano eodem Episcopo datis fraudis, atque invidiæ conficiis. Uterque, Athanasius nimirum, & Johannes

Can. 5.  
dist. 45.

Tom. III.

R

Chal.

Chalcedonenſis ad Gregorium confugerunt patrocinium innocentiz implorantes; eamque ob rem Gregorius de utraque cauſa ad Johannem Episcopum ſcripſit. Cumque Johannes reſcripſiſſet, excuſando ſe, quod ſe ignorante illa omnia peracta in Conſtantinopolitana Eccleſia fuiſſent, rurfum Gregorius Episcopum redarguit, quod talia, ac tanta facinora, ignorante Antiliſite, in Eccleſia fierent, quodque Episcopus tam atrocia facta per oſcitantiam ignoraret. Ex hac poſteriore epistoſa de- promptus eſt canon 1. diſt. 45., qui legitur prope finem illius, ubi Gregorius ur- gendo aſperius loquitur, ac præcipue in immerita Athanaſii verberatione dicendo conſiſtit. Monent Maurini Monachi pro illis verbis *non percuisse*, legendum eſſe, *non perſecutores*, idque veterum MSS. monumentis demonſtrant, licet edici codices Gratianeam lectionem potius exhibeant.

Alia eſt epistoſa Gregorii in vulgari editione 24., apud Maurinos 25. lib. 1. ad omnes Orientalis Eccleſiæ Patriarchas ita directâ: *Gregorius Johanni Conſtantinopolitano, Eulogio Alexandrino, Gregorio Antiocheno, Johanni Jeruſolymitano, & Anaſtaſio Expatrarcha Antiocheno a paribus (a paribus, intellige pari exemplo ad ſingulos miſſo, quemadmodum ſuperius jam memini in ſimili inſcriptione obſervaviſſe).* Animadvertere juvat, Gregorium Antiochenum Episcopum ſubrogatum fuiſſe in locum Anaſtaſii viventis, qui ſcilicet ab anno 572. pulſus fuerat in exilium ab Juſtino Imperatore. Hac itaque epistoſa Gregorius Magnus initio ſui Pontificatus certiores fecit memoratos Orientales Episcopos de ſua electione, eaque occasione multis expreſſit curam paſtorales, qua in gregem dominicum ſibi commiſſum Eccleſiarum Antiliſites fungi debent, imo etiam ad eoſdem miſit ſymbolum Fidei; erat enim juxta veterum mores receptum, ut, quoties Patriarchæ eligerentur, electus fidei ſuz profeſſionem ad Patriarchas ceteros mitteret. Hinc idem Gregorius in lib. 9. epistoſa 52. apud Maurinos, quæ eſt epistoſa ad Secundinum, ait: *Hinc eſt, ut quoties in quatuor præcipuis ſedibus Antiliſites ordinantur, ſynodales ſibi epistoſas viciffim mittant, in quibus ſe ſandam Chalcedonenſem Synodum cum aliis generalibus Synodis cuſtodire ſciantur.* Eandem ob rem Gregorianam hujusmodi epistoſam ubi memorat Johannes Diaconus lib. 2. cap. 3., quia fidei profeſſionem continet veterum Synodorum definitionibus accommodatam, *ſynodicam* appellat. In prioribus ejusdem epistoſæ parte legitur canon 93. cau. 1. qu. 1., ubi optimi Paſtoris indolem, ac ſtudia Gregorius recenſet. Ibidem vero pro illis verbis: *Si ſordida ipſa ſtercoris lutum tenet . . . ad interiora perducendas, &c.*, legendum erit ex Maurinis Codicibus: *Si ſordida ipſa inſequens lutum tenet . . . ad interna ſacraria perducendas, &c.* Poſt multa in eadem epistoſa leguntur verba canonis 6. diſt. 41., ubi pro voce illa *tenuitas* legendum erit *tenacia*; docetque Gregorius, quoniam ſint vitia ab optimo animarum Paſtore evitanda, eoque præcavenda diligentius, quo pluries ſub virtutum nomine tegi aliquomodo poſſunt. Demum prope finem epistoſæ leguntur verba canonis 2. diſt. 15., ubi Gregorius aperit fidem ſuam, ceterisque Patriarchis proſitetur juxta ea, quæ nuper animadvertebam. Ita vero priora ejusdem canonis verba legenda erunt: *Præterea quæ corde creditur ad juſtitiam, ora autem confeſſio fit, quæ ſalutem, ſicut ſancti Evangelii quatuor libros, &c.* Præterea in illis verbis, *& cuſulibet vitæ, &c.*, qua ratione legendum ſit, jam diu Romani Correſtores animadverterunt.



## De epistola ad Quiricum, aliosque in Hiberia Episcopos.

Gregorii epistola 61. lib. 9. in vulgari, & 67. lib. 11. in Maurina editione juxta Con. 44.  
c. 84.  
de conf.  
dist. 4. editos omnes Codices, & MSS. numero plurimos ita inscribitur: *Gregorius Quirico, & ceteris in Hibernia consistentibus Catholicis Episcopis*. Emendam tamen censent hujusmodi inscriptionem Viri eruditi, ut legatur non *in Hibernia*, sed *in Hiberia*; atque ad hanc emendationem probandam non solum plurimum valet auctoritas Vaticani Codicis MS., ex quo Romani Correctores emendaverunt inscriptionem canonis 44. de conf. dist. 4., sed etiam judicium prudens Petri DeMarca in appendice ad Concilium Claromontanum sub Urbano II. celebratum, qui animadvertens in hac ipsa epistola potissimum de Nestorianis hæreticis agi, auguratus est, eam ad Provinciam Orientalem, qualis erat Hiberia, pertinere. Nec præterea desunt aliqui MSS. Codices, in quibus se legisse *Hiberia* Monachi Maurini testantur. Porro Hiberia est regio Asiz inter Colchidem ad occasum, & Albaniam ad ortum Armeniz majori contermina. Ex hac Gregorii epistolæ depretus est canon 44. de conf. dist. 4., cujus priora verba ita legenda erunt: *Et quidem ab antiqua Patrum institutione didicimus, ut quilibet apud hæresim, &c.* Observandum præterea est in voce illa *Monothelitas* egregium erratum, nondum enim de Monothelitarum opinionibus disputatio esse poterat temporibus Gregorii, eamque ob rem tutius erit legere *Monophysitas*, ut verba Gregorii intelligantur de illis hæreticis, qui unicam in Christo naturam esse asserbant, quales erant Eutychniani. Item pro illis verbis: *Vires emendationis . . . fuerint uniti*, legendum erit: *Vires emundationis . . . fuerunt uniti*. Postremis hisce verbis statim jungenda erunt, quæ apud Gratianum subsequuntur in canone 84. de conf. dist. 4.; ubi vice illorum *multi sunt, & alii tales, cum ad sanctam, &c.*, hæc alia verba sunt substituenda: *Multi sunt alii, cum ad sanctam, &c.*

De epistola ad Sabinianum Diaconum,  
& Apocrisarium

Apocrisarii munere in Urbe Constantinopolitana fungebatur temporibus Gregorii Sabinianus apud Imperatorem; atque ad eum scripta exhibetur epistola Gregorii 47. lib. 4. in Maurina, & 1. lib. 7. in vulgari editione; quæ tamen, uti animadverterunt Maurini Monachi, in multis codicibus MSS. reperitur ad calcem epistolarum Gregorianarum inter prætermittas, unde non levis suspicio nascitur, ne forte illa a germanis Gregorii monumentis abjudicaretur. Nollem sane in re satis obscura certam proferre sententiam. Tantum dixero causas suspicionis agere, quod in eadem epistola legitur, referturque in canone 20. cau. 23. qu. 8. Propositum dicitur Gregorio ex parte Imperatoris per clericum quendam, ut Sanctus Pontifex in fugandis Longobardis operam quoque suam impenderet, exemplo præsertim Malci cujusdam Episcopi, qui eandem ob causam sponse mortis periculum subiecit. Contra tamen Gregorius, ita scripsit: *Pervenit vero ad me, quia transmisit, nescio quem clericum qui diceret, quia Malcus Episcopus in custodia pro*

pro solidis occisus sit. De qua re unum est, quod breviter suggeras serenissimis Dominis nostris, quia si ego servus eorum in morte Longobardorum me miscere voluissim, hodie Longobardorum gens nec Regem, nec Duces, nec Comites haberet, &c., quæ leguntur in memorato canone 10., verum non videntur hæc Gregorio convenire; sunt enim verba ambitus, ne dixerim audaciz, plena, quæ vix a strenuo milite, sine iactatione pronunciarentur. Præterea pugnant hæc cum aliis Gregorii monumentis, ex quibus constat, Sanctum Pontificem operam suam frequenter impendisse, ut Longobardi ulteriora non molirentur in Italia, quemadmodum demonstrat inter ceteras epistola ad Mauritium Imperatorem, de qua nonnulla hoc in loco etiam ad hanc rem erunt subiicienda.

## De epistola ad Mauritium Imperatorem.

Can. 41.  
cau. 11.  
qu. 3.

In epistola 31. lib. 4. in vulgari, & 40. lib. 5. in Maurina editione, Gregorius certiorum Mauritium Imperatorem reddidit, quod ipse Longobardis consilio suo resistere, atque in omnibus morem gesserit Mauriti iussionibus; unaque conquestus est, quod ab eodem Mauricio velut insipiens, ac fatuus haberetur, ac sinneret a Longobardis aliquando se decipi. Hinc autem occasionem sumsit horrandi Imperatorem, ut sacerdotes Christi, ac præ ceteris Pontifices honorificentius coleret, non conviciis lacefferet. Huc spectat canon 41. cau. 11. qu. 1., ubi tamen pro illis verbis: *accepit, & eosdem . . . discutite . . . in qua tamen sententia sibi, &c.* legendum est: *accepit, sed eosdem . . . disponice . . . in qua tamen sententia pie Domine sibi, &c.* Cetera animadversionibus Romanorum Correctorum facile poterunt emendari.

Can. 12.  
cau. 27.  
qu. 2.

Ex epistola ad Mauritium Imperatorem. refertur etiam apud Gratianum canon 12. cau. 27. qu. 2., qui tamen in nullo Gregorii monumento reperitur. Ille potius videtur ex diversis sacrarum legum fragmentis a quodam otioso contextus, & Gregorii nomine evulgatus, ut major illius auctoritas, ac vis haberetur. Ceterum quæ ibidem adferuntur ex sacra præsertim Scriptura depromta, vel minus integra relata sunt, vel parum apta censentur ad rem, de qua ibidem agitur, demonstrandam. Quid enim exempli gratia dicam de eo, quod deducitur ex Evangelio Matthæi: *Accipe Mariam conjugem tuam?* Maria quippe non futura tantum sponsa Joseph erat, sed verâ jam conjux, per consensum jam de præsentis, ut vulgo ajunt, declarata. Item quod ex Deuteronomio adfertur cap. 22. in versic. *Siquis cujuslibet* longe aliter descriptum est in ipso Moysis libro, quemadmodum unicuique conferenti facile constat. Quæ demum in versic. *Sicut nulli* subiiciuntur, nihil omnino ad rem propositam faciunt, imo etiam habentur apud Gratianum sub nomine Julii Papæ in canone 7. cau. 35. qu. 3. Quis autem interea tam incomptam rerum, sententiarumque congeriem Gregorio adtribuet, præsertim vero ad Mauritium Imperatorem scribenti, ad quem, uti videtur, præ ceteris solerter formata scribi debuisset epistola? Non tamen inficias iverim, eam, quæ in hoc canone describitur, sententiam a germani sacerdotum canonum disciplina non dissonare. Etenim perspicuum est, neminem jure posse sponsam alterius sibi matrimonio jungere; imo apud veteres, qui hujusmodi conjugium contraxisset, velut sacrilegus habebatur, præsertim quod maioris esset Sacerdotibus non tantum matrimonii, sed etiam spon-

salibus benedicere. Hinc Siricius Papa de iis, qui in matrimonium ducunt alienam sponfam, ait in canone 50. cau. 27. qu. 2. *Hoc ne fiat, modis omnibus inhibemus, quia illa benedictio, quam nupturae Sacerdos imponit, apud fideles cujusdam sacrilegii instar est, si ulla transgressione violetur.* Exinde autem non consequitur, ea omnia, quae in memorato canone 12. leguntur, integra, & verbo tenus pro lege accipienda esse, siquidem cum privati Collectoris sint congesta, corruptaque fragmenta, in eo tantum vim suam exercent, ubi authographis suis recte consonare demonstrantur. Itaque falso tributa fuerunt illa Gregorio Magno, erratumque profectum esse videtur ex collectione Anselmi, juxta ea, quae animadverterunt Romani Correctores, observantes in inscriptione diversitatem characteris. Ego potius arbitror, initium hujus canonis fuisse compositum ex canone 66. Concilii Meldensis anni 845., ex quo etiam profectum est, ut Gregorio tribueretur; siquidem ibidem ita legitur: *Quicumque vero deinceps vapere virgines, vel viduas praesumeris, secundum synodalem B. Gregorii definitionem ipsi, & complices eorum anathematizentur, & raptores sine conjugii perpetuo maneant.* Similia ferme habentur in canone 68. Refertur autem ibi Concilium Romanum anni 721. sub Gregorio II. celebratum, ubi canone 9. ita legitur: *Siquis de propria cognatione, vel quam cognatus habuerit, duxerit uxorem, anathema sit.* Et canone 10. *Siquis viduam rapuerit, vel furatus fuerit in uxorem, cum sibi consentientibus anathema sit.* Et canone 11. *Siquis virginem, quam sibi non desponsaverit, rapuerit, vel furatus fuerit in uxorem, vel consentiens ei, anathema sit.* Quae sane fragmenta in aliquot etiam Codicibus, in quibus Gregorii Magni opera collecta fuerunt, sub ejusdem Pontificis nomine edita conspiciuntur. Hinc facile uniusquisque noverit, haec esse illa ipsa capitula, quae Anselmus Lucensis, ut adnotaverunt Romani Correctores, sub nomine Gregorii evulgavit, intertextis quibusdam sacrarum literarum sententiis, quae deinde recentior manus adtribuit Gregorio Magno ad Mauricium scribenti, quaeque demum Gratianus ejusdem Pontificis nomine in suum codicem retulit; quae forte melius Gregorio juniori tribuenda fuissent.

## De epistola ad Constantinam Augustam.

Constantina Tiberii Imperatoris filia a Tiberio Patre nuptui tradita Mauritio in Mauritium ipsum quasi dotem imperium contulerat. Morituo deinde marito ab Imperante Phoca in monasterium detrusa primum est, & post annum cum tribus filiabus interfecta. Ad illam Mauritio adhuc vivente scripsit Gregorius epistolam, quae apud Maurinos est 21. lib. 5., & 34. lib. 4. in vulgari editione. In hac praecipue agitur de causa Maximi Salonitani in Dalmatia Episcopi, cujus electionem a Gregorio penitus improbatam scimus ex iis, quae superius attigimus. Cum enim Maximo patrocinari videretur Mauritius, cujus jussu ferebatur Maximus idem consecratus in Episcopum, prudentissime voluit Gregorius imperantis animum per Constantinam conjugem flectere; atque huc spectat canon 24. dist. 63., ubi pro illis verbis: *responsalem meum praetermittere* . . . *irrequista relinquere non possum*; ita legendum erit: *responsalem meum praetermittere* . . . *irrequista praeterire non possum*. Post haec statim in epistola sequitur Gregorius his verbis: *Sed opto, ac Dominum deprecor, quatenus nihil in eo de iis, quae dicta sunt, valeat inveniri, & sine periculo animae meae causa ipsius terminetur.* Prius tamen, quam haec cognoscantur, Serenissimus

Can. 24.  
dist. 63.  
Can. 6.  
cau. 21.  
qu. 5.

Domini.

*Dominus, discurrenre iussione, praecepit, ut cum venientem cum honore suscipiam. Et valde grave est, ut vir, de quo tanta nunciantur, cum ante requiri, & discuti debeat, honoretur. Et si Episcoporum causae, &c. Heic sequuntur verba Gratiani in canone 6. can. 21. qu. 5., ubi pro illis Episcopi mei despiciant . . . distulerint . . . exercere in eos, &c., ita legendum erit: Episcopi mei me despiciant . . . distuleris . . . in eo exercere, &c. Vix superest animadvertendum, postrema verba hujus canonis 6. eadem esse cum §. ultimo memorati canonis 24. dist. 63.*

*Can. 8. His addendus esset canon 8. cau. 12. qu. 2., quatenus spectat ad aliam Grego-  
ria epistolam ad Constantinam, quae extat in lib. 4. num. 53. in vulgari, & lib. 5.  
cau. 12. num. 41. in Maurina editione in illis verbis: Cum Severissimam Dominam sciam de  
94. 2. caelesti patria, atque animae suae vitam cogitare, culpam me committere vehementer existimo, si ea, quae pro timore omnipotentis Domini sunt suggerenda, siuero. Post quae dis-  
ferit Gregorius de Ethnicis, qui nuper in Sardinia Insula ad Christianam Fidem  
conversi fuerant, atque huc longe aliena sunt ab iis, quae Gratianus in eodem cano-  
ne subjecti. Non est cur plura heic tradam, cum satis de hoc monumento  
traditum superius fuerit, ubi actum est de epistola Gregorii ad Constantinam Gallia-  
rum Reginam.*

## De epistola ad Theodistam Patriciam.

*Epistola 39. lib. 9. in vulgari, & 45. lib. 11. in Maurina editione scripta exhi-  
betur ad Theodistam Patriciam Mauricii Imperatoris sororem, quam non modice  
contristatur Gregorius solatus est, ac variis sacrae doctrinae praeceptis instituit. In  
primis eam hortatus fuit, ne sineret se dictis hominum deprimi, dummodo apud  
Deum bene conscia esset, proptereaque malevolorum hominum injurias patienter  
toleraret. Ad hanc rem pertinet canon 11. cau. 6. qu. 1. ibi: Sunt autem plurimi,  
qui vitam bonorum fortasse amplius, quam debent, laudant, & nequa elatio de laude  
surripias, permittit omnipotens Deus, &c. Deinde post aliqua profequitur Gregorius  
monens, ut aliquando eos, qui nos corripiunt, contemnere debeamus, non gesta  
nostra penes ipsos purgare; aliquando e converso nostrorum negotiorum rationem  
reddamus, ne forte simpliciores trahamus in scandalum, exemplo Apostoli Petri,  
qui quandoque cum ad Gentes Evangelii praedicandi causa sese convertisset, actorum  
suorum rationem petentibus humiliter reddidit, quo referendus est canon 40.  
cau. 2. qu. 7., quem ex integris epistolae exemplaribus ita emendare juvabit: Certe  
enim Petrus potestatem Regni caelestis acceperat, ut quaeque in terra ligaret, vel sol-  
veret, essent in Caelo ligata, vel soluta: supra mare ambulavit, egrotantes umbra cu-  
rabat, peccantes vero occidebat, mortuos suscitabat. Et quia ex admonitione Spiritus  
ad Cornelium gentilem fuerat ingressus, contra eum questio a fidelibus facta est, cur ad  
Gentiles intrasset, & comedisset cum eis, cur eos baptismo suscepisset. Et tamen idem  
Apostolorum primus tanta donorum gratia repletus, tanta miraculorum potestate suffultus,  
querela fidelium non ex potestate, sed ex ratione respondit, causam per ordinem expo-  
suit, quomodo vas quoddam, veluti linteum, in quo quadrupedia terrae, & bestiae, &  
94. 7. reptilia, atque volatilia inerant, de caelo submitti videris, vocemque audieris: Surge  
Petre, occide, & manduca; qualiter tres viri veneris eum ad Cornelium vorantes,  
qualiter Spiritus Sanctus hunc cum eis ire praeceperit; qualiter idem Spiritus Sanctus,  
qui*

qui venire in baptizatos in Judea post baptismum consueverat, in Gentilibus ante baptismum venit. Si enim cum a Fidelibus culparetur, auctoritatem, quam in Sancta Ecclesia acceperat, attendisset, respondere poterat, ut pastorem suum oves, quæ ei commissa fuerant, reprehendere non auderent. Sed si in querela Fidelium aliquid de sua potestate diceret, profecto Doctor mansuetudinis non fuisset. Post hæc ad eandem rem subdidit Gregorius, quosdam se cognovisse, qui a pluribus arguebantur, quod dicerent religionis obtentu conjugia posse dissolvi, qui tamen ab hoc sibi objecto errore sese purgaverunt; hinc autem Sanctus Pontifex occasionem arripuit de hac ipsa materie differendi, cujus verba habentur in canone 19. cau. 27. qu. 2., quem jandiu Romani Correctores in aliquibus emendaverunt. Priora tamen canonis verba ita legenda erunt: Dicebatur namque contra eos, quia sub obtentu religionis conjugia solcerent, &c. Ex infra. Et si sunt, qui talia sentiunt, vel tenent, quia Christiani non sunt, dubium non est. Eosque & Ego, & omnes Catholici Episcopi, atque universa Ecclesia anathematizamus, quia veritati contraria sentiunt, contraria loquuntur. Si enim dicunt, Religionis causa conjugia debere dissolvi, sciendum est, quia, &c. Quæ prope finem canonis leguntur, ibi: Dividi conjugium non potest, monent Monachi Maurini ita potius esse legenda: Dividi conjugium non licet. Quum vero in hoc canone laudetur Lex Imperatoria, ex qua permessa videtur conjugii dissolutio monasticæ professionis causa, referendum id est ad Novellam 123. cap. 40., quam licet non satis Divino juri conformem Gregorius esse dicat generaliter, in rerum tamen, temporum, aut causarum adjunctis, quibus lata ipsa fuerat, non omnino iniqua dici poterat. Nimirum Iulianianis temporibus apud Conditores Legum Romanarum adhuc repudia permittebantur etiam ob causas lege evangelica minime comprehensas. Quid mirum esse poterat, si repudia pro variis causis concessa, etiam monasticæ professionis causa potiore permittenda jure viderentur? Immo favorabilis in hac parte visa fuit Justiniano Religionis causa, qui cum in aliis repudii causis libellum intervenire debere sanxisset, in hac sane conscribendi libelli necessitatem remisit. Rursum idem Gregorius in hac epistola retulit exemplum quorundam inique accusatorum, quod dicerent: Si de iniquitatibus suis quis in triennium pœnitentiam ageret, postmodum ei perverse vivere liceret. Ab hac accusatione, asserit eosdem fuisse purgatos, qua occasione scripsit eandem opinionem anathemate damnandam esse, veluti adversantem sacrarum literarum monumentis, atque inter cetera ait: Si autem dicunt pauci temporis pœnitentiam contra peccatum debere sufficere, &c., quæ leguntur in canone 6. §. Sum qui dicunt de pœnit. dist. 3., cujus postrema verba ita legenda erunt ex optimis epistolæ exemplaribus: Pœnitentiam enim vere agere est commissæ fieri, sed iterum plangenda declinare.

Can. 19.  
cau. 27.  
qu. 2.

Can. 6.  
§. 1.  
de pœn.  
dist. 3.

## S E C T I O   X X .

*De epistolis directis Alexandriam, Antiochiam, & Jerusalem.*

## E T   P R I M O

*De epistola ad Eulogium Episcopum Alexandrinum.*

*Can. 5. dist. 29.* Cum temporibus Gregorii Magni eo ambitus adductus fuisset Constantinopolitanus Episcopus, ut *universalem* se Patriarcham nominaret, viris optimis etiam orientalibus ausus hujusmodi statim improbatum fuit, inter ceteros Eulogio Alexandrino, qui novo nomini resistit, ratus nomen illud Romano tantum Pontifici convenire posse, quam ob rem ad Gregorium scribens, Gregorium eundem nomine *universalis Episcopi* adpellaverat. Gregorius, qui illud, tamquam ambiciosum vocabulum, in Constantinopolitano Antistite damnaverat, a se quoque rejiciendum prudentissime existimavit, proindeque ad Eulogium rescribens in epist. 30. lib. 7. in vulgari, & 30. lib. 8. in Maurina editione, significavit nec sibi nomen illud posse congruere, ne videretur ipse unus in Ecclesia Episcopatum gerere, aliosque Episcopos prorsus excludere. Refertur hæc sancti Pontificis sententia in canone 5. dist. 99., ubi post illa verba: *perdere cognosco*, hæc erunt adijcienda, quæ Gratianus omiserat: *meus namque honor est honor universalis Ecclesiæ: meus honor est fratrum, &c.* Non omitam præterea, quod animadverterunt Maurini Monachi, pro illis verbis *superbæ appellationis verbum* paullo aliter legi in nonnullis codicibus MSS., nimirum *superstitionis verbis*.

*De epistola ad Anastasium Episcopum Antiochenum.*

*G. J. N. 26. cau. 1. q. 1.* Anastasius Sinaita Junior Anastasio Magno in Antiochena sede successerat anno Domini 599., seditque annis novem usque ad septimum annum Imperii Phocæ, quo tempore exorto Antiochiæ civili bello, Judæi eundem Anastasium a sede dejectum, funeque pedibus alligatum per urbem, urbisque vias collisum seditissima morte affecerunt, quemadmodum refert Nicephorus lib. 18. cap. 43., quem tamen in eo lapsum viri eruditi animadverterunt, quod quæ Anastasio juniori contigerunt, Anastasio Magno jam a novem annis vita functo adtribuerit. Ad Anastasium Juniorem extat Gregorii epistola in vulgari editione 47. lib. 7. indict. 2., & 49. lib. 9. in Maurina, ubi Sanctus Pontifex cum eo gratulatur, quod rectam fidei professionem emisisset, quo pertinet canon 26. cau. 1. qu. 1., quem rei omnino diversæ accommodavit Gratianus, cujusque verba ita legenda erunt: *Prædicator autem egregius dicit: fundamentum aliud nemo potest ponere præter id, quod possum est, quod est Christus Jesus. Quisquis ergo cum dilectione Dei, & proximi fidei, quæ in Christo est, firmitatem tenet, eundem Jesum Christum Dei, & hominis filium apud se posuit fundamentum. Sperandum ergo est, quod ubi Christus fundamentum est, honorum quoque operum sequatur adificium.*

De

De epistola ad Anastasium Presbyterum  
Jerosolymitanum.

Ad Anastasium Presbyterum Jerosolymitanum scripta est Gregorii epistola 29. lib. 6. in vulgari, & 32. lib. 7. in Maurina editione. Præsidebat Anastasius monasterio cuidam, quod dicebatur *Neas*, ejusdemque occasione cum Jerosolymitano Episcopo controversiam passus est. Hanc causam discutiendam Gregorius voluit, unaque Anastasium moralibus præceptis instituit, quo pertinet canon 4. dist. 40., his verbis: *Tua itaque fraternitas quantum in charitate perfecta sit, scio; & quid omnipotentem Deum multum diligit, oportet, ut de proximo multum presumat. Non enim loca, vel ordines Creatori nostro nos proximos faciunt, sed ei nos, aut merita bona jungunt, aut mala disjungunt.*

Can. 4.  
dist. 40.

## De epistola ad Palladium Presbyterum de Monte Syna.

Palladius Presbyter de Monte Syna (mons hic est in Arabia Petrea excelsus, de quo frequens in sacris literis mentio habetur) de malorum hominum conviciis, quibus jamdiu lacebatur, contristatus apud Gregorium conquestus est, quem propterea Sanctus Pontifex consolari voluit in epistola, quæ in vulgari editione est 45. lib. 8., & 2. lib. 11. apud Maurinos. Ex ea apud Gratianum relatus est canon 55. cau. 11. quæst. 3., ubi pro verbis illis: *magnam tristitiam generare debet*, legendum erit: *magna tristitia generari debet*. Item in sequentibus verbis hæc legi debent: *quid enim, si homines laudent, & conscientia accuset? Aut quæ debet esse tristitia, si omnes accusent, & sola conscientia nos liberos demonstret? . . . dimitte stultos . . . nisi in pulverem . . . vocandi sunt, etiam ipsi tranquille . . . conspicias. Quia cum Domino . . . dicturus quippe cum ut cum omnibus pacem habeamus, &c.* Eadem hujus canonis verba leguntur in pseudo-epistola Sixti III. ad Orientales, de qua suo loco jam disserui.

Can. 55.  
cau. 11.  
quæst. 3.

## S E C T I O X X I.

## De aliis canonibus ex Regesto Gregorii laudatis.

Perperam inter Gregorinas epistolas in Regesto lib. 10. epistola 31. vulgari editionis adposita est quædam fidei professio, cui hic titulus ex veteribus MSS. codicibus adjectus exhibetur. *Promissio cujusdam Episcopi barresim suam anathematizantis, quam solvi fecit in nomine Domini Imperator Constantinopoli sub die 10. mensis Februarii indit. 5.* Professionis hujus tenor refertur apud Gratianum in canone 9. cau. 1. qu. 7., ubi tamen pro verbis illis *sed simulata reversus existimet*, spondeo sub ordinis mei causa . . . & salutem Dominorum, &c., ita legendum erit: *sed simulata reversus existimet sub ordinis mei casu spondeo, & anathematis . . . & salutem, gentiumque Illustrum Dominorum, &c.* Præterea post illa verba *Ecclesiæ Catholicæ*.

Can. 9.  
cau. 1.  
qu. 7.

Tom. III.

S

Abolicæ.

*tholicæ*, hæc subjicienda statim sunt: *ad quam Deo propitio sum reversus, & communione, &c.* Nunc pro verbis illis *Notario illi* legendum est *Notario meo*. Sufficit sane monumentum hoc legere, ut illico constet, non potuisse illud inter Gregorianas epistolas recenseri. Quamobrem eruditi Maurini Monachi ad calcem epistolarum Gregorianarum illud ipsum rejecerunt. Neque vero omni suspicione falsi vacuum esse potest ejusmodi monumentum, quod verosimile est a deceptore, quodam fuisse confictum, aut imprudenter a quodam Amanuensi inter opera Gregorii relatum. Scilicet ibi proponitur jusjurandum, cujus formula exprimitur *per genium* Imperatorum, quæ sane non erat in usu apud Christianos, cove minus penes Episcopos ad Fidem Catholicam revertentes. Tellis est Tertullianus in Apologetico cap. 32., & ad Scapulum cap. 2. ita scribens: *juramus non per genios Caesarum; nescitis genios dæmonas dici, &c.* Hæc observatio in causa fuit, cur quidam Collectores in hoc describendo fragmento abstinerint ab illis verbis *per genium*, quemadmodum inter ceteros abstinuit Gratianus. Verum cum hæc verba in codicibus MSS. optimæ notæ legi testentur Maurini Monachi, non est nobis adnitendum, ut illa omittamus; melius enim est apocrypha monumenta rejicere, quam purgare. Ceterum non omittam hoc in loco laudare viros eruditos, qui, ut hoc monumentum Gregorianæ ætati consonum redderent, arbitrati sunt, Episcopum, de quo ibidem agitur, fuisse Firminum Episcopum Histrix, qui schismaticis adhæserat in causa trium Capitulorum adversus definitiones quintæ Synodi Generalis. Is deinde a schismate reclusus in communionem ecclesiasticam receptus est, quemadmodum apertissime demonstrat idem Gregorius in epistola ad eundem, quæ est 33. lib. 12. in Maurina, & 38. lib. 10. in vulgari editione. Quamobrem si quis purgare potius, quam rejicere maluerit memoratum monumentum, non omnino rem inverosimilem arbitrabitur, quoties illud jusjurandum tribuerit Firmino Episcopo a schismate redeunti.

In canone 3. cau. 5. qu. 6. minime referuntur Gregorii verba, sed potius verba  
 Can. 3. Johannis Diaconi in lib. 4. cap. 31., quemadmodum recte observaverunt Correctores  
 cau. 5. Romani. Ait enim ille de Gregorio Magno: *Sicut convictum de crimine sine  
 qu. 6. vindicta canonica Gregorius neminem relinquebat, sic nimirum falsarium delatorem regula-  
 ri tramite puniebat; unde Anthemio Subdiacono scribens, ait, &c.* Post hæc describit Johannes Diaconus, quæ leguntur in epistola Gregorii ad Anthemium Subdiaconum in Campania, quæ est epistola 71. lib. 11. apud Maurinos, & 66. lib. 9. in vulgari editione, in ea præsertim parte, quæ de Subdiacono agitur calumniatore, qui scilicet Diaconum quendam falso de quibusdam criminibus accusaverat, post quæ ita prosequitur idem Johannes: *Idcirco Gregorius non probantem, quod ob-  
 jecerat, Subdiaconum officio jubet privari, quia juxta canonicas Patrum sententias, qui calumniam illatam non probat, pœnam debet incurere, quam si probasset, reus usque sustineret, ac per hoc quia Subdiaconus crimen Diacono probare non potuit, quoniam impositionem manus, qua cavere potuisset, non habuit, non sacerdotio, sed officio caruit.* Cetera, quæ sequuntur apud Johannem, eadem sunt, quæ Gratianus retulit in memorato canone 3., ubi ex iis, quæ nuper descripsi, nonnulla supersunt emendanda. Itaque hoc in loco statuitur, Subdiaconum calumniatorem non solum esse privandum Subdiaconatus officio, sed & effici infamem, immo & verberibus puniendum esse, quod ut clarius explicetur, omisis iis, quæ veteres leges de calumniatoribus præscripserant, animadvertendum est, tempore Gregorii invaluisse legem  
 Impe-



Imperatoris Justiniani, quæ habetur in Novella 123. cap. 20., ubi cautum est, Presbyteros, & Diaconos falsum testimonium perhibentes in causa pecuniaria pro verberibus tribus annis separari a sacro ministerio, & monasteriis tradi, quæ verba sane supponunt generatim obtinuisse, ut qui falsum testimonium tulissent, flagris publice vapularent, ac propterea infamia etiam notarentur, singulari autem jure in Presbyteris, ac Diaconis, ubi causa pecuniaria versaretur, ut pœnam subirent suspensionis a ministerio, ac monasteriis traderentur; ubi vero causa criminalis esset, voluit Justinianus Presbyteros æque, ac Diaconos calumniatores pœnis legitimis subjacere. Quoad ministros inferiores statuit idem Imperator, in omni causa sive pecuniaria, sive criminali, eos non solum ecclesiastico officio repelli, sed etiam verberibus subdi. Hanc itaque Justiniani Constitutionem piz oculis habens Gregorius in epistola ad Anthemium, ubi proposita est causa cujusdam Subdiaconi calumniatoris, scripsit, non esse illum ab ea legitima pœna eximendum, ac propterea jure subijci verberibus, unde infamis redderetur, quæ sine pœna ibidem dicitur valde conveniens, ex eo præsertim, quod juris esset ordinarii, ut calumniatores talionis pœna punirentur. Cum vero Subdiaconus adversus Diaconum calumnia reus non posset parem pœnam subire, quia Diaconus de crimine convictus a sacra ordinatione, manusque impositione deponendus esset, Subdiaconus contra post agnitam calumniam non posset tali pœna adfici, quia nullam manu impositionem receperat; hinc Gregorius voluit, exasperandam fuisse Subdiaconorum calumniarum pœnam, ut contra ipsos officii depositio non sufficeret, sed præterea infligeretur pœna flagrorum, unde etiam infamia proficisceretur.

Quærant sollicite Romani Corredores, quis auctor fuerit canonis 3. cau. 1. qu. 1., quem in Gregoriano Regeito se minime reperisse protestantur. Similia propemodum adferunt legi in Regeito Gregori VII., in pluribus etiam Conciliis, uno & eadem fere verba laudari apud Gratianum nomine Paschalis II. in canone 14. cau. 1. qu. 3. Verum quæ in memoratis locis sententia describitur, toti fere antiquitati ecclesiasticæ communis esse videtur; scilicet nihil vulgatus est in sacris Conciliis, quam simoniacos tum dantes, tum suscipientes sacra ministeria gradus sui dejectione damnari, quemadmodum sunt antiquissima fragmenta in Concilio Chalcedouensi can. 2., item canone 30. ex iis, qui vulgo Apostolici vocantur. Apud ipsum vero Gregorium Magnum similis habetur sententia tum in canone 3. cau. 1. qu. 6., tum etiam in lib. 1. homilia 17. in Evangelia num. 13. ibi: *Sacri canones simoniacam heresim damnant, & eos privari sacerdotio præcipiunt, qui de largiendis ordinibus pretium querunt. Cathedra ergo vententium columbas evertitur, quando hi, qui spiritalem gratiam venunt, vel ante humanos, vel ante Dei oculos sacerdotio privantur.* Ceterum facile est causam agnoscere, quare recentior sacrorum canonum Collector eadem Patrum vetustorum verba adferre noluerit, sed aliis verbis sententiam eorundem ornaverit: agnoscebat quippe mutatam in sacris ordinationibus disciplinam. Olim obtinebat, ut Clerici in vim sacræ ordinationis Ecclesiæ assignarentur, cum nulla ordinatio fieret sine beneficio, idest sine officio singulari in certa Ecclesia demandato; quomobrem ordinatio sacra a beneficii collatione minime distinguebatur; sufficiebat interea tunc prohibere simoniacas ordinationes, ut prohibita quoque censeretur simoniaca Ecclesiarum, reddituumque ecclesiasticorum concessio: sufficiebat tunc Clericum Ecclesiæ privari, ut clericatus quoque sui honore privatus intelligeretur. At posteriore ætate ubi ordinatio sacra ab Ecclesiæ collatione

distincta est, & distincta quoque privatio Ecclesiæ, seu beneficii a privatione clericalis honoris, recentiores Collectores e re esse duxerunt, veterum Patrum sententiam juxta disciplinam recentiorum referre, ac receptis suorum temporum moribus accommodare. Hinc quod dicitur in memorato canone 3., Presbyterum per pecuniam ordinatum & Ecclesiæ, & Sacerdotii honore privandum, minime quidem conveniret quoad formulæ expressionem Gregorii Magni temporibus, sed potius congruit Gregorio simplicior sententia, juxta quam Ecclesiæ ministerium ab exercitatione ordinis non secernatur. At Collector, qui Gregorianam sententiam voluit recentiori disciplinæ accommodare, ejus verba immutavit ad novam disciplinam exhibendam efformata, in quibus tamen intima adhuc ejusdem Gregorii sententia dignosceretur.

*Can. 115.* Laudatur etiam quasi ex Gregoriano Regesto depromptus canon 115. cau. 1. qu. 1., cujus tamen verba apud Gregorium non leguntur, quamquam sæpe, ac sæpius inter Gregorianas sententias nonnihil simile inveniamur, ubi Sanctus Pontifex gravissimum simoniz crimen detestatus est; cujus rei argumento esse possunt nonnulla ejusdem Papæ monumenta, quæ apud Gratianum leguntur sparsa in cau. 1. qu. 1. Verosimile igitur est, aut Gratianum, aut quemcunque alium Collectorem, qui Gratiano auctor extitit, aliis verbis voluisse exornare Gregorii Magni sententias, & palam edere ita exornatas, quemadmodum in hoc canone 115. exprimuntur. Nisi fortasse quispiam maluerit hæc ad Gregorii VII. monumenta referre, cujus ætate simoniacorum hæresis quam latissime grassabatur, & apud quem numero plurima capita sunt adversus simoniacos scripta; immo & quæ in hoc canone deferuntur cum depravata ejus temporis disciplina consonare videntur; & ejusdem canonis sententia integra propemodum continetur imer canones Concilii Romani I. sub eodem Gregorio VII. celebrati.

*Can. 63.* Falso etiam ex Gregoriano Regesto laudatur canon 63. cau. 11. qu. 3., qui potius laudandus erat ex Simplicio Papa, cujus nomine eadem verba leguntur in *can. 11.* canone 7. dist. 74., ad quem propterea canon 63. erit ab accurato Interprete exigendus. Quare vero Gratianus Simplicii monumentum Regesto Gregoriano adtribuerit, ego ex eo arbitror profluxisse, quod epistola Simplicii, ex qua idem fragmentum decerptum est, inscripta fuisset ad Johannem Ravennatensem Episcopum. Cum autem ad alium Johannem Episcopum Ravennatensem plures scriptæ essent epistolæ in Regesto Gregoriano, hinc oriri potuit Collectoris erratum, qui utraque epistolas tum Simplicii, tum Gregorii sine ullo discrimine ex imprudentia confuderit.

*Can. 1.* Quæ apud Gratianum tamquam ex Gregorii Regesto referuntur in canone 1. *can. 35.* cau. 35. qu. 8. animadverterunt Viri eruditi ex pluribus aliorum auctorum lacinis conspurcinata fuisse. Ceterum quæ ibidem de conjugii post septimum tantummodo consanguinitatis gradum contrahendis dicuntur, non possunt ullo modo Gregorii temporibus convenire, quemadmodum demonstratum est ad canonem 2. cau. 35. qu. 8. Ideo vero Gregorio tributa fuerunt, quod persuasum nonnullis fuerit, vere germanas epistolas Gregorii esse, quarum una ad Felicem Messanensem, altera ad Augustinum Anglorum scripta ferebatur, in quibus similia quædam continentur. Atque non heic constitit auctor hujus canonis; nam in versiculo *de his, qui post mortuas* aliqua etiam adjecit de quatuor gradibus adfinitatis servandis, de quibus nullibi sermonem Gregorius habuit, immo nec sermonem habuit auctor episto-

epistolarum Gregorio tributarum sive ad Felicem Messanensem, sive ad Augustinum Anglorum.

Quicumque verba canonis 39. cau. 16. qu. 1. ex Gregorii Regesto laudati consideraverit, statim agnoscat Collectorem, sive Gratianus ille sit, sive alius quicumque, qui Gratiano auctor extitit, integra Gregorii verba non exhibuisse. Quid enim est, quod Gratianus initio profiteatur, se ipsa verba referre Regesti Gregoriani, deinde quasi historicus stylo suo enarrat, quid in Gregoriana epistola contineatur? Itaque e re esse censeo, ut hæc Gratiani involucri dissolvantur. Quæ ibi laudantur, excerpta sunt ex epistola Gregorii ad Senatorem Presbyterum, & Abbatem, quæ in vulgari editione est 10. lib. 11., ubi sermo est de quodam Xenodochio in Augustodunensi Civitate apud Gallos a Syagrio ejusdem Urbis Episcopo, item a Brunichilde Galliarum Regina constructo, in quo Monachi sub Abbate regularem vitam ducebant. Eidem monasterio quædam privilegia concessit Sanctus Pontifex ita scribens: *Constituimus, ut obeunte Abbate, Presbyteroque superscripti Xenodochii, atque Monasterii non alius ibi quacumque obreptionis astutia ordinetur, nisi quem Rex ejusdem Provinciæ cum consensu Monachorum secundum amorem Dei elegerit, ac providerit ordinandum.* Et paulo post: *Simili quoque definitione juxta desiderium Conditorum decernimus, ut nullus eorum, qui eidem Xenodochio, atque Monasterio Abbas in posterum fuit ordinatus, ad Episcopatus officium quacumque obreptione sit ausus accedere, ne res Xenodochii, vel Monasterii iniqua erogatione consumens gravissimam egestatis necessitatem pauperibus, ac peregrinis, vel ceteris exinde viventibus generet.* Hæc est germana, integraque Sancti Pontificis sententia: quæ vero in memorato Gratiani fragmento subjiciuntur, ut indicetur, contineri in his privilegium singulare, quod ad ceteros extendi non possit, purum, putumque continent aut Collectoris, aut alterius cujuscumque Scriptoris additamentum.

## SECTIO XXII.

*De Canonibus sub nomine Decreti Gregoriani laudatis.*

De Decreto, seu epistola ad Episcopos omnes.

Ad omnes Episcopos scribens exhibetur Gregorius in canone 1. dist. 89., cujus canonis verba in editis Gregorii operibus minime reperiuntur: attamen similia Gregorio, dum viveret, pronunciata fuisse, historicus refert, nimirum Iohannes Diaconus in vita Gregorii cap. 54. his verbis: *Singula ecclesiastici juris officia singulis quibusque personis singillatim committi debere jubebas, asserens, quia sicut in uno corpore multa membra habemus, &c., quemadmodum leguntur in memorato Gratiani fragmento.* Quæ sane Gregorii dicta cum opportune ad rem suam laudari possent, Collector agnosceret, ea sub Gregorii nomine ad omnes Episcopos scribentis rite laudari potuisse arbitratus est. Præterea animadverto, similem propemodum sententiam legi apud S. Augustinum in enarratione in psalmum 32. his verbis: *Qui finxit singillatim corda eorum: manu gratiæ suæ, manu misericordiæ suæ finxit corda, psalmavit corda nostra, finxit singillatim, singula quæque datus nobis, quæ tamen non*  
divi-

dirimant varietatem. Quomodo singillatim membra formata sunt, omnia singillatim habent opera sua, & tamen in unitate corporis vivunt, manus facit quod oculus non facit, auris id valet, quod nec oculus, nec manus valet, omnia tamen unitatem operantur, & manus, & oculus, & auris diversa faciunt, nec sibi adversantur; sic & in Christi corpore singuli homines, tamquam membra singula, donis suis gaudent, quia ille, qui eligit populum in hereditatem sibi, finxit singillatim corda eorum. Numquid enim omnes Apostoli? Numquid omnes Prophetæ? Numquid omnes Doctores? Numquid omnes dona habent sanitatum? Numquid omnes linguis loquuntur? Numquid omnes interpretantur? Alii quidem per Spiritum datur sermo sapientiæ, alii sermo scientiæ, alii fides secundum eundem Spiritum, alii dona curationum. Quare? quia finxit singillatim corda eorum. Quomodo autem in membris nostris diversa sunt opera, sed sanitas una; sic in omnibus membris divisa munera, sed caritas una.

Gregorii etiam nomine ad omnes Episcopos scribentis refertur canon 11. cau. 2. cau. 2. qu. 6., verum jam liquet Eruditius universis, eundem pertinere potius ad Gregorium IV., quamobrem inferius suo loco tamquam commodiore de illo sermo instituetur.

Ad calcem Gregorianarum epistolarum in editione Maurinorum describuntur acta quædam Concilii Romani tertii nuncupati, atque anno 601. celebrati favore Monachorum, in quo decretum huiusmodi legitur non satis recte descriptum. apud Gratianum in canone 5. cau. 18. qu. 2. Gregorius Episcopus servus servorum Dei omnibus Episcopis. Quam sit necessarium Monachorum quieti prospicere, & eorum perpetua securitate trahere, antea cum nos effecimus, quod in regimine monasterii exhibuimus, informas. Et quia in plurimis monasteriis multa a præsulibus præjudicia, atque gravamina Monachis pertulisse cognovimus, oportet, ut Fraternitatis vestre prævisio eorum de futuro quietem salubri ordinatione disponat, quatenus conversantes illie in Dei servitio ipsius quoque gratia suffragante mente libera perseverent. Sed ne ex ea, quæ magis emendanda est, consuetudine quicquam Monachis quidquam molestiæ præsumas inferre, necesse est, ut hæc, quæ inferius enumerare curavimus, ita Fraternitatis studio Episcopi debeant custodire, ut ex eis non possit ulterius inferenda inquietudinis occasio reperiri. Interdicimus igitur in nomine Domini nostri Jesu Christi, & ex auctoritate B. Petri Apostolorum Principis, cuius vice huic Ecclesiæ præsidemus, prohibemus, ut nullus Episcopus, aut secularium ultra præsumas de redditibus, vel rebus, vel chartis monasteriorum, vel de cellis, vel villis, quæ ad ea pertinent, quocumque modo, vel qualibet occasione minuere, vel dolos, vel immisiones aliquas facere. Siqua causa forte inter terram venientem ad partem suarum Ecclesiarum, & monasteriorum evenerit, & pacifice non potueris ordinari, apud electos Abbates, & alios patres timentes Dominum sine voluntaria dilatione (Franciscus Florens in cap. auditis de prescriptionibus in cap. 2. pro his posterioribus verbis ita potius monet legendum esse: sed si qua forte causa inter Ravennatensem Ecclesiam, & prædictum monasterium evenerit, & pacifice non potueris ordinari, apud electos a partibus timentes Deum sine voluntaria dilatione, &c.) mediis sacrosanctis Evangeliiis finiatur. Desundo autem Abbate cuiusque congregationis non extraneus eligatur, nisi de eadem congregatione, quem sibi propria voluntate concursu fratrum societas elegerit, & qui electus fuerit sine dolo, vel venalitate aliqua ordinetur. Quid si aptam inter se personam invenire nequeant, solerter sibi curent de aliis monasteriis similiter ordinandum. Neque constituto Abbate quæcumque persona qualibet occasione præponatur, nisi forte extantibus, quod absit, criminibus, quæ sacri canones punire monstrantur.

tur. Partiter autem custodiendum est, ut invito Abbate ad ordinanda alia monasteria, aut ad ordines sacros, vel clericatus officium tolli exinde Monachi non debeant. Descriptions vero rerum, & chartarum monasterii ab Episcopo ecclesiasticas fieri omnino vitamus, sed quando res exigit, Abbas loci cum aliis fratribus causas rerum inventarum faciat, & eorum consilio, & iudicio finiantur. Obeunte quoque Abbate Episcopus in describendis, providendisque rebus monasterii adquisitis, vel dactis perquirendis nulloatenus se permisceat. Missas quoque publicas ab eo in Carnobio fieri omnino prohibemus, ne in servorum Dei recessibus, & eorum receptaculis ulla popularis præbeatur occasio conventus, vel mulierum fiat novus introitus, quod omnino nec expedit animabus eorum. Neque audeat ibi cathedram collocare, vel quantamlibet potestatem habere imperandi, nec aliquam ordinationem, quamvis levissimam, faciendi, nisi ab Abbate loci fueris rogatus, quatenus Monachi semper maneant in Abbatum suorum potestate; nullumque Monachum sine testimonio, vel concessione Abbatis in aliqua Ecclesia teneat, vel ad aliquem promoveat honorem. Hanc ergo scriptorum nostrorum paginam omni futuro tempore ab omnibus Episcopis firmam statuimus, illibatamque servari, ut & sua Ecclesia juvante Domino tantummodo jure contenti, & monasteria ecclesiastica conditionibus, seu angariis, vel quibuscumque obsequiis secularibus nullo modo subiaceant, nullis canonicis jurebus deserviant, sed remotis vexationibus in cunctis gravaminibus diurnum opus cum summa animi devotione perficiant. Universi Episcopi responde: libertati monasteriorum congaudemus, & que nunc de his statuit Beatitudo vestra, firmamus. Post hæc sequuntur subscriptiones plurium Episcoporum Romanæ Provinciæ. Verum jamdiu animadverterunt viri eruditissimi, hæc, ac similia privilegia vetustissimis Pontificibus adtributa proditiisse demum recentiore ætate a Monachis ipsis conficta; atque evulgata. Fateor quidem ego, apud sanctum Gregorium legi aliquando Episcopis interdictum, ne in monasteriis ecclesiasticas functiones publicas exercerent, ac forte ob celebrem populi frequentiam quies Monachorum in oratione, ac fletu consensitium turbaretur. Verum omnimoda Monachorum exemptio ab Episcopali jurisdictione temporibus magni Gregorii est prorsus incognita. Quis enim nesciat, usque ad sæculum undecimum, aut duodecimum Monachos ipsos Episcoporum jurisdictioni adhuc fuisse obnoxios, quemadmodum omnia propemodum illius temporis ecclesiastica monumenta testantur? Testis sit inter ceteros Ivo Carnotensis Episcopus, qui sub finem undecimi sæculi floruit, & quidem vir ecclesiasticæ disciplinæ peritissimus: ipse in epistola 65. ad Urbanum II. conquestus est de quodam Abbate in Diocesi Parisiensi constituto, qui nova inauditaque præsumptione, immunem se ab jurisdictione Parisiensis Episcopi prædicabat, ibi: *Præterea summopere rogamus excellentiam vestram, ut eum munitum Apostolicis literis remittatis contra Latiniacensem Abbatem, & Monachos ejus, qui nescio qua nova libertate suos excessus taceant, & subjectionem Parisiensi Ecclesiæ debitam, & hæcenus exhibitam contra canonicam institutionem de cervice sua excutere moliantur.* Hæc autem personæ hujusmodi sunt, quibus magis necessaria est subiectio, quam libertas, &c. Testis quoque egregius erit sanctus Bernardus, qui initio 12. sæculi floruit. Ipse in suis epistolis spississime, ac præsertim epistola 42., 179., & 180. Iugiter plurimos ex Abbatibus, ac Monachis novo quodam in vecto jure libertatem abs jurisdictione sacrorum Antistitum appetuisse. Quæ sane aperitissime demonstrant, sæculo demum XI., aut XII. Monachos conatos fuisse ad libertatem, quæ tamen adhuc nova, atque, infecta virtus sanctissimis, ac præstantissimis videbatur. Sane nullum non moverunt lapidem

lapidem Monachi plures, ut hæc nova exemptionis jura producerent, varia quasi veterum patrum monumenta edendo, falsa etiam plurima, & ab ipsis elucubrata, quorum propterea aliquot a summis Pontificibus ob falsitatis vitium reprobata intelligimus tum apud Gregorium VII. in epistola 33., tum apud Innocentium III. in cap. 6. de fide instrumentorum. Ad rem hanc ita scribit Franciscus Juretus in notis ad epistolam 65. Ivonis Carnotensis. *Extat insignis, & memoratu digna historia super contentione Monachorum B. Walerici, qui commentitia finxerunt privilegia cujusdam Romani Pontificis, quæ non potuit illos palam exhibere, & jactare in celebri conventu Rheimensi, ut scilicet comprobarent, nulli se subiectos, nisi Romano Pontifici. Quorum fraudem detexit Godefridus Episcopus Ambianensis, cum veste abstergeret atramentum scripturæ recentis. Similia fere tradidit Cantuariensis Archiepiscopus in epistola 68. apud Petrum Blezensem relata apud Florentem in cap. auditis de præscriptionibus cap. 2. ibi: falsariorum præstigiola malitia ita in Episcoporum contumeliam se armavit, ut falsitas in omnium fere monasteriorum exemptione prævaleat, nisi in decisionibus, & examinationibus faciendis iudex veritatis exactor diffidissimus intercedat. Quamobrem non temere concludere quispiam poterit, laudatum Concilium Gregorio Magno adtributum a falsariis quibusdam Monachis fuisse confectum, vel quod perspicue liqueat, Monachos ipsos hujusmodi exemptionum privilegia fingere consuevisse, vel quod post Gregorii Magni ætatem diu adhuc viguerit in Monachos Episcoporum potestas, ac jurisdictio, vel demum quod ejusdem Romani Concilii falsitatis sit gravissima conjectura in subscriptionibus Episcoporum, qui iidem omnino sunt cum Episcopis, qui germanis aliis Gregorii Concilii subscripserant; quas subscriptiones imitari vulgare fuit falsariis scriptoribus, quemadmodum animadvertit in nuper memorato loco vir eruditissimus Franciscus Florens.*

## De Concilio Generali sub nomine Gregorii.

In editis Gregorii monumentis post epistolarum libros leguntur Decreta quædam sub nomine Romani Concilii a Gregorio eodem celebrati, imperante Mauritio Tiberio, necnon Theodosio, indiçione 14., quemadmodum habent editi codices numero plures, aut indiçione 13., uti legitur in veteribus MSS. De horum Decretorum fide, atque auctoritate dubitant Viri gravissimi ex eo, quod in vetustissimis plurimis MSS. desiderentur. Verum meo judicio, cum testantibus Maurinis Monachis solertissimis Gregorianorum operum investigatoribus, adpareant in aliis, & quidem non paucis codicibus, non est cur ea una de causa rejiciantur, præsertim vero quod eorundem meminerit Beda in lib. 11. Historiæ cap. 1., ubi hæc ipsa Decreta appellat *Libellum synodicum, quem Gregorius cum Episcopis de necessariis Ecclesiæ causis utilissimum composuit*; præsertim etiam quod de eodem Concilio, ac Decretis conciliaribus mentionem fecerit ipse Gregorius in epistola 57. lib. 5. apud Maurinos, seu 55. lib. 4. in vulgari editione scripta ad Johannem Corinthium, his verbis: *Quod quoniam incongruum erat falso Concilio ante corpus B. Petri Apostolorum Principis tam de hoc, (nimirum de pallio) quam de ordinationibus aliquid accipere sub distilla interdictione vetuimus.* Initio actorum hujus Concilii leguntur verba canonis 2. dist. 92. ibi: *In sancta Romana Ecclesia, cui Divina dispensatio præ-*  
esse

Can. 2.  
dist. 92.

*esse me voluit, &c.* Pro illis Gratiani verbis, *vel si necessitas exigit*, in editis Gregorij codicibus legitur: *vel si necessitas fuerit*. Animadverterunt Maurini Monachi Gregorianorum operum Editores, hoc primum Decretum in quibusdam MSS. Codicibus, in quibus etiam cetera Decreta leguntur, desiderari; atque inter alios retulerunt Codicem Cappuccinorum Rothomagensium, in quo assenserunt, caput illud non haberi. Ceterum hocce Decretum Sancto Gregorio jure tribuendum esse præter pleraque MSS., immo fere omnia illud exhibentia, singularis conjectura edocet; quippe scimus, S. Gregorium peculiare ecclesiastici canius regulas præstitisse, uti refert Johannes Romanæ Ecclesiæ Diaconus, qui circa annum 875. ejusdem Gregorii vitam scripsit, in lib. 2. cap. 6. ita de eodem Pontifice narrans: *Deinde in domo Domini more sapientissimi Salomonis propter musicæ compunctionem dulcedinis antiphonarum centonem Cantorum studiosissimus nimis utiliter compilavit, scholam quoque Cantorum, quæ hactenus eisdem institutionibus in sancta Romana Ecclesia modulatur, constituit*. Addit idem Johannes, suo tempore adhuc in Romana Ecclesia adservatum fuisse authenticum Magni Gregorii Antiphonarium. Itaque inverosimile non est, Gregorium, qui scholam Cantorum in Ecclesia constituerat, prohibuisse Diaconis, ne canui ipsi incumberent, sed potius Divinæ prædicationi, & eleemosynarum ministeriis, quibus ex officio potissimum addicebantur, vacarent, quemadmodum ex eodem canone 2. adparet.

In capite 2. ejusdem Concilii legitur canon 38. cau. 2. qu. 7. his verbis: *Verendum mos tempore indiscretionis inolevit, ut hujus Sedis Pontificibus ad secreta cubiculi servitia laici pueri, ac seculares obsequantur, & cum Pastoris vita esse discipulis semper debeat in exemplo, plerumque Clerici, qualis in secreto sit vita sui Pontificis nesciant, quam tamen, ut dictum est, pueri sciunt seculares*. De qua re præsentis Decreto constituto, &c. Hæc sane congruunt Gregorii Magni sententiæ, quam fuisse hujusmodi, ut lateri Pontificum non laici homines, sed Clerici assidue aditarent, superius observatum est ad canonem 1. dist. 53. Hinc Johannes Diaconus lib. 2. cap. 11. ita scribit: *Cæterum prudentissimus Rector Gregorius remotis a suo cubiculo secularibus Clericorum sibi prudentissimos consiliarios, familiaresque delegit, inter quos Petrum Diaconum coætaneum suum, cum quo postea disputans quatuor Dialogorum libros composuit. Et paullo inferius: Monachorum vero sanctissimos sibi familiares elegit, inter quos Maximianum Monasterii sui Abbatem, quem postea Syracusis Episcopum fecit, eique per Siliam vices suas commisit, Augustinum ejusdem Monasterii sui Præpositum, & Mellitum, per quos Anglorum gentes ad Christianismi gratiam convocavit*.

Sequitur post hæc in capite 3. ejusdem Concilii canon 1. cau. 16. qu. 6., ubi tamen pro illis verbis, *Decreto constituto*, legendum est: *Decreto constituto*. Ad cujus canonis interpretationem observandum est, morem fuisse apud veteres in bonis ad Fiscum devolvis titulos Imperatoris imponendi, sive illa urbana prædia essent, sive rustica, unde fieret, ut cum titulum unusquisque legeret, conterritus potentia nominis ab invasione abstinere, quemadmodum deducitur ex Cassiodoro lib. 4. variarum epist. 14., lib. 5. epist. 6., & lib. 9. epist. 18., quibus addi potest lex 3. Cod. de bonis vacantibus. Hi porro tituli solemniter, & judiciali auctoritate coram testibus infigebantur, ac nemo alius simile quidpiam in prædiis suis facere poterat, non solum suum, sed neque alicujus potentioris nomen inscribendo, ita ut, qui id molitus esset, poenis gravissimis coerceretur, uti dicitur apud Cassiodorum in laudata epistola 18., & novella Justiniani 30. cap. 8., item lege

Can. 38.  
cau. 2.  
qu. 7.

Can. 1.  
cau. 16.  
qu. 6.

1., & 2. Cod. ut nemo privatus titulos prædiis suis, &c. Ad illum morem titulorum prædiis fiscalibus adfigendorum adludens Augustinus in expositione epistolæ Johannis tract. 7. ait: *Recedite prædones, recedite invasores possessionis Christi. In possessionibus vestris, ubi dominari vultis, titulos omnipotentis Dei ausi estis infringere: Cognoscite ille titulos suos; vindicat sibi possessionem suam, non delet titulos, sed intrat, & possidet. Sic ad catholicam venienti non deletur baptisumus, ne titulus Imperatoris deleatur.* Impositis semel hujusmodi titulis, si quis res ita munitas invasisset, statim, & sine ullo judiciario ordine gravissimis poenis subdebatur. Hinc Viri ecclesiastici, ut melius ecclesiastica prædia tuerentur quasi Divino juri mancipata, coeperunt & illis imponere titulos, quibus ea Divini juris esse significarent. Et primo quidem id factum in sacris Templis jam ab antiquissima ætate, unde evenit, ut in vetustis canonibus Tempia ipsa tituli appellarentur, & Clerici Templis addicti titulati. A sacris Templis tituli quoque producti sunt ætate Gregorii Magni ad illa prædia, quæ Ecclesia ob alimenta Clericis, aut pauperibus suppeditanda possideret. Aliquot ex ecclesiasticis administris occasione arrepta non solum titulos adponebant prædiis illis, quæ certo essent in jure Ecclesiæ, sed etiam adposuerunt aliquando in iis, quæ pertinere ad Ecclesiam ex quibuscumque conjecturis suspicabantur, & quidem facto proprio, non jure, sed manibus sibi & Ecclesiis possessiones, & prædia adferentes. Hinc Gregorius prudentissime statuit, ne hujusmodi titulorum impositio in una Rectorum ecclesiasticorum potestate consisteret, sed antequam ad illam deveniretur, cognosceretur de causa, certoque constaret, de prædiis ecclesiasticis agi.

Can. 4.  
cau. 1.  
qu. 2.

Simoniacam hæresim tempore Gregorii Magni plurimorum Clericorum animos polluisse dignoscimus abunde ex variis jam superius expositis ejusdem Papæ monumentis. Hinc opus Sanctus Pontifex existimavit, ut in eodem Romano Concilio quædam adversus simoniacos constitueret. Habentur hæc apud Gratianum in can. 4. cau. 1. qu. 2., cujus postrema verba ita legenda erunt juxta codices optimos: *Quæ ex accipientis ambitu non processit.*

Can. 23.  
dist. 54.

Postremus Gregoriani Concilii canon legitur in can. 23. dist. 54. Nimirum tunc temporis cum vita monastica apud homines impenso studio coleretur multi ex servis sive Ecclesiæ, sive privatorum dominio mancipatis ad regularis, seu claustralis vitæ professionem contendebant, hinc vel ab Ecclesiâ, vel a privatis ipsis dominis pietatis, ac religionis causa facile manumittebantur. Poterant hæc dominorum liberalitate abuti plures, quos non solitaria vitæ, sed potius consequendæ libertatis amor ad vitam monasticam concitabat. Prudentissime Gregorius decrevit, ut illi primum laico adhuc habitu induti probarentur. Idipsum visum fuit opportunum in militibus, hinc autem Gregoriani Concilii canon de servis æque, ac de militibus conceptum fuit. Verumtamen animadvertere juvabit in veteribus MSS. diversam omnino esse canonis editionem. Nam in prioribus verbis, ubi Gratianus legit: *Multos de ecclesiastica familia, seu seculari militia novimus, &c.*, in veteribus laudatis codicibus ita habetur: *Multos de ecclesiastica, seu seculari familia novimus, &c.*, ex quibus liquet, de militia nullam ibidem fieri mentionem. Forte pro scriptura Gratiani codicis anteferenda aliquid probare poterunt verba illa posteriora etiam de militia concepta, ibi: *Ut quisquis ex juris ecclesiastici, vel secularis militiæ servitute, &c.* Pro illis Gratiani verbis: *Qui Divino amore distriorem subire appetit servitutem*, legendum potius erit: *Qui in Divino obsequio distriorem appetit servitutem.* Quæ porro sequuntur in versiculo *Si autem* usque in finem in MSS. Codicibus.



Codicibus vetustis desiderantur, quemadmodum Maurini Monachi observaverunt, eaque propterea censenda erunt velut otiosi cujuspiam additamentum.

## De canone 1. cau. 35. qu. 2. sub nomine Gregorii in Concilio Meldensi.

Nemo non videt, inscriptionem canonis 1. cau. 35. qu. 2. nullo modo consistere posse, dum exhibetur: *Gregorius Papa in Concilio Meldensi*; quum Concilium Meldense celebratum fuerit medio octavo seculo, & Gregorius vixerit sub finem sexti seculi. Quenam fuerint causæ, ex quibus hæc apud Gratianum inscriptio adjiceretur, jam alibi animadverti, videlicet in priore hujus operis parte in appendice ad Concilium Meldense, ubi etiam illa monumenta relata sunt, ad quæ Gratianus ille canon exigeretur. Interea hoc in loco sufficiat observare, quæ ibidem traduntur congruere nullo modo posse sententiis Gregorii Magni, quemadmodum demonstrari commode potest ex iis, quæ superius tradita sunt ad canonem 2. cau. 35. qu. 8.

## S E C T I O X X I I I.

### *De Capitibus depromtis ex Libris Moralium, seu Commentariorum in Job.*

Refert Beda in cap. 1. lib. 2. Historiz Anglorum, Gregorium Magnum jam ab eo tempore, quo in Constantinopolitana Urbe apud Imperatorem Apocryfarii munere fungebatur, adortum fuisse librum Commentariorum in Job, quem ob moralis vitæ institutionem ibidem traditam librum Moralium appellavit; quod etiam constat ex præfatione ejusdem Grægorii ad Leandrum Episcopum Hispalensem libro ipsi præfixam: Quippe Gregorius, rogante potissimum Leandro familiarissimo suo, eundem librum jam Romanus Pontifex factus perfecit, atque ad Leandrum misit, multorum sane opus annorum, ut proinde habeatur tamquam præcellens inter Gregoriana opera monumentum. Enimvero statim ac opus illud prodiiit, in maxima veneratione fuit apud Viros ecclesiasticos, qui illud suo adhuc vivente auctore inter ecclesiasticas Homilias Divinorum officiorum recitari curarunt; licet ægre id Gregorius tulerit, qui proinde in epistola 24. lib. 12. ad Johannem Ravennæ Subdiaconum ita scripsit: *Illud autem, quod ad me quorundam relatione perlatum est, quia Reverendissimus Frater, & Coepiscopus noster Marinianus legi commenta B. Job publice ad vigilas faciat, non grate suscepi, quia non est illud opus popolare, & rudibus auditoribus impediens magis, quam provectum generaret. Sed dic ei, ut commenta Psalmorum legi ad vigilas faciat.* Meminerunt cum laude hujus libri Johannes Diaconus lib. 1. cap. 17., Isidorus Hispalensis in lib. de Scriptoribus ecclesiasticis cap. 27., Ado Viennensis in Chronico ætatis 6., & Johannes Trithemius in libro de Scriptoribus ecclesiasticis. De hujus operis distributione ita Gregorius ipse scribit in epistola ad Leandrum: *Opus hoc per 35. volumina extensum in sex codicibus explevi.* Editi codices Gregoriani adhuc in præsentia exhibent partitionem in triginta & quinque volumina, sed in ipsis nullum sex codicum veltigium agnoscitur, quam tamen sex codicum partitionem Maurini Monachi in veteribus MSS. agnoverunt, & in sua editione retinendam voluerunt, una animadvertentes, Gregorium nullam fecisse capi-

tum divisionem, sed hanc potius, qualis in editis codicibus hodie adparet, factam fuisse post annum 1000. tempore Henrici II. Imperatoris a Rainerio Ecclesiaz Arethuz Canonico. Hodie juxta varias editiones varia quoque est capitum distributio. Vulgo traditum est, hos morales libros deperditos olim fuisse ex eo, quod invidentes Gregorii adversarii plurimos ejusdem Pontificis codices ex odio concremaverint, quod testatur Johannes Diaconus, deinde vero prodigiose fuisse repertos in Templo Romano, ubi cuidam exoranti Gregorius adparuerit, librosque hujusmodi palam fecerit. Verum Eruditi omnes hanc puram esse, putamque fabellam jam sibi facile persuaserunt.

Can. 13.  
dist. 38.

Huic igitur operi præfigitur veluti prologus epistola ad Leandrum Episcopum Hispalensem, & Sancti Isidori Prædecessorem, in qua operis sui propositum auctor explanat. Nimirum Leander Gregorio in amicis familiariter junctus, ut dicitur in lib. 3. Dialogorum cap. 31., petierat hoc opus Moralium ad se mitti, cui Gregorius morem gessit, ut ipse testatur in epistola ad eundem Leandrum, quæ est 41. in lib. 1. Regedi, ibi: *Ea autem, quæ in B. Job expositione dicta fuerint, & vobis dirigenda scribitis, quia hæc verbis, sensibusque petentibus per Homilias direxeram, utcumque studui in librorum ductum permutare, qui nunc a librariis conscribuntur. Et nisi portitoris præsentium me festinatio coangustasset, cuncta vobis transmittere sine aliqua imminutione voluissim, maxime quia & hoc ipsum opus ad vestram Reverentiam scripsi, ut ei, quem præ ceteris diligo, in meo iudicer labore desudasse. Ex hoc ipso prologo, sive epistola ad Leandrum depromptus est canon 13. dist. 38., in ea nimirum parte, in qua proficitur Gregorius, se non fuisse valde studiosum in stylo ad elegantiam exornando his verbis: *Unde & ipsam loquendi artem, quam magisteria disciplinæ exterioris inhiuant, servare despexi, nam, sicut bujus quoque epistolæ tenor enuntiat, non metacismi collisionem fugio (sunt qui pro voce illa metacismi legunt jotacismi. Verum id est contra MSS. omnium auctoritatem, quemadmodum Maurini Monachi observaverunt. Est metacismus frequens literæ m repetitio, quæ præsertim in fine vocum ingratam reddit literarum collisionem) non barbarismi confusionem devito, sitis, motusque, & præpositionum casus servare contemno, quia indignum vehementer existimo, ut verba celestis oraculi restringam sub regulis Donati.**

Can. 2.  
dist. 13.

Canon 2. dist. 13. legitur in libro 32. cap. 20. ad illa verba capitis 40. versic. 12. Job: *Behemoth appofuit Leviathan; forte quia in sacris literis in memorato cap. 40. de Leviathan etiam sermo occurrat; quamquam laudata verba Nervi testiculorum ejus perplexi sunt & in sacris literis de Behemoth concepta sint, & Gregorius ipse de Behemoth interpretetur. Verba Gregorii hæc sunt: Sed horum testiculorum nervi perplexi sunt, quia suggestionum illius argumenta implicatis inventionibus illigantur, ut plebrosque ita peccare faciant, quatenus si fortasse fugere peccatum appetunt, hoc sine alio peccati laqueo non evadant, & culpam faciant, dum vitant, ac nequaquam se ab una valeant solvere, nisi in alia consentiant ligari. Quod mellus ostendimus, siqua ex conversatione hominum illigationis bujus exempla proferamus. Quia vero in tribus ordinibus Sancta Ecclesia constat, conjugatorum videlicet, continentium, atque rectorum, unde & Ezechiel tres viros liberatos vidit, videlicet Noe, Daniel, & Job, & in Evangelio Dominus dum alios in agro, alios in telio, atque esse in molendino alios perhibet, tres procul dubio in Ecclesia ordines ostendit, liquido satisfacimus, si singula ex singulis exquiramus. Ecce enim quidam dum mundi bujus amicitias appetit, &c. Quæ sequuntur apud*

Gra.

Gratianum cum Gregorianis codicibus consonant, dummodo pro illis Gratiani verbis, *qui sine iudicio legitur; cum praece jam coeperis, agere quae Dei sunt . . . est tamen, quod ad destruendas Bebeoth versutias subtiliter fiat, &c.*, ista potius legantur: *Qui sine iudicio eligitur, cum praece jam coeperis, agi quae Dei sunt . . . est tamen, quod ad destruendas ejus versutias utiliter fiat, &c.* Quz vero identidem Gratianus omisit, ideo integra non refero, vel quod jam satis ex his constat Gregorii sententia, unde recta sumatur interpretatio, vel quod alias recensenda esset nimis proluxa sententia.

Ad interpretationem verborum Jobi cap. 29. vers. ult. ibi: *Cumque sederim quasi Rex, circumstante exercitu, eram tamen mœrentium consolator*, multa congegit Gregorius in lib. 20. cap. 5., unde sumtus est canon 9. dist. 45. ibi: *Cumque sederem quasi Rex, circumstante exercitu, ecce auctoritas regiminis: eram tamen mœrentium consolator: ecce ministerium pietatis. Disciplina enim, vel misericordia multum desistit, &c.* quz sequuntur in memorato canone 9., ubi tamen pro illis verbis: *Scripturae sacre scientia est, in boni . . . fit rigor, sed non exasperans . . . stridit servientem . . . contra ejus culpa pensamus . . . intus arsit ignibus amoris, &c.* ita legamus: *Scripturae sacre scientia est, in boni . . . fit vigor, sed non exasperans . . . distridit servientem . . . contra ejus culpas pensamus . . . intus arsit igne amoris, &c.*

Canon 14. dist. 45. omnino consonat cum integris Gregorii codicibus, de promissusque est ex lib. 19. cap. 20. ad interpretationem illius versiculi Job cap. 29. *Cor viduæ consolatus sum.*

In lib. 23. Moralium cap. 13. in caput 33. vers. 1., & 2. Libri Job, ibi: *Audi igitur Job eloquia mea, & omnes sermones meos ausculta: ecce aperui os meum; &c.* habetur canon 1. dist. 46., cujus initium ita legendum est, ut integra exhibeatur Sancti Pontificis sententia: *Pensamus, de qua elatione descendis, quod B. Job audire se admonet, quod os aperuisse se perhibet, quod linguam suam in faucibus loqui promittit? Hoc enim habet proprium doctrina arrogantium, &c.* quz apud Gratianum subsequuntur, ubi tamen pro illis verbis *sublimitatis culmine Maurini Monachi legendum voluit: summitatis culmine.*

Canon 2. dist. 46. legitur in lib. 18. cap. 4. ad cap. 27. libri Job in illa verba vers. 5. *Absit a me, ut justos vos esse judicem.* Consonat canon ipse cum integris Gregorii codicibus, quoties pro illis verbis *in eo sultus, ita legatur in ea sultus.*

In libro 19. cap. 27. habentur verba canonis 3. dist. 47. ad interpretationem cap. 29. Jobi vers. 18. ibi: *Et sicut palma multiplicabo dies, ubi justis palmis æquiparantur, iniqui vero ceteris arboribus.* Pro illis autem verbis *longius, atque distanti* legendum est, *longius, atque distanti*. Item in illis: *Ne debiliores vos habeat sancta libertas aeris, quos, &c.*, varia varii codices exhibent, apud Maurinos enim legitur: *Ne debiliores vos habeat sancta libertas charitatis, quos &c.*, alibi: *Ne debiliores vos habeat sancta libertas, quos, &c.*, alibi: *Nec debiliores vos habeat sancta libertas aeris, quos, &c.*, alibi: *Ne debiliores vos habeat sancti libra operis, quos &c.*, alibi demum: *Ne debiliores vos habeat sancta libertas heredes, quos &c.*

In libro 18. cap. 17. leguntur verba canonis 18. dist. 50. ad interpretationem illorum verborum capitis 28. Jobi vers. 2. ibi: *Ferrum de terra tollitur.* Ibidem pro illis verbis: *Quia jam incipit*, legendum erit: *Qui jam incipit.* Illud sane hoc in loco erit animadvertendum, Gratianum perperam quizzitioni propositz accommodare voluisse fragmentum Gregorii; siquidem Gratianus de Sacerdotibus post lapsum resti-

restituendis sermonem instituerat; at de ipsis ne verbum quidem apud Gregorium legiur, sed generatim de illis, qui postquam errorum tenebris involui fuerunt, ad fidem excitantur, & gratiam, quam ad rem subijciunt exemplum Mathæi ad Apostolorum vocati, ibi: *An non Mathæus in terra inventus est, qui terrenis negotiis implicatus telonii subitus serviebat?*

In libro 26. cap. 13. legimus verba canonis 9. cau. 1. qu. 4. ad interpretationem capiti 35. libri Job vers. 8., item in libro 14. cap. 29. in caput 19. Job vers. 5. legimus verba canonis 3. cau. 3. qu. 7. Verba Jobi, quæ ibidem expenduntur, hæc sunt: *At vos contra me erigimini, & arguitis me opprobriis meis; quam ad rem Gregorius recenset factum Judæorum adulteram accusantium juxta caput 8. Evangelii Johannis, atque ex improbitate eorum, qui mulierem evangelicam accusaverant, improbitatem eorum redarguit, qui Jobum conviciis lacebabant. Porro in memorato canone 3. pro illis verbis: Consulto enim Domino, si ad ulciscendum ire debuisset ... & secundo perdidit ... feriantur, &c., legendum potius erit: Consulto autem Domino, si ad ulciscendum ire debuissent ... & secundo cecidit ... feriantur, &c.*

In præfatione Moralium leguntur verba canonis 5. cau. 3. qu. 7. Ibi scilicet docet Gregorius, Jobum virum fuisse integerrimæ vitæ, ea potissimum ratione ductus, quod Job pro amicis suis delinquentibus intercessisset, inquit: *in gravibus peccatis quis positus, dum suis premitur, alienus non diluit. Mundus ergo offenditur esse de se, qui emundationem potuit obtinere pro aliis. Quæ in Gratiano canone post illa verba aliena non diluit subsequuntur, in ipsa Gregorii præfatione desiderantur; quamquam similia quædam habeantur in libro 32. Moralium cap. 14. ad caput 31. vers. 32. Job his verbis: Cuncta itaque malitiæ macula ab interiori nostro homine cogitationis immutatione tergendæ est, quia iram judicis placare nescit oblatio, nisi ex munditia placeat offerentis, unde scriptum est: Respexit Deus ad Abel, & ad munera ejus; ad Cain autem, & munera ejus non respexit. Neque etenim sacrum eloquium dicit: respexit ad munera Abel, & ad Cain munera non respexit, sed prius ait: quia respexit ad Abel, ac deinde subjunxit, & ad munera ejus, & rursum dicit, quia non respexit ad Cain, ac deinde subdidit, nec ad munera ejus. Ex dantis quippe corde id, quod datur, accipitur. Idcirco non Abel ex muneribus, sed ex Abel munera oblata placuerunt. Prius namque ad eum legitur Dominus respexisse qui dabat, quam ad illa, quæ dabat. Similia quædam leguntur in epistola Gregorii ad Recharedum Regem Visigothorum 126. lib. 7. in vulgari editione, & 122. lib. 9. apud Maurinos, ubi Sanctus Pontifex gratulatur Recharedo, quod dona Romam misisset Apostolo Petro devota, ita subjiciens: Scriptum quippe est: vota iustorum placabilia, neque enim in omnipotentis Dei iudicio quid datur, sed a quo datur; adspicitur. Hinc est enim, quod scriptum est: respexit Dominus ad Abel, & ad munera ejus; ad Cain autem, & ad munera ejus non respexit: dicturus quippe, quia Dominus respexit ad munera, præmisit sollicite, quia respexit ad Abel. Ex qua re patenter offenditur, quia non offerens a muneribus, sed munera ab offerente placuerunt. Jungatur his canon 11. cau. 14. qu. 5. Quæ demum Gregorius prosequitur in vers. dona, & in vers. longe depromta sunt ex libro Ecclesiastici cap. 34., & ex libro Proverbiorum cap. 15.*

Canon 10. cau. 8. qu. 1. legitur in libro 35. cap. 14. in caput 42. libri Job; ubi tamen pro verbis illis: *de suo aliquid non habueris* . . . *obedientia sibi meritum,* legenda.

legendum erit *de suo aliquid non habeat . . . obedientie sibi meritum*. Versiculus *obediens* erat ante cetera describendus, utpote qui in monumento Gregoriano multo superius legitur. Intermedia sunt apud Gregorium verba illa, quæ retulit Gratianus in can. 99. cau. 11. qu. 3., propterea cum eodem canone 10. iungenda, ubi pro verbis illis: *quando hanc mediator Dei, & hominum tenuit, tenendam præcepit, & cum obediens remunerat, non relinquit . . . dignum fuerat, ut hunc etiam a bono prohiberet*, ita legendum erit: *quando hanc mediator Dei, & hominum, & cum obediens remunerat non relinquit . . . dignum fuerat, ut etiam a bono prohiberetur*.

Paucis perstrinxerat Gratianus in canone 10. cau. 22. qu. 2. sententiam Gregorii, qualis legitur in libro 26. cap. 5. in caput 34. Jobi, cujus propterea verba integra retulerunt post eundem canonem Correetores Romani. Monent adhuc Maurini Monachi pro illis verbis *incaute sunt homines*, quæ habentur in vulgaribus editis Gregorii codicibus, ita potius legendum esse ex optimis vetustissimis exemplaribus: *incaute sunt humiles*.

In libro 18. cap. 3. leguntur verba canonis 19. cau. 22. qu. 2., in quo totus est Gregorius adversus eos, qui mendacio quemquam circumveniunt; atque inter cetera sibi objicit quod vulgo dici solet, nimirum in Sacra Scriptura videri aliquando laudata mendacia, verius dixerim figuras, quo pertinet memoratus canon 19. ibidem, sed paullo superius leguntur verba canonis 20. cau. 22. qu. 2., ubi tamen pro illis *in qua magis compensatio agnoscitur, quid mendacii culpa mereatur: nam benignitatis earum merces, quæ eis in æterna potuit vita retribui, præmissa culpa mendacii, &c.*, hæc potius erunt legenda: *in qua recompensatione cognoscitur, quid mendacii culpa mereatur; nam benignitatis earum merces, quæ eis in æterna potuit vita retribui, pro admixta culpa mendacii, &c.* Hoc in loco expendebat Gregorius, quod obijci inter cetera sacrarum literarum monumenta solebat de mendacio oblectricum ægiptiacarum, quando alienam vitam, aut salutem tueri maluerunt; neque enim aiebat Sanctus Pontifex vitæ ipsius tuendæ causâ mendacium proferri posse, quamquam ea in specie dignum venia videretur. Hanc ad rem optime edisserit Augustinus enatratione in psalmum 5. ibi: *multa quidem videntur pro salute, aut commodo alicujus non malitia, sed beniguitate mendacia; quale illarum in Exodo obstrictum, quæ Pharaoni falsum renunciaverunt . . . in iis, qui perfecti sunt, nec ista mendacia inveniuntur*.

Canon 11. cau. 22. qu. 5. legitur in lib. 26. cap. 10. in caput 35. vers. 2. libri Job; quamquam ea quæ subsequuntur in vers. *certe noveris non sint Gregorii*, sed potius Collectoris cujuspiam, aut Interpretis, qui Gregorianam sententiam aliis verbis recensuit. Plurimum vero valere potuit codex Gratiani, ut fragmentum hoc referretur sub Gregorii nomine in cap. 15. de verb. sign. apud Gregorium 1X.

In libro 35. cap. 8. ad caput Job 42. vers. 8. leguntur verba canonis 22. cau. 24. qu. 1., ubi tamen pro illis *sola est, in quo bonum, &c.*, hæc substituere juvabit ex optimis codicibus: *sola est, in qua opus bonum, &c.*

In libro 4. cap. 1. ad interpretationem capituli 3. Job vers. 1. 2., & 3., ubi proponitur Sanctus Job diei suo maledixisse, habetur canon 12. cau. 24. qu. 3., cujus tamen verba alia omnino sunt, quam quæ a Gratiano descripta fuerint. Quamobrem ita legendum erit: *Cam vero sancti viri maledictionis sententiam proferunt,*

runt, non ad hanc ex voto ultionis, sed justitiæ examine erumpunt. Intus enim subtile Dei judicium adspiciunt, & mala foras exurgentia, quia maledicto debeant ferire cognoscunt, & eo in maledicto non peccant, quo ab interno judicio non discordant. Item superius. Scriptura sacra duobus modis maledictum memorat, aliud videlicet, quod adprobabat, aliud quod damnat; aliter enim maledictum profertur judicio justitiæ, aliter livore vindictæ. Maledictum quippe judicio justitiæ ipsi primo homini peccanti prolatum est; cum audivit: maledicta terra in opere tuo. Maledictum justitiæ judicio profertur, quum ad Abraham dicitur: maledicam maledicentibus tibi: rursum quia maledictum non judicio justitiæ, sed livore vindictæ promittitur, voce Paulli Apostoli prædicantis admonemur, qui ait: benedicite, & nolite maledicere.

Can. 13. Canon 13. cau. 32. qu. 4., recte consonat cum capite 18. libri 12. ad caput  
cau. 32. 14. Job vers. 18., & 19., quemadmodum etiam canon 13. cau. 32. qu. 5. re-  
qu. 4. & consonat cum capite 11. lib. 21. ad interpretationem capituli 31. Job versic. 9.,  
Can. 13. quamquam tamen moneant Maurini Monachi ad verba versiculi quia enim, hæc ipsa  
cau. 32. usque ad verbum perpetratur intra parenthesis contineri ita, ut post illa itatim se-  
qu. 5. quatur, tamen plerumque ex loco, &c.

Can. 82. Jamdudum Romani Correctores observaverunt, verba canonis 82. de pœnit. dist. 1.  
de pœn. dist. 1. integra haberi potius in commentarii nomine Eucherii editis, licet magna etiam  
in parte apud Gregorium habeantur: Locus Gregorii est liber nonus Moralium.  
cap. 34. ad librum Job cap. 9. vers. 28. Verebar omnia opera mea, sciens, quod non  
parceres delinquenti; quæ verba expendens Gregorius ita scribit: Sed post hæc valde  
scrupulosum cordi se obicit, quod subjungit: sciens, quod non parceres delinquenti. Si  
enim delinquenti non parcat, quis ab æterna morte eripitur, cum a delicto mundus ne-  
mo reperitur? An pœnitenti parcat, & delinquenti non parcat? Quia cum delicta plan-  
gimus, nequaquam jam delinquentes sumus. Et paullo inferius: Delinquenti ergo Do-  
minus nequaquam parcat, quia delictum sine ultione non deserit; aut enim ipse hoc in se  
pœnitens punit, aut hoc Deus cum homine vindicans percutit. Nequaquam igitur pec-  
cato parcat, quia nullatenus sine vindicta laxatur. Sic enim David audire post confe-  
ssionem meruit: Dominus transulit peccatum tuum, & tamen post multis cruciatibus af-  
flictus, ac fugiens, reatum culpæ, quam perpetraverat, exolvit. Sic nos salutis unda  
& culpa primi parentis absolvimur. Sed tamen reatum ejusdem culpæ diluentes absoluti  
quoque adhuc carnaliter obimus. Bene ergo dicitur: sciens, quia non parceres delin-  
quenti, quia delicta nostra sive per nos, sive per se met ipsum resecat etiam, cum rela-  
xat. Ab electis enim suis iniquitatum maculas studet temporali afflictione tergere, quas  
in perpetuum non vult in eis videre.

Can. 4. Canon 4. de pœnit. dist. 2. habetur in libro 10. cap. 21. in caput 11. Jobi  
de pœn. dist. 2. vers. 19., ubi tamen pro verbis illis a delectatione mundi legendum est ex optimis  
codicibus a dilectione mundi.

Can. 22. Canon 22. de pœnit. dist. 2. excerptus est ex lib. 25. cap. 11. ad interpretatio-  
de pœn. dist. 2. nem illorum verborum Job cap. 34. vers. 27. Qui quasi de industria recesserunt  
ab eo.

Can. 23. Ad interpretationem capituli 31. vers. 2. libri Job habetur in lib. 21. Moralium  
de pœn. dist. 2. cap. 3. canon 23. de pœn. dist. 2., ubi tamen pro illis verbis per consensum delecta-  
tionis obligatur legendum potius erit: per consensum delectationibus obligatur.

Can. 43. Verba canonis 43. de pœnit. dist. 2. apud Gregorium non leguntur, sed potius  
de pœn. dist. 2. videntur summa sequentis canonis 44., qui habetur in lib. 34. Moralium cap. 13.,  
alias

alias 15. ad interpretationem illorum verborum Job cap. 41. *Sub ipso erunt radii solis, & sternet sibi aurum quasi lutum.* Ibi Gregorius persequitur eos numero plurimos, qui initio quasi aurum adparent virtutibus exornati, deinde vero in fine vitæ ita deiciuntur, ut vitis obtruantur. Paucis sententiam hanc peritrixerat Gratianus in memorato canone 43. scribens: *Multi bene incipiunt, qui in malo vitam finiunt.* Ut autem integra sit sententia canonis 44., erunt hæc ex Gregorii codicibus supplenda: *Ei fortasse quemquam moveat, cur misericors Deus hæc illa permittat, ut Leviathan iste seu nunc per suggestiones callidas, sive tunc per damnatum illum quem replet hominem, vel solis sibi radios, idest delictos quosque, sapienter subjiciat, vel aurum, hoc est viros sanctitatis claritate fulgentes quasi lutum sibi inquinando subvertat. Sed citius respondemus, quia aurum, &c.* Hinc exorditur Gratianus, apud quem pro illis verbis: *Quod valde isto iudicio . . . quia diu latuit dolens . . . atque hoc autem quasi lutum . . . quorundam mala diu tolerat . . . qui perseveraturi sunt, accedunt . . . qui perventuri viam, qua gradiantur, offendant . . . in superni adjutoris protectione . . . de suis viribus præsumentes cecidisse, &c.,* ita potius erit legendum: *quod valde iusto iudicio . . . qui diu latuit dolens . . . atque hoc aurum quasi lutum . . . quorundam mala tolerat . . . qui perseveraturi sunt, accedunt . . . qui perventuri sunt, qua gradiantur, offendant . . . in superni adjutoris protectione . . . de suis viribus cecidisse, &c.*

Canon 45. de penit. dist. 2. legitur in libro 32. cap. 23. ad interpretationem capitis 40. Job vers. 14. *Ipse est principium viarum Dei, qui fecit eum, applicabit gladium ejus, quæ verba de Lucifero Angelo in Dæmonem transformato Gregorius interpretabatur.* Porro in eodem canone 45. plurima sunt ex optimis Maurinorum codicibus emendanda. Siquidem ubi Gratianus exhibet: *Platani non fuerunt æquales frondibus illius . . . quanta ei supposita . . . quot suppositas supernorum . . . qui magnus . . . qui signaculum Dei . . . ad ornamentum suum habuit . . . & formamina tua in die . . . quasi repleti voluisset . . . sed superbiæ vitio, charitatis auro . . . tu cherub extensus . . . in medio ignitorum perfectus . . . clarius gloria conditionis . . . fuisse reperiunt . . . insinuantur, ut terro . . . homo qui elatus . . . Angelus in Cælo de Cælo in terram prosternitur, &c.,* hæc potius substituenda erunt: *Platani non fuerunt æque frondibus illius . . . quanta & supposita . . . quot sub se positas supernorum . . . quia magnus . . . si signaculum Dei . . . ad ornamentum suum habuit . . . & forma tua in die . . . qua si repleti voluisses . . . sed per superbiæ vitium, charitatis auro . . . tu cherub extensus . . . in medio ignitorum lapidum perfectus . . . clarus gloria conditionis . . . fuisse perhibetur . . . insinuat, ut terro . . . homo quid elatus . . . Angelus in Cælo prosternitur, &c.*

In libro 1. cap. 37. Moralium integra habentur, quæ retulit Gratianus in canon. 17. none 17. de pen. dist. 3. Ibi autem Gregorius explicat verba libri Job cap. 1., ubi de patientissimo viro ita scribitur: *Sic faciebat Job cunctis diebus.*

Canon 13. de pen. dist. 4. apud Gratianum non consonat integris Gregorii exemplaribus; etenim collector voluit potius describere verba Glossæ ordinariæ, apud quam depravata Gregorii sententia exhibebatur, quod jam diu Romani Correctores animadverterunt. Referam hoc in loco, quæ ad rem istam pertinent, atque habentur in libro 15. cap. 51. Moralium, ubi verba illa capitis 21. Job: *Deus, servabis filiis illius dolorem patris, & cum reddideris, tunc sciet, ita Sanctus Pontifex interpretatur: Scriptum novimus: qui reddis peccata Patrum in filiis, ac nepotes*

Can. 45.  
de pen.  
dist. 2.

Can. 17.  
de pen.  
dist. 3.

Can. 13.  
de pen.  
dist. 4.

tes in tertiam, & quartam generationem. Et rursus scriptum est: quid est, quod inter nos parabolam vertitis in proverbium istud in terra Israel dicentes: patres comederunt uvam acerbam, & dentes filiorum obduperunt? Vivo ego dicit Dominus Deus: si erit vobis ultra parabola hæc in proverbium in Israel. Ecce omnes animæ meæ sunt, ut anima patris, ita & anima filii mea est. Anima, quæ peccaverit, ipsa morietur. In utraque igitur hæc sententia dum dissimilis sensus invenitur, auditoris animus ut discretionis viam subtiliter requirat, instruitur. Peccatum quippe originale a parentibus trahimus, & nisi per gratiam baptismatis solvamus, etiam parentum peccata portamus, quia unum adhuc videlicet cum illis sumus. Reddit ergo peccata, parentum in filios, dum pro culpa parentis ex originali peccato anima polluitur prolis. Et rursus non reddit parentum peccata in filios, quia cum ab originali culpa per baptismum liberamur, non jam parentum culpas, sed quas ipsi committimus, habemus.

Quod legitur in canone 5. de conf. dist. 4., habetur in libro 4. Moralium. *Can. 5. cap. 3. ad interpretationem capitis 3. Job vers. 11. ibi: Quare non in vulva mortuus sum, egressus ex utero non statim perii?* Hanc ad rem expendebat Gregorius, quid apud veteres Judæos, quid apud gentes valere potuisset, ad detergendum peccatum originis, docebatque apud nos baptismus, apud Judæos veteres circumcisionem, atque apud gentes solam fidem hominem Deo reconciliasse. Peculiariter autem gentium mentio facta est, quia de Jobo agebatur, qui in gentium disciplina vivebat.

*Tan. 22. de conf. dist. 5.* Adversus hæluones natos abdomini suo plurima scripsit Gregorius in libro 30. Moralium cap. 18. expendens caput 39. vers. 7. Jobi. Hinc depromptus est eisdem omnino verbis canon 22. de conf. dist. 5.

## SECTIO XXIV.

*De Capitulis ex libris Homiliarum depromtis.*

### De Homiliis in Ezechielem.

Dum gravissimis curis Gregorius undique premeretur, Ezechielem Prophetam Homiliis, sive fuis ad populum sermonibus illustravit. Erat ea ætate, idest anno circiter 592., miserabilis non Romæ solum, sed & universæ adspæctus Italix, qualem lugens pingit Sanctus idem Pontifex in Homilia 18., sive 6. libri 2. Ait ille: *Ubique luctus adspicimus, ubique gemitus audimus. Destruæ urbes, eversa sunt castra, depopulati agri, in solitudinem terra redacta est. Nullus in agris incolæ, pene nullus in urbibus habitator remansit, & tamen ipse parvæ generis humani reliquæ adhuc quotidie, & sine cessatione feriuntur. . . : ipsa autem, quæ aliquando mundi domina esse videbatur, qualis remanserit Roma, conspiciamus. Immensis doloribus multipliciter attrita desolatione civium, impressione hostium, frequentia ruinarum, &c.* Hæc sane in causa fuerunt, cur Gregorius opus integrum, perfectumque absolvere non potuerit, neque omnia Ezechielis capita expendere, opere ipso ex rerum, negotiorumque multitudine, ac gravitate interrupto. Sunt autem Homiliarum numero 22., ipsæque in veteribus codicibus MSS., ut Maurini Monachi testantur,



stantur, in duos libros distributa ita, ut priore duodecim, posteriore libro decem contineantur, quas Homilias omnes Gregorius ad Marinianum Ravennatem Episcopum direxit, quemadmodum constat ex præfatione illis adjecta. Summa fuit apud veteres harum homiliarum exitimatio; hinc Paulus Diaconus in vita Gregorii prope finem, & Johannes Diaconus lib. 4. cap. 69., & 70. referunt, Petrum Diaconum, quo tanquam Amanuensi Gregorius utebatur, vidisse Spiritum Sanctum sub candidæ columbæ specie Gregorii capiti insidentem, & rostrum ori immittentem, dum Gregorius idem postremam Ezechielis visionem interpretaretur.

Ex his Homiliis in primis decerptus est canon 17. dist. 50. homilia 9. ad caput 2. vers. 2., & 3. Ezechielis. Ibidem pro illis Gratiani verbis: *Adhuc enim vobis in infirmitatis, &c.*, ita potius legendum erit ex optimis codicibus: *adhuc enim in infirmitatis, &c.* Porro Gratianus eo in loco abusus fuisse videtur Gregorii sententia; ex hac enim demonstrare voluit, Sacerdotes lapsos post poenitentiam in gradum suum posse reitui, quod tamen non ibidem Gregorius affirmat, sed loquitur de Ezechiele, tum primum ad munus prædicationis obeundum divino nutu advocato, atque Ezechielis exemplum profert ad eos, qui ad evangelicum munus hodie assumuntur, non autem ad eos, qui postquam munus ipsum obissent, in crimina gravissima lapsi, proponantur restituendi. Imo aliis in locis de his longe aliam sedisse Gregorio sententiam animadverti, specialiter vero ad canonem 16. dist. 50.

Ad interpretationem capituli 1. Ezechielis vers. 9. in illis verbis: *revertebantur sum incederent, sed unusquisque ante faciem suam gradiebat, pertinet Homilia 1., ex qua depromptus est canon 4. cau. 17. qu. 1. Ait ibi Gregorius: Quisquis itaque jam ante faciem suam ambulare decreverit, magna ei consideratione pensandum est, quod aliter retro respicitur ex opere, aliter ex cogitatione. Sunt etenim quidam, qui magna deliberant, & peccatorum suorum consilium multa ex his, quæ possident, egenis distribuere pertrahant, &c. Alius despectis carnis desideriiis cuncta relinquere, & omnipotentis Dei se subdere servitio pertrahat, seque ipsum restringere sub continentia & castitatis freno deliberat; sed cum cecidisse alios etiam post castitatem conspiciat, hoc ipsum facere, quod deliberat, pertimescit; fitque, ut retro per cogitationem redeat, qui ad anteriora respiciens jam mentis gressibus ad alta ibat. Et post pauca: sunt vero nonnulli, qui bona quidem, quæ noverunt, operantur, atque hæc operantes meliora deliberant, sed retrahentes meliora, quæ deliberant, immutant, & quidem bona agunt, quæ cuperant, sed a melioribus, quæ deliberaverant, succumbunt. Hi nimirum ante humana judicia stare videntur in opere, sed ante omnipotentis Dei oculos ceciderunt in deliberatione. Ex his omnibus emendandus, ac in primigeniam sententiam restituendus erit canon Gratianus.*

In eadem Homilia 3. legitur canon 9. de poen. dist. 2., ubi tamen in postremis verbis a versiculo unde Paulus, &c., ita legendum erit: *Unde & magnum de pen. illud pennatum animal dicebat, quod usque ad tertii Cæli secreta volaverat: unum vero quæ retro sunt, oblitus, in ea, quæ sunt ante, extendens me, sequor ad patriam supernæ vocationis. In anteriora etenim extensus, eorum, quæ retro sunt, oblitus fueras, quia temporalia despiciens, sola, quæ sunt æterna, requirebas.*

Eandem propemodum materiem spectat canon 10., & 11. de poen. dist. 2. qui excerptus est ex Homilia 5. ad illa verba capituli 1. Ezechielis vers. 17. *Non re-*

veriebantur, cum ambularent, ex quibus proinde verbis, quemadmodum & ex codicibus optimis Gregorianis emendandus erit Gratianus, qui legit, cum incederent, cum legendum potius fuerit: cum ambularent. In hac ipsa Homilia 5., ubi expenditur Ezechielis caput 1. vers. 20., & 21. de Spiritu Domini, qui erat in rotis, habetur canon 11. de pœn. dist. 2. ibi: *Potest tamen discursus, atque mobilitas spiritus requisitione alterius considerationis intelligi. In sanctorum quippe, &c., quæ consonant cum Gregorii codicibus apud Gratianum; dummodo animadvertatur cum Romanis Correctoribus, verba illa unde recte stabilis dicitur a Collectore huc fuisse transposita ex præcedente Gregorii interpretatione.*

Can. 19. de pœn. dist. 2. Canon 15. de pœn. dist. 2. legitur in Homilia 15. sive Homilia 3. libri 2. ad caput 40. Ezechielis in illa verba: & ascendis per gradus ejus; quam ad rem huc adferebat Gregorius, quod dicitur in Psalmo 47. *Deus in gradibus ejus cognoscitur, cum suscipiet eam, post quæ statim subjecit, quæ in memorato canone 15. leguntur, ubi tamen pro verbis illis: Cum sanctam Ecclesiam . . . ascendendo profectus . . . si enim, & ipsa fides . . . & cum ex se produxeris fructus . . . quia jam, in spe boni operis . . . quia dum adhuc metiri . . . ad perfectum ducitur . . . mens hominis spontanee ad profectum boni . . . sed cum ex se produxerit . . . cumque in ejusdem operationis perfectione . . . viventem vivebat. Sed ad plenum granum . . . perducit ad se . . . exaltatur, quanto alius, & . . . in virtute quippe nostrarum mentium ipse . . . quantum noster animus a rebus infimis separatur, ita legendum erit: cum enim sanctam Ecclesiam . . . ascendendo profecerit . . . si enim ipsa fides . . . & cum se produxerit fructus (ita exhibent vetusti omnes MSS. codices ex Maurinorum testimonio, quidquid in editis exemplaribus exhibetur) . . . quia in spe boni operis . . . quia, & cum adhuc metiri . . . ad perfectum ducitur . . . mens hominis spontanee ad fructum boni . . . at cum se produxerit . . . cumque in ejusdem boni operis perfectione . . . viventem videbat. Sed tunc plenum granum . . . perducitur ad se . . . exaltatur, quo altus, & . . . in virtutum quippe nostrarum gradibus ipse . . . quanto noster animus a rebus infimis separatur. Animadvertendum præterea est cum Romanis Correctoribus, verba illa Cum autem profectum boni operis crescimus, ad spicam pervenimus, in integris Gregorianorum operum codicibus desiderari.*

Can. 29. de pœn. dist. 3. In Homilia 10. ad interpretationem capitis 3. vers. 14. *abit amarus in indignatione spiritus mei* exhibetur canon 29. de pœn. dist. 3., ubi tamen pro verbis illis sicut Achab . . . *marore deprehensus est . . . timent Deum si sic ei & reprobi penitentia . . . & in eis, qui displicebant?* ita legendum erit: *Sic Achab . . . marore depressus est . . . timent Dominum, si sic ei & in reprobo penitentia . . . & in illo, qui displicebat?*

Can. 40. de pœn. dist. 3. In eadem Homilia 10. ad interpretationem vers. 11. capitis 3. Ezechielis legitur canon 40. de pœn. dist. 3., cujus verba cum non satis integra retulerit Gratianus, opportunum erit hoc in loco ita emendata describere. *Plui super civitatem unam (ait Gregorius ex Amos cap. 4. vers. 7.), & super alteram non plui, pars: una compluta est, & pars, quæ compluta non est, aruit. Cum enim sanctæ exhortationis verba alia mens suscipit, alia suscipere recusat, super unam civitatem Dominus pluit, & super alteram non pluit. Cum vero, & ipse proximus, qui audit, ab aliis se vitiis corrigit, atque ab aliis emendare se contemnit una eademque, & ex parte compluitur, & ex parte arida remanet, in qua a se prædicationis pluviam repellit. Sunt etenim quidam, qui*

*qui exhortationis verba omnino non audiunt. Hi penitus suscipere fluviam nolunt. Et sunt quidam, qui audiunt, sed tamen hanc medullitus non sequuntur, quia alia in se vitia rescant, sed in aliis graviter perdurant.*

Perpicua est sententia Ezechielis in capite 3. vers. 20., ubi de homine peccatore hzc traduntur: *Non erunt in memoria justitiæ ejus, quas fecit; ad quorum interpretationem pertinent verba canonis 16. de pæn. dist. 4. excerpta ex Homilia Gregorii 11.* Can. 16. de pæn. dist. 4.

Canon 17. de pæn. dist. 4. legitur Homil. 4. in caput 1. vers. 14. Ezechielis, ejusdemque verba apprimè consonant cum integris Gregorianis codicibus. Can. 17. de pæn. dist. 4.

## De Homiliis in Evangelia.

Præter Homilias in Ezechielem, Evangeliorum etiam interpretationem adgressus est Sanctus Pontifex, quum pastoralis officii divinitus sibi commissi curam obiturus tam morum, quam fidei præcepta publice traderet: quæ interpretatio ab ipsomet Gregorio in quadraginta capita, sive Homilias distributa duobus libris comprehenditur ad Secundinum Episcopum Tauromenitanum directâ, quemadmodum liquet ex epistola Gregorii ad eundem Secundinum Homiliis præfixa. Illud hæc in re observandum est, quasdam Homilias ex istis fuisse à Gregorio conscriptas, & coram populo, legente Notario, recitatas inter divinas preces, quemadmodum & hodie à clericis sacris ordinibus initiatis recitantur, quasdam vero prædicando ab ipso Gregorio prolatas, deinde ab Auditoribus in codicem redactas; atque posteriorum plures àt Gregorius in memorata epistola ad Secundinum, inemendatas esse, seque passurum facile, ut à quoquam emendarentur.

In Homilia 34. habita in Basilica Beatorum Johannis, & Pauli Dominica 3. post Pentecostem ad Evangelium Lucæ capite 13. exhibentur verba canonis 15. dist. 45. ubi Maurini Monachi pro illis peccatoribus *dedignari* ista substituunt ex optimis codicibus *peccatoribus indignari*. Can. 15. dist. 45.

In Homilia 21. habita die sancto Paschatis ad caput 16. Marci legitur canon 53. dist. 50., ubi pro illis verbis *misereri debuissent . . . proposuit ceteris*, optimi codices Gregoriani hæc exhibent: *misereri debuisset . . . proposuit ceteris*. Can. 53. dist. 50.

Celeberrima est sententia Gregorii, quæ habetur in canone 114. cau. 1. qu. 1. cau. 114. de sacris officiis non sine præmio tantum, sed & sine aliqua humani favoris causa distribuendis. Legitur ille eisdem omnino verbis in Homilia 4. de Apostolis ad caput 10. Matthæi vers. 5. & sequ.

De crimine Simoniz plurima etiam scripsit Gregorius in Homilia 26. habita in Basilica Constantiniana in cap. 19. Lucæ vers. 42. & sequ., unde depromptus est canon 10. cau. 1. qu. 3., ubi pro illis verbis *pro præmii acceptione . . . præmio emunt peccatum*, legendum erit, *pro pretii acceptione . . . præmio emunt peccatum*. Can. 10. cau. 1. qu. 3.

In eadem Homilia 26. habita in Constantiniana Basilica in octava Paschatis ad caput 20. Johannis in illa verba: *quorum remisistis peccata, remittuntur eis, & quorum retinueritis, retenta sunt*, exhibetur canon 1. cau. 11. qu. 3., ibidem enim inter cetera Gregorius scribit: *Sed utrum juste, an injuste obliget Pastor, Pastoris tamen sententia regi simenda est*. Can. 1. cau. 11. qu. 3.

Can. 60.  
61. 62.  
et 88.  
cau. 11.  
qu. 1.

Jungendi simul sunt canones 60. 61. 62., & 88. cau. 11. qu. 1., etenim ii omnes habentur in eadem nuper laudata homilia 26. paullo ante verba memorati canonis 1. cau. 11. qu. 3. Scribit Gregorius: Plerumque contingit, ut hic iudicis locum teneat (hic est canon 88.) cui ad locum vite minime concordat, ac saepe agitur, ut vel damnet immeritos, vel alios ipse ligatus solvat, in solvendis, ac ligandis subditis suae voluntatis motus, non autem causarum merita sequatur. Unde fit, ut ipsa hac ligandi, aut solvendi potestate se privet, qui hanc pro suis voluntatibus, & non pro subditorum moribus exercet. (Postrema haec verba omisit Gratianus in canon 88. sed retulerat in can. 60.) Saepè fit, ut erga quemlibet proximam odio, vel gratia moveatur Pastor. Judicare autem de subditis digne nequeunt, qui in subditorum causis sua vel odia, vel gratiam sequuntur. (aliqua ex his habentur in can. 88., aliqua vero in canone 61.) Unde rectè per Prophetam dicitur: mortificabant animas, quae non moriuntur, & vivificabant animas, quae non vivunt. Non morientem quippe mortificat, qui iustum damnat, & non vitium vivificare nititur, qui reum a supplicio absolvere conatur. Causae hac ligandi sunt, & tunc ligandi, atque solvendi potestas exercenda. Videndum est, quae culpa praecessit, & quae sit poenitentia sequuta post culpam, ut quos omnipotens Deus per compunctionis gratiam visitat, illos pastoris sententia absolvat. Tunc enim vera est absolutio praesidentis, (haec omittuntur in canone 88., sed descripta sunt in can. 62.) cum interni sequitur arbitrium iudicis. Quod bene quatruidani mortui resuscitatio illa significat, quae videlicet demonstrat, quia prius mortuum Dominus vocavit, & vivificavit dicens: Lazare veni foras. Et postmodum is, qui vivens fuerat, egressus, a discipulis est solutus, sicut scriptum est. Cumque egressus esset, (haec omnino omittuntur apud Gratianum), qui fuerat ligatus institit, tunc dixit discipulis: solvite eum, & finite abire. Ecce illum discipuli jam viventem solvunt, quem magister resuscitaverat mortuum. Si enim discipuli Lazarum mortuum solverent, factorem magis ostenderet, quam virtutem. Ex qua consideratione (rursus hic prosequitur Gratianus in can. 88.) intuentum est, quod illos nos debemus per pastorem auctoritatem solvere, quos auctorem nostrum cognoscimus per suscitantem gratiam vivificare. Quae nimirum vivificatio (haec iterum omisit Gratianus) ante operationem reformationis in ipsa jam cognoscitur confessione peccati. Unde & huic ipsi mortuo Lazaro nequaquam dicitur, revivisce, sed veni foras. Omnis quippe peccator, dum culpam suam intra conscientiam abscondit, introsum latet, in suis penetralibus occultatur. Sed mortuus venit foras, cum peccator nequicias suas sponte confitetur. Lazaro ergo dicitur, veni foras, ac si aperte cuilibet mortuo in culpa diceretur: cur reatum tuum intra conscientiam abscondis? Foras jam per confessionem egredere, qui apud te interius per negationem lateas. Veniat itaque foras mortuus, id est culpam consteatur peccator. Venientem vero foras solvant discipuli, ut Pastores Ecclesiae ei poenam debeant amovere, quam meruit, qui non erubuit confiteri, quod fecit. Haec de solutionis ordine breviter dixerim, ut sub magno moderamine Pastores Ecclesiae vel solvere studeant, vel ligare. Integrum his descripsi canonem 88. una cum ceteris Gratiani capitibus 60. 61., & 62. ad eundem canonem 88. merito redigendis.

Can. 15.  
et 16.  
cau. 23.  
qu. 4.

Canon 15. cau. 23. qu. 4. legitur in homilia 38. ad interpretationem capitis 22. Matthaei, ubi tamen pro verbis illis discernet . . . tolerare malos debetis, Maurini Monachi ita scribendum ex optimis codicibus maluerunt: Discernit . . . tolerare malos. In eadem homilia multo antea habetur canon 16. cau. 23. qu. 4., ubi Gregorius expendit verba illa Matthaei memoratq. capite 22. Lauri mei, & altilia

*ilia occisa sunt*, asserens symbola hæc esse, quibus significatur Christum completo & vetere, & novo testamento vocavisse electos ad gloriam, ibidem eorundem nomine designatam; expendit insuper, quomodo per tauros veteris testamenti Patres, quomodo per altitia novi testamenti fideles intelligantur. Porro in laudato canone 16. pro illis verbis: *Ut Dei inimicos, suosque adversarios . . . eosque in ore gladii ferirent . . . æternis desiderii inmitentes*, &c., ita legendum erit: *Ut Dei, suosque adversarios . . . eosque jure gladii ferirent . . . a terrentis desiderii inmitentes*, &c.

Quæ retulit Gratianus in can. 28. cau. 23. qu. 4., si verbo tenus consideremus, frustra apud Gregorium quæremus; eorum tamen sententiam agnoscemus in homilia 26. ad illa verba Johannis 20. *Quorum remisistis peccata, &c.*, ubi sane plura ad eandem rem pertinentia congeruntur, quæ hoc in loco non recenseo, cum illa superius abunde descriperim ad canones 1. 60. 61. 62., & 88. cau. 11. qu. 3., quos si quispiam junctos expendet, facile etiam canonem hunc 28. interpretabitur.

In eadem homilia 26. ad interpretationem ejusdem capituli 20. Johannis, ubi de Thoma Apostolo dubitante fit sermo, legitur canon 45. cau. 27. qu. 2. eisdem penitus verbis.

Canon 10. cau. 32. qu. 1. legitur in homilia 29. habita in die Dominicæ Ascensionis ad interpretationem capituli ultimi apud Marcum in illa verba: *Qui crediderit, & baptizatus fuerit, salvus erit, qui vero non crediderit, condemnabitur*; quæ expendens Gregorius ait, inspiciendum esse potissimum tempus, quo quis ad aliam vitam migrat, ut fidei confessio, qualis fuerit, a Domino observetur; nec enim sufficit aliquando credere, si postea a vera fide recedat, quemadmodum nec proinde damnatur, qui postquam infidelis fuerit, ad fidem convertatur. Ad id confirmandum pertinent verba memorati canonis 10., ubi pro voce illa *habetur* Maurini Monachi legunt *habebitur*. In eadem etiam homilia ad interpretationem illorum verborum Marci cap. ult. *In nomine meo demonia ejicient*, legitur canon 67. dist. 4. de consecr., ubi sane Gregorius sensum verborum Christi ita explicat, ut tum Sacerdotes ex Dominica potestate demones ejicere videantur, cum hominem peccatorem, atque infidelem præparant ad baptismum.

Canon 6. de pœn. dist. 3. habetur in homilia 34. in illa verba Lucæ cap. 15. *Gaudium eris in Cælo super uno peccatore pœnitentiam agente*. Et quidem Gratiani verba cum optimis Gregorii codicibus consonant. De §. *Sunt qui dicunt nihil aliud adjicio*, cum de eodem jam satis dictum superius fuerit, ubi actum est de epistola ad Theodostiam.

Canon 47. de pœnit. dist. 3. referendus est ad homiliam 40., ubi Gregorius expendit caput 16. Lucæ de divite, & Lazaro. Ibidem vero Gratianus non verba ipsa Gregorii recensuit, sed potius compilatam sententiam. Verba Sancti Pontificis in illud Lucæ: *Recepisti bona in vita tua, isthæc sunt: Ista, fratres mei, sententia pavore petiur intelligit, quam expositione; nam siquis esset, qui in hoc mundo exterioris boni aliquid accepisset, ipsum, ut ita dicam, donum exterius pertimescere debetis, ne vobis pro quorundam vestrorum altum recompensatione sit datum; ne Judex, qui hic bona exteriora testificat, a retributione boni intus repellat, ne honor hic, vel divitiæ non adjumentum virtutis, sed remuneratio sit laboris: ecce enim dum dicitur, recepisti bona in vita tua, indicatur & dives iste boni aliquid habuisse, ex quo in hac vita bona receperit. Et paulo inferius: quicumque ergo bona in hoc sæculo habetis,*

cum

Can. 28.  
cau. 23.  
qu. 4.

Can. 45.  
cau. 27.  
qu. 2.

Can. 10.  
cau. 32.  
qu. 1.  
Can. 67.  
dist. 4.  
de consecr.

Can. 6.  
de pœn.  
dist. 3.

Can. 47.  
de pœn.  
dist. 3.

*cum vos bona egisse recolitis, valde de ipsis pertimescite, ne concessa vobis prosperitas eorundem remuneratio sit bonorum.*

Can. 7.  
de pan.  
dist. 5.

In Homilia 24. in Evangelium Johannis cap. 21. habetur canon 7. de poenit. dist. 5., cujus in prioribus verbis ita legendum erit: *Negotium, quod ante conversionem sine peccato extitit, hoc etiam post conversionem repetere culpa non fuit.* Et paulo inferius: *Sunt enim pleraque negotia, &c.*

Can. 7.  
cau. 36.  
q. 2.

Ad canonem 7. cau. 36. qu. 2., quem Gratianus ex quadam Homilia Gregorii repetit, jam viri eruditi animadverterunt, illum referendum esse ad canonem 10. cau. 32. qu. 1., in quo clarior Gregorii sententia continetur, junctis illis, quæ superius ad idem fragmentum ipse tradebam.

Can. 34.  
de conf.  
dist. 2.

Quicumque sedulo legerit verba canonis 34. de conf. dist. 2., facile animadverteret aut Gregoriano stylo, aut Gregorianis temporibus minime convenire, quambrem Romani Corredtores jure observaverunt, eundem canonem Lanfranco potius tribuendum fore, ubi hic auditor adversus Berengarium scribebat. Imo & Corredtores idem causam explicant Gratiani errati. Scilicet Lanfrancus in suo opere recitat ea, quæ in memorato canone 34. leguntur, statim post verba quædam Gregorianæ Homiliæ paschalis: hinc autem canonum Collector imprudens nequens Lanfranchi verba sequentia cum præcedentibus Gregorii, omnia ita confudit, ut crederet sequentia etiam Gregorii nomine potuisse laudari.

Can. 71.  
princ.  
de conf.  
dist. 2.

In Homilia 22. Sabbato post Pascha ad caput 20. Johannis habentur priora verba canonis 73. de conf. dist. 2. usque ad illa: *ore cordis auditur.* Cetera quæ sequuntur, quemadmodum ex libris Dialogorum excerpta sunt, ita commodius inferius suo loco expenditur.

Can. 16.  
de conf.  
dist. 5.

Demum canon 16. de conf. dist. 5. depromptus videtur ex Homilia 16. in caput 4. Matthæi, ubi de jejunio quadraginta dierum, quod Christus Dominus celebravit, nonnulla traduntur. Habita est hæc Homilia die primo dominico Quadragesimæ. Quoniam autem Gratiani verba paullisper apud Gratianum depravata fuerunt, juvabit eadem ad integros codices exigere, ibi: *Discutiendum nobis est, cur hæc ipsa abstinencia per quadraginta dierum numerum custoditur?* Et post aliqua: *a præsentis etenim die (scilicet dominico I. Quadragesimæ, quo Gregorius orabat) usque ad Paschalis solemnitatis gaudia sex hebdomadæ veniunt; quarum videlicet dies quadraginta duo sunt. Ex quibus dum sex dies dominici abstinencia subtrahuntur, non plus in abstinencia, quam triginta, & sex dies remanent. Dum vero per trecentos, & sexagintaquinque dies annus ducitur, nos autem per triginta, & sex dies affligimur, quasi anni nostri decimas Deo damus, ut qui nobis met ipsis per acceptum annum vivimus, Auditori nostro nos in ejus decimis per abstinencia mortificemus. Unde fratres charissimi, sicut offerre in lege jubemini decimas rerum, ita ei offerre contempnite decimas dierum.* Sic relictus Gratiani canon perspicue indicat, quam falso adnotata ei nonnulla fuerint de quatuor diebus, qui primum dominicum Quadragesimæ diem præcedunt, quorum scilicet disciplina recentioribus sorte institutionibus videbitur tribuenda.

## S E C T I O   X X V.

## De Libro Pastoralī.

Ab ipso sui Pontificatus exordio opus, cui titulum adjecit *Pastoralis*, exaravit Gregorius, ubi de Pastorum ecclesiasticorum. <sup>et</sup> sacrorum Antistitum officio quatuor libris fufe, eleganterque differuit: non solum Latinis, ac prę ceteris Johanni Ravennatensi, ad quem voluminem directum est, acceptissimum habitum fuerit, verum etiam Gręcis: qui illud ad publicam utilitatem suo idiomate interpretati sunt, quomodo, humiliter tamen, idem Gregorius testatur in epistola ad Johannem Subdiaconum Ravennę, in vulgari editione lib. 10. epist. 22. ibi: *Nam quia dilectissimę memorię Anatolius Subdiaconus quęrenti, ac jubenti Romano Imperatori librum regulę pastoralis dedit, ægre suscepi, quem sanctissimus Frater, & Coepiscopus meus Anastasius Antiochenus in Gręcam linguam transtulit. Et sicut mihi scriptum est, ei valde placuit, sed mihi valde displicuit, ut qui mellora habent, in minimis occupentur.* Hic idem liber tanquam optima Pastorum regula Episcopis omnibus propõsitus sæpissime fuit, ac commendatissimus, præsertim in Concilio Moguntino anni 813., Concilio Rhemenfi II. ejusdem anni can. 10., Concilio Turonensi III. canone 3., & Concilio Cabilonenfi II. can. 1. Quod si accuratam libri hujus partitionem perspicuam nosse desideras, ipsam initio tibi exhibebit Gregorius idem in prologo, seu in epistola ad Johannem Ravenatensem Episcopum operi præfixa, ibi: *Quadrupartita vero disputatione liber iste distinguitur, ut ad lectoris sui animum ordinatis allegationibus, quasi quibusdam passibus, gradiatur. Nam cum rerum necessitas exposcit, pensandum valde est, ad culmen quisque regiminis qualiter veniat; atque ad hoc rite perveniens qualiter vivat, & bene vivens qualiter doceat, & recte docens infirmitatem suam quotidie, quanta valet consideratione, cognoscat, ne aut humilitas accessum fugiat, aut perversioni vita contradicat, aut vitam doctrina destituat, aut doctrinam præsumptio extollat.* Aurea sane paucis verbis perstricta sententia, digna quę perpetuo Virorum ecclesiasticorum mentibus inhæreat, atque obvolvatur.

In capite 1. partis primę Pastoralis habentur verba canonis 10. dist. 38., ubi <sup>Can. 10.</sup> de imperitis Pastoribus ita loquitur Gregorius: *Profecto hi, qui ea, quę sunt Do-* <sup>dist. 38.</sup> *mini, nesciunt, a Domino nesciuntur, Paulo attestante, qui ait: Si quis ignorat, ignorabitur.* Ex his liquet, Gratiani fragmentum paullisper corruptum fuisse. Quę vero deinde sequuntur in vers. *quicunque*, exigenda erunt ad sententiam Gregorii, quę habetur in libro 15. *Moralium* cap. 53. in caput 21. Jobi vers. 21. ibi: *Omnis namque peccator prudens erit in pœna, qui stultus fuit in culpa.*

Canon 1. dist. 43. legitur in 2. parte Pastoralis cap. 4., ubi pro illis verbis: <sup>Can. 1.</sup> *Pastorem enim vestra timuisse . . . qui ab increpationis voce . . . increpatio culpam de-* <sup>dist. 43.</sup> *regis . . . ipsa quoque bona opera Sacerdotis clament . . . qui ergo fluxum seminis patitur . . . admoneret, dixit, testificor . . . ipsa sua utilitate se destruit, ita legitur in nonnullis codicibus: Pastori enim vestra timuisse . . . quia ab increpationis voce . . . increpando culpam detegit . . . ipsa quoque Sacerdotis opera clament . . . qui ergo fluxum seminis sustinet . . . admoneret, dicens, testificor, . . . ipsa sua vilitate (legunt aliqui subtilitate) se destruit.*

Qui Gratianeo rationes aut notis numericis distincterunt, aut sejunxerunt ut sitate characterum typographicorum a sententiis intermixtis Gratiani ipsius, perperam recensuerunt verba Gregorii, quæ habentur initio distinctionis 49. Quæ enim leguntur a vers. *solicite formidandum*, & in sequenti canone 1. pertinent ad caput 10. & 11. libri primi Pastoralis, ubi tamen pro verbis illis: *Quo per desiderium innititur . . . infirmantur palpebræ grossescunt, quæ quia infusione . . . repugnantis obstaculo deletatur . . . qualiter vincere debeat, demonstramus*, aliis in codicibus ista exhibentur: *Quo desiderium innititur . . . infirmantur palpebræ* (in aliis *infirmantur palpebra*, in aliis *infirmantia palpebra*) *grossescunt, quorum quia infusione . . . repugnantis stimula deletatur . . . qualiter vivere debeat, demonstramus*.

Verba canonis 2. dist. 83. habentur in parte prima Pastoralis cap. 2., ubi tamen pro illis verbis *peccator hortatur* legendum erit *peccator bonus*. Quæ subsequuntur in vers. *Episcopus* apud Gregorium desiderantur. Quinam potius auctori tribui illa debeant, attigisse jam videntur Correctores Romani. Cum vero similia quodam legantur etiam sub nomine Augustini in can. 32. cau. 2. qu. 7., nonnulla suo loco de hac re ipsa tradentur in tertia hujus operis parte.

Adnotant Romani Correctores canonem 57. cau. 2. qu. 7. haberi in parte 3. Pastoralis cap. 17. Hæc ibidem leguntur verba: *Unde & elati admonendi sunt, ne plusquam decet, sint liberi, & humiles admonendi sunt, ne plusquam expedit, sint subiecti, ne aut illi defensionem iustitiæ vertant in exercitationem superbiæ, aut isti cum student, plusquam necesse est, hominibus subijci, compellantur eorum etiam vitia venerat*. His sane emendari facile potest adhuc depravatum Gratiani fragmentum.

In tertia parte Pastoralis capite 30. habetur canon 13. de pœnit. dist. 3., cujus tamen verba ita erunt legenda: *Aliter admonendi sunt, qui admissa plangunt, nec tamen deserunt; atque aliter qui deserunt, nec tamen plangunt. Admonendi sunt enim, qui admissa plangunt, ut considerare sollicite sciant, &c.* Paulo inferius leguntur verba canonis 14. de pœnit. dist. 3., quæ non tantum cum editis vulgatis codicibus consonant, sed etiam cum pluribus vetustis codicibus MSS., quamquam in aliquibus, restantibus Maurinis Monachis, ita legitur: *Qui admissa plangit, nec tamen deserit, tanto graviore culpæ se subijcit, quanto & ipsam, quam flendo impetrare potuit, veniam contemnit*. Iterum post pauca leguntur apud Gregorium verba canonum 15. & 16. de pœnit. dist. 3., & quidem ubique consona. Obscura forte aliquibus videri poterit illa canonis 16. sententia: *Baptizatur quippe a mortuo, qui mundatur flitibus a peccato, sed post baptisma mortuum tangit, qui culpam post lacrymas repetit*. Loquebatur ibi Gregorius de peccatoribus post susceptam a Deo veniam revertis ad culpam, atque ad eam rem adferebat sententiam Ecclesiastici cap. 34. vers. 30. de illis, qui postquam mortuum tetigissent, lavabantur, & iterum ad mortuum revertebantur, ibi: *Qui baptizatur a mortuo, & iterum tangit eum, quid proficis lavatio illius? Quæ verba accommodans rei suæ Sanctus Pontifex aiebat: Baptizatur quippe a mortuo, qui mundatur, &c.*



## S E C T I O   X X V I.

## De Libro Dialogorum.

Postremo loco inter Gregoriana opera recenséo Dialogos, qui inter Gregorium ipsum, & Petrum Romanz Ecclesiæ Diaconum eidem Pontifici familiarissimum initi fuisse perhibentur; exhibent autem fufam enarrationem miraculorum, quibus Deus plurium virorum, ac virginum monasticam vitam ducentium in Italia sanctimonia illuſtravit, opere ipſo in libros quatuor diſtributo. Verum utrum hæc Gregorio jure, ac merito tribuantur, hærent in ancipiti Viri eruditi. Maurini Monachi hæc Gregorio adſerere non dubitaverunt, quemadmodum nec Mabillonius, neque Petrus Guſſanvillæus, cujus eruditæ librorum horum vindiciæ iidem Maurini Monachi editioni ſuz inferuerunt. Rationum momenta, quibus hi Viri eruditionis laude celebres innixi ſunt, ad hæc potiſſimum capita rediguntur. In primis in his Dialogorum libris vita Gregorii aſſabre delineatur, ſive auctor ſe talem exhibet, qualis revera erat Gregorius. Videlicet ſe fuiſſe olim Monachum profitetur, & quidem in Romano, quod ipſe conſtruxerat, monaſterio, uti legitur in libro 3. cap. 33., in lib. 4. cap. 21. 38. 47. & 55. Deinde auctor idem ait, ſe in Conſtantinopolitana Urbe Apocriſarii munere functum fuiſſe lib. 3. cap. 36., illinc vero ad Romanum Pontificatum eveſtum lib. 3. cap. 16., ubi etiam Pelagius II. Gregorii Prædeceſſor memoratur, quod legitur quoque in lib. 4. cap. 57. Omitto cetera, quæ habentur in lib. 1. cap. 7., & lib. 4. cap. 14. 15. 16. 19., & 27. Gregorio eidem penitus convenientia. Præterea multi ex veteribus Hiſtoricis de hoc opere mentionem fecerunt, tamquam Gregoriano; hujusmodi fuerunt Beda in lib. 2. Hiſtoriz cap. 1., Paullus, & Johannes Diaconi in lib. 2. cap. 11., & lib. 4. cap. 75. Quod verò magis magisque id demonſtrare videtur, pertinet ad epiſtolam Gregorii ad Maximianum Epiſcopum Syracuſanum, quæ eſt 50. libri 2. indiſt. 11. in vulgari editione: etenim ibidem Sanctus Pontifex paratum ſe fore profitetur ad conſcribendam enarrationem miraculorum de Patribus, qui in Italia vixerant, his verbis: *Frates mei, qui mecum familiariter vivunt, omni modo me compellant aliqua de miraculis Patrum, quæ in Italia facta audivimus; ſub brevitate ſcribere. Ad quam rem ſolatio veſtræ charitatis vebementer indigeo, ut ea, quæ vobis in memoriam redeunt, quæque cognoviſſe vos contigit, mihi breviter indicetis.*

Sunt e contrario quamplurimi rerum veterum eccleſiaſticarum ſtudioſi, ſive ex Catholicis, ſive etiam ex hæreticis, qui iſtud opus a Gregorio abjudicant, aut ſaltem incertum omnino putant, an jure Gregorio tribuatur. Ex Catholicis laudo Cedrenum apud Græcos, & Melchiorem Ganum apud Latinos. Ex hæreticis fuerunt Uldricus Coccius, Kemnitius, & Andreas Rivetus, ut omittam ceteros. Sunt autem Catholicis aliæ, aliæ hæreticis cauſæ, cur de hujus operis fide dubitent, atque auctoritate. Catholicos excitavit veritatis inveſtigandæ ſtudio ad regulas artis criticæ ſolidiſſimas apprime compoſitum. Hæretici contra apocryphum librum judicaverunt, quod in eo confirmari ſinceræ fidei, ac religionis dogmata agnoverint. Apage hanc judicandi rationem, quam ſovet veritatis non propugnandæ, ſed evertendæ voluntas. Qui ſolidis adverſus libri hujus fidem, atque aucto-

ritatem argumentis uti volet, hanc inibit cum Viris egregiis viam. Primo quidem initio eorundem Dialogorum fertur Gregorius pressus gravissimis curis secessisse in locum secretum, & mœrori accommodatum, diu etiam ibidem constitisse, ut sic ingruentes Pastoralis curæ sollicitudines falleret. Id sane minime conveniebat Gregorio Pastori vigilantissimo, qui non facile passus est, Gregem suum instantibus undecunque periculis omnino destitui. Præterea Dialogorum hujusmodi stylus talis est, qualis in nullo usquam Gregorii libro adparet, pluribus inter cetera barbaris turpissime sedatus, quamquam auctor operis in capite 1. libri 1. professus fuerit, se a rusticano scribendi usu abstinere velle, ibi: *Si de personis omnibus ipsa specialiter verba retinere voluissim, hoc rusticano usu prolata stylus scribentis non apte susciperet.* Demum quæ ibidem miracula Divina describuntur, aniles potius fabellas sapere videntur, nec satis majestati, rerumque, de quibus agitur, merito convenire. Quamquam enim mentem humanam Divina virtus longe, ac longissime excedat, mens tamen humana æquo semper judicio agnovit, Divinam virtutem præter naturæ ordinem non nisi in rebus gravissimis, & vere Deo dignis exhiberi consuevisse. Hæc sane omnia, si forte non aperte indicant, Dialogorum libros Gregorio perperam adscribi, saltem ostendunt, non omnino temere judicasse eos, qui censuerunt, istud opus ab obscuro quodam Monacho fuisse elaboratum, & sub eximio Gregorii nomine blandientem auctorem, homuncionum quorundam in monasteriorum latebris consistentium fabulas simplicitate quadam per illorum ora volitantes, in lucem publicam edidisse.

Can. 4.  
dist. 25. Ex canonibus Gratianis ex hoc Dialogorum libro depromtis primus est canon 4. dist. 25., cujus si certa fides esset, maximum quoque haberetur argumentum ad demonstrandum, decedentium iustorum animas nondum completa expiatione purgatorio adhuc igne excrucitari, donec Deo penitus satisfecerint. Legitur idem canon in lib. 4. cap. 39., ubi pro illis verbis Gratiani in *Spiritu Sanctum blasphemiam* . . . *peccatum curæ familiaris*, Maurini Monachi animadverteruat, legendum potius esse, *In Spiritu Sancto blasphemia* . . . *peccatum curæ rei familiaris*.

Can. 18.  
dist. 32. In lib. 4. cap. 11. sermo fit de *Nursino* Presbytero, quem aliquot MSS. Codices *Ursinum* vocant, aliquot etiam *ex Nursia Provincia*. Hinc autem excerptus est canon 18. dist. 32.; ubi pro illis verbis *ex tempore accepti ordinis* . . . *non fenebat*, . . . *absceidit*, legendum est: *ex tempore ordinationis acceptæ* . . . *nunquam fenebat*, . . . *absceiderat*. Quod argumentum ex Nursini facti Gratianus deducebat, non satis grave esse videtur; etenim quod Presbyter ille fecisse proponitur, meliori quidem proposito factum indicatur, non vero ita, ut præcepto, ac legi pareretur. Siquidem Auctor Dialogorum ibidem ita prosequitur: *Habent quippe sancti Viri hoc proprium, nam ut semper ab illicitis longe sint, a se plerumque etiam licita absceidunt*.

Can. 72.  
cau. 1.  
qu. 1. Rursum ab exemplo singulari Hermenegildi Sanctissimi Regis argumentatur Gratianus in canone 42. cau. 24. qu. 1., ut demonstret potius esse mortem arripere, quam de manu hæretici communionem suscipere. Quamquam enim hæc sententia verissima sit, inane tamen est illud argumentandi genus, quo ex facto viri cujusdam integerrimi alii ad similia peragenda lege obligati dicantur. Mihi sane semper displicuit, ut verum fatear, ea, quæ veritati consentanea sunt, dubiis aliquando, aut inanibus argumentis demonstrari; ipsa enim dubia argumenta ad veritatem demonstrandam adhibita, infirmis aliquando occasionem præbent, ut de ipsa dubi-

recat

tent veritate, pro qua pridem acerrime propugnassent. Memoratus canon 42. legitur in lib. 3. Dialogorum cap. 31., ubi tamen pro illis verbis Gratiani, *jacens omnipotenti Deo ad se confirmandum preces*, legendum potius est: *jacere omnipotenti Deo ad confortandum se preces*. Ad hunc ipsum canonem exigendus erit canon 72. cau. 1. qu. 1. paullisper depravatus apud Gratianum.

Canon 49. cau. 7. qu. 1. habetur in libro 2. cap. 3., ubi quæritur de Sancto Petro, qui in actibus Apostolorum cap. 12. ita loquutus perhibetur: *Nunc scio vere, quia misit Dominus Angelum suum, & eripuit me de manu Herodis, & de omni expectatione plebis Judæorum*; quæritur, inquam, num Sanctus Apostolus Judæos proinde deserere potuerit, quorum curam semel ipse susceperat. Respondit Auctor Dialogorum, ubi nulla fructus spes esse poterat, ubi omnes pervicaces erant in malo, licuisse Petro discedere, secus ac, si pars Judæorum sese Petro subsidium postulans subdidisset. Huc spectant verba memorati canonis 49., ubi post illa *valeant meliorem*, hæc erunt legenda: *Vir itaque Sanctus, propter quem custodiendum foret, qui omnes unanimiter se persequentes cerneret? Et sæpe agitur in animo perfectorum, &c.* Item pro verbis illis Gratiani: *Ut possit evadere . . . ad gravem laborem se alibi, &c.*, legendum erit: *Ut possit evadere . . . & gravem laborem ad laborem se alibi, &c.*

Can. 49.  
cau. 7.  
qu. 1.

Canon 17. cau. 13. qu. 2. legitur in lib. 4. cap. 50. ibique pro verbis illis *cum gravia . . . veniunt*, legendum erit, *quos gravia . . . conveniunt*. Similis fere sententia legitur apud S. Augustinum in toto fere libro de cura pro mortuis, & in Enchiridio cap. 109. & 110.

Can. 17.  
cau. 13.  
qu. 2.

Elegans est sententia canonis 21. cau. 23. qu. 4., ubi pro verbo *fuerunt* legendum esse *fuerint* animadvertitur ex collatione Gregorianorum Codicum cap. 8. lib. 1. Dialogorum.

Can. 21.  
cau. 23.  
qu. 4.

Canon 16. cau. 23. qu. 8. legitur in lib. 1. cap. 8., ubi pro illis verbis *Ananiam, & Sapphiram . . . exhibentur* hæc haberi animadverto: *Ananiam vero, & Sapphiram . . . exhibent.*

Can. 16.  
cau. 23.  
qu. 8.

In lib. 4. Dialogorum cap. 44. leguntur verba canonis 60. de pœn. dist. 1., ubi de ioculis hominibus ita scribitur: *Nam voluissent usque, si potuissent, sine fine vivere, &c.*

Can. 60.  
de pœn.  
dist. 1.

Verba canonis 2. de pœn. dist. 4. leguntur in lib. 4. cap. 60., ubi postquam enarratum fuisset, quod apud Matthæum legitur cap. 18. de conseruo, cui domino dimissum est, quia ille aliis dimiserat, hæc subiunguntur. *Ex quibus videlicet distis constat; quia si hoc, quod in nos delinquitur, ex corde non dimittimus, & illud rursus a nobis exigitur, quod nobis jam per penitentiam dimissum fuisse gaudebamus.* An Gratiani proposito ita convenient, facile noverit unusquisque. Disputabat Gratianus, num semel dimissa peccata reviviscere aliquando possint, nimirum post iteratum lapsum? At de hac re alibi differendum potius erit; ac præcipue ad canones 3., & 4. eadem dist. 4. de penitentia.

Can. 2.  
de pœn.  
dist. 4.

In libro 3. cap. 30. Dialogorum exhibetur canon 22. de conf. dist. 1. Jamdiu rectissime observaverunt Correctores Romani, pro illis verbis Gratiani *B. Sebastiani, & S. Agathæ, &c.*, legendum potius esse *B. Stephani, & S. Martiæ martyrum reliquiis, &c.* Non erit abs re similia quadam huc referre ex aliis Gregorii monumentis excerpta. Nimirum Gregorius in epistola ad Leonem Acolythum, quæ est 19. lib. 3. in regesto, ait: *Quia ergo Ecclesia Sanctæ Agathæ sita*

Can. 22.  
de conf.  
dist. 1.

in

in suburra, quæ spelunca fuit aliquando pravitatis hæreticæ, ad Catholicæ fidei culturam Deo propitiante reduſſa eſt, ideo bujus auctoritatis tenore commonitus . . . quantum in ſacris teſtibus, vel luminaribus, aliæque reparatione ejuſdem Eccleſiæ neceſſarium fuerit, erogare modis omnibus ſtudebis.

Demum in libro 4. Dialogorum cap. 58. leguntur verba canonis 73. §. hæc ſalutaris de conſ. diſt. 2., cujus priora verba ita legenda erunt: *Hæc namque ſingulariter viſſima ab æterno interitu animam ſalvas, quæ illam nobis mortem unigeniti, &c. Preterea pro illis Gratiani verbis: In hoc myſterio moritur . . . ſalutem patitur . . . ſumma & ima ſociari, &c.*, hæc erunt legenda: *In hoc myſterio ſacræ oblationis immolatur . . . ſalutem patitur . . . ſumma imis ſociari, &c.*, Verſiculus autem uno inquit, quemadmodum jam rectiſſime animadverterunt Correſtores Romani, deſideratur in libris Dialogorum, potius vero pertinet ad Alcuinum, apud quem cum Gregorius Papa laudetur, exinde ſubſtriri Colleſtoribus errandi occaſio potuit; dum iſti Gregorii, & Alcuini verba minime diſtinguentes, ac in ſuos codices verba Alcuini tranſferentes, Gregorii nomine inſcribere non dubitaverunt. Ceterum, quæ ex Alcuini libris emendanda olim fuerant apud Gratianum, jam Romani iidem Correſtores optime expurgarunt.

## SECTIO ULTIMA.

### De ceteris Capitibus Gregorii nomine relatis.

Can. 4. Plurima adhuc fragmenta ſuperſunt apud Gratianum, quæ ut plurimum, licet  
diſt. 17. nomine Gregorii referantur, non tamen Gregorii ſunt, ſæpe etiam a germanis iſtius Gregorii ſententiis aliena deprehenduntur. De canone 4. diſt. 17. nullam amplius mentionem facio; etenim ſuperius in cap. 55. pag. 489. jam animadverſi, illum Pelagio primo tribuendum potius fuiſſe. Exordior a canone 2. diſt. 23., qui nomine quidem Gregorii laudatur, attamen quis ille Gregorius fuerit, ac quodnam ad monumentum canon ſit exigendus non facile conſtat. Ego puto, canonis ejuſdem auctorem paucis ibidem perſtrinxiſſe ſententiam Gregorii VII., qualis habetur in libro 9. Regeſti epiſt. 5. ad Hugonem Dienſem Epiſcopum. Ibidem Sanctus Pontifex aſſeruit, Epiſcopos Nortmannos, qui olim erant depoſiti ab officio, reſtituendos eſſe in priſtinum gradum, ne forte aſperior, quam par eſſet, videretur Eccleſiæ Romanæ diſciplina apud Anglos, cum quibus mitius agendum fore ſuaſebat, eam rationem adjiciens, quæ in memorato canone traditur, nimirum ſacros canones pro variis temporum, locorum, hominumque adiunctis temperandos eſſe.

Can. 2. Si auctorem canonis 2. diſt. 33. noſſe deſideras, tibi ſatis erit adire collectionem  
diſt. 33. Ivonis, apud quem idem fragmentum legitur ſub nomine Auguſtini in libro de eccleſiaſticis regulis, ſive dogmatibus. Ibi ſane cap. 70. num. 37. hæc leguntur: *Maritum duarum poſt baptiſmum matronarum clericum non ordinandum, neque eum, qui unam quidem, ſed concubinam, non matronam habuit, nec illum, qui viduum, aut repudiatam, vel meretricem in matrimonio ſuſcepit. Neque eum, qui ſemetipſum quolibet corporis ſui membro indignatione aliqua, vel juſto, injuſtoque timore (legunt aliqui: injuſtoque judicio) ſuperato truncaverit. Neque illum qui uſuras accepiſſe convinctus,*

crimina, aut in se non fuisse dignoscitur. Neque eum, qui publica poenitentia mortaliter crimina desit, neque illum, qui aliquando in furiam versus insanivit, vel afflictione diaboli vexatus est, neque eum qui per ambitionem ad imitationem Simonis Magi peccuniam offert. Integra hæc verba descripsi, quod apud Gratianum etiam post Romanam Correctionem paullo aliter descripta legantur. Ceterum librum hunc de dogmatibus ecclesiasticis falso tributum esse Augustino suo erit loco demonstrandum.

Canonem 3. dist. 40. arbitror referendum esse ad sententiam Gregorii, quæ legitur in canone 4. ejusdem distinctionis 40., utrobique enim eadem propemodum describuntur, ut proinde verosimile sit, Gratianum ex diversis collectionibus utrumque fragmentum, sive diversam fragmenti ejusdem verbo tenus editionem exhaustisse, & quasi duo Gregorii capita protulisse. Ceterum quod ibidem traditur, videlicet Episcopos, ac præsertim Patriarchali honore venerabiles debere bonis operibus potius, quam ceteris animi, aut familiaribus ac similibus dotibus tales exhibere, pluries idem Gregorius tradidit. Sic in epistola ad Eulogium Alexandrinum, & Anastasium Antiochenum Episcopos, quæ est 36. lib. 4. in vltima editione, inquit: *Omnes Episcopos curæ vestræ subiectos ab hujus elationis inquinamento prohibere, ut universa vos Ecclesia Patriarchas non solum in bonis operibus, sed in veritatis auctoritate cognoscat.* Item in epistola ad Johannem Episcopum Constantinopolitanum, quæ in eadem editione est 38. lib. 4., ait: *Quid ergo nos Episcopi dicimus, qui honoris locum ex Redemptoris nostri humilitate suscepimus, & tamen superbiam hujus ipsius imitamur?*

Animadvertunt in Romani Correctores, canonem 11. dist. 40. plurimum convenire cum iis, quæ referuntur apud Gregorium homilia 9. in Ezechielem, ubi dicitur parum valere loca, ut quis in gratia Dei perpetuo consistat, ibi: *Quia autem loca mentem non continent, ipse humani generis primus testatur parens, qui & in Paradiso cecidit. Sed minus sine omnia, quæ loquimur ex terra. Nam si locus salvare potuisset, Satan de Cælo non deberet.*

Canon 29. dist. 63. apud Ivonem in arte 5. Decreti cap. 2. referitur sub nomine Gregorii II., in vetustis autem Gratiani codicibus adscribitur Gregorio IV. utrobique mendum evidens agnoscitur; etenim unum in eo fragmento mentio fiat Hadriani II. Papæ, qui vixit anno circiter 870., & itaque Gregorio IV. recentior, nemo dubitare potest nec Gregorium II., nec Gregorium IV. dici posse canonis illius auctorem. Potius monumentum hoc tribuam Anastasio Bibliothecario, qui in suo Pontificatu in vita Hadriani II. eadem fere scripsit, ibi. *Collectis igitur omnibus tam Episcopis cum universo Clero, quam Primoribus urbis cum obscurantibus sibi populus ab Ecclesia Sancta Dei Genitricis Mariæ, quæ appellatur ad præsepe, rapitur, (Hadrianus), trahitur, & ad Lateranense Patriarchium certatim, ac a procerum, & plebis multitudine deportatur. Quod audientes tum missi Principis moleste tulere, indignati, non quod tantum virum nolent Pontificem, quem nimirum annie cupiebant, sed quod se, dum præsentibus essent, Quirites non invitaverint, nec optate a se futuri Præsulis electioni interesse consenserint. Qui accepta ratione, quod non Augusti causa contemneretur, sed futuri temporis hoc omisum fuerit omnino prospexit, ne videlicet Legatos Principis in electione Romanorum Præsulum mos expellendi per hujusmodi fomitem inoleret, omnem suæ mentis indignationem medullitus (legunt alii inoliter, alii mollius) sedaverit, ac salutandum (legunt alii at ad salutandum) electum etiam ipsi humiliter accepit.*

*accescere.* Hæc sane brevis historia spectat formulam electionis, de qua nonnulla differenda proposui ad canonem 30., & 32. dist. 63., ubi etiam quædam attingenda de electione Hadriani II. juxta ea, quæ in memorato Anastasii monumento traduntur. Interea hæc adnotasse sufficiat, nisi forte quisquam sciscitaretur, qua ratione evenire potuerit, ut fragmentum Anastasii Gregorio II., vel IV. Pontifici tribueretur. Ego sane, uti in multis aliis, redarguendam etiam hæc in re agnosco imprudentiam Amanuensium, ne dicam Collectorum improbitatem, qui sæpe ac sæpius canonum inscriptiones vitiare turpiter non erubuerunt. Illos posset hæc, qualiscumque tandem habeatur, excusare conjectura; forte enim in MSS. quibusdam Codicibus, in quibus monumentum illud habebatur, adjici potuit hæc brevialis characteribus inscriptio ex G. R. P., qua significaretur monumentum depromptum esse ex *Gestis Romanorum Pontificum*; nimirum hoc nomine donabatur Anastasii Bibliothecarii Pontificale, quemadmodum docet inscriptio canonis 21. dist. 63. At imprudens, imperitusque Amanuensis ita legit: *Ex Gregorio Papa, vel ex Gregorio Romano Pontifice.* Non erit omnino inverosimilis hæc conjectura apud eos, qui apprimè norunt, quam facile ex vetustorum Codicum MSS. breviationibus hujusmodi scripturarum, ac præsertim inscriptionum varietates emerferint, utinam etiam non emergent in præsentia! qua nimirum ætate hujuscemod. studia Viros eruditissimos nec immerito tenent.

Can. 23.  
dist. 81.

Simile quidpiam mea opinione contigit in canone 23. dist. 81., qui Gregorii nomine apud Gratianum laudatur; apud Ivonem vero parte 6. c. 76. hæc adjecta inscriptione: *Gregorius Civibus Romæ*; forte enim apud veteres legebatur *Gregorius C. Rom.* ut significaretur, ea quasi ex Gregorio deprompta fuisse in *Concilio Romano*, Ivo autem, aut alius quispiam legit *Civibus Romæ*. At, inquires, quodnam demonstrari potest Concilium Romanum sub Gregorio celebratum, ad quod Gratianus canone referatur? Nemo ex Collectoribus, quoad ipse noverim, aut ex Glossographis huc usque patefecit. Nomine hujus Concilii Romani ego intelligo Synodum Romæ celebratam anno 743. sub Zachariæ Pontifice; ubi quum consideraveris verba, quæ habentur in canone 15., præsertim in eo, quod apud Gratianum, & Ivonem non Zachariæ, sed Gregorius memoretur, dubitationem amovebit omnem animadversio, qua in eodem canone agnosces laudatum Gregorium Magnum, cui propterea recentiores Collectores facile tribuere potuerunt, quæ in integro canone tradebantur. His addi apud Gregorium eundem plurima deprehendi ad eandem rem, sive materiem pertinentia, præsertim, ut alia omittam benemulta, in epistola ad Romanam, & alios Defensores, quæ in vulgari editione est 39. lib. 7. Jam vero suspiciam hoc in loco verba ipsa memorati canonis 15. editi in Romano Concilio Zachariæ, ibi: *Sed neque hoc silendum est, pervenisse ad nos (quod cum grandi tristitia animi dico) per diversa loca hujus Italiae, & Longobardorum partes, Sacerdotes cum sanctimonialibus feminis, idest Monachis, habitare. Quod nefarium est dicere, vel audire contra canones esse sancita. Ubi enim talis fueris commemorantium habitatio, antiqui hostis stimuli non desunt: unde omnino cavendum, & vitandum est, Fratres mei, ne fallant, & impleatur in eis Propheta dictum: Sacerdotes ejus contaminans sancta, & reprobandi legem. Quod & alius Propheta increpat, dicens: vos Sacerdotes, qui fallitis nomen meum, & dixistis, in qua re sefellimus nomen suum? Quibus respondendum est: offerentes ad Altare meum panem pollutum. Non est mihi*

voluntas in vobis, dicit Dominus omnipotens, & sacrificium non accipiam de manibus vestris. Pro quo timeo, dilecti mei, ne nobis in capere possitis, si neglexerimus, illud contingat, quod Dominus per Prophetam dicit: ideo Pastores audite verbum Domini. Ecce lac devorastis, &c. Quæ hæc sequuntur, habentur apud Ezechielem cap. 34.

Canon 12. cau. 1. qu. 1. potius tribuendus erat Paschali II., quam Gregorio. Hujus rei testis est Deusdedit, qui in tractatu contra Simoniacos, quemadmodum animadverterunt Correctores Romani, eadem verba retulit ex epistola Paschalis II. ad Mediolanenses. Hac autem in re maximi faciendum erit Deusdedit testimonium, utpote qui Romæ scribebat tempore ejusdem Paschalis II., ac propterea nonnisi impudentissime Paschali II. tribuisset, quod nunquam ab eodem Pontifice fuisset editum. Non tamen inficias iverim, aliqua similia reperiri, aut apud Gregorium I., quemadmodum exemplo esse potest canon 2. cau. 1. qu. 1., aut apud Gregorium VII., qui passim de irritandis Simoniacorum ordinationibus egit; unde fieri forte potuit, ut Gregorii nomen eidem Gratiano canonis adscriberetur. Ceterum non desunt alia ecclesiasticorum canonum monumenta, quibus idem canon consonet. Similia quædam leguntur in canone 2. Concilii Chalcedonensis; similia etiam habentur, ut cetera omittam, in epistola 2. Nicolai I. ad Michaelem Imperatorem, ubi de Photio sermo fit; quem Gregorius Syracusanus schismaticus in locum Ignatii ordinaverat, ibi: Nam Gregorius quomodo quemquam edificare poterat, qui multipliciter jam noscebatur elisas, quomodo quemquam in aliquo ecclesiastico poterat ordine stabilire, qui Ecclesiæ unitatem scindens ipse jam videbatur omnino decessus? Sicut enim ligatus ligare, & decessus deicere non potest, sic destructus construere, & elisas quemquam ordinare nequivit. . . . Gregorius ergo, qui canonicè, ac synodice depositus, & anathematizatus erat, quemadmodum posset quemquam proovere, vel benedicere, ratio nulla docet.

Ad canonem 84. cau. 1. qu. 1. jamdiu Romani Correctores animadverterunt, illum fuisse congestum ex variis Isidori, Gregorii Magni; atque Hieronymi sententiis. Ubi de Isidoro Hispalensi agendum erit, illa tradam, quæ ad eundem Sanctum Episcopum ex hoc fragmento referenda erunt, nimirum a versu. *Mysterium itaque usque ad illa verba: Sed qui incrementum dat Deus.* Porro quæ deinde sequuntur a versu. *Polluimus usque in finem ex Hieronymo deprompta esse videntur;* etenim Sanctus Vir in caput 1. Malchiz in ea verba *panem pollutum,* item in ea *polluimus eos?* ita scribit: *Polluimus panem, idest Corpus Christi, quando indigni accedimus, & sordidi mundum sanguinem bibimus.* Deinde in caput 2. Malchiz ad illa verba *maledicam benedictionibus vestris* ait: *Maledicam, inquit, benedictionibus vestris, hoc est iis, quæ nunc meis benedictionibus possidetis, sive quidquid a vobis benedicetur, a me maledictum erit.* Et post multa: *Vel certe quia ad Sacerdotes proprie mandatum est, vertuntur benedictiones eorum in maledictionem, quando non benedicunt Sanctis ex vero cordis affectu, sicut Isaac Jacob, & Jacob Patriarchis, & Moyses duodecim tribubus, sed per dulces sermones; & benedictiones decipiunt corda innocentium, & qui inique agunt, benedicuntur ab eis, adulanturque peccatoribus, dummodo divites sint, atque eorum vitiis blandiuntur.* His itaque aut Isidori, aut Hieronymi fragmentis exceptis cetera fere omnia ex variis Gregorii Magni sententiis paullo aliter digestis composita sunt. Huc præsertim referenda, quæ Gregorius idem habet in 3. parte Pastoralis admonitione 5. ibi: *Admonendi sunt subditi, ne præpositorum suorum vitam temere judicent; siquod eos fortasse agere repre-*

Can. 12.  
cau. 1.  
qu. 1.

Can. 84.  
cau. 1.  
qu. 1.

benignius vident, ne unde mala recte redarguunt, inde per elationis impulsus in profundiora mergantur. Admonendi sunt, ne cum culpas præpositorum considerant, contra eos audaces fiant; sed sic siqua valde sunt eorum prava, apud semetipsos dijudicent, tamen divino timore confritti ferre jugum reverentia non recusent. Huc etiam referenda, quæ leguntur in libro 15. Moralium cap. 16. ibi. Sunt vero nonnulli, qui si parum quid de spiritali conversatione inchoant, cum Rectores suos temporalia agere, & terrena considerant, mox ordinem supernæ dispositionis accusant, quod nequaquam bene ad regendum prælasi sint, per quos conversationis infimæ exempla monstrantur. Sed hi nimirum dum temperare se a Rectorem suorum reprehensione negligunt, culpe suæ exigentibus meritis usque ad reprehensionem conditoris excedunt, cuius profecto dispensatio inde ab humilibus rectoribus agnoscitur, unde ab elatis non recte judicatur. Ex his sane liquet horum fragmentorum confarcinatorem nonnulla immutavisse, nonnulla de suo adjecisse, neque enim plurium Patrum sententiarum aliter jungi poterant; quod eo vel magis unicuique constabit, quoties hæc conferantur cum iis, quæ tradidit Magister sententiarum in lib. 4. cap. 19: ubi plura ex iis, quæ apud Gratianum legimus, describuntur, quæque Gratiano ipsi tanquam exempta esse potuerunt, si Lombardi opus scribente Gratiano jam publicam lucem adspexerat.

Potiore jure Augustino, quam Gregorio tribueretur canon 89. cau. 1. qu. 1., hujus quippe sententia passim apud Sanctum Hippontensem Antistitem probatur, ubi præsertim ille Donatistarum hæresim conficit. Hujus rei argumentum esse potest liber de baptismo adversus Donatistas, item liber contra epistolam Parmeniani; in his enim nihil clarius disertiusque exprimitur, quam quod in memorato canone 89. paucis indicatur; ut propterea dixeris, ibidem agnoscendum esse brevium quoddam Augustini illa opera elucubrantis argumentum. Quod si adhuc nonnulla apud Gregorium investigare velis his similia, poterunt in medium proferri ea, quæ habentur in epist. 32. lib. 2. in vulgari editione ad Johannem Episcopum Ravennæ ibi: Sicut autem baptizatus semel, iterum baptizari non debet, ita qui consecratus est semel, in eodem iterum ordine non debet consecrari. Sed si quis forsitan cum levi culpa ad Sacerdotium venit, pro culpa poenitentia indici debet, & tamen ordo servari; Huc etiam referri possunt, quæ habentur in expositione in librum primum Regum cap. 3. ibi: Electi Pastores Sanctæ Ecclesiæ, quod exterius portant de gloria culminis, hoc intus accipiunt ex gratia divine bonitatis, & honorem, quo sublimis sunt in oculis hominum, digno studio in interiori ab internæ maiestatis largitate promerentur.

Si Anselmus Lucensis, qui Alexandro II. Pontifici contemporaneus fuit, canonem 11. cau. 1. qu. 4. laudavit tanquam ejusdem Alexandri II. monumentum; quid aliud remanet investigandum in codicibus Gratiani, quorum alii Gregorio, alii Augustino tribuerunt? Plane temporibus Alexandri II. illa sententia plurimum congruit; scimus enim simoniz vitium etiam in consecrationibus Ecclesiarum admodum frequentissime fuisse, atque frequentissime etiam ab eodem Alexandro II. damnatum. Referam ad hæc rem, quod legitur in constitutionibus, quas Legati Sedis Apostolicæ sub eodem Alexandro Mediolanensibus observandas præscripserunt, ibi: Ex nulla quoque ecclesiastici ordinis benedictione, vel ex ecclesiarum consecrationibus, vel christianis datione quidquam muneris a quoquam per aliquam conventionem detur, aut accipitur. Nomen Gregorii forte in inscriptione Gratiani canonis irrepsit, quod creditum fuerit ad Gregorium VII. pertinere plurimas Ale-

Can. 89.  
cau. 1.  
qu. 1.

Can. 11.  
cau. 1.  
qu. 4.



Alexandri II. constitutiones; siquidem Gregorius Alexandri successor Simoniacorum Ecclesias consecrantium gella æque improbavit, quemadmodum constat ex pluribus ejusdem Pontificis monumentis. Forte etiam evenire potuit, ut ideo Gregorius laudaretur tamquam auctor ejusdem canonis, quod plurimum cum hoc canone conveniat sententia Gregorii Magni in canone 2. cau. 1. qu. 1., ubi legitur, Sacerdotem simoniaci ordinatum nullatenus Sacerdotem vocari posse, qua similitudine potuit collector quispiam canonum uti ad insequendas simoniacas ecclesiarum consecrationes. Unum adhuc animadvertendum est, canonem hunc 11. parum, aut nihil prodesse proposito Gratiani, qui inquirebat, utrum crimen paternum ignorantibus filiis obesset.

Canonem 42. cau. 11. qu. 7. jam Romani Correctores jure tribuerunt Gregorio IV., quamobrem suo loco velut commodiore inferius expendendus erit.

Quicumque canonem 43. cau. 2. qu. 7. consideraverit, atque cum canone 44. sequente contulerit, statim agnoscet, illum nihil aliud continere, quam breve illius, ad compendiarium argumentum, quod Gratianus non paucis in locis facere consuevit. Quamobrem meo judicio parum accurate editores recentiores Gratiani codicis distinxerunt capita numericis notis, dum canonum argumenta, quasi sejuncta capita numeris distinxerunt. Quod ipsum etiam contigit in can. 2. cau. 5. qu. 6., cujus sententia nihil aliud continet, quam argumentum canonis 3. sequentis.

Gregorio Papæ perperam tribuitur canon 20. cau. 11. qu. 1. Verum jam superius cap. 55. pag. 489. demonstravi, illum potius tribuendum fuisse Pelagio I., unaque canonis ejusdem sententiam expendi.

Canon 66. cau. 11. qu. 3. perperam tributus fuit Gregorio, potius autem adscribendus erat Isidoro Hispalensi in libro 3. sententiarum, qui alias dicitur liber de summo bono cap. 54. ibi: *Qui recte judicat, & præmium inde remunerationis expectat, fraudem in Deum perpetrat, quia justitiam, quam gratis impertiri debuit, acceptione pecunie vendit. Bonis male utuntur, qui juste pro temporali lucro judicant. Tales quippe ad veritatem non justitiæ defensio, sed amor præmii provocat. Quibus, si spes nummi subtrahitur, confestim a justitiæ defensione recedunt. Acceptio munerum prævaricatio veritatis est: unde & pro justo dicitur: qui excutit manus suas ab omni munere, iste in excelsis habitat.*

Cum canon 70. cau. 11. qu. 3. Ex dictis Gregorii depromptus esse dicatur, facile liquet, in eo non exhiberi ipsamet Gregorii verba, sed potius sententias ibidem congestas ex pluribus ejusdem Pontificis monumentis. Istuc referunt Correctores Romani, quæ Gregorius tradidit in caput 19. Moralium cap. 33. ad ea verba Jobi: *Causam, quam nesciebam, diligentissime investigabam.* At vero quoties cum his conferantur verba Gratiani, diversa sane utrobique sententia percipitur. Siquidem apud Gratianum legitur, neminem furore percitum, aut levitate quadam adductum debere in judicando præcipitem sententiam pronunciare; sed caute procedere Mosis exemplo; & apud Gregorium loco memorato traditur, Dei ministros non debere secularium negotiorum causis invigilare; aut, si forte rerum necessitas quidpiam hujusmodi postulet, debere eas per substitutos expedire exemplo Mosis, qui in causis populi dirimendis viros pro se septuaginta constituit, ut quanto se ab exterioribus causis absconderet, tanto ardentius interna penetraret. Ad rem potius facere videntur quoquo modo; quæ paullo inferius leguntur, ibi:

*Qua in re notandum video, ne ad proferendam sententiam unquam præcipientes esse debeamus, ne quelibet mala audita nos moveant, ne passim dilla sine probatione credamus. Similia nonnulla leguntur in epistola ad Maximianum Episcopum in vulgari editione 26. lib. 12. ibi: Frequenter admonuisse vos recolo, ut in proferenda sententia esse præcipientes nullatenus deberetis. Ad eundem canonem referenda etiam videntur, quæ Gregorius habet in 2. parte Pastoralis cap. 5. ibi: Hinc Moyses crebro tabernaculum intrat, & exit, & qui intus in contemplationem rapitur, foris infirmantium negotiis urgetur. Intus Dei arcana considerat, foris opera carnalium portat. Qui de rebus quoque dubiis semper ad tabernaculum recurrit, coram testamenti arca dominum consulit, exemplum procul dubio Recloribus præbens, ut cum foris ambigunt, quid disponant, ad mentem semper, quasi ad tabernaculum redeant, & velut coram testamenti arca Dominum consulant, si de his, in quibus dubitant apud semetipsos intus sacri eloquii paginas requirant.*

Can. 78.  
sola. 11.  
qu. 3.

Non Gregorii, sed potius Isidori Hispalensis est canon 78. cau. 11. qu. 3., quemadmodum facile liquet conferenti caput 54. lib. 3. Sententiarum ejusdem Sancti Hispalensis Doctoris. Cum autem apud Gratianum paullisper depravata canonis editio sit, illam operæ pretium erit emendare. Ait ibi Isidorus: *Quatuor modis pervertitur humanum judicium: timore, cupiditate, odio, & amore. Timore, dum metu potestatis alicujus veritatem loqui pavescimus. Cupiditate, dum præmio muneris alicujus corrumpimur. Odio, dum contra quemlibet adversari molimur. Amore, dum amico, vel propinquis præstare contendimus. His enim quatuor causis sæpe æquitas violatur, sæpe innocentia leditur.*

Can. 3.  
S. soror  
cau. 13.  
qu. 2.

Canon 3. S. soror cau. 13. qu. 2. referendus est ad librum 2. Dialogorum Gregorio tributorum cap. 54., ubi hæc de S. Benedicto leguntur: *Post triduum in cella consistens elevatis in æra oculis vidit ejusdem sororis suæ animam de ejus corpore egressam in columbe specie cæli secreta penetrare. Qui tanta ejus gloriæ congaudens, omnipotenti Deo in hymnis, & laudibus gratias reddidit, ejusque obitum fratribus denunciavit, quos etiam protinus misit, ut ejus corpus ad monasterium deferrent, atque in sepulcro, quod ipse sibi paraverat, ponerent. Quo facto contigit; ut quorum mens una semper in Deo fuerat, eorum quoque corpora nec sepultura separaret. Verum qualis sit hujusmodi Dialogorum auctoritas, ac propterea quum hæc jure Gregorio adscripta fuerint, superius jam abunde perspectum esse videtur.*

Can. 3.  
cau. 15.  
qu. 6.

Perspicue liquet, canonem 3. cau. 15. qu. 6. ad Gregorium Magnum pertinere nullo modo posse, cum ibidem mentio fiat recentiorum Principum Pippini, & Caroli Imperatoris, Item Zachariæ Pontificis. Commodius atque opportunius de eo agam inferius, ubi de Gregorio VII. sermo instituetur.

Can. 23.  
& 24.  
cau. 16.  
qu. 1.

Facile noverit unusquisque, Gregorii Magni temporibus non convenire, quod Gratiani ejusdem nomine refertur in can. 23., & 24. cau. 16. qu. 1., etenim certo constat apud eruditos omnes, Monachos nisi recentiore ætate non obtinuisse facultatem sacramenta publice populo administrandi. Hinc etiam in Concilio Pictaviensi anno 1100. jussu Paschalis II. celebrato canone 11. ita legitur: *Ut nullus Monachorum Parochiale ministerium Presbyterorum, idest baptizare, prædicare; penitentiam dare præsumat. Quæ igitur apud Gratianum in memoratis canonibus habentur, ex iis forte sunt monumentis, quorum plurima Monachi ipsi sub finem decimi sæculi elucubrata evulgarunt, quasi ex antiquissimis Pontificibus Maximis, præsertim ex Gregorio Magno accepta, de quibus jam superius quædam*

tradidi ad canonem 5. cau. 18. qu. 2., quæque potuit facile proferre in medium Gratianum monasterio additus, & in volutandis monasteriorum codicibus diu versatus, quemadmodum simile quidpiam contigisse arbitror in canone 21. cau. 16. qu. 1., qui Ambrosio tribuitur, quasi jam ab antiquissimis Ambrosii temporibus recens Monachorum disciplina jure repeti possit. Videntur potius laudati canones 23., & 24. decerpti ex Concilio Nemaufensi anni 1096. sub Urbano II. celebrato, in quo ita legitur canone 2. *Credimus igitur, a Sacerdotibus Monachis ligandi, solvendi que potestatem digne administrari, si tamen digne contigerit eos hoc ministerio sublimari.* Et can. 3. *Oportet eos, qui seculum reliquerunt, majorem sollicitudinem habere, pro peccatis hominum orare, & plus valere eorum peccata solvere, quam Presbyteros seculares, qui hi secundum regulam Apostolicam vivunt, & eorum sequentes vestigia communem vitam ducant juxta quod in actibus eorum scriptum est: erat illis cor unum, & anima una, & erant illis omnia communia.* Ideoque videtur nobis, ut his qui sua relinquunt pro Deo, dignius liceat baptizare, communionem dare, penitentiam imponere, nec non peccata solvere. *Unde considerare nos oportet, quantæ virtutis apud Deum sint, qui seculum relinquunt. Dominus obediunt præcepto dicentis: relinque omnia, quæ habes, & veni, & sequere me.* Unde censemus eos, qui Apostolorum figuram tenent, prædicare, baptizare, communionem dare, suscipere penitentes, peccata solvere. Porro hæc si cum memoratis Gratiani canonibus conferantur, facile indicabunt, autorem eorundem canonum abusum fuisse verbis, immo etiam sententiis Concilii Nemaufensis, insuper ut proposito suo impensius indulgeret, Gregorii nomen adjecisse gravioris auctoritatis conciliandæ causâ. Dixi abusum fuisse sententia Concilii Nemaufensis: etenim jam a temporibus Magni Gregorii usus in Ecclesiis invaluit, ut quemadmodum Monachi vitæ integritate venerabiles habebantur, ita ipsi a monasteriis ad regendas Ecclesias advocarentur, modo in Episcopatu, modo in Clero inferiori. Quod quidem plures in invidiam Monachorum concitavit, ut propterea non desissent, qui dicerent, Monachos mortuis æquiparandos, & minus idoneos habendos, qui ad obeunda ecclesiarum officia promoverentur. Constat id ex decreto, de quo mentio fit in can. 25. cau. 16. qu. 1. Itaque viri ecclesiastici nihil sollicitius curarunt, quam ut suaderent, immo & latâ lege definirent, Monachos esse sacris obeundis muneribus aptos, dummodo tamen legitime ad Clerum promoverentur. Hi fuere primi canones, qui generaliter Monachos ad sacra officia vocare ceperunt, non quidem ut quousque Monachi degerent in monasteriis, ibidem sacra conficerent, sed ut a monasteriis ad Ecclesias transferrenrur, munus sibi juxta ordinem demandatum executuri. Huc tantummodo spectaverunt Patres Concilii Nemaufensis, quod in memoratis canonibus 2., & 3. facultatem Monachis fecit vacandi ministeriis ecclesiasticis. Plane initio canonis 2. mentio fit nonnullorum, qui tunc temporis Monachorum promotionem ad Clerum prorsus improbant; at Nemaufenses Patres probandam & contrario valuerunt, exemplo præsertim Gregorii Magni, Augustini Anglorum, & Martini Pannonienfis, quos nemo non dubitat a monasteriis ad regendas Ecclesias accitos fuisse. Alio igitur detera est Nemaufensium Patrum sententia ab iis, qui laudatos Gratiani canones ediderunt nomine Gregorii, facultatem tunc facientes Monachis in monasteriis ipsis publice sacramenta administrandi. Neque enim idem est, Monachos ad Ecclesias a monasteriis vocari posse causâ sacramentorum ministrandorum, & Monachos in suis monasteriis publice Parochiales, ita dixerim, munus obire. Immo si ipsa Gre-



quodam editum. Romani etiam Correctores adnotaverunt legendum esse ex Burchardo, & Ivone *non defendat*. Ego vero putaverim potius, verba hujus canonis non esse ulla ratione attendenda, utpote quæ Gregorii non sunt, sed ad memoratum canonem 3. exigenda.

Canon 22. cau. 24. qu. 3. legitur in Pœnitentiali Romano edito ab Antonio Augustino tit. 6. cap. 17., quin tamen ulli auctori adscribatur, his verbis: *Quisquis per dolum manum suam mittit in Christum Domini, Episcopum videlicet Patrem, & Pastorem suum, quia sacrilegium committit, ut qui Ecclesiam Dei devastat, & incendit, quia & hoc sacrilegium est, placuit sanctæ Synodo, ut in uno loco, idest in monasterio, pœniteat omnibus diebus vite sue.* Ita quoque scripsit Ivo in parte 12. cap. 86., & parte 13. cap. 65., nec non Burchardus lib. 10. cap. 65., apud quos omnes desiderantur illa Gratiani verba: *ut in primis omnia bona ejus proserpione publicentur*: Ex ipsa canonis formula perspicuum fit, eundem non esse Gregorii, sed potius alicujus Concilii, ut indicant verba illa præ ceteris *placuit sanctæ Synodo, ut &c.* Sive Ivo, sive Burchardus non Gregorium auctorem canonis memorant, sed potius canonem hanc inscriptionem adjecerunt: *Ex Concilio Tungrensi can. 5.* In quibusdam codicibus pro voce *Tungrensi* legitur *Gangrensi*, ita, forte emendata lectione ab eo, qui quale esse Tungrense Concilium ignorabat, noverat vero Gangrense. Baluzius in notis ad Gratianum memorat in Codice Talonico se legisse in inscriptione hujus canonis *ex Targrensi Concilio*. Ego arbitrator legendum potius fuisse *ex Concilio Troslejenfi can. 5.* Revera in Concilio Troslejenfi anno 909. in pago Sueffonico celebrato ab Heriveo Rhemenfi Archiepiscopo similis fere sententia exhibetur can. 4., & 5., in quibus asseritur in primis sacrilegium admitti a schismatico, qui ab Episcopo suo in Episcopatus injuriam deficiat; deinde sacrilegium etiam admitti ab eo, qui res ecclesiasticas invadat, auferat, vel diripiat. Immo adversus hunc sacrilegum excommunicationis poena infligitur, additurque *in poena perpetua deprimetur*. Tandem ad alias etiam poenas indicendas devenitur his verbis: *Sed quia sunt quidam, qui temporalem potius moriem, quam æternam timeant, recenseamus, quid sæculi leges de talibus præcipiant.* In libro *supra scripto* (Is est liber Capitularium Francorum, de quo mentio superius habita fuerat) *capitula 431. jubetur, ut capitali poena muldentur, qui sacrificia, adulteria, prædationes, aut devastationes exercuerint, ut omnes res eorum tam mobiles, quam immobiles fisco Regis socientur, vel Ecclesiæ, cujus res vastaverint, alienaverint, aut abstulerint, tradantur.* Hæc, quæ in canonibus Troslejenfis suis verbis sententia exprimitur, in compendium redacta fuerat ab auctore Gratiani canonis 22., & quidem principio sub nomine Concilii Targrensis, quemadmodum memoratus Baluzius agnovit; nomen ab aliis editum est Concilii Tungrensis, uti apud Burchardum, & Ivonem; cujus loco substituerunt alii nomen Concilii Gangrensis, & tandem pro nomine Gangrensis non defuerunt, qui legerent nomen Gregorii, atque is fuit, vel Gratianus, vel auctor Codicis, quem Gratianus idem sequebatur.

Canon 15. cau. 27. qu. 1. videtur a Gratiano Gregorii nomine descriptus ex Reginonis Collectione in lib. 2. cap. 165., ubi tamen pro illis Gratiani verbis *apud se retineat impudice . . . revocetur, atque recludatur*; apud Reginonem ita legitur: *apud se nunc usque retineat impudice . . . revocetur, ac retrudatur*. Verba autem Gregorii sunt in epistola ad Marinianum Episcopum Ravennatem, quæ

Can. 22.  
cau. 24.  
qu. 3.

Can. 15.  
cau. 27.  
qu. 1.

in vulgari editione est 9. lib. 8. ubi de viro clarissimo Stephano ita Sanctus Pontifex scribit: *Questus est, quod cognatam ejus, cui aliquando Petrus quidam nequissimus diabolico instinctu de monasterio exire suaserat, atque a Gratio, Notario fuerat mutato habitu unde exierat revocata, nequissimus vir iniqua suasionem de monasterio rursus ejiciens apud se nunc usque impeditur retineat. Ex qua re valde nos, sicut diximus, tua desidia contristavit, cur ne dum in monasterium revocata sit, ac reclusa. Itaque constat, Reginonem de more suo aliqua ex germana Pontificis epistola immutasse, quemadmodum ad hunc canonem Baluzius animadvertit.*

Con. 14.  
cau. 27.  
qu. 2.

Quod vulgo tradi solet, impedimento publicæ honestatis interveniente, contrahi non posse conjugia, ex generali Interpretum accuratiorum doctrina recentiori juri prorsus adscribitur, imo nec juri scripto, sed potius ecclesiasticæ primum consuetudini, quam deinceps recentiorum Conciliorum canones firmaverunt. Hujus rei argumentum gravissimum est, quod petitur a silentio veterum Scriptorum, nullibi enim in tota sacra antiquitate legitur cautum, matrimonii obesse sponsalia consanguineorum, aut quod sponsalia subsequitur matrimonium, ut vocant, ratum. Imo, si quid forte valere ad hanc rem potest canon 18. cau. 27. qu. 2., contrarium omnino evincit. Cæpit impedimentum, ut ajunt, publicæ honestatis in palestris Theologorum, ac Canonistarum locum habere, postquam pacatis Longobardorum animis scholasticus pulvis agitari cæpit non multum ante tempora Gratiani. Quippe tunc solemnis exorta disputatio fuit, num solo consensu matrimonium celebratum esse diceretur, nondum subsequuta carnali copula, quam disputationem suo tempore celebrem agnovit, Gratianus in cau. 27. qu. 2., quemadmodum etiam Petrus Lombardus Gratiano contemporaneus in lib. 4. sententiarum dist. 16., & 27. Hæc autem disputatio ut plurimum ita dirimi consuevit, ut assereretur solo consensu matrimonium vires habere, cum hanc ad rem perspicua adferrentur tum Sanctorum Patrum, tum Romanorum Jurisconsultorum veterum monumenta. Hinc facile alia suborta disputatio fuit, utrum, quoniam ex matrimonio adfinitas proficiscabatur, etiam ante sponforum copulam adfinitas contracta intelligeretur? Et sane nemo dicere audebat ante sponforum copulam, affinitatis vinculum intercessisse: fatebantur tamen plerique vinculum jam quoddam inesse adfinitate minus, quod adpellaverunt publicam honestatem, derivato vocabulo ex lege 42. ff. de ritu nuptiarum, quam, licet alio pertinentem, ad rem suam ingeniose traxerunt. Hinc plausu excepta, ut mos erat tunc temporis, nova hæc doctrina, mirum est, quam cito communi omnium consensione, imo & contentione quadam collectis etiam hinc illinc canonibus eadem probaretur; non quidem ut talia adferri possent Patrum monumenta, quæ res illa oppido dirimeretur, sed quæ argumentatione ducta nonnihil adferri ad novam disciplinam probandam videretur. Inter cetera nihil utilius erat, quam in medium edere illa Patrum testimonia, quibus interdicta propinquorum connubia proponebantur: ut enim Sancti Patres inter propinquos matrimonia interdicta dixerant; propinquos autem etiam illos adpellaverant, qui adfinitate, sive initii conjugii causa conjuncti essent; demum conjugium vocaverant nondum secuta copula; hinc videbantur conjugia dixisse interdicta etiam ex ea propinquitate, quæ adfinitatem præcesserat, per matrimonium, ut ajunt, tantummodo ratum. Exemplo matrimonii rati similis etiam honestas visa fuit in sponsalibus adparere, cum in sponsalibus quædam jam propinquitatis imago agnoscatur.

catur. Hæc porro eo me adducunt, ut facile demonstrem, quomodo tribui Gregorio potuerit apud Gratianum canon 14. cau. 27. qu. 2. Is sane canon, prout apud Gratianum jacet, Gregorii esse non potest, sed alicujus scholastici viri, qui Gratiano contemporaneus fuit, quique quod de publicæ honestatis impedimento docebat, ex sententiis Gregorii confirmandum curabit. Jam Gregorii Magni nomine vulgatum erat, neminem posse de prædefunctæ uxoris consanguinitate conjugem ducere, aut neminem posse de prædefuncti viri consanguinitate marito nubere, argumento canonis 1. cau. 35. qu. 2., & canonis 3. cau. 35. qu. 5. Quid itaque prohibebat scholasticum virum duodecimo sæculo scribentem, quominus publicæ honestatis impedimentum Gregorio quoquo modo tribueret, aut sententias suas, quasi ex intima Gregorii doctrina educas, Gregorio eidem adscriberet? Sic ex codicibus sui temporis deceptus est Gratianus, non dubitans hujusmodi monumenta sub ipso Gregorii nomine palam facere.

Jamdiu observaverunt Romani Correetores, canonem 2. cau. 28. qu. 2. excerptum fuisse non ex Gregorii monumentis, sed potius ex commentariis Ambrosio tributis in caput 7. 1. ad Corinthios. Num hæc commentaria jure Ambrosio adscripta fuerint, suo in loco investigabitur. Tantum heic dixerò, nonnulla esse ex eisdem commentariis in Gratiano canone emendanda. Ait Auctor commentariorum: *Quod si infidelis discedit, discedat. Propositum religionis custodit, præcipiendo, ne Christiani relinquunt conjugia; sed si infidelis odio Dei discedit, fidelis non erit reus dissoluti matrimonii; major enim causa Dei est, quam matrimonii; non est enim frater, aut soror servituti subiectus in hujusmodi. Hec est, non debetur reverentia conjugii ei, qui horret auctorem conjugii. Non enim ratum est matrimonium, quod sine Dei devotione est, ac per hoc non est peccatum ei, qui dimittitur propter Deum, si alii se junxerit. Contumelia enim Creatoris solvit jus matrimonii circa eum, qui relinquitur, ne accusetur alii copulatus. Infidelis autem discedens & in Deum, & in matrimonium peccare dignoscitur, quia noluit sub Dei devotione habere conjugium. Itaque non est fidelis servanda conjugii, qui ideo recessit, ne audiret auctorem esse Christianorum Deum conjugii.*

Quod Gregorio tribuitur in can. 22. cau. 32. qu. 7. non solum inter ipsa Gregorii monumenta desideratur, sed etiam parum convenit Gregorii ejusdem temporibus. In hoc canone videtur finis impositus diuturnæ disputationi, quæ usque in recentiore ætate Latinis, ac Græcos Antislites exagitavit. Quæstio tota versatur in interpretatione verborum Evangelii Matthæi cap. 5. vers. 32. ibi: *Omnis, qui dimiserit uxorem suam, excepta causa fornicationis, facit eam machari, & qui dimissam duxerit, adulterat.* Anceps hujus sententiæ interpretatio occasionem dedit dissidii inter Orientalem, atque Occidentalem Ecclesiam, Orientalibus assertibus per adulterium conjugis dissolvi ex parte infantis matrimonii vinculum; contra vero Latinis sentientibus fieri quidem per adulterium conjugis divorcio locum, manente tamen in perpetuum vinculo matrimonii. Meum non est, hoc in loco argumenta discutere, quæ hinc illinc proferri potuerunt. Tantum dixerò, hanc concertationem demum fuisse compositam in Concilio Tridentino, ubi in hac materie utrinque disputatum acerrime fuit, etiam ita, ut adhuc dubium superesse possit, utrum hodie Græci Latinis omnino consentiant. Paratus quidem erat in Concilio Tridentino canon; uti refert Pallavicinus in historia lib. 22. cap. 4., quo Græcorum opinio damnetur; vetum Oratores Veneti proposuerunt, prudentes.

Tom. III.

Z

atque

atque ex singulari œconomia eundem canonem temperandum fuisse, ne fortasse Græci, illi præsertim, qui debebant in Provinciis, Insulæve Veneræ Reipublicæ obnoxii, exasperarentur, & perpetuo à Romana Ecclesia desciscerent. Mitior propterea fuit Tridentini Concilii sententia his verbis expressa: *Si quis dixerit, Ecclesiam errare, cum docuit, & docet juxta evangelicam, & apostolicam doctrinam, propter adulterium alterius conjugum matrimonii vinculum non posse dissolvi . . . anathema sit.* Si hæc vera sunt, quis dixerit, jam a Gregorio Magno hujusmodi controversiam, fuisse finitam, ab eo præsertim Pontifice, qui diu inter Græcos vixerat, & Græcis eisdem fuerat addictissimus? Quid plura? etiam in Occidente, quum bellorum Longobardicorum causâ variz permixtæ gentes essent, hæc in re variz editæ sunt Constitutiones aliæ aliis adversantes. Unum proferam exemplum ex collectione canonum Iſaie Lingonenſis, qui ex Capitularibus Francorum plura in codicem suum tranſduxit. Itaque in tit. 3. cap. 1. ita exhibet definitum in libro 5. Capitularium cap. 21. *Si quis homo habens mulierem legitimam, si frater ejus adulteraverit cum ea, ille frater, vel illa scemina, qui adulterium perpetraverunt, interim quod vivunt, nullum habeant amplius conjugium, ille vero, cujus uxor fuit, si vult, potestatem habet accipere uxorem aliam.* At vero in eadem collectione tit. 3. can. ult. ex libro 7. Capitularium cap. 182. hæc in contrarium definita proponuntur: *Si cujus uxor adulterium perpetravit, & hoc a viro deprehensum fuit, & publicatum, dimittat uxorem, si voluerit, propter fornicationem: illa vero publice agat penitentiam; vir vero ejus, illa vivente, nullatenus habeat licentiam aliam uxorem ducere.* In tanta Constitutionum ecclesiasticarum varietate non possum facile arbitrari, jam questionem istam definitam fuisse a Gregorio Magno, quemadmodum indicat memoratus canon 22. Itaque potius idem canon referendus erit ad singularia Synodi cujuspiam statuta, & quidem in Occidente edita, proposita ibidem Latinorum sententia, quæ demum totius Ecclesiæ decreto in Concilio Tridentino confirmata fuit. Forte erit ea Synodus Latinorum quorundam in Provincia Græcis contermina, in qua sententia hujusmodi magis opportuna videbatur, ne forte quis ex Latinis facili Græcorum consuetudine, aut necessitudine in eorundem opinionem distraheretur. Huc sane referri posset Concilium Foro-Julienſe à Paulino Aquilejenſi anno 791. celebratum, ubi hæc leguntur in canone 10., quæ plurimum consonant cum canone Gratiani: *Placuit, ut resolutio fornicationis causâ jugali vinculo, non liceat viro, quamdiu adulterata vivit, aliam uxorem ducere, licet illa sit adultera; sed nec adultera, quæ penas gravissimas, vel penitentia tormentum luctu debet, alium accipere virum, nec vi vestire, nec mortuo, quem non erubuit fraudare, marito.*

Can. 2.  
de pen.  
dist. 6.

Qui primus edidit sub Gregorii nomine canonem 2. dist. 6. de pœn., aut verba Capitularium Francorum in eam sententiam detorſit, quæ erat traditurus, aut aliquot Conciliorum canones paullo disertius voluit explicare. In Capitularibus Francorum lib. 6. cap. 315., & in lib. 7. cap. 201. Baluzianæ editionis hæc leguntur: *ut Sacerdos, vel Levita, si de se crimen aliquod confitetur, deponatur, quæ verba significant, in sacerdotii dignitate, vel ministerio Levitarum non alios potuisse consistere, nisi qui penes populum innoxii haberentur, ac propterea deponendum statim fuisse eum, qui publice de se crimen aliquod confessus fuisset.* Huc sane si referendus esset Gratianæ canon. jure optimo, diceretur sententiæ Capitulariorum abusus auctor. Ast si quis verosimilius forte dixerit, eundem canonem auctorem disertius explicavisse aliquot Synodorum canones, statim ad hæc rem laudare posset canonem 2.

Can.



Concilii Duziacensis II. in Rhemenſi Provincia anno 874. celebrati, in quo hæc habetur. *Omnes tam clerici, quam laici, vel femine conſtentes ſecreta confeſſione. Sacerdotibus peccata ſua, & ea digne poenitentia ſatisfactione deſtentes nequaquam ſunt proſolendi, & peccata eorum nulli a Sacerdote quacumque ſunt ſignificatione maniſeſtando, niſi ſoli Domino in ſecreta oratione.* Huc etiam referri poteſt canon ultimus Concilii Rothomagenſis anni 1074., ubi poſtquam nonnulla ſalubriter cauta ſunt de Sacerdotibus peccata populi per ſecretam confeſſionem excipientibus, ita ſubjicitur: *Sic tamen, ut jure confeſſionis ſecreto peccantis perſona nulli deſegatur.* Hæc porro, ſimileſve ſententiæ paullo aliter ab auctore memorati canonis deſcribi potuerunt, ſorte autem Gregorio tribui, quia ſub Gregorio VII. nuper laudatum Rothomagenſe Concilium celebratum eſt. Porro ex his Conciliis conſtat, uſque ad ſæculum xi. nullam ſingularem fuiſſe præſtitutam poenam adverſus Sacerdotes illos, qui peccata conſitentium panderent. Fiebat tunc locus poenæ extra ordinem, nimirum arbitrio Antitiſtis indicendæ. At poſtquam apud Gratianum editus canon eſt, in quo poena deſignatur, ac perpetuæ peregrinationis deſinita eſt, in recentioribus Conciliis paſſim idipſum confirmari cæpit, quemadmodum liquet ex Concilio Eboniſi in Anglia anni 1287. cap. 5., item ex Concilio Lamethenſi etiam in Anglia ſub Archiepiſcopatu Cantuarienſi anni 1330., ubi in canone 3., dum mentio fit Sacerdotis, qui delicta conſitentis prodiderat, ſubditur: *ſine ſpe reconciliationis non immerito debet degradari.* Non omittam etiam hoc in loco animadvertere quædam haberi apud Gregorium Magnum, ex quibus aperte deducitur vetuſtiſſima eccleſiaſtica diſciplina de ſecreta peccatorum confeſſione; etenim idem Sanctus Pontifex in lib. 13. Moralium cap. 3. de occultis delictis ſermonem habens, inquit: *honore tegminis velantur.*

Gratiani temporibus quotieſcumque aliqua de conſanguinitate, & adſinitate deſcribuntur, aut ſcribebantur, id totum ſub nomine Gregorii vel primi, vel junioris, aut ſub nomine Zachariæ Pontificum edebatur. Hujus rei ratio ex eo proficiſcebatur, quod vulgo Gregorio Magno adſcriberetur epiſtola ad Felicem Meſſanenſem Epiſcopum, licet hæc Viri eruditi tamquam apoerypham reſeſcerint, atque in eadem nonnulla de conſanguinitatis, & adſinitatis cuſtodiendæ legibus explicentur; item ſimilia legantur in epiſtola Gregorii ad ſextam interrogationem Auguſtini Anglorum, præterea etiam ſimilia in epiſtola Gregorii II. ad Bonifacium Epiſcopum; tandem ſimilia apud Zachariam ſive in epiſtola ad Pippinum, necnon Epiſcopos, & Abbates, & Proceres Galliarum cap. 22., ſive in Concilio Romano anni 743. can. 6. Hinc ipſamet, quæ poſterioribus ſæculis, præſertim undecimo, & duodecimo, fuerunt celebrata Concilia, ubi de conſanguinitate, atque adſinitate nonnihil ſtatuumdum erat, nihil antiquius habebant, quam ut ſuorum Conſtitutionum auctoritatem a Gregorio I., Gregorio II., & Zacharia repeterent. Non moror diutius in referendis exemplis, eum paſſim obvia eſſe unicuique poſſint illorum temporum acta perlegenti. Quid mirum itaque eſſe poteſt, ſi Gratianus, aut quiſquis alius Gratiano auctor extitit, duplex monumentum editurus in editione 3. & 4. cau. 35. qu. 5. prius Gregorio tribuit, Zachariæ poſterius, aut ut Pithæus augurat, utrumque Zachariæ? Non ſane ibidem aut Gregorii, aut Zachariæ Pontificis Conſtitutio exhibetur, ſed recens Scriptorum ſæculi undecimi, aut duodecimi traditio, quæ juxta mores illius ætatis ab auctore Gregorio, vel Zacharia repotebatur. Ut vero hæc certiffima habeantur, ſubjiciam hic duo frag-

Can. 3.  
cau. 35.  
qu. 5.

menta Conciliorum sæculi undecimi plurimum cum Gratiano canone convenientia. In primis huc adferri potest Concilium Bituricense in Aquitania anno 1031. celebratum, ubi, postquam de Gregorio, quasi de auctore traditæ ibidem doctrinæ, mentio facta est, ita subjicitur in canone 18. *Ut nullus uxorem consanguinei, vel alicujus parentis sui in conjugium accipiat, quia vir, & uxor legitime conjuncti una caro sunt.* Huc deinde adferri potest Concilium Londoniense anni 1075., ubi ita legitur: *Ex decretis Gregorii majoris, nec non & junioris. Ut nullus de propria cognatione, vel uxoris defunctæ, seu quam cognatus habuit, uxorem accipiat, quoad usque parentela ex alterutra parte ad septimum gradum perveniat.* Quæ cum plurimum consonent cum memoratis Gratiani canonibus, alias autem sub Gregorii nomine definita sint, non erit dubitandum, quominus etiam Gregorio similia tributa fuerint in laudato canone 3. apud Gratianum.

Can. 1. De canone 1. cau. 35. qu. 9. nihil est, quod in præsentia adjiciendum sit, hic cau. 35. enim idem omnino est cum canone 12. cau. 25. qu. 2., de quo jam superius qu. 9. aqum est.

Can. 4. Jam noverunt omnes eruditi Viri, canonem 4. cau. 35. qu. 9. falso Gregorio cau. 35. Papæ fuisse tributum, qui potius tribuendus erat Nicolao I. in epistola ad Episcopos in regno Ludovici constitutos, quæ incipit *Gaudemus*. Quidam Theurgualdus, & Guntharius Episcopi sedibus suis dejecti fuerant ob plura eorundem crimina, & quidem apostolica auctoritate, quæ primum tanquam contumaces damnati, deinde vero tanquam Episcopatu prorsus indigni depositi. Frustra autem pro illis postmodum intercesserunt, quotquot eorundem susceperant patrocinium. Etenim Nicolaus Papa non aliter Ecclesiæ, de quibus agebatur, utilitatibus consultum iri putavit, quam si Episcopi illi damnationi perpetuæ subjacerent. Intercedere præ ceteris apud Pontificem Maximum conati fuerant plures Antistites in Regno Ludovici consistentes, ad quos scripta est laudata epistola Nicolai I. Ibi Nicolaus recensitis Theurgualdi, & Guntharii sceleribus ipsos indulgentia, aut venia prorsus indignos declarat, & subjicit: *Cesset itaque vestra Fraternalitatis jam nos super hoc pulsare solertia, & quod fieri non potest, tandem aliquando desinat.* Nam Sedis Apostolicæ sententia tanta semper consilii moderatione concipitur, tanta patientiæ (monet Antonius Augustinus in lib. 2. Dial. 19. de emend. Grat. legendum esse *sapientiæ*) maturitate decoquitur, tantaque postmodum deliberationis gravitate profertur, ut retractatione non egrat, nec immutari necessarium ducat, nisi forte sic prolata sit, ut retractari possit, vel immutanda secundum præmissæ tenorem conditionis existat. Apimadversione sane dignissima sunt postrema hæc Pontificis verba, quæ indicant, retractari posse Apostolicæ Sedis sententiam, si forte sic prolata sit, ut retractari possit, vel immutari. Nimirum hæc ita intelligenda sunt, quemadmodum facti species exigebat, de qua Nicolaus ipse sermonem instituerat, quod perspicue indicant etiam verba illa sequentia: *secundum præmissæ tenorem conditionis*. Porro duplex erat prolata sententia in causâ Episcoporum Theurgualdi, & Guntharii. Prior, quum ipsi auctoritate Pontificia vocati contumaces fuerunt, ac proinde velut contumaces damnati, quin audirentur. Posterior, quum eorundem causâ ipsi comparantibus ad finem perducta juxta juris regulas fuit, & gravissimorum criminum rei agniti sunt. De hac quidem posteriore sententia scribit Nicolaus, atque, eandem retractari non posse, quæ dignoscebatur maturi consilii moderatione concepta, & summa-deliberationis gravitate prolata: At vero ubi ageretur de priore sententia, qua Sum-

Summus Pontifex aliquem velut contumacem damnabat, erat hæc hujusmodi, ut revocari deinde posset, quoties nimirum reus conventus contumaciam purgasset, & moram, tandemque Sedis Apostolicæ mandatis obediens acquiesceret. Siquis desideret, huc referre sententiam non absimilem Gregorii Magni; eam habebit in epistola ejusdem Sancti Pontificis ad Virgilium Episcopum Arelatensem, ubi sermo fit de privilegiis Apostolicæ Sedis auctoritate concessis Arelatensi Monasterio, ac subjicitur, *eam Apostolicæ Sedis reverentiam a fidelibus exhiberi, ut quæ ejus fuissent decreto disposita, nullius deinceps illicitæ usurpationis molestia quaterentur.*

Canon 17. de consecr. dist. 1. jungendus omnino est cum canone præcedenti, sive 16., eamque ob rem tribuendus eidem auctori, nimirum illi, qui composuit epistolam Felici IV. suppositam. Plane Ivo Carnotensis in parte 3. Decreti cap. 24. utrumque Gratianum fragmentum conjunxit, retulitque nomine ejusdem Felicis IV. En verba ipsa epistolæ Mercatoris Felici Pontifici adscriptæ: *Solemnitates vero Dedicationum Ecclesiarum, & Sacerdotum per singulos annos solemniter sunt celebrande, ipso Domino exempla dante, qui ad festum Dedicationis Templi omnibus, id faciendo, dâns formam cum reliquis populis eandem festivitatem celebraturus venit, sicut scriptum est, facta sunt encenia in Hierosolymis, & hyems erat: Et ambulabat Jesus in templo in porticu Salomonis. Quod autem octo dierum sint encenia celebranda, in libro Regum, peracta Dedicatione Templi, reperies. De Ecclesiarum vero consecratione, &c.* Hæc subsequuntur, quæ legimus in canone 16. vers. de Ecclesiarum de cons. dist. 1. At vero si quæras, cur memorato canoni 17. inscriptum fuerit Gregorii nomen, ego dixerim illud irrepsisse fortasse e margine in textum. Siquidem contingere potuit, ut ad verba canonis 16. laudaretur in margine nomen Gregorii Papæ, quo indicaretur, similia nonnulla reperiri in epistola ad Felicem Messanensem Gregorio adscripta, ibi: *De Dedicationum vero Ecclesiarum dubitatione, super qua inter cetera nos consuluistis, hoc vos rite tenere debetis, quod nos ab Antecessoribus nostris traditum accepimus, idest, ut quoties tam de baptismo aliquorum, vel confirmatione, quam de Ecclesiarum consecratione dubitatio habetur, & nec scriptis, nec testibus ratio certa habetur, utrum baptizati, vel confirmati, sive Ecclesiæ consecratæ sunt, ut baptizentur tales, ac confirmentur, atque Ecclesiæ canonicè dedicentur, ne talis dubitatio ruina fidelibus fiat, quoniam non monstratur iteratum, quod non certis judiciis ostenditur rite peractum.* Hæc sane quemadmodum plurimum conveniebant cum vers. de Ecclesiarum in canone 16., ita occasionem Glossographis præbere poterunt; ut in margine Gregorii nomen adscriberent, indicaturi, similia apud Gregorium, sive in epistola Gregorio adscripta contineri. At novum non est, Collectores ex imprudentia transduxisse marginalia auctorum nomina in ipsamet monumentorum descriptiones.

Denique nonnulla adhuc dicenda supersunt de canone 23. de consecr. dist. 1. qui Gregorii nomine laudatur. Romani Correctores testati sunt, se reperisse hujusmodi fragmentum in antiquo codice Regensi in extremo in scripto quodam demeritis, viso, & morte Agapiti Primi Papæ. Maurini Monachi solertissimi Gregorianorum operum investigatores in tomo 2. suæ editionis pag. mihi 1303. testantur se in nullo ex MSS. Codicibus hæc reperisse, sed fidem esse penes Correctores Romanos. Ego crediderim in his monumentis nihil aliud contineri, quam additamentum quoddam a pio quodam viro factum operibus Magni Gregorii in libris Dialogorum. Hujus rei conjectura mihi duplex esse potest; in primis quod Gra-

Can. 17.  
de cons.  
dist. 1.

Can. 23.  
de cons.  
dist. 1.

Gratianus relato Dialogorum libro sub Gregorii nomine in canone 12. de conf. dist. 1. statim sub Gregorii ejusdem nomine quendam subjicit in canone 23. sequenti, quæ indicat se ex eisdem libris Dialogorum deprompsisse; deinde quod in Dialogis Gregorio adscriptis lib. 3. cap. 3. aliqua legantur de Agapito Papa, quibus recentiore manu inverosimile non est aliquot adjecta fuisse. Ceterum, quænam habenda sit hujusmodi Dialogorum auctoritas, jam satis superius suo in loco discutendum fuit. Unum addo, quod pertinet ad historicam veritatem de Agapito Pontifice Maximo, ac de Anthimo. Anthimus vir hæreticis adharens, Episcopus primum Trapezandarum, circa annum 530. Constantinopolitanam dignitatem, ac sedem invasit. Ejus improbitate perspecta, Agapitus Pontifex Maximus eundem sententia sua deposuit, atque in ejus vicem Mennam Virum sanctissimum suffecit, accedente his omnibus rite gestis Justiniani Imperatoris auctoritate, quemadmodum refertur in Concilio Constantinopolitano sub Menna anni 536., ac perspicue deducitur ex novella Constitutione 42. ejusdem Justiniani.

## CAPUT LX.

### De Bonifacio III.

Ex Concilio Romano sub Bonifacio III. celebrato unum fragmentum superest apud Gratianum, videlicet

{ Canon 8. dist. 79. ex Romano Pontificali depromtus.

Quicumque ex Scriptoribus Ecclesiasticis Bonifacii III. ( tenuit is Maximum Pontificatum anno 606. ) gesta recensuerunt, in eo sine discrimine consentiunt, celebratum ipsius auctoritate fuisse Romæ Concilium, in quo nonnulla constituta fuerunt de electione Romani Antistitis rite peragenda, decretaque inter cetera, ut nemo de successore eligendo cogitare auderet, nisi post tertium diem a defuncti Pontificis depositione, seu sepultura. Hujus tamen Synodi acta penitus perierunt, uti animadvertit Baronius ad annum 606. num. 8. Fragmentum Concilii extat in canone 7. dist. 79., quod ego arbitror depromptum ex auctore libri Pontificalis, in quo ita legitur in ejusdem Bonifacii vita: *Hic fecit constitutum in Ecclesia B. Petri, in qua sederunt Episcopi septuaginta duo, Presbyteri Romani trigintaquatuor, Diaconi, & omnis clerus sub anathemate, ut nullus Pontifice vivente, aut Episcopo civitatis sue presumat loqui de successore, aut partes sibi facere, nisi tertio die depositionis ejus, adunato Clero, & filiis Ecclesie tunc electio fiat; & quem quisque voluerit, habeat* (legunt alii & quem voluerunt, habeant) *licentiam eligendi sibi Sacerdotem.* Num hæc indubiam prorsus fidem faciant, cogitet qui noverit, quale quantumque sit Anastasii testimonium, si modo Anastasius auctor habendus est libri Pontificalis. Investigari vulgo solet, quænam esset ratio potuerit, cur in aliquot dies dilata fuerit mortuo Episcopo electio successoris. Non deserviant, qui id concedendum fuisse dixerint luculæ viduatæ Ecclesie;

ne; at vereor, ne hujusmodi animadversio incommatam exhibeat & Episcoporum, & Ecclesiarum imaginem, qualis prodiit demum de officina Mercatoris, apud quem quæ de viro, & uxore obtinent ad Episcopos, & Ecclesias sine ullo discrimine traducta fuerunt. Potius alii asseruerunt illud statutum fuisse, ut obviam iretur schismatibus, ac contentionibus valde frequentibus, quæ non tam post mortem Episcopi, aut Romani Pontificis, quam iis adhuc viventibus, & laborantibus in extremo, concitabantur, unde præpropere nonnulli ad Episcopales nondum vacantes sedes contenderent. Mihi animum subit alia, & quidem meo iudicio non contemnenda ratio in eligendis Romanis Antistitibus singularis, quæ ad eam inducendam disciplinam Bonifacium moverit. Nimirum temporibus Bonifacii III. jamdiu obtinuerat, ut is in Pontificem Maximum eligeretur, qui apud Imperatorem Constantinopoli degentem Apocryfarii, sive Legati Apostolici munus obivisset, favente præsertim Imperatoris gratia, quæ tunc plurimum in electione Pontificis Maximi valere poterat. Atque ipsa Apocryfarii dignitas erat in Ecclesia valde eximia, ad quam nonnisi viri gravissimi, ac rerum agendarum prudentissimi evehebantur, qui propterea tum ob egregias animi dotes, cum ob illustra in Ecclesiam merita accedente Imperiali benevolentia viam ad Pontificatum Maximum sibi facile paratam intuebantur. Hac ratione ad Summum Pontificatum primum confecerant Vigilius, Paschalis, Gregorius, Sabinianus, atque ipsemet Bonifacius III., qui omnes primum Apocryfarii munere functi fuerant, deinde Maximum Pontificatum adepti. Noverat idem Bonifacius, id maxime ecclesiasticæ utilitati congruere, vel quod ea ratione dignissimus successor Romanæ Cathedræ addiceretur, vel quod iidem qui Apocryfarii munere functi fuerant, rerum ecclesiasticarum statum apprime callebant, in ea præcipue parte, quæ unionem Romanæ, Græcæque Ecclesiæ, rem profecto tunc temporis maximi momenti, spegebatur; vel demum quod vir ut plurimum Imperatori acceptissimus eligeretur; intererat autem plurimum, Pontifices eligi Imperatori Constantinopolitano acceptissimos, quod ejusdem Imperantis animus ab ambitu Constantinopolitanorum Patriarcharum averteretur, atque in fovenda Romanæ Sedis jura inclinaretur. Revera idem Bonifacius III. decretum obtinuit ab Imperante Phoca, uti scribit auctor Pontificalis, quod Romanæ Sedi etiam supra Constantinopolitanam Primatus adferebatur. Quamobrem Bonifacius salubriter consultum Romanæ Ecclesiæ censuit, quoties definiret, non propterea ad electionem successoris Pontificis deveniendum esse, sed dies aliquot expectandos, quibus nimirum interea aut Imperator ipse, aut Apocryfarius Constantinopoli degentes certiores de morte Pontificis redderentur, atque ipsis etiam nonnihil in electione successoris concederetur. Hæc animadversio forte magis perspicua redderetur, quoties monumentum superesset actorum memorati Romani Concilii. At cum ejus acta perierint, nemo mihi probro vertet, si ex illius temporis adjunctis, conjecturis ceteroqui gravissimis palliis per insidiam.

## CAPUT LXI.

## De Bonifacio IV.

Bonifacio IV. nihil a Gratiano tributum videretur, nisi Romani Correctores animadvertissent, quod nomine Bonifacii in subiecto canone legitur, alicubi adscriptum haberi eidem Pontifici.

{ Canon 25. cau. 16. qu. 1. apocryphus, & varius in diversis exemplaribus.

**A**B anno 607. usque ad annum 615. Romanæ Ecclesiæ præfuit Bonifacius IV., qui Bonifacio III. successit. Ab auctore libri Pontificalis traditur, templum, quod appellabatur Pantheon olim dictum Jovi Vindici, ejusdem Pontificis auctoritate vero Deo consecratum fuisse sub titulo B. Mariz, & omnium Christi Martyrum. Item traditur, Bonifacium domum suam in monasterium erexisse. An vero jure optimo illi tribuantur, quæ legimus sub ipsius nomine in canone 25. cau. 16. qu. 1., non ausim adfirmare. Ad hoc monumentum ita scribit Vandespen in Brevi Commentario in Gratianum: *“Vulgare, & famosum decretum sub nomine Bonifacii Papæ relatum canone 25. hodie ut apocryphum passim rejicitur. Fateor quidem, a Bonifacio celebratum fuisse Concilium Romæ, postulante præsertim Mellito Londinensi Episcopo, qui postquam extra urbis Londinensis mœnia monasterium construxisset, Romam petiit a Pontifice Maximo Monachorum regendorum regulas accepturus; fateor insuper, ab eodem Pontifice quasdam in ipsa Synodo monasticas regulas præstitutas, quemadmodum testatur Beda in lib. 2. historiz ecclesiasticæ gentis Anglorum cap. 4., & Henricus Huntindoniensis lib. 3. historiz Anglorum. Verum an hæ monasticæ regulæ in memorato Gratiani monumento contineantur, plurimum ipse dubitaverim. Qui Concilii decretum edidit Gratiano canonis consonum, fuit Holstenius, eidemque subjecit epistolam ipsius Concilii Bonifaciani ad Athelbertum Regem Anglorum. Philippus Labbeus & ipse simile decretum edidit sub nomine Concilii Bonifaciani, quæ duo exemplaria cum inter se nonnihil differant, imo & utraque differant ab exemplari Gratiano, hæc describam.*

## Ex editione Holsteniana.

*Sunt nonnulli stulti nullo dogmate, auidacissime quidem, zelo magis amaritudinis, quam dilectionis inflammati, asserentes Monachos, quia mundo mortui sunt, & Deo vivunt, sacerdotalis officii potentia indignos, neque penitentiam, neque Christianitatem largiri, neque absolvere posse per sacerdotali officio divinitus injunctam potestatem; sed*

*em-*

## Ex editione Labbeana.

*Sunt nonnulli stulti dogmatis, magis zelo amaritudinis, quam dilectionis inflammati, asserentes Monachos, quia mundo mortui sunt, & Deo vivunt, sacerdotali officio indignos, neque penitentiam, aut Christianitatem, seu absolutionem largiri posse per sacerdotali officii injunctam gratiam, sed omnino sal-*

*lun-*

amino labuntur. Nam si ex hac causa veteres æmuli vera prædicarent, Apostolicæ sedis Beatissimus Gregorius monastico cultu pollens ad summum nullatenus apicem conscenderet. Quoniam quidem hæc esset iam fungendi, ligandi, solvendi que potestas a Deo summa conceditur; Augustinus quoque ejusdem sanctissimi Gregorii discipulus Anglorum prædicator egregius, ac Pannoniensis Martinus Beatissimus, cujus sanctitatis fama longe lateque diffusa totus personat mundus; alii quoque jamplurimi sanctissimi pretiosissimo Monachorum habitu fulgentes nequaquam annulo Pontificali subartarentur, si, quia Monachi fuerunt, præditis uti prohiberentur. Neque enim Benedictus Monachorum Præceptor amicis hujuscemodi rei aliquo modo fuit interdixit; sed eos secularium negotiorum edixit expertes fore solummodo. Quod quidem Apostolicis documentis, & omnium sanctorum Patrum institutis non solum Monachis, verum etiam Canonicis maxime imperatur. Nemo enim militans Deo implicat se negotiis secularibus. Utrisque etiam præfatorum Patrum exemplis perspicacibus circumquaque ut mundo mortui sint, evidentissima ratione præcipitur. Tantorum igitur Patrum instituti exemplis, quibus periculosissimum est refragari, credimus a sacerdotibus Monachis ligandi solvendi que officium Deo imperantibus indigne administrari, si eos digne contigerit ad hoc ministerium sublimari. Quod incunctanter affirmat, quisquis statum Monachorum, & habitum, potentatumque evidenter considerat. Verbi gratia. Angelus græce, latine nuntius dicitur. Sacerdotes igitur Monachi, atque Canonici, qui quotidie sancta Dei præcepta annunciant, Angeli vocantur, ratione non incongrua. Sed unusquisque Angelicus ordo quanto claritate sublimior contemplatur, tanto dignitate sublimior affirmatur. Nam uti Cherubim, Monachi sex alis velantur, Dux quidem in capito, quo caput tegitur, verisimilibus demonstrantur assertionibus.

Nam si ex hac causa veteres æmuli vera prædicarent, Apostolicæ Sedis compar Beatus Gregorius monachico pollens cultu ad summum apicem nullatenus conscenderit, cui solvendi, ligandi que potestas concessa est. Augustinus quoque ejusdem sanctissimi Gregorii discipulus Anglorum prædicator egregius, & Pannoniensis Martinus, alique quamplurimi viri sanctissimi preciosorum Monachorum habitu fulgentes nequaquam annulo Pontificali subartarentur. Neque enim Benedictus Monachorum præceptor hujus rei aliquo modo fuit interdixit, sed eos secularium negotiorum dixit expertes esse debere; quod quidem Apostolicis documentis, & Sanctorum Patrum institutis non solum universis, verum etiam Canonicis summo imperatur. Utrisque enim perspicacibus Sanctorum Patrum exemplis, ut mundo mortui sint, præcipitur. Credimus igitur a sacerdotibus Monachis ligandi, solvendi que officium digne administrari, si tamen digne contigerit eos hoc ministerio sublimari. Quod evidenter affirmat, quisquis statum Monachorum, & habitum considerat. Angelus enim græce, latine nuntius dicitur. Sacerdotes igitur Monachi, atque Canonici, qui Dei præcepta annunciant, Angeli vocantur; sed unusquisque Angelicus ordo, quanto vicinius Dominum, contemplantur, tanto sublimius dignitate firmantur. Numquid non ut Cherubim Monachi sex alis velantur: dux in capito, quo caput tegitur veris demonstrantur assertionibus. Illud vero, quod brachiis extenditur, duas alas esse dicimus, & illud, quo corpus conditur, alias duas. Sic sex alarum, numerus certissime conficitur. Decertantes igitur contra Monachos in hac re sacerdotalis potentie arcere officio præcipimus, ut ab hujuscemodi nefandis ausibus imposterum reprimantur,

Tom. III.

Illud

A a

quia

*Illud vero tunica, quod brachiis extenditur, alas duas esse dicimus; & illud tandem, quo conditur corpus, sex alarum numerum certissime implere asseritur. Decertantes igitur Monachicæ professionis Presbyteros sacerdotalis potentie arcere officio, omnimodo præcipimus, ut ab huiusmodi nefandis ausibus reprimantur in posterum, quia quanto quisque celsior, tanto potentior.*

quia quanto quisque excelsior, tanto potentior.

Si penitus, uti fieri decet, consideraveris hujus decreti sententiam, facile agnoscas, parum convenire Romano Concilio Bonifacii, & quidem Concilio sæculi septimi, præsertim si his adjunges epistolam Bonifacii ad Athelbertum Regem Anglorum eidem decreto adjectam, cujus formula longe diversa est a formulis Pontificiarum Epistolarum illius ætatis. Præterea si conferamus ea, quæ de hoc Concilio memorat Beda superius laudamus, cum hoc monumento, quod unum actuum Concilii format, etiam constabit diversas fuisse sanctiones Concilii ab hoc decreto; etenim Concilium, ut ait Beda, de vita Monachorum, ac quiete nonnulla instante Mellito Londoniensi ordinavit, at in hocce decreto nihil habetur, quod eo pertineat: tantum definitur gravissima illa controversia, quæ demum sæculo undecimo exarsit inter Monachos, & Clericos, contententibus Monachis ad administrationem Sacramentorum instar Clericorum. Hinc eo facilius ad acta recentioris alicujus Concilii jure hunc ipsum canonem referemus. Neque fallor: Siquidem eadem omnino verba leguntur in canone a. Concilii Nemausensis celebrati anno 1096., atque consonant cum exemplari Labbeano superius descripto, sequentibus tantummodo verbis in aliorum, quæ corrupta videntur, vicem substitutis: *Sunt nonnulli . . . monachos, qui mundo . . . seu absolutionem . . . B. Gregorius monachico habitu pollens . . . conscenderet . . . præcloso Monachorum habitu . . . annulo Pontificali subarrharentur . . . Præceptor sanctissimus hujus rei . . . non solum Monachis, verum Canonics summopere imperatur . . . ligandi, solvendi que potestatem digne administrari . . . contemplantur, tanto sublimius dignitate firmatur . . . quo corpus tegitur, alas duas, &c.* Ego sane in conspectu hujus canonis non possum mihi persuadere, jam illum ipsum canonem Nemausensem totidem verbis fuisse editum in Concilio Romano Bonifacii: qui si editus fuisset apud Bonifacium, dum renovandus erat apud Nemausenses Antistites, aut Bonifacii Papæ, aut Concilii Bonifaciani nomen inter ipsa Nemausensis Concilii acta prætulisset, cum recentiorum Conciliorum Patres illud semper honoris tribuerint vetustioribus, ut vetustiorum honestissimam mentionem facerent, quoties illorum monumenta aut confirmarent, aut etiam restaurarent. His demum adicere possum, collectores vetustos hujus canonis nullam mentionem facere, quæ facta primum est apud Ivonem Nemausensis Concilii temporibus scribentem, qui tamen in parte 7. decreti cap. 22. nonnulla exhibet nonnihil dissimilia ceteris exemplaribus. Consonant verba Ivonis cum exemplari Labbeano superius exhibito, his exceptis: *Non ulla fuit dogmata, audeant quidam magis zelo . . . asserunt Monachos . . . neque christianitatem largiri, necque absolvere posse . . . sed omnino labuntur . . . ad summum aulatenus apicem conscen-*



scenderet, cui quidem ostiatim fungendi, ligandi, solvendiſque officio potestas summa conceditur . . . Pontificali subarrbarentur, sed quia Monachi fuerunt, prædictis uti perhibentur. Neque enim Benedictus Monachorum Præceptor hujuscemodi vel . . . expertes fore solummodo, quod quidem . . . & omnium Sanctorum Patrum . . . non solum Monachis, verum etiam Canoniciſ maximopere imperatur. Virisque enim præfatorum Patrum exemplis perspicacibus circumquaque ut mundo mortui sint, evidentissima ratione præcipitur. Tantorum ergo Patrum institutis, & exemplis periculofum est refragari. Credimus ergo a Sacerdotibus Monachis ligandi, solvendiſque potestatem, atque officium, Dea operante, haud inligne administrari, si eos digne contigerit ad hoc ministerium sublimari. Quod incunſtanter, & evidenter affirmat quifquis statum Monachorum, & habitum, potentatunque evidenter confiderat. Verbi gratia Angelus græce . . . qui quotidie sancta Dei præcepta annunciant, Angeli vocantur, ratione non incongrua. Sed unusquisque Angelicus Ordo quanto claritatem Dei vicinius contemplatur, tanto dignitate sublimior affirmatur. Nam uti Cherubin, Monachi sex alis velantur. Duæ quidem in capitis, quo caput tegitur, verifimilibus demonſtrantur aſſertionibus. Illud vero tunica, quod brachiis extenditur, alas duas eſſe dicimus; & illud tandem, quo conditur corpus, sex alarum numerum certiffime implere aſſeritur. Decretantes igitur monachicæ profeſſionis præbyteros ſacerdotalis potentia arcere officio omnimodo præcipimus, ut ab hujuscemodi nefandis aſſibus reprimantur in poſterum, quia quanto quifque celiſior, tanto potentior. Conſtat igitur, monumentum hujusmodi in primis non tuto adſeri poſſe Bonifacio IV. velut auctori, aut Concilio Romano ſub eodem Pontifice celebrato, ſed potius Nemaufenſi Concilio; cujus tamen exemplaria non omnino invicem conſonant. Imo ex eorundem exemplarium collatione nondum ſatis, meo iudicio, conſtare poſteſt, utrum eo canone diremta ſit diſputatio, num Monachis liceat Sacramenta populo miniſtrare; an potius altera, an e monaſteriiſ vocari ad regendas Eccleſias poſſint, qui ſint Sacramenta populo adminiſtraturi.

## CAPUT LXII.

## De Deusdedit.

Nomine Deusdedit Papæ duo ſunt apud Gratianum fragmenta.

- { Can. 1. cau. 30. qu. 1. apocryphus, & paullo varius in diverſis exemplaribus.  
 { Can. 3. cau. 30. qu. 3. referendus ad canonem 1. cau. 30. qu. 1.

**D**eusdedit Vir & doctrina, & pietate inſignis, Sedem Apoſtolicam tenuit ab anno 614. uſque ad annum 617. Quæ vero hujus Pontificis nomine a Gratiano referuntur, opus dicenda ſunt inſignis cujuſpiam, ac recentioris deceptoris ſub illuſtri titulo poſteritati illudentis. Huc pertinet in primis canon 1. cau. 30. qu. 1. laudatus ex epifſola Deusdedit ad Gordianum Hiſpalenſem Epifſcopum. Epifſolam ipſam primum integram referam, non tam ut exinde ſuppleantur, quæ omiſſa ſunt apud Gratianum, quam magis magiſque liqueat, quod deinceps ſubjiciam;

ciam; videlicet monumentum hoc tanto Pontifice indignum penitus esse, nec propterea eidem, nisi per gravissimam injuriam tribuendum. His verbis epistola exhibetur: *Deusdedit Sanctæ Romanæ, & Apostolicæ Ecclesiæ Episcopus Gordianus Hispalensis Ecclesiæ Coepiscopo, & Fratri dilectissimo. Pervenit ad Nos Diaconus vester, vestræ sanctitatis epistolam ferens, quod quidam viri etiam, ac mulieres præterito sabbato, paschali die, præ (legunt alii pro) magno populorum incurso, nescientes proprios suos filios suscepissent ex lavacro sancto. Cupis ergo scire, si pro tali accidente debeant viri, & mulieres ad suum proprium redire usum, an non. Nos vero mæsti in hac re (legunt alii: Nos enim ex hoc mæsti) inquisivimus priorum Patrum nostrorum dicta. Invenimus autem in archivis hujus Apostolicæ Sedis jam talia contigisse in Ecclesiis Isauriæ (alii legunt Ecclesiæ Isauriæ) & Ephesorum, simulque Hierosolymæ, & etiam aliarum Civitatum. Episcopis etiam earum Civitatum ab hac Apostolica Sede volentibus scire, si (legunt alii utrum) viri, & mulieres redirent ad proprium torum, beatæ memoriæ Sanctissimi Patres Julius, Innocentius, & Cælestinus cum Episcoporum plurimorum, & Sacerdotum conventu (legunt alii consensu) in Ecclesiâ B. Apostolorum Principis prohibentes talia perscripserunt, & confirmaverunt, ut nullo modo jam in conjugio se reciperent mulieres, aut viri, qui quacumque ratione suos susceperunt natos; sed separarent se, ne suadente diabolo tale vitium peccati inoleseat (legunt alii: jam se in conjugium reciperent mulieres, aut viri, quicumque aliqua ratione susceperunt natos proprios, sed separarent se, ne suadente diabolo tale vitium innotescat) per mundum, & universorum error accrescat. Scitis, quia quomodo sunt septem dona Spiritus Sancti, ita sunt septem dona baptismi a primo pabulo sacrati salis, & ingressu sanctæ Ecclesiæ usque ad confirmationem Spiritus Sancti per chrismâ. Ab hoc primo Spiritus Sancti dono usque ad septimum nullus Christianus suam commatrem in conjugium suscipere debet, & qui præsumserit, anathematis vinculo religetur in perpetuum, nisi penitentiam egerit digne. Mulieres vero cum separatæ fuerint pro hac illicita re a propriis viris, totam præcipimus recipere dotem, quam in die nuptiali recepit, & post expletum annum recipient alium virum, similiter & vir uxorem. Integra hæc epistola est Deusdedit Pontifici tributa, quam nemo non itatim ab illo adjudicandam putabit. Fictitius in primis est Gordianus ille Episcopus Hispalensis, ad quem directâ epistola fertur; etenim scimus ex inscriptionibus Synodi Toletanæ anni 610. tunc præfuisse Hispalensi Ecclesiæ Isidorum, quem adhuc rexisse eandem Ecclesiam anno 619. scimus ex Concilio Hispalensi ejusdem anni. Quæ itaque ratione contingere potuit, ut tempore Deusdedit Gordianus Hispalensis Episcopus diceretur, nisi dicere velimus & Gordianum, & Isidorum eodem tempore Hispalensem Ecclesiam tenuisse? Inverosimile etiam videtur, quod ibidem refertur, Parentes magno populi concursu ita præpeditos fuisse, ut ignorantes suscepissent filios suos in administratione baptismatis. Quod vero exinde mæstum se Deusdedit appellaverit, & sollicite ad quæstionem dirimendam veterum Patrum investigaverit monumenta; imo & repererit ad eam rem sanctiones Julii, Innocentii, & Cælestini Pontificum, non facile mihi persuadere possum, cum non ageretur de re tanti momenti, quæ adeo turbaret virum gravissimum, præsertim cum demonstrari non possint memoratorum Pontificum constituta, quæ causam dedisse feruntur rescripto Deusdedit, quæ adeo difforme ab æquitate agnovit Alexander III., ut adversus illud sententiam proferre non dubitaverit in cap. 2. de cognatione spirituali. Quis præterea percipiet verba illa: *Scitis quia quomodo, &c.* usque ad illa *suscipere debet, nisi a rectâ ratione abhorrentem**

rentem sententiam Pontifici affingat? Dicitur ibidem, septem esse dona Sancti Spiritus, a primis baptismi ritibus in baptizandum infusa divinitus, per quæ veluti per gradus spiritualis propinquitas ducta designatur. O rectam graduum computationem, qua fieret, ut duo in primo æque, ac in septimo gradu jungerentur, nec major esset in uno, quam in altero conjunctio; aut si major conjunctio appareret, ea esset in septimo potius, quam in primo contra omnes regulas computationum. Tandem, quod perspicue a sententiis Deusededit hoc monumentum alienum evincit, pertinet ad postremam epistolæ partem, quam utpote perpetuæ, eidemque divinæ traditioni repugnantem Gratianus omittendam censuit. Afferit auctor epistolæ, viros, qui quacumque de causa filios suos a baptismo suscepissent, ita separandos esse ab uxoribus, ut ipsi alias uxores ducere, & uxores aliis nubere maritis jure possint; qua sententia nemo non agnoscit sanctum illud vinculum violari, quod Deus ipse arctissime inter conjuges colligavit.

Ad eundem canonem 1. cau. 30. qu. 1. referendus erit canon 3. cau. 30. qu. 3. Can. 3.  
can. 30.  
qu. 3. Siquidem iste in primis Zachariæ Pontifici adscriptus a Gratiano fuit, deinde Deusededit. In hac igitur parte, qua Deusededit laudatur, non censuit Collector ipsi ita nomen Deusededit adicere, ut significaret eidem Pontifici tribuendum canonem fore, sed potius, ut indicaret de hac ipsa materie cognitionis spiritualis aliqua jam edita fuisse sub nomine Deusededit, quæ sane cum alia non sint, nisi quæ in prælaudato canone 1. exhibentur, facile constat, quomodo recipienda hæc omnia sint, aut explicanda.

## CAPUT LXIII.

### De Honorio.

Ex Decreto Honorii Papæ laudatur apud Gratianum  
subjectus hic canon.

{ Canon 20. cau. 11. qu. 3. Concilio Ravennatenſi Johannis VIII.  
aſcribendus.

**F**ruſtra de Honorio, ſuſceptoque ab eo Eccleſiæ Romæ regimine anno 626. verba facerem, cum fragmentum illud, ſeu canon 20. cau. 11. qu. 3., qui illius nomine laudatur, Honorii non ſit, ſed potius Concilii Ravennatenſis ſub Johanne VIII. celebrati anno 877. Primus ex Collectoribus inſcriptionem monumenti corrupte Burchardus, qui in lib. 11. Decreti cap. 48. & 49. recensuit canones 9. & 10. Concilii Ravennatenſis, ſed canonem 9. adſcripſit Geſaſio, & canonem 10. Honorio. Nemo autem ignorat, quam familiare Burchardo fuerit auctorum nomina immutare. Ivo Carnotenſis bis in ſuo decreto eundem canonem reſtulit; nimirum in cap. 65. partis 14., & quidem ſub nomine Johannis VIII. in Concilio Ravennatenſi, & rurſum in cap. 113. ejuſdem partis 14. ſub nomine Honorii Papæ Burcharchi editionem ſine dubio ſequutus. En qua tandem ratione deceptus Gratianus fuerit, qui non ex autographis, ſed ex Collectoribus fragmentorum.

canones

canones in suum codicem derivabat. Itaque in Concilio Ravennatenſi, ad quod univerſi Italix Epiſcopi abſ Johanne VIII. acciti fuerant, ita legitur in can. 10: *Cura ſit omnibus Epiſcopis excommunicatorum nomina ſam vicinis Epiſcopis, quam ſuis Parochianis pariter indicare, eaque in celebri loco poſita præ foribus Eccleſiæ cunctis convenientibus inculcare: quatenus in utraque diligentia & excommunicatis eccleſiaſticis alius excludatur, & excuſationis cauſſa omnibus auferatur. Siquis ſane venerabilium Epiſcoporum, vel Sacerdotum in hac re diſtriſſime non vigilaverit, & in aliquo commiſerit, quominus eccleſiaſtica ſeveritatis inſeſſio circa perſonas delinquentium conſervetur, donec coram provinciali ſynodo ſatiſſas, a communione ſcias ſe eſſe ſuſpenſum. Si vera poſt tertiam conventionem in ſua negligentia manſerit, canonico iudicio ſubjacebit. Ita ſupplere, atque emendare juvabit Gratianeum canonem, quem interpretari poſſimum debemus de excommunicatis illis, quorum mentio in eodem Concilio facta fuerat in canonibus præcedentibus, nimirum illis, qui domos Dei violaviſſent, eccleſiaſticis perſonis injuriam feciſſent, ſanctimoniam, ſive quamcumque ſeminam in matrimonium, vel concubinatum raviſſent, homicidium, membrorum truncationem, domorum incendia, vel depravationes feciſſent, aut his ſimilia delicta amiſſiſſent.*

## CAPUT LXIV.

## De Martino.

Ad Martinum Pontificem pertinere videntur duo fragmenta apud Gratianum.

Ex epiſt. ad Aman-  
dum Epiſcopum { Can. 12. diſt. 50. ex integra epiſtola ſupplendus.  
Trajeſtenſem.

Ex Decreto. { Can. 22. de conſ. diſt. 4. pertinet ad Concilium Martini Bra-  
carenſis.

**H**UC revocari non debent quotquot monumenta apud Gratianum legimus ſub nomine Martini Papæ. Siquidem jam in priore hujus operis parte cap. 33. animadvertimus, plurima Concilio Martini Papæ fuiſſe tributa, quæ non Martino Pontifici L, aut ejus Concilio Lateranenſi adſcribenda erant, ſed potius Martino Bracarenſi in collectione canonum ab ipſo elucubrata. Quæ Martini Romani Epiſcopi jure dicuntur, ad unum, aut alterum caput rediguntur. Maximum Pontificatum ipſe tenuit ab anno 649. uſque ad annum 654., quo idem fuit in Cherſoneſum relegatus, Eugenio in ejus vicem ſucceſſo, obiit autem anno 655. Multa ipſe perpeſſus fuit, quod Monothelitarum hæreſim damaſſet, nec Conſtantinopolitano Antiſtiti in eandem hæreſim propendenti communicaret. Acta Lateranenſis Concilii tunc temporis celebrati Sancti Pontificis in tuenda fide conſtantiam fatiſ exhibent. Exhibet præterea ejus epiſtola ad Amandum Trajeſtenſem in Belgio Epiſcopum, quem & de ſuborta Monothelitarum hæreſi certiorum fecit, & quomodo adverſus

Can. 12.  
diſt. 50.

adversus recentēs hæreticos ipse se gessit, cōstitutoque Concilio illos damnavit. Imo etiam ad Amandum eundem Concilii exemplaria misit, quo facilius Christianifideles in Belgio constituti ediscerent, quare Monothelitarum opinio execrabilis esset, ediscerent etiam germanam Ecclesie doctrinam. Ista scribens Martino occasionem dederat Amandus, qui epistolam ad Romanum Pontificem direxerat postulans, quid sibi agendum esset in causa Sacerdotum, ac Ministrorum, qui lapsi in turpia crimina a sacris se ministeriis arceri ægre ferebant. Martini Papæ rescriptum, quod ad hanc rem attinet, legitur in canone 12. dist. 50., cujus verba ita supplere juvabit ex integra epistola, ibi: *Suggestum est namque nobis, eo quod Presbyteri, seu Diaconi, alique sacerdotalis officii, post sumas ordinationes in lapsu coinquinantur, & propterea nimio more Hyænitatem tuam adstringi, vellegue pastorale obsequium pro eorum inobedientia deponere, & vacationem ab Episcopatus laboribus eligere, & in silentio, atque otio vitam degere, quam in his, quæ tibi commissa sunt, permanere, dicente Domino: Beatus, qui perseveraverit usque in finem. Unde namque beata perseverantia, nisi de virtute patientiæ? quia secundum apostolicam predicationem omnes, qui voluerint in Christo pie vivere, persecutiones patientur. Ideoque, Frater charissime, non vos afflictionum amaritudo a pio mentis vestræ proposito coarctet recedere, considerans quanta pro absolutione nostri, & liberatione Creator, Dominusque noster pertulerit, quibusque sacrum consumeliis afficiendum tradiderit, ut nos a vinculis diaboli liberaret. Propterea nullatenus in hujusmodi peccato delinquentibus ad destructionem canonum compassionem exhibeas. Nam qui semel post suam ordinationem in lapsum ceciderit, deinceps jam depositus eris, nullumque gradum sacerdotii poteris adipisci, sed sufficit ei lamentationibus, fletibusque assiduus quousque advixerit in eadem penitentia perdurare, ut commissum delictum divina gratia extinguere valeat. Si enim tales querimus ad sacros Ordines promovendos, quibus nulla ruga, nullumque vitæ contagium mentes, & corpora præparat, quanto magis, si post ordinationem suam quispiam in lapsum ceciderit, & prævaricationis peccato deprehendatur obnoxius, omnino prohibendus est cum manibus lutulentis, atque pollutis mysterium nostræ salutis tractare? Sitque hujusmodi semper juxta sacrorum canonum statuta in hac vita depositus, ut ab illo, qui mentis interiora scrutatur, nullamque de ovibus errare congaudet, dum adspexerit sinceram penitentiam ejus, in terribili judicio habeat reconciliatum, &c.* Integrā hanc Martini sententiā describendam, duxi, ut exinde perspicue constaret, quod alias pluries animadverti, nimirum in dist. 50. Gratianum propositam de lapsis Sacerdotibus quæstionem non diremisse, juxta germanam Sanctorum Patrum traditionem, veterumque Pontificum definitiones, sed potius variis distinctionibus, atque doctrinis, ut plurimum ex apocryphis, incertive monumentis hinc illinc depromtis non diremisse jam, sed in obscuro collocasse.

Ad Martinum I. Pontificem non sane pertinet canon 12. de cons. dist. 4., cujus hæc est inscriptio apud Gratianum: *Item ex decreto Martini Papæ III. quemque nonnulli putant referendum ad Marium Junioem, qui Martinus III. dicitur, vixitque anno circiter 943. Illud tamen monumentum frustra inter sanctiones Martini aut I. aut III. reperies. Ego arbitror, potius adscribendum, idem esse Martino Bracarenſi; neque enim novum est apud Gratianum, canones editos a Martino Bracarenſi Antistite sub nomine Martini Papæ laudari, quemadmodum constat abunde ex iis, quæ animadverti ad caput 33. partis 1. Ideo autem Gratianus scripsit ex decreto Martini Papæ III., quia in Concilio Bracarenſi III. a*

Mar-

Can. 12.  
de cons.  
dist. 4.

Martino Bracarenſi celebrato anno 572. idem propemodum cautum legitur in can. 7. ibi: *Placuit, ut unusquisque Episcopus per Ecclesias suas hoc præcipiat, ut hi, qui infantes suos ad baptismum offerunt, siquid voluntarie pro suo offerunt voto, suscipiatur ab eis; si vero per necessitatem paupertatis aliquid non habent, quod offerant, nullum illis pignus violenter tollatur a Clericis. Nam multi pauperes hoc timentes, filios suos a baptismo retrahunt. Quod si forte dum differunt, sine gratia baptismi ab hac vita receperint, necesse est, ut ab illis eorum perditio requiratur, quorum expolia pertimescentes a baptismi se gratia retraxerunt.* Posteriora hæc verba, quæ etiam apud Gratianum sub nomine Bracarenſis Concilii leguntur in canone 103. cau. 1. qu. 1., plurimum consonant cum memorato canone 22., quem Gratianus ipse, aut quisquis alius Collector de more paucis perstrinxit, & mutatis paullisper verbis in Codicem tranſduxit.

## CAPUT LXV.

## De Eugenio.

Sub nomine Eugenii Papæ plura memorantur apud Gratianum fragmenta, quæ referenda erant ad Romanum Concilium sub Eugenio II. celebratum anno 826., quemadmodum animadvertendum fuit in cap. 51. prioris partis. Unum adhuc monumentum fupereſt: nimirum

{ Can. 8. cau. 16. qu. 1. consonat potius cum monumentis Eugenii III.

**H**OC sane fragmentum falso tributum videtur Eugenio I. Franciscus Florens in suo tractatu ad caussam 16. Gratiani illud ipsum tribuit Eugenio II. Sed meo iudicio neque Eugenio II. adscribendum erit, quod facile ex eo constat non solum, quod inter constitutiones aut Eugenii I., aut Eugenii II. non reperiatur, sed potissimum quod neutrius Papæ temporibus conveniat; cum Eugenius I. vixerit circa annum 655., & Eugenius II. circa annum 824., at verò quæ in eo canone legimus pertineant ad celebres illas Monachorum disputationes contententium ad munera ecclesiastica exercenda; quæ sane disputationes exarserunt duodecimo Ecclesiæ sæculo. Hinc ego potius hæc tribuenda censeo Eugenio III. qui similia quædam rescripsit in epistola apud recentiores Collectores 86. ad Monachos Archiepiscopatus Narbonensis ibi: *Præterea quoniam ad aures nostras perlatum est, quod quidam ex vobis parvulos solenniter baptizare, Laicis pœnitentias, & Eucharistiam contra suæ professionis regulam dare præsumunt, præsentium auctoritate omnimodis prohibemus, ne de cetero id attentare præsumant. Alioquin nos eidem fratri nostro Archiepiscopo vestro (is erat Archiepiscopus Narbonensis) potestatem concessimus, ut in huiusmodi præsumptores ecclesiastica severitatis censuram exerceat.* Et quidem circa eadem tempora plura huiusmodi decreta in medium prodierunt. Sic in Concilio Nemausensi anni 1096, can. 16. ita legitur: *Monachi nullo modo reci-*

recipiant ad sepulturam, aut ad quodlibet divinum officium excommunicatos, aut raptos, aut interdictos. Item in Concilio Pictavensi anno circiter 1078. can. 5. *Ut nullus Abbas, Monachus, vel quilibet alius penitentias injungat, nisi quibus proprius Episcopus hanc curam dederit.* Idipsum fere in Concilio Romano anni 1123. sub Calisto II. can. 17. ibi: *Interdicimus Abbatibus, & Monachis publicas penitentias dare, & infirmos visitare, & orationes facere, & Missas publicas cantare, &c.* Ex his, atque aliis monumentis, quæ in hanc ipsam rem adferri commode possent, facile liquet, sæculo Ecclesiæ undecimo ac duodecimo coercitum fuisse nonnullorum Monachorum ambitum, qui ecclesiasticis obeundis officiis vehementissime studebant. Et quoniam nonnulli his adjiciebant alias sententias veterum Patrum, quibus tradebatur, Monachos solitudini incumbere debere, quemadmodum tradebat Bassius, Hieronymus, Isidorus Hispalensis, aliique Patres, ut omniam Concilium Chalcedonense, Synodum Romanam sub Leone IV., aliasque quamplurimas, hinc fieri facile potuit, ut qui Collectores ederent canones sæculo undecimo, aut duodecimo, plura illis adjicerent, quibus ex veterum Patrum sententia, ex ipso etiam Monachorum nomine, professione, atque institutionibus probaretur, Monachos non jure muneribus ecclesiasticis fungi. Id vero demonstrare ut facile fuit illis, qui adversus Monachos pugnant, imo etiam variis collectis monumentis Patrum confirmare, ita proclive esse potuit Collectoribus non satis distinguentibus fragmenta Patrum a disputationibus recentiorum, eadem disputantium acta quæ Sanctis Patribus, quæ Pontificibus Maximis adscribere, quod non infrequenter contingit, satis colligi posset ex una causa 16. apud Gratianum in similibus monumentis.

## CAPUT LXVI.

## De Agathone.

Agathonis Papæ tribuitur apud Gratianum

{ Canon 2. dist. 19. ex integris codicibus emendandus.

Can. 21. dist. 63., qui ad Agathonem pertinere videtur, commodius expenditur inferius in cap. 71. de Hadriano.

**I**mperante Constantino Pogonato circa annum 678. Pontificiam Sedem conscendit Agatho olim Monachus, si fides auctori Pontificali, vir benignus, mansuetus, et etiam omnibus hilaris, & jucundus comprobaretur. Ejus temporibus Britannicæ Ecclesiæ florebant adeo, ut in dies aucto fidelium numero, ipsis præterea Ecclesiis Christianorum largitate locupletatis novæ Cathedrales erigerentur, instituerenturque Episcopatus. Res tamen adeo prospere non cesserunt, ut omnis præcluderetur contentionibus locus. Nam jurgia non levia suboriri cæperunt inter Episcopum ejus Provinciæ Metropolitanum nomine Theodorum, atque Episcopos ceteros Iussurganeos de confirmationibus, ac consecrationibus sacrorum Anasilium. Delata est controversia ad Agathonem, qui ut eandem definiret, Con-

Tom. III.

B b

cilium

eilium quorundam Episcoporum Romæ convocavit anno 680. Episcopos in Concilium convenientes ita allocutus est Sanctus Pontifex, ut suaderet, rem ita gerendam fore, quemadmodum jam ipsius Antecessores definierant in Synodis, & jam probata Romanæ Ecclesiæ consuetudo invexerat, nimirum ut Metropolitanis in confirmationibus, ac consecrationibus Antistitum incolumis iurisdicção, ac potestas consisteret. En verba Agathonis ad Synodum: *Constat itaque, quod vestra consideravit Reverenda Fraternitas equitati competere finienda, quia jam sunt, quæ dudum, concordæ consideratione præviderunt, & statuerunt Prædecessores nostri, verbi gratia, primus B. Gregorius hujus Apostolicæ Sedis Pontifex, & totius Saxonie Apostolicus apex, ejusque Successores Sancti Pontifices usque ad nostra tempora. Et nos prævidimus, & constituimus, ut statuta illa, quæ Synodalibus decretis jamdudum solidata per B. Petrum Principem Apostolorum fuerunt, ut in perpetuum ab omnibus ecclesiarum Christi Præsulibus ibidem constitutis inconvulse, atque illibate serventur. Hæc illa ipsa sunt, quæ paucis Gratianus expressit in canone 2. dist. 19. An vero cum ejusdem Gratiani proposito omnino conveniant, facile erit unicuique judicare.*

## CAPUT LXVII.

## De Sergio.

Sergii Pontificis nomine inscribitur apud Gratianum

{ Canon. 22. de cons. dist. 2. est potius Amalarii.

**D**E Pontifice Sergio, ejusque gestis vix est, quod faciam mentionem, cum canon 22. de cons. dist. 2. falso illi tributus sit apud Gratianum. Dixerim tantummodo, Sergium communi suffragio electum res Ecclesiæ moderari cøpisse, sub finem anni 687.; quo tempore Hispaniæ, & Galliæ Episcopi convenire debuerunt in Concilium prolatas olim ab Juliano Primate fidei sententias explicaturi. Cum enim Julianus de Verbi Divini generatione loquens, dixisset: *Voluntas generavit voluntatem, sicut & sapientia sapientiam*, item in Christo asseruisset tres esse substantias, nimirum naturam divinam, animam, & corpus, Benedictus Romanus Antistes Sergii Prædecessor, hujusmodi formulas veluti minus aptas probare non potuit, imo ut clarius explicarentur ab Hispanis Episcopis postulavit. Hinc tam Galliarum quam Hispaniarum Episcopi in unum convenientes (hoc est Concilium Toletanum XV. anni 688.) disertis verbis mentem suam aperuerunt; atque inter cetera tradiderunt, se jure dixisse tres in Christo substantias esse, Deum, animam, & Corpus. Elegantem hanc fidei explicationem excepit Sergius Papa, imo & laudavit. Quod itaque legitur in laudato canone 22. de cons. dist. 2. forte ex eo Sergii hujus Papæ nomine inscribi potuit, quod ejus auctor imitatus fuisse videtur formulam Toletani Concilii a Sergio probatam. Ceterum nulla dubitatio esse potest, quin idem fragmentum tribuendum potius sit Amalario Metensi Scriptori noni sæculi, qui in lib. 3. de ecclesiasticis officiis cap. 35. ita scribit: *Triformis*



est Corpus Christi, eorum scilicet, qui gustaverunt mortem, & morituri sunt. Primum videlicet sanctum, & immaculatum, quod assumtum est ex Maria Virgine: alterum, quod ambulat in terra: tertium, quod jacet in sepulchris. Per particulam oblatae immixtae in calicem ostenditur Christi Corpus, quod jam resurrexit a mortuis: per comestam a sacerdote, vel a populo, ambulans adhuc super terram: per relictam in Altari jacens in sepulchris. Idem corpus oblatae ducit secum ad sepulchrum, & vocat illam. sancta Ecclesia viaticum morientis, ut ostendatur, non eos debere, qui in Christo moriuntur, deputari mortuos, sed dormientes. Unde & locus sepulchrorum graece vocatur cimiterium, id est dormitorium. Unde & Paulus ad Corinthios: mulier alligata est legi, quanto tempore vir ejus vivit, quod si dormierit vir ejus, liberata est. Remanetque in Altari ipsa particula usque ad finem Missae: quia usque in finem saeculi corpora sanctorum quiescunt in sepulchris. Munditiam mentis docet corporale, quod remanet in Altari post Domini Resurrectionem, cui debet unusquisque semper studere accipiens Corpus Domini, sed praecipue in fine. Atque ex hoc Amalarii libro facile alia capi conjectura potest, unde profectum fuerit, quod verba ista Sergio tributa legamus. Nimirum in capite 33. ejusdem libri legitur: *Sergius Papa constituit, ut agnus Dei cantaretur, sicut scriptum est in gestis Pontificalibus, &c.* Hinc quae apud Amalarium sequebantur in capite 34., & 35. tribui potuerunt ab incautis canonum Collectoriis Sergio Pontifici; nisi dicere malimus Sergium Juniores ibi laudatum, quod ejus temporibus Amalarium vixerit. Eadem propemodum verba leguntur in Micrologo de ecclesiasticis observationibus cap. 17. in fine ibi: *Triplex Corpus Domini intelligimus, unum quod surrexit a mortuis, quod significat particula in sanguinem Missae; aliud quod adhuc vivit in terra significatum per particulam a Sacerdote consumptam, tertium quod jam requiescit in Christo, quod a tertia particula in Altari servata opte figuratur, quam viaticum morientium appellare solemus.* His similia tradiderat Alcuinus, Rhabanus, Algerus, aliique, quorum monumenta referre singula parum prodesset, vel quod sententia unius ab altero accepta videtur, & laudasse Amalarium idem sit, ac singulorum monumenta descripsisse; vel quod nemo ignoret, pias hasce exercitationes, dixerim potius meditationes hominum, nominis haud satis clari, vim legis ecclesiasticae non habere. Imo hae improbari visa fuerunt, statim ac in medium prodierunt, quemadmodum facile constat ex epistolis Flori Lugdunensis Diaconi editis a Mansio in supplemento editionis Labbeaz ad annum 835. tom. 1. pag. 867., & sequentibus.



## CAPUT LXVIII.

## De Gregorio II., &amp; Gregorio III.

Quæ apud Gratiânium nomine Gregorii II., vel Gregorii III. leguntur, hæc sunt.

Ex Romano Concilio.	{	Can. 23. dist. 23.	{	pertinent ad Gregorium II., & ad integros Concilii codices sunt exi- gendi.
		Can. 1. cau. 26. qu. 5.		
		Can. 5. cau. 36. qu. 2.		
Ex epistolis ad Bonifacium.	{	Can. 2. dist. 68. ex epistola Gregorii III. supplendus.	{	
		Can. 5. cau. 2. qu. 5. ex integra epistola Gregorii II. supplendus.		
		Can. 21. cau. 13. qu. 2. ad Gregorii III. epistolam exigendus.		
		Can. 51. cau. 16. qu. 1. ad Gregorii III. epistolam exigendus.		
		Can. 18. cau. 32. qu. 7. est Gregorii II., & ex temporis ad- iunctis explicandus.		
		Can. 52. de cons. dist. 4. ad Gregorii III. epistolam, aliæque illius etatis monumenta exigendus.		
		Can. 110. de cons. dist. 4. ex epistola Gregorii II. supplendus.		
		Can. 9. de cons. dist. 5. consonat cum epistola Gregorii II.		

CUM monumenta Gregorii II. monumentis Gregorii III. adeo permixta, confusæque sint apud Collectores, ut vix ab istis illa secerari queant, operæ præ-  
tium duxi omnia hoc uno capite complecti. Monumentorum permixtionem occa-  
sionem dare potuit immediata successio horum Pontificum; siquidem Gregorius II.  
anno 714. Constantino, & Gregorius III. anno 731. Gregorio II. successit.  
Idem quoque utriusque Pontificis nomen hanc ipsam occasionem præbuit, præ-  
terea eadem temporum adjuncta: nimirum miseranda erat orbis Christiani facies  
sub utriusque Pontificatu, quædam Leo Isaurus sacrarum imaginum cultum detesta-  
tus illas a sacris templis eradendas acriter imperio jubebat; Italiam autem, ut de  
ipsa singularia quædam non omitam, Longobardi infensa exercitu devastabant;  
quasi tunc civilis æque, ac Christiana Respublica, qua Iconoclastarum, qua Barba-  
rorum ausibus periclitaretur: Itaque Gregorius II. in primis nihil operatius habuit,  
quam ut Leonem Imperatorem paternæ fere benevolentia commoneret, ne hono-  
rem debitum sacris imaginibus denegaret, præterea hortatus est, ut rebus Italicis  
pene labentibus consuleret, hostiumque impetum cohereret. Similis sollicitudo  
Gregorium III. tenuit, quamquam uterque Pontifex parum apud Leonem value-  
rit; etenim Imperator quemadmodum res Italix, quæcumque esset illorum con-  
ditio, negligebat, ita res Ecclesias sprexit adeo, ut ipsos sacrarum imaginum  
cultores gravissimis indicis penis insequeretur. Gregorius II. non multa ab Im-  
peratore se impetraturum arbitratum ad molliendos Longobardorum animos sese  
convertit, cujus intercessio plurimum valuit eo usque, ut Longobardi ab urbis Ro-  
manæ obsidione ablinerent. Imo idem Pontifex augendæ, propagandæque Chri-  
stianæ

fianz fidei studiosissimus Bonifacium quendam natione Anglum Monachum primum, deinde Presbyterum ordinatum in Germaniam misit, ut ibidem ad veram Christi Religionem populos sedula Evangelii prædicatione converteret. Gregorii II. sollicitudinem, atque anxiam curam æmulari visus est Gregorius III., qui ubi agnovit Longobardorum armis Italiam obrui ab Imperatore indefensam, Francorum Principum subsidia urgente Romano populo impetravit; alias etiam Bonifacio ad Germanos fidei causa misso opportuna præbuit consilia ad curandam gentis illius conversionem. Hæc sane omnia utrique Gregorio communia non tam ex gestis eorumdem Pontificum apud Historicos recensitis adparent, quam demonstrant, potuisse facile præberi occasionem, qua unius gesta alteri tribui aliquando poterint.

Antequam vero ad expendenda Gratiani fragmenta deveniam, aliqua sese offerunt prænotanda penes historicos Scriptores, qui de Gregorio II. nonnulla memoraverunt parum consona veritati. Non defuerunt enim, qui asserere non dubitarent, Gregorium II. nova quædam fuisse molitum adversus Leconem, dirique populorum Orientalium, atque Occidentalium schismatis auctorem extitisse. Id evulgaverunt Græci Scriptores Theophanes, Cedrenus, & Zonaras non quidem Gregorio contemporanei, sed a sæculo, & amplius posteriores. Verum Latini Scriptores aut Gregorio eidem contemporanei, aut qui per tris sequentia sæcula successerunt, qualis inter plurimos memorari potest Anastasius Bibliothecarius, de ea re, licet gravissima, altum silentium servarunt. Imo nec omnes Græci illud memorarunt: nimirum sicut Johannes Damascenus sacrarum imaginum Patronus eximius, sicut præterea Nicephorus Patriarcha Constantinopolitanus. Quid ergo? Paucosne Græcos Græcis alijs, item Latinis universis neglectis audiemus, illorumque dicta sine contradictione recipimus? Miror ego hac in re Baronium ad annum 730., Sigebertum in Chronico ad annum 731., & Platinam in Gregorio II., aliosque Græcorum potius, quam Latinorum fidem sequi maluisse, cum tamen Græci soli hæc in re non satis firmum testimonium ferant, utpote qui de negotio Romæ gesto testentur; alias autem testes illi audiri debeant, qui præsentis extiterint, non qui in alijs regionibus, alio etiam, & posteriore tempore vixerint. His accedit gravis suspicio falsitatis in Græcis hujusmodi Scriptoribus; quis enim ignorat, quanta fuerit post quinque præsertim priora Ecclesie sæcula Græcorum adversus Romanos invidia, ac præcipue adversus Pontifices Maximos, penes quos summam rei ecclesiasticæ curam esse xgre ferebant. Hinc quotquot calumnias apud Imperatorem poterant adversus Pontifices Maximos, inferre curabant, quo fieret aliquando, ut Pontifices iidem auctoritate imperatoria premerentur quoquo modo, aut coercerentur. Nota sunt omnibus perspicua istarum rerum exempla. Itaque Græci, quorum adversus Romanos Antistites dirum erat odium, occasionem sumserunt Gregorium II. carpendi, quum ipsius ætate Italus populus ad Francorum Principes subsidii petendi causa confugerit imperiali subsidio destitutus; eamque ob rem defectionem populi, ac conversionem ad Francos Romani Pontificis artibus tribuunt. Opus est in hac re prudentis Viri studio, qui optime noscat, quantum in hac re poterit calumnia Græcorum adversus Romanos Constantinopolitani Imperatoris animum concitantium. At vero quid opus est conjecturis, ceteroqui gravissimis; ubi apertissima hujus rei in ipsiusmet Gregorii II. epistolis sunt argumenta? Plurimæ sunt Gregorii epistolæ ad Leonem Isauricum missæ; quarum in prima ita legitur:

*Eccle-*

*Ecclesiis præpositi sunt Pontifices a Reipublicæ negotiis abstinentes. Et Imperatores ergo similiter ab ecclesiasticis abstinere. . . . At enim nos perterriti, atque: Romam mitam, & imaginem Sancti Petri confringam: sed & Gregorium illinc Pontificem vinclum adduci curabo, sicut Martinum Constantinum adduci iussit. . . . Quod si nobis insolenter insultas, & minas intentas, non est nobis necesse tecum in certamen descendere: ad quatuor & viginti stadia recedes in regionem Campaniæ Romanus Pontifex: tum vade, ventos prosequere, &c. In altera epistola ita scribit: Quemadmodum Pontifex introspiciendi in palatium potestatem non habet, ac dignitates Regias deferendi; sic neque Imperator in Ecclesias introspiciendi, & electiones in Clero peragendi, nec consecrandi. Sed unusquisque nostrum in qua vocatione vocatus est a Deo, in ea maneat. Vides Imperator Pontificum, & Imperatorum discrimen: Si quispiam te offenderit, domum ejus publicas, & spoliâs. . . . Pontifices non ita, sed ubi peccavit quis, & confessus fuerit, amputationis loco evangelium, & crucem ejus cervicibus circumponunt. . . . Persequeris nos, ac tyrannice vexas militari, carnalique manu. Nos inermes, ac nudi, qui terrenos, & carnales exercitus non habemus, invocamus Principem exercitus omnis creature sedentem in cælis Christum, ut immittat tibi Dæmonem, sicut ait Apostolus, tradere hujusmodi satanæ in interitum carnis, & spiritus salvus fiat. Quicumque hæc Sancti Pontificis verba sedulo animo scrutatus fuerit, agnoscet facile, qualis in intimo ejus pectore sententia insideret, dum sese potius exilio voluntario subeundo paratum demonstrabat, ut deservientis Principis iracundiam declinaret. Nihil amplius adjicio in re perspicua, præsertim postquam agnoscî etiam possit subsequeutes Pontifices Gregorium III., & Zachariam & Leoni, & Filio ejus Constantino, velut Romanis Imperatoribus honorem derulisse, imo etiam eosdem paterno sgre charitate monuisse, ut exemplo suo ceteros imperio subiectos ad sacrarum imaginum cultum allicerent, ac concitarent. Præterite autem non possum eximiam illam Romanorum Antistitem prudentiam, qua ipsi nonnullos de populo nonnihil adversus Imperatoris majestatem molientes cohibuerint ab incæpto, ac tumultuantes animos coercere faterint, quando Imperator ipse sacrarum imaginum, ita dixerim, hostis in se piorum quorundam odia commovit. Refert id Paullus Diaconus in lib. 6. de gestis Longobardorum, ibi: Omnes Ravennæ exercitus, vel Venetiarum talibus iussis (nimirum Imperatoris, sacras imagines coli prohibentis) uno animo resisterunt, & nisi eos prohibuisset Pontifex, Impiratores super se constituere fuissent adgressi: Similia fere enarrat Anastasius Bibliothecarius ita scribens: Iussibus missis decreverat Imperator, ut nulla imago cujuslibet Sancti haberetur. Respiciens ergo pius Vir (Romanus nimirum Antistes) profanam Principis iussione jam contra Imperatorem, quasi contra hostem, se armavit, renuens hæresim ejus, scribens ubique se cavere Christianos, eo quod orta fuisset impietas talis. Igitur perinde omnes Pentapolenses, atque Venetiârum exercitus contra Imperatoris iussiones resisterunt, dicentes, nunquam se in ejus Pontificis descendere necesse, sed pro ejus magis defensione viriliter decertare, ita ut spernentes ordinationem ejus sibi omnes ubique in Italia Duces elegerunt, atque sic de Pontificis, deque sua immunitate cuncti studebant. Cognita vero Imperatoris nequitia, omnis Italia consilium inivit, ut sibi eligerent Imperatorem, & Constantinopolim ducerent: sed compescuit tale consilium Pontifex. Et post pauca: Cumque mitteret hominem proprium Romam cum scriptis suis, in quibus continebatur, ut Pontifex occideretur cum optimatibus, Roma agnita crudelissima infamia, pretinus ipsum Patrium occidere voluerunt, nisi defensione Pontificis nimia præpedisset. Demum inferius concludit. His itaque se habentibus, elegit*

git majus presidium Pater ille distribuere pauperibus largissima manu quæ reperiebat, incumbens orationibus, & jejunis, & litanis Deum quotidie deprecabatur, & spe ita monebat semper fultus plusquam hominum. Blando omnes sermone rogabat, ut in fide persistere, sed ne desisterent ab amore, vel fide Romani imperii admonebat. Sic cum illorum corda mollebat, & dolores continuos mitigabat. Hæc sane apertissime demonstrant, quantum Gregorius laboraverit, ut populum in officio erga Leonem contineret, tantum abest, quod Græci Scriptores asserere non dubitarunt, a rei veritate.

## De Concilio Romano.

Jamvero apud Gratianum memoratur in primis Romanum Concilium, & quidem Provinciale duobus supra triginta convenientibus Episcopis celebratum, quod incidisse in annum 731. nonis Aprilis. adjecti Constantini anni, & indictio facile demonstrant, quamobrem Baronius illud ipsum olim Gregorio III. tributum jure optimo Gregorio II. potiustribuendum existimavit, in annalibus ad annum 721. num. 1. Qui canones ibidem editi sunt, omnes ad stabiliendam disciplinam ecclesiasticam pertinent. In canone 15. legimus Gratianeum canonem 23. dist. 23. ibi: *Siquis in Clericis comam relaxaverit* (legunt alii *laxaverit*) *anathema sit*. Vetus erat mos Clericorum, ut coma attonsa incederent, quod significabat apud Gregorium Magnum, Clericos rerum temporalium curam suscipere non debere: at cum temporibus Gregorii II. nova introduceretur consuetudo, satius duxit Sanctus Pontifex comæ tonsuram stabilire lata legè, imò & gravi pœna anathematis indicta firmare. Cujus rei ratio ut magis magisque perspiciatur, animadvertendum est, Romanos veteres quoscunque, laicos etiam, nudo pene capite, atque attonso incedere consuevisse, feminis relicto capillorum ornatu, donec Longobardi in Italiam venire; ac quemadmodum isti barbaro-loquendi more latini sermonis elegantiam corruerunt, ita quoque suo vestium, & totius exterioris corporis habitus riu facile Romanos ipsos ad sui imitationem traxere. Hæc plane immutatio exemplo barbararum gentium inducta Clericos dedecere videbatur; neque enim primi esse debebant, qui peregrinum habitum, singulari suæ gentis habitu spreto, inducerent, & novas in ornando corpore formas studiosi reciperent. Accedebat his prudentissima ratio, nimirum cum tunc temporis Orientale imperium ruere videbatur, ipsique Imperatores jam populi animum a se alienum quodammodo agnoscerent, & ad Longobardorum potius Principes descedentem, quicumque in vestium, & exteriori corporis ornatu Longobardorum usum sequebatur, videri poterat Longobardos ipsos colere, eorumque dominatum exoptare. Hæc sane omnia Clericos quammaxime dedebant; eamque ob rem cavendum Gregorio fuit, ne recens consuetudo a nonnullis Clericis inducta vires acciperet; imò exinde etiam factum est, ut successores Pontifices Decefforum constitutionibus inhaerentes similia constituerint. Zacharias Papa in Concilio Romano anni 743. can. 8. ita sanxit: *Siquis Clericus, aut Monachus comam laxare præsumserit, anathema sit*. Et Stephanus I., dum apud Francos maneret anno 754., variis consultationibus Britannici Monasterii respondens cap. 18. ita rescripsit: *Ut nullus Clericus, aut Monachus comam relaxare præsumat, aut anathema sit*.

Can. 27.  
dist. 23.

Eadem

Can. 1. Eadem fere ratio fuit Gregorio II. definiendi in Romano Concilio, ne Ariolis,  
 cau. 26. Aruspiciibus, & Incantatoribus quidpiam indulgeretur, quia nimirum Longobardi  
 qu. 5. superstitionibus dediti Christi fide abutebantur: Hinc in canone 12. ejusdem Concilii, quem referre voluit Gratianus in can. 1. cau. 26. qu. 5.; ita constitutum legimus: *Siquis Ariolos, Aruspices, Incantatores observaverit, aut phylacteris usus fuerit, anathema sit. Et responderunt omnes tertio: anathema sit.* Interrogaret forte quispiam, quidnam nomine phylacteriorum intelligatur. Glossographi vulgo animadvertunt, fuisse chartulas quasdam, quibus auguria descripta continebantur. Clarius S. Hieronymus id explicat in Matthæum cap. 23. his verbis: *Pistaciola illa Decalogi phylacteria vocabant, quod quicumque habuisset ea, quasi ob custodiam, & monumentum sui haberet, &c.* Hoc apud nos superstitionis mulierculæ in parvulis Evangelii, & in Crucis ligno, & istiusmodi rebus, quæ habent quidem zelum Dei, sed non juxta sententiam usque hodie fallitant. Itaque ex sententia Hieronymi phylacteria erant pagellæ quædam brevissimæ, in quibus vel Crucis figura, vel evangelica, aut divinæ legis veteris aliquot verba exprimerentur, quas superstitioni homines suis undique membris intexta propemodum ferebant, rati ea se ratione quodcumque discrimen incolumes evasuros. Quam inanem disciplinam apud mulierculas in usu olim fuisse temporibus Gregorii II. refert Bonifacius Episcopus Gregorio eidem contemporaneus, ita scribens in epistola ad Zachariam: *Dicunt quidam, se vidisse ibi (idest Romæ) mulieres pagano ritu phylacteria, & ligaturas in brachiis, & cruribus ligatas habere, & publice venales aliis offerre.*

Can. 5. Ad idem Romanum Concilium Gregorii II. pertinet canon 5. cau. 36. qu. 2.,  
 cau. 16. qui exigendus erit ad canones 10. & 11. ibidem constitutos. Verba canonis 10. hæc sunt: *Siquis viduam rapuerit, vel furatus fuerit in uxorem cum sibi consentientibus (legunt aliqui vel consentiens ei) anathema sit.* Verba canonis 11. hæc sunt: *Siquis virginem, quam sibi non desponsaverit, rapuerit, vel furatus fuerit in uxorem, vel consentiens ei, anathema sit. Et responderunt omnes tertio: anathema sit.* Paulo aliter hæc Romani Concilii sententia relata est in Capitularibus Francorum libro 7. cap. 179. editionis Baluzianæ, ibi: *In Decretalibus Papæ Gregorii legitur . . . Siquis viduam rapuerit, vel furatus fuerit in uxorem, vel consentientes eis, anathema sit: & responderunt omnes tertio, anathema sit: Siquis virginem, nisi desponsaverit eam, rapuerit, vel furatus fuerit in uxorem, vel consentientes ei, anathema sit: & responderunt omnes tertio, anathema sit.* Horum canonum definitionem paucis perstrinxit Gratianus in memorato canone 5.

## De Epistolis ad Bonifacium.

Sine discrimine laudantur plura fragmenta apud Gratianum sub nomine Gregorii III. ad Bonifacium, quorum aliqua Gregorio II. erant potius tribuenda. Uterque enim sive Gregorius II., sive Gregorius III. epistolis adjuvit Bonifacium apud Germanos pro Fide Christiana consistentem. Erratum animadvertit Sirmondus profuixisse ex nonnullis vetustis codicibus, in quibus antiqui Scriptores Gregorium I. appellabant Gregorium Magnum; Gregorium vero II. nullo prænomine adjecto Gregorium dixere, aut a Primo secundum; demum Gregorium III. vocaverunt juniorem, aut a secundo juniorem. Itaque distinguendæ plures epistolæ sunt, atque unaquæque suo

suo auctori tribuenda. Prima est epistola Gregorii II. scripta ad Bonifacium, quem Sanctus Pontifex, ut prænotatum est, in Germaniam Fidei Christianæ promovendæ gratia miserat. Incipit *Desiderabilem mihi, &c.*, eandemque jure optimo Gregorio II. tribuendam esse demonstrat subiecta temporis nota incidens in annum 726., quo Gregorius II. summum Pontificatum tenebat. Interrogaverat Bonifacius Gregorium de pluribus sacre disciplinæ capitibus, postulans quid apud Germanas Gentes, aut una cum Fide recens inducendum esset, aut forte initio religionis propemodum nascentis ex benignitate indulgendum. Singulis capitibus interrogationum respondit Gregorius; atque in cap. 1. ita scripsit: *In primis legebatur* (refertur id ad Bonifacii interrogationes) *in quota progenie propinquorum matrimonium copulatur? Dicimus, quod oportuerat quidem, quamdiu se cognoscunt adfinitate propinquos, ad hujus copulæ non accedere societatem. Sed quia temperantia magis, & præsertim in tam barbara gente, plus placet, quam distributio censuræ, concedendum est, ut post quartam generationem jungantur.* Hæc adnotasse juvat, non quod hujus disciplinæ monumentum retulerit in suum codicem Gratianus, sed quod initio animadvertendum erat, quæ sequuntur Gregorii rescripta non ad arctissimas canonum leges esse composita, sed potius ad benignitatem, atque indulgentiam singularem. Præterea juvabit hæc animadvertisse ex eo, quod auctor epistolæ sub nomine Gregorii Magni ad Augustinum Anglorum Episcopum similia quædam scripserit; quasi quæ de conjugis post quartam generationem contrahendis permisit Gregorius II. Germanis recens conversis ad fidem, postulante Bonifacio, eadem, postulante Augustino, permisit Anglis Gregorius Magnus. Sed hæc jam suo loco memini me expendisse.

Progredior ad caput 2. Gregorianæ ejusdem epistolæ ad Bonifacium, ex quo decerpit est canon 18. cau. 32. qu. 7. En verba Gregorii: *Nam quod proposuisti, quod si mulier infirmitate correpta non valuerit debitum viro reddere, quid ejus facias jugalis?* (legerunt alii *conjugalis*) *Bonum esset, si sic permaneres, ut abstinentiæ vacares. Sed quia hoc magnorum est, ille, qui se non poterit continere, nubat magis; non tamen subsidii opem subtrahat ab illa, quam infirmitas præcepit, & non detestabilis culpa excludit. Ardua sane mihi videtur hujus capitis interpretatio, ex quo infirmo alterutro ex conjugibus alteri indulgetur, ut novas ipse nuptias contrahat, dummodo subsidii opem infirmo non subtrahat.* Interpretes, ac Glossographi passim conati sunt variis conjecturis ad germanam Ecclesiæ doctrinam Gregorii monumentum exigere, quorum alii non de conjugio jam celebrato, sed de sponsalibus prioribus dissolvendis agi dixerunt; alii de matrimonio tantum rato, necdum consummato, quod forte ex conjugis infirmitate consummari nequiverit. Attamen, ut verum fatear, hæc interpretationes, aut his similes vim faciunt Gregorii verbis. Non possum ego hac in re parere Gratiano, qui nonnulla post descriptum hunc canonem subjecit, unde Pontifici Maximo non levis illara injuria videatur, ita scribens: *Illud Gregorii sacris canonibus, imo evangelicæ, & apostolicæ doctrinæ penitus invenitur adversum.* Audax sane dicendi ratio, quam sequi non dubitarunt plurimi ex Glossographis, qui ad memorata Gratiani verba animadvertentes, Gregorii II. dicta ex sententia Leonis IV. esse recipienda, mandatum Leonis IV. non ad hoc Gregorii monumentum pertinere scripserunt, sed ad alia, in quibus Gregorius *bene dixit*, quasi hac in re Gregorius lapsus fuisse proponatur. Non id est Interpretis, ac Glossographi obire munus, sed potius irreligiosa manu in sanctorum Pontificum responsa esse ferri; quod quidem eo improbius mihi esse existimatur, quo clarius Gregorius

in epistolæ exordio professus fuerat, se non suo tantum, sed & B. Petri Apostolorum Principis nomine respondisse, imo etiam Christi doctrinæ adhæsisse ibi: *Quædam subnexiisti capitula, sciscitando, qualiter teneat, vel doceat hæc sancta Apostolica Romana Ecclesia . . . consulenti tibi de statu Ecclesiæ non ex nobis quasi ex nobis, sed ejus gratia, qui aperit os mutorum, & linguas infantium facit disertas, qualiter tenere debeas Apostolici vigoris doctrinam dicimus.* Sane ego exoptarem, ut vigeret adhuc epistola Bonifacii, qua Gregorium interrogaverat, ut ex eo clarior, atque commodior ex rerum propositarum adjunctis rescripti interpretatio erueretur. At quoniam illa periit, conabor, quoad fieri poterit per me, ita Gregorii sententiam exponere, ut nihil adversus illam obijci a quoquam possit, neque enim quidpiam ego magis in deliciis habeo, quam sicut æquo adhibito criterio abjudicare a Summis Pontificibus, quotquot ipsis falso tributa, ita & eximia diligentia, eoquoquo par est, obsequio, quæ nonnullis ardua visa sunt illorum monumenta ad rectam Apostolicam exacta demonstrare; unde fiet, ut per me nihil nisi verum, nihil præterea nisi rectum Pontificibus Maximis adscribatur.

Itaque alius repetere juvabit hujusmodi rem, nimirum investigandum arbitror, quonam ex jure in conjugii definitum sit, ut quis, ne in quibusdam quidem causis, non possit relicta conjugæ ad aliam divertere. Agnosco conjugiorum jura partim naturali ratione, partim divina, ut vocant, positiva, partim hominum lege constituta esse; leges autem hujusmodi ab aliis alias distinguendas. Porro naturalis lex etiam universis animantibus indita, in homine tamen magis perpolitæ magisterio rationis decus quoddam habet singulare, atque ornamentum. Hinc sit, ut animalia quæque vix in procreationem, ac perfectionem sobolis incumbant; homini vero præter hæc honestiora quædam custodienda immineant. Hinc et conjugia prout & hominibus, & brutis communia sunt, dici merito possent *maris, & femine conjunctio ad sobolis procreationem ordinata*, prout solos homines decent, dicentur potius *maris, & femine conjunctio ad sobolis procreationem ordinata servatis regulis honestatis*. Hæc sane est humani conjugii institutio, quam non singularia alicujus gentis æraria, aut tabulæ ineisam, insculptamque præferunt, sed quam in omnium mente operatione secreta creator indidit Deus. At vero sicut in cæteris generalibus naturæ præceptis, ita & in isto singularibus animadversionibus illustrando, atque prout res incidit, accommodando homines non eandem invere sententiam. Quippe omnes quidem asseruerunt honestatem servandam in conjugii esse, verum in quo sita esset honestas communi suffragio definire nesciverunt, aliter atque aliter regulas honestatis explicantibus populis ex infirmitate humani ingenii, quod tenebris ostundere solent vel ipsa vitia, in quæ proni sumus, vel suscepta ab ipsamet infantia longo successionis ordine a parentibus derivata. Operosum nimis esset singularum gentium mores percurrere, & per diversa etiam tempora expatiari, ut judicemus, quinam fuerit sensus communis hominum in naturali honestate conjugiorum definienda. Paucis tamen attigero, legi apud scriptores non contemnendæ notæ, morem fuisse apud nonnullas Indorum gentes, Arabes, Persas, Maurosque, ac Babylonios, ut, quod alii nefas putabant, cum matribus filii pudendo amore commiscerentur; legi item apud Ægyptios fuisse ex Ptolomei lege sororum conjugia permissa; legi apud Athenienses fratres sororesque eisdem parentibus genitos invicem incestis nuptiis detineri. De filiorum, ac parentum nuptiis testatur Ovidius in lib. 1. *Metamorphoseos*, scribens gentes esse,



In quibus & nato genitrix, & nata parenti  
Jungitur, & pietas geminato crescit amore.

Apud Romanos ipsos, licet consanguinitatis jura custodirentur, non tamen tanto habita est adnitentia. Hinc Caelius Metellus non erubuit uxore defuncti ejus sororem sibi conjungere, Lucius Crassus defuncti fratris uxorem, & Novercant. Juliam Antoninus Caracalla, quæ sane aut aliis generibus, aut ipsi etiam Romanis aliis forte temporibus inhonestæ videri conjuga potuerunt. Quid memorem polygamiz usum apud plurimas gentes aliquando probatum? Quid turpitudinem illam, quam apud Troglodytas admissam ferunt, qui feminas viris nuper desponsas primis nobilibus cognatis & adfinibus promiscuis adulteris polluendas tradebant, licet indicta dein sub gravissimis poenis continentiz conjugalis lege? Quid aliorum mores, qui ferarum ritu thori genialis expertes passim in venerem ruebant, filiumque editum ille sibi addicebat eum, in quo suimet vultus quandam expressam imaginem deprehendisset? Sane quisquis hæc omnia, atque his similia apprime consideraverit, facile agnoscat, quam varia fuerit gentium adfectio in definiendis regulis honestatis, quas natura ipsa in connubiis voluit custodiendas; quod enim aliis honestum, turpe aliis, atque abominabile visum est, quamquam omnes naturaliter se juri adhzrere professi fuerint.

Quid igitur in tam variis populorum moribus de naturali honestate judicandum superest? Aliquet in hac re præcavendi fore præjudicia reor: non enim defuerunt in primis, qui suo plus æquo fidentes arbitrio itatim honestati naturali repugnare proponerant, quod ipsimet velut inhonestum ducerent. Improbæ sane judicandi methodus: si enim unicuique de jure naturæ definire licet, prout ipse cogitat, quid natura adeo inhonestum erit, quod videri non possit honestum alicui cogitanti? Hinc præterea illud sequetur absurdum, quo naturæ jura sibi met ipsis contraria fiant; quod enim hic honestum, & naturæ conforme, fortassis inhonestum ille, & naturæ disforme pronuntiabit. Sunt alii, qui ad jus divinum in sacris literis exhibitum suspiciunt; deinde quod eodem divino jure constitutum agnoscent, statim ad jus naturale referunt; quasi Deus in lege Mosis, aut Apostolis tradita nihil aliud, quam pura putaque naturalia jura, legesque honestatis primigenias explicaverit. Pia fateor, ac religiosa est hæc judicandi norma, quam qui sequitur nunquam recedet ab honestate: sed plurimum vereor, ne exinde divini positivi, ut vocant, ac naturalis juris regulæ confundantur; contra quam suadeat legum earundem ratio; scimus enim Deum in hac ipsa connubiorum materie certas præstituisse Judæis regulas, easdem autem non præstituisse Christianis. Mihi illud probatur, sicut in ceteris, ita & in hac re tum demum præcepta quædam ad jus naturæ, sive ad honestatis perpetuas regulas esse, cum apud cultiores gentes recepta fuerint, ac probata, etenim cultiores ipsæ gentes servandis adamussim naturæ juribus studiosissime incubuerunt, quas neque supina rerum causarumque ignoratio, neque affectuum pravitas, aut asperitas a recto tramite detorsit; & quamquam adhuc ipsas aliquando contigerit crimen aut scelus irrepere, vel illud peculiare fuisse nonnullorum, vel facile regentium auctoritate ac vigilantia emendatum deprehenderetur.

His generaliter præjactis, ut ad rem propositam veniam, & Gregorii II. scriptum interpreter, eo reducitur controversia, num uxore ægrotante, debitumque viro reddere non valente causa perpetuum infirmitatis potuisset maritus apud

Germanos sibi aliam sociare. En quæstionem dirimendam non ex positivo divino Evangelii jure, sed sola naturali honestate inspecta: siquidem de Germanis agebatur, qui recens convertebantur ad Christianam Fidem, quorum propterea conjugia jampridem contracta ad puras putasque naturalis honestatis leges referenda erant, non ad positiva Dei præcepta, quæ eo usque apud illos ignorabantur. Quid ergo? Gregorio II. deliberandum erat, an sepositis divinis institutionibus dissolvi in proposita specie matrimonium posset, novumque conjugium iniiri, seu an dissolutio conjugii in proposita specie naturali adversaretur honestati? Quando vero demonstrari potest, id naturæ principis non adversari seposito Christi mandato, non arbitror a veritate aberrasse Gregorium, cum respondit dissolvi conjugium posse. Perspectas ipse habebat cultiorum gentium regulas. Quis enim ignorat, Græcos potissimum aut Romanos naturalis Philosophiæ studio incubuisse; & quemadmodum apud Græcos Philosophi, ita apud Romanos Censores ita mores ad naturæ instituta formasse, ut nemo magis? Verum si Græci Philosophi, sive Romani Censores eam disciplinam facile admiserunt, ut certis in causis conjugia dissolverentur. Ex Græcis Philosophis Socratem laudo, ex Romanis Censoribus Catonem, viros sane gravissimos, & juris naturalis peritia facile præstantissimos. Socratem, ait Tertullianus in apologetico, *Apollo sapientissimum hominem cecinit*; & rursus idem Tertullianus: *Quis gravior, & sapientior Catone*? Attamen & idem Tertullianus in apologetico refert tam Socratem, quam Catonem, dum ipsi conjugio causâ senectutis vacare non possent, amicorum juvenum opera usos fuisse, ut liberos susciperent. Refero ipsamet verba Tertulliani: *Omnia indiscreta sunt apud nos, præter uxores. In isto solo consortium solvimus, in quo solo ceteri homines consortium exercent, qui non amicorum solummodo matrimonia usurpant, sed & sua amicis patientissime subministrant, ex illa credo majorum, & sapientissimorum disciplina Græci Socratis, & Romani Catonis, qui uxores suas amicis communicaverant, quas in matrimonium duxerant, liberorum causa.* Idipsum demonstrat S. Augustinus ad naturalis juris, ut patet, dogmata respiciens in libro 1. de sermone Domini in monte cap. 16. ita scribens: *Rursum queritur, utrum si uxoris permisso sive sterilis, sive quæ concubitus pati non vult, adhibuerit sibi alteram vir non alienam, neque a viro sejunctam, possit esse sine crimine fornicationis? Et in historia, quidem veteris testamenti invenitur exemplum. Sed nunc præcepta majora sunt. Post hæc refert, quandam mulierem liberandi mariti causâ diviti cuidam consentiente ipso marito fuisse conjunctam, ita deinde concludens: Nihil hinc in aliquam partem disputo, liceat cuique assimare quod velit: non enim de divinis auctoritatibus depromta historia est; sed tamen narrato facto non ita respuit hoc sensus humanus, quod in illa muliere viro juvene commissum est, quemadmodum antea, cum sine ullo exemplo res ista poneretur, horruimus.*

In conspectu hujus doctrinæ, quam & viri severissimi, & Augustinus ipse ad pura, putaque se referens juris naturalis principia non improbaverunt, quis in contrarium adferre poterit regulas honestatis generales? Aliud sane positivis, ut vocant, & quidem divinis Evangelii legibus adjectum est, quibus sicut matrimonium ad dignitatem Sacramenti evectum est, ita fuit adeo firmatum, ut individuum, ac prorsus inseparabilem Christi cum Ecclesia unionem significaret. At vero apud Germanos, de quorum conjugii Gregorius agebat, tum primum Evangelii leges prædicari, & palam fieri omnibus cœperant sub Bonifacio Episcopo. Hinc conjugia paulo

paullo ante contracta non adeo indissolubilia haberi poterunt, quemadmodum quæ deinceps in conspectu Ecclesiæ contraherentur. Quid superest eam ob rem, quod apud Gregorium quisquam improbare possit? Neque vero id fuit in Ecclesia novum, ut quoties de conjugii ageretur, quæ Sacramenta non essent, præsertim de illis, quæ inter non Christianos inita pridem fuissent, certis in factorum speciebus, mitius quoquomodo ageretur, & nonnihil aut indulgeretur, aut relaxaretur. Exemplum illustre est apud Theodorum Cantuariensem Virum in ecclesiastica disciplina plane eruditissimum. Scilicet is cum Britannos recens ad fidem conversos instituisset, facultatem eisdem fecit fornicationis vitandæ causâ, ut si uxor diu abfuisset, aut in captivitate detineretur, aliam sibi uxorem sociarent, ut patet ex ejusdem Capitulis apud Petrum editis cap. 11. ibi: *Si mulier discesserit a viro despiciens eum, & nolens reverti, & reconciliari viro, post quinque annos cum consensu Episcopi aliam accipere liceat uxorem: Si in captivitate per vim ducta redimi non potest, post annum alteram accipere. Item si in captivitate ductus fuerit vir ejus, quinque annos expellet, similiter autem & mulier, si talia contigerint. Si igitur alteram duxerit uxorem, priorem de captivitate reversam accipiat, posteriorem dimittat, similiter autem illa, sicut superius diximus, si talia contigerint, faciat. Si cujus uxorem hostis abstulerit, & ipse eam adipisci non potest, licet aliam tollere; melius est sic facere, quam fornicari, &c.* Non abissimilis sententia recepta est in Capitulari Pippini Francorum Regis edito anno 752. sub nomine Synodi Vermeriensis cap. 9. ibi: *Siquis necessitate inevitabili cogente in alium Ducatum, seu Provinciam fugerit, . . . & uxor ejus cum valet, aut potest amore parentum, aut rerum suarum cum sequi noluerit, ipsa omni tempore, quamdiu vir ejus, quem secuta non fuit, vivit, semper innupta permaneat. Nam ille vir ejus, qui necessitate cogente in alium locum fugit, si nunquam in suam patriam se reversurum sperat, si se abstinere non potest, aliam uxorem cum penitentia potest accipere.* Huc referendus erit canon 4. cau. 34. qu. 1. Item in eodem Vermeriensi conventu canone 5., quem laudaverunt Regino in lib. 2. de eccles. discipl. cap. 118., & Burchardus lib. 6. cap. 41., cavetur, ut si mulier viro ad mortem insidiata fuerit, vir possit ipsam uxorem dimittere, & aliam accipere; ipsa autem insidiatrix penitentia subacta absque spe conjugii maneat. Posset huc etiam referri, quod Paulus Apostolus scribit, nimis si infidelis uxor etiam infideli conjunctus ad fidem convertatur, posse illum aliam ducere, quoties infidelis uxor sine Fidei periculo non cohabitaret. Nonne hæc omnia perspicue indicant, iusta de causâ dissolvi aliquando potuisse conjugia, quæ juxta sola juris naturalis præcepta contracta fuissent? Quæ si dissoluta fuerunt auctoritate Apostoli, Theodori Cantuariensis, & aliquot Conciliorum, quid novi, quæso, Gregorius molitus est, ubi & ipse dissolvit matrimonia Germanorum, quæ ipsi adhuc Ethnica superstitione detenti olim celebraverant? Quod si quisquam adhuc severius hac in re agendum voluerit, atque crediderit Gregorium II. hac in specie nonnihil indulgisse Germanis, non probando, laudandove, sed potius permittendo, ne forte alias gravissima mala emergerent; is sane de Sancto Pontifice, ejusdemque sententia æquius, & convenientius differet, quam differuerit Gratianus, quasi hac in parte Gregorius imitatus fuerit Moysen, dum veteribus Judæis libellum repudiij uxori porrigi permisit, quod & aliquando factum a Viris ecclesiasticis refert Origenes in Commentario in Matthæum ita scribens: *Jam vero contra-scripturæ legem mulieri vivente viro nubere quidam Ecclesiæ Rectores permiservant, agentes contra id, quod scriptum est . . . non omnino tamen sine ratione, hæc enim contra legem*

*legem initio latam, & scriptam ad vitanda pejora alieno arbitrio morem gerentes nos permisisse verosimile est.*

Redeo ad laudatam epistolam Gregorii II. cap. 3., in quo legimus verba canon. 5. nis 3. cau. 2. qu. 5. Ibi autem disciplina proponitur, quæ media ætate Ecclesiæ  
 cau. 2. ubique vigeat, nimirum ut rei, qui delati fuissent in publicum, probationibus de-  
 94. 5. ficientibus sese jurejurando purgarent. Gregorii verba hæc sunt: *De Presbytero vero; si quilibet Sacerdos a populo fuerit accusatus, si certi non fuerint testes, qui crimini illi alprobent veritatem, jurejurandum erit in medio, & illum testem proferat de innocentie sue puritate, cui nuda, & aperta sunt omnia, sicque maneat in proprio gradu.*

In capite 4. ejusdem epistolæ legitur, quod sub nomine Gregorii III. legitur  
 apud Gratianum in can. 9. de conf. dist. 5. ibi: *Nam de homine, qui a Pontifice.*  
 Can. 9. *confirmatus fuerit, denuo illi talis reiteratio prohibenda est.* Nihil amplius hæc ad-  
 de conf. cicio de capite 7. hujus epistolæ, ad quod referendus est canon 2. cau. 20. qu. 2.,  
 dist. 5. istud enim jam superius expendi, ubi agendum erat de capitibus Gregorii Ma-  
 gni, quod Gratianus tribuisset Gregorio Magno ad Augustinum Anglorum Epi-  
 scopum rescribenti.

Progredior potius ad caput 9. ejusdem epistolæ, ubi habentur verba canonis 110. de  
 Can. 110. conf. dist. 4. ibi: *De parvulis vero, qui a parentibus subtrahiti sunt, & an baptizati sint,*  
 de conf. *an non, ignorant, quia interrogasti, hos ut baptizare debeas secundum Patrum tradi-*  
 dist. 4. *tionem, si non fueris, qui testificetur, ratio pescit.* Optima sane, atque animarum sa-  
 luti apprimè utilis disciplina; juvat enim potius de vi Sacramenti periculum face-  
 re, quam salutem parvulorum, de quorum baptismo dubitatur, in discrimen addu-  
 cere, quum Sacramenta instituta divinitus sint hominum causa; eamque ob rem-  
 parum referre videtur, ubi de hominum salute agitur; Sacramenta ipsa in re dubia  
 iterata forte vacua fieri, ac frustrari.

Altera epistola est Gregorii Papæ ad eundem Bonifacium scripta, quæ jure  
 optimo Gregorio III. erit tribuenda. In ea Maximus Pontifex profitetur, se pal-  
 lium archiepiscopale ad Bonifacium mittere, ex quo argumentum optimum est,  
 quo ostendatur ad Gregorium III. illam pertinere, quum auctor vitæ Bonifacii  
 lib. 1. cap. 31., quemadmodum jam observavit Sirmondus, scripserit a Gregorio III.  
 pallium fuisse Bonifacio concessum. Ex hac ipsa epistola regulæ quædam editæ  
 colliguntur de modo, & usu pallii, iidem de juribus, quæ pallio coherere vi-  
 dentur, ac præsertim de potestate novorum Episcopatum instituendorum. His  
 adjecit Gregorius nonnulla alia disciplinæ ecclesiasticæ capita, de quibus a Bonifa-  
 cio fuerat interrogatus. Epistolæ inscriptio hæc est: *Reverentissimo, ac Sanctissimo*  
*Fratri Bonifacio Morpiscopo ad illuminationem Gentis Germania, vel circumquaque in-*  
*umbra montis morantibus gentibus in errore constitutis ab hac Apostolica Sede directo Gre-*  
*gorius Servus Servorum Dei.* Gratulatur initio Sanctus Pontifex cum Bonifacio, quod  
 plurimos ab Ethnorum superstitionibus ad Christi Fidem convertisset, & veluti  
 quoddam honestissimum opime exactæ prædicationis insigne profitetur se pallium  
 mittere, quo Bonifacium ornetur, & Archiepiscopi nomine, ac dignitate potiarur.  
 Post pauca ita proseguitur. *Quia vero turbas Domini gratia in iisdem parvis ad*  
 Can. 33. *radicem Fidem offeris esse converfas, ideoque nequire te occurrere omnibus, & quæ sala-*  
 cau. 16. *tis sunt, impendere, vel imitare, cum jam longe lateque gratia Christi ejus Fides in*  
 qu. 1. *illis propagetur, præcipimus, ut juxta sacrorum canonum statuta, ubi multitudo exor-*  
*vis fidelium, ex vigore Apostolicæ Sedis debeas ordinare Episcopos: pia tamen con-*  
*templatione,*

platione, ut non vilescat dignitas Episcopatus. Hæc verba relata sunt in canonem 53. cau. 16. qu. 1., ex quo sane dignoscitur, quo jure facultas concessa fuerat Bonifacio novos Episcopatus erigendi: is nimirum Sedis Apostolicæ delegatum agebat in Germania, in qua nullæ adhuc distinctæ erant Ecclesiarum Provincie, nulli adhuc divisi Episcopatus, imo nec instituti, eoque minus designati, qui Metropolitaram munere fungerentur.

In capite primo ejusdem epistolæ Bonifacii interrogationi respondens Gregorius ait: *Eisdemque, quos a Paganis baptizatos esse asseruisti, si ita habetur, ut denuo baptizet in nomine Sanctæ Trinitatis mandamus.* Hæc sententia, quæ integra legitur in can. 52. de cons. dist. 4. occasionem quibusdam interpretibus præbuit dubitandi, num Gregorio probatura fuisset baptisma ab Ethnico quocumque etiam servata Christi institutoris formula collatum. Utinam de Bonifacii interrogatione constaret; tunc enim clarius rescribentis Pontificis sententia fieret. Nihilominus tamen, ubi Bonifacii interrogationum exemplaria hodie desiderantur, ex conjecturis juvabit Gregorii sententiam investigare. Ego sane non dubito, quin Gregorius idem non sit de eo baptismo intelligendus, quod Paganus quisquam contulerit, non servata ecclesiastica Sacramenti formula: siquidem ea ætate non deerant apud Ethnicos quidam Sacerdotes, qui baptismatis christiani irridendi causa simili quodam lavacro userentur, eoque ritu baptizandi suos infantes Jovi dedicarent, concepta ad id tali formula, quæ christianam formulam imitaretur, pro nomine ex causa Dei Patris, nomen Jovis substituentes. Id videtur facile erui posse ex eadem Gregorii III. epistola cap. 4., ubi ita legitur: *Eos etiam, qui se dubitant esse baptizatos, vel qui a Presbytero Jovi mactante, & carnes immolantibus vescente baptizati sunt, ut rebaptizentur precipimus.* Noscimus præterea & Zachariam Pontificem, qui Gregorio III. successit, ad Bonifacium eundem etiam de hujusmodi re rescripsisse, ac precipue sollicitum in eo fuisse, ut ostenderet, Sanctissimæ Trinitatis invocationem necessariam esse in baptismo administrando, quemadmodum colligitur inter cetera ex canone 83. de consecr. dist. 4. Hinc vero deducitur Bonifacium in proposita specie dubitasse non de ministro, sed potius de necessaria forma baptismatis. Imo de ministro ipso dubitare minime poterat, cum sciret baptismi virtutem totam ex divina institutione, non ex qualitate ministri pendere, edoctus jam ex epistola Gregorii II. cap. 8. in illis verbis: *Enim vero quosdam absque interrogatione symboli ab adulteris, & indignis presbyteris fassus es baptizatos. In his tua dilectio teneat antiquum morem Ecclesiæ, quia quisquis in nomine Patris, & Filii, & Spiritus Sancti baptizatus est, rebaptizari eum minime licet. Non enim in nomine baptizantis, sed in nomine Trinitatis hujus gratiæ donum percipitur, & teneatur, quod Apostolus ait: Unus Deus, una Fides, unum Baptisma.* Itaque Bonifacius de qualitate baptizantis jam antea edoctus a Gregorio II., videtur postulavisse a Gregorio III. de formula in baptizante necessaria; proindeque concludi recte potest, ideo a Gregorio III. respondente invalidum declaratum fuisse baptismum a Pagano collatum, non quod Paganus minister esset, sed quod Paganus minister baptismi formulam in Sacramenti collatione corripisset. Conferantur cum his, quæ dicuntur inferius ad canonem 2. dist. 68.

Quod legimus in canone 21. cau. 13. qu. 2. referendum est ad hanc ipsam epistolam, ubi ita habetur in capite 3. *Pro obumbribus quippe consuluisse, si licet offerre. Sancta sic tenet Ecclesia, ut quisque pro suis mortuis vere Christianis offerat oblationes,* Can. 21. cau. 13. qu. 2.

atque

atque eorum memoriam faciat Presbyter; & quamvis omnes peccatis subiaceamus, congruit tamen, ut Sacerdos nonnisi pro mortuis Catholicis memoriam facias, & intercedas; non enim pro impiis, quamvis Christiani fuerint, tale quid agere licebit.

Can. 3.  
dist. 68.

Est demum alia Gregorii III. ad Bonifacium Moguntinum epistola, quæ incipit *Dilectis Gentium*, & data dicitur 4. Kalendas Novembris, imperante Domino piissimo Augusto Leone, imperii ejus anno 23., sed & Constantino Magno Imperatore ejus filio anno 20. indictione 8. Ibidem gratulatur rursus Gregorius, quod Christiana Fides mira in Germaniæ partibus recepisset incrementa, Carolo præsertim Francorum Principe juvante. Inter cetera deinde hæc subdit: *Quia indicasti perrexisse te ad gentem Bajoariorum, & invenisse eos extra ordinem ecclesiasticum viventes, dum Episcopos non habebant in Provincia, nisi unum nomine Vivilo, quem nos ante tempus ordinavimus, & quia cum assensu Ottonis Ducis eorundem Bajoariorum, seu Optimatum Provincia illius, tres alios ordinasset Episcopos, & in quatuor partes Provinciam illam divisisset, idest in quatuor Parochias, ut unusquisque Episcopus suam habeat Parochiam, bene, & satis prudenter peregristi, Frater, quoniam apostolicam præceptionem ex nostra vice implesti, & sicut tibi præcipimus, ita peregristi. Itaque non desinas, Frater reverentissime, docendo eos sanctam, catholicam, & apostolicam Romanæ Sedis traditionem, ut illuminentur rudes, & viam salutis teneant, per quam possint ad æterna præmia pervenire. Presbyteros vero, quos ibidem reperisti, si incogniti fuerint viri, a quibus sunt ordinati, & dubium est eos Episcopos fuisse, an non, qui eos ordinaverunt; si bonæ actionis, & catholici viri sunt illi Presbyteri, & in ministerio Christi, omnique lege sancta edocti, atque opti ab Episcopo suo benedictionem Presbyteratus suscipiant, & consecrentur, & sic ministerio suo fungantur. Posteriora hæc verba retulit Gratianus in canonem 2. dist. 68., quæ sane erant cum præcedentibus conjungenda, ut perspicuum adpareret exinde Gregorii sententia. Et quidem hæc apprime conveniebant & tempori, & loco, in quo degebat Bonifacius. Etenim Episcopi illic, ac tunc in suis sedibus minime consistebant, cum in populo recens ad Christi Fidem converso nondum distributæ dioceses essent, suisque finibus singulæ circumscriptæ, imo & Episcopi ipsi animo Fidei latius extendendæ per illas Provincias more ita dixerim apostolico vagabantur. Ne vero alias sub nomine Episcoporum falsi prodirent Antiquitates, qui Sacerdotes, ac Presbyteros consecrarent, caute consulendum fuit, ubi ageretur de Presbyteris ordinatis ab iis, quorum episcopalis dignitas, aut auctoritas erat ignota, ut ipsi reordinarentur legitime, si nihil canonicum obtulisset. Hinc in Concilio ejusdem Bonifacii anno 742. celebrato canone 4. ita statutum legimus: *Statuimus etiam, ut secundum canonicam cautelam omnes undequaque venientes ignotos Episcopos, vel Presbyteros ante probationem synodalem in ecclesiasticum ministerium non admitteremus.* Huc quoque protrahi posset constitutio Concilii Vermeriensis anno circiter 742., proindeque circa tempora Gregorii II. celebrati can. 14., ubi ita legitur: *Ut ab Episcopis ambulanti per patrias ordinatio Presbyterorum non fiat, si autem boni sint illi Presbyteri, iterum consecrentur.* Sic explicatus est Gratiani canon 2. dist. 68. Non est tamen omittendum, quod ipse Gregorius II. in eadem epistola persequitur, utpote quod plurimum facere potest ad interpretationem illorum, quæ superius tradidi ad canonem 52. de cons. dist. 4. Ait Gregorius: *Illi vero, qui baptizati sunt per diversitatem, & declinationem linguarum gentilitatis, tamen quia in nomine Trinitatis baptizati sunt, oportet eos per manus impositionem, & sacri Chrismatis unctionem confirmari.* Hinc sane deducitur, eos, qui ab Ethnicis sunt baptizati, dum-*

modo

modo in Sanctæ Trinitatis nomine baptizati fuisse dicantur, non jam rebaptizandos esse, sed potius Sacramento confirmationis in Ecclesia recipiendos. Quæ cum ita sint, ne Gregorium III. sibi met ipsi adversari dicamus, concludendum erit, Gregorium eundem in nuper memorato canone 52. de cons. dist. 4. non de alia specie intelligi posse, quam de ea, in qua Pagani quidem Sacramentum baptismatis administraverint, sed baptismatis ejusdem formulam administrando corruperint, quemadmodum superius tradebam.

## CAPUT LXIX.

## De Zacharia.

Auctor laudatur Zacharias subsectorum canonum apud Gratianum.

- |  |   |  |  |  |  |
|--|---|--|--|--|--|
| Ex Romano<br>Concilio.   | <table border="0"> <tr> <td data-bbox="222 461 243 539">{</td> <td data-bbox="243 461 848 567"> <i>Can. 4. dist. 93. ex optimis codicibus emendandus.</i><br/> <i>Can. 3. cau. 21. qu. 4. ex optimis codicibus emendandus.</i><br/> <i>Can. 14. cau. 26. qu. 7. ex optimis codicibus emendandus.</i><br/> <i>Can. 57. de cons. dist. 1. ex optimis codicibus emendandus.</i> </td> </tr> </table>   | {  | <i>Can. 4. dist. 93. ex optimis codicibus emendandus.</i><br><i>Can. 3. cau. 21. qu. 4. ex optimis codicibus emendandus.</i><br><i>Can. 14. cau. 26. qu. 7. ex optimis codicibus emendandus.</i><br><i>Can. 57. de cons. dist. 1. ex optimis codicibus emendandus.</i>   |  |  |
| {  | <i>Can. 4. dist. 93. ex optimis codicibus emendandus.</i><br><i>Can. 3. cau. 21. qu. 4. ex optimis codicibus emendandus.</i><br><i>Can. 14. cau. 26. qu. 7. ex optimis codicibus emendandus.</i><br><i>Can. 57. de cons. dist. 1. ex optimis codicibus emendandus.</i>  |  |  |  |  |
| Ex aliquot De-<br>cretis.  | <table border="0"> <tr> <td data-bbox="222 581 243 658">{</td> <td data-bbox="243 581 848 686"> <i>Can. 2. cau. 29. qu. 2. est potius Theodori Cantuariensis, vel<br/>Egberti Eboracensis.</i><br/> <i>Can. 23. cau. 32. qu. 7. est potius Burchardi Wormaciensis.</i><br/> <i>Can. 4. cau. 55. qu. 5. ad recentiora tempora referendus.</i> </td> </tr> </table>   | {  | <i>Can. 2. cau. 29. qu. 2. est potius Theodori Cantuariensis, vel<br/>Egberti Eboracensis.</i><br><i>Can. 23. cau. 32. qu. 7. est potius Burchardi Wormaciensis.</i><br><i>Can. 4. cau. 55. qu. 5. ad recentiora tempora referendus.</i>   |  |  |
| {  | <i>Can. 2. cau. 29. qu. 2. est potius Theodori Cantuariensis, vel<br/>Egberti Eboracensis.</i><br><i>Can. 23. cau. 32. qu. 7. est potius Burchardi Wormaciensis.</i><br><i>Can. 4. cau. 55. qu. 5. ad recentiora tempora referendus.</i>  |  |  |  |  |
| Ex epistola ad<br>Theodorum Epi-<br>scopum Ticinen-<br>sem.      | <table border="0"> <tr> <td data-bbox="222 707 243 791">{</td> <td data-bbox="243 707 848 791"> <table border="0"> <tr> <td data-bbox="243 707 466 791"> <i>Can. 2. cau. 30. qu. 3.</i><br/> <i>Can. 3. cau. 30. qu. 3.</i> </td> <td data-bbox="466 707 848 791"> <i>simul jungendi, atque ad diversa edita<br/>exemplaria exigendi.</i> </td> </tr> </table> </td> </tr> </table>   | {  | <table border="0"> <tr> <td data-bbox="243 707 466 791"> <i>Can. 2. cau. 30. qu. 3.</i><br/> <i>Can. 3. cau. 30. qu. 3.</i> </td> <td data-bbox="466 707 848 791"> <i>simul jungendi, atque ad diversa edita<br/>exemplaria exigendi.</i> </td> </tr> </table>   | <i>Can. 2. cau. 30. qu. 3.</i><br><i>Can. 3. cau. 30. qu. 3.</i> | <i>simul jungendi, atque ad diversa edita<br/>exemplaria exigendi.</i> |
| {  | <table border="0"> <tr> <td data-bbox="243 707 466 791"> <i>Can. 2. cau. 30. qu. 3.</i><br/> <i>Can. 3. cau. 30. qu. 3.</i> </td> <td data-bbox="466 707 848 791"> <i>simul jungendi, atque ad diversa edita<br/>exemplaria exigendi.</i> </td> </tr> </table>  | <i>Can. 2. cau. 30. qu. 3.</i><br><i>Can. 3. cau. 30. qu. 3.</i> | <i>simul jungendi, atque ad diversa edita<br/>exemplaria exigendi.</i>   |  |  |
| <i>Can. 2. cau. 30. qu. 3.</i><br><i>Can. 3. cau. 30. qu. 3.</i> | <i>simul jungendi, atque ad diversa edita<br/>exemplaria exigendi.</i>  |  |  |  |  |
| Ex epistolis ad<br>Bonifacium Epi-<br>scopum Mogunti-<br>num.    | <table border="0"> <tr> <td data-bbox="222 819 243 930">{</td> <td data-bbox="243 819 848 944"> <i>Can. 5. dist. 78. ex integra epistola supplendus.</i><br/> <i>Can. 17. cau. 7. qu. 1. ex epistolis Zachariæ supplendus.</i><br/> <i>Can. 105. cau. 11. qu. 3. ex integra epistola supplendus.</i><br/> <i>Can. 83. de cons. dist. 4. ex integra epistola supplendus.</i><br/> <i>Can. 86. de cons. dist. 4. ex integra epistola supplendus.</i> </td> </tr> </table> | {  | <i>Can. 5. dist. 78. ex integra epistola supplendus.</i><br><i>Can. 17. cau. 7. qu. 1. ex epistolis Zachariæ supplendus.</i><br><i>Can. 105. cau. 11. qu. 3. ex integra epistola supplendus.</i><br><i>Can. 83. de cons. dist. 4. ex integra epistola supplendus.</i><br><i>Can. 86. de cons. dist. 4. ex integra epistola supplendus.</i> |  |  |
| {  | <i>Can. 5. dist. 78. ex integra epistola supplendus.</i><br><i>Can. 17. cau. 7. qu. 1. ex epistolis Zachariæ supplendus.</i><br><i>Can. 105. cau. 11. qu. 3. ex integra epistola supplendus.</i><br><i>Can. 83. de cons. dist. 4. ex integra epistola supplendus.</i><br><i>Can. 86. de cons. dist. 4. ex integra epistola supplendus.</i>  |  |  |  |  |

**G**regorio III. in Romana Sede successit Zacharias sub finem anni 741., eandemque Sedem usque ad annum 752. summa cum animi moderatione, rerumque agendarum prudentia tenuit. Plurima quidem sunt monumenta, ex quibus egregia ipsius erga Ecclesiam merita indicari facile possent. Huc tantum refero, quæ apud Gratianum demonstrantur.

## De Concilio Romano.

Ad Concilium Romæ a Zacharia Pontifice celebratum convenerunt omnes Italix Episcopi de variis ecclesiasticæ disciplinæ capitibus regulas constituturi. Vulgo traditur celebrata hæc Synodus anno 743., etenim in ejus fine hæc leguntur: *Factum est hoc Concilium anno secundo* (legunt nonnulli *tertio*) *Artabaldi Imperatoris .nec non & Luitprandi Regis anno trigesimo secundo indictione duodecima*. Sive ex subscriptione ita expressa, in qua & Imperatoris, & Longobardorum Regis anni una memorantur, sive ex variis canonum constitutorum formulis, quibus & Romani, & Longobardi canonibus editis obnoxii scribuntur, facile conicitur, tunc temporis Romanos fœdes inivisse in Italia cum Longobardis, quamquam tamen Orientali Imperatori adhuc adhererent, non quidem Constantino Copronymo Iconoclastæ, quem ipsi etiam Constantinopolitani ejecerant, sed Artabaldo sacrarum imaginum adversus impios homines vindici, ac defensori, qui aliquot annis in locum ejecti imperium tenuit. Quindecim canonibus, quæ discutienda fuerant, definivit Zacharias. In primo, & secundo cautum fuit, ne Episcopi, Presbyteri, vel Diaconi cum mulieribus habitarent, renovato hac in re Synodi Nicænæ decreto. Tertius canon legitur apud Gratianum in can. 3. cau. 21. qu. 4. ita ex optimis codicibus emendando. *Ut Episcopus, Presbyter, & Diaconus seculari indumento minime utantur, nisi, ut concedit, tunica sacerdotali, sed nec dum ambulaverint in civitate, aut in via, aut in plateis sine operimento præsumat ambulare, præter si in itinere longo ambulaverint. Quia sicut mulier orans in Ecclesia non velato capite deturpat caput suum, juxta Apostoli vocem, ita Sacerdos sine operimento deturpat suum Sacerdotium. Nam si temere præsumserit contra statuta agere, communione privetur, donec quæ statuta sunt adimplere matures. Videtur hoc in loco obviam itum fuisse aliquot Sacerdotum moribus, qui in exteriori corporis habitu dejecta Romana toga omnibus olim communi imitari voluerunt breviores Longobardorum vestes, quemadmodum eadem ratione in canone 8. præceptum est, ne Clerici, aut Monachi comam laxarent, & in canone 13. ne Clerici Ecclesias cum baculis introirent.*

Can. 3.  
cau. 21.  
qu. 4.

Can. 4.  
dist. 93.

In canone 4. ejusdem Concilii ita legitur: *Ut juxta sanctorum Patrum, & canonum statuta omnes Episcopi, qui hujus Apostolicæ Sedis ordinationi subjacebunt, qui propinqui sunt, annue idibus mensis Maji Sanctorum Principum Apostolorum Petri, & Pauli liminibus præsententur, omni occasione seposita. Qui vero de longinquo, juxta chirographum suum impleant. Nam qui hujus constitutionis contemtor exiterit, præter si aegritudine valida fuerit detentus, sciat se canonibus subjacere. Retulit hæc Gratianus in canone 4. dist. 93. non tam Zachariæ, quam Anacleti Pontificum nomine. Sed jam superius in cap. 2. de capitibus Anacleti animadvertere debui, falso Anacleti nomen huic canonis adpositum fuisse. Porro cum in eodem canone statutum sit, Episcopos Apostolicæ Sedis ordinationi subiectos, scilicet eos, qui Romano Antistiti tanquam Metropolitæ etiam suberant, propinquiores saltem quotannis Romam convenire, idque juxta sanctorum Patrum, & canonum statuta, unusquisque facile intelliget, hæc spectare ad Provincialis Concilii celebrationem, quæ quotannis fieri solebat ex veterum canonum disciplina, quam forte collapsam*

ex



ex injuria temporum, ideo restaurandam Zacharias censuit, quod in Italia jungi tum facile Episcopum cœperant, ob junctos tunc temporis Romanorum animos, ac Longobardorum.

In frequentibus Concilii canonibus quinto nimirum, sexto, & septimo de con-  
jugiorum juribus nonnulla decreta sunt, in octavo de Clericis aut Monachis co-  
mam laxantibus. Nonus canon ita exprimitur: *Ut nullus Kalendas Januarias, Can. 14.*  
& bruma colere præsumferit, aut mensas cum dapibus in domibus præparare, ut per *cau. 26.*  
vicos, & plateas cantationes, & choros ducere, quod maxima iniquitas est coram Deo, *qu. 7.*  
anathema sit. Ex his emendandus erit canon 14. cau. 26. qu. 7. Jam ad hunc  
canonem illustrandum nonnulla tradidit Antonius Augustinus in lib. 2. dial. 1. de  
emend. Gratiani, scribens, in epistola Bonifacii Martyris ad Zachariam Pontifi-  
cem legi, conqueri illum, quod dicerent Barbari se vidisse Romæ juxta Eccle-  
siam S. Petri Kalendis Januarii paganorum consuetudine choros duci per pla-  
teas, & acclamationes, & cantiones sacrilegas audivisse, & mensas illa die, vel  
nocte dapibus onerari, & alia fieri. Subjicit præterea nomine bruma intelligi bru-  
malia quædam, seu brumales ludos, quos Concilium Trullanum cap. 62. vetue-  
rat. Incidere autem bruma solebant Saturnalibus diebus non longe a Kalendis Ja-  
nuariis. Tertullianus in libro de Idololatria hoc confirmare videtur cum de Bru-  
mæ honorario, & Kalendis Januariis, & Saturnalium celebratione agit. Huc  
usque Antonius Augustinus. Qui in superstitionis veterum Romanorum ritibus  
investigandis studuerunt bruma, seu brumalia invenerunt celebrata in Bacchi ho-  
norem bis in anno, seu mense Februarii, seu mense Augusti. Quorumque vero  
esset illius superstitionis ratio, & causa, dubitandum nemini erit, quin jure opti-  
mo velut a Christianis hominibus aliena vetita fuerint.

Ejusdem Concilii canones 13., & 14. recensuit Gratianus in canone 57. de  
conf. dist. 1., quem Macario, non Zachariæ vetusti Gratiani codices adscripserant. *Can. 57.*  
En Concilii verba in can. 13. *Ut nullus Episcopus, Presbyter, aut Diaconus ad de conf.*  
celebranda Missarum solemnia præsumat cum baculo introire, aut velato capite Altario *dist. 1.*  
Dai adstare, quoniam & Apostolus prohibet viros velato capite orare in Ecclesia, &  
si temere præsumserit, communionem privetur. Et in canone 14. *Ut Episcopus, aut*  
*Presbyter, dum ingressus fuerit ad Missarum solemnia celebranda, nullo modo audeat*  
*data oratione (legunt alii dicta oratione) recedere, ut ab alio Episcopo, aut Presby-*  
*tero suppliceant Missarum solemnia: sed qui initium ponit, suppleat usque ad finem,*  
*quia scriptum est: qui perseveraverit usque in finem, salvus erit. Siquis vero præsum-*  
*serit præter quod posuimus agere, a sacro Corpore, & Sanguine Domini Nostri Jesu*  
*Christi sit suspensus.* Ex his aliquot jure optimo emendari poterunt apud Gra-  
tianum.

## De Decretis aliquot Zachariæ tributis.

Nonnulla sunt apud Gratianum, quæ sub Zachariæ Pontificis nomine vulgari  
potuerunt, quasi ex aliquot ejusdem editis decretis, quæ tamen vix Zachariæ ei-  
dem conveniunt. Hujusmodi est in primis canon 1. cau. 29. qu. 1. Primus  
ejusdem auctor esse videtur Theodorus Cantuariensis, qui in Capitulis apud Peti-  
tum editis cap. 12. hæc definiit: *Siquis liber ancillam in matrimonio acceperit,*  
*non*

non habet licentiam dimittere, si ante cum consensu amborum conjuncti sunt. Eadem in suis Excerptiõibus tradidit Egbertus Eboracensis cap. 124. ibi: *Siquis liber ancillam aut suam, aut alterius in matrimonio acceperit, non habet licentiam dimittere eam, si ante cum consensu amborum conjuncti sint: si vero dimiserit eam, & aliam ducit uxorem, five ancillam, five liberam, ut supra scriptum est, pœniteat*. Ex his collector Capitularium Francorum in lib. 6. cap. 95. editionis Baluzianæ hanc sententiam expressit, nullo adjecto auctoris nomine: *Siquis liber ancillam in matrimonio acceperit, non habet licentiam dimittere eam, si prius consensu amborum conjuncti sunt*. Ex Capitularium libris eadem in suam collectionem transtulit Ivo in parte 8. cap. 53., & quidem sub nomine Capitularium lib. 6. cap. 95. Gratianus, seu quicumque Gratiano auctor extitit, eo amplius progressus est, ut eam constitutionem Zachariæ Pontifici adscriberet, deinde etiam illa verba adderet *excepta causa fornicationis; sed una lex deinceps erit per omnia & viro, & femine*. Undenam Zachariæ nomen in inscriptionem canonis transductum fuerit, certo definire non audeo. Dixerò tamen, forte ex eo evenire illud potuisse, vel quod inter Zachariæ rescripta, decretave plura contineantur ad jura conjugiorum spectantia, ex quibus si non eadem Gratiani canonis verba, similis tamen sententia facile deducatur; vel quod Gratianus, aut qui auctor Gratiano extitit, canonem forte derivans ex excerptiõibus Egberti maluerit laudare Pontificem Romanum, qui Egberti ætate vivebat, qualis est Zacharias, quam Egbertum ipsum. Quæ vero apud Gratianum adjecta sunt, ad glossmata potius attinent in textum transducta, & ex Ecclesiasticis Scriptoribus ab ipsis Glossæ auctoribus accepta; nihil enim magis vulgare, erat apud Ecclesiasticos Interpretes, ubi definebatur conjugia non posse dissolvi, quam causam fornicationis excipere juxta ipsammet Evangelij doctrinam. Imò quod subjecerunt, eandem esse legem & viris, & feminis, potuerunt illud excerptere ex aliis Capitularium Francorum monumentis: Sic in Capitularibus Pipini Regis editis in Conventu Compendiensi anno 757. cap. 5. hæc habentur: *Si femina ingenua accepit servum, & sciebat tunc, quod servus erat, habeat interim quo vivit. Una lex est de viris, & feminis*.

Verba canonis 23. caus. 32. qu. 7.; quæ sub nomine Pontificis Zachariæ laudantur, cum epistolarem stilum non exhibeant, frustra Zachariæ epistolis tribuerentur. Potius videntur excerpta ex Pœnitentialibus libris, qui in singulis Diocœsibus velut exemplaria indicendarum pœnitentiarum Presbyteris Sacramentum administrantibus sequenda proponebantur. Revera in Pœnitentiali, quem pro Ecclesia sua Wormaciensi Burchardus edidit lib. 19. eadem verba leguntur, ibi: *Concubivisti cum sorore uxoris tuæ? Si fecisti, neutram habeas: & si illa, quæ uxor tua fuit, conscia sceleris non fuit, si se continere non vult, nubat in Domino, cui velis. Tu autem, & adultera sine spe conjugii permancatis, & quandiu vivatis, juxta præcepta Sacerdotis pœnitentiam agite*. Erant hæc instituta Diocœsis Wormaciensis, quæ etiam si Burchardus ab initio visus fuerit laudasse nomine Romani Pœnitentialis initio libri 19., tamen videtur ex collatione aliorum Pœnitentialium, qui Romanæ Ecclesiæ adscribuntur, normam potius secutus fuisse Pœnitentialis Romani, quam verba, ac formulas transduxisse. Qui vero eas Burchardi leges in alios Codices derivavit, adscripsit nomen Zachariæ Pontificis, non tamen, prorsus injuria; licet enim ea verba apud Zachariam Pontificem non habeantur, nonnihil tamen simile legimus in ejusdem Pontificis monumentis. Laudo hoc in loco

Can. 23.  
cau. 32.  
qu. 7.

Ioco vel Romanum Zachariz Concilium, in quo statutum generaliter est in can. 9., ne quis aut de propria, aut de uxoris cognatione sibi aliquam jungat; vel Zachariz capitula ad Pippinum Majorem-domus, itemque ad Episcopos, Abbates, & Proceres Francorum missa, in quibus hæc exhibentur. cap. 22, *De his, quæ duobus fratribus nupserunt, vel qui duas sorores acceperint, in Concilio Neocesariensi cap. 11. continetur: Mulier si duobus fratribus nupserit, abiciatur usque ad mortem. Verumtamen in exitu propter misericordiam, si promiserit, quod falsa incolamus hujus conjunctionis vincula dissolvat, fructum pœnitentiæ consequatur. Quod si defecerit mulier, aut vir in talibus nuptiis, difficilis erit pœnitentia in vita permanenti.* Hæc, ut arbitror, causæ fuerunt, cur aut Gratianus, aut qui Gratiano auctor extitit, selegit potius Zachariz Pontificis, quam Burchardi nomen in eo canone referendo, ut Wormaciensis Episcopi sententiam, quam sententiis Zachariz plurimum conformem agnoverat, Romani Antistitis nomine decoraret.

Quod contigit in canone 3. caus. 25. qu. 5., quemadmodum superius suo loco expendebam, idipsum evenit in canone 4. ejusdem causæ ac quæstionis, cujus auctor Gratianeam ipsam ætatem fere attingisse videtur; atque nonnulla de graduum computatione ad conferendos invicem consanguineos, vel adfines scribens, nihil antiquius habuit, quam ut suas sententias sanctissimis nominibus inscriberet illorum Pontificum Maximorum, qui nonnulla de prohibendis intra certos consanguinitatis, vel adfinitatis gradus nuptiis constituerant, Gregorii nimirum sive II., sive III., ac Zachariz. Id jam per se ipsa exhibere viderentur duo illa Gratiani fragmenta, scilicet canon 3. & 4., quorum licet prior Gregorio, posterior Zachariz tribuatur, uterque tamen uno eodemque orationis spiritu ita nectuntur, ut uni eidemque auctori merito tribui, ac facile debeant. Revera celeberrima suborta fuit quæstio de modo computandorum graduum temporibus Alexandri II., quod vel unus canon 2. cau. 35. qu. 5., aperte demonstrat, contententibus aliis eam in matrimoniis computationem recipi, quam recipiendam in hereditatum delatione jus Romanum civile præstiterat, aliis e converso aliter judicantibus, quorum opinionem memoratus Alexander II. epistola edita confirmavit. Et quamquam Pontifex hic Maximus in sua Decretali Prædecessorum suorum instituta investigaverit, quæ sequeretur, atque inter cetera Gregorii nomen laudaverit; non tamen de fragmentis Gregorii, & Zachariz, quæ in memoratis canonibus 3. & 4. legimus, mentionem ullam fecit, quam sane fecisset, quoties in Romanæ Ecclesiæ Scriptoriis custodirentur, cum mirum in modum inservire proposito potuissent. Imo si apertissima aut Gregorii, aut Zachariz Pontificum decreta jam edita tum fuissent, quis crederet definitæ jam controversiæ locum potuisse relinqui, quæ temporibus Alexandri II. rursus excitaretur? Id magis, magisque confirmatur ex canone 1. Concilii Meldensis nono Ecclesiæ sæculo, ac propterea post Gregorii II., & III. ac Zachariz tempora celebrati, ibi: *De adfinitate consanguinitatis per gradus cognationis placuit usque ad septimam generationem observare. Nam & hereditas verum per legales instrumentorum definitiones sancita usque ad septimum gradum, protendit heredum successionem.* Non enim succederent, nisi eis de propagine cognationis deberetur. Hæc Meldensium Patrum sententia nullo consistere modo posset, quoties ea ætate jam recepta fuisset diversa computandi ratio in matrimoniis celebrandis, ab ea, quæ in hereditatibus legitimis deferendis custodiretur; qui enim fieri poterat, ut præstiterent,

ideo

Can. 4.  
cau. 25.  
qu. 5.

ideo ad septimam usque generationem matrimonia prohiberi, quod ad septimum usque gradum protenderetur successio heredum, nisi æqua tum in matrimoniis jure Ecclesiastico, tum in hereditatibus jure Romanarum civili fieret computatio?

## De Epistola ad Theodorum Episcopum Ticinensem.

Epistolam Zachariæ ad Theodorum Episcopum Ticinensem integram edidit Bazilius ex veteri codice MS. Bibliothecæ Regiæ, ut ipse profitetur in appendice actorum veterum adjecta suis annotationibus ad Reginonem Prumiensem. Integram epistolam hoc loco describam; ad eam enim exigendi sunt canones 2. & 3. cau. 30. qu. 3. *Zacharias Episcopus servus servorum Dei Reverentissimo, & Sanctissimo Fratri Theodoro Episcopo Ecclesiæ Ticinensis. Pittacium, quod nobis tua Reverenda Fraternitas obtulit, per quod nos sciscitari curasti, si liceat Filium, cujus pater alterius filiam ex sacro Baptismo susceptam, idest spirituales ejusdem patris filiam, quod dici crudele est, in matrimonio accipere, quod apud te enormiter asseruisti contigisse. Sed bene tua Sancta Fraternitas compertum habet, quod Dominus Moyses præcepit dicens: Turpitudinem patris tui non revelabis, turpitudinem matris tuæ non revelabis; turpitudinem sororis tuæ, & turpitudinem filiae patris tui non revelabis. Turpitudinem enim tua est. Turpitudinem enim revelari dicitur, dum a propria consanguinitate precipimur abstinere. Multo magis a spirituali patris nostri filia omni occasione, aut argumento supposito sub nimia districtione nos cavere convenit, ne in iram divini examinis incidat, si quis tali facinori mixtus minime restrinxerit fræna luxuria. Unde & omnes cavendi omnino sunt talis sceleris commixtione, ne in æternum pereant. Sed vos, qui hujus perniciosæ temeritatis, animæ suæ salutem despicientes, impio se miscere matrimonio, per omnia tua Fraternitas studeat separare, & poenitentia digna submittere; quatenus ab æterna cruci damnatione animas eorum lucreris, præstantia Domino. De filiis autem, qui ex eis nati esse probantur, retulisti, si liceat eas conjugio copulari. Sed hi cur prohibeantur a conjugio, aut pro hujusmodi poenitentiam agere compellantur, dum ex hoc absque condemnatione esse peribentur, quia non pater pro filio, neque filius pro patre sustinebit tormenta, dicente Domino per Prophetam: Anima patris est mea, & anima filii est mea. Anima, quæ peccaverit, ipsa morietur. Sed & Frater carissime, de his dixisse sufficiat. Cave autem, ne aliter agere subtilis concedas, ne a recto tramite inveniaris deviare. Integram hanc epistolam eidem propemodum verbis retulit Ivo Carnotensis in parte 1. Decreti cap. 307. Sed multo aliter refertur in recentiore editione Labbeana Veneta tom. 8. pag. 167. ibi: Pittacium, quod nobis tua veneranda fraternitas obtulit, per quod nos sciscitari studuisti, si licet filium, cujus pater alterius filiam ex sacro Fonte Baptismatis habet susceptam, idest spirituales ejusdem patris filium, quod dici crudele est, in matrimonium suscipere liceat, quod apud te enormiter asseruisti contigisse. Sed bene tua sancta Fraternitas compertum habet; quod Dominus per Moysen præcepit dicens: Turpitudinem patris tui non revelabis, turpitudinem sororis tuæ non revelabis. . . Filia enim prius his est. Turpitudinem enim patris tui, & turpitudinem sororis tuæ turpitudinem tua*

tua est. Turpitudinem enim non revelare dicitur, dum a propria consanguinitate præcipit abstinere omni occasione; aut argumento sepais sub nimia districtione nos cavere, convenit, ne in iram divini hominis incidamus. Siquis tali facinore mixtus minime restrinxerit venam luxuriæ, durissime restringi cogatur. Unde & omnes omnino cavende sunt talis sceleris commixtiones, ne in æternum pereant. Sed & cum, qui ejus perniciosæ temeritatis auctor animæ suæ salutem despiciens impiissimo sese miscuit matrimonio, per omnia Fraternitas tua studeat separare, & penitentiae dignæ submittere. Quatenus ab æterna erutas damnatione animas eorum lucretis, ipso præstante Domino Deo, & Salvatore nostro Jesu Christo. Aliud exemplar ejusdem epistolæ edidit cum adnotationibus Mantius in supplemento Labbeano, illud inter cetera animadvertens, epistolam hanc celebrem fuisse apud veteres, utpote ad quam Nicolaus I. provocaverit sive in responsione ad Bulgaros, sive in epistola ad Carolum Moguntinum. Ex his autem exemplaribus quod cui præferendum sit, non est facile judicare, ad quæ referendi sane erunt memorati Gratiani canones secundus, & tertius; & quamquam tertius nomine Zachariæ simul, & Deusedit Pontificum describatur, non dubito tamen, quin contineat eandem sententiam, quæ habetur in canone secundo, quam Gratianus ideo bis describendam voluit, quia paullo aliter expressam in diversis exemplaribus invenerat. Ceterum ejusdem epistolæ sententia, cum Zachariæ temporibus congruere videatur, non erit rejicienda, quasi Zachariæ monumentum esse non possit, contra quam nonnulli senserunt. Etenim jam recepta erant temporibus Zachariæ cognationis spiritualis jura, de quibus sermo fit in his monumentis. Jampridem Justinianus Imperator declaraverat in l. 26. cod. de nuptiis, neminem posse eam uxorem ducere, quam a sacrosancto Baptismate suscepisset, adjecta ratione, cum nihil aliud sic inducere potest paternam adjectionem, & justam nuptiarum prohibitionem, quam hujusmodi nexus, per quem Deo mediante animæ eorum copulatæ sunt. Instat adoptionis esse videbatur susceptio Baptismatis causa, qua fieret, ut qui baptizatum suscipiebat, velut ejus Pater haberetur, unde etiam Patrini nomen derivatum est. Quod si adoptionis civile, vinculum inter adoptantem, atque adoptatam matrimonium celebrari non patiebatur, æquissima extitit ratio, cur susceptor a conjugio susceptæ repelleretur. De filio suscipientis nihil specialiter Justinianus, neque Ecclesiæ vetusti Patres constituerant, quamquam ex adoptionis similitudine eadem inter filios, quæ in parente, disciplina servanda esse videretur. Primus, quoad noverim, Rex Rotharis sæculo Ecclesiæ septimo solum tulit, quæ est 5. tit. 8. lib. 2. Legum Longobardarum, decrevitque non solum, ut nemo aut commatrem suam uxorem duceret, aut filiam, quam de sacro Fonte suscepit, sed etiam ne filius suscipientis susceptam uxorem haberet, adjecta ratione, quia spirituales germani esse noscuntur. Quæ cum ita sint, jure optimo potuit Zacharias receptam sui temporis disciplinam ita promovere; ut ad eam custodiendam Theodorum Ticinensem Episcopum hortaretur. Et quidem Coelestinus III. in 2. Collectione Decretalium cap. 3. de cognatione spirituali usus est hac Zachariæ epistola excepta, ut arbitror, ex memorato Gratiani canone 3., ita referens: Quidam quandam mulierem in uxorem accepit, cuius pater ipsum, dum esset puer, de sacro Fonte ante levaverat, qui ambo conjuges 30. annis pariter sine questione manserunt, & filios procrearunt, licet a 15. annis eorum conscientia lesa fuisset. Postmodum vero contra hujusmodi conjunctionem accusatione in jure propofita, falsa est fides Ecclesiæ per testes omni exceptione majores, ipsum virum

mulieris a patre ejus, cum qua contraxerat, de Baptismatis unda fuisse sublatum. Ad hoc autem cum Zacharias, & Deusdedit Romani Pontifices talem copulam deinceps separandam, utpote ubi cognatio spiritalis minime esse dubitatur, maxime inter eos, per quos compateritas contrahitur, per quam in Lege Divina germani esse dicuntur, licet tanto tempore sibi invicem cohabitaverint; quia tamen diuturnitas temporis non minuit peccata, sed auget, & specialiter lite mota super hoc Marte proprio decurrente Ecclesia contractum illum esse cognovit, illicitum dicimus matrimonium illud fore secundum instituta canonica dirimendum; monendus est tamen utriusque, ut in necessariis provideat alteri juxta vires; prolem autem susceptam ante separationem hujusmodi, si aliud non obstat, legitimam esse censuimus. Hinc etiam, quæ constituta fuerant in Concilio Moguntino anno 813., in quo ita legitur can. 55. Nullus igitur proprium filium, vel filiam de Fonte Baptismatis suscipiat, nec filios, nec commatrem ducat uxorem, nec illam, cujus filium, aut filiam ad confirmationem duxerit; Ubi autem factum fuerit, separentur, Fulbertus Carnotensis, uti Harduinus ad eundem canonem testis est, in epist. 33. laudavit ex Concilio Leptinenfi sub Zacharia Papa, & sub Principe Carolo Magno celebrato.

## De Epistolis ad Bonifacium Episcopum Moguntinum.

Eximiam Sanctitatis pene Apostolicæ famam Zachariæ Pontificis temporibus meritus est Bonifacius Martyr nuncupatus: Fuit is, ut scribit Bellarminus in libro de Scripторibus Ecclesiasticis, natione Anglus, Archiepiscopus Moguntinus, vixit temporibus Gregorii II. & III. & Zachariæ Pontificum Romanorum, & obit anno 755., scripsit epistolas multas, quæ extant. Fuerat ipse Pontificibus Maximis valde familiaris, atque additissimus ab juventute; hinc anno 719. adhuc Presbyter missus est in Australes Germaniæ partes legatione functurus Apostolicæ Sedis ad eas gentes superstitioso adhuc Idolorum cultui deditas ad Christianam Fidem adducendas, unde vulgo Apostolus Germanorum auditur. Eo Legati munere lubentissime suscepto propagandæ fidei studiosissimus fuit, ne vero supremas sibi in Evangelico munere obeundo partes vindicaret, idem tamen Romam commiebat, præstititque jurisjurandi religiosa fide, se perpetuo Apostolicæ Sedi subditum futurum pollicitus est. Anno 723. promissit Gregorio II. fidem, puritatem, atque concursus Petro, & utilitatibus Ecclesiæ Romanæ, cui a Domino Deo potestas ligandi, solvendi que data est, & ejus Vicario, atque Successoribus ejus per omnia exhibere. Integra hujus jurisjurandi formula habetur in Bibliotheca Sanctorum Patrum inter epistolas Bonifacii post epistolam 117. Ad hoc jusjurandum sese referens Bonifacius idem in epist. 135. ad Zachariam Pontificem ita scribit: *Postquam me ante annos prope triginta sub familiaritate, atque servitio Apostolicæ Sedis annuente, & jubente venerandæ memoriæ Antistite Gregorio Antiorre (intellige Gregorium II.) voto constrinxi, quidquid mihi lætitiæ, vel tristitiæ accideret, Apostolico Pontifici solebam indicare.* Deinde Episcopus effectus sub Gregorio III. circa annum 731. eidem Papæ pollicitus est, se omnem debitam obedientiam redditurum, atque anno 732. in singularis benevolentiæ monumentum ab eodem Gregorio III. insignie pallii obtri-

obtinuit. Anno 741. Zachariz Pontifici sacramentum renovans promissit, *se servum, subditum, & discipulum, quomocumque obediens, vel discipulos donaverit Deus ad obedientiam Apostolicæ Sedis invitare, atque inclinare non cessaturum*. Imo & Zachariz Pontifici adeo obnoxium se professus est, ut nihil, nec ipsam etiam levioris negotii disciplinam definiendam non ab eodem Pontifice exquireret, atque expectaret. Id abunde probant ea Zachariz verba, quæ habentur in ipsius epistola quæ incipit *Benedictus Deus ad Bonifacium scripta, ibi: Nam & hoc inquisisti post quantum temporis debet lardum comedi. Nobis a Patribus constitutum pro hoc non est. Tibi autem petenti consilium præbemus, quod non oporteat illud mandî, priusquam fumo siccetur, aut igne coquatur; si vero libet ut incolûm manducetur, post Paschalem festivitatem eris manducandum*. Anno demum 752. Stephano III. Papæ promissit, *se Sedi Romanæ serviendo servum fidelem, & devotum permanurum*. Hæc omnia ideo paullo fufius exhibenda censui, ut exinde liqueret, quam arcto vinculo addictus esset Apostolicæ Sedi Bonifacius vir ecclesiasticarum rerum studiosissimus, moribus simplicissimus, atque integerrimus vir, cujus desiderium optimum illud erat, ut Sacerdotes aureis plane moribus distinguerentur, quemadmodum deducitur ex Concilio Triburiensi in canone 44. dist. 1. de consecrat. Quando vero Bonifacius primum Episcopus ordinatus est, non statim singulari, ut mos ceterorum erat, & est etiam in præsentia, fuit addictus Ecclesiæ, sed in generale ad apostolicam formam Ecclesiæ utilitatem fuit Episcopus consecratus; verum deinde Moguntinæ Ecclesiæ singulari jure præfectus est, semper tamen Romani Pontificis legatione fungens in rebus ecclesiasticis administrandis apud Germanos. Hinc cum evangelicæ prædicationis munus obiret quamlibetissimè, ut nova in dies Catholicæ fidei incrementa curaret, annuentibus illis quorum intererat, nullum sibi in Moguntina Ecclesia successorem constituit, ipseque Episcopatum Trajectensem ad Rhenum obtinuit, qua in Provincia commodior ipsi offerri occasio poterat gentes alias ad fidem Catholicam convertendi. Quo in munere diutissime elaborans, in novis fidelibus baptizandis frequentissime occupatus, iisdemque sacro Chrismate confirmandis, clarus meritis martyrii palma illustris decessit ab iis ipsis subdole interfectus, qui recens ab ipso sacro baptismate ablui postlaverant.

Ad hunc Bonifacium in Germania Episcopum, & Legatum plures habentur a Zacharia Pontifice scriptæ epistolæ. Ad epistolam 1. Zachariz pertinet canon 17. cau. 7. qu. 1. Obtinuerat Bonifacius a Prædecessore Pontifice Maximo, ut sibi vivens eligeret Apostolici ministerii, & Episcopatus successorem. Veritus tamen ne Principi grata electio fieret, petiit a Zacharia, quid sibi agendum foret. En verba Bonifacii: *Venerande memoriæ Prædecessor vester, sicut audistis, in præsentia vestra mihi præcepit, ut Præbyterum post obitum meum, Deo volente, in ecclesiastico ministerio heredem, & successorem constituere deberem. Et hoc mihi, si Dei voluntas est, placet; sed modo dubito, & nescio si fieri possit, quia postea frater illius avunculum Ducis Francorum occidit, & adhuc ignoramus, qualiter ista discordia pacificari, & finiri valeat. Obsecro itaque, ut auctoritatis vestræ licentia sit, ut cum consilio servorum Dei de ista electione faciam, quod nobis in commune pro Deo, & pro utilitate Ecclesiæ, vel fructu spirituali, & defensione Religionis optimum esse videatur, ut consensum vestrum habeam de hoc facere, quod optimum esse videatur, & mihi inspirare dignetur Deus, quia hoc non videtur posse fieri, si contrarius Princeps fuerit*. Hæc

Can. 17.  
cau. 7.  
qu. 1.

leguntur in epistola Bonifacii ad Zachariam, quæ incipit: *Constituamur Domine, Pater*, cap. 4. Porro Zacharias in suo rescripto quod incipit *Suscipitis* ita respondit cap. 4. *De eo autem, quod tibi successorem constitui velle dixisti, ut te vivente in loco tuo eligatur Episcopus, hoc nulla ratione concedi patimur; quia contra omnem ecclesiasticam regulam, vel instituta Patrum esse monstratur. Sed volumus, ut tibi ministret, & sit in Evangelio Christi adjutor, dicente Apostolo: si quis bene ministraverit, bonum sibi gradum adquirit. Nimis enim reprehensibile esse manifestum est, ut te vivente tibi alium substituamus. Sed hoc commonemus, ut quamdiu te divina jusseris clementia superesse, sine intermissione ores, ut tibi Deus illum successorem concedat, qui ei possit esse placabilis; & populum, quem ad suam gratiam per tuæ sanctitatis industriam vocare voluit, irreprehensibiliter regere valeat, atque ad viam vitæ elaboret perducere. Nam quomodo hæc, quæ poposcisti, si & voluerimus (legunt aliqui: si etiam voluerimus) concedere possumus, dum nos fragiles homines existentes, & sub conditione mortis constitui ignorantes quid superventura dies pariat non valeamus investigare, quis de vobis prior de præsentis sæculo migret? Sin autem & eundem divina volueris clementia post tui diem transitus superesse, si cum aptum esse cognoveris, & in tua voluntate fuerit definitum, ea bora, qua te de præsentis sæculo migraturum cognoveris, præsentibus cunctis tibi successorem designa, ut huc venias ordinandus. Hoc nulli alii concedi patimur, quod tibi caritate cogente largiri consuevimus. Rursum vero post annos quinque de eadem re in epistola, quæ incipit *Sacris liminibus prope, finem* ita rescripsit sanctissimus Pontifex: *Petisti autem, ut cum nostro consensu superveniente tibi senectute, & plena dierum ætate, atque imbecillitate corporis, si inveneris potueris alium, in eandem sedem, in qua præes, pro tui persona debeas collocare. Tu vero, carissime, legatus, & missus es, ut fuisti, Sedis Apostolicæ, nos vero adjutore Deo consilium præbamus tuæ reverendæ sanctitati, ut pro salute animarum rationabilium favore Christo, sedem, quam obtines, sanctæ Moguntinæ Ecclesiæ nequam relinquant, ut impleatur Dominicum in te præceptum: Qui perseveraverit usque in finem, hic salvus erit: sin vero, si Dominus dederit juxta tuam petitionem hominem perfectum, qui possit sollicitudinem habere, & curam pro salute animarum, pro tui persona illum ordinabis Episcopum, eritque in Evangelio tibi credito, & ministerio Christi portando in omni loco requirens, & consortans Ecclesiam Dei. Ex his emendandus erit, atque ex ordine describendus memoratus Gratiani canon 17. cau. 7. qu. 1., in quo siquid singulare, & forte etiam contra generales canonum regulas indultum adparet, accommodari facile potest & temporum, & locorum, & causarum adjunctis, in quibus Bonifacius versabatur. Præterquamquod enim agebatur potius de Vicariatu Apostolicæ Sedis, quam de Episcopatu, ac propterea agebatur de eo jure, quod de Prælato adhuc vivente in alium transferri facilius poterat, illud est observatione dignum, quod Bonifacius successorem a se sibi eligi postulaverat singularibus plane de causis, vel quod ipse alio ad evangelicam prædicationem acciebatur, quemadmodum eventus demonstravit, vel quod inter gentes recens ad fidem conversis successoris electio post mortem Bonifacii dilata schismati, & seditioni obnoxia esse potuisset, forte etiam utilitati ecclesiasticæ adversari.**

Can. 86. . Alia est Zachariæ Pontificis epistola ad Bonifacium numero sexta, & scripta  
de cons. anno 744., ex qua depromtus est canon 86. de cons. dist. 4. En integram Pon-  
tificis ejusdem epistolam: *Virgilius, & Sidonius religiosi viri apud Bajoriorum—*  
Pro-



Provinciam degentes suis apud nos literis usi sunt, per quas intimaverunt, quod tua Reverenda Fraternitas eis iungeret Christianos denuo baptizare. Quod audientes nimis fuimus conturbati, & in admirationem quandam incidimus, si haberetur, ut dictum est. Retulerunt quippe, quod fuerit in eadem Provincia sacerdos, qui latinam linguam penitus ignorabat, & dum baptizaret, nesciens latini eloquii infringens linguam diceret: baptizo te in nomine Patria, Filia, & Spiritu Sancta; ac per hoc tua Reverenda Fraternitas consideravit rebaptizare. Sed sanctissime Frater, si ille qui baptizavit non errorem introducens, aut hæresim, sed pro sola ignorantia Romanæ locutionis infringendo linguam, ut supra facti sumus, baptizans dixisset, non possumus consentire, ut denuo baptizentur; quia, quod tua bene compertum habet sancta Fraternitas, quicumque baptizatus fuerit ab Hæreticis in nomine Patris, & Filii, & Spiritus Sancti nullo modo debet rebaptizari, sed per solam manus impositionem purgari. Nam sanctissime Frater, si ita est, ut nobis relatum est, non amplius a te illis prædicentur huiusmodi, sed, ut Patres sancti docent, & prædicant, tua sanctitas studeat conservare. Deus te incolumem custodiat, reverentissime Frater. Integra hæc Zachariz epistola perspicuam reddit ejusdem Pontificis sententiam, quæ ceteroqui prout apud Gratianum jacet nonnullis aliquando videri asperior potuit in ea parte, qua scribitur baptismum validum esse, si ille qui baptizavit non errorem introducens, aut hæresim formulam pronuntiasset, quasi visus fuerit Zacharias dixisse baptismum ab Hæretico collatum irritari. Non erat hæc sancti Pontificis mens, qui aliud manifeste declaravit in eadem epistola prope finem in verbis nuper exhibitis; tantum voluit explicare, quandam corrupta Sacramenti formula diceretur, unde invalidum baptismum declarari merito posset. Sed & hoc in loco præjudicatam quorundam opinionem notare juvabit, qui ex hac eadem epistola nonnihil detractum putant nomini Bonifacii, quasi sanctus Episcopus indoctus, rudesque admodum Sacerdotes baptismati administrando impares in suis Ecclesiis præfiscisset. Quicumque vero observaverit diligentissime & ipsum Bonifacium Sacerdotum plurium illius ætatis luisse imperitiam, eosque appellare consuevisse *Sacerdotes ligneos aureis utentes calicibus*, uti legitur in can. 44. de conf. dist. 1., quicumque præterea observaverit agi de Germaniarum Provinciis tum agrestibus & incultis, in Christiana autem fide, sacrisque mysteriis recens initiatis; quicumque demum observaverit illo tempore non tam latinæ linguæ cultores studiosissimos, quam vernaculæ, & prædicando Christi Evangelio magis accommodæ feligi a Bonifacio debuisset Sacerdotes, quorum opera res ecclesiasticæ meliora in dies acciperent incrementa, facile Bonifacium Antistitem religiosissimum excusabit.

Jam superius ad canonem 17. cau. 7. qu. 1. mentio facienda fuit de epistola Zachariz ad Bonifacium, quæ incipit *Sacris liminibus* data anno 748. estque numero 10. Ex illa præterea depromptus est canon 83. de conf. dist. 4. Romam venerat Burchardus quidam Wirteburgensis Episcopus, & Pontifici Maximo egregia Bonifacii gesta enarraverat, unaque nonnulla obulerat capitula, de quibus Bonifacius Sedem Apostolicam interrogabat. Propositis quæstionibus Zacharias rescripsit per hanc epistolam, cujus initio hæc habentur: *Primum capitulum pro Synodo Provinciæ, in qua natus, & nutritus es, quam in gentem Anglorum, & Saxonum in Britannia insula primi prædicatores ab Apostolica Sede missi, Augustinus, Laurentius, Justus, & Honorius, & novissime tuis temporibus Theodorus ex Græco Latinus, ante Philosophus, & Athenis eruditus, Romæ ordinatus, pallio sublimatus,*

Can. 83.  
de conf.  
dist. 4.

ad præfatam Britanniam transmissus judicabas, & gubernabas. In illa tale decretum, & iudicium firmissime præceptum, & diligenter demonstratum esse dignoscitur, ut quicumque sine invocatione Trinitatis lotus fuisset, Sacramentum regenerationis non haberet. Quod omnino verum est, quia si mersus in fonte baptismatis quis fuit, sine invocatione Trinitatis, perfectus non est, nisi fuerit in nomine Patris, & Filii, & Spiritus Sancti baptizatus. De illo autem, quod per quosdam adfirmari scripsisti, ut si Evangelicis quis verbis, invocata Trinitate, juxta regulam a Domino positam, quicumque mersus esset in nomine Patris, & Filii, & Spiritus Sancti, quod Sacramentum sine dubio haberet, & ita fortiter verbis Evangelicis fuisset consecratum baptismum, ut quamvis sceleratissimus quisque Hæreticus, vel schismaticus, aut latro, aut fur, sive adulter, hoc homini petenti ministraret, tamen Christi esset baptismum verbis Evangelicis consecratum; & e contra licet minister iustus fuerit, si Trinitatem juxta regulam a Domino positam in lavacro non dixisset, verum baptismum non esset, quod dedit. De illis itaque immundis, & incertis viris hæreticis, atque schismaticis, qui in nomine Trinitatis petentes baptizant, sed & de his, qui sine invocatione Trinitatis mergunt in fonte baptismatis, fraternitati tuæ notum est, quid de illis sacrorum canonum series continet, quod & tenere te firmiter hortamur; scriptum quippe est, dicente Domino: sancti estote, quoniam & ego sanctus sum. Quod suscepisti, frater, a Prædecessore nostro sanctæ recordationis Gregorio, hujus Apostolicæ Sedis Pontifice, in eo permansere, & ab evangelica, & apostolica, seu sanctorum Patrum tradita doctrina nullo modo declines; sed indutus lorica fidei, & galeam salutis, viriliter contra nequitiam diaboli fraudis apostolicam præsentando vicem resiste. Scriptum namque est: ecce dedi faciem tuam potentem adversus faciem eorum, & constantiam tuam confortabo adversus contentiones eorum, & erit fortior petra constantia tua. Pro sacrilegis itaque Presbyteris, ut scripsisti, qui tauros, & hircos Diis Paganorum immolabant, manducantes sacrificia mortuorum, habentes & pollutum ministerium, ipsique adulteri esse inventi sunt, & defuncti; modo vero incognitum esse, utrum baptizantes Trinitatem dixissent, an non; & timent illi, qui vivi sunt, quod in tali ministerio non sint baptizati, quibus respondens iussisti omnes baptizare. Hoc quoque observasse in dicta Synodo Sacerdotes, ut qui vel unam de Trinitate Personam in baptismo non nominaret, illud baptismum verum esse non posset, quod pro certo verum est, quia qui unam ex sancta Trinitate confessus non fuerit, perfectus Christianus esse non potest. Qui enim confitetur Patrem, & Filium, si confessus non fuerit Spiritum Sanctum, nec Patrem habet, nec Filium; & qui confessus fuerit Patrem, & Spiritum Sanctum, & Filium non fuerit confessus, nec Patrem habet, nec Spiritum Sanctum, sed vacuus est a gratia divina. Ex his plane supplendus, emendandusque erit Gratiani canon, in quo plurima desiderantur, ex quibus præterea liquet, quæ mens potissimum, & Bonifacii fuerit, & Zachariæ, nimirum uterque probandum voluit, confirmandumque, quod olim in Anglorum Ecclesia de sacra conferendi baptismatis formula, ac ministro constitutum fuerat.

Ex epistola numero 12. apud Labbeum, quæ incipit *Benedictus Deus* duo de-  
 Can. 105. prompta sunt Gratiani fragmenta, videlicet canon 105. cau. 11. qu. 3., & can.  
 cau. 11. 5. dist. 78. Gratulatus initio Zacharias, quod Bonifacius res ecclesiasticas in præ-  
 qu. 3. dicatione Fidei ex proposito gereret, majoraque in dies precatus incrementa, sta-  
 Can. 5. tim hæc subiicit: Suggesti itaque sancta fraternitas tua in suis apicibus, quod Præ-  
 dist. 78. decessor noster beatæ memoriæ Gregorius hujus sanctæ Sedis Apostolicæ Præsul, dum

ad prædicandum verbum Evangelii tuam misisset fraternitatem in Germania partibus, & gentibus illis paganis, ab eo te esse commonitum, ita ut Orthodoxos Episcopos, Presbyteros, vel quoscunque reperire potuisses in verbo exhortationis perfectos, amplius confirmares, & eis communicares, quod & factum est; siquos vero seductiores Episcopos, aut pseudopresbyteros, vel quoscunque a recto fidei tramite deviantes reperisses, nulla tibi cum eis esset communio, quod te Deo solatante usque ad præsens spiritualiter servasse confessus es; vel si omnino propter principalem, & humanum favorem gentis Francorum, dum ad eos accessisses, corporaliter abstinere non voluisti, cogente necessitate ecclesiarum Dei, attamen in eorum concilio, & consensu communionis anima tua non est inquinata. Itaque propter hoc, quod cum eis conversatus es, non consentiens iniquitati eorum, nullum tibi est detrimentum coram Deo. Te enim predicante si obedirent, salvi essent; si autem in iniquitate sua permanerent, ipsi perirent: tu autem, juxta Prophetæ dictum, salvasti animam tuam. Hic sane est canon 105. cau. 11. qu. 3., in quo animadvertendum erit non improbari Bonifacii Episcopi æconomiam, qui aliquando cum improbis hominibus conversari debuit, ut quæcumque occasio offerretur, convertendi gentes ad germanam Christi fidem, ea facilius arriperetur. Post nonnulla responsa Zachariæ variis interrogationibus accommodata, hæc in eadem epistola subsequuntur. Inquisisti etiam & hoc, si ante tricesimum annum liceat Sacerdotem ordinari. Bonum, & congruum est, carissime frater, si fieri, & inveniri potest, ut provellet ætatis, & boni testimonii viri juxta sacrorum canonum instituta ordinentur Sacerdotes. Si autem minime reperiantur, & necessitas exposcit, a viginti-quinque annis, & supra Levitæ, & Sacerdotes ordinentur, quemadmodum in lege Domini continetur. Huc referendus est memoratus canon 5. dist. 78., unde etiam colligitur, quibus ex causis nonnihil ex ecclesiastica disciplina remissum fuerit apud eas gentes, quas recens Christiana fides Deo, Ecclesiæque subjecerat.

## A P P E N D I X .

## De aliquibus Bonifacii Episcopi, &amp; Martyris monumentis.

Ex epist. ad Zachariam Papam. { Can. 104. cau. 11. qu. 3. jungendus cum can. 105. cau. 11. qu. 3.

Ex epistola ad Echeldobaldum Anglorum Regem. { Can. 10. dist. 56. paulo variis in diversis codicibus.

Adjicitur { Can. 6. dist. 40. incertæ admodum fidei, atque auctoritatis.

Commode huc referenda censui post Zachariæ Pontificis epistolas nonnulla Bonifacii Episcopi, & Martyris monumenta; ut enim hoc in loco ejusdem Bonifacii

Can. 10.4.  
edit. 11.  
qu. 3.

bonifacii mentio habenda fuit, quemadmodum etiam epistolarum Zachariæ ad Bonifacium, opportunum visum est pauca subicere, quæ ad Bonifacium pertinent in codice Gratiano. Et quidem commodius ceteris agendum hic est de canone 104. cau. 11. qu. 3., utpote qui depromptus est ex epistola Bonifacii ad Zachariam, qui etiam conjungi debet cum canone 105. ejusdem causæ, & quæstionis. Habetur ille in epistola per Lullum Presbyterum missa, quæ incipit *Paterna pietatis*, ubi tamen pro illis Gratiani verbis: *Adspulator ferem, & adjutor quod cum divina gratia adimplere studui. . . & implere non potui; sed spiritualiter implevi Sacramentum, &c.*, ita legitur: *Adspulator, & adjutor ferem; hoc autem cum divina gratia adimplere studui. . . & implere non potui. Spiritualiter implevi Sacramentum, &c.* Hæc si junxeris omnia, liquebit, quæ cautela voluerit Gregorius, Bonifacium inter gentes Evangelium prædicaturum vivere ac conversari, quæ etiam ratione Bonifacius jusjurandum Gregorio præstitum implendum crediderit.

Can. 10.  
dist. 56.

Alia est ejusdem Bonifacii epistola ad Regem Anglorum Ethibaldum, legunt alii Hiltribaldum, alii Echeldobaldum, alii Accheldobaldum, cum hac inscriptione: *Domino charissimo, & in Christi amore ceteris Regibus præferendo inclita Anglorum imperii sceptra gubernanti Ethibaldo Regi Bonifacius Archiepiscopus Legatus Germanicus Romanæ Ecclesiæ, &c.* Hinc exceptus est Gratiani canon 10. dist. 56., quem ad manuscriptum codicem Romani Correctores exegerunt, & Antonius Augustinus in lib. 2. Dial. 3. de emend. Grat. cum Thomasianno codice contulit, ita subdens: *In verbis non magna, varietas est: pro illis improprium nobis objicitur, illic est, improprium est, & pro nec bello, nec in bello, pro Hispaniæ, & Provinciæ, omiſſa voce, &, Hispaniæ Provinciæ. Sic autem fortasse non Gallie pars, quæ Provincia dicitur, accipietur. Pro illis vindex talium, illic est judex omnipotens talium. A. ego vindex omnipotens talium scriberem. B. Denique pro illis per ignorantes legem Dei, idest per Sarracenos, scriptum est, per ignorantiam legis Dei, & per Sarracenos. A. Quid apud Ivonem sit, videamus. C. Ivo improprium est habet, & nec in bello. Retinet tamen & Provinciæ, atque voce vindex sue vocibus judex omnipotens caret. Ad extremum habet per ignorantiam legis Dei per Sarracenos. A. Capitularia conferamus. C. Contuli. Et Provinciæ solum habent, cetera ut in ipsa Bonifacii epistola. Hodie hæc epistola edita est inter cetera Bonifacii ejusdem monumenta; præcipuus autem scribentis scopus is erat: gratulabatur in primis cum ipsomet Rege, quod pluribus optimis gestis Regium animum exornaret; deinde mitiore stilo enarrabat se accepisse, quod tamen falsum suspicabatur, illum sine justa legitimaque conjuge, vaga quadam libidine in plurimas rapi consuevisse, quo enarrato exponebat, quam tempe illud esset, atque inhonestum, potissimum ubi ageretur de Principe, cujus mores facile ceteri imitarentur. Ex his plane intelligitur integra memorati Gratiani canonis sententia.*

Can. 6.  
dist. 40.

Superest adhuc canon 6. dist. 40., quem ex distis Bonifacii Martyris depromptus adseruit Gratianus; paullo aliter Ivo Carnotensis in cap. 23. partis 5. Ex gestis Bonifacii Martyris Legati Romanæ Ecclesiæ. At vero siue gesta, siue dista hujusmodi Bonifacii nullibi reperiuntur, quemadmodum se non reperisse suis temporibus testatus est Antonius Augustinus ceteroque solertissimus rerum ecclesiasticarum veterum investigator, in lib. 2. de emendat. Gratian. Dial. 3. Romani Correctores Naucleri testimonium produxerunt, ut illum canonem Bonifacio

quo jure quodam adscriberent. Non video tamen, quid in hac re valere possit testimonium Naucleri, qui sæculo demum quintodécimo scripsit a Bonifacii temporibus valde remotus. Potiore jure iidem Correctores laudaverunt Deusdedit Cardinalem; nondum tamen talis, tantaque est ejusdem Collectoris auctoritas, ut rem extra omnem controversiam collocet, cum Deusdedit post duo, & amplius a Bonifacio sæcula scripserit. Ego sane laudandam interea censeo Romanorum Correctorum solertiam, qui Collectorem illum indicaverunt, nimirum Deusdedit Cardinalem, quem non Gratianus tantum sequutus fuerat, sed & Ivo Carnotensis; unaque definitivæ visi sunt non omnino certam esse hujus canonis auctoritatem, quotiescumque ipsa canonis auctoritas ad fidem, auctoritatemque Collectionis Deusdedit exigatur. Ut enim omitam, Collectionem hanc non omni ex parte probatissimam apud omnes perpetuo extitisse, dicam tantummodo, plurimam in eam Collectionem effluxisse ex mercibus Isidorianis, atque, quod ad rem præsentem pertinet, sufficere conferre eundem canonem 6. dist. 40. cum canone 8. cau. 2. qu. 7., ut exinde dignoscatur, quanta adfinitas sit inter hunc canonem Bonifacio tributum, & epistolam Pseudo-Clementis. Non ignoro Martinum Lutherum inter articulos ex Codice canonum excerptos, quibus adferebat istum detestabilibus fragmentis esse repletum, ac propterea perdendum, caput hoc publice proposuisse octavo articulo, ut ceteros suæ opinionis sectatores, servidam præsertim juventutem adversus canonum doctrinam concitaret, quemadmodum demonstravit Vittembergenfis exitus anno 1520. die 7. Decembris, quo Codex canonum igni traditus fuit. Sunt tamen hæc animi nimio, & uls æquitatem æstuantis deliramenta; non enim integra rerum gestarum volumina ideo perdi necesse est, quod in iis aliqua identidem inveniantur a veritate aliena. Quamquam vero germana nulla supersint hujus canonis vestigia apud veteres, aut forte etiam videatur ipse ex Mercatoris epistolis decerptus, quid, amabo, erat, unde homo hæreticus in Codicem canonum adeo acriter declamaret? Ego non video, cur inverosimile admodum sit, Bonifacium apud Germanos Episcopum hanc, aut similem pronunciasse sententiam, cujus pronuntiandæ si occasionem verosimilem quæras, ego facile indicabo. Constat ex epistola Bonifacii ad Zachariam relata apud Baronium ad annum 741. n. 27., Bonifacium eundem retulisse, se audire a carnalibus quibusdam hominibus, Bajoariis, Alemannis, vel Francis juxta Romanam Urbem quædam fieri superstitiones, præsertim Kalendis Januarii, aliisque statis ex gentium consuetudine diebus. Sane cum Bonifacius superstitiones omnes eradicare studeret apud Germanos, ne sibi objicerentur Romanorum mores, qui cum publice, ac nemine reluctante superstitionis ludis incumberent, videbantur non destituti sui Antistitis auctoritate, aut consensione, (melius dixerim dissimulatione) forte primum edocuit, Romanos ipsos Antistites contradicere, aut saltem depravatos populi mores ægre ferre; deinde etiam adjecit, parum obesse optimæ ecclesiasticæ disciplinæ, quod Romæ tum quidpiam minus aptum germanæ doctrinæ Christi ab aliquibus admitteretur, etiamsi forte quisquam ex Pontificibus Maximis aliquandiu conniveret; cum de aliorum gestis, præsertim supremi Ecclesiæ Principis nemo judicium ferre debeat, sed curare tantummodo, ut suos mores sacris institutis informet, quidquid alii peragant, potius ultori Deo daturi. Atque hæc ipsa sententia eadem profus est cum sententia canonis 6. dist. 40. quem proinde, licet non quisquam statim

statim velut germanum & authenticum juris Ecclesiastici documentum recipiet, non tamen statim, velut pudendum alicujus deceptoris monstrum, instar hæretici hominis expurgendum a sacris Codicibus arbitratitur.

## CAPUT LXX.

### *De Stephano II., aut III., vel etiam IV.*

An post obitum Zachariæ successerit in Romana Sede Stephanus II. ille, quem per quatuor tantum dies Romanam Ecclesiam rexisse aliqui ferunt, & statim post istum Stephanus III., incertum est; hinc vulgo qui a plurimis II. dicitur, ab aliquot III. adpellatur. Hæc in causa sunt, cur hoc in loco nominaverim Stephanum II., aut III., imo etiam addiderim IV., qui ab aliis III., ex eo quod post Paullum successerit Stephano III. seu II., atque utriusque capita confundi facile potuerint. En canones, qui horum Pontificum nomina præferunt.

Ex canonibus editis in Concilio habito in Basilica Constantiniana.

Can. 3. dist. 79.	{	<i>non omnes omnino indutiæ auctoritatis; potius autem Stephani IV. nomine designandi.</i>
Can. 4. dist. 79.		
Can. 5. dist. 79.		
Can. 14. dist. 31. falso tributus Concilio Stephani.		

Ex epistola ad Moguntinum Episcopum.

Can. 13. dist. 16.	{	<i>potius referendi ad Stephanum V. seu VI.</i>
Can. 20. cau. 2. qu. 5.		

**O** Misso Stephano illo Pontifice, quem quadriduanum dicunt; neque enim ipsi decreta ulla, vel canones adscribi facile possunt, paucis dicam, anno 752. mense Martio Romanam rexisse Ecclesiam Stephanum II. sive III. usque ad annum 757. Et quidem ea ætate res Italiz premebantur duro Longobardorum Imperio, fractis Constantinopolitani Imperii viribus; præsertim vero Romani conquerebantur res, & patrimonia Ecclesiarum subripi, ac per vim occupari, ipsam etiam Urbem minis terri, obsidione angere, eamque obrem ad tutelam Pipini Galliarum Regis confugerunt, cujus opera pacem, libertatemque recuperarunt, ipso Stephano Pontifice maxima cum sollicitudine procurante. Quas idem in angustias redigeretur Stephanus facile unusquisque animo concepit suo, modo nimirum Longobardorum vi pressus, modo ipsis populi sibi singulari etiam jure commissi calamitatibus defatigatus, modo de Constantinopolitanorum viribus prope destitutorum auxilio desperans, modo de Francorum tutela dubitans, modo etiam belli acris pericula expavescens, modo post ipsam quoque victoriam nondum de diuturna pace, ac felici tranquillitate securus.

Post

Post obitum Stephani anno 757. mense Maio successit in Romana Cathedra. Paullus Diaconus Romanæ Ecclesiæ Stephani ejusdem frater, vir optime de Romana Ecclesia, & Republica olim meritis, & ad leniendos Longobardorum animos aliquando legatus. Decem autem per annos, quibus Pontificatum tenuit, nonnulla edidit Ecclesiasticis rebus utilia, quorum tamen nullum vestigium est apud Gratianum.

Paullum excepit Stephanus III., sive IV. anno 768. ordinatus, non leviter turbatis initio Romanæ Ecclesiæ rebus, quod quidam Constantinus, deinde quidam Philippus Sedem Pontificiam per vim invasissent, per annum enim fere integrum schismate concussa Romana Ecclesia tandem Pastorem suum suscepit Stephanum, qui obiit anno 772. nonnullis gestis adversus recentem Græcorum hæresim de cultu sacrarum imaginum, nonnullis etiam ad curandam Romanæ Ditionis tranquillitatem adversus conatus Longobardorum.

### De Canonibus editis in Concilio habito in Basilica Constantiniana.

Stephani III., seu IV. auctoritate celebratum hoc Concilium est anno 769. Romanæ in Basilica Constantiniana, eo convenientibus Tusciæ, & Campaniæ Episcopis propemodum universis, aliisque nonnullis ex reliquis Italiæ, & Galliarum Provinciis. Causæ celebrandæ Synodi dux potissimum fuerunt: Prior nimirum modus & forma Romani Pontificis eligendi, ideo tunc stabilienda, quod ex ambitu Constantiniani, & Philippi superius memoratorum, ac Sedem Apostolicam invadentium gravissima, ut in unoquoque hujus generis schismate contingere solet, in Romanam Ecclesiam incommoda emerferat. Hinc in eadem Synodo damnatus est Constantinus ille schismaticus, imo & illi, qui ab eodem Pseudopontifice fuerant ordinati. Altera causa fuit recens Orientalium hæresis, qui sacras imagines averſati, earum cultum impie damnaverant. Hodie acta sistent Synodi integra non existunt: Tantummodo quædam superfuerunt fragmenta, & quidem informia, quæ non satis tuto Stephano Pontifici integra adtribueris. Cum vero quatuor sint ex ipsis apud Gratianum, in re aliquantisper dubia curabo, ut singula, quoad fieri possit, ad mentem; reliquiasquæ illius Concilii exigantur. Edidit Lucas Holstenius nonnulla capita actionis tertiz, & quartæ ejusdem Synodi, ad quæ jure referre poterimus canones 3. 4. & 5. dist. 79. Ex actione 3. ita depromptum legimus: *Hæſterno die prolata est sententia, quemadmodum Constantinus Apostolicæ Sedis invaſor ſub penitentiæ correptione ſubſiſtere debeat. Item infra: Oportebat, ut hæc Sacroſancta Domina noſtra Romana Eccleſia, juxta quod a Beato Petro, & ejus Succeſſoribus inſtitutum eſt, rite ordinaretur, & in Apoſtolatus culmen unus de Cardinalibus Preſbyteris, cuſ Diaconibus conſecraretur. Nemo non videt, hæc exhiberi canonem 3. dist. 79., cuius interpretatio plurimum a factio Constantiniani Pseudopontificis pender. Fuerat enim Constantinus ipſo die ſeditioſæ electionis ſux adhuc Laicus, qui factio exercitu, armataque rulticorum hominum caterva Lateranenſe Patriarchium occupavit, curans deinde, ut clericatum adipiſceretur, quo adepto Pontifex conſecraretur. En perſpicuam cauſam, cur definiſſetur, neminem in ſummum Pontificem eligen-*

Can. 3.  
4. & 5.  
dist. 79.

dum, nisi inter Diaconos, aut inter Presbyteros Romanæ Ecclesiæ jam esset adscriptus, sive, ut olim aiebant, *incardinatus*, seu *Cardinalis*. Auctor Libri Pontificalis de hac constitutione mentionem fecit, ita scribens in vitâ Stephani, de Concilio Romano: *Tunc allatis sacratissimis canonibus, eisque liquido perscrutatis, prolata est sententia ab eodem Sacerdotali Concilio sub anathematis interdictione, nec ullus unquam præsumat laicorum, neque ex alio ordine, nisi per distictos gradus ascendens Diaconus, aut Presbyter Cardinalis factus fuerit, ad Sacri Pontificatus honorem possit promoveri*. Hinc ego non dubito, quin idem canon recte Concilio Stephani tribuatur. Addi posset ad hanc rem canon 6. dist. 79., ubi exhibetur Leo IV. similia propemodum statuisse, eademque auctoritate Papæ Stephani confirmasse, sed vereor, ne parvi pendatur ejusdem Gratiani canonis auctoritas, upote quem jam suo loco dixi ad Leonem IV. minime pertinere.

Prosequitur Lucas Holstenius in edendis fragmentis actionis tertiz his verbis: *Item: Sed & hoc sub anathematis interdictionibus decernimus, ut nulli nunquam laicorum, sive ex manu armata, vel ex aliis ordinibus, præsumant inveniri in electione Pontificis, sed a Sacerdotibus, atque Proceribus Ecclesiæ, & cuncto Clero ipsa Pontificalis electio proveniat. Et priusquam Pontifex electus fuerit, & in Patriarchium deductus, omnes Optimates militia, vel cunctius exercitus, & Civis honesti, atque universa generalitas populi hujus Romanæ Urbis ad salutandum eum sicut omnium dominum properare debeat. Et ita more solito decretum facientes, & in eo cuncti pariter concordantes subscribere debent. Hoc itaque & in aliis Ecclesiis sub divini iudicii observatione, & anathematis interdictione decernimus observandum. Hæc rursus percurrere ad factum Pseudopontificis Constantini nemo non videt, qui Pseudopontifex fratris sui Totonis Ducis Nepesinæ Civitatis adjutorio, & armis usus Apostolicam Sedem invaserat. An vero eadem, quæ heic retuli ex Holstenio, sint ipsamet Romani Concilii verba, an potius simili quadam formula digesta sententia, non asum definire. Tantum dixerò, Holstenium hac in re sequutum esse fidem Anselmi Lucensis; Auctorem autem libri Pontificalis in verbis nuper superius descriptis paullo aliter Romani ejusdem Concilii sententiam descripsisse, quo sane referendus erit memoratus canon 4. apud Gratianum.*

Hinc nonnulla subjicit Holstenius ex actione 4. ejusdem Concilii ad venerationem sacrarum imaginum pertinentia; Deinde vero ita progreditur: *Statuta contra vim, & ambitum. Item: Siquis ex Episcopis, vel Presbyteris, vel Monachis, aut ex laicis contra canonem, & Sanctorum Patrum statuta prorumpens in gradum Majorum Sanctæ Romanæ Ecclesiæ, idest Presbyterorum Cardinalium, & Diaconorum intræsumserit: & hanc Apostolicam Sedem intradere quilibet ex supradictis tenuerit, & ad summum Pontificalem honorem ascendere voluerit, ipse, & sibi faventibus fiat perpetuum anathema. Item: Siquis cum armis in electione Pontificis, vel aliorum Sacerdotum inventus fuerit, anathema sit. Item: Siquis jurare, aut introducere in hanc Civitatem Romæ præsumserit quemquam de quacunque Civitate, aut castro, vel loco Pontificis prius discessum, quousque in Sede B. Petri Pontifex ordinatus fuerit, anathema sit. Item: Siquis resistere præsumserit Sacerdotibus, atque Primatibus Ecclesiæ, vel cuncto Clero ad eligendum sibi Pontificem, secundum hanc canonicam traditionem anathema sit. Ea hisce verbis exhibitum ipsummet Gratiani canonem 5. dist. 79., cuius auctoritas major etiam esset videretur, quoties Lucas Holstenius hæc omnia se deduxisse profiteretur ex melioribus monumentis, quam ex quibus se singula de-*  
pro.



promississe confessus est. Hæc Holstenii fragmenta edidit etiam Mansius in tomo I. Supplementi ad Concilia Veneto-Labbeana, quibus adjecit ex vetusto MS. Codice Bibliothecæ Capituli Veronenfis actionem 1. ejusdem Lateranenſis Concilii, quod etiam elegantibus & suis, & Cajetani Cenni adorationibus illustravit.

Tribuitur præterea a Gratiano canon 14. dist. 31. *Stephano Papæ in prima actione Synodi ab ipso in Basilica Lateranenſi congregatæ*. Una Gratiani auctoritas tanti apud unumquemque esse non debet, ut eidem sit illico obtemperandum. Extat, quemadmodum animadverti, apud Mansium in Supplemento actio 1. memorati Concilii Lateranenſis deprompta ex Codice antiquissimo Veronenſi, & tamen verba illius canonis 14., imo etiam, quæ cum eodem canone quoquomodo consonet, sententia, desiderantur. De aliis actionibus non loquor, ad quas neque sese revulit Gratianus, neque referre quisquam Gratianeum canonem posset. Addo, nihil simile reperiri apud Ratherium Episcopum Veronenſem in epistola 2. Romanæ Ecclesiæ edita in Spicilegio Dacherlano tom. 2. veteris editionis, quamquam ibidem nonnulla Romani hujus Concilii capita summam attingantur. Sed neque auctor Libri Pontificalis, qui in vita Stephani III. seu IV. expresseſt, licet paucis, sententias Romani ejusdem Concilii, mentionem fecit de continentia majorum Clericorum, aut de variis Græcæ, Latinæque Ecclesiæ moribus in custodienda continentie lege, quemadmodum in canone 14. legimus. Quod si integram actionem 1. recens editam quispiam consideret, imo etiam observet Concilii illius scopum, facile agnoscat, nihil aliud ibidem pertractatum esse, quam negotium Constantini Pseudopapæ, sive formam Pontificiæ electionis, discussamque disciplinam de cultu ac veneratione sacrarum imaginum. Porro quid commune habebat cum hisce causis argumentum continentie a Subdiaconis, Diaconis, Presbyterisque servandæ, & diversitatis disciplinæ apud Orientalem, atque Occidentalem Ecclesiam? Meo sane judicio minus opportuna tunc fuisset hujus generis disputatio, utpote quæ exasperandis potius, quam leniendis, atque in meliorem frugem redigendis Græcorum animis inserviisset; neque enim quisquam ignorat elaborandum potius tunc fuisse, ut Græci a recta fide devii ad colendas factas imagines reducerentur, non ut proponeretur sequenda omnino Occidentalis Ecclesiæ disciplina, sine qua adhuc unitas Ecclesiæ consistere potuisset. Plane non ego inficias iverim, veram esse sententiam memorati canonis 14., quo nihil aliud exhibetur, quam diversitas consuetudinum sive apud Græcos, sive apud Latinos inductarum; similem propterea traditionem apud alios Collectores habemus: Sic in Collectione quadam canonum MS. Bibliothecæ Taurinensis Athenæ, cujus nonnulla fragmenta edidit Mansius in tom. 2. Supplementi Labbeani pag. 67. & sequentibus, legimus sub nomine Leonis IX. contra epistolam Nicetæ Abbatis: *Apud nos nec ad Subdiaconatus gradum quisquam admittitur, nisi perpetuam continentiam, etiam a propria conjuge profiteatur; nec post gradum cuiquam ducere uxorem conceditur*. Exinde tamen facile mihi persuadere non possum, memoratum Gratiani fragmentum jure optimo adscribendum esse Stephano III. aut IV., eidemque in Synodo Lateranenſi actione 1., quemadmodum testatus est Gratianus.

Can. 14.  
dist. 31.

## De Epistola ad Episcopum Moguntinum.

*Can. 13. dist. 16. & can. 20. cau. 2. qu. 5.*  
 Duo sunt Gratiani fragmenta, canon 13. dist. 16., & canon 20. cau. 2. qu. 5. Stephano Papæ adscripta in epistola ad Episcopum Moguntinum, qui in diversis Codicibus diverso nomine appellatur, nimirum alicubi Luithobius, alibi Luitbertus, seu Luithbertus, alibi Umbertus. Quis vero fuerit Stephanus auctor canonis minime indicat Gratianus. Illud pro certo in primis habendum est, Stephano I. tribui non posse, cum temporibus Stephani I. nondum apud Moguntinos Episcopi essent constituti, quos idem Stephanus edoceret; imo & ipsamet canonum memoratorum materies sæculo Stephani I. non conveniat. Neque vero iidem canones tribui possunt aut Stephano II., aut Stephano III., qui etiam IV. dicitur; etenim ab Episcopatus Moguntini erectione usque ad obitum Stephani III. qui IV. apud alios est, duo tantummodo Episcopi Moguntini recensentur, primus omnium Bonifacius, de quo jam superius sermonem institui; secundus est Lullus, quem etiam temporibus Hadriani Papæ vixisse Historici ex monumentis firmissimis testantur. Non est igitur locus Luithobio, aut Luitberto, aut Humberto, ad quem fingamus epistolas a Stephano II., aut III. qui etiam IV. dicitur, directas. Verosimilius est hosce canones potius referendos esse ad Stephanum V., qui & VI. dicitur, juxta ea, quæ suo in loco commodius, atque opportunius expendantur.



## De Hadriano.

Quæ ex Hadriani Papæ Capitulis, seu Decreto, seu Romano Concilio se depromississe testatus est pluries Gratianus, jam expendi in priore hujus operis parte cap. 45. Nonnulla adhuc supersunt hoc in loco expendenda, quæ vel ad Hadriani res gestas pertinent, aut cum ipsis necnecunda sunt, vel ad ipsius epistolas, aut sanctiones.

Ex rebus gestis Hadriani. { Can. 22. dist. 63. ex Sigeberto depromptus, & ab historica filiali.

Necnecuntur { Can. 21. dist. 63. pertinet ad Librum Pontificalem in vita Vitaliani, & Agathonis.  
Can. 30. dist. 63. ex integris exemplaribus supplendus.  
Can. 32. dist. 63. } simul jungendi, atque ex integris exemplaribus supplendi.  
Can. 33. dist. 63. }

Ex epistola ad Carolum. { Can. 6. dist. 37. ad integram epistolæ sententiam exigendus.

Ex epistola ad Tarasium Patriarcham. { Can. 5. dist. 16. } simul jungendi, & potius exigendi ad epistolam Tarasii Patriarchæ Constantinopolitani.  
Can. 29. de cons. dist. 3. }

QUO tristior fuit Italiz universæ, ac Romanæ Ecclesiæ facies, cum primum Hadrianum Pontificem Maximum salutarunt anno 772. seu quod Longobardorum arma Romanis infesta essent regnante Desiderio, seu quod Iconoclastarum hæresis apud Orientales latius, ac vividius serperet, eo latior, atque jucundior in dies adparuit, quum post paucos annos labentibus rebus opem tulit Carolus Magnus pace Romanis parata, captis, perditivæ illorum hostibus, locupletata ipsamet Romana Ecclesia, & honoribus largissime aucta; alias vero ex Nicenæ II. Synodi opportuno tempore celebratæ sanctionibus suis restitui coepit in Oriente sacris imaginibus cultus, damnata hæreticorum impietate. Obiit Hadrianus sub finem anni 795., vel, ut alii scripserunt, sub initium anni 796. Paucis argumenta exhibui, circa quæ aut ejus Pontificis gesta versantur, aut ejus epistolæ, responsa, ac decreta; nimirum aut de cultu sacrarum imaginum, aut de Italiz universæ, præsertim vero Romanæ Ecclesiæ tutela a Carolo suscipienda, vel suscepta in utilitatem, quoad fieri posset, maximam administranda actum fuit.

## De Canone 22. dist. 63.,

Cui nectendi sunt canones 21. 30. 32. &amp; 33. eadem dist.

Altius repetere juvat, quæ tradenda sunt ad interpretationem canonis 22., sicut & aliorum numero plurium in distinct. 63. Certissimum apud omnes est, vetustissimam fuisse Ecclesiarum omnium consuetudinem, ut defuncto Ecclesiæ Antistite Clerus & populus eligeret Successorem, quod potiore jure custoditum olim fuit in Ecclesiâ Romana, in qua nimirum velut omnium Principe nullæ esse poterant superioris alicujus Antistitis partes. Hæc disciplina viguit integra, quousque Imperatores ethnici aut de rebus Ecclesiasticis solliciti non fuerunt, aut Ecclesiam ipsam vexarunt. Ubi vero ad Christianam fidem conversi sunt, imo etiam Ecclesiam ipsam privilegiis, honoribus, opibus ditaverunt, & ipsi voluerunt electioni Pontificis Maximi suffragari, quo jure eo validius contendebant uti se, quo firmiora essent dignitatis imperatoris incrementa, antiquata propemodum Romanæ Reipublicæ forma. Summa Imperii cepit a populo in Imperatores migrare, quemadmodum liquet ex l. 1. ff. de constitut. Principum, eamque ob rem etiam jura populi in electionibus Maximi Antistitis in Principem translata proponebantur. Opportunum autem videbatur quammaxime ad obtinendam Ecclesiæ pacem Imperatoris suffragium, quo lato plebis ac turbarum schismata sedabantur, imo ipse Clerus sæpe ac sæpius in eum consentiebat, quem ipsi Imperatores postulavissent; sciebat enim quantum Ecclesiasticæ utilitati studeret pietas, ac religio Cæsarum, quos optimos, atque integerrimos rerum Ecclesiasticarum vindictes ac Patronos agnovit, argumenta hujusmodi inter ceteros præbentibus Theodosio, ac Constantino. Diutius viguit consuetudo hujusmodi, quousque nimirum Romani Imperii jurisdictione integra apud Imperatorem perseveravit. Primum recessum ab illa fuit temporibus Pelagii II. ad annum 577., ad quem ita scribit Anastasius. *Hic ordinatur absque jussione Principis, eo quod Longobardi obiderent Civitatem Romanam.* Ceterum statim ac Romana Urbs libertate donata est, rursus Pontificis Maximi electio proposita fuit Imperatori, hinc Anastasius idem ad Vitalianum Papam ad annum 655. ita scribit: *Hic direxit responsales suos cum Synodica juxta consuetudinem in Regiam Urbem apud piissimos Principes, significans de ordinatione sua: Et dum suscepti essent, renovantes privilegia Ecclesiæ reversi sunt.* (Privilegia erant Primatus Romanæ Ecclesiæ, cujus tutelam adversus Græcorum ambitum Græci ipsi Imperatores persæpe susceperant). Clarius Platina in vita Severini, sive ad annum 638. *Vana tunc habebatur Cleri, & populi electio, nisi eam Imperatores, aut eorum Exarchi confirmassent.* De Exarchis ideo ibi fit mentio, quod Imperatorum nomine Ravennæ commorantes res Italix graviore administrabant. Id adeo verum est, ut cum Gothi etiamsi rebus Ecclesiarum insensu Romanam Urbem occupaverint, non solum sibi reservaverint jura Imperatorum in electione confirmanda Pontificis Maximi, verum etiam onus Romano Antistiti recens electio imposuerint, ut certum tributum solveret Regi Longobardorum, quotiescunque ad ipsum accederet causa postulandæ confirmationis, quæcumque tandem esset hujusmodi confirmatio, quemadmodum deducitur ex Cassiodoro in libris variarum,

& apud Gregorium Magnum in commentariis 4. Psalmi Pœnit. Hostibus a Romana Provincia profligatis Imperatores Constantinopolitani non solum jure consentiendi in Romanum electum Antistitem experiri voluerunt pro vetulo more, sed etiam quod a Gothis olim impositum erat tributum exegerunt, rati non dedecere Catholico Imperatori munera quædam a Romano Antistite persolveri, quæ antea soluta Ethnico Principi fuissent. Res ita sese habuit usque ad tempora Agathonis Papæ, sive ad annum circiter 679. Nimirum Agatho ab Imperatore Constantino Pogonato obtinuit, ut Pontifices Maximi confirmarentur quidem suffragio Imperatoris, nullum tamen tributum pendere tenerentur. Anastasius Bibliothecarius id aperte testatur ita scribens: *Agatho natione Siculus ex Monachis sedit annos duos . . . Hic suscepit divalem iussuonem piissimorum Principum Constantini, Heraclii, & Tiberii Augustorum per Epiphanium Gloriosum a secretis missam Præcessori suo Dono Papæ invitantem, atque adhortantem, ut debeat Sacerdotes, vel Missas suas dirigere in Regiam Urbem pro adunatione faciendâ Sanctorum Dei Ecclesiarum, quod & ordinare non distulit. Et direxit Abundantium Paternensem, Johannem Reginum, & Johannem Portuensem Episcopum &c. . . . Tanta autem gratia divina omnipotentis concessa est Missis Sedis Apostolicæ, ut ad lætitiâ populi, vel Sancti Concilii, qui in Regia Urbe erant, Johannes Episcopus Portuensis Dominicorum die octavarum Paschæ in Ecclesia B. Sophie missas publicas latine celebraret coram Principe, & Patriarcha. Et post pauca. Hic suscepit divalem iussuonem secundum suam postulationem, ut successisset, per quam relevata est quantitas, quæ solita erat dari pro ordinatione Pontificis faciendâ; sic tamen, ut si contingeret post ejus transitum electionem fieri, non debeat ordinari qui electus fuerit, nisi prius decretum generale introducat in Regiam Urbem secundum antiquam consuetudinem, ut cum eorum conscientia, & iussione debeat ordinatio provenire. Non hic tamen constitit Constantini Pogonati in Romanam Ecclesiam pietas, & amor; etenim non multo postea, sive anno circiter 685., Benedicto II. Papæ concessit, ut quicumque in posterum a Clero populoque in Pontificem Maximum electus fuisset, is irrequisito Imperatoris suffragio pro legitimo Antistite haberetur. Ita tradit in vita Benedicti II. Anastasius: *Hic suscepit divales iussiones Clementissimi Constantini Magni Principis ad Venerabilem Clerum, & populum, atque felicissimum exercitum Romanæ Civitatis, per quas concessit, ut persona, qui electus fuerit ad Sedem Apostolicam, e vestigio absque tarditate Pontifex ordinaretur. Nemo non videt, quum gratam rem fecerit Romanis Constantinus, prospiciens sane majori Ecclesiæ bono, cui ob interval- lum, quo Romanæ a Constantinopolitana Urbe distita est, non nisi tardius consuli poterat expectato suffragio Imperatoris, deinde etiam argumenta benevolentiz exhibens non mediocria, cum nuper Græcorum ac Romanorum animi sancto fœdere essent conciliati, quemadmodum superius ex Anastasio ostendi. En tandem Romanum Clerum, & populum, in electione Pontificis Maximi summa, & omnimoda libertate suffragiorum potitum, qua eo etiam commodius usi sunt posteriore tempore, cum Constantinopolitanorum Principum auctoritas in Italia imminuta, ac tandem perperita fuerit. Romani Imperii in Occidente labentis ruinam attulit potissimum Græcorum Iconoclastarum in factas imagines odium, ac pugna, Romanis contradicentibus, atque etiam obstitentibus; qua seditione mota adversus Imperatores Constantinum Copronymum, Leonem IV., aliosque, facile percipitur in electione Antistitis Maximi nullas fuisse, aut esse potuisse Orientalium partes. Jura Imperii accrescere interea ceperunt Pippino Francorum Regi, & Carolo Ma-**

Magno; sed cum Romana Civitas libere ab ipso Pontifice Maximo penderet, populo ipso se sui Antilitis potestati committente, quidquid inani conatu Græci obstitissent, Reges ipsi Francorum, quorum animus erat, latius Regni sui fines extendere, & labens Imperium sibi adjungere, ac vindicare, Romanorum libertati integræ servandæ morem gesserunt, ut sibi eorundem benevolentiam conciliarent. Interea Rex Longobardorum Desiderius Romanam Provinciam vi adgressus, prope erat, ut Ravennam Romani Antilitis administrationi, & curæ commissam occuperet. A Carolo Magno auxilium petiit Hadrianus Papa, ejusdemque Principis copiis in Italiam venientibus Desiderius, qui monitis primum sesti non potuit, ne Romanam Provinciam invaderet, cedere armis debuit. Id causam Romanis dedit, cur Carolum Regem in Romanam Urbem veluti triumphatorem adducerent inter medias populi adclamationes, quo tempore sœdus inritum est sanctissimum inter Romanos, ac Francos, quo certæ Provinciæ, ac præsertim Romana, Romanæ ipsi Ecclesiæ libera concessa est, universa autem propemodum Occidentalis Imperii jura Francis relicta, quod non solum pactum fuit temporibus Caroli, sed etiam Ludovici Pii temporibus confirmatum. Hæc ita firmissime constituerunt usque ad annum circiter 955., quum videlicet Romanæ Civitatis libertati ab Imperatoribus consecutæ ambitio invadebat quorundam, qui eam suæ potestati subjici flagitabant vehementissime. Duo præsertim fuerunt, Albericus, & Berengarius, regnandi libidine concitati. Albericus jam plurium Romanorum animos, atque benevolentiam sibi devinxerat, ut properaret ad regnum, quod ut facilius adiret, vacante Sede ex obitu Agapiti II. curavit, Filium suum Octavianum eligi in Pontificem Maximum, licet natum tantummodo annum decimumoctavum; ejus enim favore sperabat futurum, ut sui Romanorum Imperii quædam propemodum jaceret fundamenta. Votis respondere eventus cæperat; etenim Octavianus electus Potifex nomine Johannis XII. ob minorem ætatem Parenti suo regendi Urbem facultatem amplissimam fecerat. Cetera optime etiam ex voto Alberico cessissent, nisi Berengarius, quem dominandi libidine etiam præreptum fuisse nuper aiebam, ipse quoque cōsisto exercitu ad Romanam Urbem adventasset pro obtinendo Imperio dimicaturus. Accessit ergo pugnandi animo Berengarius ad Romanam Urbem instructa ingenti armorum copia, ac militum acie, eamque ob rem & Johanni Papæ, & Alberico Pontificis Parenti terrificus. Hinc & Johannes & Albericus gravi metu concussi, ut sibi, rebusque suis consulerent, opimum duxerunt ad externos Principes confugere, illorum etiam implorare opem: Scilicet precati sunt Germaniæ Regem Othonem Enrici filium, qui tunc temporis rerum bellicarum optime gestarum famam sibi illustrem pepererat, rogantes in primis, ut subsidium Romanis rebus prope labentibus ferret, deinde etiam egregia victoriæ præmia pollicentes. Noverat Otho per hæc faustis omnibus suscepta, felicique exitu completa facilem sibi viam sterni ad Imperium Romanorum, quamobrem, abdicato favore filii sui Othonis in Wormaliæ comitiis solemnibus Germaniæ Regno, in Italiam iter fecit ingenti instructo exercitu, ut ubi spem concepti optimam, futurum, ut Imperator ipse salutaretur, statim uno conflictu fregit Berengarii conatus, atque irritavit, in cujus victoriæ præmium Imperatoris nomen, ac dignitatem obtinuit toto consentiente Romano populo, atque adclamante.

Fuerant hæc, paucis licet, præjacienda, ut via sterneretur ad interpretationem laudatorum canonum 21. 22. 30. 31. & 33. dist. 63. In primis canon 21., quem Gratianus professus est se descripsisse *ex gestis Romanorum Pontificum*, excerptus est ex Anastasio Bibliothecario, cujus verba nuper referebam in historica narratione, sive quæ ad gesta Agathonis, sive quæ ad gesta Vitaliani Pontificum pertinent. Sane quod ad Vitalianum pertinet nulla apud eruditos dubitatio instituitur, quemadmodum neque quod pertinet ad Agathonem; neque enim est, in quo auctorem libri Pontificalis quisquam reprehendat in ea parte, quam in hoc ipso canone 21. edidit Gratianus.

Can. 21.  
dist. 63.

Canonem 22. dist. 63. *Ex historia Ecclesiastica* se depromisse testatus est Gratianus. Sane in ea parte, qua continetur, quidquid superius de Caroli Regis in Romanam Ecclesiam meritis, deque Romanorum erga Carolum Regem obsequio, generaliter dictum est, nihil aberrat ab historica fide, juxta ea, quæ tradidit inter ceteros Anastasius Bibliothecarius. In iis, quæ apud Gratianum præter Anastasii enarrationem adjecta fuerunt, talis ac tanta non extat auctoritas, ut apud nos fidem prorsus indubiam mereantur. Hujusmodi est, quod subditur, in Concilio Romano concessum ab Hadriano Regi Carolo jus Patriciatus, nec non jus ordinandi Apostolicam Sedem, ac ceteris Episcopis per Provincias constitutis Episcopatum investituræ tradendi. Præterquamquod enim de hac re altum est silentium apud Anastasium, qui ceteroqui de ea utpote de negotio gravissimo fecisset mentionem, ipsamet Romana Synodus Hadriani tempore celebrata, qualis in editis codicibus exhibetur, nihil hujusmodi continet. Deceptus est Gratianus aut ex incongrua aliquot Codicum interpretatione, aut quod sequi maluerit Scriptores suspensæ admodum fidei. Scilicet dignitatem Patriciatus ideo Carolo Magno datam eo tempore scripsit, quod legerit apud Anastasium Bibliothecarium, ceterosque Scriptores Carolum Regem fuisse ab Hadriano receptum in Romanam Urbem *adclamante Populo*, velut triumphatorem, latissimis jucunditatis signis, atque inter cetera *cum bandora*, ut scribit memoratus historicus, sive cum vexillo, quod Patriciis Urbem ingredientibus explicari solebat. Ceterum Carolus Magnus jamdiu pollebat dignitate Patriciatus, ut plurima demonstrant monumenta. Hæc sane omnia, quemadmodum quod subjicitur de concessione Carolo Magno facta eligendi Pontificem Maximum, nec non tradendi Episcopatum investituræ, excepit etiam Gratianus a Sigeberto sibi contemporaneo tere scriptore; is enim circa annum 1112. enarravit, temporibus Hadriani Papæ I. celebratam fuisse Romæ Synodum 53. Episcoporum, in qua, inquit, *Hadrianus Papa cum universali Synodo dedit ei jus eligendi Pontificem, & ordinandi Apostolicam Sedem, dignitatem quoque Patriciatus. Insuper Archiepiscopos, & Episcopos per singulas Provincias ab eo investituram accipere defini- vit, & ut, nisi a Rege laudetur, & investiat Episcopus, a nemine consecratur, omnesque huic decreto rebelles anathematizavit, & nisi resipiscerent, bona eorum publicavit.* Hæc eadem, ut patet, verba Sigeberti exaravit Gratianus, reticito tamen auctoris nomine, forte quod nollet historię tradendæ causâ laudare recentiorē, & sui temporis Scriptorem, vel quod Sigebertus in ea enarratione suspectus pluribus videri revera posset. Ceterum non est, cur in hac parte morem Sigeberto gerere debeamus, qui nullius vetustioris scriptoris testimonio innititur; neque enim aut apud historicos Carolinæ ætatis, aut in ipsis Romanæ Synodi actis tale quidpiam legitur. Immo ne ipse quidem Eginhardus, qui Caroli Magni lateri semper adhære-

Can. 22.  
dist. 63.

bat, dum ejusdem Principis vitam, & gesta descripsisset, de his licet memorabilibus rerum ac caussarum adjunctis nullam mentionem fecit; quamquam ceteros Caroli actus ad unguem usque ita dixerim recensuerit. Ac si ipsamet Caroli Regis Capitularia inspiciamus, ipso Rege post reditum a Romana Urbe auctoritatem præbente constituta, contrarium prorsus evincemus, quippe in lib. 1. cap. 84. sancitur, Episcopos omnes per electionem Cleri, & Populi secundum statuta canonum ordinari debere. Scio quidem nonnullos recentiores, inter quos est Baluzius, distinguere electionem ab investitura, ut electionem Clero, & Populo, investituram Carolo tum tributam adserant. Verum quoties Capitularia Caroli electionem Clero, & Populo reservant, idque secundum statuta canonum, nullamque investituram mentionem faciunt, isthæc distinctio minime congruit, quousque non jam recepta demonstratur in vetustioribus Sacrorum Canonum regulis. Ut libere fatear, quod verum est, Sigebertus ejus historicæ narrationis auctor scribebat, ut prænotatum est, anno 1112., quo tempore investiturarum Episcopatum controversia erat acerrima apud Germanos, quemadmodum unusquisque apprimè noverit, atque ut rem gratam faceret Henrico Principi, cujus gratiam captabat, effingere non dubitavit, Carolum Magnum, cui Henricus in Imperio, & juribus successisse proponebatur, jamdiu obtinuisse ab ipsismet Romanis Pontificibus, una cum Romani Patricii dignitate, jus eligendi Pontificem Maximum, necnon Episcopatum investturas conferendi. Ex his sane facili negotio deducitur, Gratianum fragmentum gravis esse non posse auctoritatis, ad hujuscemodi controversias dirimendas. Forte quempiam morabitur adhuc Leonis Papæ auctoritas a Gratiano laudati in canone 23. dist. 63., ubi eadem referuntur, quæ de Hadriano Papa, & Carolo Rege Sigebertus enarravit. Verum qualis sit hujus fragmenti auctoritas suo loco expendemus inferius. Ipsemet Gratianus omnia hæc falsitatis redarguere videtur in canone 29. ejusdem distinctionis 63., referens ex Gregorio Papa, tempore Hadriani II., qui non diu post Caroli Magni obitum electus fuit Romanus Antistes, anno circiter 867. conquestos fuisse legatos Imperatoris Ludovici, quod cum præsentibus Romæ essent, ad electionem tamen Pontificis invitati non fuissent, statimque adquevissent, ubi acceperunt, hoc non ex contemptu ipsorum factum esse, sed potius ne in exemplum traheretur, ut in futuris electionibus Pontificum Maximorum Legati Principis expectarentur. Quod sane indicat, etiam post Carolum Magnum liberam Romanis fuisse sui Pontificis electionem.

Sufficere hæc viderentur ad expendendum canonem 22. dist. 63., ubi de Hadriano Pontifice sermo instituitur. Sed materiz affinitas, quam cum eodem canone habere videntur canones 30. 32., & 33. ejusdem distinctionis, postulat, ut de ipsis adhuc in præsentia loquar, ne eadem pluribus in locis edisseram, præsertim quod ista fragmenta superioribus non mediocrem adferre lucem possint. Verba ipsa canonis 30. dist. 63. hodie edita sunt in Labbeana Collectione post acta Concilii <sup>Can. 30.</sup> <sup>dist. 63.</sup> Aquisgranensis anni 817., & quidem eruta ex integro Vaticanæ Bibliothecæ monumento; edita quoque sunt apud Baluzium in tom. 1. Capitularium Francorum pag. 591. & sequentibus. Monumentum integrum hoc in loco describam ex Labbeano exemplari; atque, ubi apud Baluzium diversum quidpiam occurreret, indicabo. *In nomine Domini Dei Omnipotentis Patris, & Filii, & Spiritus Sancti. Ego Ludovicus Imperator Augustus statuo, & concedo per hoc pactum confirmationis nostræ tibi B. Petro Principi Apostolorum, & pro se (legit Baluzius per se) Vicario suo Domino Paf-*  
*chali*



chali Summo Pontifici, & universali Papæ, & successoribus ejus in perpetuum, sicut a Prædecessoribus vestris usque nunc in vestra potestate, & ditione (legit Baluzius diuisione) tenuistis, & disposuistis, Civitatem Romanam cum Ducatu suo, & suburbanis, atque viculis omnibus, & territoriis ejus montanis, & maritimis (legit Baluzius maritimis) litoribus, & portubus, seu cunctis Civitatibus, Castellis, oppidis, ac viculis in Tusciæ partibus (legit Baluzius partibus) idest Portum, Centumcellas, Cære, Bledam, Marturanum, Sutrium, Nepe, Castellum Galleii, Hortam, Polimartium, Ameriam, Tuderum, Perusum cum aliis tribus insulis suis, idest majorem, & minorem, Pulvensem (Baluzius Pulvensam), & Lacum, Narniam, Otriculum, cum omnibus finibus, ac territoriis ad supradictas Civitates pertinentibus. Simili modo, & in partibus Campaniæ Signiam, Anagninam, Ferentinum, Alatrium, Patricum, Frusinonem cum aliis partibus Campaniæ, nec non & Tibur, cum omnibus finibus, & territoriis ad easdem Civitates pertinentibus. Nec non & exarchatum Ravennatensem sub integritate cum Urbibus, Civitatibus, Oppidis, & Castellis, quæ piæ recordationis Dominus (Baluzius Dominus) Pippinus Rex ac bonæ memoriæ genitor noster Carolus Imperator Beato Petro Apostolo, & Prædecessoribus vestris jam dudum per donationis paginam restituerunt, hoc est Civitatem Ravennam, & Æmiliam, Bobium, Cæsena, Forum Pompilii, Forum Livii, Faventiam, Imolam, Bononiam, Ferrarium, (Baluzius Ferrariam), Comaclum, & Adriam, & Gabelum, cum omnibus finibus, territoriis, atque insulis in terra, marique ad prædictas Civitates pertinentibus. Simulque & Pentapolim, videlicet Ariminum, Pisaurum, Fanum, Senogalliam, Anconam, Humanam, Æsum, Forum Sempionii, Montem Feretri, Urbinum, & territorium Valvense, Calles, Luceolos, Eugubium, cum omnibus finibus, ac terris ad easdem Civitates pertinentibus. Eodem modo territorium Sabinese, sicut a Genitore nostro Carolo Imperatore Beato Petro Apostolo per donationis scriptum concessum est sub integritate, quemadmodum ab Itherio, & Macenatio Abbatibus, Missis illius, inter idem territorium Sabinese, & Reatinum definitum est. Item in partibus Tusciæ Longobardorum, Castellum Felicitatis, Urbevetum, Balneum Regis, Ferenti Castrum, Viterbium, Martam, Tuscaniam, Populoniam, Soanam, Rasellas. Et insulas Corsicam, & Sardiniam, & Siciliam sub integritate cum omnibus adjacentibus, & territoriis maritimis, litoribus, portubus, ad supradictas Civitates, & insulas pertinentibus. Item in partibus Campaniæ, Soram, Arces, Aquinum, Arpinum, Theanum, Capuam, & patrimonia ad potestatem, & ditionem nostram pertinentia, sicut est Patrimonium Beneventanum, & Salernitanum, & Patrimonium Calabrie inferioris, & superioris, & Patrimonium Neapolitanum, & ubicumque in partibus Regni, atque Imperii a Deo nobis commissi patrimonia nostra (in editione Labbeana ad marginem legitur: legendum haud dubie vestra:) esse noscuntur. Has omnes supradictas Provincias, Urbes, Civitates, Oppida & Castella, Viculos & Territoria, simulque & patrimonia, jam dictæ Ecclesiæ tuæ Beate Petre Apostole, & pro te (legit Baluzius & per te) Vicario tuo Spirituali Patri nostro Paschali Summo Pontifici, & Universali Papæ, ejusque Successoribus usque ad finem sæculi, eo modo confirmamus, ut in suo detineant jure, principatu, ac ditione. Simili modo per hoc nostrum confirmationis decretum firmamus donationes, quas piæ recordationis Dominus Pippinus Rex Avus noster, & postea Dominus, & Genitor noster Carolus Imperator B. Petro Apostolo spontanea voluntate contulerunt. Nec non & censum, & pensiones, seu ceteras donationes, quæ annuatim in Palatium Regis Longobardorum inferri solebant, sive de Tuscia Longobardorum, sive de Ducatu Spoletano, sicut in superscriptis donationibus continetur, &

inter sanctæ memoriæ Hadrianum Papam, & Dominum, & Genitorem nostrum Carolum Imperatorem convenit, quando eidem Pontifici idem de supradictis Ducatibus, idest Tuscano, & Spoletano suæ auctoritatis præceptum confirmavit. Eo scilicet modo, ut annis singulis supradictus census Ecclesiæ B. Petri Apostoli persolvatur, salva super eisdem Ducatus nostra in omnibus dominatione, & illorum ad nostram partem subjectione. Ceterum, sicut diximus, omnia superius nominata ita ad nostram partem per hoc nostræ confirmationis decretum roboramus, ut in vestro, vestrorumque successorum permanent jure, Principatu, atque ditione, ut neque a nobis, neque a Filiis, & Successoribus nostris per quodlibet argumentum, sive machinationem in quacunque parte minuatür vestra potestas, aut vobis de suprascriptis omnibus, vel Successoribus vestris inde aliquid subtrahatur, de suprascriptis videlicet Urbibus, Provinciis, Civitatibus, oppidis, castris, viculis, insulis, territoriis, atque patrimoniiis, nec non & pensionibus, atque censibus, ita ut neque nos ea subtrahamus, neque quibuscunque subtrahere volentibus consentiamus; sed potius omnia, quæ superius leguntur, idest, Provincias, Civitates, urbes, oppida, castella, territoria, patrimonii, atque insulas, census, ac pensiones Ecclesiæ Beati Petri Apostoli, & Pontificibus in sacratissima illius Sede in perpetuum residentibus, in quantum possumus defendere nos promittimus; ad hoc ut omnia (legit Baluzius omnia ea) in illius ditione ad utendum, & fruendum, atque disponendum firmiter valeat obtinere; nullamque in eis nobis partem, aut potestatem disponendi, aut iudicandi, subtrahendive, aut minorandi vendicamus, nisi quando ab eo, qui illo tempore bujus sanctæ Ecclesiæ regimen tenuerit, rogati fuerimus. Et si quilibet homo de supradictis Civitatibus ad vestram Ecclesiam pertinentibus ad nos venerit, subtrahere se volens de vestra iurisdictione, vel potestate, vel quamlibet aliam iniquam machinationem metuens, aut culpam commissam fugiens, nullo modo eum aliter recipimus, nisi ad iustam pro eo faciendam intercessionem, ita dumtaxat, si culpa, quam commisit, venialis fuerit inventa; sin aliter, comprehensum vestræ potestati eum trademus, exceptis his, qui violentiam, vel oppressionem potentium passi ideo ad nos veniant, ut per nostram intercessionem iustitiam accipere mereantur, quorum altera conditio est, & a superioribus valde disjuncta. Et quando divina vocatione bujus Sacratissimæ Sedis Pontifex de hoc mundo migraverit, nullus ex Regno nostro aut Francus, aut Longobardus, aut de qualibet gente homo sub nostra potestate constitutus licentiam habeat contra Romanos, aut publice, aut privatim veniendi, aut electionem faciendi; nullusque in Civitatibus, vel Territoriis ad Ecclesiam Beati Petri pertinentibus aliquod malum propter hoc facere præsumat. Sed liceat Romanis cum omni veneratione, & sine aliqua perturbatione honorificam suo Pontifici exhibere sepulturam, & eum, quem divina inspiratione, & Beati Petri intercessione omnes Romani uno consilio, atque concordia, sine aliqua promissione, ad Pontificatus Ordinem elegerint, sine aliqua ambiguitate, & contradictione more canonico consecrari: & cum consecratus fuerit, legati ad nos, vel ad Successores nostros Reges Francorum dirigantur, qui inter nos, & illum amicitiam, & caritatem, ac pacem fociunt, sicut temporibus piæ recordationis Domini Caroli Atavi nostri, sive Domni Pippini Aui nostri, vel & Caroli Imperatoris Genitoris consuetudo erat faciendi. Hoc autem ut omnibus (legit Baluzius, ut ab omnibus Fidelibus) Sanctæ Dei Ecclesiæ, & nostris firmum esse credatur, firmissusque per futuras generationes, & sæcula ventura custodiat, propriæ manus signaculo, & Venerabilium Episcoporum, atque Abbatum, vel Optimatum nostrorum sub iurejurando, & subscriptionibus pactum istud nostræ confirmationis roboravimus, & per Legatum Sanctæ Romanæ Ecclesiæ Theodorum Nomenclatorem Domino Paschali Papæ direximus. Ego Ludovicus misericordiam Dei Imperator subscripsi. Et subscripserunt tres filii

Filii ejus, & Episcopi decem, & Abbates octo, & Comites quindecim, & Bibliothecarius unus, & Mansionarius unus, & Ostiarius unus. Ita describendum erat integrum monumentum, de cujus vi, atque auctoritate licet dubitaverint aliqui, non defuerunt tamen viri gravissimi, atque eruditionis laude singulari præstantes, qui demonstrarunt, non esse istud rejiciendum cum donatione Constantini, quemadmodum Carolus Molinæus audacter scripsit, quem sequi maluit Baluzius, sive in adnotationibus in Capitularia Francorum, sive in adnotationibus in Gratianum post Dialogos Antonii Augustini de emendatione Gratiani. Quicumque de hac re curiosius investigandum voluerit, solertissimos Historicos æque, ac criticos Scriptores facile consulat.

Canones 32., & 33. dist. 63. videntur deprompti ex illo diplomate, quod editum hodie habemus in Veneta Labbeana Collectione tom. 11. pag. 875., cuiusque authographum aureis literis exaratum ibidem dicitur adservari Romæ in Castello S. Angeli. Integrum etiam heic exemplar subijciam. *In nomine Domini Dei Omnipotentis Patris, & Filii, & Spiritus Sancti. Ego Otto Dei gratia Imperator Augustus, una cum Ottone glorioso Rege filio nostro, divina ordinante providentia spondemus, atque promittimus per hoc patrum confirmationis nostræ tibi B. Petro Principi Apostolorum, & Clavigero Regni Cælorum, & per te Vicario tuo Domino Johanni Summo Pontifici, & universali xii. Papa, sicut a Prædecessoribus vestris usque nunc in vestra potestate, atque ditione tenuistis, & disposuistis Civitatem Romanam, cum Ducatu suo, & suburbanis suis, atque viculis omnibus, & territoriis ejus, montanis, & maritimis, litoribus, atque portibus, seu cunctis civitatibus, castellis, oppidis, ac viculis Tusciæ partibus, idest Portum, Centumcellas, Cerem, Bledam, Marturianum, Sutrium, Nepem, Castellum, Gallifem, Ortem, Polimartium, Ameriam, Tudam, Perusiam cum tribus insulis suis, idest majore, minore, Pulverisum, Narniam, & Utriculum cum omnibus finibus, ac territoriis ad suprascriptas civitates pertinentibus. Necnon exarchatum Ravennatem sub integritate cum urbibus, civitatibus, oppidis, & castellis, quæ piæ recordationis Dominus Pippinus, & Dominus Carolus Excellentissimus Imperator, Prædecessores videlicet nostri, B. Petro Apostolo, & Prædecessoribus vestris jamdudum per donationis paginam contulerunt, hoc est Civitatem Ravennam, & Æmiliam, Bobium, Casenam, eorum populi, Forum Livii, Faventiam, Imolam, Bononiam, Ferrariam, Comiaculum, & Hadrianam, atque Gabellum, cum omnibus finibus, territoriis, atque insulis, terra marique ad suprascriptas civitates pertinentibus: simul & Pentapolim, videlicet Ariminum, Pisaurum, Fanum, Senogalliam, Anconam, Ausimum, Humanam, Hefim, Forum Sempronii, montem Feltri, Urbium, & Territorium Balnense, Calles, Luciolis, & Eugubium, cum omnibus finibus, & territoriis ad easdem civitates pertinentibus. Eodem modo territorium Sabinese; sicut a Domino Carolo Imperatore Antecessore nostro, B. Petro Apostolo per donationis scriptum concessum est sub integritate. Item in partibus Tusciæ Longobardorum Castellum Felicitatis, Urbem veterem, Balneum Regis, Ferentium, Viterbium, Ortem, Nartam, Tuscanam, Suanam, Populonium, Rosellas, cum suburbanis, atque viculis omnibus, & territoriis, ac maritimis, oppidis, ac viculis, seu finibus omnibus. Itemque Almus cum insula Corsica, deinde in Soriano, deinde in monte Bardonis, deinde in Bergeto, exinde in Parma, deinde in Regio, exinde in Mantua, atque in monte Silicis, atque Provincia Venetiarum, & Istria, necnon & cunctum Ducatum Spoletanum, seu Beneventanum, una cum Ecclesia S. Christi-  
stiane*

Can. 32.  
& 33.  
dist. 63.

*fiat* posita prope Papiam juxta Padum quarto militario. Item in partibus Campanie Soram, Arces, Aquinum, Arpinum, Ibeanum, & Capuam, nec non patrimonium ad potestatem, & ditionem vestram pertinentia, sicuti est patrimonium Beneventanum, & patrimonium Neapolitanum, & patrimonium Calabriae superioris, & inferioris. De Civitate autem Neapolitana cum castellis, & territoriis, & finibus, & insulis suis sibi pertinentibus, sicut ad easdem respicere videntur, nec non patrimonium Siciliae, si Deus nostris illud tradiderit manibus. Simili modo Civitatem Cajetam, & Fundum cum omnibus earum pertinentiis. Insuper offerimus tibi, B. Petre Apostole, vicarioque tuo Domino Johanni Papae, & successoribus ejus, pro nostrae animae remedio, nostrique Filii & nostrorum Parentum, de proprio nostro Regno Civitates, & oppida cum piscariis suis, idest Reatem, Amiternum, Furconem, Nursiam, Baluam, & Marsum, & alibi Civitatem Interamnem cum pertinentiis suis. Has omnes supradictas Provincias, urbes, civitates, oppida, & castella, viculos, & territoria, simulque & patrimonium pro remedio animae nostrae, & filii nostri, sive parentum nostrorum, ac successorum nostrorum, & pro cuncto a Deo conservato, & conservando Francorum populo jam dictae Ecclesiae tuae, B. Petre Apostole, & per te Vicario tuo spiritali Patri nostro Domino Johanni Summo Pontifici, & universali Papae, ejusque successoribus, usque ad finem saeculi, eo modo confirmamus, ut in suo detineat jure, principatu, atque ditione. Simili modo per hoc nostrae delegationis patrum confirmamus donationes, quas pia recordationis Dominus Pippinus Rex, & postea Dominus Carolus Excellentissimus Imperator B. Petro Apostolo spontanea voluntate contulerunt: nec non & censum, vel pensionem, seu ceteras dationes, quae annuatim in palatium Regis Longobardorum inferri solebant, sive de Tuscia, sive de Ducatu Spoletano, sicut & in suprascriptis donationibus continetur, & inter sanctae memoriae Hadrianum Papam, & Dominum Carolum Imperatorem convenit, quando idem Pontifex eidem de suprascriptis Ducatibus, idest Tuscano, & Spoletano sua auctoritatis praeceptum confirmavit: eo scilicet modo, ut annis singulis praedictus census ad partem Ecclesiae B. Petri Apostoli persolvatur: salva super eosdem Ducatus nostra in omnibus dominatione, & illorum ad nostram partem, & filii nostri subjectione. Ceterum, sicut diximus, omnia superius nominata ita ad vestram partem, per hoc nostrae confirmationis patrum roboramus, ut in vestro permaneant jure, principatu, atque ditione: & neque a nobis, neque a successoribus nostris per quolibet argumentum, sive machinationem, in quacumque parte vestra potestas imminuatur; aut a vobis inde aliquid subtrahatur de suprascriptis videlicet Provinciis, urbibus, civitatibus, oppidis, castris, viculis, insulis, territoriis, atque patrimonii, nec non & pensionibus, atque censibus, ita ut neque nos ea suburi simus, neque quibuslibet ea facere volentibus consentiamus. Sed potius omnium, quae superius leguntur, idest Provinciae, civitates, urbes, oppida, castella, territoria, & patrimonia, atque insulae, censusque, & pensiones ad partem Ecclesiae B. Petri Apostoli, atque Pontificum in sacratissima illius Sede residentium, nos in quantum possumus Defensores esse testamur, ad hoc ut ea in illius ditione ad utendum, & fruendum, atque disponendum similiter valeant obtineri salva in omnibus potestate nostra, & filii nostri, posterorumque nostrorum secundum quod in patto, & constitutione, ac promissionis firmitate Eugenii Pontificis, successorumque illius continetur, idest ut omnis Clerus, & universa Populi Romani Nobilitas, propter diversas necessitates, Pontifices irrationabiles erga populum sibi subiectum asperitates retundendas, sacramento se obligent, quatenus futura Pontificum electio (quantum uniuscujusque intellectus fuerit) canonice, & juste fiat; & ut ille, qui ad hoc sanctum, atque Apostolicum

cum

eum regimen eligitur, nemine consentiente, consecratus fiat Pontifex, priusquam talem in presentia Misſorum noſtrorum, vel filii noſtri, ſeu univerſæ generalitatis, faciat promiſſionem pro omnium ſatiſſactione, atque futura conſervatione, qualem Dominus, & venerandus ſpiritualis pater noſter Leo ſponte feciſſe dignoſcitur. Præterea alia minora huic operi inferenda prævidimus, videlicet ut in electione Pontificum neque liber, neque ſervus ad hoc venire præſumat, ut illis Romanis, quos ad hanc electionem per conſtitutionem ſanctorum Patrum antiqua admittit conſuetudo, aliquod faciat impedimentum. Quod ſiquis contra hanc noſtram inſtitutionem ire præſuſerit, exilio tradatur. Inſuper, ut nullus Miſſorum noſtrorum cuiuſcumque impeditionis argumentum componere in præſentem electionem audeat, prohibemus. Nam & hoc omnimodis inſtituere placuit, ut qui ſemel ſub ſpeciali deſenſione Domini Apoſtolici, ſive noſtra fuerint ſuſcepti, impetrata juſte utantur deſenſione. Quod ſiquis quomam illorum, qui hoc promeruerunt, violare præſuſerit, ſciat ſe periculum vitæ ſuæ eſſe incurſurum. Illud etiam confirmamus, ut Domino Apoſtolico juſtam in omnibus ſervent obedientiam, ſive ducibus, ac iudicibus ſuis ad juſtitiam faciendam; Huic enim inſtitutioni hoc neceſſario adneſſendum eſſe perſpeximus, ut miſſi Domini Apoſtolici, ſeu noſtri ſemper ſint conſtituti, qui annuatim nobis, vel filio noſtro renunciare valeant, qualiter ſinguli duces, ac iudices populo juſtitiam faciant. Hanc Imperialem Conſtitutionem quomodo obſervent qui miſſi, decernimus, ut primum cunctos clamores, qui per negligentiam ducum, ſeu iudicum, fuerint inventi, ad notiſiam Domini Apoſtolici deferant. Et ipſe unum e ducibus eligat, aut ſtatim per eoſdem miſſos ſiant ipſæ neceſſitates emendatæ, aut miſſo noſtro nobis recunſciante per noſtros miſſos a nobis directos emendentur. Hoc ut ab omnibus fidelibus ſanctæ Dei Eccleſiæ, & noſtris firmum eſſe credatur, propriæ manus ſignaculo, & nobilium optimatum noſtrorum ſubſcriptionibus hoc paſſum confirmationis noſtræ roboravimus, & bullæ noſtræ impreſſione obſignari juſſimus. Sequuntur poſt hæc ſigna Ottonis Imperatoris, nec non Epiſcoporum decem, Abbatum duorum, aliorum Comitum, ac Procerum nonnullorum, atque ita concluditur: Anno Dominicæ Incarnationis 962. indiſione 5. menſe Februarii 13. die ejuſdem menſis, anno vero Domini Ottonis imperii invictiſſimi Imperatoris 27., facta eſt hæc paſſio feliciter. Auctoritatem hujus monumenti non defuerunt, qui in dubium revocarent ea potiſſimum ratione, quod Otto primus Henrici filius ſua potius in Romano Imperio jura prorogare ſtuderit quam imminuere, quemadmodum ex Flodoardo, Regineo, Luitprando, nec non ex Romano Concilio anni 963. ipſomet præſente Ottone deducitur. Fuerunt e converſo viri graviſſimi, qui pro tuenda hujus monumenti fide ac ſinceritate non mediocriter elaborarunt. Ego tantum dixero, apud Gratianum nonnulla occurrere menda, & primum in inſcriptione canonis 32. diſt. 63. ibi: *Conſtitutio primi Henrici, & primi Ottonis cum Romanis Pontificibus*. Fruſtra adjectum fuit nomen Henrici primi, cum nullum hujusmodi negotium geſtum adpareat inter eundem Henricum, Romanosque Pontifices; neque aliter Ottonis Conſtitutioni paſſionive potuit Henrici nomen adjici, niſi quod Otto Henricum parentem habuerit, eidemque in imperio ſucceſſerit. Sane in ea parte, in qua de Eugenio Pontifice fit mentio, agnoſcenda eſt conſtitutio Lotharii Imperatoris, qui anno circiter 830. temporibus Eugenii II. ita decrevit, quemadmodum legimus in lib. 3. Legum Longobardarum tit. 11. num. 3. ibi: *Volumus, ut in electione Pontificis nullus præſumat venire, neque liber, neque ſervus, qui aliquod impedimentum faciat, illis exceptis ſolummodo Romanis, quibus antiquitus fuit conſuetudo conſeſſa*

*concessa per Constitutionem sanctorum Patrum eligendi Pontificem, & si quis contra hanc jussionem facere presumpserit, in exilio tradatur.* In ceteris exigenda erunt Gratiani verba ad nuper descriptam Constitutionem, multaque a Gratiani codicibus expungenda, quæ in eadem Constitutione desiderantur, quemadmodum nonnulla adjicienda, ut ad fidem meliorum, integrorumque codicum singula consonent. An vero jure optimo adjecta a Romanis Correctoribus fuerit postrema illa clausula canonis 33. dist. 63. *Sic me Deus adjuvet, & hæc sancta Dei evangelia*, ex eo uno, quod apud Centium Camerarium illa haberetur inter varias juramentorum formulas, facile unusquisque judicabit. Hæc itaque omnia cum suis animadversionibus non inaniter videntur in hunc locum relata; siquidem ubi quis singula singulis contulerit, non solum animo concipiet, quæ sit ferenda sententia de canone 22. dist. 63., sed & quid sentiendum sit de iis, quæ Hadriani gesta interpretaturus edisseruit Gratianus ad calcem canonis 34. eadem distinctione.

## De epistola ad Carolum.

*Con. 6. dist. 17.* Huc referri omnino debent, quæ in priore hujus operis parte fufius tradidi in cap. 43. de Concilio VII., seu Nicæno II. generali; tunc enim pluribus persequutus sum & causas, & modum, quibus Franci ab Orientalibus dissidebant, unde videbantur etiam Concilii Nicæni II. canonibus adversari. Et quidem in Galliis duplicis generis erant, qui adversus constituta Nicænz Synodi scripserant in causa colendarum sacrarum imaginum. Alii, quibus ceteroquin animus erat a vera fide non recedendi, proptereaque sacras colendi imagines, cum ingratum haberent jam Græcos veterem hæresim in Nicæno Concilio abdicasse, cujus hæreseos causa imperium Occidentale ab ipsis ad Francos translatum fuerat, veriti, ne forte ab illis deposito errore imperium recuperaretur, adhuc Græcorum mentem infectari sunt, agentes, in Orientali. Ecclesia non eum cultum sacris imaginibus decretum, qui deberetur eisdem, sed majorem illum cultum, qui soli Deo congrueret. Hujusmodi forte esse potuerunt nonnulli ex Concilii Francofurdienfis Episcopis, si illius Concilii est canon ille secundus, qui in vulgariis ejusdem exemplaribus legitur. Alii, qui scilicet contra definitionem. Ecclesie sacras imagines detestabantur, Nicæni Concilii gesta, & sanctiones irridebant; itque non solum Concilii phrasæ, & argumenta quæcumque rimabantur, atque ad strictissimam amussim exigebant, sed & profitebantur, se nullum unquam cultum sacris imaginibus præstituros. Hujus posterioris generis homines, sine dubio hæretici, plurima scripserant adversus Nicænam definitionem, atque in vulgus sparserant. Quamobrem optimum duxit Hadrianus apologiam Synodi facere, adversantium objectionibus respondere, scriptisque omnia commendata mittere ad Carolum Magnum, cujus pietate, ac religione futurum sperabat, ut hæretici compefcerentur. Hæc est epistola Hadriani ad Carolum Regem, quæ incipit *Dominus ac redemptor noster*, &c. subiecta actis Concilii Nicæni II. in Labbeana Conciliorum Collectione, cujus hic ordo est: Post præfationem sibi objecit Hadrianus sigillatim quæcumque ab hæreticis adversus Nicænam Synodum prædicabantur, atque objectis sigillatim etiam respondit. In capite 49. leguntur hæc hæreticorum verba, sive lusus causa factæ interrogationes ibi: *Quæ sit differentia imaginis*

*imaginis, & similitudinis, sive æqualitatis; quasi concludere vellent etiam colendas esse similitudines, sive æqualitates, quociescumque colendæ proponerentur imaginæ. His respondit Hadrianus: Quis de fidelibus ignorare se putat aliquando, quæ sit imago, aut similitudo, vel æqualitas? In sancta vero Catholica, & Apostolica Ecclesia humilibus datur gratia. Nam differentia Mathematicorum exterioris arte discipline fideles conservare despicunt, B. Ambrosio dicente in libro 1. de fide, ubi inter cetera inquit: Dicendum est nobis quod scriptum est: Cavete, nequis vos deprædetur per philosophiam, & inanem seductionem secundum traditionem hominum, & secundum elementa hujus mundi, & non secundum Deum. Omnem enim vim venenorum suorum in dialectica disputatione constituunt, quæ philosophorum sententia definitur, non adstruendi vim habere, sed studium destruendi. Sed non in dialectica complacuit Deo saluum facere populum suum. Regnum enim Dei in simplicitate fidei est, non in contentione sermonis. Nemo non videt quantum lucis accipiat ex Hadriani sententia ita integre descripta Gratianus canon 6. dist. 37., qui ita a Collectore exhibetur, quasi ex eo demonstrari possit, dialecticæ regulas a Catholicis viris evitandas esse, neque ullo modo illis fore inhærendum. Dialecticam illam insequitur prudentissimus Pontifex, quam Iconoclastæ hæretici collocabant in versutiis, fallacitiis nonnullis, quibus incautos decipiebant, præsertim ubi imagines una cum similitudinibus, atque æqualitatibus promiscue sumebant, ubi de cultu illarum agendum esset. Ait propterea jure optimo, a nemine ignorari, quid inter imagines intercedat, atque inter similitudines, seu æqualitates. Interea vero improbat hujusmodi hæreticorum argumenta, quasi cavillationes, ac tortuosas ingenii vias, eo stratas, quo facilius incauti ad impietatem deducantur. Eadem, quæ apud Gratianum legimus, habentur etiam apud Ivonem in cap. 229. part. 4. ubi tamen priora verba hæc sunt. Omnem vim invenorum suorum in dialectica disputantes ponunt hæretici, &c.*

## De Epistola ad Tarasium Patriarcham.

Licet in Tarasii Patriarchæ Constantinopolitani ordinatione improbatum quidpiam a Sanctis Patribus, ac præsertim ab Hadriano Pontifice fuerit, quod Laicus statim ad Episcopatum ascendisset, tamen ipse excusatione dignissimus fuit, quum non sponte, aut libenter, sed iniussu ad Pontificatum adtractus esset potius, quam adductus; illi vero, qui invitum hominem ordinandum curaverant, pietatis, ac religionis studio id moliti fuerunt. Ut enim Iconoclastarum hæresim universos propemodum Constantinopolitanorum animos occupaverat, cumque pauci autem in vera fide, ac religione consisterent, Viri boni agnoscentes Tarasium in sacras imagines pium, illustri etiam genere natum, in aula Imperatoris optime meritum, illum in Episcopum sibi elegerunt, licet laicum, futurum sperantes, ut ejus fide, pietate, doctrina, præstantia, atque auctoritate Constantinopolitana tandem Ecclesia mutaret faciem, atque ad germanam Fidem, quæ propemodum ubique in Oriente corruerat, revocaretur, imo ceteris Orientalium Ecclesiis, ut revocarentur, esset exemplo. Itaque Tarasius hisce auspiciis Episcopatum suscipiens anno circiter 785., statim de more Episcoporum recens ordinatorum misit ad Patriarchas omnes, ad ipsum Hadrianum Papam, suam fidei professionem, quæ habetur in collectionibus Conciliorum inter acta Concilii Nicæni II., actione 3. Ibidem inter cetera fidei

Con. 5.  
dist. 16.  
& can.  
29. de  
conf. 2.  
dist. 3.

dogmata, quæ Tarasius profiteretur, hæc leguntur: *Per sextam* (intellige Synodum generalem) *sicut ex duabus naturis Christum, ex quibus & est, olim esse didiceram; ita & duas naturales voluntates, & operationes ejus in utraque natura credidi, humana scilicet, & divina: submittoque anathemati Cyrum, Sergium, Honorium, Pyrrhum, Paullum, & omnes Confessatores eorum: Dogma quoque ipsorum, ut Sodomiticam vitæ, & Gomorrhiticam propaginem, amaritudinis botryonem habentes, odivi. Ipsius autem sanctæ sextæ Synodi cum omnibus dogmatibus, quæ legaliter, ac divinitus ab ea promulgata sunt, etiam depromptos canones recipio, in quibus refertur, in quibusdam venerabilium imaginum pistoris agnus digito Præcursoris exaratur offensus, qui in figura præcessit gratiæ, verum nobis per legem demonstrans agnum, Christum videlicet Dominum nostrum. Veteres ergo figuras, & umbras, utpote veritatis indicia, & præcedentes charaïleres Ecclesiæ traditos salutantes, gratiam honore præferimus, & veritatem hanc ut legis plenitudinem admittentes. Ut ergo perfectio etiam per colorum operationes in omnium vultibus depingatur, charaïlerem agni Dei Nostri Christi, qui tollit peccata mundi, secundum humanitatem etiam in Iconis ex hoc pro veteri agno definimus depingi; per eum videlicet celsitudinem humilitatis Dei Verbi considerantes, & ad memoriam conversationis, quam in carne gessit, passionis quoque, ac salutaris mortis ejus adducti, atque redemptionis, quæ hinc est mundo effusa &c. Sic se se habet latina interpretatio Græcæ Synodi, quæ edita adparet in Tom. 8. Labbeanz Venetæ editionis. Paulo aliter antiqua, & vulgata ejusdem Epistolæ editio latina his verbis: *Sextam autem* (intellige Synodum generalem) *laudo, quod ex duabus naturis Christum prædicavit, ob id etiam illi duas naturales voluntates, & operationes in alterutra natura, humana scilicet, & divina assignavit; anathemate autem execror Cyrum, Sergium, Honorium, Pyrrhum, Paullum, & omnes, qui eorum decretis insunt, veluti Sodomiticam vitæ, & Gomorrhicum palmitem amarus botros producentem, exosos habeo. Ejusdem quoque sextæ Synodi omnia, tum reïte, & divine decreta edita, traditosque canones recipio, præcipue tamen in quo assignatur quibusdam in pistoris agnum digito Præcursoris indicatum feliciter effigiari, velut in typum gratiæ, verum illum agnum Christum Deum nostrum, per legis præcessionem præfiguratum. Propterea antiquas illas pistoras, & umbras figurarum, tamquam symbola, & notas Ecclesiæ traditas, amplectimur; ipsam tamen gratiam, & veritatem prius suo honore convenientes; legis enim satisfactio hæc sunt; pistoras autem non in alium usum admittimus, nisi ut perfectius omnium conspectu, oculisque exhibeantur; quemadmodum agnus, qui peccata mundi sustulit, juxta humanam effigiem configuratus a nobis erigitur, ut ex hac ejus humiliatione altitudinem Verbi Dei considerantes, ad memoriam dispensationis in carne ejus omnia trahantur, & ad illius passionem, salutaris quoque mortem, unde mundo liberatio orta est, veluti manus duamur. &c. Sane ex his apprime liquet, unde Gratianus exceperit duos illos canones, nimirum can. 5. dist. 16., & can. 29. de cons. dist. 3., quos rectius ex Tarasio Patriarcha Constantinopolitano, quam ex monumentis Hadriani Papæ laudavisset. Quid enim aliud iidem canones continent, quam quod in argumentum fidei suæ Tarasius recens Episcopos ordinatus exhibuerat? Fateor, extat responsum Hadriani Papæ ad Tarasium, in quo eadem ferme leguntur: Verum ibidem non quid ipse profiteretur Hadrianus exprimendum voluit, sed potius laudavit Tarasium, quod ita, quemadmodum scripserat, profiteretur. Verba Hadriani hæc sunt, quæ leguntur in ipsius responso ad Tarasium, quod incipit *Pastoralibus curis*, ubi inter cetera sic habetur: *Invenimus autem in prædicta synodica Epistola sanctitatis vestræ post plenitudinem fidei, & confes-***

*sionem*



tionem sacri Symboli, & omnium sanctorum sex Synodorum, & de sacris, & venerabilibus characteribus miraculum laude, ac veneratione dignissimum contineri: quia & easdem Sanctas sex Synodos suscipio, cum omnibus regulis, quæ jure, ac divinitus ab ipsa promulgatæ sunt. Inter quas continetur; in quibusdam venerabilium imaginum pilluris agnus digito Præcursoris exaratus ostenditur, qui in figura præterit gratiæ, verum nobis per legem præstendens agnum Christum Dominum nostrum. Ergo veteres figuras, & umbras, ut veritatis indicia, & præfagia Ecclesiæ traditas amplectentes, gratiam præferimus, & veritatem, hanc ut plenitudinem legis suscipientes. Ut ergo perfectio etiam per colorum operationes in cunctorum vultibus depingatur Agni Christi Dei nostri, qui tollis peccatum mundi, secundum humanitatem, characterem, & imaginem hominis, pro veteri agno depingi desinimus, per ipsum Dei Verbi humilitatis celsitudinem considerantes, & ad memoriam in carne conversationis, tam scilicet passionem ejus, quam salutarem mortem, atque redemptionem, quæ hinc est mundo effusa, manu quodammodo reducens. Constat itaque memoratos Gratianeos canones Tarasii potius esse, quam Hadriani. At si quæramus, quoniam ille canon sit ex generalibus Synodis deprimus, in quo mentio sit sacre vetulstæ imaginis Christi Domini, vel eo usque depicti sub figura Agni a Præcurfore demonstrati, vel in posterum pingendi ad formam hominis, nullum sane alium canonem agnoscere quispiam poterit, quam canonem 82. Concilii Trullani his verbis expressum: *Inter nonnullas venerabilium imaginum picturas Agnus, qui digito Præcursoris demonstratur, depingitur, qui ad gratiæ figuram adsumtus est, verum nobis Agnum per legem Christum Deum nostrum præmonstrans. Antiquas ergo figuras, & umbras, ut veritatis signa, & characteres, Ecclesiæ traditas amplectentes, gratiam & veritatem præponamus, ut legis impletionem suscipientes.* Ut ergo quod perfectum est, saltem ejusmodi effigiatum, omnium oculis subiciatur, Agni ejus, qui tollis peccatum mundi, Christi Dei nostri, in ista hominis characterem, etiam in imaginibus deinceps veteri Agno statui juvemus, ut per ipsum Verbi Dei humiliationem mentis comprehendentes, ad memoriam quoque ejus in carne conversationis, ejusque passio, & salutaris mortis manu ducamur, ejusque, quæ ex eo facta est, mundo reddamus. Hunc Trullani Concilii canonem specialiter laudandum in sua aetate professione voluit Tarasius, quia in illis temporibus, & causarum adjunctis ejus canonis professio erat peropportuna. Forte enim adversus Tarasii ordinationem proponi poterat, illum vulgata Græcorum hæresi abductum sacrarum imaginum cultum detestari, & recepisse recentiores illas Græcorum pseudo-Synodos, in quibus negatus est honos sacris eisdem imaginibus debitus. Quamobrem nihil opportunius erat Tarasio recens in Patriarcham electo, quam ea specialiter profiteri, quæ longe a Græcorum hæresi abessent, atque hac professione animum Romanorum Pontificum sibi conciliare, a quo jam plurimi Græcorum Antistites schismate concitato defecerant. Hinc causam facile agnoscimus, cur Tarasius idem dixerit, se sanctas sex Synodos recipere generales, & apud Græcos celebratas, silentio vero præterierit posteriores illas pseudo-Synodos in causa sacrarum imaginum factas, utpote quas minime sequebatur, licet non expresse damnaverit æconomiz cujuscumque causam, ne scilicet a se Græcorum Schismaticorum animos magis averteret, quos tandem in rectam viam reducendos sperabat. Dices: cur vero Tarasius Trullanz Synodi parum probatæ canonem laudavit, in argumentum fidei suæ, imo etiam velut canonem sextæ generalis Synodi agnovit? Cur præterea Hadrianus Papa eam ipsam ob rem integram Tarasii fidem commendavit, ac libentissime suscepit? Num exinde demonstrabitur, Concilii Trullani canones æque

apud Romanam Ecclesiam, atque apud Orientales propemodum universos fuisse receptos, ac confirmatos? Non hanc fuisse arbitror Tarasii mentem, eoque minus Hadriani Pontificis. Tarasius in primis forte errore facti decipi potuit, ex vulgari Græcorum persuasione, apud quos Synodi Trullanz canones prædicabantur veluti canones Synodi VI. generalis, licet sexta generalis Synodus nullos canones edidisset; atque eo facilius decipi Tarasius potuit, quo minus erat rerum sanctionumque Ecclesiasticarum peritus, homo laicus, & e laico statim in Patriarcham electus. Quod si mihi Tarasium des in sacra prudentia Græcorum eruditissimum, atque ex animo laudantem nomine, sextæ Synodi Trullanos canones, quos sciret revera non esse sextæ Synodi; non ideo improbandam censeo ejusdem voluntatem. Etenim ut animo præconceperat in Orientali Ecclesia cultum sacris imaginibus decernendum, cepit in sua fidei professione quid ipse in ea causa sentiret, aperire perspicue, neve videretur a Græcis in sacras imagines infensus omnino dissidere, laudandum voluit Trullanum Græcorum canonem, quem ex traditione etiam Græcorum appellare canonem voluit Synodi sextæ, parum sollicitus interea de investigandis. discernendisque Synodorum orientalium canonibus, dummodo, quod tum præcipue agendum erat, cautius, atque efficacius ageretur. Quid, amabo, vehementius Græcos excutere poterat, atque ab hæresi revocare ad fidem, quam canon ille Trullanus, & quidem Concilio generali VI. tributus, quando certum est Græcos ipsos & Trullanos canones recepisse, & illos recepisse velut canones sextæ Synodi? Hunc itaque proposuit Tarasius, quo Græcorum hæresim conficere tutius meditabatur, velut æquum Græcorum Schismaticorum monumentis. Sed & animadvertere juvat verba ipsius Tarasii, ex quibus aperte non constat, Tarasium in ea fuisse sententia, ut Trullanos canones susciperet, eosdemque sextæ generali Synodo adscriberet. In eo exemplari, quod in loco superius edidi, ita legitur: *ipsius autem sanctæ sextæ Synodi... etiam depromptos canones recipio, in quibus refertur: in quibusdam venerabilium imaginum &c.* Referri asserit in canonicis sextæ Synodi Trullanum canonem de sacra Servatoris imagine, eundemque canonem se recipere professus est Tarasius; non tamen exinde professus est, canonem illum revocasse Synodi sextæ, aut se æque recipere ceteros canones Concilii Trullani. Eadem est significatio verborum, quæ habentur in secundo exemplari Epistolæ Tarasii superius edito, nec non quæ habentur apud Hadrianum referentem ipsamet Tarasii verba. Quod vero ad ipsum Hadrianum Pontificem Maximum pertinet, licet ipse probaverit, imo etiam laudaverit Tarasii professionem, in ea potissimum parte, quæ Trullanorum canonum decreta proponebantur, recepit quidem doctrinam in eo canone expressam, doctrinam sane divinæ traditioni conformem, optavit etiam Græcos omnes in eandem sententiam convenire; at de Trullanis canonibus, quorum nomen reticebat, sollicitus minime fuit, nec investigandum tunc prudenter erat, an illi recipiendi, confirmandi que forent, an præterea habendi uti sextæ Synodi canones, nec ne. Quod si sollicitius inquirendum voluisset Hadrianus, turbare quodammodo visus fuisset inopportune optima illa Græcorum Catholicorum vota, qui ceteros in hæresim Iconoclastarum ipsos ad rectam fidem reducere meditabantur. Post hæc apprime, uti decet, perspecta, nihil amplius desiderandum videtur ad rectam Gratianeorum canonum interpretationem, præsertim canonis 5. dist. 16. quem Gratianus ipse parum apte disputationi, quam susceperat, adcommo-  
davit.

## APPENDIX.

## De canone 21. cau. 1. qu. 1. adscripto Tarasio Episcopo Constantinopolitano.

Quæ multa nuper dicenda fuerunt de Tarasio Constantinopolitano Patriarcha, occasionem mihi opportunam exhibere videntur, nonnulla hoc in loco subiiciendi de canone 21. cau. 1. qu. 1., utpote qui Tarasio eidem adscribitur, ne forte aliàs eadem, quæ hic tradita sunt, regerere cogar. Itaque quod pertinet ad verba ipsa canonis 21. frustra ego elaborarem in illis exigendis ad optima exemplaria, cum abunde jam id factum fuerit a Romanis Correctoribus, qui & in ipso Gratiano Codice priorem Epistolæ partem integram ediderunt seu Græce, seu Latine. Ego adjiciam, hanc Epistolam suspectæ fidei visam fuisse viris eruditissimis, qui eandem a Theodoro Balsamone in Romanos Pontifices infenso effictam esse dixerunt. Sane legitur quidem illa post acta Synodi Nicenæ II. in exemplaribus Græcis ab eodem Balsamone depravatis, sed in antiqua collectione Latina desideratur, imo & Græcorum aliquæ collectiones, quemadmodum etiam Romani Correctores animadverterunt, egregiam injuriam inferunt in Hadrianum Pontificem; quæ sine collectiones si germanæ sunt, clarius indicant, Epistolam non ab alio factam, quam ab eo, qui Romanam Ecclesiam insequabatur, qualis erat Balsamon, nunquam vero ab eo, qui Hadriani Papæ, & Romanæ Ecclesiæ studiosus erat, qualis fuit Tarasius. Ejus Epistolæ scopus eo tendit, ut Tarasius redarguat Hadrianum Pontificem de vicio Simoniz, improbens, damnansque adductis in eam rem veterum Patrum testimoniis ordinationes data, pactave pecunia celebratas. Hujusmodi autem vitio deditum Hadrianum Pontificem nemo unquam ex Scriptoribus Ecclesiasticis, seu Historicis memoriz commendavit. Intereat Balsamonis hanc insinuare calumniam, ut vicia Romanis Pontificibus affingendo Græcorum animos a Romana Ecclesia averteret. Sunt; fateor, nonnulli, qui asseruerunt aliud pertinere Epistolæ argumentum, tradentes, Tarasium fuisse de Simonia suspectum, atque ut hanc suspensionem submoveret, Epistolam scripsisse ad Hadrianum, qua palam testaretur, quantum a Simoniz vicio abesset. Verum qui totam Epistolam legerit attentiusque consideraverit, facile dignoscet, Epistolam non se purgantis, sed potius alios reprehendentis esse. Hinc jure ac merito conjicere quispiam poterit, tribuendam hanc Epistolam esse Balsamoni jam de falsitate monumentorum adversus Romanam Ecclesiam confingendorum, corrupendorumque convicto. Ceterum non ivero inficias, ejusdem Tarasii Constantinopolitani, & Hadriani Papæ temporibus aliqua adversus Simoniacos constituta fuisse, quemadmodum argumento esse potest canon 4., & canon 5. Concilii Nicenæ II.

## CAPUT LXXII.

## De Leone III.

Omissio canonis 16. cau. 3. qu. 9., de quo superius actum est  
in cap. 42., Leoni III. videntur hæc  
a Gratiano fuisse tributa.

Ex formula { Can. 18. cau. 2. qu. 5. in variis codicibus varia formula cor-  
purgationis: pressus.

Ex epist. ad { Can. 19. cau. 2. qu. 5. pertinet ad Capitularia Caroli Magni.  
Carolus Re- { Can. 6. cau. 16. qu. 6. { incerti auctoris existunt.  
gem. { Can. 29. cau. 16. qu. 7.

**L**eonis III. Papæ vices variz fuerunt ab anno 795., quo Hadriano in Pon-  
tificatu successit, usque ad annum 816., quo mortuus est. Initio scilicet  
eximia cum sui laudē exceptus a populo Romano consentientibus omnibus, ne-  
mine discrepante non mediocriter sui nominis gloriam auxerat; deinde vero a  
Romanæ Ecclesiæ Clericis in sublimiori etiam dignitate constitutis vexatus fugæ  
se dedere debuit: Hinc ad Carolum Magnum se contulit, ejus patrocinium  
de suorum Prædecessorum more imploraturus. Princeps autem religiosissimus pro  
suo in Romanam Ecclesiam, ac Romanos ipsos Episcopos studio nihil optabilius  
executus est, quam Leonis causam, ac dignitatem in tuto collocare, quod perfecit  
Romam una cum Pontifice veniens, ubi & Leoni eidem sedato hostium  
schismate tranquilla suæ Sedis possessio restituta, & Carolus Princeps Imperatoris  
nomine saluari cepit. Interea vero non defuerunt, qui Leonem de atrocibus  
quibusdam criminibus accusarent, cujus rei causa in Urbe convocari Concilium  
postularent. Et quidem plures Episcopi eo convenerunt ipso Leone consentiente,  
qui vehementer optabat, ut de adversantium calumnia palam constaret, qua-  
ratione fieret, ne honori suo quidpiam detraheretur, aut detractum quopquo modo  
jamdiu fuisse videretur. Itaque in Concilio, ipsis Episcopis Supremi Pontificis  
causam dirimere, aut judicio definire retinentibus, ipse Leo sese a delatis crimi-  
nibus purgavit, eaque ratione, ut seditiosus exilio publicæ tranquillitatis causa  
multarentur, obtinuit. Hinc quousque Carolus Imperator vixit, fretus ami-  
cicia Principis, cui carissimus erat, pacifice Ecclesiæ præfuit; sed mortuo Carolo,  
aliquot interfuerunt similitates inter ipsum, & Ludovicum in Imperio successorem,  
causam præbentibus viris seditiosis Romæ consentientibus, qui novam Imperii  
formam in Occidente constitutam turbabant. Non tamen diu ita sese res habuit;  
liquidem brevi & Pontificis, & Imperatoris animi compositi fuerunt.

## De formula purgationis.

Tradidit Gratianus in canone 18. cau. 2. qu. 5. fragmentum formulæ illius, qua Leo III. de nonnullis, uti nuper præfatus sum, criminibus accusatus, palam in Romano Concilio sese purgavit. An vero, quæ apud Gratianum, aliove Collectores formula recensetur, eadem ipsa sit, qua Leo usus fuerit, plurimum dubito; etenim quicumque Leonis purgationem retulerunt Scriptores, aut Historici, diversam formulam descripserunt. Sic Anastasius in ejus vita inquit: *Alia vero die in eadem Ecclesia B. Petri Apostoli cum omnes adessent generaliter Archiepiscopi, seu Episcopi, & Abbates, & omnes Franci, qui in servitio ejusdem Magni Regis fuerunt, & cuncti Romani in eadem Ecclesia B. Petri Apostoli, in eorum præsentia, amplectens præfatus venerabilis Pontifex sancta Christi quatuor Evangelia coram omnibus ascendis in ambonem, & sub jurejurando clara voce dixit: Quia de istis falsis criminibus, quæ super me imposuerunt Romani, qui inique me persecuti sunt, scientiam non habeo, nec talia egisse me cognosco. Et hoc peracto omnes Archiepiscopi, Episcopi, & Abbates, & cuncti Clerici litania falsa laudes dederunt Deo &c.* In libro Romani Ordinis hæc describitur, velut formula purgationis a Leone recitata: *Nota res est, Fratres Carissimi, malos adversum me homines insurrexisse, neque ad vitam meam gravissimis criminibus infamasse. Cujus rei cognoscenda gratia Clementissimus hic, ac Serenissimus Rex Carolus una cum Sacerdotibus, ac Principibus suis in hanc Urbem se contulit. Quamobrem ego Leo Pontifex S. R. E. a nemine judicatus, neque coactus, sed mea voluntate impulsus purgo me præsentibus votis coram Deo, & Angelis ejus, qui conscientiam novit, & B. Petro Principe Apostolorum, in cujus conspectu constitimus, neque sceleratas res, quas mihi objiciunt, perpetrasse, neque perpetrari jussisse, Deum testans, in cujus judicium venturi sumus, & in cujus conspectu constitimus. Et hoc facio non legibus ullis obstrictus, neque hanc consuetudinem, aut decretum in Sancta Ecclesia Successoribus meis, & fratribus Coepiscopis imponere cupiens, sed ut certius vos iniquis suspicionibus liberem. Paullo aliter eadem formula refertur apud Burchardum, & Ivonem, quorum verba in parte descripserunt Romani Correctores post Gratianum canonem 18. cau. 2. qu. 5. Monachus quidam Sangallensis in vita Caroli Magni ita scribit: *Illic intemeratus Pater Leo assumens Evangelium Domini nostri Jesu Christi, posuit super caput suum, & in conspectu Caroli, ejusque militum, assistentibus etiam persecutoribus suis, in hæc verba juravit: Sic in die magni judicii sim particeps Evangelii, sicut immunis sum criminis falso mihi ab istis obiecti. Hinc sane adparet, purgationem quidem a Leone III. publice factam, attamen non certa, statutaque publice formula usum fuisse, quam scilicet formulam qui rem gestam scriptis commendarunt ex arbitrio verosimili quadam verborum textura juxta ea, quæ vulgo acceperant, descripserunt. Hujusmodi est canon Gratianus, cujus propterea nemo non videt qualis fides sit, & auctoritas. Unum adhuc est, quod animadvertamus ad Gratianum, qui ante memoratum canonem 18. explicans capita in eam questionem relata, quibus præstituitur accusatos purgare se debere, ait id verum esse; si reus se purgare voluerit, ut sacri canones modum, non necessitatem purgandi accusatos imponant, quod deinde adparere dicit ex auctoritate Leonis, qui data purgatione ait de seipso &c.**

U

Can. 18.  
cau. 2.  
qu. 5.

Ut traditioni suæ atque doctrinæ confirmandæ studeret Gratianus, alia in medium proferre debebat exempla reorum, qui non lege adacti, sed potius sponte purgare se vulerint. Nam Leonis exemplum meo iudicio parum accommodum esse videtur, quum supremæ in Ecclesia dignitatis ratio singularis non patiator in discrimen necessario venire coram Episcopis, neque Pontificem Maximum debere se necessario coram Episcopis purgare, ubi accusetur. Hæc plane ad alios inferioris Ordinis Clericos, aut etiam Episcopos extendi nullo modo possunt, quod ipsemet Gratianus agnovisse videtur ante canonem 19. cau. 2. qu. 5.

## De Epistolis ad Carolum Regem.

Quicumque legat verba canonis 19. cau. 2. qu. 5. in quo Leonis Papæ III. meritio fit, & ejusdem purgationis, de qua jam superius sermonem habui, statim intelligit, illum canonem Leoni III. tribui nullo modo posse. Non est tamen diutius morandum, ut auctorem queramus; Nam verba illa *genitoris nostri Pippini* satis indicant Carolum Magnum aut loquentem, aut scribentem. Revera in Capitulari Aquiligranensi anni 803. Paullino Patriarcha Aquilejensi-vices gerente Sedis Apostolicæ & Carolo Magno Imperatoriam auctoritatem explicante cap. 7. eadem propemodum verba leguntur, ibi: *Omnibus vobis visa, aut auditu notum esse non dubitamus, quod sæpissime suadente antiquo hosse, Sacerdotibus diversa crimina obijciantur. Sed quoniam qualiter ex eis ab his rationabilis examinatio, & satisfactio fiat, licet tempore bonæ memoriæ Domini genitoris nostri Pippini, sive præcis temporibus a Sanctis Patribus, & a reliquis bonæ devotionis hominibus sæpissime ventilatum fuerit; nos tamen pleniter, & ad liquidum definitum reperire minime quovimus. Nostri quippe temporibus idipsum a Sanctis Episcopis, & reliquis Sacerdotibus, & Veteris Ecclesiasticæ dignitatis Ministris nostris in regnis, seu in aliis Deo degentibus, nobisque una cum eis agentibus, sæpissime propter multas, & nimias reclamaciones, quæ ex hoc ad nos ex diversis partibus venerunt, ventilatum est. Sed qualiter consultu Domini, & Patris nostri Leonis Apostolici, ceterorumque Romanæ Ecclesiæ Episcoporum, & reliquorum Sacerdotum, sive Orientalium & Græcorum Patriarcharum, & multorum sanctorum Episcoporum, & Sacerdotum, nec non & nostrorum Episcoporum omnium, ceterorumque Sacerdotum ac Levitarum auctoritate & consensu, atque reliquorum fidelium, & cunctorum consiliariorum nostrorum consultu definitum est, vobis omnibus utriusque ordinis ministris scire volumus. Statutum est namque ratione, & necessitate, ac auctoritate prædicta consultu omnium, ut quotiescumque cuiquam Sacerdoti crimen imponitur, si ipse accusator talis fuerit, ut accipi debeat, quia quales ad accusationem Sacerdotum admitti debeant, in canonibus pleniter expressum est. Si autem, ut dictum est, ille accusator, qui canonicè est recipiendus, eum cum legitimo numero verorum & bonorum testium adprobare in conspectu Episcoporum poterit, tunc canonicè dijudicetur. Et si culpabilis inventus fuerit, canonicè damnetur. Si vero eum suprascripto prætexto adprobare ipse accusator minime poterit, & hoc canonicè definitur. Ipse ergo Sacerdos si suspiciosus, atque incredulus suo Episcopo, aut reliquis suis Confacerdotibus, sive bonis & iustis de suo populo, vel de sua plebe hominibus fuerit, ne in crimine, aut in prædicta suspitione remaneat, cum tribus, aut quinque, vel septem bonis ac vicinis Sacerdotibus, ex-*

exemplo prædicti Leonis Papæ, qui duodecim Presbyteros in sua purgatione habuit, vel eo amplius, si suo Episcopo visum fuerit, aut necesse propter tumultum populi inesse perspexerit, & cum aliis bonis, & iustis hominibus, se Sacramento coram populo super quatuor Evangelia dato purgatum Ecclesie reddat. Siquis autem scire desiderat, quales testes ad accusationem Sacerdotum recipi debeant, & quid de accusatore faciendum sit, plenius in canonibus reperire poterit. Eadem leguntur in libro 5. Capitularium cap. 36. in editione Baluziana. Eam ipsam constitutionem, similia etiam quædam in aliis Capitulis Caroli Magni, quæ de purgatione Sacerdotum edita fuerunt, reperies in tomo 1. Capitularium ejusdem Baluzianæ editionis pag. 385. Hanc stabilendi in Clericis, ac præsertim Sacerdotibus, vel Episcopis disciplinam occasio fuit peropportuna. Siquidem circa finem octavi sæculi singularia quædam recepta erant in judiciis publicis, ut, quotiescumque de crimine fieret accusatio, reus ipse & accusator, imo etiam ipsi aliquando testes sive in accusatoris, sive in rei subsidium accedentes, in singulare certamen venirent, & susceptis armis in campum prodirent, ut non rei discussa veritas, sed pugnæ ejusdem exitus controversiam definiret. Præterea ubi graves conjecturæ reum angebant, duplex proditæ, erat purgationis forma, vel per ferrum candens, vel per aquam seu calidam, seu frigidam, quo fieret, ut fato quodam cuncta dirimerentur, seu, ut melius dicam, divinæ voluntati per dubia indicia exploratæ omnia commissa viderentur. Id etsi in laicis hominibus permetteretur, non tamen decorum videbatur in clericis, quorum purgatio necessaria quidem, prout res incideret, erat, at non ea ratione faciendæ. Eam ob rem & Pippinus, & Carolus Magnus in rebus Ecclesiasticis Pontifices Maximos consulere potissimum exoptantes, imo eorum vota perpetuo sequentes, Romanorum Antistitem & suffragiis & exemplis inhaerentes, purgationis singularem formam Sacerdotibus indixerunt, qualem in nuper descripto capite exhibebam.

Incertum est ipsi etiam invicem collatis Gratiani codicibus, an canon 6. cau. 16. qu. 6., nec non canon 29. cau. 16. qu. 7. tribui debeant Leoni III. vel Leoni IV.; alicubi enim Leo III., alicubi IV. commemoratur. Si Leoni III. adscribendi forent, producenda in medium esset aliqua ejus epistola ad Carolum Magnum Imperatorem: Si vero potius Leoni IV. tribuerentur, exhibenda esset quædam ipsius epistola ad Carolum Calvum, ut omnia recte invicem consonent. Verum hujusmodi fragmenta aut inter epistolas Leonis III., aut inter monumenta Leonis IV. minime reperies, ut proinde tota auctoritas, ac fides hujus rei sit penes Gratianum, aut penes Ivonem, qui auctor extitit Gratiano. Non interest multum in investiganda canonum istorum origine elaborare; etenim, quæ sententia in illis exprimitur, plana admodum est, ac vulgaris, quam si ex aliis monumentis certissimis, ac perspicuis colligere velis, sexcenta facile ejusdem generis reperies. Quod spectat in primis canonem 6. cau. 16. qu. 6., nihil aliud ibidem adseritur, quam suprema Romanæ Ecclesiæ auctoritas, atque, erga ceteras regiminis utilitas, & si forte aliquando eveniat Præfulem ipsum inutilem apud aliquos judicari, hinc vero semper eandem Romanam Apostolicam Sedem apud omnes venerabilem esse debere. Verum quis ignorat plurima hujusce generis monumenta passim in Ecclesiasticis gestis adparere? Unum adfero depromptum ex Leone IX., qui in epistola ad Michaellem Patriarcham Constantinopolitanum ita scribit cap. 35. *Qua de re, Fratres, utinam non ad judicium no-*

strum dicamus, profecto sumus, qualis Petrus, & non sumus, qualis Petrus, quia idem sumus officio, & non idem merito. Et quotiescumque lac, & lanam, scilicet stipendium, & honorificentiam ab ovibus Dei exigimus, nulla meriti nostri ibi sit commemoratio, sed officio nostro quæritur debita recompensatio. Ac sic meritum Petri non habentes, officium autem Petri exequentes, officio nostro debitos reposcimus honores, Apostolo dicente: quamdiu minister ero, ministerium meum honorificabo. Et præmonens oves Christi ad solvendum singulis debita, ait: Reddite omnibus debita: Cui honorem, honorem &c. Quod spectat canonem 29. cau. 16. qu. 7. adnotandum in primis est, quæ in pluribus Gratiani exemplaribus leguntur quasi Leonis Papæ sint, in aliis legi partim quasi Leonis, partim quasi Gratiani Collectoris. Leonis enim esse possunt verba illa: Contra Sanctorum Patrum censuras videtur existere, si secularis, vel laicus Presbyterus ab Ecclesiis, in quibus tempore administrationis eorum, nominati, vel introducti fuerint, nitetur (ita habet Ivo cum nonnullis Gratiani exemplaribus, licet in pluribus editis legatur videtur) expellere. Cetera quæ sequuntur in vers. Si vero videntur esse potius Gratiani, quemadmodum jam animadvertit Franciscus Florens ad canones causæ 16. de antiquo jure Patronatus, ibi: Sicut & quæ in fine præcedentis canonis (nimirum can. 29. cau. 16. qu. 7.) verba subjiciuntur, si vero fundatores &c. non sunt confundenda cum præcedentibus: sunt enim Gratiani, quamvis in quibusdam codicibus confundantur. Apud Ivonem in cap. 102. partis 3. verba illa si vero fundatores usque in finem desiderantur. Atque huic argumento aliud accedere videtur, quod deducitur ex disciplina temporum sive Leonis III., sive Leonis IV., neque enim certo demonstrari potest, jamtum viguisse jura fundatorum in ea parte, qua jure necessaria subsidia ab Ecclesiis petere possent, & quidem eo jure singulari, quod recentioribus sæculis obtinuit. Ceterum quæ legimus initio Gratiane canonis plurimum consonant cum aliis Ecclesiasticis, & quidem germanis monumentis. Referam hoc in loco capitulum 9. Synodi Augustanæ temporibus Agapiti II. Papæ celebratæ anno 952. ibi: Ut laici Presbyterus sine conscientia, & consensu proprii Episcopi ab Ecclesiis eis canonice commendatis non ejicere præsumant, nec alios locum eorum subire faciant; quia ut ab Episcopis ordinantur, ita necesse est ab ipsis Ecclesias procurandas accipiant, sicut in Concilio habetur Arelateni cap. 4. Huc etiam referri possent Capitula Caroli Calvi tit. 37. cap. 11. & tit. 40. cap. 9., usque cum capite 84. libri 1. Capitularium Baluzianæ editionis, ibi: Statutum est, ut sine auctoritate, vel consensu Episcoporum Presbyteri in quibuslibet Ecclesiis nec constituantur, nec expellantur. Et si Laici Clericos probabilis vitæ, & doctrinæ Episcopis consecrandos, suisque in Ecclesiis constituendos obtulerint, nulla qualibet occasione eos rejiciant.



## De Stephano IV. seu V.

Stephano IV. seu V. videtur tributus apud Gratianum  
hic exhibitus canon.

{ Can. 28. dist. 63. *apocryphus, & Stephani temporibus minima  
accommodatus.*

Stephanus Papa, qui Leoni III. in Romana Sede successit anno 816., apud aliquos IV. hujus nominis, apud alios V. adpellatur, cujus discriminis causam facile quisquam repetet ex iis, quæ superius paucis tradidi in cap. 70. Vir fuit sacrorum canonum studiis ab adolescentia addictus, insignis Evangelii præcor, cunctis propterea acceptissimus, sed vix per menses septem Pontificatum Maximum tenuit, intereaque nihil detraxit Pastoralis sollicitudini, qua Ludovici Imperatoris animum cum Romanis prudentissime conciliaret; nam in Gallias ad Ludovicum pergens verustum illud Romanorum Pontificum, & Imperatorum, ita dixerim, fœdus quodam modo renovavit: Scriptores Ecclesiastici egregia ad eam rem Pontificis gesta perspicue demonstrant. Vulgo huic Pontifici tribui solet, quod a Gratiano traditum est in canone 28. dist. 63. Verum viris eruditissimis jamdiu visum est, hoc monumentum inter apocrypha recensendum esse. Scribit inter ceteros Severinus Binius in suis adnotationibus: *Decretum, quod sub nomine Stephani IV. de Romani Pontificis electione extat dist. 63. can. 28. quia Sanctus, Stephanus Papa esse non videtur; tum quod hac in re impostores schismatici, ut supra visum est, frequenter Ecclesie imponere studuerint; tum etiam quod Ludovicus Imperator in constitutione sub initium Paschalis Papæ a se edita de donatione facta Romanæ Ecclesie, electionem & coronationem Romani Pontificis liberam esse, neque ad aliud teneri, & obligari voluerit, quam ut post sui electionem, & consecrationem Imperatoriam Majestatem, prout Successor Stephani Paschalis fecisse conspicitur, hac de re certiore reddat. &c.* Idipsum tradidit Baronius ad annum 816., Papebrochius, Natalis Alexander, alique Catholici Viri, quibus Pagium adjungere possem ad annum 897., qui tamen fragmentum illud ad Stephanum VI. referendum censet. Sane quod ad Stephanum IV. seu V. attinet, nulla ipsi fuit occasio similia decernendi, neque Anastasius Bibliothecarius, qui Pontificum ejus ætatis monumenta adamussim refert, hujusmodi decreti ullam fecit mentionem. Clarissimus Muratorius in tomo 2. parte 2. pag. 128. Rerum Italicarum postquam Romani Concilii anno 863. temporibus Nicolai I. Pontificis celebrati canones plurimos ediderit, numero autem 11. hunc canonem descripserit: *Siquis Sacerdotibus, seu Primatibus, Nobilibus, seu cuncto Clero hujus Sanctæ Romanæ Ecclesie electionem Romani Pontificis contradicere præsumserit, sicut in Concilio Beatissimi Stephani Papæ statutum est, anathema sit;* hic putavit referri monumentum Stephani Papæ, quale apud Gratianum legimus in dicto canone 28. dist. 63., & memorans eruditorum, virorum de hac re disputationem, ita subjicit: *Alia Concilii Romani nunc mihi evulganda famosam hujus-*

hujusmodi controversiam dirimere posse videntur. En ut Nicolaus I. de electione Romani Pontificis agens, ac turbas in ea exoriri solitas eliminare cupiens, confirmat, & observandum decernit, quidquid in Concilio Beatissimi Stephani Papæ statutum est. Ergo decretum Stephani procul dubio IV. eam in rem præcesserat. Hoc autem vix aliud esse poterit, quam quod Gratiano laudatur, cui tamen si velis aliquod superadditum a subsequentis Pontificibus, non repugnabo. In Concilio quoque Romano habito sub Lamberto Imperatore, atque adeo non anno 904., ut putavit Baronius, & post eum Labbeus tom. 9. pag. 502. Collection. Concilior., sed quidem anno 898. roboratur antiqua consuetudo observata in electione Pontificis. Si antiqua tunc erat consuetudo, ergo ad tempora usque Stephani IV. Papæ illius initia non immerito deducantur. Huc usque Muratorius. Verum, dixerim venia Viri clarissimi, & de literaria Republica optime meriti, non animadvertit ipse, dum ista scriberet, ad Concilium Romanum anni 769. sub Stephano III. celebratum, ex quo depromtus est canon 3., & 4. dist. 79., ubi sine multa sunt salubriter decreta ad schismata auferenda occasione electionis Pontificis Maximi. Cum vero ad hoc Romanum Concilium commode referri possit canon Concilii Romani sub Nicolao jam superius ex Muratorio memoratus, quod exinde argumentum deduci potest ad demonstrandum canonem 28. dist. 63. jure optimo adscriptum fuisse Stephano IV., aut V.? Quamobrem cum inane propemodum sit canonem Gratiano præsidium ex canonibus Concilii Romani, quale Muratorius edidit, non video cur a sententia virosum eruditissimorum sit recedendum, qui jamdudum monumentum illud, velut proflus apocryphum, rejecerunt.

## CAPUT LXXIV.

## De Paschali.

Paschali I. tributis apud Gratianum videntur sequentes canones.

- |   |  |
|---|--|
| { | Can. 7. cau. 1. qu. 3. ad varios codices, & fragmenta canonum exigendus. |
|   | Can. 27. cau. 1. qu. 7. exigendus ad germanam Paschalis epistolam.       |
|   | Can. 60. cau. 2. qu. 7. consonat cum can. 1. Synodi Regiaticine.         |
|   | Can. 14. cau. 3. qu. 5. falso adscriptus Paschali Papæ.                  |

**E** Monasterio ad Pontificiam Sedem invitatus propemodum, ac reluctans adductus est Paschalis post obitum Stephani anno 817., & quidem eo tempore, quo nondum omnino confecta Iconoclastarum hæresis Catholicos præsertim in oriente vexabat. Plurimum ipse adversus eandem hæresim elaboravit, obitque anno 824. vir apud omnes ecclesiasticos, præsertim apud pruperes, optime meritis. Huic Pontifici an jure adscribendus sit canon 7. cau. 1. qu. 3., an potius Paschali II. plurimi dubitant. Verum cum jam similia quædam Paschali Papæ tribuerit Urbanus II. in epist. ad Lucium Præpositum S. Juventii definiti facile controversia potest,

Can. 7.  
cau. 1.  
qu. 3.

potest, tutoque adferri, ibi non Paschalem II., sed I. memorari, cum Paschalis II. Urbano II. successerit. Verba Urbani hæc sunt: *Sed & Beatus Prædecessor noster Paschalis de consecratione, & de rebus, quæ proveniunt ex consecratione, affirmat, quod quisquis alterum eorum vendit, sine quo alterum habere non potest, neutrum non venditum derelinquit.* Fateor quidem temporibus Paschalis II. similia quædam edita fuisse decreta; sic in Concilio Pictaviensi illius temporis ita legitur can. 7. *Ut præbenda non vendatur, vel ematur, neque passus inde exigatur sub excommunicatione, interdicimus.* Et in statuto Paschalis II., quod ex Codice MS. Ecclesiæ Carnotensis edidit Jacobus Perit in tomo 2. Pœnitentialis Theodori Cantuariensis pag. 420. *Nos vero sanctorum Patrum statuta sequentes, & ab omnibus ea intemerata servari volumus, easdem consuetudines penitus abdicamus, & Sancti Spiritus auctoritate prohibemus, ut pro præbendis, vel ecclesiasticis beneficiis munus aliquod exigatur.* Sed licet hæc consonent cum laudato Gratiani monumento, non tamen ad hæc ipsa referre se voluit Gratianus, cum Paschalem Pontificem canonis auctorem memoravit. Antonius Augustinus in lib. 1. Dialogo 4. de emendat. Gratiani testatur se cognovisse ex veteribus libris, hunc canonem laudari ex epistola Paschalis I. ad Mediolanenses; cui observationi consonat codex MS. Lucensis, -cujus edidit monumentum Mansius in supplemento ad Concilia Veneto-Labbeana; etenim refertur ibidem epistola hæc eadem, ex qua depromptus est Gratiani canon cum hac epigraphæ: *Epistola Paschali Papæ ad Archiepiscopum Mediolanensem.* Ex hoc autem Paschali nomine demonstrat in sua admonitione idem Mansius epistolam ad Paschalem I. pertinere, cum in codicibus vetustis Paschalis, quem hodie Primum adpellamus, Paschasius diceretur, quemadmodum inter cetera fidem facere potest canon 8. cau. 1. qu. 3. vers. *sed & Beatus*, ubi referuntur verba Urbani II. superioris exarata, sed in vetustis Gratiani codicibus pro nomine Paschalis Paschasius legitur, licet hodie a Romanis Correctoribus id fuerit emendatum. Itaque hodie non solum pro canone Gratiani vere tribuendo Paschali I., atque ad suos integros Codices, & exemplaria optima exigendo habemus testimonia Romanorum Correctorum, qui Codicem MS. Decretorum Pontificiorum retulerunt, sed etiam integram epistolam legimus apud Ivonem parte 2. cap. 84., apud Mansium ex vetusto Lucensi Codice, & apud Pezium editam in commentario in Psalmum 25. Gerohi Præpositi Reichersbergenfi. In omnibus istiusmodi exemplaribus deest versiculus nullus igitur, quem ego referendum puto ad Concilium Pictavenfe sub Paschali II. celebratum, & quidem ad ejus canonem 7. supra descriptum. Prior ejusdem Gratiane canonis verba consonant cum exemplari Ivonis, dummodo pro illis verbis Gratiani *nec alterum provenit, neutrum invenditum derelinquit*, adnotes ita legi apud Ivonem: *nec alterum haberi provenit, neutrum vendere non derelinquit.* Apud Mansium ita potius legitur: *Siquis autem objecerit, non consecrationes, sed res ipsas, quæ ex consecratione proveniunt, vendi, videtur quidem aliquid dicere, nihil autem penitus sapere.* Nam cum corporalis (notat Collector ad marginem alicubi considerari vocem corporalis) Ecclesia aut Episcopus, aut Abbas, aut tale aliquid sine rebus corporalibus, & exterioribus in nullo proficiat, sicut nec anima sine corpore temporaliter vivit; quisquis eorum alterum vendit, sine quo alterum habere non (alicubi legitur nos) provenit, neutrum non venditum non (deest alicubi hæc particula non) derelinquit. Quam tamen objectionem sacer penitus canon exterminat, &c.

Ad

Can. 27.

cau. 1.

q. 7.

Ad hoc ipsum Paschalis monumentum pertinere videtur canon 27. cau. 1. qu. 7., non quod revera eadem illic verba legantur, sed quod ad similitudinem quandam sententiarum Paschalis auctor canonis scripserit. Verba Paschalis hæc sunt: *Si anathematizati, & excommunicati, & ut vere hæretici Simoniaci, & Neophyti a numero sunt fidelium Ecclesie separati, quis non videat, quod huiusmodi Sacerdotum aut Clericorum Missa, & orationes Dominum ad iracundiam super populum provocent, quem placari talibus credebamus? Scriptum est enim: omne quod non est ex fide, peccatum est, & ut veri sacrificii locus extra Catholicam Ecclesiam non est, unde & dicitur, hæreticum hominem post primam, & secundam correctionem devota. Quomodo ergo tales Episcopos, Abbates, vel religiosos Clericos devitamus? Si eorum Missas audimus, cum quibus si vel simul oramus, excommunicationem subimus? Quos quidem Sacerdotes esse saltem credere omnino errare est, cum Petrus Simoni dicat: pecunia tua tecum sit in perditionem, quia existimasti donum Dei pecuniis possidere. Ubi cum existimasti dicitur, patet, quia non pro eo, quod fecerit, sed quia facere se posse crediderit, condemnatur, cum tamen minus sit existimare, quam credere. Cum itaque hæreticum qualemcumque esse sit certa, & indubitata damnatio, quid valet Arianos, Sabellianos, Fotinianos, impiosque Manichæos pene orbe pepulisse, si Simoniaci, & Neophytorum hæresis, quæ, ut B. Gregorius dicit, ante omnes in sancta Ecclesia diabolica fraude surrexit, quasi prima, & maxima Ecclesie castitatem sæda nimium pollutione contamineatur? Igitur in Dominum, & propter Dominum vestram excellentiam, & omnes fideles Christi rogamus, & obsecramus, si habere partem in Christo cupitis, summopere instate, ut tam sæva pestis, quæ in universos jam populos usquequaque sævienti æterna morte multavit, vestra auctoritate, & exemplo penitus destruat, ne ulterius, quod absit, in spiritum peccare, neque hic, neque in futuro sæculo remittatur. Ex hac itaque sententia, quæ detestabilem efformat Simoniacæ hæreseos imaginem, eo usque, ut prima ac præ ceteris omnibus Ecclesiam contaminaverit, quicumque auctor exitit Gratiani canonis 27. adeo progressus ulterius est, ut non solum hæreseon. omnium primam dixerit, sed & præcipuam, cujus comparisone cetera crimina pro nihilo reputentur. Non est sane hæc sententia aut Paschalis I., aut Paschalis II., neque enim quidpiam huiusmodi legitur inter eorundem Pontificum monumenta, neque, ut arbitror, alterius esse potest, quam scriptoris cuiuspiam nimio adversus Simoniacos zelo correpti, & quidem non procul ab ipsis temporibus Gratiani, qui dum vitium Simoniz insequutus est, illud crimen præ ceteris atrocissimum iudicavit. Ego conjicio eum canonem adjectum fuisse a studioso quodam ad marginem; ut enim perfecta ibidem erat causa prima, qua multa de Simoniacis damnandis ex sacris canonibus collecta sunt, ita voluit paucis completi, quod ex superioribus ipse deduxisset. Conjecturam præbet verbum illud patet, quod legitur initio huius capituli, quod significat nil aliud ibidem contineri, quam illationem ex præcedentibus. Conjecturam augeat observatio Romanorum. Correctorum, qui testantur caput illud in tribus vetustis Gratiani exemplaribus desiderari. Nemo autem ignorat, quot in veteribus manuscriptis marginales adnotationes in textum irreperint. De nomine Paschalis Papæ cum & in illis exemplaribus, quæ Romani Correctores præ manibus habuerunt, etiam desideraretur, nihil dixero: forte & ab alio studioso quopiam adjici potuit, quod notum esset Paschalem sive I., sive II. nonnulla adversus Simoniacos edidisse. Unum adhuc in hac materie animadvertendum arbitror; nimirum in descripto nuper Paschal. I. mo-*

numento perspicue distingui Simoniacos a Simoniacis hæreticis. Simoniaci hæretici illi jure dici possunt, qui non solum res sacras quoquo modo mercantur; sed & se jure mercari posse adseverant, quemadmodum temporibus Paschalis I. nonnullos hujuscemodi homines extitisse liquet ex canone 7. cau. 1. qu. 3. Simoniaci autem, qui hæretici non sunt, tantum deteriora sequuntur, cum viderint, ac probaverint bona. Atque hæc animadversio plurimum utilis erit ad habendam germanam sanctorum canonum interpretationem, ne forte confundatur Simonia cum hæresi Simoniaca, item Simoniaci cum Simoniacis hæreticis, præsertim vero ubi vel ex ipsis sacrarum legum verbis id deduci commode possit, vel ubi expendendi sint illorum temporum canones, quibus Simoniaca hæresis plurimum mentes in detrimentum Ecclesiæ gravissimum occupavit, cujusmodi sunt tempora aut Paschalis I., aut Paschalis II. Interpretis animo inhærere semper debet generalis illa regula, quæ exigit strictæ verborum significationi inhærendum esse, ubi de criminibus, & pœnis adversus crimina infligendis agatur.

Non satis constare potest, an canon 60. cau. 2. qu. 7. tribuendus sit Paschali I., an potius Paschali II. Imo nec constare satis potest, an alterutri jure optimo ascribatur; quamquam enim quod ibidem definitum est, utriusque temporibus convenire facile queat, in neutrius tamen monumentis huc usque editis reperitur. Ego potius eundem canonem referrem ad constitutiones Synodi Regiaticinæ temporibus Leonis IV. Pontificis celebratæ anno 850., ac propterea non diu post tempora Paschalis I., siquidem in canone 1. illius Concilii ita legimus: *Decrevit sancta Synodus domesticam, & interiorem Episcopi conversationem totius reprehensam, atque suspicionis impenetrabilem fieri debere, ut juxta Apostolum provideamus bona, non solum coram Deo, sed etiam coram omnibus hominibus. Oportet igitur, ut cubiculo Episcopi, & secretioribus quibuslibet obsequiis sinceræ opinionis Sacerdotes, & Clerici assistant, qui vigilantem, orantem, sacra eloquia scrutantem, Episcopum suum jugiter attendant, ejusque sanctæ conversationis testes, imitatores, & ad Dei gloriam predicatorum existant.* Eadem propemodum constitutio habetur in Concilio Parisiensi VI. anni 829. lib. 1. cap. 20., eruta ex vetustis Patribus, ac Pontificibus, ibi: *Beatus quoque Gregorius in decretis suis ita ait: verecundus mos torpore indigestionis inolevit, ut hujus Sedis Pontificibus ad secreta cubiculi servitia laici pueri, ac saculares obsequantur, & cum Pastoris vita esse discipulis semper debeat in exemplum, plerumque Clerici qualis in secreto sit vita sui Pontificis nesciunt, & ut dictum est, secularibus pueri sciunt.* De qua re præsentis decreto constituo, ut quidam ex Clericis, vel etiam ex Monachis electi, ministerio cubiculi Pontificalis obsequantur, ut is, qui in loco est regiminis, habeat testes tales, qui vitæ ejus in secreto conversationem videant, & ex visione sedula exemplum profectus sumant. Hæc igitur B. Gregorius scripserit. Ceterum siqui de hac re copiosiora exempla quærere voluerint, vitas B. Augustini, & Ambrosii, & ceterorum aliorum sanctorum virorum legant, & perspicue invenient, quod vita, & conversatio Pontificis semper testes vitæ probabilis habere debeat. Adjungi posset his canon 1. Concilii Aquisgranensis II. anno 836. celebrati, ex quibus omnibus abunde liquet, sæculo 9., ac propterea temporibus Paschalis I. sæpe ac sæpius cautum fuisse, nec suspecta vulgo haberetur vita Episcoporum, sed ut Episcopi iidem Clericis una habitantibus non tam verbo, quam exemplo in Evangelii doctrina, ac morum disciplina præirent. Saluberrimæ profecto constitutiones, illis autem præsertim temporibus accommodatæ, quibus Clerici prope-

Can. 60.  
cau. 2.  
qu. 7.

pemodum universi, ipsimet ecclesiarum Prælati, testantibus historicis omnibus, ecclesiasticis parum vacabant utilitatibus, vitæque vix in laico homine ferendam, traducebant.

Can. 14.  
c. 3.  
qu. 5.

Canon 14. cau. 3. qu. 5., qui nomine Paschalis Papæ laudatur, eodem etiam nomine relatus fuit in caput 5. Decretalium Gregorii IX. de accusationibus his verbis: *Nulli Episcoporum ab accusatione sua repellere liceat, quos antequam se ab eis impetendum cognosceret, a sua communi familiaritate neglexerit separare.* Romani Correetores animadverterunt, in uno pervetusto exemplari Gratiano idem caput desiderari eo in loco, quamquam superius alibi recenseretur, unaque Codicum varietatem observaverunt. Reperitur præterea in cap. 3. de accusationibus in antiqua 1. Collectione Decretalium edita ab Antonio Augustino. Quid ergo? Num huiusmodi canonem tanquam germanum Paschalis I., vel II. agnoscemus? Non, eo facile adduci ego possum; siquidem Nicolaus I. in epistola 8. ad Michaelem Imperatorem contendit, ne Clerici, qui sane illis temporibus Episcoporum familiares dicebantur, imo ne quicumque Episcopis subditi essent, Anistites suos accusarent. At si Paschalis I. definivisset jamdiu eos, qui Episcopi familiares extiterant, ad illorum accusationem esse admittendos, quomodo in contrarium Nicolaus I. fusa oratione disputasset, cui Paschalis I., cujus temporibus vixerat, monumenta perspektissima esse poterant, ac debebant. Quod si Paschalem II. hujus canonis credas auctorem, non video quomodo idem Pontifex non habita præ oculis famigerata Nicolai I. ad Michaelem epistola, aut forte etiam despecta respondere voluerit. Potius arbitror aut auctorem Palearum, aut auctorem I. Collectionis Decretalium voluisse sub Paschalis Pontificis nomine receptam Nicolai I. doctrinam (melius dixerim doctrinam hac in parte a Mercatoris epistolis derivatam) antiquare. Passim tradiderat Isidorus Mercator in suis pseudoeπιστολῶν multa favore Episcoporum, quos & ab inferiorum Clericorum querimoniis, & a superiorum Archiepiscoporum molestiis eximere, ac vindicare studebat. Hinc nihil repetendum sæpius voluit, quam Episcopos a nemine accusandos esse, aut judicandos. Abiit propterea hæc traditio in vulgarem disciplinam, a qua Nicolaus Pontifex non recessit; sed sequentibus sæculis nonnullorum Antistitem licentia, causam dedit, cur generaliter pristina illa traditio non servaretur, hinc Clericis conquerentibus, hinc Archiepiscopis veterem auctoritatem explicare conatis; ac tandem factum est, ut certæ accusationum regulæ præstiterentur etiam in criminibus episcopalibus, nomine Summorum Pontificum insignitæ, a generalibus juris æquitatisque principiis non abhorrentes, qualis inter ceteras adparet in memorato canone 14. apud Gregorium IX. confirmato, statim ac in ipsius Collectionem, traductus est.

## De Gregorio IV.

Successit quidem Paschali I. in Romana Sede Eugenius II., cujus nonnulla extant apud Gratianum monumenta; sed cum hæc jam in priore hujus operis parte exposita fuerint cap. 52. pag. 482., & sequentibus, non erant hoc in loco repetenda. De Valentino Eugenii successore altum fit apud Gratianum silentium: neque diu ipse Romanam Ecclesiam tenuit, unde legum ecclesiasticarum Codices augetet. Potius subsisto in Gregorio IV. successore Valentini, cui apud Gratianum hæc capita adscribuntur.

Ex epist. ad Epi- scopos Germaniz, & Galliz.	<table border="0"> <tr> <td>Can. 2. dist. 12.</td> <td rowspan="5">{</td> <td rowspan="5"><i>dubie omnes fidei, atque aucto- ritatis.</i></td> </tr> <tr> <td>Can. 5. dist. 19.</td> </tr> <tr> <td>Can. 4. dist. 45.</td> </tr> <tr> <td>Can. 11. cau. 2. qu. 6.</td> </tr> <tr> <td>Can. 42. cau. 2. qu. 7.</td> </tr> </table>	Can. 2. dist. 12.	{	<i>dubie omnes fidei, atque aucto- ritatis.</i>	Can. 5. dist. 19.	Can. 4. dist. 45.	Can. 11. cau. 2. qu. 6.	Can. 42. cau. 2. qu. 7.
Can. 2. dist. 12.	{	<i>dubie omnes fidei, atque aucto- ritatis.</i>						
Can. 5. dist. 19.								
Can. 4. dist. 45.								
Can. 11. cau. 2. qu. 6.								
Can. 42. cau. 2. qu. 7.								

Adjicitur	{	Can. 8. cau. 35. qu. 9. <i>referendus ad canonem 13. dist. 50.</i>
-----------	---	--

**A**B anno Domini 818. usque ad annum 847. Maximum Pontificatum gessit Gregorius IV. genere Romanus, & quidem ea ætate, qua res occidentalis imperii intestinis diffidiis filiorum Ludovici Imperatoris quatiebantur. Nimirum Ludovicus Caroli Magni filius ex primo matrimonio tres liberos susceperat, Lotharium, Ludovicum, & Pippinum, ex secundis autem nuptiis Carolum Calvum, quem germani fratres consortem in imperio minime patientes odio prosequabantur, simul & novercam; imo priores illi Imperatoris filii odio novercæ, & Caroli eo adducti sunt, ut arma adversus Parentem ipsum arripere, & eundem ab administratione imperii removerent. Eo res devenit, ut quantumvis Pontifex Maximus causa conciliandæ pacis arbitrium recepisset, nihil omnino obtinere valuerit. Hæc de Gregorio IV. præfari juvat, quia expendenda hoc loco potissimum est epistola ejusdem Pontificis, quæ scripta fertur ad Gallicanos, Germanos, & per universam Europam constitutos Episcopos, cui lucem brevis hæc de diffidiis Principum enarratio adferre quoquo modo potest.

## De epistola ad Episcopos Germaniæ, Galliæ, &amp;c.

*Dilectissimis fratribus universis Coepiscopis per Galliam, Germaniam, Europam, & per universas Provincias constitutis Gregorius servus servorum Dei. Ita se se habet* Gregorianæ istius epistolæ inscriptio, sub cuius finem nullus designatur aut dies, aut mensis, aut annus, quo scripta fuerit. Occasionem epistolæ dedisse fertur gravissima contentio Præfulum Francorum adversus Aldricum Cenomanensem Episcopum sub Archiepiscopatu Turonensi, quæ contentio ex eo, ut arbitror, profecta est, quod Aldricus Carolo Ludovici filio adhereret, a quo tamen ceteri Episcopi desectebant favore ceterorum fratrum ex prioris matrimonii genitorum. Itaque vulgaris est fama, adversus Aldricum ceteros Galliarum Episcopos ita fuisse commotos, ut illum ab Episcopatu deturbare convocata Synodo molirentur, ad quos propterea Gregorius dicitur direxisse epistolam pari exemplari ad ceteros Europæ Episcopos misso, præstituens, neminem ex Episcopis damnari, deponive a quopiam posse sine Sedis Apostolicæ auctoritate; & quamquam causa valeat in Synodo Provinciæ agitari coram Primate, nihil tamen, non expectata Pontificis Maximi sententia, definiendum esse. Nolo ego huiusmodi epistolam tanquam certum, indubieque prorsus fidei monumentum adferre, quandoquidem non desunt viri gravissimi, qui eam veluti supposititiam rejiciendam fore arbitrantur, ut liquet apud Pagium in annales Baronii ad annum 839., & apud Peirum de Marca lib. 5. de concordia Sacerdotii, & Imperii cap. 26. §. 9. Si illorum argumenta, qui hanc epistolam rejecerunt, ipse considerem, aut nulla sunt, aut leviora, quam quæ ad hanc rem consilendam sufficiant. At quoties res sedulo animo perpendatur, atque ad singularia illius temporis adjuncta exigatur, puto saltem concludi recte posse, epistolam illam non satis esse firmum ecclesiasticæ disciplinæ præsidium ob valde suspectam illius auctoritatem. Primam falsitatis conjecturam eruo ex eo, quod post obitum Aldrici Cenomanensis, discipuli ipsius singula ejusdem acta descripserunt, quæ ex Cenomanensis Ecclesiæ Codicibus vetustis Baluzius edidit initio tomi 3. Miscellaneorum: & quamquam in actis his quæcumque ad Aldrici causam pertinentia accuratissime recensentur, imo & monumenta, quæ ad rei gestæ enarratæque fidem faciendam conducunt, inserta sint, atque etiam memoretur quædam Gregorii IV. epistola ad Aldricum scripta, in qua Gregorius idem singularis in Aldricum benevolentię exhibuit argumenta, de altera tamen Gregorii epistola, quam in memoratis capitulis retulit Gratianus, nulla sit mentio, quandoquidem cum gravissimi illa negotii sit, non fuisset verosimiliter omittenda. Altera conjectura ex eo colligitur, quod in eisdem actis a Baluzio editis dicitur: videlicet non ibidem legitur, Aldricum ab Episcopis Gallicanæ Ecclesiæ fuisse depositum, sed tantummodo Cenomanensem Ecclesiam a militibus adversus Carolum Calvum pugnantibus occupatam fuisse odio Aldrici, qui propterea ab Urbe Cenomanensi recedere debuit. Sane si quæ contra Aldricum facta dicuntur, non Episcoporum judicio, sententiaque dependent, sed potius armis militantium, quænam Gregorio IV. esse occasio potuit scribendi ad Episcopos, suadendique, ne prius sententiam in Concilio pronunciarent, quam illa Romani Antistitis consensione confirmaretur? Præterea certum est, Gregorium IV. sese veluti pacis arbitrum exhibuisse.



buisse inter fratres Principes de imperio contententes, quamquam irritò conatu; lugebat hinc sanctus Antistes intestinas hujusmodi disceptationes, quas imperio maxime perniciosas, & prope fatales agnoverat. Videat ergo, quicumque Gregorium sese prudentissimum virum gessisse crediderit, num decuerit turbatis hisce temporibus Episcoporum universæ Galliz, Germanizque animos concutere, & quidem in ea causa, quæ junctâ videbatur cum causa Principum fratrum acerrime contentendum. Epistolæ quoque inscriptio superius exarata dubitationem augeat: ut enim illa non ad solos Galliarum Episcopos directâ fertur, sed etiam ad Antistites totius Europæ, imo & universarum Provinciarum, quis facile sibi persuadeat, ob unam, & singularem Cenomanensis Episcopi causam fuisse opus Encyclicæ epistolæ, contra quam consuetudo Maximorum Pontificum ferat? Nisi forte quisquam dixerit, eam Gregorii mentem fuisse, ut universos Episcopos in dissidium etiam vocaret in causa Aldrici, quod sane in contumeliam tanti viri, & pacis studiosissimi diceretur. Ut vero in clariori adhuc lumine hæc collocentur, separanda sunt certa ab incertis. Certum in primis est, Aldricum Cenomanensem Episcopum Imperatori Ludovico Patri charissimum fuisse, ac propterea etiam ejusdem filio Casolo Calvo, ob quorum benevolentiam plura a ceteris Ludovici filiis invidia correptis perpeti debuit incommoda; charissimum præterea fuisse Gregorio IV. Pontifici, qui, ut in actis superius laudatis legitur, Aldrico exhibuerat singularis benevolentiz monumenta, eundemque donis datis non contemnendis arctius sibi devinxerat. Certum etiam est, Gregorium Pontificem plurimum curasse, ut res imperii præsertim in Gallia fratrum dissensionibus turbatz, concussæque componeretur. Hæc sunt, quæ ex historica veritate certa deduci possunt, & extra omnem dubitationis aleam posita, quibus innixus obscurus quidam auctor epistolam composuit, eandemque Gregorio Pontifici adscripsit. Ex eo enim, quod Aldricus plura perpeffus fuerit in Gallia ex militum usu, coactus a Civitate, ac Diocesi recedere, finxit Episcopos Gallicanos adversus Aldricum adeo fuisse commotos, ut eum ab Episcopali officio deposuerint. Ex eo vero, quod Gregorius IV. sollicitudinem maximam habuit, ut res Galliarum pacarentur, finxit præterea, eundem Gregorium ad Gallicanos Episcopos de Aldrici causa scripsisse, ut nihil nisi requisito Pontifice Maximo in Provinciali Concilio definiretur. Verosimiles vixæ fuerunt, & aptæ ad fingendum, auctori epistolæ temporum, ac causarum circumstantiæ, ea præsertim ætate, qua sine discrimine apocrypha æque, ac germana monumenta passim recipiebantur. Ceterum hodie detectæ sunt deceptoris artes, cum facile unusquisque agnoscat ex iis, quæ superius tradidi, non potuisse domode inter gravissimas Principum contentiones Provincialia Episcoporum concilia celebrari, eove minus procedi ad depositiones illorum Antistitem, qui alterutri contentendum parti faverent; cum præterea probatissimum sit apud universos canonum Conciliorum Collectores, nullum reperiri eo tempore Concilium, quo de deponendo, vel de deposito restituendo Aldrico Cenomanensi tractatum fuerit in Gallia; imo potius in quibuscumque Conciliis Gallicanis tunc celebratis Aldricum Cenomanensem Episcopum sine aliorum Episcoporum controversia interfuisse, scilicet in Vormaciensi anni 833., in Aquisgranensi anni 836., in Parisiensi anni 847., & in Turonensi anni 849., alias vero Aldrici nomen non legeremus in actis Conciliorum Gallicanorum, si Aldricus idem suffragio Gallicanorum Episcoporum dignus habitus fuisset, qui ab Episcopatu deponeretur.

His videretur satis, abundeque demonstratum, epistolam, de qua in praesentia loquimur, Gregorio IV. falso tributam fuisse. Quoniam vero non desunt, qui eandem velut germanam recipiendam velint, atque probandam, curandum mihi est, ut quoad fieri potest Gregorianæ hujus epistolæ ratio, atque argumentum declaretur. Itaque Gregorius (si is epistolæ auctor est, & si vera sunt, quæ in epistola ipsa leguntur) omnibus Episcopis, ac præsertim Gallicanis indicit, causam Aldrici Cenomanensis Episcopi esse quidem primum coram Primate in Provinciali Concilio discutiendam, verum non prius definitivam sententiam ab Episcopis pronunciandam, quam Romanus Pontifex consulatur, ejusdemque censura expedietur. Hæc sane disciplina plurimum congruit cum epistolis Isidori Mercatoris, in quibus passim illa traditur, ac confirmatur, quidquid apud veteres vigeret in conspectu capitis 19. in Codice canonum Ecclesiæ Africanæ, canonis 5., & 6. Concilii Nicæni I., canonis 6. Concilii Constantinopolitani I., canonis 1. Concilii Ephesini, canonis 9. 17., & 19. Concilii Chalcedonenensis, & aliorum numero plurimorum. Ubi enim illa Collectio Episcopis fere omnibus placuit, & cum vulgo de manu in manum quasi optima traduceretur, statim cœperunt quæ ibidem legebantur sententiæ in omnibus pene ecclesiasticis monumentis interfieri. Ceterum Gregorius, si forte Aldrici causam sibi voluit reservari, neque dirimendam Provinciali Episcoporum Concilio tum reliquit, moveri etiam potuit singulari quadam ratione; nimirum non erat illa ecclesiastica simplex controversia, cujus propterea comprovinciales Episcopi judices haberentur, sed publica ad rationes dividendi inter fratres Occidentalis imperii pertinens. Gregorius autem IV. forte ad se tantummodo causam hujusmodi deferendam voluit quibuscumque inferioribus exclusis Episcopis, vel quod ipse jam inter contententes fratres sese arbitrum conciliandæ pacis exhibuerat, vel quod in scissione Occidentalis imperii Romani populi Patricius, qualis Romanus Antistes, suas interponere partes opportunum arbitrabatur, vel demum quod si soli Galliarum Antistites in ea controversia aliquatenus dirimenda sese immiscuissent, facile extimescendum erat de gravissimo pernicioso schismate in Ecclesia Occidentali. Pingamus enim vero damnatum fuisse in solo Gallicanorum Antistitum Concilio Aldricum Cenomanensem: nonne exinde reprobata quoque censebantur, aut censeri aliqua ratione poterant jura Caroli Calvi, quum non alia esset Aldrici damnandi causa, quam quod Aldricus Caroli Calvi jura fovisset? Quis vero hinc non videt, quot suboriri posuissent schismatum semina, quæ per universam Europam diffusa renovato Occidentali imperio ruinam quodammodo minitarentur? Quæ si vera esse possunt, in conspectum adferenda erunt illorum, qui eam, de qua agimus, epistolam, Gregorio tribuendam censent, ac sunt Gratianeorum capitum illinc decerptorum sententias recta interpretatione illustraturi.

Con. 11.  
can. 2.  
q. 6. Initio hujus epistolæ legimus verba canonis 11. cau. 2. qu. 6. ita ex integris exemplaribus supplenda: *Divinis præceptis, & Apostolicis saluberrimis incitatur monitis, ut pro omnium Ecclesiarum statu impigro vigilemus assensu. Et quia cunctarum divina dispensatione Ecclesiarum curam gerimus, omnibus nostræ potestatis suffragia apostolica auctoritate subvenire optamus. Quoniam divinæ virtutis, ac infirmitatis humanæ sanatio est, ut omnium Ecclesiarum negotia ad nostræ reparationis tendant assensum. Quapropter has ad vos literas destinamus, quibus decreto nostro vestram rogantes caritatem mandamus, ut si aliquis, quod non optamus, suorum æmulatorum, Aldricum*

dricum Cenomanicæ Ecclesiæ Episcopum accusare damnabiliter attentaverit, ut honoretur B. Petri Apostolorum Principis memoria, Ecclesiæ Romanæ, cui præsedet, privilegium, & nostri nominis auctoritas; liceat illi post auditionem Primum Diocesanos, si necesse fuerit, nos appellare, & nostra auctoritate, aut ante Nos, aut ante Legatos nostros ex latere missos, juxta Patrum decreta suas exercere, atque finire actiones, nullusque illum ante hæc judicet, aut judicare præsumat; Sed siquid, quod absit, grave, intolerandumque ei obiectum fuerit, nostra erit expectanda censura, ut nihil prius de eo, qui ad finem Sanctæ Ecclesiæ Romanæ confugit, ejusque implorat auxilium, decernatur, quam ab ejusdem Ecclesiæ auctoritate fuerit præceptum, quæ sic vices suas aliis imperitavit Ecclesiis, ut in partem sint vocatæ sollicitudinis, non in plenitudinem potestatis. Proinde dilectio vestra, quorum devotione gaudemus, jungat curam suam dispositionibus nostris, & det operam, ut non cuiusquam præsumptione circa memoratum fratrem, vestra provisione, vel successorum vestrorum, si ipse superstes fuerit, aliter quam hic inferum est, ullomodo decernatur, sed hæc, quæ ad ejus tuitionem, atque defensionem prædicta hic auctoritate suggesta sunt, ac salubriter ordinata, absque ulla apologia pleniter impleantur. Si autem quod non arbitramur, a quoquam secus præsumtum fuerit, & ab officio Cleri submotus, & injuriarum reus ab omnibus judicetur; ne lupi, qui sub specie ovium subintrarunt, bestiali servitia quosque audeant dilacerare, & quod sibi fieri nolunt, aliis inferre præsumant. Romani Correptores animadverterunt ad hunc canonem, Aldricum Cenomanensem interfuisse Concilio celebrato apud Sanctum Medardum, exinde inferentes illi profuisse Gregorii Epistolam. Venia dixerim gravissimorum virorum, non evidens est hujusmodi illatio, etenim Epistola hæc Gregoriana non pertinebat ad absolutionem Aldrici, sed potius ad causam Aldrici Sedi Apostolicæ reservandam. Porro hujusmodi reservatio parum prodesse potuit ad absolutionem, nisi supponere velimus, Gregorium quidem benevolò animo erga Aldricum fuisse, at viceversa Gallicanos Antitites fuisse pronos ad damnandum, & quidem iniquo judicio, Aldricum. Ego sane nec de Gregorio ita sentire possum, ut nimio studio Aldricum prosequeretur, & adversus jura sententiam diceret, nec alias de Gallicanis Episcopis univèrsis, ut Aldrico infensi illum innoxium adversus jura dampnarent. Potius inhzrendum puto illorum opinioni, qui apocrypham esse Epistolam exinde etiam colligunt; Si enim non contradicentibus Gallicanis Episcopis Aldricus in posterioribus Conciliis sedit, nullum indicium est, unde deducatur Aldricum Sedi honorisque sui iacturam, aut periculum fecisse apud eosdem Episcopos Gallicanos.

Prosequitur auctor Epistolæ, plura ad eandem rem coarctans, præ ceteris docens, ad Romanum Pontificem spectare impigre subvenire omnibus, quibus necesse fuerit, ac subjicit: Nos vero ad hunc finem omnem nostrum adjectum, curamque dirigimus, ut quod ad exaltationem Sanctæ Dei Ecclesiæ, & quod ad custodiam, & profectum pertinet Sacerdotum, nulla diffensione violetur, nulla desidia negligatur. Super quibus si quis arguere voluerit, aut extra auctoritatem facere contenderit, veniat ad Sedem Apostolicam, quo omnia Ecclesiastica negotia, de quibus quaestio habetur, consuere jussa sunt, ut ibi ante confessionem Sancti Petri mecum jussu deceret, quatenus inibi unus ex vobis sententiam suscipiat suam. Hæc sunt verba canonis 42. cau. 2. qu. 7., post quæ paucis interjectis sequuntur verba priora canonis 2. dist. 12. ibi: *Præceptum* Can. 2.  
ergo Apostolicis non dura superbia resistatur, sed per obedientiam, quæ a Sancta Roma- dist. 12.  
na, & Apostolica auctoritate jussa sunt, salutariter impleantur, si ejusdem Sanctæ Dei Ecclesiæ, quæ est caput vestrum, communionem habere desideratis. Qui autem se sciunt quibus-

Can. 42.  
cau. 2.  
qu. 7.

quibusdam (hæc omittuntur apud Gratianum, videnturque ab auctore Epistolæ excerpta ex illa Vigiliæ Papæ Epistola, quæ refertur in can. 12. cau. 2. qu. 6.) esse præpositos, non serant moleste, aliquem sibi esse prælatum, sed obedientiam, quam exigunt, etiam ipsi defendant. Unde liquet, quod omni studio devotionis unanimes divinis, & apostolicis præceptionibus parere debeatis, & in nullo inobedientes, quod ablit, effici. Nam licet plerumque accidant in Sacerdotibus &c. Hoc in loco sequuntur verba canonis 4. dist. 45., ubi tamen pro verbis illis *quam statim judicandi*, legendum est *quam statim*, & absque nostro consilio judicandi. Quæ vero apud Gratianum legimus in §. *Judei*, profecto e margine in textum irreplisse videntur, ac sunt potius summa quædam subsequæntis canonis, quemadmodum unicuique legenti facile liquet.

Can. 4. dist. 45. Post pauca sequitur in eadem Epistola canon 5. dist. 19., ubi pro illis verbis *quia majoris excommunicationis dejectione est abjiciendus*, cui &c. legendum est *quia majoris excommunicationis dejectione est exigendus*, cui &c. Tandem post multa in eadem Epistola leguntur, quæ Gratianus retulit in §. *non novum* superius memorati canonis 2. dist. 12. Nihil amplius immoror in explicandis singulis hujusmodi fragmentis; etenim jam superius exposita est integra Epistolæ sententia, si forte apud aliquos vim obtineat, ita ut nihil amplius superesse, quod possit difficultatem facere, videatur.

### De canone 8. caussa 35. q. 9.

Cum de Gregorio IV. nonnihil tradatur in canone 8. can. 35. qu. 9., videbatur hoc loco potissimum explicandus, non quidem in iis omnibus, ac singulis exemplis, quæ ibidem proponuntur, sed in eo tantummodo, quod ad ipsum Gregorium pertinet. In reliquis dicere sufficit, hoc monumentum referri commodius posse ad canonem 13. dist. 50., in quo eadem fere verba recitantur. Ait Gratianus ex libro Pontificali hæc narrari de Gregorio IV. *Gregorius IV. Theodosium, quem Eugenius Antecessor ejus presbyterii honore privaverat, Ecclesiæ Signinæ consecravit Episcopum*. Verum & hanc enarrationem falso tributam auctori Pontificalis dignoscimus, cum in Pontificali libro ne verbum quidem occurrat de Theodosio Ecclesiæ Signinæ Episcopo per Gregorium IV. designato, & ab Eugenio II. Gregorii decessore a Presbyteratu dejecto. Nihil hujusmodi legitur aut in vita Eugenii II., aut in vita Gregorii IV., quemadmodum igitur auctor integri hujus capitis in pluribus lapsus esse dignoscitur, quod suo loco demonstrabitur ad canonem 13. dist. 50., ita & in hac parte lapsus esse non temere judicabimus.

## CAPUT LXXVI.

## De Leone IV.

Nonnulla jam relata sunt in priore parte hujus operis cap. 52. pag. 482.  
 & sequentibus, quæ Leoni IV. Pontifici Maximo tribui jure  
 possunt. Pertinent illa ad Concilium Leonis ejusdem tem-  
 poribus celebratum. Plura adhuc supersunt  
 eruta ex aliis ejusdem Pontificis  
 monumentis.

Ex Epist. ad  
 Episcopos Brit-  
 tanniz. { *Can. 8. dist. 18. in aliquot Gratiani Codicibus emendandus.*  
*Can. 1. dist. 20. varius in diversis exemplaribus,*  
*Can. 5. cau. 1. qu. 7. paullo varius in aliis Codicibus.*  
*Can. 3. cau. 2. qu. 4. ex temporis illius adjunctis explicandus.*  
*Can. 4. cau. 10. qu. 1. fere consonat cum ceteris Epistolæ exemplaribus.*  
*Can. 7. cau. 26. qu. 5. ex integra Epistola supplendus.*

Ex Epist. ad  
 Vernonem Du-  
 cem Britanniz. { *Can. 10. cau. 7. qu. 1. ex aliis monumentis explicandus.*

Ex Epist. ad  
 Ebrunium, &  
 Adelfridum  
 Episcopos. { *Can. 5. cau. 1. qu. 4. falso tributus ab aliquibus Leoni III.*

Ex Epistola  
 ad Exercitum  
 Francorum. { *Can. 9. cau. 23. qu. 8. alii forte auctori tribuendus.*

Ex Epist. ad  
 Lotharium, &  
 Ludovicum Au-  
 gustum. { *Can. 9. dist. 10. ex Ivonis Codicibus emendandus.*  
*Can. 13. dist. 10. non indubiæ prorsus auctoritatis.*  
*Can. 16. dist. 63. non indubiæ prorsus auctoritatis.*  
*Can. 31. dist. 63. Leoni IV. jure tribuendus.*  
*Can. 41. cau. 2. qu. 7. potius Leoni III. adscribendus, jungendusque*  
*cum can. 18. cau. 2. qu. 5.*  
*Can. 7. cau. 23. qu. 8. { non dissonant a temporibus Leonis IV.*  
*Can. 8. cau. 23. qu. 8. {*

Ex

Ex Epist. ad  
Ritam Comi-  
tissam.

Can. 17. dist. 63. *jungendus cum can. 16. dist. 63.*

Adjiciuntur

Can. 45. cau. 16. qu. 1. *tribuendus Leoni ad Episcopos Britannia scribenti.*

Can. 3. cau. 21. qu. 1. *incertae auctoritatis.*

Can. 16. cau. 25. qu. 1. *referendus forte ad vulgatam Leonis homiliam.*

Can. 11. de cons. dist. 3. *falso tributus Leoni IV.*

**L**eonem IV., qui Romanam Sedem tenuit ab anno 847. usque ad annum 855. velut Pontificem optimum, Parentem amantissimum Romanæ Civitatis, Urbis præterea restauratorem providentissimum historici universi meritis laudibus ornaverunt. Fuit enim ille in restituenda, quæ propemodum lapsa videbatur, Ecclesiastica Cleri disciplina admodum sollicitus, quemadmodum & in præmunientiis Civibus ab impetu Saracenorum identidem fidelibus infestorum, & templa locupletissima devastantium, vallata mœnibus, ac propugnaculis, imo etiam basilicis aucta, publicisque ædificiis Urbe.

## De Epistola ad Episcopos Britannia.

Can. 5.  
can. 1.  
qu. 7.

Sollicitudinem maximam Leonis in ecclesiastica disciplina sedulo custodienda exhibet præ ceteris monumentis ipsius Epistola ad Episcopos Britannia minoris in Galia, quæ incipit *Quanto studio*. Ibidem initio candide proficitur Sanctus Pontifex, se olim in suspicionem adductum fuisse de Britannis Episcopis, ne forte in sacris ministeriis desides essent, & Ecclesiam fallerent; deinde vero animo se erectum fuisse, quod illorum agnovisset diligentiam ex eo præsertim, quia Simoniacos damnaissent, & quid de illis agendum esset Romanum Antistitem, quemadmodum & de aliis disciplinæ sacræ capitibus consuluissent. Huc, sive ad Epistolæ initium, pertinet canon 5. cau. 1. qu. 7. ibi: *Legationem denique communem omnium Episcoporum reverendissimorum nobis propositam delinquentes, requiritis de his, qui turpissimo lucro columbas in Templo Domini vendere non pertimescunt, & sua aia improba temeritate Simonis hæresi conjungunt, utrum possint in ordine pœnitentiam agere, aut tantummodo extra Ordinem, & Sacerdotalem fieri gradum: Quibus nos quidem convallis, qui tam detestabile nefas, quod jam multis est damnatum Conciliis, peregrisse noscuntur, nulla pœnitentia possumus subvenire, & tot Spiritualibus Patribus obviare, sed in illorum Patrum me sententia convenire omnibus certum sit. Integra retuli Leonis verba, qualia in vulgatis Conciliorum, Pontificaliumque Epistolarum exemplaribus edita sunt, ut inde animadvertere unusquisque illico posset, quznam sit inter Gratianum, alioque Codices utrumque vix adnotanda varietas. Statim prosequitur Leo: ita tamen ut omnia in conciliis sint Episcoporum. Nam nullam damnationem Episcoporum esse unquam censemus, nisi aut ante legitimum numerum Episcoporum, qui sit per duodecim Episcopos, aut certe probata sententia per septuaginta duos idoneos testes, qui tales sint, qui & accusare possint, & prius ad Sacra Christi quatuor Evangelia Sacramenta præstent*

Can. 3.  
cau. 2.  
qu. 4.

sunt, quod nil falsum depromant, sicut nobis Beatus Sylvester tradidit, & Romana Sancta tenere videtur Ecclesia. Et si inter eos, quos damnandos esse dixerunt homines, fuerit Episcopus, qui suam causam in presentia Romanæ Sedis Episcopi petierit audiri, nullus super illum finitivam presumat dare sententiam, sed omnino eum audiri decernimus. Verba hæc sunt canonis 3. cau. 2. qu. 4., ad quem tamen jam Romani Correetores animadverterunt, verba illa sicut nobis B. Sylvester tradidit, & Romana Sancta tenere videtur Ecclesia in Epistola Leonis manuscripta deciderari, quemadmodum etiam animadvertit Lucas Holstenius. Verum in Epistola Nicolai I. ad Salomonem Regem Brittonum, in qua eadem Leonis Epistola memoratur, eadem habentur, quæ legimus apud Gratianum: en verba Nicolai de Leone IV. scribentis. Nam qualiter, & a quot, & a quibus sanxit Episcopos condemnari, scribens eodem tempore Britannicæ Regionis Episcopis, evidenter inter cetera, ut eadem ipsa verba ponamus, decrevit, æque præcipiens, ut omnia sint in Conciliis Episcoporum. Nam nullam damnationem Episcoporum nisi aut ante (legit Hadrianus ex Codice Ms. Archivi Turonensis nisi inante) legitimum numerum Episcoporum, qui sit per duodecim Episcopos, aut certe probata sententia per septuaginta duos idoneos testes, qui sales sint, qui & accusare possint, & prius ad Sacra Christi quatuor Evangelia Sacramenta præstent, quod nil falsum depromant, sicut nobis B. Sylvester, & Sancta Romana tenere videtur Ecclesia. Quam secutus decessor meus sanctæ memoriæ Benedictus, quia contra decessoris sui decretum non ab Episcopis, sed a Laicis Episcopos in regione tua cognoverat esse dejectos, multa maestitia, & indignatione repletus scripsit, quod nulla ratio fineret Episcopos a Sedibus suis pelli, quos duodenarius numerus non eiecisset. Quorum vestigia & ego quoque sequutus eadem censui, imo & censeo, nec ullam posse Episcopos sui honoris sustinere iacturam, quos non constat fuisse a duodecim Episcopis, præsertim primamque sententiam Metropolitanæ Episcopo obtinente, cum examinarentur, auditos. Qui est crimen aliquod confessi esse dicuntur, potest credi, quod vi vel formidine facti tantum, & non confessi fuerint quod non fecerant, quia videbant Laicos, & Seculares quosque una cum Rege contra se conspirantes, quod nec saltem audierant. Siquidem qui ore tantum, & non corde profert quod dicit, non confitetur, sed loquitur, quamvis non videatur iusta confessio, quæ non legitimo provocatur examine. Integram Nicolai I. sententiam, quoad rem hanc attinet, describendam ideo censui, quia plurimum prodesse potest commodæ interpretationi Epistolæ Leonis, eo vel magis, quia Nicolaus I. eodem vixit sæculo, ac Leoni IV. post Benedictum III. successit. Itaque sive apud Leonem, sive apud Nicolaum de controversiis agitur Episcoporum in Britannia minore constitutorum. Nemo vero ignorat, tunc temporis nulli Metropolitanæ eisdem Britannicæ Episcopos aut fuisse obnoxios, aut sese obnoxios credidisse, aut etiam novi Principis occasione sese ab aliena iurisdictione subtraxisse, quemadmodum tradidi ad canonem 10. cau. 3. qu. 6., quidquid in contrarium studeat Turonensis Archiepiscopus, aliive, qui Britannos Antistites sibi subijci curabant, quemadmodum ex ejusdem Nicolai Papæ Epistola nuper memorata perspicue colligitur, ibi: quia vero magna quis sit Metropolitanus apud Britannos contentio est, licet nulla memoria sit vos in vestra regione ullam habuisse Metropolitanam Ecclesiam &c. Eam ob rem negotia illa, quæ ex generali sanctorum canonum disciplina in Conciliis Provincialibus Metropolitanæ auctoritate congregatis gerenda erant, qualis tunc habebatur causa accusandorum Episcoporum, vix geri rite poterant, cum promiscue Antistites singuli conventus facerent, qui nomine quidem tenus Provincialia concilia dicebantur, sed quia Superioris

perioris auctoritate destituebantur, satis exiguas vires habere poterant, imo ut plurimum semina effundebant discordiarum. Ubi id agnoverunt Leo, & Nicolaus Pontifices Maximi, nihil utilius Ecclesiasticæ rei esse posse arbitrati sunt, quam suadere eisdem Episcopos Britanniz, imo & ipsos Britanniz Principes, ut Britanniz Episcopatus subderentur, velut suffraganeorum jure, Archiepiscopo Turonensi. Ingrata quidem res Britannis iisdem Episcopis, quos difficile erat ad illud consilium capeffendum adducere. Quam ut necessario obeundam proponentes Pontifices Maximi asseruerunt in primis, duodecim Episcoporum suffragia requiri in dammandis Episcopis, quod si facile Britannis opportunum demonstrabatur, futurum erat, ut Turonensi Archiepiscopo, vel alteri se subjicerent; etenim in Britannia non tot Episcopatus erant, quot ad duodecim Episcoporum celebrandum conventum sufficerent, quemadmodum eveniebat, si Turonensem Archiepiscopum vel Metropolitam agnoscerent, quemadmodum revera deinde factum est, ut duodecim Episcopi essent in Provincia Turonensi, nimirum Turonensis, Andegavensis, Cenomanensis, Redonensis, Nannetensis, Venerensis, Maclovienensis, Briocensis, Dolensis, Trecorensis, Crisopitenensis, & Leonensis. En singularem rationem, quare apud Britannos opportunum fuerit definire duodecim Episcoporum numerum in dirimendis accusatorum Antistitum causis, quamquam alias definitum generaliter fuerit, in Provincialibus conciliis nulla habita ratione majoris, vel minoris numeri Episcoporum easdem controversias dirimi debere; uti liquet ex Concilio Carthaginensi vulgo IV. can. 25., ex Capitularibus Francorum lib. 6. cap. 281., & lib. 7. cap. 314. & 320., quibus addi merito potest Innocentius I. in can. 26. cau. 11. qu. 1. & in can. 14. cau. 3. qu. 6. Deinde etiam Pontifices Maximi adseruerunt, inveniri olim constitutum Episcopos dammandos non esse, nisi probata sententia per LXXII. idoneos testes. Vulgata tunc erant decreta illa, quæ adtributa fuerant Sylvestro Papæ, quæque memorat Gratianus in can. 2. cau. 2. qu. 4., ubi illa constituitur disciplina. Quæcumque autem habenda esset hujusmodi canonum auctoritas, nonnihil removere Britannos poterat a dirimendis causis Episcopalibus pro lubito, & sine Concilii Provincialis sincera sententia. Hinc illis canonibus utendum fore visum fuit opportunum Leoni, cui persuasum forte erat canones illos apud Britannos jamdiu fuisse receptissimos. Duplici quodammodo via Britannos insequabatur Episcopos Leo, quasi diceret: vel arbitramini Episcopales causas in Provinciali Concilio dirimi posse; tum vero ad Turonensem Archiepiscopum confugere debetis, velut Archiepiscopum, cujus auctoritate Synodus celebretur, qua demum ita convocata fiat, ut numerus sufficiens sit Episcoporum, qui non extat apud Britannos: vel arbitramini etiam sine Concilio posse ab Episcopis Episcopos dejici; tum vero locum habebit vulgata traditio, qua præstituitur, ne Episcopi damnentur sine interventu 72. testium, quæ cum liquido consent tum ex verbis Leonis, tum ex temporis illius, locorum, ceterisque hujusmodi adjunctis, perspicue etiam liquet, Leonem non ita excepsisse merces Isidorianas, ut crederet, quemadmodum apud Mercatorem legitur, septuagintaduorum testium numerum necessarium fore in causis Sacrorum Antistitum dirimendis in Synodo Provinciali.

Prosequitur Leo, enarrans, se de pluribus Ecclesiasticæ disciplinæ capitibus interrogatum fuisse, quibus satisfacere se asserit juxta Sanctorum Patrum vetustas traditiones. In capite 2. hæc leguntur. *Regenda vero est unaquaque Parochia sub provisione, ac tuitione Episcopi per Sacerdotes, vel ceteros Clericos, quos ipse cum Dei*  
*simore*

can. 4.

can. 10.

can. 11.



timore prævideris, cui jure pertinere videbitur, & circumire, ut sibi necessarium visum fuerit, ecclesiastica utilitate cogente. Verba hæc relata sunt a Gratiano in can. 4. cau. 10. qu. 1. ubi nonnulla in scriptura discrepant, forte etiam accuratius, ut videtur, apud Gratianum exposita.

In capite 3. hæc habentur: *De eulogiis ad Sacra Concilia deferendis nihil invenimus a majoribus terminatum, sed sicut unicuique presbytero placuerit. Nam si constitutum fuerit illo in tempore benedictiones adferri, forsitan minus libenter ad Synodos occurrunt, & magis venire detestabuntur; quæ, ut arbitror, non sunt rationabiliter requirendæ, nec ultro delatæ respiciendæ.* Sunt hæc verba canonis 8. dist. 18., quæ ideo integra descripsi, quod in aliquot Gratiani exemplaribus & quidem recentioribus corrupta agnoverim. Quæ hic Eulogiæ appellantur, apud recentiores vocantur Synodatica, nimirum quædam munera a Clericis oblata Episcopo occasione Synodi. Hæc quemadmodum exigi prohibuit Leo IV., ita etiam prohibuit Hincmarus Rhemenfis in capitulis datis Archidiaconibus & Presbyteris anno 874. num. 5. ibi: *Nolite quasi pro aliquo adjutorio ad quancumque rem denarios apud presbyteros postuletis; neque quando ad Synodum, vel pro inquisitione ministerii sui, seu pro chrismate accedendo venerint, eulogias exigatis.* In formulis antiquis Promotionum Episcopatum editis apud Baluzium in tomo 2. Capitularium Francorum extat numero 18. quærela quædam ejusdem Hincmari de illis, qui Synodos temere frequentabant, ut falliorne ministrorum suorum diverso modo denarios quasi pro eulogiis acciperent.

Can. 8.  
dist. 18.

Ex capite 4. ejusdem epistolæ depromptus est can. 7. cau. 26. qu. 5. his verbis legendus: *De experientia autem divinationum, vel maleficiorum, scriptum quidem in sacris habemus canonibus (ibi laudatus videtur canon Concilii Ancyran, seu cau. non 1. cau. 26. qu. 5.) ut ipsa verba ponamus, ita: Qui divinationes expetunt, & morem gentiliū subsequuntur, aut in domos suas hujuscemodi homines introducunt, exquirendi aliquid arte malefica, aut expiandi causa, sub regula quinquennii jaceant. Unde ad illorum similitudinem sortes, quibus cuncta vos in vestris discriminatis judiciis, nihil aliud, quam quod illi Patres damnaverunt, divinationes, & maleficia esse, decernimus. Quamobrem volumus illas omnino damnari, & ultra inter Christianos nolumus nominari, & ut abscedantur, sub anathematis interdicto precipimus.*

Can. 7.  
cau. 26.  
qu. 5.

In capite 6. seu postremo epistolæ leguntur verba canonis 1. dist. 20., quæ cum non ubique eadem omnino sint, hic exhibebo, quemadmodum in vulgatis integre epistolæ exemplaribus describuntur, adjecta etiam ubi opus est aliorum judiciorum varietate. De libellis, & commentariis aliorum non convenit aliquem judicare, & Sanctorum Conciliorum canones relinquere, vel decretalium regulas, idest quæ habentur apud nos simul cum illis in canone & quibus in omnibus (apud Ivonem legitur: simul cum canone in illis, quibus in omnibus) Ecclesiasticis utimur judiciis, idest Apostolorum, Nicænorum, Ancyranorum, Neocæsariensium, Gangrensiū, Antiocheniū, Laodicensium, Chalcedonensium, Sardicensium, Carthaginensium, Africanensium (hæc Conciliorum nomina alio ordine apud Ivonem recensentur) & cum illis regulæ Præsulum Romanorum, (Ivo: Regulæ Romanorum Pontificum) Silvestri, Siricii, Innocentii; Zosimi, Celestini, Leonis, Gelasii, Hilarii, Symmachi, Simplicii. (Adjicit Ivo: Hormisdæ, & Gregorii Junioris: e converso in collectionibus Anselmi, & Polycarpi, uti alii jam ad Gratianum adnotaverunt, desunt omnia Pontificum nomina) Isti omnino sunt, per quos judicant Episcopi, & per quos Episcopi simul & Clerici judicantur. Nam si tale emerferit, vel contigerit inusitatum negotium

Can. 1.  
dist. 20.

gotium, quod minime posset per istos finiri, tunc si illorum, quorum meministis, dicta Hieronymi, Augustini, Isidori, vel ceterorum similiter sanctorum doctrinam similium reperta fuerint, magnanimiter sunt retinenda, ac promulganda, vel ad Apostolicam Sedem referatur de talibus. Quam ob causam luculentius, & magna voce pronuntiare non timeo, quia qui illa quae diximus, Sanctorum Patrum statuta, quae apud nos canones praetulantur, sive sit Episcopus, sive Clericus, sive laicus non indifferenter receperis, ipse se convincit, (legit Ivo: ipse convincitur) nec Catholicam, & Apostolicam fidem, nec sancta vera Christi Evangelia quatuor utiliter, & efficaciter, & ad effectum (nota marginalis Ivonis habet: ad profectum) suum retinere, vel credere. Nemo hinc non videt, Leonem Britannis Episcopis proposuisse monumenta illa, quae tamquam regulas Ecclesiasticas sequi unusquisque deberet, quaeque tunc in Romanæ Ecclesiae Codice custodiebantur. At vero cum varia sint in monumentorum descriptione exemplaria, vix certo constitui potest, quibus capitibus Romanus ille codex constaret. Revera Gratianus mentionem fecit Conciliorum Constantinopolitanorum; & Ephesini, quae non memorantur aut in vulgaris epistolae codicibus, aut apud ceteros Collectores. Apud Gratianum & alios nomina Pontificum Romanorum recensentur, quae tamen, uti praenotatum est, apud aliquos Collectores desiderantur. In iis vero codicibus, in quibus nomina Pontificum exhibentur, non est constans lectio, tantum enim in quibusdam de Hormisda & Gregorio juniore fit sermo. De nomine Sylvestri non desunt, qui asseruerunt adjectum fuisse ex imprudentia, vel oscitantia Collectorum, argumento summo ex epistola 7. & 21. Hincmari Rhemensis, qui testatur suis temporibus nondum receptos Sylvestri canones fuisse, nec in Codicem redactis Romanæ Ecclesiae, quemadmodum nec in Codicem redactis fuerant ceterae decretales epistolae recens tribus vetustissimis Pontificibus opera Mercatoris. Alii etiam suspicati sunt mendum in epistolam irrepsisse, ut cum antea legeretur *scilicet Siricii* deinde ex imprudentia legi, scribe coeperit *Silvestri, Siricii*. Ego sane hac in re illud quidem observatione dignum arbitror, Leonem non protulisse sequendas decretales illas, quae Isidori nomine jam tum proferebantur, quod indicat in Ecclesiae Romanæ Codice non fuisse servatas, nec receptas, sed tantummodo decretales illas, quae in Codice Dionysii Exigui continentur. Forte movebitur quempiam Sylvestri Pontificis nomen, cujus decretales etiam Leo sequendas proposuit. Sed jam animadverterent plurimi in hac parte corruptam epistolam, sive nomen Sylvestri penitus eradentes, sive pro Sylvestro scribentes particulam *scilicet*. Ast ego licet verosimilem huius rei conjecturam deducam tum ex eo, quod non potior esse potuerit apud Leonem ratio Sylvestri, atque antiquiorum Pontificum, quorum omnium decretales aequae prodierunt ex officina Mercatoris, tum ex eo, quod eas decretales proposuerit sequendas Leo, quas in Romano canonum codice dixerat contineri, Sylvestri autem capita in Romano Codice necdum continebantur; tamen me plurimum turbat constantissima universorum codicum, & aequa in omnibus exemplaribus lectio, eo vel magis, quia idem Leo in hac ipsa epistola videtur sententias Sylvestri sequendas Britannicis Episcopis proposuisse, quemadmodum adparet ex iis, quae superius animadverti ad canonem 3. cau. 2. qu. 4., ubi Leo, quem sequutus est Nicolaus Papa ibidem etiam laudatus, ideo statuit septuaginta duorum testium numerum convenire debere in damnationibus Episcoporum, quia inter capitula Sylvestri ita constitutum legeretur. Cur itaque velut

in-

incongruum alicui videri poterit, Sylvestri capita a Leone recipienda proponi, quando Leo ipse in præcedentibus ejusdem epistolæ verbis Sylvestri canonibus usus est? Eam ego potius interpretationem caperem, (ne dixerim Leonis auctoritate probatum fuisse Mercatoris codicem, ne in ea quidem parte, in qua Sylvestri canones continentur), qua exhibetur Leo proponens sequenda decreta Sylvestri in ea tantummodo parte, quam superius proposuerat de testibus septuagintaduobus, & quidem juxta ea, quæ superius animadverti ad dictum canonem 3. cau. 2. qu. 4. hæc enim interpretatio cum præcedenti Leonis sententia sequentem necesse videtur, atque una componere.

## De Epistola ad Vernonem Britanniarum Ducem,

Testatus est Stephanus Baluzius in notis ad canonem 10. cau. 7. qu. 1., inscriptionem capituli in variis Gratiani editionibus variam fuisse; ubi enim vulgare editiones habent *Vernoni*, aliz olim habebant: *Nemmoni*, aliz *Novoni*, aliz *Nennino*, aliz *Nonnani*, aliz demum *Nemo*: Una etiam animadvertit ubique depravatam esse scripturam, & legendum potius *Nomenojo*. Revera Nomenojum temporibus Leonis fuisse Britanniarum minoris Ducem plura monumenta demonstrant. Imo quomodo sub eo Principe res Ecclesiasticæ, præsertim Episcoporum Sedes, se haberent, jam exhibui ad canonem 10. cau. 3. qu. 6., sive in cap. 50. hujus 2. partis pag. 476., ubi quæ dicta sunt, huc etiam referre oportebit, utpote plurimum convenientiam ad rectam interpretationem canonis 10. cau. 7. qu. 1. Animadvertendam illic Brittonum Episcopos fuisse a suis Sedibus deturbatos, & in locum dejectorum alios fuisse substitutos Nomenoji auctoritate. Hoc factum non improbare non potuit Leo IV., proindeque non dubito ab eodem Pontifice epistolam ad Nomenojum directam fuisse ea de causa, (quamquam integra hujus epistolæ exemplaria deperierint), Episcoposque in deturbatorum locum subrogatos, atque inter ceteros Gillardum, sive ut alii scribunt, Gislardum, fures ac latrones fuisse appellatos. Ad hanc rem plurimum facere videtur epistola 84. Lupi Ferrariensis, in qua Gallicani Episcopi scripserunt ita: *Episcopi legitimi Sedibus propriis pulsi: & ut mitius loquamur, quia dicere nolumus fures & latrones, mercenarii introducti*. Jungi etiam his posset epist. in recentioribus collectionibus 124. inter epistolas Johannis VIII. Papæ ad eosdem Brittones Episcopos directæ. Præteris vero monumentis magis ad hanc ipsam rem pertinet Nicolai I. Pontificis ad Salomonem Brittonum Regem, quæ est in Labbeana Veneta editione 22. in appendice; in ea enim hæc leguntur: *De Gislardo autem, & Alardo* (legunt alii *Auardo*). Porro erant ipsi Nannetenses Episcopi, Gislardus scilicet in locum Alardi successus) *Episcopis, de quibus scripsisti, multo alii, quam tua referebat epistola, in scrinio nostro reperimus. Licet non bene faciat Alardus, quia denuo consecrat, quos Gislardus in eo gradu dignoscitur ordinasse, tamen Alardus invenitur ante Gislardum Episcopatus officium suscepisse. Denique Sanctissimus Leo Papa Nomenojo scribens, inter cetera præcipuum virum Alardum appellat, & hunc sanum sapere, & sanum docere, vivere, ac permanere denunciat; Gislardum vero tamquam prædilli Alardi sedulum invasorem denotat. Post hæc nihil amplius addendum videtur; non solum enim hinc fides fit memoratæ Leonis ad Nomenojum epistolæ, sed etiam qualis Gislardi fuerit causa apertissime demonstratur.*

De

Can. 10.  
cau. 7.  
qu. 1.

## De Epistola ad Ebrunium, & Adelfridum Episcopos.

Can. 5. Epistola ad Ebrunium, & Adelfridum Episcopos, quæ memoratur in canone 5.  
can. 1. cau. 1. qu. 4. in aliquibus codicibus Leoni IV., in aliis Leoni III. adscribitur.  
qu. 4. Perit illa, nec aliud, præterquam apud Gratianum, ejusdem monumentum existit. Privata quædam causa, quam diremit ibidem Sanctus Pontifex, non adeo visa est movere Collectores Decretalium, ut de epistola illa solliciti essent. Ex conjecturis, quæ in hanc rem adferri possunt, ego arbitror emendam in primis inscriptionem, ut legatur non *Ebrunio, & Adelfrido Episcopis*, sed potius *Erpuino, & Hermenfrido Episcopis*. Interfuerunt hi duo Erpuinus Silvanectensis, Hermenfridus Bellovacensis in Gallia Episcopi Concilio Carisiaco anni 849., subscripseruntque Synodice Concilii Parisiensis ejusdem anni ad Numenorum Ducem. Exinde, autem cum illorum Episcopatus incidat in tempora Leonis IV., jam facile conjicitur custodiendam potius vulgarem Gratiani editionem, quæ exhibet Leonem IV. epistolæ auctorem, quam alias, quibus Leo III. laudatur. Et quidem cum ex iis, quæ superius ex ceteris Leonis IV. epistolis deducuntur, facile inferatur, in Gallia frequentes fuisse Episcoporum dejectiones, & substitutiones aliorum Antistitem in locum ac vicem dejectorum, mirum non est, si eisdem in Provinciis quædam similia contigerint in Presbyteris, quos hodie Parochos appellaremus, ut unus in locum alterius per vim dejecti sufficeretur, quemadmodum legitur in dicto canone 5. cau. 1. qu. 4. Sacerdos ille, de quo in eodem canone sermo fit, forte videri poterit Godelgarius, de cujus causa actum est in Concilio Lugdunensi anno 848., de qua apud Labbeum in tomo 9. Venetæ editionis pag. 1051. & sequentibus.

## De Epistola ad Exercitum Francorum.

Can. 9. Temporibus Leonis IV. nemo ignorat Romanam ditionem, ipsam præsertim  
can. 23. urbem, Sarracenorum armis fuisse conculsam, & quidem ea vi, quæ duntius, ac  
qu. 8. repetito sæpe ac sæpius impetu perduravit. Vidit quidem Leo initio sui Pontificatus liberam ab incursionibus hostium Romam, turpiterque labefactam restituit, sed post aliquot annos pati rursus debuit minas acres validissimæ classis eorundem Sarracenorum, adversus quos propterea impetrato novis ad id editis orationibus divino auxilio, uti refert auctor libri Pontificalis, deinde adjutus Neapolitanorum instructis copiis sibi & suis optatam peperit tranquillitatem, licet hanc rursus turbaverint novo misso hostes exercitu post Leonis obitum, unde Pontificibus Maximis illius successoribus novis curis, anxiusque sollicitudinibus opus fuisse monumenta ferme omnia nominis sæculi abunde testantur. Hinc forte dixeris, canonem 9. cau. 23. qu. 8., qui Leoni IV. alloquenti Francorum exercitum adscribitur, eisdem Pontifici convenire, licet de integra Leonis ejusdem epistola non constet: nimirum dixeris Leonem IV. concitasse Francos milites in sui suorumque auxilium acce-

accedentes, ut adversus Sarracenos alacri contentione pugnarent, coelestium primum spe proposita morituris, quod belligerassent *pro veritate fidei & salvatione Patriæ, ac defensione Christianorum*. Verum ego plurimum dubito, ne satis recto judicio hæc Leoni IV. tribuantur. In primis enim cum non aliunde de monumento hoc constet, quam ex Gratiano, aliisque fere contemporaneis Colledoribus, Ivone nimirum, & Panormiz auctore; horum autem Colledorum codices non perpetuo, ac constantissime hoc ipsum caput Leoni tribuerint, ignoro, quomodo firma consistere possit ipsorum auctoritas. Unum ego habeo Gratiani vetustum Codicem, in quo idem canon 9. una cum canone precedenti sive 8. adscribitur Gregorio Papæ, reticito prorsus nomine Leonis. Idemmet Gratianus in can. 46. cau. 23. qu. 5. similia recitat ad exercitum Francorum directi nomine Nicolai, licet hæc ipsa verba Nicolao tributa apud Gratianum. Ivo æque tribuerit Leoni IV. Francorum exercitum alloquenti in parte 10. cap. 87. Decreti. In Panormia, quam primum habebat Antonius Augustinus, videbatur idem canon adscriptus Alexandro II., ut ipse testatur in Dialogo 19. lib. 2. de emendat. Gratiani. In Panormia, quam primum habebat Varespen idem canon 9. laudabatur sub nomine Nicolai Papæ, uti scribit idem auctor in brevi Commentario ad 2. partem Gratiani ad quæstionem 8. causæ 23. Præterea animadverto, nullam potuisse suboriri occasionem Leoni IV. ita alloquendi Francorum exercitum; etenim; ut auctor Pontificalis, alique scriptores enarrant, in Sarracenis conficiendis, non aliis subsidium advenientibus usi fuere Romani, quam Neapolitanis, finimitisque populis. Itaque melius alii ex Pontificibus, & quidem ejusdem sæculi tribuetur: neque enim repugnat; cum iis aut similibus formulis usi tunc fuerint Pontifices Maximi in excitandis militibus, ut adversus Patriæ æque, ac Fidei hostes pugnarent. Referam ad hanc rem verba Johannis VIII. ita scribentis in epistola 21. ad Carolum Imperatorem, quem precabatur, ut auxilium adversus Sarracenos suppeditaret: *Occurrite strenue, subvenite celeriter, & manu consolationis vestræ ab oculis nostris tandem abstergete lacrymas, quatenus super illis & presentialiter Deo propitio gaudeatis, & in futuro frequentis, ac laudabilis reliquæ fama supersite cum Christo perpeses in caelestibus imperetis*. Quoniam vero verba illius canonis videtur Gratianus depromissey ex decreto Ivonis parte 10. cap. 87., atque apud Ivonem pleniora sunt, juvabit integra hic referre. Ita legitur ibidem: *Idem (nimirum Leo IV. superius laudatus) exercitus Francorum. Omni timore, ac terrore deposito contra inimicos sanctæ fidei, & adversarios omnium regionum (Gratianus scripsit religionum) viriliter agere studete. Item. Ubi usque nunc Parentes vestri publicum moverunt procinsum, semper villiores extiterunt, nullaque eos multitudo populi superare potuit: non enim audivimus, ut aliquando hæc fama villioris reverf fuisset. Item. Omnium vestrum nosse volumus charitatem, quoniam quisquis (quod non optantes dicimus) in hoc belli certamine fideliter mortuus fuerit, regna illi caelestia minime negabuntur. Novit enim omnipotens, si quislibet vestrum morietur, quod pro veritate fidei, & salvatione Patriæ, ac defensione Christianorum mortuus est: ideo ab eo prætitulatum præmium consequetur*.

De epistolis ad Lotharium, seu ad Ludovicum Augustum.  
Item ad Ritam Comitissam.

Jungendas arbitratus sum epistolas, quæ a Leone ad Lotharium Augustum scriptæ feruntur, cum iis, quæ scriptæ esse feruntur ad Ludovicum Augustum, si e. quod apud Gratianum frequentissime duorum hæc Imperatorum nomina in inscriptionibus capitum promiscue usurpantur, siye quod apud eundem Gratianum laudetur Leonis epistola ad utrumque scripta, ad Lotharium scilicet, & Ludovicum Augustos. Non defuerunt, qui aliquot hujusmodi fragmenta retulerint potius ad Leonem III., etenim Herimannus Conringius canonem 41. cau. 2. qu. 7. Leonis III. adscribendum voluit, quia sub Leone IV. summa imperii erat penes Lotharium, non autem penes Ludovicum, quia insuper ex eo canone deducitur quasdam inter Augustum, & Pontificem similitates intercessisse, quæ tamen inter Leonem IV., & Lotharium nullæ fuerunt, sed fuisse potius inter Leonem III., & Ludovicum Pium anno 815. Eginhardus in annalibus testatur. Alii vero de auctore parum solliciti ad sententias potius accedentes fragmentorum illorum, quæ apud Gratianum eo nomine leguntur, variis interpretationibus se divinasse saltem aliquid crediderunt. Ego laudo singulorum curam, ac sollicitudinem, qui dum carent non autographo tantum, verum etiam exemplari integre epistolæ, ex variis personarum, causarum, locorum, ac rerum adjunctis aliquid conicere conati sunt. Interea tamen illud puto adferri posse, Leonem IV., & ad Lotharium, & ad Ludovicum Lotharii filium Imperatores epistolas scripsisse, cum uterque Leonis IV. temporibus imperium gessisse facile comprobetur; quod si inverosimile videri laudato Conringio potuit, deceptus forte ipse fuit, quod dum legeret Ludovici Augusti nomen, istud retulerit non ad Ludovicum Lotharii filium, sed ad Ludovicum Pium Lotharii patrem, & filium Caroli Magni.

Can. 9.  
dist. 10.

Ex epistola Leonis IV. ad Lotharium Augustum depromptus dicitur canon 9. dist. 10., ubi mendum subesse notaverunt Romani Corredtores ex antiquiore sane Ivonis collectione corrigendum. Ita scripsit Ivo in parte 4. cap. 176. *De capitulis, vel præceptis imperialibus vestris, nostrorumque etiam Pontificum Prædecessorum irrefragabiliter custodiendis, & conservandis quanto valuius, & valemus propitio Christo, & nunc, & in ævum conservaturos modis omnibus proficemur. Et si forsasse quilibet vobis aliter dixeris, vel discurus fueris, sciatis eum pro certo mendacem.* Non memoro hic quid Glossographi tradiderint ad vocem illam *vestrorumque*, quæ habetur in editione Gratiani, utpote supervacaneam post factam ex codice Ivonis emendationem. Tantum proferam quid ad eam rem scripsit Antonius Augustinus in lib. 1. de emendat. Gratiani Dial. 19. ibi: *A. vox Pontificum, aut vox Prædecessorum supervacanea est. Agitur enim de capitulis, sive capitularibus Imperatorum, quæ Lotharius postulabat a Pontifice Romano servari. Quamobrem omissa voce Pontificum, velle dicitur vestrorumque Prædecessorum. Si vero vox Pontificum retineatur, de Pontificibus, hoc est Episcopis, intelligi oportet, qui capitularia in Synodis cum Imperatoribus fecerunt; vox Prædecessorum omitti debet, &c.* Nemini sane hæc displicere poterunt, nisi quispiam forte notandum arbitretur, fingi sine teste, aut sine scriptis codicibus Lotharium a Romano Pontifice postulasse, ut Imperatorum Capitularia

pitularia custodirentur. Quid enim? Num quia etiam Leo IV. scripsisse dicitur, capitula, & praecepta Praedecessorum Pontificum custodiri debere, suspicari etiam licebit de ea re dubium apud Lotharium fuisse? At vero vel ipsa Imperatorum capitula, ac praecepta ipsimet Pontifices Maximi comprobaverant, per Legatos saltem suos, quemadmodum legitur in capite ultimo libri 7. Capitularium ibi: *Maxime trium ultimorum capitula istorum librorum apostolica sunt cuncta auctoritate roborata, quia his cudentis maxime apostolica interfuit legatio*. Ego sane arbitror nihil aliud Leonem IV. illis loquendi formulis voluisse, quam significare, quo animo, & Praedecessorum Pontificum, & Imperatorum statuta reciperet ac custodiret, eo nimirum, quo leges sanctissime sapientissimeque editas custodiri decebat. Neque vero admittendum ullo modo videtur, quod aliqui asseruerunt, Leonem. ita scripsisse, aut quod nimio timore angeretur, cum Imperatorem alloqueretur, aut quod assentiendo capitularibus Imperatoriis facilius obtineret Legum Romanarum receptionem, quod demonstrari posse putant ex can. 13. dist. 10., aut quod ea ratione facilius impetratum se crederet Romanis liberam Maximorum Pontificum electionem, aut demum quod Leo a praeconcepta suspicione de neglectu Capitularium se purgandum voluerit, quemadmodum scripsit Baluzius in praefatione Capitularium Francorum num. 23. ad ipsam etiam Glossographorum auctoritatem confugiens, quam aliis in speciebus facile neglexisset. Non aliam. video ita scribendi causam esse potuisse Leoni, quam quae fuit ceteris ecclesiasticis Patribus, qui eodem saeculo custodiendas Capitularium leges saepe ac saepius indixerunt. Sic in Concilio Meldensi anni 895. cap. 78. statutum legimus: *Us capitula ecclesiastica a Domino Carolo Magno Imperatore, nec non a Domino Ludovico Pio Augusto promulgata, obnixè observari praecipiantur, sicut & legalia observanda esse noscuntur*. Junge his Johannis IX. in Synodo Ravennatensi anni 904. suggestionem, qualem exhibet memoratus Baluzius in laudata praefatione Capitularium. num. 26., adde etiam leges Longobardorum lib. 3. tit. 37.

Ad eandem epistolam Leonis Lothario Augusto scribentis vulgo traditur pertinere canonem 13. dist. 10., imo etiam quandam velut conventionem continere initam inter Pontificem Maximum, & Imperatorem, cujus vi sicut Pontifex profitebatur, se recepisse Capitularia Imperatorum, ita ab Imperatoribus recipi Romanas leges postulare. Sunt istae meo judicio divinationes, ne levibus quidem conjecturis innixae. Qui animadversiones in hunc canonem Gratianae editioni adiecerunt, asseruere, Lotharium visum esse populo Romano, quod Leo hic petierat, concessisse, eoque argumento comprobant, quod in legibus Longobardicis habeatur, statuisse Lotharium, ut interrogaretur populus Romanus, qua vivere lege vellet. Constitutio Lotharii habetur in legibus Longobardorum lib. 2. tit. 57. Sed hujusmodi observationem manifesto argumento Baluzius improbat in praefatione ad Capitularia Francorum num. 24. ita scribens: *Porro decretum Lotharii, quod Corredtores Romani, ac post eos Baronius, existimant datum esse ad postulationem Leonis IV., quodque illi descriperunt ex codice legis Longobardorum, diu ante promulgatum fuerat, quam idem Leo locaretur in sede B. Petri*. Condutum enim a Lothario fuit anno 824. tempore Eugenii II., ut legitur in veteri Codice MS. Bibliothecae Thuanae, & in Collectione canonum Cardinalis Deusdedit, ex qua *Hottensis Capitulare* editis, in quo caput istud continetur. Itaque etiam ex hoc capite. corrui opinio Baronii de passis iniis inter Leonem Papam, & Imperatores Lotharium,

Can. 13.  
dist. 10.

Tom. III.

MI m

rium,

rium, & Ludovicum. Edita habemus Capitula quorundam sub nomine Lotharii Imperatoris in tom. 2. Capitularium Baluzianæ editionis pag. 317. Romæ constituta sub Eugenio II. Pontifice, ubi tit. 1. cap. 5. hæc leguntur: *Volumus etiam, ut omnis Senatus, & populus Romanus interrogetur, quali vult lege vivere, ut sub eam vivat, eisque denuntietur, quod procul dubio si offenderint contra eandem, eidem legi, qua profitentur ex dispositione Domini Pontificis, & nostra omnimodis subiaceant.* In titulo autem 2. eadem fere verba leguntur cap. 4., ad quæ Baluzius in notis ita animadvertit: *Vetus nota marginalis in uno codice Regio: non est putandum populum Romanum ulterius esse interrogandum, quandoquidem Romana lege confessi sunt se vivere eo tempore.* Hæc si vera sunt, forte suberit dubitatio, num canon ille 13. dist. 10. Leoni IV. tribui merito possit; si enim jam ante tempora Leonis supponitur Romanum populum ex Lotharii constitutione potuisse Romanis legibus vivere, frustra Leo idem inducitur Lotharium exorans, ut Romanis concederetur vivere lege Romana. Ivo Carnotensis plura retulit sub nomine Leonis IV. ad Lotharium Augustum scribentis, quam habeantur apud Gratianum, nimirum in parte 4. cap. 181. ibi: *Habetis de hoc apud Deum retributionem non modicam, si antiquæ legis dogmata minime observantes vestra imperiali censura pro viribus castigatis, atque corrigitis. Item: Vestram flagitamus clementiam, ut sicut hactenus Romana lex vixit, absque universis procellis, & pro nullius persona hominis reminiscatur esse corrupta, ita nunc suum robur, propriumque vigorem obtineat.* Imo & sub nomine ejusdem Leonis scribentis ad Vvidonem Comitem simile fragmentum. legitur in capite sequenti 182. his verbis: *Valde indignum est, futuris gentibus etiam contrariam tam gloriosam legem, quam multi retro custodierunt Imperatores, nunc suam vim perdere, ac injuste damnari.* Sed illud unum pro certo haberi debet in hac re, Romanas leges semper vim obtinuisse suam, etiam ubi Romanum imperium variis vicissitudinibus fuit obnoxium, aliamque regiminis formam accepit; & licet novæ leges in medium prodierint in Europa, inter ipsas tamen veterem Romanorum sapientiam perpetuo præluxisse, quod in ipsa primigenia juris optimi semina inesse dignosceretur. Hinc Longobardi, qui septimo labente sæculo Italiam invaserant, facile inducti sunt, ut ex ceteris, quæ perdere voluerunt, unam juris Romani prudentiam Italis omnibus incolumem, perpetuamque relinquerent. In legibus ipsis Longobardorum lib. 2. tit. 7., & tit. 56. cautum, ut si mulier Longobarda nupserit Romano juxta Romanas leges ipsa etiam viveret; item ut Romani juxta leges suas successiones haberent, & conventiones inter vivos celebrarent. Carolus Calvus in Capitalari Pistensi anni 864. cap. 20. ita sanxit: *In illis autem regionibus, in quibus secundum legem Romanam judicantur judicia, juxta ipsam legem committentes talia judicentur, quia super illam legem, vel contra ipsam legem nec antecessores nostri quodcumque capitulum statuerunt, nec nos aliquid constituimus;* & in cap. 28. *De illis autem, qui secundum legem Romanam vivunt, nihil aliud, nisi quod in eisdem continetur legibus, definimus.* Hieronymus Bignonius in notis ad Marculum lib. 1. cap. 40. memorat Constitutionem Chlotarii Regis nondum editam, sibi que communicatam ab Jacobo Sirmondo, in qua inter cetera hæc legebatur: *Inter Romanos negotia causarum Romanis legibus præcipimus terminari.* Passim vero subsequen-  
tium sæculorum monumenta plurima  
superfunt, ex quibus liquet, veteres Romanorum leges coli perpetuo consuevisse, usque donec illarum studium vigere deinde cepit alacrius credis Academiis celeberrimis, quemadmodum unicuique compertum est.

Jun-



Jungendam ideo volui epistolis Leonis ad Lotharium, & Ludovicum Augustos epistolam, quam Gratianus tribuit eidem Leoni scribenti ad Ritam Comitissam, quia in hac epistola ad Ritam agitur de electione cuiusdam Coloni Episcopi Reatinæ Ecclesiæ, de qua etiam agitur in epistola ad Imperatores. Id liquet perspicue ex canonibus 17., & 18. dist. 63., quos jungere juvabit accuratum interpretem. In his autem canonibus expendendis videtur emendanda scriptura; etenim pro vici- bus illis *Colono*, & *Colonom*, uti in utroque canone legitur, potius scribendum erat, *Coloni*, & *Colonom*, quam emendationem facile quisque eruet ex actis Conciliorum sub Leone IV., & Nicolao I. celebratorum, in quibus, idest in Concilio Romano anni 853., & in Concilio Romano anni 861. inter Episcopos, qui subscripserunt, subscripti etiam *Colo Reatinus*. Pithæus in suis adnotationibus ad Gratiani Codicem animadvertit pro illis verbis canonis 17. *dixerunt, ut Colonom Reatinæ* legendum esse *direxerunt, ut Colonom in Reatinæ*. Imo etiam in inscriptione ejusdem canonis ad nomen *Ritæ Comitissæ*, ad quam scribens Leo exhibetur, legendum voluit *Ittæ Comitissæ*. Cum vero ibi commemoraret Metropolitum Cranzii pag. 141., longe a veritate recedit; etenim apud Cranzium mendio quidem fit Idz cuiusdam Dominæ Sveviæ neptis ex fratre Henrici III., & neptis ex forore Leonis IX. Papæ, quæ sane cum viveret sub finem undecimi sæculi, nihil commune habere videtur cum Itta, vel Rita, ad quam scribebat medio nono sæculo Leo IV., deinde non video quid interesse poterit Comitissæ Sveviæ regentis, Colonom potius Episcopum Reatinæ Ecclesiæ, quam alium quempiam constitutum fuisse. Quidquid tamen sit de hac re, ego non facile moverer, ut eosdem canones tanquam solida Leonis IV. monumenta reciperem, siue quod unius Gratiani testimonium non satis firmum mihi esse videtur, siue quod invicem non bene consonant; cum in can. 16. petere exhibetur Leo ab Augustis, ut Colo Episcopus Reatinæ Ecclesiæ designetur; in can. 17. proficteatur, se eundem ordinavisse Episcopum Imperatore, & Imperatrice postulantis; cum præterea in can. 16. ab Augustis Ludovico, & Lothario designatio Episcopi expectata videatur; & in can. 17. non Ludovicus, & Lotharius, sed Imperator, & Imperatrix consecrationem Coloni faciendam proposuerint.

Superius in cap. 73., ubi agerem de Stephano IV., seu V., & ad canonem 18. dist. 63. memoravi canonem 11. Romani Concilii anni 863. qualis editus est apud Muratorium, & tributus Nicolao I. Pontifici. Is idem canon tribuitur apud Mansium in tom. 1. supplementi Labbeani pag. 929. Romano Concilio anni 853. cum hac inscriptione depromta ex Anselmo Lucensi in tractatu contra Vivertum lib. 2. *Ex Concilio Leonis IV. Episcoporum L. cap. V.* Verba canonis hæc subsequuntur: *Siqui Sacerdotibus, seu primatibus nobilibus, seu cetero Clero hujus Sanctæ Romanæ Ecclesiæ electionem Romani Pontificis contradicere præsumserit, sicut in Concilio B. Stephani legitur statutum, anathema sit. Item, quod electio Pontificis non pertineat Laicis tantum.* In Synodo Romana Eugenii II. anni 826. similia quædam de canonicis Episcoporum electionibus sunt constituta in can. 5. ibi: *Episcopum enim consecrare non convenit, nisi a Clericis, & populo fueris postulatus.* Quam Synodum cum Leo IV. confirmaverit anno 853., incertus scriptor de vitis Romanorum Pontificum in suo Breviario ita quintum canonem ejusdem Concilii Leonis exhibuit: *Confirmavit, quæ Cælestinus, & Magnus Leo*

de Episcopis constituerunt, videlicet, ut non conveniat Episcopum consecrari, nisi a Clericis, & populo fuerit consecratus; quia nulla ratio finit, ut aliter consecrati inter Episcopos habeantur. Hæc, quæ de Episcoporum electionibus in Conciliis ejus ætatis pertrahabantur, renovando confirmandoque generalem illarum disciplinam, verosimilem fidem faciunt canonis 31. dist. 63., qui non solum apud Gratianum, sed etiam apud Ivonem tribuitur Leoni IV. alloquenti Imperatores Lotharium, & Ludovicum. Maxime autem decuit, tunc temporis nonnulla definiri de electione Romani Antistitis data occasione celebranda, cum identidem illam difficulta temporis adjuncta quoquomodo turbare potuissent. Cum enim Romanorum Imperatorum singularia quædam & propria jura viderentur in electione explicanda, velut illorum, qui vel in fideli populo præcipuam habere dignitatem, vel populi ejusdem jura ad se pertraxerant, facile proficiscebatur, vix electionem Papæ in generali omnium concordia posse celebrari, seu quod Imperatores a Romana urbe ut plurimum disiti essent, seu quod Romana urbs hostili impetu identidem concussa non tuto Imperatoris sententias, & suffragia expectaret. Demonstrat id manifestissima ejusdem Leonis IV. electio, qualem describit auctor libri Pontificalis. Postquam enim enarravit, Romanos omnes Cives concordii suffragio in Leonem IV. consensisse, subdidit: *Romani quoque novi electione Pontificis congaudentes, ceperunt iterum non mediocriter contristari, eo quod sine imperiali non audebant auctoritate futurum consecrare Pontificem, periculumque Romanæ Urbis maxime metuebant, ne iterum, ut olim, aliis ab hostibus suis obessa. Hoc timore, & futuro casu perterriti, eum sine permissu Principis Præfulem consecraverunt, fidem quoque illius, sive honorem post Deum per omnia, & in omnibus conservantes.* Singula hæc temporum, rerum, & causarum adjuncta me dubitare non sinunt, quominus de memorato canonis 31. ita concludam, ut ad germana Leonis IV. monumenta jure optimo referatur; nihil enim tunc aptius inter Leonem ipsum, & Ludovicum ac Lotharium Augustos definiri poterat, quam modus, quo electio Pontificis Maximi sine alicujus controversia celebraretur.

Quod Leoni IV. scribenti ad Ludovicum Augustum tribuitur in can. 41. cau. 2. qu. 7., Nicolao Papæ tributum videtur apud Ivonem in parte 5. cap. 22. quemadmodum jam adnotaverunt Romani Corretores: nimirum apud Ivonem. *Can. 41. cau. 2. hæc præponitur canonis inscriptio: Quod in præsentia Legatorum Imperatoris 9<sup>to</sup>. 7. Leo Papa causam suam examinari voluerit. Idem Nicolaus Imperatori. Nos si in-competenter &c. Deinde ubi Gratianus legit, & subditis . . . corrigere peccata, peiora . . . quod ab eis indiscussum, vel definitum remaneat, Ivo hæc exhibet: Et in subditis . . . corrigere, peiora . . . quod ex his indiscussum, vel indefinitum remaneat. Ceterum vel in monumentis Leonis IV., vel in monumentis Nicolai II. hæc desiderantur. Imo, ne Leoni IV. hæc tribuantur, prohibere videtur Ivonis auctoritas, qui refert quidem Leonem Papam voluisse causam ab Imperatoris Legatis examinari, sed non indicat nominatim Leonem IV., unde suboritur suspicio, Gratianum ex eo erravisse, quia in capite præcedente Ivonis, nimirum in cap. 21. partis 5., nomen erat adscriptum Leonis IV. scribentis ad Carolum Regem. Cum ergo Ivo nomen Leonis Papæ causam suam examinari postulantis pronunciavit, potius eo nomine designatum arbitror Leonem III., cujus purgatio cum Ivonis etiam sæculo esset famigeratissima, ejusdem Leonis indicandi gratia sufficiebat Leonem Papam nominare, quin adderetur agnomen tertii. Hinc mihi displicere non potest, quod ex Her-*

Mermanno Conringio adnotavit Baluzius five in notis ad Gratianum ad hunc canonem, five in præfatione ad Capitularia Francorum num. 21. 28., & 29. Ait ille ex Conringio Leone IV. Pontificatum gerente summam imperii fuisse non penes Ludovicum, sed penes Lotharium, quamobrem ad Lotharium potius, quam ad Ludovicum dirigendam fuisse epistolam Leonis, si Leoni IV. tribuenda esset. Addit, apud neminem veterum scriptorum reperiri, intercessisse similitates aliquas inter Leonem IV., & Lotharium; verum liquere commotum adversus Leonem III. fuisse Ludovicum Pium anno 815., de qua re ego nonnulla superius tradidi in cap. 72. ad canonem 18. cau. 2. qu. 5. Cum igitur memoratus Gratiani canon aptius Leoni III. conveniat, cum alias minime constet pertinere ad Leonem IV., cui tantum Gratianus voluit tribuendum, non erit, cur non Leoni III. potius adscribatur. Quod ubi fiat, facilem quoque obtinebit interpretationem idem Gratiani fragmentum, dummodo ad ipsum referatur memoratus canon 18. cau. 2. qu. 5. cum iis omnibus, quæ fuerant ad eundem canonem observanda.

Quod dixi ad canonem 9. cau. 23. qu. 8., idipsum fere dici posse videtur ad canones 7., & 8. eadem causa, & questione, ex eo præsertim quod memoratus canon 8. in uno, quem habeo, vetusto edito Gratiani codice non Leoni Papæ, sed potius Gregorio tribuitur. Verum a canonibus 7., & 8. non adeo absona sunt adjuncta temporis Leonis IV., quem scimus plurimum adversus barbaras gentes elaborasse, ut præcipuam Italiz partem, Romam ipsam præsertim, ab illarum impetu vindicaret. Cum autem eo collineare videantur duo ista fragmenta, nihil est, quod me morari possit, ne Leoni IV. eadem adscribam, licet huc usque in integris Leonis monumentis edita non appareant. Vim addit non levem Ivonis auctoritas, qui hæc ipsa descripsit in cap. 83., & 84. partis 10. ibidem memorans Registrum Leonis IV., quod sane indicat, tunc temporis epistolas Leonis IV. in volumen digestas fuisse sub *Registris* nomine, quemadmodum factum est de epistolis Gregorii Magni, & Gregorii VII. Pontificum, licet volumen illud epistolarum Leonis non ad nostram usque ætatem pervenerit. Tantum adjiciam, apud Ivonem non omnes Codices æque indicare, ad quem nam Leonis epistola directæ fuerit; aliqui enim Codices ad Lotharium, aliqui ad Ludovicum Augustum scriptam epistolam exhibent.

## De ceteris canonibus Leoni IV. adscriptis.

Aliquot supersunt monumenta Leoni IV. apud Gratianum adscripta. Primus est canon 45. cau. 16. qu. 1., cujus verba iterum sub nomine Leonis IV. integra referuntur post canonem 1. vers. *Item Leo IV.* cau. 13. qu. 1. Ego jam animadverti ad canonem 25. cau. 12. qu. 2., eadem verba ab Ivone in parte 3. cap. 151. tribui Gelasio Papæ scribenti ad Justinum Archidiaconum, & Faustum defensorem; ceterum observavi perperam Gelasio tributa fuisse, ac potiore jure, Leoni IV. Pontifici adscribenda, utpote quæ Leonis ejusdem temporibus valde sunt accommodatiora. Revera Paschalis II. sub finem sæculi 11. ad Baldricum Episcopum de Leone IV. ita scribit: *Idem etiam Leo Episcopis Britannicæ scribens, illis tantum Ecclesiis, quæ plebes vocantur, deberi decimas indicat, ubi sacrosanctæ dantur baptismata.* Ex his facile est colligere, memoratum Gratiani monumentum refe-

Can. 7.  
cau. 23.  
qu. 8.

Can. 45.  
cau. 16.  
qu. 1.

referendum esse ad illam epistolam Leonis, quam scriptam fuisse ad Episcopos Britanniz superius animadverti; quod clarius etiam hodie demonstraretur, si integra eadem epistola ad nostram usque pervenisset etatem. Ceterum & sententia, & stilus Leoni IV. maxime congruit. Scimus enim illius temporibus baptismales Ecclesias plebium nomine appellatas fuisse; quemadmodum inter cetera colligitur ex canone 8. Synodi Romanæ sub Eugenio celebratæ, & a Leone IV. confirmatæ. Scimus præterea, eisdem temporibus caveri debuisse pluribus in Conciliis, ut decimar baptismalibus Ecclesiis persolverentur, quemadmodum liquet ex canone 10., & 11. Concilii Moguntini anni 847., ex Capitulari ad Saliz anni 804. cap. 2., apud Reginonem lib. 1. cap. 52., ex Capitulari Ludovici II. anni circiter 855. cap. 12., & cap. 13. Capitularis Caroli Calvi apud Pissas anni 869. Quid plura? Rem hanc conficere videtur famigerata, quæ vulgo sub Leonis IV. nomine præfertur, homilia, in ea enim inter cetera legitur, decimas non esse facile recipiendas ab eis, ad quos pertinerent, non dignoscitur.

Pithæus ad canonem 3. cau. 21. qu. 1. asserit eundem tribuendum esse Leoni IV. ad Episcopos Britanniz scribendi. Quoniam vero monumento fretus vir eruditus id asserat, mihi non liquet. Baluzius in notis ad Gratianum ita de hoc ipso canone scribit: *Verum est, istam constitutionem Leoni IV. tribui in vetustis Gratiani libris, sed tamen ego puto dubitari posse, an sit Leonis IV.* Ego etiam facile in eandem dubitationem adducor; nam scio in Concilio Romano sub Eugenio II. celebrato, & confirmato a Leone IV. curam illorum Pontificum Maximorum fuisse præcipuam, ut vita communis a Clericis restauraretur, rursumque in communionem quandam revocarentur bona Ecclesiarum Clericis concessa titulo beneficii singularis, uti deducitur ex can. 3. cau. 12. qu. 1., quod quidem propositum scimus executioni fuisse demandatum in Ecclesiis Cathedralibus; in Ecclesiis autem minoribus iidem Pontifices solertissimi fuerunt, ut Clerici constituerentur, nec illæ vacarent diu interea Clericis aliis concessæ sub titulo commendæ, quemadmodum perspicue colligitur ex cap. 24. ejusdem Concilii. Quamobrem non video, quæ esse occasio potuerit Leoni IV., ut uni Clerico duo beneficia, vel duas Ecclesias concederet generali quadam constituta regula, dummodo una Ecclesia daretur in titulum, altera in commendam; idipsum confirmari potest eo, quod legitur apud Krantziū lib. 3. cap. 37. in Metropoli, sive Historia ecclesiastica Saxonum; nimirum tempore Othonis III. Imperatoris, ac propterea multo post tempora Leonis IV. Pontificis, dicitur Giselerus Mersburgensis Episcopus translatus ad Episcopatum Magdeburgensem retento priore Episcopatu in commendam. Subdit autem Krantzius: *Id vero ætas nostra jam desit pro frequentia mirari, quod passim cernimus, alteram alteri Ecclesie in una persona accidere, ut habeat alteram in titulum, alteram in commendam. Sed non potuere tum pro rei novitate placari homines. Quomodo vero contingere potuisset eam novitatem plurimos conturbavisse, si jam edita fuisset memorata Leonis IV. Pontificis definitio?* Forte hoc fragmentum proferri in medium, imo edi etiam a quibusdam recentioribus potuit, qui dum pluribus beneficiis locupletari vellent, distinctionem illam invenerunt inter titulos, & commendas; quæ reprobare tandem debuit in Concilio Tridentino, quo decretum est, nequis duo beneficia sive in titulum, sive in commendam possideat scilicet 24. de ref. cap.

cap. 17. Quicumque autem hunc edidit canonem, forte etiam potuit ideo Leonis IV. meminisse, quod in ea homilia, quæ Leoni eidem tribuitur, aliqua legantur ad hanc ipsam materiam pertinentia, ibi in editione Labbeana: *Nullus plures Ecclesias teneat sine adjutorio aliorum presbyterorum*. Quod si quisquam adhuc detineatur auctoritate quadam Gratiani fragmenti, in primis velim animadvertat, quantum sit inter recentiores, & vetustas Ecclesiarum commendationes discrimen, ne forte illius fragmenti sententia recentioribus commendis accommodari posse videatur. Si quidem recentiores commendæ adinstar fere beneficiorum redactæ sunt, quando veteres non aliud erant, quam simplicia rerum Ecclesiasticarum deposita certo tempore circumscripta, ex quibus commendatarius nihil omnino commodi, atque utilitatis hauriret argumento legis 24. ff. depositi. Deinde ad rem erit observare hunc canonem forte, si tanquam germanus habendus sit, explicandum esse juxta eos, qui in memorata Romana Synodo Eugenii, & Leonis editiprehenduntur. In canone 10. decretum est, Sacerdotes nonnisi in Ecclesiis, aut Monasteriis esse constitutos, ne in secularibus domibus habitarent; deinde in canone 21., qui est canon 33. cau. 16. qu. 7., decretum fuit constructoribus monasteriorum licere cum consensu Episcopi *commendare* presbytero, cui voluerint, ipsamet monasteria, ita tamen ut presbyter in monasterio constitutus *ad placita, & ad justam reverentiam ipsius Episcopi obediens recurrat*. Quæ verba clarius explicans auctor Breviarii ejusdem Concilii, cui nomen Luitprandi, ait, presbyterum, cui monasterium *commendetur*, fretum esse *bonæ auctoritatis dimissoria cum consensu Episcopi*. Colligitur ex his tempore Leonis IV. clericos omnes in Ecclesiis consistere debuisse, quasi erecto in Ecclesiis collegio clericorum, interea vero, ubi monasteria sacerdotis officio indigerent, miti consuevisse a clericali collegio Sacerdotem, cui *commendari* monasterium dicebatur; ac proinde ordinationem quidem susceperat clericus ille titulo Ecclesiæ, cujus collegio adscriptus fuerat, & cujus collegii adhuc jura retinebat, utpote ad quod revocari ab Episcopo poterat; & præterea commendatum sibi monasterium Ecclesiasticis officiis juvabat. Hæc plane mihi videtur aptior interpretatio, quæ affingi memorato canoni possit, quoties a Leone IV. non sit abjudicandus, nisi intelligendum forte velis de commendationibus, quibus non Ecclesia Clerico, sed potius Clericus Ecclesiæ commendaretur, juxta ea, quæ traduntur in can. 5. & 6. eadem causa, & questione.

Quod sub nomine Leonis IV. habetur in can. 16. cau. 25. qu. 1. decretum fuit ex Ivone in parte 4. Decreti cap. 186., ubi hæc habetur monumenti ejusdem inscriptio. *Leo IV. Colorado Archiepiscopo, & Bertuso*. Quis nam fuerit sive Colorado ille Archiepiscopus, sive Bertusus, facile conjici non potest, cum neminem hujus nominis Episcopum Conciliis illius ætatis vel interfuisse, vel subscripsisse liqueat. Ceterum non est; cur fragmentum illud a Leonis IV. sententiis abjudicemus, cum similia quædam in illis legantur; hinc in fine epistolæ Leonis ad Episcopos Britanniarum hæc habentur. *Quam ob causam luculentius, & magna voce pronunciare non timeo, quia qui illa, quæ diximus, Sanctorum Patrum statuta, quæ apud nos canones prætitulantur, sive sit Episcopus, sive Clericus, sive Laicus, non indifferenter receperit, ipse se convincit, nec catholicam, & apostolicam fidem, nec sancta vera Christi Evangelia quatuor utiliter, & efficaciter ad effectum suum retinere, vel credere*. Ego suspicor, ea Gratiani verba deprompta fuisse ex quadam homilia nomine Leonis IV. vulgata, in qua omnibus Episcopis proponitur servanda gene-

ralis

Can. 16.  
cau. 25.  
qu. 1.

ralis Ecclesiastica disciplina; quæ sane homilia tanti aliquando habita fuit, ut passim initio cujusque Synodi prælegeretur Episcopis, etiamque ob rem homilia synodica appellaretur. Initio autem ipsius generaliter traditur, Episcopos Apostolorum vice fungi, & esse summo Pastori rationem de animabus reddituros, ac propterea singularem esse ab illis adhibendam sollicitudinem, ut semel constituti salubriter canones constantissime serventur. Quoniam vero eadem homilia non eisdem omnino verbis in omnibus exemplaribus edebatur, sed retenta generali Leonis sententia in aliquibus immutabatur, modo brevior, modo fusior stilo, quemadmodum liquet ex collatione exemplaris Labbeani cum exemplari Martenii, aut cum exemplari Lucensi apud Mansum, facile evenire potuit, ut Ivo, vel Gratianus eum præ manibus habuerint codicem, in quibus ea ipsa legerentur verba, quæ illi in suis collectionibus descripserunt.

Can. 11.  
de conf.  
dist. 3.

Pithæus ad canonem 11. de conf. dist. 3. fidenter adserit, illum esse tribuendum Leoni IV. ad Episcopos Britannix scribenti. Quibus ex codicibus, aut monumentis id tradiderit, prorsus ignoro. Ego sane cum nullum habeam argumentum, ex quo canon idem Leoni IV. tribui possit, alias autem non destituar conjecturis gravissimis, quibus ille ab eodem Pontifice abjudicetur, non dubitabo concludere, falso Leoni IV. Pontifici tributum fuisse. Sententia canonis paucis perstringitur: nimirum inducitur Leo statuens, ut siue quarta, siue sexta feria a carnibus abstinetur juxta veterem Ecclesiæ consuetudinem. Cujus Ecclesiæ consuetudo memoretur ibidem, anceps est disquisitio propter varietatem codicum, quorum alii exhibent *apud vos*, alii *apud nos*, proindeque dubietas est, num ea referenda sint ad consuetudinem Ecclesiæ Romanæ, an potius ad consuetudinem illius Ecclesiæ, cui erant adscripti illi, ad quos Leo scripsisse fertur. Verum quæcumque Ecclesia memoretur ibidem, siue Romana, siue Britannica iuxta opinionem Pithæi, facile est demonstrare, temporibus Leonis IV. dici non potuisse, ut apud Brittones, aut apud Romanos veterem fuisse jejunii quartæ, & sextæ feriæ disciplinam. Forte prioribus Ecclesiæ sæculis eam fuisse Græcorum consuetudinem demonstrari posset ex constitutionibus Clementis lib. 7. cap. 24., ubi laudatur jejunium quartæ feriæ, & Pasceves, improbatque jejunium Sabbati, ac Dominici diei, excepto tamen annuo die Sabbati Dominicæ sepulturæ, quem hodie sanctum Sabbatum appellamus; demonstrari etiam posset ex canone 67. ex iis, qui Apostolici nuncupantur, ubi jejunium generaliter observandum præcipitur tempore Quadragesimæ, quartæ, & sextæ feriæ, nisi tamen hæc monumenta parum auctoritate sua confisterent, & tamquam apocrypha haberentur. Nihilominus tamen cum aliquando hæc decreta apud Græcos nonnihil valerent, recipi in aliquibus provinciis potuerunt, uti tradit Balsamon, & Zonaras ad eundem Apostolicum canonem, Euthychius Alexandrinus Annalium tom. 1. pag. 522. & Johannes Antiochenus in collectione canonum tit. 31., at in Latina Ecclesia nunquam ea invaluit consuetudo; sed potius quædam jejunii species observata fuit feria sexta, & sabbato per hebdomadas singulas, quemadmodum colligitur ex Innocentio I. in epist. ad Decentium Eugubinum cap. 4. Non distat tamen aliquibus inditum esse non solum feriæ sextæ, sed etiam secundæ, & quartæ jejunium, sed hoc tantummodo onus impositum poenitentibus, qui gravissimorum criminum rei essent agniti, uti habetur in cap. 7. epist. Gregorii III. ad Bonifacium, quæ incipit *Magna nos*. Ceterum regulariter sæculo 9., atque ipsis temporibus Leonis IV. jejunium, siue absti-

abstinere a carnibus præceptum erat diebus sabbati, & feria sextæ. Sic in Francorum Capitularibus lib. 6. cap. 187. Baluzianæ editionis post commemoratum jejunium adventus, quadragesimæ Paschalis, & quadragesimæ post Pentecosten, ita legitur: *Præter hæc autem legitima tempora jejuniarum, omnis sexta propter passionem Domini jejunetur. Sed & sabbati dies a plerisque, propter quod in eo Christus jacuit in sepulchro, jejunio consecratus habetur.* Præterea Nicolaus I. in responsis ad consulta Bulgarorum cap. 4. & 5. memorat quidem jejunium sextæ feriæ, quod observandum ab omnibus esse definit; feriæ autem quarta liberum statuit unicuique esse a carnibus abstinere, vel non abstinere, quod sane non statuisset, si a prædecessore suo Leone IV. scivisset eandem habitam fuisse & quartæ, & sextæ feriæ rationem. Quæ cum ita sint, jure concludere poterimus, falso tributum esse Leonis IV. memoratum canonem 11., & forte confictum ab eo fuisse, qui Græcorum disciplinam ab apocryphis, ut prænotatum est, fontibus derivatam voluerit ad Latinos recentiore ætate traducere.

## CAPUT LXXVII.

## De Nicolao.

Nicolai I. Pontificis nomine quamplurima sunt apud Gratianum, quæ sane in ordinem certum dirigi commode minime possunt, cum turbata admodum sint ejusdem Pontificis monumenta, quemadmodum testantur, quotquot in illis edendis singulari studio adlaborarunt. Sunt autem quæ sequuntur.

Ex monumentis Concilii Romani. { Can. 21. cau. 2. qu. 1. ad integra Concilii monumenta exigendus.  
Can. 10. cau. 11. qu. 3. ex integro Concilii canone emendandus.  
Can. 18. cau. 25. qu. 2. paullo variis in diversis exemplaribus.

Ex epistolis ad Adonem, vel Albinum Videntensem Archiepiscopum, vel Alvinum Januensem. { Can. 4. dist. 32. ex integra epistola supplendus.  
Can. 22. cau. 12. qu. 2. ex integra epistola supplendus.  
Can. 6. dist. 27. { simul jungendi, & ex codice Reginonis  
Can. 7. dist. 27. { emendandi.  
Can. 1. dist. 34. { simul jungendi, & ad Ivonis codicem, aliave Nicolai Papæ monumenta exigendi.  
Can. 4. cau. 7. qu. 1. {  
Can. 6. cau. 33. qu. 2. referendus ad epistolam ad Carolum Episcopum Moguntinum.

Ex epist. ad Carolum Moguntinensem Archiepiscopum, & ejus suffraganeos. { Can. 33. dist. 50. { falso tributi Nicolao Papæ, & potius tribuendi Vormaciensi Concilio.  
Can. 34. cau. 27. qu. 1. {  
Can. 25. cau. 32. qu. 7. referendus ad Pauli jureconsulti sententias.  
Can. 6. cau. 33. qu. 2. falso tributus Nicolao.

Ex epist. ad  
Lotharium Regem.

- Can. 4. dist. 63. ex aliis Nicolai monumentis illustrandus.  
 Can. 3. cau. 11. qu. 3. ex integra epistola supplendus.  
 Can. 96. cau. 11. qu. 3. { simul jungendi, atque ad alia  
 Can. 19. cau. 24. qu. 3. { Nicolai monumenta exigendi.

Ex epist. ad  
Carolus Regem.

- Can. 22. cau. 2. qu. 5. ex integra epistola emendandus.  
 Can. 6. cau. 6. qu. 4. consonat cum integris epistola exemplaribus.  
 Can. 19. cau. 23. qu. 8. consonat cum integris epistola exemplaribus.  
 Can. 26. cau. 27. qu. 2. ex integris Nicolai epistolis supplendus.  
 Can. 3. cau. 33. qu. 2. spectat potius ad Isidorum Mercatorem.  
 Can. 4. cau. 33. qu. 2. ex integra epistola emendandus.

Ex epist. ad  
Ludovicum Regem.

- Can. 16. cau. 2. qu. 1. consonat cum integris epistola exemplaribus.  
 Can. 8. dist. 96. referendus ad epistolam Nicolai ad Michaelem Imperatorem.

Ex epist. ad omnes  
Episcopos in Regno  
Ludovici.

- Can. 4. cau. 20. qu. 3. incertae admodum auctoritatis.

Ex epist. ad Epi-  
scopos apud Convi-  
cinum congregatos.

- Can. 1. dist. 10. ex integra epistola supplendus.

Ex epist.  
ad Hincmarum  
Rhemensem Archi-  
episcopum.

- Can. 3. dist. 8. ex integra epistola supplendus.  
 Can. 5. dist. 12. jungendus cum can. 30. cau. 17. qu. 4.  
 Can. 13. cau. 2. qu. 6. paullo varius in diversis codicibus.  
 Can. 21. cau. 3. qu. 9. convenit cum pluribus Nicolai monumentis.  
 Can. 102. cau. 11. qu. 3. ex optimis exemplaribus emendandus.  
 Can. 30. cau. 17. qu. 4. ex integra epistola supplendus; & emendandus.

Ex epist. ad  
Episcopos Galliarum.

- Can. 1. dist. 17. ex integra epistola supplendus, atque explicandus.  
 Can. 2. cau. 15. qu. 6. incertae admodum auctoritatis.

Ex epist. ad  
Gallionem Episco-  
pum Senensem.

- Can. 12. cau. 3. qu. 9. spectat potius ad epistolam scriptam ad Episcopos Silvanenses.  
 Can. 14. cau. 3. qu. 9. ex integris monumentis explicandus.

Ex epist. ad  
Girardum Episco-  
pum Turonensem.

- Can. 10. cau. 2. qu. 2. ex aliis Nicolai monumentis explicandus.

Ex



Ex epist. ad  
Rodulfum Archiepi-  
scopum Bituricen-  
sem.

Can. 12. dist. 23. consonat cum integris epistolæ exemplaribus.  
Can. 8. cau. 9. qu. 3. aliter editus in aliis exemplaribus.  
Can. 6. cau. 30. qu. 1. consonat etiam Conciliis illius ætatis.  
Can. 5. cau. 33. qu. 2. paullo varius in diversis codicibus.  
Can. 36. de cons. dist. 1. consonat cum integris epistolæ exem-  
plaribus.

Ex epist. ad Rha-  
doaldum Portuen-  
sem, & Johannem  
Ficolensem Episco-  
pos.

Can. 4. cau. 31. qu. 2. ex integris codicibus emendandus.

Ex epist. ad Fran-  
corum exercitum.

Can. 46. cau. 23. qu. 5. incertæ auctoritatis.

Ex epist.  
ad Phorium.

Can. 14. dist. 16. { simul jungendi, atque ex integra epi-  
stola explicandi.  
Can. 2. dist. 20. {

Ex epist.  
ad Clerum Constan-  
tinopolitanum.

Can. 36. cau. 24. qu. 1. { simul jungendi, referendique  
Can. 37. cau. 24. qu. 1. { perius ad epistolam Nicolai ad  
Michaellem Imperatorem.

Can. 5. dist. 10. ex integra epistola explicandus.  
Can. 8. dist. 10. omnino consonat cum integris exemplaribus.  
Can. 2. dist. 11. { simul jungendi, & referendi ad episto-  
Can. 3. dist. 12. { lam Nicolai ad Ebotium Constanti-  
nopolitanum.  
Can. 4. dist. 21. {  
Can. 5. dist. 21. { simul jungendi, & ad integram epi-  
Can. 6. dist. 21. { stolam exigendi.  
Can. 7. dist. 21. {  
Can. 8. dist. 21. {  
Can. 9. dist. 21. {  
Can. 5. dist. 43. consonat etiam cum epistola Gelasi Papæ  
ad Anastasium Imperatorem.  
Can. 4. dist. 96. jungendus cum can. 5. dist. 10.  
Can. 5. dist. 96. { simul jungendi, atque ex integra epi-  
Can. 6. dist. 96. { stola supplendi.  
Can. 7. dist. 96. {  
Can. 8. dist. 96. ex integris epistolæ exemplaribus emendandus.  
Can. 86. cau. 1. qu. 1. cum integris epistolæ exemplaribus  
consonat.  
Can. 123. cau. 1. qu. 1. ex integra epistola supplendus.

Ex epist.  
ad Michaellem Im-  
peratorem.

*Pars secunda. Caput LXXVII.*

Ex eadem epistola  
ad Michaellem.

- Can. 15. cau. 3. qu. 5. { simul jungendi, atque ex integra  
Can. 2. cau. 4. qu. 1. { epistola supplendi.  
Can. 3. cau. 4. qu. 4. consonat cum integris epistolæ exem-  
plaribus.  
Can. 10. cau. 9. qu. 3. ex integra epistola emendandus.  
Can. 21. cau. 9. qu. 3. idem est cum can. 123. cau. 1. qu. 1.  
Can. 35. cau. 24. qu. 1. jungendus cum can. 36. cau. 24. qu. 1.  
Can. 6. cau. 35. qu. 9. jungendus cum can. 10. cau. 9. qu. 3.

Ex responsis  
ad consulta Bulga-  
rorum.

- Can. 17. dist. 28. paullo variat in editis epistolæ exemplaribus.  
Can. 5. cau. 15. qu. 8. paullo varius in editis epistolæ exem-  
plaribus.  
Can. 15. cau. 23. qu. 8. ex integris epistolæ exemplaribus  
supplendus.  
Can. 2. cau. 27. qu. 2. jungendus cum can. 3. cau. 30. qu. 5.  
Can. 1. cau. 30. qu. 3. ex integra epistola supplendus.  
Can. 3. cau. 30. qu. 5. jungendus cum can. 2. cau. 27. qu. 2.  
Can. 22. cau. 32. qu. 5. ex integra epistola supplendus.  
Can. 11. cau. 33. qu. 4. ex integra epistola supplendus.  
Can. 24. de cons. dist. 4. ex integra epistola supplendus, atque  
explicandus.

Ex epist. ad  
Episcopos omnes.

- Can. 6. cau. 17. qu. 4. {  
Can. 25. cau. 24. qu. 3. { pertinent potius ad Nicolaum II.

Ex epist. ad Episco-  
pum Salonitanum.

- Can. 3. cau. 50. qu. 1. consonat cum aliis Nicolai monumentis.

Ex epist. ad Fron-  
tarium Archiepisco-  
pum Burdegalensem.

- Can. 17. cau. 12. qu. 2. incertæ auctoritatis.

Ex epist. ad Humi-  
fridum Episcopum  
Morinensem.

- Can. 5. dist. 50. ex Ivonis decreto supplendus.  
Can. 47. cau. 7. qu. 1. ex adiunctis noni seculi explicandus.

Ex epist.  
ad Johannem Ra-  
vennatem.

- Can. 13. dist. 63. referendus ad Concilium Romanum anni 861.

Ex epist. ad  
Mediolanenses.

- Can. 1. dist. 22. potius tribuendus Petro Damiani-Sedis Apo-  
stolicæ Legato temporibus Nicolai II.

Ex epist. ad  
Nonensem electum,  
& Clerum.

- Can. 8. de cons. dist. 1. incertæ auctoritatis.

Ex

Ex epist. ad Osbal-  
dum Corepiscopum  
Quadrantinum.

Can. 6. dist. 50. { Nicolai I. temporibus, ac sententiis  
Can. 39. dist. 50. { consentanei.

Ex epist. ad Rha-  
toldum Episcopum  
Argenteratensem.

Can. 15. cau. 33. qu. 2. melius Wormaciensi Concilio tribuendus.

Ex epist. ad Salo-  
monem Episcopum  
Constantinensem.

Can. 2. cau. 15. qu. 5. non dissonat a Nicolai I. temporibus.

Ex epist. ad Thado-  
nem Archiepisco-  
pum Mediolanensem.

Can. 23. cau. 17. qu. 4. ex Ivonis decreto emendandus.

Adjiciuntur

Can. 4. dist. 33. consonat cum aliis ecclesiasticis monumentis.  
Can. 49. dist. 50. potius ad Wormaciense Concilium referendus.  
Can. 3. dist. 97. non dissonat a ceteris Nicolai monumentis.  
Can. 2. cau. 2. qu. 2. pertinet ad Isidori Mercatoris monumenta.  
Can. 3. cau. 6. qu. 3. inter dubia Nicolai monumenta recen-  
sendus.  
Can. 4. cau. 12. qu. 1. referendus ad Concilium Saligunsiense.  
Can. 1. cau. 16. qu. 5. pertinet potius ad Concilium Arausi-  
canum I.  
Can. 3. cau. 26. qu. 7. referendus ad epistolam Nicolai ad  
Rodulfum Bituricensem.  
Can. 1. cau. 30. qu. 2. facile referendus ad rescripta Nicolai  
ad Bulgaros.  
Can. 57. de conf. dist. 4. non dissonat a Nicolai I. temporibus.

**D**E Benedicto III., qui ab anno 855. sub finem Septembris Romanam Sedem tenuit usque ad annum 858. sub initium Aprilis, nihil singulare observandum apud Gratianum occurrit. Quamobrem gradum feci ad Nicolaum Benedicti Successorem, qui eodem anno 858., dum Romæ præfens esset Ludovicus II. Imperator, ad Maximum Pontificatum evehctus est, quem gessit usque ad annum 867. Assiduis causarum ecclesiasticarum curis fatigari debuit Nicolaus, ac præsertim. respectu habito ad Ecclesiam Constantinopolitanam, a qua dejectus tum fuerat Ignatius, Phorio subrogato. Verum hæc, sicut & cetera gravissima negotia, quæ Sanctum Pontificem detinuerunt, magis ac magis in expendendis Gratiani monumentis declarabuntur. Tantum dixero, varias esse Nicolai epistolarum collectiones; nam apud ipsum Labbeum in recentissimis codicibus in primis adparent epistolæ numero septuaginta; deinde subicitur Appendix I. continens alias epistolas quatuordecim; subsequuntur sex fragmenta, & post ea libellus responforum ad consulta Bulgarorum in centum, & sex capita distributus. Hinc describuntur decreta alia, sive breviter rescripta in unum collecta per Johannem Cochizum, &

in

in viginti titulos dispartita. Rursum referuntur duæ Appendices, varias continentes epistolâs, & monumenta, præter epistolâs alias, quæ adfuta sunt actis Conciliorum eodem tempore celebratorum. Mansius in suo Labbeano supplemento non solum alia Labbeanis adiecit monumenta Nicolai; sed etiam utile æque ac laboriosum n edidit *Liberulum Chronologicum epistolarum*, in quo singulas Nicolai epistolâs per ordinem temporis digessit. Ego in præsentia primum locum concedo capitibus illis, quæ nomen Romani Concilii sub Nicolao celebrati præferunt, cetera deinde ita persequutus, ut, quoad fieri possit, invicem illa iungantur, in quibus eadem materies pertractari quodammodo videatur.

## De monumentis Concilii Romani.

Can. 21.  
can. 2.  
qu. 1.

Lotharius Lotharii Imperatoris filius, & Ludovici Pii nepos regnum sortitus in ea Galliarum parte, quæ deinde ex ejusdem nomine Lotharingia appellata fuit, circa annum 860. captus amore Waldradæ cujusdam pellicis, repudium Theutbergæ conjugis meditabatur. Ut Principi morem gereret, non desuerunt, qui Reginam de incestu cum Hucherto fratre accusarent; quæ causâ ut solemniter discueretur, celebratum est duplex Concilium Aquisgranense, convenientibus in primo Episcopis duobus, totidem Archiepiscopis, & totidem rursum Abbatibus; in secundo septem Episcopis, utrobique autem Theutberga quasi criminis rea poenitentia addita, & digna Principis repudio declarata. Imo idem Episcopi & epistolâs, & legatos ad Nicolaum Pontificem miserunt, quem de re gesta redderent certiore. Post hæc anno 862. aliud convocatum est Aquisgranense Concilium ab octo Episcopis, quorum primi erant Guntharius Agrippinensis, & Theutgaudus Trevirensis Archiepiscopi, ibidemque concessum Lothario postulanti, libere novum cum alia contrahere matrimonium, quamobrem non dubitavit Lotharius Waldradam sibi conjugio sociare. Id ubi intellexit Nicolaus Papa, Metense Concilium petente etiam Rege ipso Lothario celebrari jussit anno 863. missis Apostolicis legatis Rodualdo Episcopo Portuensi, & Johanne Episcopo Ficocensensi, sed ibidem confirmata fuit Aquisgranensis Concilii sententia. Hæc fuit causâ alterius celebrandi Concilii in urbe Roma, ipsomet præsentem Nicolao Pontifice, quod Concilium Romanum III. dicitur, & anno 863. celebratum. Auditis ibidem duobus Gallicanis Archiepiscopis Gunthario, & Theutgaudo superius memoratis ad tuendam & Concilii Metensis sententiam, & Lotharii factum Romam missis, Nicolaus Concilii sententiam revocavit, imo etiam Archiepiscopos illos deposuit, ac communionem privavit, consociosque deinde reddidit Synodalis definitionis Episcopos omnes per Galliam, Italiam, ac Germaniam constitutos. Actâ illius Romani Concilii à Sirmondo edita hæc omnia perspicue demonstrant. Constant hæc ex epistola Nicolai Pontificis, quæ est instar præfationis; subsequuntur deinde quinque capita quæ ad causas in Concilio pertractatas pertinent. Supplementum addidit Muratorius, quod septem aliis capitibus constat in tom. 2. parte 2. rerum Italicarum pag. 127. Ad epistolam Nicolai referendus est canon 21. cau. 2. qu. 1. his verbis describendus: *Nicolaus Episcopus servus servorum Dei reverentissimis, ac sanctissimis Fratribus nostris Archiepiscopis, & Episcopis per Galliam, Italiam, & Germaniam constitutis. Scelus, quod Lotharius Rex, s. tamen Rex veraciter dici possit, qui*

nullo

nullo salubri regimine corporis appetitus refrénante, sed lubrica enervatione magis ipsius illicitis moribus cedit, in duabus feminis, Theutberga scilicet, & Waldrada, commisit, omnibus manifestum est. Sed & dudum Episcopus Theutgaudum, & Guntharium in tali facto eum habuisse tutores, & fautores pene totum orbis antiquae ad limina, seu Sedem Apostolicam confluentis referebat, absentibus quoque idipsum scribentibus nostris apostolatus. Quod nos tanto credere renuimus, quanto de Episcopis tale, quid audire nullatenus sperabamus; donec ipsi Romam tempore Concilii venientes coram nobis, & sancta Synodo tales inventi sunt, quales fuerant a multis sepius praedicati, ita ut scriptura, quam suis stipulaverant manibus, quamque volebant, ut nostro roboraremur chirographo, caperentur: & dum muscipulam innocentibus opponere satagerent, infidiis suis illaqueati sunt ipsi. Sicque completum est Deo auctore, quod in proverbii legitur: frustra jacitur rete ante oculos pennatorum. Siquidem ipsi obligati sunt, & occiderunt: nos vero, qui in hoc flagitium falso credidisse dicebamur, favemus Domino, cum iustitiae propugnatoribus resurreximus, & erecti sumus. Igitur decernente nobiscum sancta Synodo in praesentia depositi, & ab officio sacerdotali excommunicati, atque a regimine Episcopatus alieni indubitanter existimus. Unde vestra fraternitas canonum normam custodiens, & decretorum sanctiones observans, caveat, ne hos, quos nos abiecit, recipere in Sacerdotum catalogo praesumat. Depositionis autem sententia, quam in praedictos Theutgaudum, & Guntharium protulimus, cum ceteris capitulis, quae sancto Concilio nobiscum sanciente promulgavimus, inferius adnexam monstratur.

Post integram hanc Nicolai epistolam, ex qua suppleri potest Gratiani canon, sequuntur decreta ipsa Synodi Romanae, quorum in primo cassata legitur Metensis Concilii constitutio, imo & ipsa Metensis Synodus damnata, ac potius proflibulum appellata. In capite 2. eadem propemodum verba legimus, quae habentur in can. 10. cau. 11. qu. 3. ibi: Theutgaudum Trevirensis Primatem Belgicae Provinciae, & Guntharium Agrippinae Colonia Archiepiscopos, nunc coram nobis, & sancta Synodo, sub gestorum infirmatione, qualiter causam Lotharii Regis, & duarum mulierum ejus Theutberga scilicet, & Waldrada recognoverint, & iudicaverint, scriptum super hoc propriis roboratum manibus offerentes; nihilque se plus, vel minus, aut aliter egisse esse propriis multis coram positis affirmantes; & sententiam, quam a Sede Apostolica in Ingeltrudem uxorem Bosonis Santissimus Frater noster Mediolanensis Archiepiscopus Tado, & ceteri Coepiscopi nostri petierant emittendam; & nos divino succensi zelo sub anathematis obtestatione canonice protuleramus, publice viva voce se violasse confiteres, in quibus omnibus invenimus eos Apostolicas, atque canonicas sanctiones in pluribus excessisse, & aequitatis normam nequiter temerasse; ab omni iudicamus Sacerdotii officio permanere penitus alienos. Et ideo Spiritus Sancti iudicio, & B. Petri per nos autoritate, omni Episcopali exutos regimine conscribere definimus. Quod si juxta praecedentem consuetudinem tamquam Episcopi ausu fuerint aliquid de sacro ministerio contingere, nullo modo liceat eis nec in alia Synodo restitutionis spem, aut locum habere satisfactionis, sed communicantes eis omnes abjici ab Ecclesia, & maxime si postea didicerint adversus memoratos prolatam fuisse sententiam, eis communicare tentaverint. Hinc nemo non videt emendandum esse Gratiani canonem, praesertim in posterioribus verbis. Quanta vero fuerit duorum eorundem Episcoporum contumacia, nemo non colligit; siquidem non contenti fuisse Lotharii libidini, similem ejusdem Ingeltrudis causam defendere conati sunt, parum solliciti de Synodalibus decretis jam editis custodiendis. Erat Ingeltrudis, ut ex quarto hujus

Concilii

Can. 10.  
cau. 11.  
qu. 3.

Conciliū capite deducitur, filia Matthei quondam Comitum, nupta Bosoni, & jundiu a septennio a marito diverterat huc atque illic *vagabunda discurrens*; quemadmodum etiam deducitur ex epistola Hincmari Rhemensis ad Guntharium eundem Coloniensem Episcopum directa. Sive igitur quod illi Episcopi faverent Lotharii admissio in uxorem, sive quod faverent Ingeltrudis admissio in maritum, in Romana Synodo damnati fuerunt, atque depositi.

Quintum Romani Concilii caput ita exprimitur: *Siquis dogmata, mandata, interdicta, sanctiones, vel decreta pro Catholica fide, pro Ecclesiastica disciplina, pro correctione fidelium, pro emendatione sceleratorum, vel interdictione imminens, vel futurorum malorum, a Sedis Apostolicæ Præfide salubriter promulgata contemserit, anathema sit.* Verba hæc, quæ veluti generalis quædam sanctio præcedentibus Concilii definitionibus adjecta sunt, habentur integra in can. 18. cau. 25. qu. 2. Admonet Antopius Augustinus lib. 2. de emend. Grat. Dial. 13. eorundem verborum aliam haberi formulam apud Reginonem in Chronicis ad annum 865., nimirum pro illis verbis: *pro Catholica fide &c.* Reginonem scripsisse: *Pro Catholice fidei disciplina, pro correctione fidelium, pro emendatione sceleratorum, vel interdictione imminens, seu futurorum malorum &c.* In Appendice 2. epistolarum Nicolai, quæ habetur apud Labbeum, eadem Gratiani verba leguntur sub epistola 3., ubi nonnulla colliguntur sub hoc themate: *De sententiis atque interdictis Sedis Apostolicæ ad supradictum Archiepiscopum.* Directa igitur ea proponuntur ad Adonem, Viennensem in Gallia Archiepiscopum, quem Nicolaus Papa certiorum etiam fecit de ausu memoratorum Episcoporum, quos Synodus Romana damnaverat,

### De epistolis ad Adonem, vel Albinum Viennensem Archiepiscopum.

Quum nuper memoraverim Adonem Archiepiscopum Viennensem in Gallia, non abs re esse videretur huc referre Nicolai epistolas ad eundem. Inter ceteras recententur quatuor in 2. appendice Labbeana, quarum prior incipit Consultationis vestre sub hoc titulo: *Nicolaus Episcopus servus servorum Dei, Reverentissimo, & Sanctissimo Confratri nostro Adoni Sanctæ Viennensis Ecclesiæ Archiepiscopo.* Hujus epistolæ initio egit Nicolaus de conjugio Lotharii Regis, cujus causa, quemadmodum dictum modo fuit, universi Galliarum Antistites turbabantur. Deinde ita prosecutus est: *Interea de illo Clerico, Alvico nomine, quem per ordines ecclesiasticos usque ad Diaconatum caste vixisse dicitis, cur nostra auctoritate uxorem duxerit, miramur, & eo quod nulli unquam exceptis illis, quos ecclesiastica regula habere permittit, uxorem ducendi licentiam dedimus. Nam exemplar epistolæ, quod misistis, neque recognovimus, sed nec illius stylum a nobis directum fuisse meminimus. Quocirca vestra fraternitas sollicita investigatione perquirat, ut quis auctor illius epistolæ fuerit valeat inveniri, quatenus cum apostolica auctoritas mittitur, non susceperit, & si vestros legatos destinaveritis, per eos ut ipsam epistolam nobis dirigatis, optamus, quo cum illam contemplati fuerimus, vos de hac causa certissimos reddere possimus.* Ex his perspicue liquet, Alvicum quendam Diaconum voluisse Episcopo suo Adoni illudere, falso quodam sub Pontifice Maximi nomine edito privilegio, seu dispensatione, quam ubi perspectam habuit Ado, nihil æquius duxit, quam eundem Pontificem

Maxi-

Can. 4.  
cau. 25.  
qu. 2.

Can. 4.  
dig. 32.

Maximum de ejusdem privilegii causis, & de re ipsa gesta interrogare. Hinc porro & supplebis, & interpretaberis commodissime canonem 4. dist. 32., quem Ivo Carnotensis perperam in parte 6. decreti cap. 119. tribuit Stephano, quoniam Adonem Viennensem temporibus Nicolai I. vixisse scimus ex monumentis Conciliorum, non autem vixisse liquet temporibus Stephani, sive intelligamus Stephanum Leonis III., sive Stephanum Hadriani III. successorem.

Alla est Nicolai ad Adonem epistola, quæ incipit *Quia sanctitatis vestræ* num. 69., ubi proponitur de quibusdam ecclesiasticæ disciplinæ capitulis Nicolaus ad Adonem interrogatus; & in cap. 3. hæc leguntur: *Si bi, qui sacras res ecclesiis datas, & a fidelibus oblatas, quasi a Principibus sibi indultas invadunt, vastant, diripiunt, retinere præsumunt, auctoritate Episcopali excommunicandi, & anathematizandi sunt. De his quidem rebus, quæ semel Deo contributæ, atque dicatæ sunt, & postea sub occasione concessionis Principum a quibusdam invaduntur, sancimus, ut prius consulto Principe, ad rescandam tam præsumtivam factionem, cognoscendum utrum illius sit concessio, an invasoris præsumtio. Quod si Principis inordinata fuerit largitio, ipse sit Princeps pro emendatione redarguendus, si autem invasoris declaratur præsumtio, usque ad emendationem excommunicationis sit vindicta coercendus.* Hæc eadem verba, relata sunt apud Gratianum in can. 22. cau. 12. qu. 2., & sub eodem Nicolai ad Adonem scribentis nomine apud Ivonem parte 3. cap. 152. In ea autem epistola observatur nonnulla deesse, a Collectore idemtidem omissa; eamque ob rem non repugnabit, quædam apud Collectores alios descripta fragmenta huc referri commode posse, etiamsi in vulgatis epistolæ codicibus desiderentur.

In canone 6., & 7. dist. 27. tribuuntur duo fragmenta Nicolæ Papæ scribenti ad Albinum Viennensis Ecclesiæ Archiepiscopum. Fallax sane inscriptio, in qua facile arbitraretis pro nomine Albini scribendum esse Adonem, utpote quem Viennensi tunc Ecclesiæ præfatum fuisse scimus, nec reperimus alteri Albino concedendum in Viennensi Ecclesia locum. Siquidem & ante Pontificatum Nicolai regebat Viennensem Ecclesiam Agilmarus, qui deinde interfuit Concilio Lingonensi apud Saponarias anno 859. temporibus Nicolai Pontificis celebrato; anno vero sequente, scilicet 860, jam successerat Ado, utpote quem interfuisse scimus in Concilio Tullensi ejusdem anni; cum autem Ado ipse subscripserit anno 873., ac propterea post obitum Nicolai, Concilio Cabilonensi, nulla possunt tempora demonstrari, quibus locus fiat Albino Viennensi Episcopo. Emendationem hanc non improbabat Mansius in suo supplemento Labbeano tom. 1. pag. 977., ubi refert fragmentum epistolæ Nicolai I. ad Albuinum, (forte Adonem Archiepiscopum) Viennensem, ut est apud Gratianum dist. 27. ex rescripto Laodicensium ad Trajactensem in Codice Udalrici tom. 2. col. 318. Verba fragmenti ibidem descripta sunt hæc: *Quod interrogasti de femina, quæ post obitum viri sui velamen super caput imposuit, & finxit se sub eodem velamine sanctimoniale esse; postea vero ad nuptias rediit, bonum, & canonicum nobis videtur, quod per hypocrisim ecclesiasticam regulam conturbare voluit, & non legitime in voto suo permansit, ut pœnitentiam de illusione nefanda agat, & revertatur ad id, quod spondidit, & in sacro ministerio incubavit. Nam si consenserimus, quod omnia ecclesiastica sacramenta quisquis, prout vult, fingat, & non vere faciat, omnis erdo ecclesiasticus conturbatur, nec Catholica fidei jura consistunt, nec sacri ordines rite observantur. Tales ergo, nisi respiciant, spiritali gladio percutere censemus; non enim fas est Spiritui Sancto mentiri.* Animadvertit deinde Mansius in

Can. 6.  
& 7.  
dist. 27.

codicibus editis addi nonnulla, quæ facile quisquam intelliget, quoties cum his conferet, quæ apud Gratianum leguntur. Verum ego a Gratiane inscriptione magis recedendum putarem, nec investigandum crederem Albinum inter Viennenses Archiepiscopos, cum non ad Albinum, vel ad Adonem scriptam Epistolam esse arbitrarer; quamobrem ita cenfeo immutandam Gratiani inscriptionem: *Nicolaus Papa ad Adalvvinum Juvavenſis Eccleſiæ Archiepiſcopum*. Revera id perſpicue demonſtratur ex codice Reginonis, qui ſcripſit labente ſæculo 9., ac propterea fuit Nicolao I. fere coævus. Sane in Appendice 1. ejuſdem cap. 57. hæc leguntur: *Nicolaus Epicoſopus ſervus ſervorum Dei reverentiſſimo, & ſanctiſſimo confratri noſtro Adalvino ſanctæ Juvavenſis Eccleſiæ Archiepiſcopo*. Quod autem interrogaviſti de femina, quæ poſt obitum mariti ſui.... ſanctimonialem feminam eſſe... bonum videtur... & in ſacro miniſterio inchoavit. Nam ſi conſenſerimus... & non vere fiat, omnis ordo Eccleſiaſticus conturbatur, nec... per Apoſtolum fraus ejus detecta, quid ſibi... Deum, ut forte &c. Quæ hoc in loco deſcripſi, et ſunt, quæ a Gratiani editione diſſonant; alia, quæ omiſi, omnino cum Gratiano monumento concordant. Juvavenſis igitur, ſeu Salzburgenſis Epicoſopus erat Adalvvinus, ad quem Nicolaus epistolam ſcripſit, quod licet una probare poſſet Reginonis auctoritas, confirmari adhuc poſſet ex actis Concilii Colonienſis anni 870., cui Adalvvinus interfuit, quemadmodum animadvertit Baluzius in notis ad Reginonem. Erratum Gratiani ex Codicibus Ivonis, & Burchardi profluxit: nam Burchardus in lib. 8. cap. 47. tribuit monumentum illud Nicolao ſcribenti *Adalvino Sanctæ Vivenſis Eccleſiæ Archiepiſcopo*. Ivo tribuit Nicolao ſcribenti in parte 8. cap. 65. *Adalvino Sanctæ Viennenſis Eccleſiæ Archiepiſcopo*, & in cap. 152. ejuſdem par. 8. *Alumino Junarienſis Epicoſo*. His autem præhabitis parum ſollicitus ſum de ſententia canonis Gratiani exigenda ad editiones ſive Burchardi, ſive Ivonis, cum ſufficiat retuliſſe Reginonis editionem, utpote ceteris antiquiorem, & magis integram.

Eadem ſane ratione emendandus erit canon 1. diſt. 34., quemadmodum etiam Baluzius animadvertit in notis ad Gratianum, ubi enim Gratianus habet *ad Albinum*, legendum erit *ad Adalvvinum*. Præterea ſimiliter in can. 4. cau. 7. qu. 1. pro vocibus illis *Aluino Januenſis Archiepiſcopo* legendum erit: *Adalvino Juvavenſis Archiepiſcopo*. Inſcriptionis enim Gratiane falſitatem agnovit Antonius Auguſtinus in lib. 2. de emendat. Gratiani dial. 15. ſcribens temporibus Nicolai nondum apud Janueneſes conſtitutum fuiſſe Archiepiſcopum. Utriuſque autem canonis eundem eſſe fontem, unde Gratianus derivaverit, Ivo Carnotenſis aperte demonſtrat; nam in parte 5. poſtquam in cap. 352. ſub hac inſcriptione *Nicolaus Aluino Jovanenſis Epicoſo* retulerit Ivo memoratum canonem 4. cau. 7. qu. 1., deſcripſit deinde in capite ſequenti, ſeu 353., verba canonis 1. diſt. 34. ſub hac epigraphe: *Idem ad eundem*. Imo cum apud Ivonem eadem monumenta magis integra, quam apud Gratianum, legantur, & penes alios Collectores deſiderentur, juvabit hoc in loco illa ex Ivone ipſo deſcribere. In cap. 352. hæc leguntur: *Pontifices, qui aliquo occupantur infirmitate, vel ægritudine, abſcindi non ſunt, nec alios in locum eorum conſecrari oportet, niſi ex hac fuerint luce ſubtrahati*. Quod ſi de miniſterio ſibi conſeſſo conqueruntur, quæ licita ſunt, Sacerdotes expleant. In his vero, quæ eis præſumere non licet, vicinorum uſque ad recuperandam ſanitatem Epicoſorum auxilia ſubrogentur; & hoc cum cautela ſtudio peragatur, ne per neceſſitatis occaſionem præſumptionis pullulet.

Can. 1.  
diſt. 34.  
& can.  
4. cau. 7.  
qu. 1.



*pullulet ambitio. Episcopi vero, qui dominici gregis susceperunt curam, atque sollicitudinem, ab administratione eorum discedere non oportet, ut accepti talenti pulchritudo non deleatur, sed certamine eorum salubriter augeatur, & triplicetur. Quod autem in hoc canone continetur, non est sane alienum a germanis Nicolai I. sententiis, qui alias professus est, Episcopos aliqua infirmitate correptos non esse ab officio deponendos, sed potius humanitate, ac benevolentia sublevandos, quemadmodum perspicue colligi potest ex canone 14. cau. 3. qu. 9., dummodo ad integra Nicolai ejusdem monumenta exigatur; item ex Capitulis responsum Nicolai Papæ ad legationem Salomonis Episcopi missi a Rege Ludovico Germanico cap. 5. in Appendice III. Epistolarum ejusdem Pontificis. Atque hæc pertinent ad dictum canonem 4. cau. 7. qu. 1. Verba canonis 1. dist. 34. ita leguntur apud Ivonem in cap. 353. Quorundam relatione fidelium nostris intimatum est, quod Ianfredus Episcopus, qui & juvenis esse dicitur, venationi sit deditus. Quod vitium plurimos etiam de clericali catalogo genere dumtaxat Germanos & Gallos irreverentes implicat. Verum iste, si ita est, ut audivimus, merito juvenis dicitur, qui juvenilibus desideriis occupatus nulla senum gravitate constringitur. Item: O miseram vitam hominum, & maxime Sacerdotum, qui dum lucrandis fidelibus debent insistere, venandis feris incumbunt, & quos capere oportet homines, capiunt aves, & bestias, quæ dum moribus student animantium, vitam suarum amittunt animarum: O infelicem vitam super omnem vitam! Nam in quo magis quisque carnalis apparet, quam in talis vita? Venatorum enim vita nil præter carnes capit, in qua dum quisque permansit, nunquam probatus est. Nam, ut B. dixit Hieronymus, venatorem nunquam legitimus sanctum. Væ hujusmodi Præfatis, qui dum debent Petrum, Andream, Jacobum, & Johannem, quibus a Domino dictum est; Venite post me, facite vos Piscatores hominum, ad imitationem suam eligere, quorum & discipuli sunt, magis Nemrod & Ismaelem, atque Esau reprobos imitantur, qui hujusmodi adinventionibus incubuisse referuntur. Nihilominus autem de hoc Episcopo relatum est Apostolatus nostro, quod cum quadam filia sua immoderatam teneat familiaritatem, & ob id mala fama ei orta sit; pro qua re a Sanctitate sua, ceterisque Coepiscopis suis commonitus, ac correptus est, sed nullatenus emendatus. Quæ res in hoc maxime displicet, & magis ac magis de se deteriorem reddit opinionem. In quo beatitudini suæ, & Coepiscoporum suorum rationibus non obedit, & per inobedientiam in culpam Protoplasti relabitur. Oportet ergo fraternitatem tuam Synodale cum Episcopis, & suffraganeis tuis convocare Concilium, & hunc salutaribus eloquiis Episcopum convenire, atque illi pastoralis auctoritatis præcipere, quatenus & ab omnium bestiarum, & volucrum venatione penitus alienus existat, atque immoderata filie suæ familiaritate semetipsum omnino coercat. Quod si parre contempseris, & tam pro venationis declinatione, quam pro immoderata filie suæ vitandæ conversatione, vobis admonentibus obedire distuleris, a vestro Collegio excommunicatus abscedat. Quod si in hoc contumax adhuc apparueris, a ministerio cessare debeat. Hæc quoque sententia minime dissonat ab aliis Nicolai monumentis; etenim eisdem fere rationibus, quibus hoc in loco Nicolaus ait Episcopum a venationibus abstinere debere, asserit etiam a venationibus esse abstinendum tempore Quadragesimæ, ita scribens ad Consulta Bulgarorum cap. 44. Nulla visio fit (forte legendum finis) in Quadragesimali tempore venationibus uti, venantes enim nihil præter carnes captant: ut ergo nihil carnale sectari videamini, decenter a carnibus captandis in Quadragesimali præcipere tempore vobis est abstinendum;*

quanto enim jejunii tempore ardius est divinis cultibus insistendum, tanto est in cunctis mundi nocivis oblectamentis longius recedendum, præsertim cum neminem nisi reprobis venationes exercuisse sacra designet historia. Consonant quoque cum hoc Nicolai monumento plures canones editi nono sæculo, qui præsertim habentur inter Francorum Principum Capitularia, quorum unum demonstrare sufficiet, canonem nimirum 8. Concilii Turonensis III., qui refertur in additione 3. eorundem Capitularium cap. 73.

Can. 6.  
cau. 33.  
qu. 2.

Baluzius in notis ad Gratianum non dubitat asserere pertinere etiam canonem 6. cau. 33. q. 2. ad Epistolam Nicolai I. ad Adalvinum Juvavensem, sive Saltzburgensem scribentis. Illud idem fragmentum ab Ivone describitur in parte 8. decreti sive capite 124., sive cap. 333. eisdem omnino verbis, quibus legitur apud Gratianum, sed sub diversa inscriptione: nam in cap. 124. habetur: *Nicolaus Carolo Archiepiscopo, & ejus suffraganeis, & in cap. 333. legitur: Nicolaus Aluino Archiepiscopo.* Quænam potius sit recipienda inscriptio, tuto definiri olim non potuit, præsertim cum inter editas Epistolæ fragmentum illud non haberetur. In hac re admodum dubia tantum huc referri potuissent, quæ in proposita specie a Nicolao I. statuta, vel etiam a Conciliis noni sæculi definita fuerunt, ut cum his sanctionibus Gratiani canon conferretur. Observanda sane in primis, quæ Nicolao eidem tribuuntur in can. 5. cau. 33. qu. 2., ubi Summus Pontifex tum demum voluit interfectores suarum conjugum tamquam homicidas haberi, cum conjuges non proponantur adulteræ. Deinde observandum etiam, quod Nicolaus idem Bulgaris consulentibus rescripserit in cap. 96. ibi: *Quidquid mulier tua contra te cogitaverit, aut fecerit, vel si te accusaverit, non est, excepta causa fornicationis, rejicienda, vel odio prorsus habenda; quæ est, Apostolo præcipientem, sicut a Christo Ecclesia, diligenda; quantum autem hæreticorum ore Christus & accusatur, & in gentibus blasphematur, sed hos interim perversa prædicantes tolerat, & respicientes a misericordiæ gremio non repellit.* In Concilio autem Triburiensi celebrato anno 895. can. 46. ita definitum legimus: *Si cujus uxor constuprata fuerit, & propterea maritus capitali sententia delere illam machinaverit; ipsa vero, urgente mortis periculo, ad Episcopum confugerit, & auxilium quaesierit, operosiori, si potest, Episcopus labore defudet, ne occidatur. Si vero non potest, nullo modo liceat ei requirenti eam reddere viro ad occidendum, quæ se ei obtulit ad defendendum, sed solerti cura transmittet eam ad locum, quem ipsa delegerit, ut secura vivere possit. Si vero interdum maritus eam invenerit, & repetierit, secundum sæculum potestatem habeat, quid agere ei velit &c.* Nomine legum sæculi, quæ in Ecclesiasticis noni sæculi monumentis indicantur, ego intelligo legem Rotharis, quæ habetur in cap. 2. lib. 1. tit. 33. legum Longobardarum his verbis expressa: *Si quis cum uxore sua liberum, aut servum fornicantem invenerit, potestatem habeat eos ambos occidendi, & si eos occiderint, non requirantur.* Hæc autem omnia invicem collata demonstrant, Nicolaum, sacrosque Antistites humanius agendum esse suavisse maritis erga delinquentes uxores, licet legibus Principum in illas ulcisci aliquando permitteretur, idest nulla indicta pœna in ulciscentes, quod maritis iusta de causa iratis indulgendum videretur; ac propterea aut abjudicandum a Nicolao I. quod in dicto canone 6. legitur, si ceteris hujusmodi monumentis adverteretur; aut si abjudicandum penitus nolles, ita debere interpretari, ut cum ceteris, & Nicolai ejusdem, & Conciliorum noni saltem sæculi monumentis convenire quoquo modo possit. Verum, cum

memo-

memoratum Gratiani fragmentum referendum hodie sit ad epistolam directam. ad Carolum Moguntinum, ideo inferius de eodem nonnulla subijcienda putavi.

## De Epistolis ad Carolum Archiepiscopum Moguntinensem, & ejus suffraganeos.

Cum nuper observaverim, canonem 6. cau. 33. qu. 2. apud Ivonem in cap. 13. partis 8. ita laudari, ut tribuatur Nicolao Papæ scribenti ad Carolum Archiepiscopum, & ejus Suffraganeos, statim hoc in loco subijcienda putavi tria alia Gratiani fragmenta, quæ Nicolao eidem Papæ tributa sunt ad Carolum Archiepiscopum Moguntinum scribenti, præter canonem 6. cau. 33. qu. 2. quem Ivo, ut superius jam dixi, ad hanc epistolam retulit. Temporibus Nicolai fuit Carolus Ecclesiæ Moguntinæ Episcopus, successor Rabani, qui in eadem Ecclesia fedit usque ad annum 856. Post Carolum ex actis Concilii Sueffionensis III. anni 866. & ex epistola ejusdem Concilii ad Nicolaum Pontificem dignoscitur fuisse Liubertum Episcopum. De Carolo habetur mentio in monumentis illius ætatis, nimirum in actis Concilii Moguntini anni 857. sub Ludovico Imperatore, & Benedicto Pontifice. In postrema Labbeana editione ad calcem ejusdem Concilii habetur epistola Nicolai Papæ ad Episcopos Germaniæ, qui ad illud idem Concilium convenerant, videlicet ad Carolum Archiepiscopum Moguntinum, ejusque suffraganeos, Alfridum, Salomonem, Hiltisimum, Theodoricum, Guntonem, Cebehardum, Arn. Wingarium, Egibertum Episcopos, atque Grimaltum, Egilberhtum Thiotoniumalem, & Adalgarium Abbates. Plura in hac epistola coacervantur disciplinæ Ecclesiasticæ capita, præter facta nonnulla, quæ Nicolai auctoritate discussa, ac directa videntur. Agitur in primis de causâ cujusdam Abbonis, qui incestum iniverat conjugium; deinde de Episcopo quodam Salomone de crimine accusato, hinc de epistola, quam Nicolaus negat a se fuisse missam per Abbatem Grimoldum, licet Concilio nomine Pontificis oblata fuisset. Rursum autem auctor epistolæ ad Abbonis incestuosi causam regreditur, asseritque, nemini licere in quarta generatione constitutas sibi jungere conjuges, statimque addit: *Sacerdotes vero si in fornicationis inciderint laqueum; & criminis, & manifestus, sive ostensus fuerit alius, Sacerdotii non possunt habere honorem secundum Canonice Institutionis auctoritatem.* En canonem 33. dist. 50. apud Gratianum. Post hæc idem de Diaconis ferendum judicium esse concludit, quod de Sacerdotibus dixerat; feminas autem semel sacro velamine consecratas, nec si fornicatæ fuerint, nunquam velamen illud posse deponere, sed pœnitentiæ potius subjacere. Deinceps definit, quænam esse debeat Parricidarum pœnitentia, quæque servanda sit disciplina in illis, qui vel cum duabus fornicatis proponuntur, vel cum matre, aut filia spirituali, sive quæ in baptismo, sive quæ in confirmatione susceptæ fuerit, maculati: Et statim: *Inter hæc vestra sanctitas addere studuit, si cujus uxor adulterium perpetraverit, utrum marito ipsius liceat secundum mundanam legem eam interficere. Sancta Dei Ecclesia mundanis nunquam confringitur legibus, gladium non habet, nisi spiritualem, ac divinum, non occidit, sed vivificat.* Isthæc sunt, quæ Gratianus descripsit in can. 6. cau. 33. qu. 2., & demum post pauca, quæ ad homicidia non sponte commissa pertinent, ita concluditur: *Vidua quidem, quæ sacrum capiti velamen imposuerit, & inter ceteras velatas*

velatis feminas in Ecclesia oraveris, & oblationem cum illis obtuleris, si professus es in eodem habitu permanere, spondens nunquam religionis deponere velamen, religionis observantia discedere non praesumas. Optamus sanitatem vestram in Christo bene valere. Postrema haec sententia legitur in can. 34. cau. 27. qu. 1. Ego vero de hac epistola plurimum dubito, ne forte cujusquam deceptoris figmentum habenda sit, vel quod illius minime consonet cum ceteris Nicolai monumentis, vel quod sententiae sint ibidem inordinate digestae, quodque jam ab initio dictum est, post intermedia quaedam ab illa materie aliena, repetatur in fine, quemadmodum observatur, ubi nonnulla traduntur de continentia feminarum, quae sacro jam velamine se Deo consecraverant. Huc advocari commode potest, quod ad eandem Synodum Moguntinam adnotavit Mansus in suo supplemento, scribens, ea nullo modo posse congruere Concilio Moguntino anni 857., illud enim celebratum est adhuc in vivis agente Benedicto Papa, ac propterea non Nicolaus, sed Benedictus ab eadem Synodo de propositis disciplinae capitibus fuisset interrogatus. Nec fingi ullo modo posse epistolam a Concilio Moguntino dictam ad Benedictum, & Benedicto vita functo respondisse Nicolaum; nam auctor hujus epistolae perspicue indicat, se jamdiu mittere epistolas potuisse ad Concilium, antequam dissolveretur, dum negat a se scriptas epistolas fuisse, quas Concilio Grimoldus Abbas obtulerat. Quae igitur in hanc epistolam relata sunt, videntur potius hinc illinc collecta ab auctore ex variis ecclesiasticis monumentis, sub Nicolai nomine; nam, ut in fragmentis Gratiani consistam, canon 33. dist. 30. pertinet potius ad canonem 11. Concilii Wormaciensis anni 868., ibi: *Sacerdotes igitur, si in fornicationis laqueum ceciderint, & criminis manifestus, sine ostensu fuerit alius, Sacerdoti non possunt habere honorem, secundum canonica institutionis auctoritatem.* Item, canon 34. cau. 27. qu. 1. legitur in can. 21. ejusdem Concilii, ibi: *Vidua quidem, quae sacrum capiti velamen imposuerit, & inter ceteras velatas feminas in Ecclesia oraveris, & oblationem cum illis obtuleris, si professus es in eodem habitu permanere, spondens nunquam religionis deponere velamen, a Religionis observantia discedere non praesumas. Quod si praesumeris, & ad id, quod sponderas, revocari non potest, a liminibus sanctae Ecclesiae segregetur, donec ad emendationis remedia confugiat.* Idem iste canon legitur apud Reginonem in cap. 50. Appendicis 1. sub nomine Concilii Africani cap. 89. Non igitur Nicolaus potuit haec ex Wormatiensi Concilio describere, cum Concilium illud sit Nicolao recentius, neque praefatum est, Concilium Wormaciense voluisse sibi vindicare Nicolai epistolam, atque ejus sententias in canones distribuere, quin Nicolai ejusdem faceret mentionem, praesertim quod illud proxime Nicolai ipsius aetatem attingeret, nec potuisset quicquam anno 868. Nicolai epistolam, si extitisset, ignorare. Dicendum adhuc superest de canone 25. cau. 32. qu. 7., sed hunc frustra aut in Concilio Moguntino, aut in memorata Nicolao Pontifici tributa epistola quaereres. Falsa ea primum inscriptio legitur apud Burchardum, qui primus in lib. 9. cap. 28. fragmentum illud laudavit ex epistola Nicolai ad Carolum Moguntinum Episcopum scriptis; ceterum alia est capituli inscriptio in vetustioribus collectionibus. Reginonem memoro, qui tempora Nicolai Pontificis attigit; nam ipse in lib. 2. de Eccles. discipl. postquam in cap. 129. verba descripsit quaedam Romanae Legis nomine (illa ipsa, quae sub nomine Fabii Papae Gratianus retulit in can. 26. cau. 32. q. 7.) ita prosequitur in cap. 130. *Ex eodem; nimirum ex Lege Romana:*

*Siquit*

*Siqui matrimonium sani contraxerunt, & uni ex duobus amentia, aut furor, aut aliqua infirmitas accesserit, ob hanc infirmitatem conjugia talium solvi non possunt. Similiter sentiendum de his, qui ab adversariis cecantur, aut membris detrunquantur. Verba illa aut a barbaris exfessi fuerint, quæ legimus apud Gratianum, desiderantur in Codice Reginonis, quemadmodum etiam apud Ivonem in parte 8. cap. 166. Baluzius in notis ad Reginonem jam visus est indicare, unde nam Gratiani fragmentum sit repetendum; ait enim apud Paullum Jureconsultum lib. 2. sentent. tit. 19. caput istud sic expressum haberi: Neque furiosus, neque furiosa matrimonium contrahere possunt, sed contractum matrimonium furore non tollitur; cui sententiæ hanc interpretationem subjunxit Anianus: Siqui matrimonium sani contraxerint, & uni ex duobus amentia, aut furor accesserit, ob hanc infirmitatem conjugia talium solvi non possunt.*

## De epistolis ad Lotharium Regem.

Quæ superius de Lothario, ejusque conjugio differui, facilem sternere videntur Can. 4. dist. 61. viam ad interpretationem nonnullorum canonum, qui apud Gratianum tribuuntur Nicolao I. ad Lotharium eundem Regem scribenti. Primus est canon 4. dist. 61., ubi Pithæus pro illis verbis *faventem tibi legendum scripsit favente te*, contra quam tamen legatur apud Ivonem in parte 5. cap. 357., ex quo potius emendanda videntur priora illa Gratiani verba: *Porro scias, quia relatum &c.*; nam legit Ivo: *Porro, quia relatum &c.* Hæc sane epistola, ex qua decerpsum est canon, integra non habetur in Collectionibus Pontificiarum epistolarum, licet ibidem exhibeantur aliquot aliz ad Lotharium scriptæ epistolæ; neque habetur inter alia ecclesiastica a nonnullis edita monumenta. Verum ego minime dubito, quominus quod legitur in dicto canone 4. jure sit Nicolao tributum, cum ex aliis integris Nicolai epistolis nonnihil simile, & eidem rei accommodatum legatur, ex quo propterea etiam liceat Gratianum canonem interpretari. Est inter epistolas Nicolai numero 55. scripta ad Ludovicum Germaniz Regem, penes quem Sanctus Pontifex de Lothario conqueritur, tamquam de eo, qui Vvaldradz pellici nimum indulgeret, etiam ubi ageretur de eligendis Episcopis; ubi enim vacaverat Trevirensis, & Colonienfis Ecclesia, curavit Lotharius, ut illi consecrarentur Antistites, quibus Vvaldrada favisset, atque consecrarentur non a Metropolitâ, sed ab aliis Episcopis Theutgualdo, & Gunthario Vvaldradz adhzrentibus. Ea verba Nicolai in laudata epistola: *Hinc etiam, ut novi Treverensi, & Colonienfi Ecclesiis Antistites darentur, injunximus; videlicet qui nec per Theutgualdi, & Guntharii dudum Episcoporum, sed nec per jam factæ Vvaldradæ favorem provererentur, sed canonice a filiis, & de filiis jam nominatarum Ecclesiarum electi, ab his, qui earundem Ecclesiarum Antistites soliti sunt consecrare, regulariter ordinarentur.* Et infra pollicetur Nicolaus, non aliter se recepturum Lotharium pœnitentem, nisi Reginam Theutbergam velut conjugem suam habeat, & nisi de proprio Clero in Agrippinensi Colonia, atque Treverensi Ecclesiis Episcopos ordinari permiserit, eos scilicet, qui nec Vvaldradæ, nec Guntharii, nec Theutgualdi favore vel eligantur, vel etiam consecrentur. Rursum idem Nicolaus in epist. 63. scribens ad Episcopos in Regno Lotharii constitutos ait: *Præcipimus vobis, ut suggeratis filio nostro Lothario glorioso Regi,*

Regi,

Regi & ei, ut nullum Ecclesiæ Cameracensi præjudicium inferat, summopere suadere curretis, quatenus Hilduino submoto, ex se eligendi juxta sacros canones Episcopum Clero, & plebi ipsius Ecclesiæ licentiam tribuat. His jungi possent sequentes epistolæ, nimirum 64. ad Lotharium Regem, & 65. ad Hilduinum Clericum, qui a Lothario electus fuerat Cameracensis Episcopus. Quæ cum ita sit, facile percipitur sententia canonis 4. dist. 63. Cum enim agnosceret Lotharius ab Episcopis definitionem causæ suæ pendere, quam amore pellicis, & odio conjugis susceperat, curabat eos eligere Episcopos, qui sibi, suæque voluntati indulgerent, quod sane Nicolaus probare non potuit.

Can. 3.  
cau. 11.  
qu. 3.

Epistola Nicolai ad Lotharium, ex qua depromptus est canon 3. cau. 11. qu. 3., quamque Romani Correctores asserunt extitisse Romæ in monasterio Dominicanorum, hodie edita est inter epistolæ num. 51. Incipit *Audito reverente misso nostro*. Ejusdem epistolæ argumentum in eo consistit, quod Nicolaus Lotharium Regem moneat, ut repudiatam conjugem recipiat, demonstratque, non aliter dissociari illud conjugium posse, quam si uterque monasticam vitam profiteatur; & prope finem hæc leguntur, ex quibus Gratianus canon emendandus erit, atque supplendus. Igitur consilium nostrum accipe, & monita nostra tamquam affectuosi Patris amplectere, atque ab omni pravitatem mentem, linguam, corpusque refræna, præcipue Waldrade (Antonius Augustinus in dialogo 14. de emendatione Gratiani lib. 2. improbat Contii editionem, in qua legitur *Præcipue Waldrade*, quasi eidem mulieri nomen esset Præcipue; quin tamen ullum hujus nominis extet vestigium) pellicis tuæ, & dudum a te repudiatæ communionem declinans, & ejus consortium perpetuæ oblivioni contradens. Excommunicata est enim, & usque ad præsentiam nostram ab omni Christianorum contubernio sequestrata; sicut totus jam novit Occidens, & jam jamque per missos nostros minime cum plagis ceteris Oriens ignorabit. Quamobrem cavendum est, ne cum ea pari mucrone percellaris sententiæ, ac pro unius mulieris passione, & brevissimi temporis desiderio, vindictus, & obligatus ad sulphureos fœtores, & ad præternatrahæ exitum. Deterius quippe in populis Prælati delinquant, ac per hoc ipsi crudelius, quam ceteri puniuntur. Sed ut manifestius vera nos dicere scias, B. Epam. Gregorium audi, qui ait: Scire etenim Prælati debent, quia si perversa unquam perpetrant, tot mortibus digni sunt, quot ad subditos suos perditionis exempla transmittunt. Unde necesse est, ut tanto se cautius a culpa custodiant, quanto per prava quæ faciunt, non solum moriuntur.

Can. 96.  
cau. 11.  
qu. 3.  
O can.  
19. cau.  
24. qu. 3.

Ivo Carnotensis in parte 8. cap. 227. simul jungit eam, quæ a Gratiano relatæ sunt in canone 19. cau. 24. qu. 3. cum iis, quæ relatæ sunt in canone 96. cau. 11. qu. 3. sub nomine epistolæ Nicolai ad Lotharium Regem. Verba Ivonis hæc sunt, ex quibus fane codex Gratiani erit emendandus: Ita corporis tui moribus cedere concessisti, & relaxatis habentis voluntatum te ipsum in lacum miseræ, & lutum facis pro libitu dejecisti, ut qui positus fueras ad gubernationem populorum, effectus sis ruina multorum. Probat hoc Teugaldi, & Guntharii Episcoporum dudum legitimus casus, qui pro eo, quod te minime competenter erudierunt, quinimmo quia prævaricationem tuam legere argumentis suis sub quadam justitiæ specie fuscatis, quibusdam & exquisitis adinventio-nibus æquitatem obtrudere studuerunt, nostra sunt auctoritate depositi, & ab omni Episcopatus regimine regulariter sequestrati. Item infra: an non distriicta ultione feriendus es, qui in duabus uxoribus adulterium Lamech, & flagitium imitatus dignosceris esse? Quod Dominus nonnisi post 77. generationes suo salutifero adventu delevit, cum Cain fratris-

*fratricidium septima generatione apud abolitum sit cataclismi.* Antonius Augustinus de emendatione Gratiani lib. 2. dial. 14. scribit, de his duobus capitibus nihil se certi accepisse. Ego non dubito, quin jure optimo tribuantur Nicolao, cum in aliis germanis ejusdem monumentis plura his similia perspicue exhibeantur. Nam de Theurgando, & Gunthario depositis in Romano Concilio satis constat ex epistola Nicolai præposita Concilio Romano, ex qua depromptum diximus canonem 21. cau. 2. qu. 1., cui addi potest canon 10. cau. 11. qu. 3. Præterea acres epistolas missas a Nicolao in causa Lotharii fuisse deprehendimus ex epistolis ad eundem. Regem missis, & editis, quæ fere consonant cum iis, quæ nuper ex Ivonne, & Gratiano relata sunt; demum quæ legimus in dicto canone 19. cau. 24. qu. 3., eadem fere scripsit Nicolaus ad Bulgaros nuper ad fidem conversos cap. 51. ibi: *Si liceat uno tempore habere duas uxores exquiritis, quod si non licet, scire cupitis, apud quem inventum fuerit, quid exinde facere debeatis. Duas tempore uno habere uxores nec ipsa origo humane conditionis admittit, nec lex Christianorum ulla permittit. . . . . Denique hoc tam immane scelus est, ut homicidii quidem peccatum, quod Cain in Abel fratrem suum commisit, septima generatione cataclismo vindicatum fuerit; adulterii autem flagitium, quod Lamech omnium primus in duabus uxoribus perpetravit, nonnisi sanguine Christi abolitum extiterit, qui septima & septuagesima generatione secundum Evangelium luxerit in mundum.*

## De epistolis ad Carolum Regem.

Antonius Augustinus in lib. 2. de emendat. Gratiani dial. 13. principio inquit, quinam sit Carolus ille Rex, ad quem Nicolaus scripssisse fertur, concluditque non alium esse, quam Carolum Calvum, qui Rex Francorum post mortem Ludovici Imperatoris salutatatus erat, eratque memorati Regis Lotharii Patruus. Ad hunc itaque Nicolaus epistolam misit de causa Lotharii, Carolum precatus, ut nepotem Regem ad meliora capeffenda consilia adduceret, & rejectam uxorem revocaret. Est hæc numero 50. in editionibus recentioribus Conciliorum, atque incipit: *Nunquam dolorem generas.* Initio laudat Sanctus Pontifex Caroli Regis pietatem, ac religionem, quod eo usque dimissæ Theutbergæ causam tueretur; deinde vero lugere se proficitur, quod accepisset, Carolum Regem nonnihil indulgisse nepoti adversus Theutbergam ipsam, eamque ob rem Reginæ causam videri pene desperatam, *Can. 26. cau. 27.* quod tamen Nicolaus ne eveniat, Principem obtestatur: & subdit: *Excellentiam vestram nolumus ignorare, adeo Lotharium Regem Theutbergam conjugem suam diversis* *94. 2.* *afflictionibus subdidisse, & innumeris pressuris contra præstita juramenta subegisse, ut nobis coacta nunc scriberet, Regia se velle exui dignitate, seu copula, & sola privata vita fore contentam desiderare. Cui nos scripsimus non aliter hoc fieri posse, nisi eandem vitam conjux ejus Lotharius elegeris. Hinc supplere juvabit priora verba canonis 26. cau. 27. qu. 2. Quæ vero sequuntur in eodem canone, pertinent ad epistolam. Nicolai ad memoratum Lotharium, quæ est in recentioribus collectionibus num. 51., in qua Nicolaus Lotharium monet, ne sibi facile persuadeat, libere alteram uxorem ducere, quoties conjux dimissa monasticam vitam profiteretur; non aliter enim permittitur conjugium justum dissociari, quam si uterque conjux pari vitæ monasticæ professione obligetur; & ait ad eam rem: *Nam licet scriptum sit: quod**

Deus conjunxit, homo non sepatet, Deus tamen, & non homo. sepatat, quando divini amoris intuitu ex consensu utriusque conjugis matrimonia dissolvuntur. Si ergo hoc modo vis, nos grato permittimus animo, celeremque præbemus assensum; aliter autem fieri mutuum vestram separationem prohibemus.

Can. 6.  
cau. 6.  
qu. 4.

Prosequitur Nicolaus in epistola ad Carolum, & refert Lotharium meditari, fuisse nova judicia, novasque contentiones, accusantem in his adulterium conjugis, cujus causa eandem jure dimitteret. Discussam jam, diremtamque fuisse causam, & Theutbergam fuisse innoxiam declaratam ait Sanctus Pontifex, nec amplius re definita novis judiciis fieri locum posse. Huc pertinet canon 6. cau. 6. quæst. 4., cujus verba integræ epistolæ omnino respondent. Hæc vero subdit non constituisse Lotharium, qui ut conjugem magis, ac magis torqueret, ad singularem monomachiam causam voluit provocandam, juxta mores illius ætatis, qua receptum erat aliquando, ut in mallo, seu in campo, ut aiebant, congregarentur accusatores, & accusati, testes utriusque litigatoris, aut qui delegati ab illis essent, & objecti criminis probatio ab exitu pugne penderet. Improbendam asseruit Nicolaus

Can. 22.  
cau. 2.  
qu. 5.

hujusmodi judicariam formulam in causa jam definita Theutbergæ, inquit: *Monomachiam vero in legem assumi nusquam præceptum fuisse reperimus; quam licet quodam initio legerimus, sicut Sanctum David, & Goliath sacra præstita historia, nusquam tamen ut pro lege teneatur, alicubi divina sancit auctoritas, cum hoc & hujusmodi sentiantes Deum solummodo sentire videantur.* His emendabis Gratianum canonem 22. cau. 2. qu. 5. Hunc eundem canonem refert Regino in lib. 2. de ecclesiast. discipl. cap. 77. cum hoc superadscripto breviario: *De pugna duorum, quod nostri campum adpellant, quod pro imputato adulterio solet exerceri.* Ex epistola Nicolai Papæ ad Carolum Regem. Huc etiam pertinet canon 4. cau. 33. qu. 2.; etenim eandem materiem prosequens Nicolaus post pauca ita scribit, unde emendandus erit Gratianus: *Prætereā sive de conjugii fœdere, sive de adulterii crimine judicium sit agitandum, nulla ratio patitur, Theutbergam cum Lothario posse legalem inire consuetudinem, vel legitimum controversiæ subire certamen, nisi prius ad tempus fuerit sue potestati reddita, & consanguineis propriis libere sociata. Inter quos etiam locus providendus est, in quo nulla sit vis multitudinis formidanda, & non sit difficile testes producere, vel ceteras personas, quæ tam a sanctis canonibus, quam a venerandis Romanis legibus in hujusmodi controversiis requiruntur.*

Can. 19.  
cau. 23.  
qu. 8.

Alia est Nicolai epistola per paria exemplaria missa ad Ludovicum Germaniæ, & Carolum Calvum Reges, quæ incipit *Credimus ex Dei dono*, atque est 27. in recentioribus Collectionibus. Erat autem Ludovicus Caroli frater, & memorati Lotharii patruus. Utrumque Nicolaus exoravit, ut Lotharium in meliorem frugem revocarent. Eodem tempore conquestus est apud ipsos, quod cum Sanctus Pontifex Concilium Romæ celebraturus esset, nemo ex Episcopis in regno tunc Caroli, tum Ludovici, tum Lotharii consistentibus Romam convenisset, licet vocati, licet etiam non breve tempus fuisset illis constitutum, neque omnes ita detineri possent, ut saltem ex singulis Provinciis bini non accederent. Et post hæc ita inquit: *Reprehensibile denique valde esse constat, quod subintulisti, dicendo majorem partem Episcoporum omnium die nobisque cum fidelibus tuis, contra piratas maritimos invigilare, ob idque Episcopi impediuntur venire, cum militum Christi sit Christo servire, militum vero sæculi sæculo; sicut scriptum est: Nemo militans Deo implicat se negotiis sæcularibus. Quod si sæculi milites sæculari militiæ studens, quid ad episcopos, & milites Christi,*



Christi, nisi ut vacent orationi? Hæc sunt, quæ habentur in can. 19. cau. 23. qu. 8.

Quod legimus in can. 3. cau. 33. qu. 2. perperam tributum est apud Gratianum Can. 3.  
Nicolao Papæ ad Carolum Regem scribenti, quemadmodum jam animadvert- cau. 11.  
runt Correctores Romani, suspicati ex canone sequente inscriptionem irrepsisse. qu. 2.  
Facilius huic conjecturæ parendum videretur, si nonnulla similia non retulisset Gra-  
tianus sub nomine Nicolai Papæ in can. 2. cau. 2. qu. 2. Porro hæc verba sunt  
Isidori Mercatoris, qui in præfatione suæ collectionis multa tradens de iis, qui  
per calumniam accusantur juxta ea, quæ commentus est in epistolis vetustissimis  
Pontificibus adscriptis, hæc habet inter cetera. *Unde & ecclesiastica historia ab Eu-  
sebio Cæsariensi Episcopo confecta de muliere qualiam, quæ pro castitate a marito accu-  
satur, ait: Præceptum, vel interdictum est ab Imperatore lege lata, ut primo per-  
mitteretur ei rem familiarem libere diutius ordinare, tum deinde respondere objectis.*  
*Hæc omnes leges tam ecclesiasticæ, quam & vulgares, publicæque præcipiunt.* Et post  
nonnulla ex Sanctis Patribus, & canonibus Conciliorum deprompta concludit: *Si*  
*enim de mulieribus, & secularibus hominibus hæc constituta sunt, multo magis ecclesi-*  
*asticis viris, & sacerdotibus sunt concessa.* Quis fuerit in his Isidori scopus, nemo non  
videt; cum enim sibi agendum præcipue proposuisset de Episcopis accusatis, quemad-  
modum in omnibus fere a se confectis epistolis recinit, nihil antiquius habuit  
quam eo etiam referre aliquot vetusta monumenta, quale erat quod ex Eusebio  
descripsit. Ceterum hujusmodi exemplum parum, aut nihil valere poterat, ut Gra-  
tiano proposito accommodaretur. Narrat Eusebius lib. 4. histor. eccles. cap. 17.,  
duos fuisse conjuges lasciviz pari, & intemperantiz deditos, uxorem deinde sacro  
baptismate Deo sacramentum curavisse, ut maritum a vitio revocaret. Maritus e-  
contrario pervicax Alexandriam perrexit, ibidemque eo etiam gravioribus vitiis  
animum inquinavit. Religiosa uxor verita, ne pessimo viri exemplo maculam &  
ipsa contraheret, a marito diverit; quamobrem iratus maritus eandem apud pu-  
blicos Ethnicos Magistratus accusavit, quod Christo nomen dedisset. Ipsa uxor  
interea supplicii libello Imperatorem obtestata est, ut prius rei familiari procu-  
randæ, atque administrandæ sibi facultas daretur, ac deinde rebus domesticis con-  
stitutis accusationi se responsuram esse pollicita, cui annuit Imperator. Quid vero  
commune habet cum hoc exemplo, quod apud Gratianum agitur de uxore di-  
missa a viro absque causæ cognitione? Qui conferet sententiam memorati cano-  
nis 3. cum ceteris sententiis canonum in eadem causâ, & quæstione descripto-  
rum, facile intelliget, quam procul in hac parte Gratianus a proposito consilio  
aberraverit.

## De epistola ad Ludovicum Regem.

Ludovicus Germaniz Rex, & Lotharii Regis Patruus, de quo superius actum Can. 16.  
est ad can. 19. cau. 23. qu. 8. is idem est, ad quem Nicolaus epistolam scripsit can. 2.  
num. 55. quæ incipit *Syllabarum vestrarum*, unde depromptus est canon 16. cau. 2. qu. 1.  
qu. 1. Ibidem sane nihil aliud exhibetur, quam causâ Lotharii Regis, a Nicolao  
Pontifice Ludovico Patruo etiam commendata. Verba dicti canonis 16. cum  
epistola ipsa optime consonant. Tribuitur quoque Nicolao ad Ludovicum Regem  
scribenti canon 8. dist. 96. Sed cum iste canon potius referendus sit ad epistolam Can. 8.  
Nicolai dist. 96.

Nicolai ad Michaellem in Oriente Imperatorem, commodius de eodem sermo in serius erit instituendus.

## De epistola ad omnes Episcopos in Regno Ludovici.

Cum. 4. Refert Gratianus in can. 4. cau. 20. qu. 3. epistolam Nicolai ad omnes Episcopos in Regno jam memorati Ludovici constitutos; & quidem Gratianus Ivonem secutus videtur, qui in parte 6. decreti cap. 356. eandem epistolam exhibet sub hac inscriptione: *Nicolaus Papa I. omnibus Episcopis in Regno Ludovici*; Cum vero apud Ivonem nunquam sint aliter edita, juvabit eadem hic adnotare: *Præfens Clericus . . . nomine Atho . . . ut post suum discessum præfens filius ejus Lambertus in locum ei succederet . . . inter octavum, & undecimum annum . . . voluntatem illius cucullam induit . . . Episcopus cum cum quibusdam aliis eidem Lamberto absque . . . benedictione monasticum illum induere fecit habitum, ut fertur, invitum . . . permovere voluit. Super . . . sed idem Clericus Atho . . . ut suus filius verus Monachus fuisset, & in locum ei successisset. Sed sub testificatione jurejurando firmabat, quod . . . Monachico habitu violenter indutus fuerit, asserens, quia nunquam regulam aliquando promissi . . . palla altaris involutum illum obtuli . . . regulæ unquam subactum fuisse Monachum. Super his . . . Clericus Atho . . . Quod enim quis non elegit . . . Quapropter consultius agitur . . . materna illud (quod absit) hereditate privare . . . regulis se subdat &c.* Apud alios Collectores, ne in ipsis quidem amplissimis recentiorum Collectionibus, hoc ipsum monumentum minime legitur. Ego vero plurimum de eo dubito, ne forte falso tributum illud fuerit Nicolao. Nam quoties conferatur cum aliis Nicolai epistolis, ac præferim cum epistola scripta ad Episcopos in Regno Ludovici constitutos numero 58. apud Labbeum, quæ incipit *Gaudemus quidem*, perspicue liquebit, omnium styllum a stylo illius plurimum dissonare, ut nulla sit epistola, quæ cum ista quoquo modo conveniat. Præterea non video, quæ ratio esse potuerit Nicolao, cur in causa privati cujusdam Monachi, in qua quæreretur, num quis in Monasterio consistere necessario deberet, an posset relinquere monasterium, universos in Regno Ludovici sive in Germania constitutos Episcopos excitaret; neque enim consueverunt leviores istæ controverfix in majoribus Synodis, & plurium Episcoporum discuti; quod magis magisque confirmatur ex eo, quod in Conciliis illius ætatis, quæ sine plura celebrata feruntur, nihil hujusmodi gestum adparet, quamquam in illorum actis nonnullas alias causas diremtas perlegamus; verosimile autem non est, in eisdem Conciliis nihil omnino exhiberi de hac controversia, quoties eadem fuisset Germanicis Episcopis auctoritate Nicolai Pontificis commendata. Demum si canonis Gratiani integram sententiam consideres, ne illam quidem invenies dignam Pontifice Maximo: Siquidem proponitur ibidem quidam adolescens invitus; & paterna auctoritate impellente additus Monasterio: declaratur is solutus ab omni vinculo, quod ejusdem voluntas defecerit, interea tamen teneri videtur ad vitam communem ducendam inter Canonicos regulares. At jure quæreris ab auctore canonis, cur ille profiteri debeat Canonicorum regularium vitam, de qua nunquam cogitavit, quando Monasterio non obligatur, cui paterna voluntate fuit additus? Imo nec satis quidem constât, utrum paterna voluntate fuerit adolescens

icens idem Monasterio additus, cum in principio epistolæ, auctor asserat ita Monasteria ædificata fuisse, ut Patre decedente, ut legit Gratianus, aut discedente, ut legit Ivo, filius in Patris locum succederet. Qui ergo dicit obstrictum Monasterio filium, oportet etiam supponat obstrictum Patrem, contra quam ex ipso contextu epistolæ deducatur.

## De epistola ad Episcopos in Concilio apud Convicinum congregatos.

Cum Rothadus Suesfionensis Episcopus in Concilio habito in Convicino villa prope Silvanectum circa annum 863. accusatus fuisset de variis criminibus, ac præsertim quod ipse Presbyterum injuste deposuisset, bona dissipasset Ecclesiæ, & Hincmari Rhemenfis Archiepiscopi, sui que Metropolitani præceptis obstitisset, dum agnosceret brevi se in eadem Synodo, cui Hincmarus præerat, esse damnandum, forte etiam deponendum ab Episcopatu, Romam ad Maximum Pontificem ante sententiam Concilii appellavit. Hæc interposita appellatio Hincmarum, & suffraganeos ejusdem Episcopos a proposito non dimovit, qui Rothadum damnaverunt, deposuerunt, eidemque dejecto successorem dederunt. Id ægre admodum tulit Nicolaus, qui objurgatis Episcopis Silvanectensibus tandem post plura gesta in Romano Concilio Rothadum in pristina jura restituit. Quid scripserit Nicolaus ad memorati Concilii Agnoscites, exhibetur in epist. 32., quæ incipit *Scriptis dilectæ fraternitatis*, ad quam pertinet can. 1. dist. 10. Inter cetera Silvanectenses Antistites, ut justam sententiam depositionis assererent, aiebant ex juris Imperialis principiis non posse interponi appellationem, antequam sententia abs judice inferiore dicatur; quod fecerat Rothadus ad Apostolicam Sedem provocans, antequam sententia in Provinciali Concilio pronunciaretur; deinde aiebant etiam ex principiis Imperialis juris non esse recipiendam appellationem a sententia illorum, qui electi velut arbitri fuerint; Episcopos autem in causa Rothadi judicaturos electos specialiter fuisse. Nicolaus e contrario ab his principiis recedendum esse contendens ita scripsit: *Insuper autem, & ad imminutionem Apostolicæ, & summæ Sedis privilegiorum, quibus vestrarum quoque Ecclesiarum privilegia firmare deposcitis, Imperatorum Leges proponitis, quibus quasi prohibentibus, adstruere non habuisse appellationis vocem Rothadum nitimini, cum consuet constitutionibus mundanarum legum, & Imperatorum non omnibus ecclesiasticis controversiis utendum esse, præsertim cum inveniantur ecclesiasticæ, ac canonice sanctioni obviare. Ad quod ostendendum duorum heroum, Innocentii scilicet, & Gregorii satis sufficiunt testimonia. Sanctus Innocentius quidem in decretali epistola sua ad Alexandrum Antiochenum Episcopum ait: Nam quod sciscitaris, inquiens, utrum divisi imperiali iudicio provinciis, ut duæ metropoles fiant, sic duo metropolitani Episcopi debeant nominari. Non ergo visum est, ad mobilitatem necessitatum mundanarum Dei Ecclesiam commutari, honoresque, ac divisiones perpetui, quas pro suis causis faciendas duxerit Imperator. Beatus autem Gregorius scribens ad Theodisiam Patriciam inter cetera, si enim, inquit, religionis causa conjugia debere dissolvi dicunt, sciendum est, quia etsi hoc humana concessit lex, tamen divina prohibeat. Ecce quemadmodum Imperiali iudicio non possint ecclesiastica jura dissolvi; ecce qualiter quod lex humana concessit, lex divina prohibeat. Non quod Imperatorum leges, quibus sæpe Ec-*

can. 1.  
dist. 10.

clesia

*clesia circa hereticos utitur, sepe circa tyrannos, atque circa pravos quosque defenditur, dicamus penitus remuendas; sed quod eas evangelicis, apostolicis, atque canonicis decretis, quibus postponendæ sunt, nullum posse inferre præjudicium adferamus. Post hæc ad suam rem laudat Nicolaus statuta Concilii Sardicensis, quæ habentur in can. 7. cau. 6. qu. 4. Interea ex his omnibus supplere poteris memoratum canonem 1. dist. 10., quem ut commodè interpreteris, te juvare admodum poterunt alia monumenta, seu nonnullæ Nicolai epistolæ in eadem causa modo ad Episcopos, modo ad Principes, modo ad Rothadum ipsum directæ, seu nonnullæ epistolæ Episcoporum, ac præsertim Hincmari Rhemensis ad Nicolaum, seu acta Conciliorum illius ætatis, in quibus discussa videtur ejusdem Rothadi controversia, junctis iis, quæ Interpretes numero multi in eandem rem abunde scripserunt.*

## De epistolis ad Hincmarum Rhensem Archiepiscopum.

Ex iis, quæ superius de Rothadi Sveffionensis causa disserui, satis liquet subortas aliquas fuisse similitates inter Nicolaum Pontificem, & Hincmarum Rhensem  
*Can. 3. dist. 8. Archiepiscopum, qui contra Rothadum Suffraganeum suum acerrime pugnavit, quemadmodum & adversus alios Clericos, qui deinde ad Nicolaum Pontificem appellaverunt. Cum vero Sanctus idem Pontifex agnosceret, Hincmarum potestate sua vividus, quam par esset, uti, ac Metropolitanæ privilegio, ita eundem redarguit in epistola, cuius initium est Epistolam Beatitudinis tue, edita inter acta Concilii Sveffionensis 3. anni 866. : Quamvis hæc ne nos arbitreris ad discrimen quodlibet tue sanctitatis, vel dignitatis exaggerasse, cum meliora esse vulnera diligentis, quam fraudulenta odii oscula non nescias: sed ne adeo in privilegiorum tuorum defensionem, vel elationem immoderatus erigaris, ut Apostolicæ Sedis jura quocumque temere setigisse videaris. Nam mala consuetudo, quæ non minus, quam perniciofa corruptela, vitanda est, nisi citius radicitus evellatur, in privilegiorum jus ab improbis assumitur, & incipiunt prævaricationes, & variæ præsumptiones celerrime non compressæ pro legibus venerari, & privilegiorum more perpetuo celebrari. Ex his supplebis verba canonis 3. dist. 8.*

Alia est Nicolai epistola ad Hincmarum Rhensem, & ceteros Archiepiscopos, & Episcopos in Regno Caroli Regis Ecclesias constitutas regentes, quæ incipit:  
*Can. 5. dist. 12. Omnium nos portare onera, atque est numero 70. in Labbeana collectione. Ibidem Nicolaus conficios eos Episcopos reddit de ambitu, ac perfidia Græcorum, quæ cum nuper Photium, expulso Ignatio, in Sedem Constantinopolitanam intrusissent, moliebantur a Romana Ecclesia divertere, imo & doctrinam Romanæ Ecclesiæ, disciplinamque damnare. Adversus eosdem Græcos Nicolaus Hincmari, aliorumque Antistitum animos inflammavit, quorum alacri studio futurum sperabat, ut Orientalium ausus cohiberentur: ex hac epistola depromptus est canon 5. dist. 12., quo exhibetur Nicolaus urgere, ne quisquam quæ a Sanctis Patribus tradita sunt, patiatur infringi. Inter cetera vero, cum Græci libellum fidei a Legatis Sedis Apostolicæ Constantinopolim accedentibus postulavissent, ut Romana exhibita dogmata libere, perspicueque damnarent, non potuit id non ægre ferre Nicolaus, ita iniquens in eadem epistola: Libellos autem nos ab illis & exigere, & suscipere, non autem illos*

illos a nostris requirere solere, consuetudo hac usque custodita demonstrat. Cum enim Christi munere, propter Primatum Ecclesiæ Romanæ in Beato Petro concessum nemini sit de Sedis Apostolicæ iudicio judicare, aut illius sententiam retrahere permisum; constat nimirum eos ab his nullum jus possidere libellos exigendi, quos habere fas iudicandi nullo iubentur canone, nullo probantur exemplo. Hæc eadem fere sunt, quæ Gratianus retulit in can. 30. cau. 17. qu. 4., quem propterea ex integra epistola non tam supplere, quam emendare iuvabit.

Ad memoratam Rothadi causam, quam Hincmarus discusserat, non obstante, introducta appellatione ad Sedem Apostolicam, pertinet alia Nicolai epistola ad Hincmarum, quæ incipit *Si coram tue prudentiæ oculis*; ibidem enim Nicolaus torus est, ut redarguat Hincmarum quasi veterum canonum violatorem, atque eo spectat ex illa epistola depromptus canon 13. cau. 2. qu. 6., cui jungendæ sunt Romanorum Correctorum notæ, quas non universi probant; etenim in editis epistolæ exemplaribus postrema canonis verba ita exhibentur, & canonica Patrum de liberatione pristino tandem, & proprio decorarentur honore.

Antonius Augustinus in lib. 2. de emendat. Gratiani dial. 12. inter incerta Nicolai monumenta recenset canonem 21. cau. 3. qu. 9.; verum licet eadem ipsa Gratiani verba in editis Nicolai epistolis desiderentur, nonnulla tamen similia passim apud Nicolaum leguntur. In epistola ad Hincmarum Rhemensem 29., quæ incipit *Sanctitatem vestram*, loquens de causa Rothadi Episcopi Svesvionensis ad Summum Pontificem appellationis causa devoluta, ita scribit Nicolaus: *Siqui videntur illius esse calumniosiores cum presbytero illo, qui dejectionis ipsius causa existit, Romam pariter cum sæpe memorato Rothado omni remota occasione, indefinenter occurrant. Hoc autem expresse decernimus, ut post xxx. dies, postquam hæc nostra epistola ad vos delata fuerit, aut præfatum virum Rothadam omnino restitueris pristinae dignitati, aut si iuste vos in eum egisse putatis, Romam cum eodem vos, vel vester legatus vestram vicem in omnibus ferens, ut utriusque partis causam ad liquidum sciamus, adveniat. De eadem Rothadi damnatione scribens in epistola 32. ad Episcopos Synodi Silvanectensis, asserit se nihil definire ullo modo posse, incognitis rebus, priusquam universa, quæ gesta essent, veraciter audivisset; imo se scripturis ex partibus missis non satis credere, proindeque se iudicare non posse, quousque nemo partis illius, qui objectis annueret, vel renueret, Pontificem adivisset, addens: Nam accusatores, quodcumque voluerint, dicunt, & scimus iustum mediatorum non esse, qui sic unam partem audiat, ut alteri parti nihil reservet. Addere his possumus similem Nicolai sententiam, quæ legitur in canone 12. cau. 3. qu. 9., ex quibus omnibus cum perspicue liqueat, tradi sæpius apud Nicolaum, nullam posse proferri sententiam, nisi coram Iudice præsentibus adiit & accusatores, & is, qui de crimine accusatur, quid aliud elaborandum superest, ut investigetur curiosus, num memoratus canon 21. sit Nicolai nomine recipiendus?*

Rursum Antonius Augustinus expendens canonem 102. cau. 11. qu. 3. in dial. 15. lib. 2. de emendatione Gratiani nihil aliud concludit, quam illum inter incerta capitula esse recensendum. Hodie vero edita est epistola Nicolai ad Hincmarum Rhemensem in recentioribus collectionibus in appendice 1. num. 18., cuius verba cum paullo aliter describantur, quam sint apud Gratianum, iuvabit hic integræ referre. Scribit Nicolaus: *Excellentissimus Rex Carolus apostolicum nostrum consuluit, quid agendum sit de his, qui cum Ingelkrude sæpe damnata communicant semina, quoniam*

Can. 13.  
cau. 2.  
qu. 6.

Can. 21.  
cau. 3.  
qu. 9.

Can. 102.  
cau. 11.  
qu. 3.

quoniam eos cum excommunicatis, & fautoribus simul prius vinculo anathematis retineri constas adstrictis. Quapropter nunc Beatitudini tue injungimus, ut super hoc nostra auctoritate freta curam de his sumere audeas. Es quia deſta divinitus Sanctitas tua valde novit, aliud eſſe ex neceſſitate, aliud ex ignorantia, atque aliud, quod ex ſtudio delinquitur, iſtudque poſterius duobus prioribus ſtrictius eſſe puniendum, idcirco ſolenter invigiles, & cauta diſcretionem ſingularum mores dijudicet, quatenus hi, qui ex neceſſitate, vel ignorantia delinquant, auctoritate noſtra per te abſolvantur, ſi tamen ipſorum ignorantia, & neceſſitas vera, & non ſimulata, vel non ex voluntate proceſſerit, qualiter bene noſti. Plerique ſunt, qui poſſunt quidem, ſed nolunt recta noſſe. Unde Pſalmiſta in huiusmodi: Nolu-erunt, inquit, intelligere, ut bene agerent. Illos autem, qui ſtudio ſuo obligantur, & contemptu imerdita noſtra poſtponunt, nonniſi digna ſatisfactione praeveniente, volumus a te prorsus abſolvi. Erat Ingeltrudis Mattheſſedi quondam Comitſ filia nupta Boſoni etiam Comiti, relictoque viro in regno Lotharii cum peſſima ſui nominis fama vagabatur. Iniquum hoc exemplum minime ferens Nicolaus, propterea ad Carolum Regem epiſtolas ſcripſit, ut Lotharium nepotem ſuum Regem moneret, ne diutius ſineret in Regno ſuo libere adulteria perpetrari, quemadmodum liquet ex Synodo Tullenſi anni 860., & ex Hincmaro de divortio Lotharii; imo & idem Nicolaus in Romano Concilio 3. anni 863. can. 4. eandem Ingeltrudem ſe anathematizaviſſe cum fautoribus ſuis profeſſus eſt. Videantur ad hanc ipſam rem epiſtolæ Nicolai 53. ad Ludovicum Regem Germaniæ, 54. ad Epiſcopos in Regno Caroli conſtitutos, una cum epiſtola Arſenii Epiſcopi Hortenſis, & Legati Apoſtolicæ Sedis ad omnes Epiſcopos, & Fideles Galliæ, Germaniæ, ac Neultrix, item epiſtola 1. appendicis 1. ad Carolum Regem in Veneta Labbei editione.

## De epiſtolis ad Epiſcopos Galliæ.

Can. 7.  
diſp. 19.

Vix eſt, qui non noverit, quam acres ſub Nicolao I. fuerint Gallicanorum Epiſcoporum contentiones invicem ſubortæ, quibus occaſionem primum dedit Rothadi Sveſtionenſis jam ſuperius memorati cauſſa, quaſque fervidiores etiam reddiderunt nova diſſidia concitata inter duos Hincmaros Rhemenſem, & Laudunenſem Epiſcopos, patruum, ac nepotem. Agebatur de accuſatis Epiſcopis, & eorum cauſſa in provinciali Concilio diſcutienda, non ſolum uſque ad definitivam ſententiam, ſed etiam uſque ad ſententiæ executionem, non obſtante introducta ad Sedem Apoſtolicam provocazione. Rothadus in primis temporibus Nicolai in Concilio provinciali damnatus appellaverat, poſtulabatque, ne quidpiam, appellatione pendente, innovaretur; neque deerant ipſius cauſſæ patroni: deinde Hincmarus Laudunenſis in Concilio apud Attiniacum damnatus temporibus Hadriani II. eadem fere Rothadi veſtigia preſſerat, ac nonniſi ſerius pacati Gallicanorum animi quieverunt. Emerſerant tunc epiſtolæ decretales, auctore Iſidoro Mercatore, vetuſtiſſimis, ac ſanctiſſimis Romanis Pontificibus adſcriptæ, quibus cauſſæ Epiſcoporum præſertim criminales, quaſi cauſſæ majores, ita reſervatæ Sedi Apoſtolicæ demonſtrabantur, ut locus Provincialium Epiſcoporum iudicio fieri vix poſſet: hinc tam Rothado, quam Hincmaro Laudunenſi nihil antiquius fuit, ut ſux cauſſæ firmum aliquod patrocinium quaererent, quam eas epiſtolas producere, quibus ſuorum Metro-

tropolitanarum, & Provincialium Synodorum jurisdictionem aut in totum, aut in parte saltem eluderent. Constant hæc perspicue ex actis memorati Concilii apud Attinacium, & ex capitulis Hincmari Rhemenfis adversum Hincmarum Laudunensem scriptis. Inter cetera vero argumenta, quibus Hincmarus Rhemenfis, & cum eo plures Gallicani Antistites utebantur, ad vindicandam plenissimam suorum Conciliorum auctoritatem, duo hæc potissima producebantur. Primum, quod illæ epistolæ ita singulares erant, & causis, pro quibus scriptæ fuerant, speciali jure accommodatæ, ut generalem disciplinam perpetuo, & in unaquaque provincia servandam minime constituerent. Alterum, quod eadem epistolæ in codicibus canonum ad usum Ecclesiarum editis non continerentur. Nicolaus, qui Rothadi causam jam susceperat, e converso adversus Gallicanorum Episcoporum sententias scribens, probare non potuit rationes illas; hinc postquam demonstravit causas Episcoporum velut majores referendas esse ad Apostolicam Sedem, ostendit præterea, quam infirma essent objecta Gallicanorum adversus epistolam Isidorianam, quas non quidem Nicolaus idem produxerat, sed ab Episcopis provocantibus ad Sedem Apostolicam, præsertim ab Hincmaro Lugdunensi, productas acceperat. Huc spectat epistola, quæ incipit *Quamvis singularum Ecclesiarum*, Nicolai ad universos Episcopos Galliarum, & refertur inter acta Concilii Romani VII. anni 863. in recentioribus Conciliorum editionibus. Ex eadem depromptus est canon 1. dist. 19., cujus priora verba ita legenda erunt. *Si enim ipsorum* (sua) *baudiendum est Romanorum Pontificum*, de quibus antea institutus erat sermo, quod Gratianus expressit *decreto ceterorum episcula tractatorum approbantur, vel reprobantur, ita ut quod Sedes Apostolica probat, hoc tenetur acceptum, & quod illa repulit, hætenus inefficax habeatur, & quanto potius, quæ ipsa pro catholica fide, pro profanis dogmatibus repellendis &c.* Post illa verba esse peribeat ita sequitur in epistola Nicolai: *Nam nonnulla eorum scripta penes Nos habentur, quæ non solum quorumcumque Romanorum Pontificum, verum etiam priorum decreta in suis causis præferre noscuntur. At nunc, ubi suis animis resuscitare, & privilegia tanto nos, ut in sui status incolumitate persistens, elaborare non cessamus, quanto universæ Ecclesiæ profuisse, prodesse, ac profutura semper esse probantur. Dignum ergo est, ut ubi universa fabrica moles innititur, ibi firmum, validumque habeatur in omnibus fundamentum. Porro si ideo non esse decretales epistolæ priscorum Pontificum Romanorum admittendas dicunt &c.* In vers. *Ergo doctrinam nonnulla Gratianus adiecit, pro quibus ita erit legendum: Ergo doctrinam eorum, & sanctiones de codicibus suis erant, ut quid &c.* Ex hac integra epistola liquet, Nicolaum quidem Sedi Apostolicæ reservatas dixisse causas illas ecclesiasticas, in quibus ageretur de deponendis Episcopis, at ad id demonstrandum non quidem argumentis usum fuisse, quæ ex Isidorianis epistolis depremerentur, sed potius aliunde hausisse, & quidem gravissima argumenta. Quod si de veterum Pontificum epistolis non nihil attigit, non eo mentem convertit, ut illas velut indubias prorsus, & firmissimas habendas censeret, sed quod nosset Gallicanos Episcopos generaliter omnes decretales Maximorum Pontificum genuinas etiam, & germanas contemnerent, quoties in Codice canonum non legèrentur. Licet autem parum interesset, aut nihil Christianæ Reipublicæ ad epistolam Isidorianam veluti ecclesiastica disciplinæ præsidium confugere, cum incertis, aut falsis monumentis nunquam Ecclesia ob stabilitatem sui opus habuerit, intererat tamen quæmaxime præjudicium illud

ab animis fidelium, ac potissimum Episcoporum averruncare, qui putabant, nihil recipiendum esse, nisi quod in canonum Codice expressum contineretur. Quis enim non noverit, exinde etiam nonnihil videri potuisse detractum non solum sanctissimis ecclesiasticorum virorum monumentis, verum etiam ipsis sacris literis, quemadmodum egregie Nicolaus argumentabatur. Videamus ad hanc rem, quæ inferius traduntur ad canonem 14. cau. 3. qu. 9.

Antonius Augustinus in Dialogo 13. lib. 2. de emendatione Gratiani expendens canonem 2. cau. 15. qu. 6. ita scribit; *Ex epistola ad Episcopos Gallie esse dicitur; apud Petrum Ciacontum in incertis colloatur. B. Nusquam extare adscripserunt Romani Correctores, qui notant ex ea probari auctoritatem epistolæ primæ Alexandri primi. A. Debuissent prius, cujus esset hoc caput, probare, nam ex incertis incerta probatio elicitur. Nicolaum relatas epistolas ab Isidoro Mercatore non improbare dubium est.* Tria hoc in loco pronunciat vir eruditus. Primum inter incerta Nicolai monumenta illum canonem recenseri: deinde Correctores Romanos ex eo perperam probare auctoritatem epistolæ 1. Alexandri I., demum Nicolaum I. Pontificem non improbavisse epistolas ab Isidoro Mercatore editas. Quod spectat ad primam Antonii Augustini observationem, non repugno; imo & dubitationi tum ejusdem Antonii Augustini, cum Ciaconii vires adduntur, sive ex eo, quod inter monumenta huc usque edita sub Nicolai nomine idem canon locum non habeat, sive ex eo, quod quæ de Episcopo Treverensi ibidem traduntur, non satis congruere possunt Theutgauda tunc temporis Episcopo Treverensi, utpotè, qui suis negotiis ita implicabatur, cum passim in Synodis, & epistolis Pontificis una cum Gunthario Episcopo damnaretur, ut non posset alio se, suosque Clericos divertere una cum illis, qui proponuntur eodem obligationis genere colligati, sive demum ex eo potissimum quod verosimile non est, Nicolaum ad Episcopos Gallie scribentem iniviti voluisse auctoritate Alexandri I. juxta illas epistolas, quæ ex Isidori Mercatoris officina prodierant; noverat enim perquam abunde, Gallicanos Antistites parum, nihilque deferre hujusmodi monumentis; si enim in gravissimis causis, ac controversiis, quæ apud Gallicanos Antistites concitatz fuerant, ipse Nicolaus abstinuisse dignoscitur a referendis singularibus Isidorianarum Decretalium capitulis, quod de illorum auctoritate dubitare nosset Gallicanos Antistites, quid comminiscitur Gratianus, aut quisquis Gratiano auctor exitit, epistolam ad Gallicanos Antistites scriptam, in qua Nicolaus demonstrat se Alexandri Papæ decretis adherere, illis inquam decretis, quæ edita fuerant a Mercatore, & quorum vi Gallicani Antistites se minime premi candide profitebantur? Non aliud in hac sua epistola Nicolaus obtinisset a Gallicanis, quam ad veterem questionem acrius Gallicanorum animos concitare, suasque, quas proponebat sententias, novis ambagibus involvere. Quod spectat ad alteram Antonii Augustini notam, qua tradit Romanos Correctores ex hoc Nicolai monumento velle probare auctoritatem epistolæ 1. Alexandri I. Pontificis, atque in hac parte in eo peccare, quod ex incerto fragmento velint probationem certam elicere, non possum viro erudito adsentiri, cum nihil tale ex Romanorum eorundem Correctorum observationibus colligi possit. Ajunt illi tantum, *Nicolaum citare epistolam Alexandri I., de qua notaverant supra dist. 19. cau. si Romanorum.* An vero in his verbis voluerint iidem Correctores asserere, Nicolaum revera probavisse Alexandri I. epistolam; ego satis non video; cum aliud sit a Nicolao epistolam Alex-

andri

Can. 2.  
cau. 15.  
qu. 6.



xandri citari; aliud Alexandrinæ epistolæ firmari auctoritatem; deinde Romani Correctores non definiverunt ibidem a Nicolao I. revera laudari epistolam Alexandri I., tantum indicaverunt, quanam esset epistola Alexandri I., quæ hoc in loco sub Nicolai nomine laudabatur. Demum quod attinet ad postremam Antonii Augustini notam, asserentis Nicolaum non improbavisse epistolas Isidori Mercatoris, quousque consistamus in eo, quod Nicolaus nihil adversus earum auctoritatem definiverit, non obisto; at si eo usque redigenda res sit, ut tradatur, Nicolaum probavisse, ac confirmavisse auctoritate sua epistolas Isidorianas, nullo modo adfentiri possum; etsi enim improbaverit, confeceritque gravissimis argumentis Gallicanorum Antistitum sententias, qui Isidorianas epistolas ideo rejiciebant, quia in Codice canonum non habebantur, non tamen exinde ea omnia confirmasse intelligitur monumenta, quæ posita erant extra Codicem canonicum, sive germana essent, sive commenticia; cujus rei gravissimo argumento est, quod Nicolaus nunquam dignoscitur inter contentiones, quas gravissimas habuit adversus Gallicanos Antistites, earum epistolarum proposuisse auctoritatem, & ex illis depromisse sententias, quæ ceteroqui sæpissime ejusdem proposito fuissent accommodatæ.

### De epistola ad Gallionem Episcopum Senensem.

Quæ apud Gratianum memoratur epistola Nicolai ad Gallionem, aliis in collectionibus melius dicitur scripta ad Wenilonem, seu Wanilonem Archiepiscopum Senonensem, quemadmodum habetur in integra epistola edita a Cordeſio in Appendice opusculorum Vincmari Rhemensis, & in recentioribus Labbei editionibus in 1. Appendice epist. 23., & in actis Concilii Senonensis anni 862. Epistolæ argumentum hoc est. Herimannus quidam Nivernensis Episcopus Wenilonis Senonensis Metropolitæ suffraganeus tali identidem & corporis, & animi infirmitate corripiebatur, ut rebus ecclesiasticis non tam parum consulere, quam gravissimum detrimentum adferre palam diceretur. Deducta causa fuit ad Concilium Sveſſionense 2. anni 853., in quo cautum est, ut Metropolitanus quasi Visitatoris officio fungens ad Nivernensem Civitatem accederet, ibidem negotia omnia ecclesiastica peracturus, atque interea Herimannus in urbe Senonensi maneret, donec infirmitas perseveraret. Post aliquot menses celebrato eodem anno Concilio Vermeriensi 2. decretum est, ut Herimannus vivo lapsu tempore, quo nimium magis ægitudine premebatur, ad suam Civitatem reverteretur, ibidem pastoralis officium iterum suscepturus. Sed Wenilo anno 862. una cum suffraganeis suis Concilium celebrans hanc ipsam Herimanni causam retraxavit, reque discussa suo, & Concilii nomine ita ad Nicolaum Pontificem scriptis, quemadmodum edidit Petrus Delalande ex Codice Floriacensi. *Sugerimus mansuetissimæ Paternitati vestræ, in nostra Diocesi in oppido, quod Nevernum dicitur, esse quandam Episcopali officio præditum nomine Herimannum, qui frequenter admonitus, & diu exhortatus, ut revalesceret, implere non sufficit ipsum officium mente non integra. Dicitur autem Melchisedes Papa decrevisse, nequis unquam Pontifex sine consensu Papæ Romani deponeretur. Unde supplicamus, ut statuta illius integra, sicut penes vos habentur, nobis dirigere dignemini, ut hinc distis ipsas confirmari, aut sicut B. Gregorius doctus fecit de Ariminensi Episcopo simili incommodo laborante sequamur aut*

scit S. Gelafius docet, removendus sit mente percussus. Quo verum absque dubietate sciamus, expectimus, & expectamus vestrum iudicium, ne in temeritatis calumniam aliquatenus incidamus, sed vestro instituti moderamine veritatis, & reſtitutinis tramitem nullatenus deſeramus. Optamus ſanctitatem veſtram in Chriſto bene valere. His reſpondit Nicolaus in primis laudans Wenilonem, ejuſque ſuffraganeos, quod non, ſicut quamplurimi ex Gallicanis Antiltitibus fecerant, Apoſtolice Sedis auctoritatem contemnerent, ſed ad illam potius confugerent; ubi cauſa deponendi cujuſdam Epilcopi verſaretur. Deinde ad Herimanni cauſam veniens, inſonuit Epilcopos, ne illum deicerent, ſed potius infirmum adjuvarent, ſublevarentque, ne pondus ponderi ſuperadderent; ac tandem ita concludit: *Indicatis autem illum ſuper quibuſdam exceſſibus fuiſſe frequenter accuſatum: pro quibus quia ex parte ipſius perſonae deſt, nos uni parti ad alterius diſcrimen credere procut dubio non poſſumus, quamois nec uſque ad huc qui fuerint illi exceſſus dixeritis, nec utrum ſano eras mente idem Antiltes, nec ne, cum ipſe exceſſus perpetrabat, evidenter oſtenderitis; ſatiſque arbitramur, quamlibet interim infirmitatem ad panam peccati, quam ad ipſum pertinere peccatum, cui magis conſulendum ſit, & compatiendum, quam puniendum, vel aliquo modo ſerendum &c.* Ita exhibet Labbeana editio, contra quam in aliquibus verbis ediderit Cordelius in Appendice Hincmari Rhemenſis; nam pro illis verbis: *Cedere procut dubio non poſſumus, quamois nec uſque ad huc qui fuerint illi exceſſus . . . nec ne cum ipſe exceſſus . . . arbitramur . . . vel aliquo modo ſerendum &c.* ſcripſit Cordelius: *Cedere procut dubio non poſſumus, quamois nec quique ad huc illi fuerint exceſſus . . . nec cum ipſo exceſſus . . . arbitremur . . . vel etiam aliquo modo ſerendum &c.* Hinc ſupplendus erit, emendandusque Gratiani canon 14. cau. 3. qu. 9. Atque ex his ita deſcriptis firmiſſimum argumentum deducitur ad oſtendendum, quod ſuperius jam adduxi ad canonem 1. diſt. 19., nimirum Epilcopoſ quidem Gallicanos contententes de auctoritate Synodorum Provincialium propoſuiſſe in Conciliis Mercatoris epistolas, de quarum vi inter ipſos diſputabatur; nunquam tamen harum auctoritate ſe fretum credidiſſe Nicolaum. Videmus enim Senonenſis Provincie Antiltes ſub Wenilone congregatos non auſos fuiſſe ſententiam ferre in cauſa Herimanni Epilcopi, veritos ne adverſus decretalem epistolam Papæ Melchiadis aliquid facerent, imo & epistolam ipſam Melchiadis a Nicolao poſtulaviſſe. At Nicolaus quamquam illos laudaverit, quamquam eiſdem quid agendum eſſet in cauſa Herimanni reſcripſerit, de epistola tamen Melchiadis ne verbum quidem ſecit, ſaturus ſane, ſi in ea firmum agnoviſſet exercendæ diſciplinæ præſidium; neque enim commodior alia ei oſſeſſet occaſio potuiſſet, qui Melchiadis ſententiam in medium proferret, & executioni demandandam pronunciaret, quam ubi de ea proferenda fuerat requiſitus, & ab illis, qui ad exequenda Melchiadis mandata paratiſſimi videbantur.

Can. 13.  
cau. 3.  
qu. 9.

Quod Gratianus retulit in canonem 12. cau. 3. qu. 9. minime legitur in memorata ad Wenilonem epistola, ſed potius nonnihil ſimile legitur in epistola ad Epilcopos Synodi Silveſtreſis apud Convicinum congregatos, ex qua ſuperius dixi depromptum eſſe canonem 1. diſt. 10. Agitur ibi de cauſa Rothadi, quem, poſtquam ad Sedem Apoſtolicam provocaverat, inauditum damnandum eſſe volebant. Eam ob cauſam ſcribit Nicolaus de Odone Epilcopo, qui nihil adverſus Rothadum objecerat: *Quamquam ſi objeciſſet, nihil ad damnationem jam diſti Rothadi proſequeret, cum neminem partis illius, qui obſeſſis vel annueret, vel renueret, noſtram conſuetudinem*

constaret adissa presentiam (nam accusatores quæcumque voluerint dicunt), & sciamus iustum mediatorem non esse, qui sic unam partem audit, ut alteri parti nihil reserves. Ceterum hæc etiam consonant cum sententia epistolæ Nicolai ad Wenilonem, quemadmodum perspicue liquet, si canones 12. & 14. cau. 3. qu. 9. invicem conferantur; ac proinde hinc occasio esse potuit Collectoribus, ut dicto canoni 12. etiam Nicolai epistolam ad Wenilonem inscriberent. Quod vero in eodem canone legitur in vers. *His ita præmissis* usque in finem, cum pertinere nequeat ad causam Herimanni, qui nunquam Apostolicam Sedem adire proposuerat (nec enim id moliri gravis ejus sinebat infirmitas), proinde referri non potest ad epistolam Nicolai ad Wenilonem, & suffraganeos ejus. Potius a Collectore hæc æctia fuerunt ex aliis Nicolai sententiis, qui passim in suis epistolis ad Gallicos Episcopos scribit, non esse impediendos Sacerdotes, ne appellationem ad Sedem Apostolicam interponant, suasque causas demum apud eandem Sedem definiendas proclament.

## De epistola ad Girardum Episcopum Turonensem.

Canonem 10. cau. 2. qu. 1., quem Gratianus descripsit ex epistola Nicolai ad Girardum Turonensem Archiepiscopum, Ivo Carnotensis in parte 6. decreti cap. 429. laudavit ex epistola Nicolai ad Alrardum Archiepiscopum Turonensem. Baluzius in notis ad Gratianum adjectis Antonio Augustino ait, in Codice Victorino legi nomen *Airardi*, in alio Codice Victorino recentiore legi nomen *Archaldi*, in Sangermanensi *Arardi*, & in Colbertino *Ayrardi*. Nullam ex his editionibus probandam esse jure optimo subdit vir eruditus, arbitratus legendum potius esse nomen Herardi, utpote quem certissimum est fuisse Turonensem Archiepiscopum temporibus Nicolai, & perspicue demonstrant ejusdem temporis monumenta; Subdit autem, Flodoardum in lib. 3. historiz Rhemenfis cap. 21. memorasse varias Hincmari epistolas Episcopis scriptas, atque inter ceteras *Herardo Turonensium Amisui de quibusdam Apostasis ad Ecclesiam redeuntibus, & aliis penitentibus suscipiendis*. Sed hæc parum prodesse videntur ad investigandam auctoritatem epistolæ Nicolai ad Herardum, unde depromtus dici potest memoratus canon 10. Sane inter epistolas, quæ huc usque sub Nicolai nomine editæ sunt, desideratur ista; ac tantummodo inter acta Concilii Suesionensis III. anni 866. alia legitur epistola Nicolai ad Herardum Archiepiscopos, seu ad omnes Episcopos Provincie Turonensis, quæ incipit *Multorum a partibus Galliarum*. Ex hac vero epistola nonnulla facile deduces ad interpretationem memorati canonis 10. cau. 2. qu. 1., quam integrum ejus archetypum non habemus. Refert Nicolaus, se a Gallicanis pluribus Romam confluentibus accepisse, Hincmarum Rhemensem deiecit quosdam Clericos ab Ebbone ordinatos. Item se ab Hincmaro conscium factum fuisse, quibus de causis lidem Clerici jure dejecti haberi deberent, imo & acta Concilii, in quo dejecti fuerant, perlegisse. Deinde subdit prudentissimus Pontifex, se quidem paratum esse ad subveniendum oppressis, attamen non posse facile adduci, ut statim dejectos Clericos restitueret in gradum suum, nisi primum Hincmarum audivisset, a quo dejecti proponebantur. Ait Nicolaus inter cetera: *Verum nos nec hos interim justificamus, nec pro hoc quolibet condemnamus; nec facile vocem ipsorum*

Can. 10.  
cau. 2.  
qu. 1.

istorum spernimus, nec reverentiam jam dñi fratris improvide reprehendimus: Illud quidem, ne obturare aures ad clamores pauperum, idest humilium, dignoscatur; hoc vero, ne de incognitis immature judicare quidpiam videamur. Hinc & Herardum, & Hincmarum hortatus est, ut rursus causas dejectorum Clericorum discuterent, & clementer de illis sententiam reformarent. Quoties igitur sententia canonis 10. cau. 2. qu. 1. eam interpretationem accipiat, quæ maxime congruat cum sententia memoratæ epistolæ Nicolai ad Herardum, ego non dubitaverim, quominus idem canon Nicolao recte sit tribuendus; quoties vero ita canon intelligatur, ut a sententia memoratæ epistolæ procul recedat, ego non facile eo deventuro, ut in diversis ad Herardum scriptis epistolis contrarias Nicolai sententias agnoscam. Hinc autem intelligis, quid significant ea Gratiani verba *Presbyter pauper*, nec non illa *sue paupertatis causa*; etenim sicut in memorata epistola Nicolaus eos appellavisse *pauperes* proficitur, qui *humiles* essent, ita *paupertatem* dixit *humilitatem*, sive animi demissionem. Pro illis Gratiani verbis: *Cleri emendatione* legit Ivo: *celeri emendatione*.

### De epistola ad Rodulfum Archiepiscopum Bituricensem.

Primum abs Johanne Cordesio in Appendice opusculorum Hincmari Rhemenfis, deinde a Bino, Sirmondo, ac recentioribus Collectoribus edita est epistola Nicolai, quæ incipit: *Suscepisti sanctitudinis tue literis directæ ad Rodulfum Bituricensem Ecclesie Archiepiscopum*. Eum in primis laudat Nicolaus, quod erga Sedem Apostolicam maximam devotionem exhibeat, brevibusque deinde verbis ejusdem interrogationi satisfacit septem subiectis capitibus. Caput primum pertinet ad officia Corepiscoporum, de quibus tunc præsertim in Gallia crebras scimus subortas fuisse disputationes. Caput secundum aliter habetur in Labbeana Collectione, aliter apud Cordesium; nam in editione Veneta Labbeana in prima Appendice epist. 19. eadem omnino habentur, quæ legimus apud Gratianum in cau. 8. cau. 9. qu. 3., dummodo pro illis Gratiani verbis *provocaverint, vel si &c.* legamus *provocaverint per appellationes, vel si &c.* At apud Cordesium hæc tantummodo verba leguntur: *Primates autem nihil privilegii habere præ ceteris, nisi quantum sacri canones concedunt, & prisca consuetudo illis antiquitus contulit, dissentimus, ita ut secundum Nicænas regulas suis privilegia serventur Ecclesiis; præter si Apostolica Sedes aliquam Ecclesiam, vel Rectorem ipsius quolibet speciali privilegio decreverit honorare*. Apud Ivonem in parte 5. cap. 56. eadem omnino leguntur verba, quæ sunt apud Gratianum; neque omnino illa repugnant cum adjunctis temporis illius, & provinciarum Gallicanarum; cum non ignotum sit, Bituricensem Ecclesiam jura Primatus super plures Gallicanas Ecclesias explicavisse. Videatur ad hanc rem epistola Philippi Principis ad Innocentium III., quam edidit Baluzius in lib. 4. de concord. Sacerd. & Imper. cap. 13.

In capite 3. eadem leguntur verba, quæ habentur apud Gratianum in can. 12. dist. 23., ubi sane notanda est disciplina Romanæ Ecclesiæ, quæ nono sæculo vigeat, juxta quam sicut non Diaconorum, ita nec Presbyterorum manus sacro Chrismate inungebantur. Ceterum in Ordinatione Episcoporum erat in usu, ut manus novorum Antistitum Chrismate consecrarentur, quemadmodum deducitur ex Concilio Car-

Can. 8.  
cau. 9.  
qu. 3.

Can. 12.  
dist. 23.

Carisiaco anni 858. can. 15. Hinc autem forte illud evenit, quod Græci temporibus Nicolai occasionem arriperent, dicendi, se auctores esse quodammodo sacri Chris-  
matis, & ab ipsis per totum mundum tribui, quemadmodum idem Nicolaus conquestus est in Responsis ad consulta Bulgarorum cap. 94.

Quæ habentur in capite 5. apud Nicolaum, leguntur eisdem verbis apud Gratianum in can. 6. cau. 30. qu. 1., dummodo animadvertatur, postrema verba sive apud Labbeum, sive apud Cordesium ita haberi: *delicta ignorantia mea ne memineris*. Temporibus Nicolai plures matrimonio juncti, ut occasionem nanciscerentur a conjugibus recedendi, uxores suas cogebant, ut primæ uxoris filias in Sacramento Confirmationis exciperent, quemadmodum viceversa uxores maritos ad idem peragendum inducebant, ut prætextu spiritualis initæ cognitionis ab illis diverterent, & nova conjugia contraherent, uti colligi potest ex Flodoardo, qui in lib. 3. cap. 21. refert, Hincmarum Remensem, scripsisse ad Lupum Episcopum Catalaunensem pro quodam, qui dolo deceptus fuerat, ut infantem proprium ad catholicizandum teneret, item quid de hac re Synodus decreverit. Jam olim in Concilio Compendiensi anni 757. cautum fuerat, ut si quis privignum, vel privignam in Sacramento Confirmationis suscepisset, a congressu conjugis abstineret, non tamen novas nuptias contraheretur, item in Concilio Cabilonensi II. anni 813. statutum fuit, ut si qua mulier filium desidia, aut fraude suscepit in Sacramento Confirmationis, ageret penitentiam, quamdiu viveret, non tamen a marito diverteret. Hanc ob rem Nicolaus Gallicano Antistiti scribens, illud potissimum voluit, ut quæ in Conciliis Provincialibus statuta fuerant prudentissime, sine discrimine sanctissime custodirentur.

In cap. 6. ejusdem epistolæ leguntur verba canonis 5. cau. 33. qu. 2., dummodo tamen deleas verba illa *sine judicio*, quæ tum in editione Labbei, tum in editione Cordesii desiderantur, quamquam habeantur apud Ivonem. Forte pertinent illa ad cujusdam ignoti Glossographi additamentum. Quod autem in eodem canone laudatur ex regula decretalium Leonis Papæ, referendum est ad canonem 14. cau. 33. qu. 2., quemadmodum alii jam recte animadverterunt. Demum in capite 7. epistolæ ita legimus in editione Labbeana: *Porro Gloria in excelsis Deo ab Episcopis in Cæna Domini inter Missarum solennia more nostro dicenda est. Pallio vero Apostolico eadem die uti illis solis est licitum, quibus solis ab Apostolica Sede permittitur*. His consonat editio Cordesii, dummodo pro postremis verbis ista substituas: *Quibus est ab Apostolica Sede permittitur*. Gratianus hæc eadem retulit in canone 56. de consecr. dist. 1.

Can. 6.  
cau. 30.  
qu. 1.

Can. 5.  
cau. 33.  
qu. 2.

Can. 56.  
de consecr.  
dist. 1.

## De epistola ad Rhadoaldum Portuensem, & Johannem Ficolensem Episcopos.

Cum Lotharii & Theutbergæ dimissæ conjugis controversia Francorum Ecclesiam maxime turbaret, illius causa misit Nicolaus legatos Apostolicæ Sedis duos, Rhadoaldum Episcopum Portuensem, & Johannem Episcopum Ficolensem. Non  
fuit hæc nomina in Ecclesiasticis monumentis obscura; nam scimus, Rhadoaldum, (nominant alii Rodoldum) Episcopum Portuensem subscripsisse Concilio Romano anno 853., nec non Johannem Episcopum Ficolensem (alii legunt Ficolensem)

Can. 4.  
cau. 31.  
qu. 2.

sem) subscripsisse alteri concilio Romano anno 861. Antonius Augustinus in Dial. 18. lib. 2. de emendat. Gratiani mendosum esse Johannis Episcopi nomen asseruit, & pro Johanne legendum scripsit Haganonem, emendationem necessariam deducens ex Chronicis Reginonis his verbis : *Anno Dominice Incarnationis 855. missi sunt Hagano, & Rodoldus Apostolice Sedis Legati in Galliam &c.* Cum vero alias de Haganone isto non constet, ego dubito, emendandum forte esse potius Codicem Reginonis, quam alium quemcumque, ubi in aliis Codicibus perspicue de Johanne Ficolensi liquet. Sed hæc levissima esse videntur. Itaque memoratos Antistites missurus Nicolaus ad Francos Lotharii dissidia composituros, communitorium eisdem dedit, tamquam formulam, juxta quam actus suos omnes formarent. Editum nunc istud habemus in Appendice 1. Epistolarum Nicolai apud Labbeum, ad quod refertur plurimum juvabit Gratiani canonem 4. cau. 31. qu. 2. Ea hic describam verba, quæ minime consonant cum verbis Gratianicis. Postquam Nicolaus data ad laudatos Episcopos epistola eos monuit, ut quamprimum Metensem Synodum convocarent, ibidemque, si fieri posset, controversias componerent, eosdem ita de re gerenda conficiis in communitorio reddidit: *Lotharius profectus Waldradam se a patre accepisse, & sororem postmodum admisisse Hucherti . . . . admisisse se dicit, vos illud Evangelicum recolite, quo Dominus, nolite, inquit, timere eos, qui corpus occidunt, & iterum ait: Quid prodest homini, si mundum universum lucretur, animæ vero suæ detrimentum patiatur. In quibus dominicis sententiis considerandum est, quod si occisores corporum timendi non sunt contra iustitiam hominem impellentes, & lucrum totius mundi non profit homini anima perditâ, quanto minus metu unius hominis tantus Rex debuit, contra divinum præceptum in immane præcipitium mergi? In hoc certe se magis reprehensibilem ostendit, in quo amor mundi amorem Dei postposuit. Ubi nihil vobis aliud præcipimus, manifestatione sua eodem Rege convito . . . reconciliari uxorem: nec in hoc carnis voci obtemperes, sed potius divinis præceptis obediens, pudeat eum, imo pectuscat in luxuria fercore gustare, & voluntatem propriam sequendo ante tribunal Christi stridam ponere rationem. Prætera vos scire volo, &c.* Sic emendatus erit Gratiani canon, quem ob glossam se non emendavisse Romani Correctores profitentur.

### De epistola ad Francorum Exercitum.

Can. 46.  
cau. 23.  
qu. 5.

Quod sub nomine Nicolai ad Francorum Exercitum scribentis legitur in can. 46. cau. 23. qu. 5. eidem Pontifici nullo modo congruit, cum ne leve quidem vestigium extet, ex quo deduci possit occasionem Nicolao subortam fuisse, Francorum exercitum concitandi ad arma capeffenda adversus hostes Christianæ fidei, unde morituri in certamine æterna præmia polliceretur. Imo ex iis, quæ superius dicta sunt, facile colligitur, diu elaborandum fuisse Pontifici, ut plurimum Francorum Principum animos inter se dissidentes conciliaret, tantum abest, ut Principes iidem junctis armis fidei causa exercitum instruxissent. His accedit, hujusmodi monumentum in collectionibus epistolarum Nicolai penitus desiderari; proindeque qui illud Nicolao adscribendum censeret, neminem alium sibi fidei justorem adduceret, quam Gratianum. At vero Gratiani ipsius in hac re fides, & auctoritas parum probatur, si licet ex vetustioribus Collectionibus, illis etiam, quibus

quibus idem Gratianus usus fuisse dignoscitur, contradicere. Nam Ivo Carnotensis, ex quo Gratianus canones derivare consuevit, in parte 10. decreti cap. 87. eundem canonem referens, tribuit Leoni IV. Exercitum Francorum adloquenti, & quidem una cum verbis canonis 9. cau. 23. qu. 7. Leoni etiam Papæ per Gratianum adscripti, uno fere, eodemque contextu verborum. Testatur præterea Antonius Augustinus in Dialogo 19. lib. 2. de emendat. Gratiani, eundem canonem in Pannormia videri adscriptum Alexandro II., qui deinde concludit: *illud quidem certe constat, melius, & plenius apud Ivonem in utraque esse collectione, quam apud Gratianum, nisi tibi aliud videatur. B. Hoc ipsum probo, nihilque habeo, quod his addam.* Quamobrem ego in hac parte nihil certo definiri posse crediderim, cum adeo varii collectorum codices sint in indicando canonis auctore, cum præterea neque inter monumenta Nicolai, neque demum inter monumenta Alexandri II. canon ille reperitur. Hinc etiam frustra ejusdem quæreretur interpretatio, donec emergat monumentum, ad quod commode exigatur.

## De Epistola ad Photium Constantinopolitanum.

Celeberrima est in Ecclesiastica historia Photii causa, unde gravissimum Ecclesiæ Orientalis emerit schisma ab Ecclesia Romana, quod Romani Antistites improbabissent dejectionem Ignatii Patriarchæ Constantinopolitani, quem non crimina ulla, sed improborum quorundam odia & Patriarchali Sede dejecerant, una etiam improbabissent ista omnia, quibus Photius dudum laicus homo repente in dejecti locum successus fuerat. Videantur ad hanc rem, quæ tradidi de Synodo octava & nona in cap. 56. prioris partis, & appendice, ubi de Pseudo-Synodo Photiana. Eam ob rem ad suam curam pertinere arbitratus est Nicolaus Pontifex Maximus, ut Photium tamquam alienæ Sedis invasorem corripere, quod pluribus ad eum missis epistolis perfecit. Inter ceteras epistola laudanda est, quæ habetur numero 6., atque incipit *Postquam Beato Petro*, ex ea enim excerpti sunt duo Gratiani canones, nimirum canon 14. dist. 16., & can. 2. dist. 20., licet in vetustis Gratiani codicibus potius tribuantur Nicolao scribenti ad Clerum Constantinopolitanum. In memorata epistola ad Photium Nicolaus tradit in primis venerabilem omnibus esse debere Romanæ Sedis auctoritatem, atque censuram, tamquam illius, quæ super ceteris Episcopales Sedes obtineat principatum ex ipsa Christi Domini institutione. Atque ita præfari maxime opportunum erat, ubi res agebatur cum viro ad schismata, & contentiones pronò, & qui parvi pendebat Romani Antistitis monita, ac præcepta, quoties in Episcopatus, quem inique usurpaverat, periculo versaretur. Deinde idem Nicolaus propius ad causam accedens Photium objurgat, quod prope de laico factus Episcopus fuerit, asserens id quidem aliquando contigisse in Nectario, & Tarasio Constantinopolitanis, nec non in Ambrosio Mediolanensi, verum factum id fuisse singularibus temporum, causis, vel personarum adiunctis, at in Photii causa nihil occurrere singulare, unde dispensatione opus fuisset adversus generalem canonum disciplinam, præsertim quod in Constantinopolitana Sede constitutus esset Ignatius Vir religiosissimus, & vere dignus Episcopatu. Tribus autem potissimum argumentis adversus Photium ibidem disserit Nicolaus; opponit enim in primis naturale illud præceptum, *quod tibi non vis, alii ne feceris*; item

Can. 14.  
dist. 16.  
& can.  
2. dist.  
20.

opponit auctoritates Conciliorum, nec non Sanctissimorum Pontificum decreta. Deinde ita subjicit: *Quod vero dicitis, neque Sardicense Concilium, neque decretalia vos habere Sanctorum Pontificum, vel recipere, non facile nobis facultas credendi tribuitur, maxime cum Sardicense Concilium, quod penes vos in vestris regionibus assum est, & omnis Ecclesia recipit, qua ratione convenerat, ut hoc Sancta Constantinopolitana Ecclesia abjiceret, & ut dignum est, non retineret? Decretalia autem, quae a Sanctis Pontificibus primae Sedis Romanae Ecclesiae sunt instituta, cujus auctoritate, atque sanctione omnes Synodi, & Sancta Concilia roborantur, & stabilitatem sumunt, cur vos non habere, vel observare dicitis? Nisi quia vestrae ordinationi contradicunt, & ex laico subito ad culmen Patriarchatus transvolare resistunt contra illud Apostolicum, nemini cito manum imposueris. Quod si ea non habetis, de neglectu, atque incuria estis arguendi; si habetis, & non observatis, de temeritate estis corripiendi, & increpandi. Ita jungendi erunt memorati Gratiani canones 14., & 2., quibus junctis commoda attingetur interpretatio. Etenim nihil magis studendum erat Nicolao, quam ut Photium, & cum eo Orientales omnes ad obedientiam, ac reverentiam erga Sedem Apostolicam exhibendam traheret, quorum animos ab Apostolica Sede multum alienos esse sciebat. Quid aliud porro aptius ad eam rem esse poterat, quam ut, ubi improbitas Photii, quae aperte profiliebat, esset redarguenda, adversus illam opponerentur ii canones, eaque decreta, quibus suprema Romanæ Ecclesiae dignitas confirmabatur? Hujusmodi erant statuta potissimum Concilii Sardicensis, nec non veterum Romanorum Pontificum decretalia, ad quorum lectionem Photii animum prudentissime Nicolaus duxit concitandum; atque ut eosdem canones, & decretalia veneratione dignissima prædicaret, & velut talia intimo Photii animo insinuarer, proposuit eadem, & naturali juri quod tibi non vis, alteri ne feceris, & præcepto Pauli Apostoli nemini cito manum imposueris esse consentanea; his enim positus non poterat Photius decretalibus contradicere, quin etiam aut naturali, aut Apostolico juri contradicere deprehenderetur. Quod vero Photius opponebat, in Ecclesia Græca, aut Sardicensis Concilii canones, aut decreta veterum Romanorum Antistitum desiderari, verosimile non esse replicavit Nicolaus, vel quod Sardicense Concilium in partibus Orientalium celebratum fuisset, vel etiam quod veteres Romanorum Antistitum decretales fuissent satis pervagatz. Deinde eundem Photium de neglectu, & incuria redarguit, si forte se non habere eosdem canones fateretur: noverat enim prudentissimus Pontifex ad Antistitem pertinere curam canonum in Archivis Ecclesiae custodiendorum, ac propterea Constantinopolitanæ Ecclesiae non utiliter præesse, qui recte custodiri, servarique, qui olim erant, canones non fategisset.*

## De Epistola ad Clerum Constantinopolitanum.

Quæ sub nomine Epistolæ Nicolai ad Clerum Constantinopolitanum referuntur Can. 36. in can. 36. & 37. cau. 24. qu. 1. habentur in Epistola 8. Nicolai ad Michaellem & 37. in Oriente Imperatorem, quæ incipit *Proposueramus quidem*; atque ideo in inscriptionem mandum istud irrepsit, quod in Epistola ad Michaellem memoratur Epistola Cælestini Papæ ad Clerum Constantinopolitanum scripta; quamobrem in scriptio Epistolæ Cælestini ex Collectoris oscitantia proslivit in inscriptionem Epistolæ apud Gratianum. Verba ibidem faciebat Nicolaus de injusta Photii ordinatione, & dejectione



jectione Ignatii, quam deposui, & extra communionem sacrorum constitui Antistites fecerant contra Leges Ecclesiasticas, atque auctoritate Coelestini Papæ demonstrabat, neminem dejectum ab Episcopatu, & positum extra communionem sacrorum alium Antistitem posse deicere, ita scribens: Item idem (nimirum Coelestinus) ad Clerum Constantinopolitanum aperte inquit: Sedis nostræ sanxit auctoritas, nullum sine Episcopum, sine Clericum, sine professione aliqua Christianum, qui a Nestorio, vel ejus similibus, ex quo talia prædicare cæperunt, vel loco suo, vel communione dejecti sunt, vel dejectum, vel excommunicatum videri, sed hi omnes in nostra communione, & fuerunt, & huc usque perdurant, quia neminem vel deicere, vel removere poterat, qui prædicans talia titubabat. Intellexistisne Imperator ex superius memoratis non potuisse, ut non dicamus Prælatum suum, saltem quemlibet removere, qui fuerant olim ipsi remoti, nec deicere quemquam jam ante prostrati? Ad infirmendam quoque sententiam damnatorum, etiam illud valere credimus, quod Sancta Synodus ad præfatum Papam, quæ apud se gesta sunt, referens, pro Johannis Antiocheni amputanda Antistitis exaggerata præfatione, quosdam eorum, qui contra Sanctum Cyrillum, & Memnonem latrabant, sine Civitatibus vacantes autem, & Ecclesias non habentes: alios vero ante multos annos pro acerbis causis depositos a suis Metropolitibus, inter alios plurimos fuisse suggestit. Quibus per omnia vestrates, ut ita dicamus, depositores Ignatii comparari plurima ex parte non immerito possunt: ibi namque & sine scilicet, & vagi atque pro suis acerbis facinoribus a propriis Metropolitibus inventi sunt Episcopatu privati. Ibi etiam communione extorres, & anathematis damnationis consortes fuisse probantur. Unde miramur, quomodo excommunicati ad judicandum recepti sint, cum secundum Apostolicos canones sine commendatitiis literis in communione sola recipi prohibeantur. Absurdum etenim est, ut cui non licet etiam cum minimis juxta sacras regulas communicare, liceat penes vos etiam de majoribus judicare. Ex his supplendi erunt laudati Gratiani canones, in quibus potissimum agi videtur de Gregorio Syracusano Episcopo schismatico viro, & jamdiu damnato, qui quemadmodum Ignatium acerrime oderat, omnique contentione curaverat, ut ille deiceretur, ita eo progressus est, ut Photio in Episcopum consecrando manus imponeret.

## De Epistolis ad Michaellem Imperatorem.

Multæ sunt Nicolai Papæ ad Michaellem Imperatorem Constantinopolitanum Epistolæ, quæ tamen ejusdem fere sunt argumenti. Nimirum, cum Michael Photio adversus Ignatium e Sede Patriarchali dejectum faveret, nihil antiquius habebat Summi Pontificis animo, quam ut Imperatoris flecteret voluntatem, ita ut tandem restitueretur Ignatius in gradum suum, atque usurpator Photius damneretur. Sed Gratianus vix unam ex illis epistolis memoravit, quæ est numero octava in Labbeana editione recentissima, & incipit *Proposueramus quidem*. Non amplius memoro canones 36. & 37. cau. 24. qu. 1., qui licet revera habeantur in Epistola Nicolai ad Michaellem, superius jam explicandi fuerunt, quia Gratianus mutavit inscriptionem epistolæ, atque ita descripsit, quasi depromti essent ex epistola Nicolai ad Clerum Constantinopolitanum. Exordior potius a canone 5. dist. 10., cui sane jungendus erit canon 4. dist. 96., uterque enim canon eodem velut spiritu legendus erit, decerpitur ex memorata epistola 8. Nicolai ad Michaellem

Can. 5.  
dist. 10.  
& can.  
4. dist.  
96.

Imperatorem. Conqueritur ibidem Nicolaus, quod Imperator ita faverit Photio, virisque schismaticis adversus Ignatium Patriarcham contendentibus, ut ipse & Ignatium deponendum, & Photium promovendum curaverit convocata Synodo schismaticorum, quorum, ut diximus, acerrima erant adversus Ignatium odia, his verbis: *Congregastis concilium adversus eum, & ad Imperii vestri nutum cuncti sunt famulati minores, & ad vocem secularium (ut cum pace vestra dicamus) de solio Imperiali descendentes, cathedram praesularem, ut ita fateamur, ascendistis, & pro desiderio hostium ejus augustalium obliti sceptrorum, quemdam Regem Israel imitantes, adversus illum sacerdotalis ministerii arripuistis officium: praesertim cum imperium vestrum (verba haec sunt dicti canonis 5. dist. 10.) suis publicae rei quotidianis administrationibus debeat esse contentum, nec usurpare, quae Sacerdotibus Domini solum conveniunt. Dicite, quæsumus, ubinam legistis, Imperatores (verba haec sunt dicti canonis 4. dist. 96.) antecessores vestras in Synodalibus conventibus interfuisse? Nisi forsitan in quibus de fide tractatum est, quæ universalis est, quæ omnium communis est, quæ non solum ad Clericos, verum etiam ad Laicos, & ad omnes omnino pertinet Christianos? & vos autem non solum Synodo in causa Sacerdotis collectæ interfuistis, verum etiam numerosa secularium millia ad videndum ejus opprobrium aggregastis; cum magis debueratis in hoc &c. Ex his ita descriptis facilis admodum redditur eorumdem Gratiano eorum canonum interpretatio. His præterea jungendus erit canon 8. dist. 96., ita enim subsequitur Nicolaus in eadem Epistola: Cum magis debueratis in hoc imitari Constantinum Pium*

Can. 8. Augustum, de quo scriptum est, quod dixerit: Quia si vidissem aliquem eorum, qui Religioso circumalii sunt habitu, turpitudinem aliquam operantem, chlamydem meam explicasset, & cooperuissem eum, ne videretur a quoquam. Sed in viro hoc omnia hæc obli-

dist. 96. vioni trahuntur: sit plausus de Domini Sacerdote scurris, & histrionibus. Superius vero de eadem Ignatii causa, quem improbi accusaverant illius ceteroquin jurisdictioni subiecti, ita scripserat: Si Cham videns Patris verenda risit potius, quam, ut ceteri, cooperuit, maledictionem in filio percepisse legitur, quanto potius hi, qui verecundiam Patris non solum, si quælibet fuit, minime cooperuerunt, sed & riserunt, & falso ad subsannationem sui moris homines provocaverunt: atque, quod est deterius, patenter contra ipsum de pharetra iniquitatis suæ sagittam iudicii produxerunt? Non sic et contra filios sobrios, non sic, sed aversi operuerunt. Quod moraliter egregius Dilector Papa Gregorius interpretatus ait: Aversari dicimus, quod reprobamus. Quid est ergo, quod filii reverentia Patris superjello dorsi pallio aversi venientes operiunt, nisi quod bonis subditis sic præceptorum suorum mala displicent, ut tamen hæc ad alios occulunt? Operimentum aversi deferunt, quia judicantes factum, & venerantes magisterium nolunt videri, quod tegunt. Hæc si conferantur cum memorato canone 8., nemo dubitabit, quin plurimum cum illo conveniant, & ex hujus Epistolæ sententiis congelata videantur, alias autem perperam adscripta Epistolæ Nicolai ad Ludovicum Imperatorem scribentis.

Prope finem ejusdem Epistolæ leguntur verba canonis 8. dist. 10., ubi Nicolaus in eo semper peritit, docens irregularem fuisse depositionem Ignatii, & Photii substitutionem, urpote quæ non legitimi superioris auctoritate facta proponeretur.

Canon 2. dist. 11. non tantum a Gratiano, sed & ab Ivone in parte 4. decreti cap. 211. de promissis dicitur ex Epistola Nicolai ad Michaellem Imperatorem. Verum licet passim sententia ejusdem canonis consonæ legantur in Epistolis Nicolai ad Michaellem, tamen eadem ipsa canonis verba sunt in Epistola Nicolai ad Photium

Con-

Constantinopolitanum, quæ habetur inter acta Concilii Constantinopolitani IV. anni 869. sub Hadriano II. actione 4., incipit autem *Postquam B. Petro*. Ibidem Nicolaus reprehendit Photium, quod dejecto Ignatio a schismaticis hominibus Sedem Constantinopolitanam invadere non detrectasset, eundemque propterea monet, ut Apostolicæ Sedis præceptis institutionibusque custodiendis operam det, & eidem Sedi Apostolicæ obtemperet, inter cetera ita sub initium scribens: *Constat enim Sanctam Romanam Ecclesiam . . . omnium Ecclesiarum caput esse, & ab ea relictitudinem, atque ordinem . . . requirere ac scitari. Et ideo consequens est, ut quod ab hujus Sedis Re-  
toribus plena auctoritate sancitur, nullius consuetudinis præcedente occasione, proprias tantum sequendo voluntates removeatur, sed firmitus, atque inconcusse teneatur.* Quod hoc in loco de consuetudine aliarum Ecclesiarum non servanda visus est tradidisse Nicolaus, spectat ad consicienda Photii objecta, is enim cum reprehendi se dignosceret, quod de laicorum ordine statim in Episcopatum ascendisset, opposuerat Constantinopolitanæ Ecclesiæ consuetudinem, allegans eadem fere ratione electos fuisse Nectarium, & Tarasium Episcopos; quibus sane exemplis, quemadmodum nec exemplo Ambrosii Mediolanensis, a proposito dimoveri non potuit Summus Pontifex, agnoscens in illis singularia quædam, quibus generalibus legibus nihil derogaretur, hinc post nonnulla ita prosecutus est Nicolaus: *De consuetudinibus quidem, quas nobis opponere visi estis, scribentes per diversas Ecclesias diversas esse consuetu-  
tudes, si illis canonica non obstitit auctoritas, pro qua eis obviare debeamus, nil judicamus, vel eis resistimus, tamen cavere volumus, ne hæc vestra consuetudo, quæ omnium Sanctorum Patrum promulgatione convincitur, ut ex Laico non subito ordinetur Episcopus, vires accipiat; aut in vestra Ecclesia magis pullulet, operam dare minime cessamus.* Conferri hæc poterunt cum canone 3. dist. 12., non enim aliud monumentum laudare voluit Gratianus, quum canonem illum sub nomine Nicolai descripsit.

Can. 3.  
dist. 12.

Revertor nunc ad memoratam Nicolai ad Michaellem Epistolam, quæ incipit *Proposueramus*; ad eam enim spectant canones 4. 5. 6. 7. 8. 9. dist. 21. hoc ordine. Prior est canon 5., cum enim Nicolaus improbasset illorum gesta, qui adversus Antistites velut parentes suos crimina objecissent causa illorum dejectionum e gradu suo, quod adversus Ignatium Orientales fecerant, statim ait: *Sed hæc dicentes nolite nos æstimare, cujuscumque proximorum nostrorum, quæ sunt digna reprehensione, velle defendere &c.* Quæ in eodem canone apud Gratianum sequuntur, consonant cum Epistola Nicolai, cujus tamen in editis exemplaribus legitur dicamus, ubi legerat Gratianus dicam. Post nonnulla, sequuntur verba canonis 7. *Nun autem divina inspiratione . . . non judicatur a quoquam: Hinc etiam superius memoratus Confessor Christi Silvester fecit gradus in medio Synodi, ut non presbyter adversus Episcopum, non diaconus adversus presbyterum, non subdiaconus adversus diaconem, non acolytus adversus subdiaconem, non exorcista adversus acolytum, non lector adversus exorcistam, non ostiarius adversus lectorem det accusationem aliquam, neque Presul summus a quoquam judicabitur, quoniam scriptum est: non est discipulus supra magistrum.* Sed & cum quidam tempore quodam contra Sixtum Papam tentassent &c., quemadmodum apud Gratianum, cujus fragmentum ex iis, quæ modo adjecta sunt, supplere commode poteris. Post pauca ad eandem omnino rem sequuntur verba canonis 6., prout jacent apud Gratianum, post cujus canonis postrema verba vis illum penitus obtineant, hæc statim sequuntur in Epistola Nicolai: *Et revera, ut superius ex*

Can. 4.  
5. 6. 7.  
8. & 9.  
dist. 21.

*Evangelium*

*Evangelio, Beato Silvestro commemorante jam diximus, non est discipulus supra magistrum, si ad benedicendum non, quanto minus ad maledicendum? In tantum hanc presumptionem &c., quemadmodum leguntur in canone 9. usque in finem, ubi tamen pro verbis illis, utrum iuste, an iniuste ipsam Dioscorus excommunicationem didasset, in editis Epistolæ exemplaribus legitur: utrum iuste, an iniuste ipsam-jam factum Dioscorus excommunicationem didasset? Hanc ipsam rem, seu disciplinam prosequens Nicolaus, ostendit primum ex Africanis canonibus, deinde ex decretalibus Gelasii Papæ, neminem ex inferioribus posse superiorem Episcopum damnare; uiturque autoritate Gelasii etiam in Epistola ad Orientales ita scribens: *Et item idem in como ad Orientales Episcopos, præcipue, inquit, cum de secundæ Sedis ageretur Aristite; Nec ab inferiore qualibet, sed a prima Sede jure possit absolvi; inferior quippe potiorē absolvere non potest, sola ergo potior inferiore convenienter absolvit. Hinc liquido pervidetur, quia quem non potest absolvere, non potest iudicio inferior potiorē ligare.* Hæc ætulit Gratianus initio canonis 4., sed quæ ibidem subjiciuntur in vers. *Unde Propheia, habentur in sequentibus Nicolai sententiis, in quibus propositæ quæstioni, num ab inferiore judicari & damnari superior posset, finem imposuisse videtur. Rursus post aliqua legimus illa, quæ descriptis Gratianus in canone 8., qui consonat cum editis Epistolæ exemplaribus, dummodo pro illis Gratiani verbis judicia alio dirigatur, item postulandum sit hæc legantur: judicia dirigatur, & præsto sit.**

Can. 5.  
dist. 41. Ad eandem Nicolai ad Michaelē epistolam pertinet canon 5. dist. 43. prope finem, ubi Nicolaus premissus apud Imperatorem urget, tradique, quanta fuerit decessorum Imperatorum erga Sedem Apostolicam reverentia, ut ad similem exhibendam Michaelē ipsum concitaret, ac scribit: *Verum si vos non esse spernendos ducitis, nos tamen non possumus ea, quæ Dei sunt, spernere, & negligere, quominus & saluti vestræ consulamus, & de acceptatione talenti crediti nostrum periculum declinemus, dispensatione nobis cælestis seminis injuncta. Væ si non sparsimus, væ si tacuerimus: quod cum electionis vas &c.* Similia quædam etiam scripserat Gelasius Papa in epistola ad Anastasium Imperatorem, quem hortabatur, ut Apostolicæ Sedi in damnatione Acacii Episcopi morem gereret, inter cetera his verbis locutus: *Dispensatione etenim mihi divini sermonis injuncta, væ mihi est, si non evangelizavero. Quod cum vas electionis Beatus Paulus Apostolus formidet, & clamet, multo magis mihi exiguo merendum est, si divinitus inspiratum, & paternæ devotione transmissum subtraxero ministerium prædicandi. Et post pauca: Proinde scit non leve discrimen incumbit Pontificibus, siluisse pro divinitatis cultu, quod congruis; ita his (quod absit) non mediocre periculum est, qui, cum parere debeant, despicium.*

Can. 5.  
6. & 7.  
dist. 96. Post pauca in eadem Nicolai epistola leguntur verba canonis 5. dist. 96., post cujus postrema verba illa penitus ignoramus, ita prosequitur Nicolaus: *Fuerunt hæc ante adventum Christi, ut quidam typice Reges simul & sacerdotes existerent, quod Sanctum Melchizedech fuisse sanctæ prodit historia, quodque in membris suis Diabolus imitatus, utpote quæ divino cultui conveniunt, sibi met tyrannico spiritui vendicare contendit, ut Pagani Imperatores iidem, & Maximi Pontifices dicerentur. Sed cum ad verum ventum est, eundem Regem, atque Pontificem, ultra sibi nec Imperator jura Pontificatus arripuit, nec Pontifex, &c. quemadmodum leguntur in canone 6. dist. 96. usque ad verba illa, quæ esset negotiis secularibus implicatus; post quæ statim hæc in epistola ipsa subsequuntur: ut & modestia utriusque ordinis curaretur, ne extolleretur*

reitur utroque suffultus, & competens qualitatibus altiorum specialiter professio optaretur. Quibus omnibus rite collectis, satis evidenter ostenditur, &c. sicuti leguntur in canone 7. dist. 96. usque ad verba illa intermisceri tractatibus, quibus statim adjectum legimus: Quid præterea hinc Romani Præsules sentiant, quid Latini, Græcique doctores hinc exponant; quid denique Maximus venerabilis Monachus, & in illo tempore apud vos pæne solus catholicis in disceptatione sua perhibeat; quoniam longum est scribere, interrogate seniores, qui tamen moribus seniores sunt, & dicent vobis. His itaque manifeste reperiis, &c. usque in finem memorati canonis 7. Non est omitendum similia quædam legi in tractatu Gelasii Papæ, qui dicitur de Anathematis vinculo eisdem fere verbis.

Quæ habentur in canone 86. cau. 1. qu. 1. eisdem omnino verbis leguntur in memorata epistola sub initium, ubi Nicolaus Michaellem Imperatorem hortatur, ut Romani Antilitis monitis obsecundet.

Ad eandem etiam epistolam pertinet canon 123. cau. 1. qu. 1., cujus hæc est sententia. Conquestus fuerat Michael Imperator apud Nicolaum Pontificem, quod Romam sese contulisset Theognostus quidam olim Monachus, deinde super quasdam Provincias constitutus Exarchus ab Ignatio Constantinopolitano, nec non alii etiam Monachi, quos omnes fama erat causis Ignatii adversus Photium patrocinari. Hi ut Constantinopolim redirent Michael exoptabat, quod & a Pontifice Maximo postulavit. Respondit autem Nicolaus, Monachos illos & Theognostum in fidem suam, & B. Petri se recepisse, proindeque non debere illos Roma abjici, & Constantinopolim mitti forte mandandos una cum Ignatii fautoribus; idque probat Nicolaus exemplo proposito Imperatoris, qui olim recusaverat Agarenorum Principi postulanti consentire, dum ab eo quidam venerabilis vir in Imperatoris fidem receptus exposceretur his verbis: Denique cum quidam Antecessorum vestrorum quandam venerabilem virum ab Agarenorum Principe multis oblatis muneribus sibi mitti poposceris, non solum minime impetravis, verum etiam, ut fertur, ab eo, quem quærebatis, pudorem conferentia scripta recepit. Quamvis Deo gratias, & per principalem Beatorum Apostolorum Petri, ac Pauli (de qua supra partim exposuimus) potestatem, & jus habeamus, non solum Monachos, verum etiam quoslibet Clericos de quacunque Diocesi, cum necesse fuerit, ad nos convocare, atque Ecclesiasticis exigentibus opportunitatibus invitare. Hoc quidem nostrum: vestrum autem & piorum Imperatorum non est ullum penitus querendi Monachos ministerium, nisi ad miserendum, & orationes eorum submisse poscendum. Quod si forsitan opinamini, Theognostum apud nos Photio detrahente, Ignatiumque jugiter commendare, scitote veraciter, quia nihil ipse de utroque loquitur, nisi quod in propatulo est &c. His supplere juvabit memoratum canonem 123., ad quem referendus etiam est canon 21. cau. 9. qu. 3.

Jungendi simul sunt canones 15. cau. 3. qu. 5., & 2. cau. 4. qu. 1. ex eadem epistola deprompti in ea parte, in qua Nicolaus conqueritur, quod Synodus adversus Ignatium celebrata fuisset ab iis ipsis, qui Ignatio erant infensi, imo & ejusdem accusatores, de quibus ita Nicolaus ait: Igitur quia suspecti (ex his supplicibus memoratum canonem 15.) & inimici iudices esse non debeant & ipsa ratio distat... prohibere capitulo, quod tamen non apud nos inventum, sed apud vos haberi perhibetur. Verum novimus nos Apostolicis imbuti documentis, etiam sententiis uti Paganorum, quanto magis Christianorum, atque Catholicorum? Et contra ipsos, quorum nec vitam sequimur, nec mentem erroneam imitatur. Denique Apostolus Paulus de libris Paganorum aliqua

Can. 86.

cau. 1.

qu. 1.

Can. 123.

cau. 1.

qu. 1.

&amp; can.

21. cau.

9. qu. 1.

Can. 15.

cau. 3.

qu. 5.

&amp; can.

2. cau.

4. qu. 1.

aliqua in suis scriptis posuit, ut est illud ad Titum: Cretenses semper mendaces, male bestie, ventres pigri, cupidi. Et iterum in Aliibus Apostolorum de Deo ait: in quo vivimus, movemur, & sumus: numquid ideo etiam cuncta recipienda sunt, quæ cum bis pariter sunt prolata? Ait autem prædictus canon: Quoniam multi Ecclesiasticum ordinem confundere, ac subvertere volentes amore inimicitiae, & calumniöse causas quasdam contra dispensatores Ecclesiarum Orthodoxos Episcopos confingunt, nihil aliud, quam sedare Sacerdotum existimationes, & turbationes peccatorum populorum conficere conantes: propter quod placuit sanctæ Synodo Episcoporum, qui Constantinopolim concurrerunt, ne sine discussione admittantur accusatores, nec omnibus præcipiasur accusationes facere contra dispensatores Ecclesiarum. Veniamus ergo & ad sanctam Chalcedonensem Synodum.... & nisi manifesta sibi officiant crimina.... renuit intrare collegium. Quinimmo hinc Psalmista David, & Elias eximius Prophetarum Saulis, vel Achab refugiunt prorsus insaniam. Quod autem hi, qui &c., quemadmodum legitur in memorato canone 2. cau. 4. qu. 1. De canone Concilii Constantinopolitani, qui hoc in loco a Nicolao laudatur, nihil ego adjicio, quum jam satis de eo animadverterint Romani Correctores.

San. 3. In eadem epistola legitur eisdem verbis canon 3. cau. 4. qu. 4. in ea parte, cau. 4. in qua Nicolaus improbat acta Concilii adversus Ignatium celebrati.

Canon 10. cau. 9. qu. 3., qui in eadem epistola legitur, aliis omnino verbis describendus erit juxta fidem exemplarium optimorum. Optabat Nicolaus, ut Ignatii causa apud Sedem Apostolicam retraheretur, & Romæ singulorum jura dirimerentur. Eam ob rem ita scribebat. Quoniam cum secundum canones, ubi est major auctoritas judicium inferiorum sit deferendum, ad dissolvendum scilicet, vel ad voborandum, patet profecto, Sedis Apostolicæ, cujus auctoritate major non est, judicium a nemine fore retrahendum, neque cuiquam de ejus liceat judicare judicio. Si quidem ad illam de qualibet mundi parte canones appellari voluerunt, ab illa autem nemo sit appellare permixsus. Juxta quod & Bonifacius, atque Gelafius sanctissimi Præsules non suis adinventionibus, sed Ecclesiæ Romanæ consuetudinem non ignorantes dicunt: Bonifacius quidem Ruffo, & ceteris Episcopis per Thessaliam, & alias provincias constitutis scribens: Nemo, ait, unquam Apostolico culmini, de cujus judicio non licet retrahere, manus obvias audacter intulit. Nemo in hoc rebellis extitit, nisi qui de se voluit judicari. Gelafius autem in commonitorio Fausto magistro fungenti legatione Constantinopolim dato; nobis, inquit, opponunt canones, dum nesciunt quid loquantur; contra quos hoc ipso venire se produnt, quod primæ Sedi sana, reliquæ suadentis parere fugiunt. Ipsi sunt canones, qui appellationes totius Ecclesiæ ad hujus Sedis examen volvere deferri. Ab ipsa vero nusquam prorsus appellari debere sanxerunt, ac per hoc illam de tota Ecclesiâ judicare, ipsam ad nullius commovere judicium. Nec de ejus unquam præceperunt judicio judicare, sententiamque illius constituerunt non oportere dissolvi, cujus potius sequenda decreta mandarunt. His sane verbis non emendari tantum debuit Gratiani editio, sed etiam Gratianus canon recta interpretatione donandus exhiberi.

Quæ traduntur in can. 35. cau. 24. qu. 1. jungenda fuissent cum iis, quæ superius observabam ad canonem 36. eadem causa, & quæstione, nisi Gratianus sub diversa inscriptione eosdem canones exhibuisset, qui tamen ad hanc eandem epistolam pertinent omnes in ea parte, in qua Nicolaus ait, neminem fuisse ex iis, qui Ignatium damnaverant, in Christiana communione libere constitu-

82a-

Can. 35.  
cau. 24.  
qu. 1.

stentem, sed ut plurimum omnes aut hæresi, aut schismate ab Ecclesia recessisse; quomobrem tradit ab hujusmodi hominibus Ignatium rite non potuisse deijci. Sed Sede Constantinopolitana, inter cetera ita scribens: *Sed iterum videte Romanæ Sedis Pontificem a vobis quidem derogatum, sed a totius Christianitatis unanimitate veneratum, & magnæ Synodi Ephesinæ Præsulem Cælestinum, quid censeat de his, qui depositi, & excommunicati a Nestorio fuerant, postquam depositus coram oculis summæ arbitri jam esse credebatur. Et multo magis hoc de fratre, & consecratore nostro Ignatio esse censendum arbitramini, qui non a Prælato quolibet, sicut isti, sed a se dejectis talia pertulit. Ait enim Episcopis Orientalibus scribens: Siquis vero aut ab Episcopo Nestorio, aut ab aliis, qui eum sequuntur, ex quo talia prædicare cœperunt, vel excommunicatus, vel exutus est, seu Antistitis, seu Clerici dignitate, hunc in nostram communionem & durasse, & durare manifestum est. Nec judicamus eum remotum, quia non poterat quemquam ejus remove sententia, qui se jam præbuerat ipse removendum. Item idem ad Clerum Constantinopolitanum aperte inquit: Sedis nostræ &c., quemadmodum superius exhibui ad memoratum canonem 36., qui est superiori jungendus, unde integra Nicolai sententia colligatur.*

Demum ex eadem epistola deprompta sunt verba canonis 6. cau. 35. qu. 9. *qui sane jungendus erit cum canone 10. cau. 9. qu. 3. jam superius exhibito; etenim post illa canonis ejusdem 10. verba, cujus potius sequenda decreta mandaverunt, ita legitur illico in epistola Nicolai: Ergo de judicio Romani Præsulis non retrahendo, quia nec mos exigit, quod diximus comprobato: non negamus ejusdem Sedis sententiam posse in melius commutari, cum aut sibi subreptum aliquid fuerit, aut ipsa pro consideratione ætatum, vel temporum, seu gravium necessitatum, dispensatorie quidam ordinare decreverit. Quoniam & egregium Apostolum Paulum quædam fecisse dispensatorie legimus, quæ postea reprobasse dignoscitur. Quando tamen illa Romana videlicet Ecclesia discretissima consideratione fieri delegerit, non quando ipsa, quæ penam (legunt alii bene) sunt definita, retrahere voluerit. Quoties ista jungantur cum verbis memorati canonis 10., & quasi uno spiritu omnia legantur, statim integra Nicolai sententia deprehendetur.*

## De responsis ad Consulta Bulgarorum.

Jamdudum ante sæculum Ecclesiæ nonum Idololatriz tenebris detinebatur, quod dixerunt Bulgariz Regnum, licet olim dum Græcorum Imperio pareret, Christianæ fidei nomen dedisset; etenim Bulgari populi Idololatraz eas Provincias bello partas in suas traxerunt superstitiones, donec Michael Rex Bulgarorum sub Nicolao Pontifice non solum Christi fidem amplexus est, sed & populis sibi subiectis dedit exemplum, atque incitamentum, ut veram Religionem amplecterentur. Baptizatus Rex Legatos ad Nicolaum Pontificem misit, postulans, ut in eas partes Episcopi, ac Presbyteri mitterentur, quorum opera Evangelica doctrina, atque Apostolica recentium fidelium animis infereretur. Annuit libentissime Nicolaus, ibidemque plures Episcopos constituit, quamquam deinde concitaverit magis invidiam Græcorum, ac præsertim Patriarchæ Constantinopolitani, qui facile sibi persuadebat, Bulgarorum Provincias ad suum spectasse, aut spectare debuisse Patriarchatum, allegans olim Græcos Episcopos ibidem fuisse designatos, refragan-

tibus tamen Romanis Antistitibus, qui triplici jure visi sunt sibi adseruisse in illo Regno jus etiam Patriarchicum, primo quod Bulgari ipsi sese sponte Romanæ Ecclesiæ subdidissent, & ejus jurisdictioni; secundo quod non constaret veteres Bulgariz Provincias, dum Chiltianæ essent, a Græcorum dependisse Patriarchatu, tertio demum, quod Romanus Patriarchatus jam ab aliquot annis in possessione ibidem esset jurium Patriarchalium. Qui plura ad hanc rem desiderat, adeat auctorem libri Pontificalis in vita Hadriani II. & Nicolai I., item epistolam Hadriani II. ad Basilium Imperatorem, quæ incipit *Letis excellentis Imperii vestri literis*, quæ habetur in fine actorum Concilii 8. generalis interprete Anastasio Bibliothecario.

His quasi per brevem historiam præjactis, statim intelligimus, quo pertineant vulgata Nicolai Papæ responsa ad consulta Bulgarorum. Nimirum Bulgari recens ad fidem conversi nonnulla a Romano Pontifice, de quibus ipsi dubitabant, dirimenda postulaverunt, uti liquet ex ipsomet Nicolai rescribentis exordio, ibi: *Ad consulta vestra non multa respondenda sunt, nec duximus per singula diutius immorari, qui Deo Auctore non solum libros divinæ Legis, verum etiam & missos nostros idoneos, qui vos, prout tempus & ratio distaverit, de singulis instruant, ad patriam vestram, & ad gloriosum Regem vestrum dilectum filium nostrum destinavimus, quibus & libros, quos prævidimus necessarios illis nunc esse, commisimus.* Quibus ex verbis constat in primis, Nicolaum rescribentem non in animo habuisse, generalem Bulgaris exhibere doctrinam fidei, eisdemque omnia tradere, quæ essent recens susceptæ religionis necessaria adjumenta, sed tantum voluisse nonnullis propositis quætionibus satisfacere; etenim generalem fidei doctrinam asseruit aut in sacris libris, qui missi fuerant, apertissime contineri, aut si dubia quædam de sacrarum literarum interpretatione emerissent, doctrinam eandem fidei commode posse ab istis addisci, quoties legatos Sedis Apostolicæ illuc ab eam rem missos consularent. Deinde etiam constat, responsa Nicolai non ad Regem Bulgarorum directa fuisse, neque ad Episcopos eo missos ab Urbe Roma; frustra enim Nicolaus rescribens mentionem fecisset de *missis idoneis destinatis*, ac de *glorioso Rege* illorum, sed potius directa fuisse ad singulares quosdam recentes Catholicos, & quidem non de trivio homines, qui optaverint sibi per ipsummet Pontificem. Maximum in quibusdam quætionibus satisfieri. Centum & sex capitibus responsa continentur, post quæ ita Nicolaus epistolæ finem imposuit: *Hæc quidem suggestionibus, sive quætionibus vestris, prout dominus dedit, respondimus, non quantum potuimus, sed quantum sufficere posse prævidimus. Cum autem Episcopum Deo concedente per Præsulatus nostri ministerium habueritis, ille vos docebit omnia, quæ ad officium suum pertinent, & si quæ sunt, quæ non capiet, ab Apostolicæ Sedis auctoritate suscipiet. Deus autem, qui in vobis salutem maximam operatus est, hanc perficiat, consolidet, & usque in finem stabiliat, & corroboret. Amen.*

Can. 17.  
dist. 28.

Ex postremis his epistolæ verbis Romani Correctores ad canonem 17. dist. 28. animadverterunt, nondum fuisse apud Bulgaros interrogantes, qui Episcoporum, aut Presbyterorum munere fungerentur, præsertim cum in cap. 106., quod potremum est, dicatur varios fuisse ex Græcis, aut Armenis Christianis, qui diversa populum docerent. Hinc sane liquet, apud Bulgaros Presbyteros extitisse. Apostolico ita dixerim more vagantes, nondum institutis Parochiis, & Parochiarum limitibus; imo etiam evenire potuit, ut non tam Latini illuc petissent ex mandato



dato Pontificis, quam Græci ex mandato Photii, seu Patriarchæ Constantinopolitani, qui Provincias illas recens conversas suæ jurisdictioni vindicare studebat, quemadmodum Nicolaus insinuare videtur in epistola 70. ad Hincmarum Rheimensem, aliosque Episcopos in Regno Caroli constitutos; quæ incipit *Omnium nos portare onera*. Porro ubi Græci, ac Latini Sacerdotes eo confluerent, & quidem singuli eo animo, ut dum disciplinam Ecclesiasticam stabilirent, Græci ad Græcos, Latini ad Latinos mores Bulgarorum animos converterent, nihil facilius evenire potuit, quam ut Latini Sacerdotes Græcis Sacerdotibus conjugiorum usum obijcerent, proindeque Bulgarorum animos a Græcis Sacerdotibus averterent. Prudentissime Nicolaus nec penitus inereia abigendos voluit Sacerdotes matrimonio copulatos, ne omnino Græcos laderet adjuutores; alias vero reprehensibiles dixit, ut ab illorum disciplina, ad quorum Patriarchatum non pertinebant, Bulgarorum animos alienos redderet; simul autem voluit, ne Laici viri in hac Sacerdotum improbandorum vel absolvendorum specie sententiam ullam ferrent, sed sententiam designandorum Episcoporum potius expectarent, sperabat enim Nicolaus brevi eo accessuros fore Episcopos Latinos, qui Latine Ecclesiæ disciplinam reiectis Græcorum moribus instaurarent. Verba Gratiani canonis eadem sunt cum iis, quæ in editis epistolæ exemplaribus habentur, exceptis sequentiis, quæ in editis epistolæ exemplaribus leguntur: *Consulendum... quo respondemus... vos tamen dominum imitari convenit, qui solem suum, ut Evangelium testatur, oriri facit super bonos, & malos, & pluit super iustos, & iniustos. Deicere... de Presbyteris, qualescumque sint, vobis &c.*

Amplius pergit Nicolaus in capite sequenti, seu 71., & ait ne ab adulteris quidem Sacerdotibus Sacramenta divina pollui posse; quod Gratianus retulit in can. 5. cau. 15. qu. 8., ubi pro illis verbis: *Quæ purgatoria cuncliarum contagionum existunt*; item, dicente B. Hieronymo: *ad credendum in anima omni baptismus est perfectus, & in omni Sacerdote Corpus Christi est perfectum*; ita potius legitur in editis integræ epistolæ exemplaribus: *Quæ purgatoria cuncliarum remedia contagionum existunt*; item: *Docente Sancto Hieronymo, ad credendum in omni anima baptismus esse perfectum, & in omni Sacerdote Corpus Christi esse perfectum*. Ex hoc canone nonnulla derivata esse videntur in Capitulum 7. de cohabit. Cleric. & mulier. sub nomine Lucii III., ubi sane nemo non animadvertet, emendandam esse vocem illam *cogitationum*, & pro ea legendum esse *contagionum*.

Quæ traduntur in canone 15. cau. 23. qu. 8. fusius describuntur in capite 46. epistolæ Nicolai his verbis: *Jam vero si Quadagesimali tempore liceat, si necessitas exigit, vel si non exigit ulla necessitas, ad bella procedere, non vobis est necessarium exponendum, cum ex priorum propositionum solutionibus, quid vos conveniat agere, etiam nobis tacentibus jam ipsi colligitis. Bellorum quippe, ac praeliorum certamina, nec non omnium jurgiorum initia diabolice fraude sunt artis professo reperta, & dilatandi regni cupidus, vel ira, vel invidia, vel alius cujuscumque vitii dilector tantum his intendere, seu delectari convincitur, & ideo si nulla urgeat necessitas, non solum Quadagesimali tempore, sed omni est praeliis abstinendum. Si autem inevitabilis urges oportunitas, nec Quadagesimali est tempore pro defensione tam sua, quam patriæ, seu legum paternarum, bellorum procul dubio præparationi parcendum; ne videlicet Deum videatur homo temere, si habet quod facias, & suæ, ac aliorum salutis consulere non procuras, & sanctæ Religionis detrimenta non præcaves. Porro muri Jericho filii*

Can. 5.  
cau. 15.  
qu. 8.

Can. 15.  
cau. 23.  
qu. 8.

filiis Israel, qui sabbatum jam observandum susceperant, etiam sabbato urbem circumeuntibus, & tubis clangentibus ad terram protrahuntur.

Ex capite 3. rescriptorum Nicolai depromti sunt canon 2. cau. 27. qu. 2. & canon 3. cau. 30. qu. 5., quos propterea simul jungi debere arbitror, imo & ad integram epistolam exigi, atque ex illa suppleri: Ita rescriptit Nicolaus: *Consuetudinem, quam Græcos in nuptialibus contuberniis habere dicitis, commemorare, prolixitatem styli vitantes, carptim morem, quem sancta Romana suscepit antiquitus, & hactenus in huiusmodi conjunctionibus tenet Ecclesia, vobis monstrare studebimus. Nostros siquidem tam mares, quam femine, non ligaturam auream, vel argenteam, aut ex quolibet metallo compositam, quando nuptialia fœdera contrahunt, in capitibus deferunt: sed post sponsalia, quæ futurarum sunt nuptiarum promissa fœdera, quæque consensu eorum, qui hæc contrahunt, & eorum, in quorum potestate sunt, celebrantur & postquam arrbis sponsam sibi sponsus per digitum fidei a se annulo insignitum ponderit, dotemque utrique placitam sponsus ei cum scripto patium hoc continente coram invitatis ab utraque parte tradiderit, aut mox, aut apud tempore, ne videlicet ante tempus lege definitum tale quid fieri præsumatur, ambo ad nuptialia fœdera perducuntur. Et primum, quidem in Ecclesia Domini cum oblationibus, quas offerre debent Deo per Sacerdotis manum statuuntur, sicque demum benedictionem, & velamen celeste suscipiunt, ad exemplum videlicet, quos Dominus primos homines in Paradiso collocans benedixit, eis dicens, crescite, & multiplicamini &c. Siquidem & Tobias antequam conjugem convenisset, oratione cum ea Dominum orasse describitur. Verumtamen velamen illud non suscipit, qui ad secundas nuptias migrat. Post hæc autem de Ecclesia egressi coronas in capitibus gestant, quæ semper in Ecclesia ipsa sunt solite reservari. Et in festis nuptialibus celebratis, ad ducendam individuum vitam Domino disponente de cetero diriguntur. Hæc sunt iura nuptiarum, hæc sunt præter alia, quæ nunc ad memoriam non occurrunt, patra conjugiorum solemnia: peccatum autem esse, si hæc cuncta in nuptiali fœdere non interveniant, non dicimus, quemadmodum Græcos vos astruere dicitis, præsertim cum tanta soleat ardere quosdam rerum inopia, ut ad hæc præparanda nullum his suffragetur auxilium; ac per hoc sufficiat secundum leges solus eorum consensus, de quorum conjunctionibus agitur. Qui consensus si solus in nuptiis forte defuerit, cetera omnia cum ipso coitu celebrata frustrantur, Johanne Christomo Magno Doctore testante, qui ait: matrimonium non facit coitus, sed voluntas. Jam vero sciscitami, si muliere propria defuncta possit vir alteram ducere, scitote, per omnia posse, Paulo egregio prædicatore consilium dante, qui dicit: Dico autem nonnuptiis, & viduis: bonum est illis, si sic maneant, sicut & ego, quod si se non continent, nubant; & iterum: Mulier, inquit, alligata est legi, quanto tempore vir ejus vivit; quod si dormierit vir ejus, liberata est, cui vult nubat, tantum in Domino. Quod enim de muliere sanxit, & de viro intelligendum est, quia e contra sæpe sancta Scriptura de viro loquitur, sed & de muliere nihilominus dicere subintelligitur. Ecce enim dicimus: Beatus vir, qui non abiit in consilio impiorum &c., & iterum: Beatus vir, qui timet Dominum, ubi non solum virum, sed & feminam, quæ non abiit in consilio impiorum, & quæ timet Dominum, beatam esse non immerito credimus. Integrum hoc epistolæ caput non solum aptum est ad supplendum, quidquid deest Gratiani fragmentis, sed etiam plurimum valet, ut dignoscatur, quænam fuerit Nicolai temporibus solennitas Romanæ Ecclesiæ in celebrandis connubiis, item quænam fuerit solennitas, quæ adhiberi consueverat apud Græcos, semper tamen præ*

per oculis habito Nicolai proposito, cujus mens erat Bulgaros a Græcorum disciplina distrahere, & ad disciplinam Romanorum amplectendam concitare.

Supplendus etiam erit integra Nicolai epistola cap. 2. canon 1. cau. 30. qu. 3. his verbis: Ita diligere debet homo eum, qui se suscipit ex sacro fonte, sicut patrem; quinimo quanto prestantior est spiritus carne, quod illud spiritale est patrociniū, & secundum Deum adoptio, tanto magis spiritualis pater in omnibus est a spirituali filio diligendus. Marcus enim Evangelista Petri discipulus, & ex sacro fuit ejus baptismo filius, quem nisi dilexisset ut Patrem, et non in omnibus obedisset ut filius: nulla vero inter eos, & filios eorum consanguinitas est, quoniam spiritus ea, quæ sanguinis sunt, nescit; caro enim secundum Apostolum concupiscit adversus spiritum, & spiritus adversus carnem, hæc enim invicem adversantur. Est tamen alia inter eos gratuita, & sancta communio, quæ non est dicenda consanguinitas, sed potius habenda spiritualis proximitas. Unde inter eos non arbitramur esse quodlibet posse conjugale connubium; quandoquidem nec inter eos, qui natura, & eos, qui adoptione filii sunt, veneranda Romanæ leges matrimonium contrahi permittunt. Siquidem primus institutionum liber, cum de nuptiis loqueretur inter cetera, inter eas, inquit, personas, quæ parentum, liberorumve locum inter se obtinens, nuptiæ contrahi non possunt, veluti inter patrem, & filiam, vel avum, & nepotem, vel matrem, & filium, vel aviam, & nepotem, & usque ad infinitum: & si tales persone inter se coierint, nefarias, atque incestas nuptias contraxisse dicantur: & hæc adeo sunt, ut quamvis per adoptionem parentum, liberorumve loco sibi esse cøperint, non possint inter se matrimonio jungi. Itaque eam, quæ mihi per adoptionem filii, aut neptis esse cøperit, non potero uxorem ducere: & infra: quis per adoptionem soror esse cøperit, quamdiu quidem constat adoptio, sane inter me, & eam nuptiæ consistere non possunt. Si ergo inter eos non contrahitur matrimonium, quos adoptio jungit, quanto potius a carnali oportet inter se contubernio cessare, quos per cæleste Sacramentum regeneratio sancti spiritus vincit? Longe igitur congruentius filius Patris mei, vel frater meus appellatur is, quem gratia divina, quam quem humana voluntas, ut filius ejus, vel frater meus esset, elegit; prudentiusque ab alterna corporis commixtione secernitur, quoniam spiritus sanctus sua nos charitate coadunavit, quam si vel carnalis necessitudo, vel invicem nos mutabile cujusdam corruptibilis hominis arbitrium copulasset.

Romani Corredtores jam suppleverunt aliqua, quæ deerant canon 22. cau. 32. qu. 5. ex capite 96. ejusdem epistolæ Nicolai; integrum autem caput retulissent; si postrema hæc verba addidissent: Sicut a Christo Ecclesia diligenda; quantum autem hæreticorum ore Christus & accusatur, & in gentibus blasphematur, sed hos interim perversa prædicantes tolerat, & respicientes a misericordiæ gremio non repellit.

Postulaverant Bulgari a Nicolao, quidnam fieri tempore quadragesimali liceret, quid vero prohiberetur. Atque eo pertinent capita 44., 45., 46., 47., & 48. hujus epistolæ. In capite 44. scripsit Nicolaus abstinendum esse a venationibus. In capite 45. de modo judiciorum publicorum exercendorum rescripsit: quid scripsit in capite 46. jam indicavi ad canonem 15. cau. 23. qu. 8. In capite 47. respondit, nunquam Christiano homini joci esse vacandum, potiore autem ratione non esse vacandum tempore quadragesimali, quemadmodum nec vaniloquio, aut scurrilitati; vanisque rebus quibuscumque; quia eo potissimum tempore Deo per penitentiam satisfacere pro viribus homines debent. Subdit autem in cap. 48. Unde nec uxorem ducere, nec convivia facere in quadragesimali tempore convenire posse nullatenus arbitramur. Quæ verba retulit Gratianus in can. 11. cau. 33. qu. 4., ubi

ubi notanda sane sunt, quæ prudentissime in ea materie profectus est Sanctus Pontifex: Iterum quid hic sacri canones dicant, Episcopo vestro docente scietis. Quod ipsum fere tradidit in capite 50. his verbis. Quid de eo, qui de quadragesimali tempore cum uxore sua coierit, sit judicandum, Episcopi vestri, & sacerdotis, qui ab eo constituetur, arbitrio considerandum, ac definiendum committimus, qui singulorum mores agnoscere poterunt, & uniuscujusque vestrum causas libratæ personis, ac temporibus discernere, seu moderari debebunt &c. Prudens sane Nicolai consilium, qui per epistolam non æque, ac per ministrorum suasiones temporibus, ac personis industriæ sollicitudine accommodatas rem illam definiri recte posse censuit.

Can. 24.  
de conf.  
dist. 4.

Juvat etiam redigere ad integra epistolæ exemplaria, nimirum ad caput 104., canonem 24. de conf. dist. 4. ibi: *A quodam Judæo, nescitis utrum Christiano, an Pagano, multos in Patria vestra baptizatos asseritis, & quid de his sit agendum, consultitis. Hi profecto, si in nomine Sanctæ Trinitatis, vel tantum in nomine Christi, sicut in alibus Apostolorum legimus, baptizati sunt (unum quippe, idemque est, ut Sanctus exponit Ambrosius) constat eos non esse denuo baptizandos: sed primum utrum Christianus, an Paganus ipse Judæus extiterit, vel si postmodum factus fuerit Christianus, investigandum est, quamvis non prætereundum esse credamus, quid deus de baptismo dicat Augustinus: jam satis, inquit, ostendimus, ad baptismum, qui verba Evangelicis consecratur, non pertinere cujusquam vel dantis, vel accipientis errorem, siue de Patre, siue de Filio, siue de Spiritu Sancto aliter sentiat, quam doctrina cælestis insinuat: & iterum: sunt etiam quidam ex eo numero, qui adhuc nequiter vivunt, aut etiam in hæresibus, vel gentiliis superstitionibus jaceant, & tamen etiam illic vocat Dominus, qui sunt ejus. Namque in illa ineffabili præscientia multi, qui foris videntur, intus sunt; & alio loco: & jam corde sardiores, quantum existimo, intelligunt baptismum Christi nulla perversitate hominis siue dantis, siue accipientis possesse violari; & rursus: potest tamen, ait, tradere separatus, sicut potest habere separatus, sed quam perniciose tradere; ille autem, cui tradit, potest salubriter accipere, si ipse non separatus accipiat. Romani Correctores animadverterunt, apud Algerum legi pro illis verbis a quodam Judæo ita, a quodam, ut audio. Antonius Augustinus in Dialogo 18. lib. 2. de emend. Gratiani refert, se in libro Cæsaraugustano legisse a quodam viro, quam læsionem sibi vehementer placuisse profiteri, ea ratione, quod non poterat dici Judæus, de quo dubitabatur, an Christianus esset, an Paganus. Verum & Romani Correctores, & Baluzius in notis ad Gratianum probare non potuerunt, emendandum esse Codicem Gratiani, præsertim quod in integro Nicolai capite, quale superius nuper exhibui, ita omnia facta traduntur, quasi ille qui baptizaverit Judæus esset, de quo tamen dubitaretur, an Christianus esset, an Paganus; Judæus forte origine, siue parentibus Judæis progenitus, de quo tamen minime constaret, an esset Idololatriæ deditus, an esset potius jam fide Christiana imbutus. Quæcumque vero editio sit recipienda, præterire non debeo, torqueri quamplurimos in interpretatione hujus capitis in ea parte, in qua traditur, baptismi collatum valere in nomine Christi, æque ac valeret, si conferretur in nomine Sanctissimæ Trinitatis juxta vulgarem ecclesiasticorum Ritualium formulam; imo eo graviores difficultates emergere, quo validioribus Nicolaus usus fuerit ad suam probandam sententiam monumentis, nimirum & sacrarum Scripturarum, siue Actuum Apostolicorum auctoritate, & Sancti Ambrosii testimonio. Sunt eam ob rem ex Theologis, ac canonum Cultoribus non pauci, quos*

quos adeo movit Nicolai L. superius exposita sententia, ut censuerint valere baptismum tantum in nomine Christi collatum, etiamsi expressa non fieret mentio sanctissimæ Trinitatis. Verum viri gravissimi adhuc in contrariam abire opinionem minime dubitaverunt, animadvertentes in rescripto Nicolai tria exhiberi, quæ sejungi necessario debeant: in primis actuum Apostolicorum monumenta, deinde Sancti Ambrosii testimonium, demum Nicolai ejusdem Pontificis sententiam.

Fatentur in primis in Actibus Apostolorum sæpe fieri mentionem baptizatorum in nomine Christi, sed ad horum interpretationem verborum in duplicem dividuntur classem: Ajunt aliqui, forte id factum ab Apostolis fuisse prima illa Fidei promodum nascentis ætate, quadam velut dispensatione recedentibus, Deo ipso inspirante, a generali Christi mandato, quo baptizandas gentes esse in nomine Patris, & Filii, & Spiritus Sancti acceperant, idque ex eo factum, ut Christi nomen gentibus inclaresceret magis, ac facilius illæ Christi Fidem profiterentur. Alii e converso id ab Apostolis factum denegant, & non aliter in nomine Christi baptizatum fuisse volunt, quam juxta formulam a Christo præstitutam, quod idem est, ac in expresso nomine Trinitatis. Revera frequentissime verba illa in nomine non ita sonant, quasi nomen aliquod sit pronunciandum, sed quasi quod sit, illius fiat auctoritate, ac mandato, in cujus nomine fieri dicitur, quemadmodum cum de Apostolis dictum est: *In nomine meo demonia ejicient, linguis loquentur novis, &c.* Neque est, cur quisquam forte sacrum Scriptorem ita loquentem redarguere posset, quasi verba ambigua posuisset; nam mens sacri Scriptoris non erat, indicare verba formulæ, quibus Apostoli baptizando uterentur, utpote de qua satis constabat in Evangelio juxta generale mandatum Domini; sed potius indicare, quo baptismo quidam baptizarentur, num baptismate Christi, num baptismate Johannis, cum tunc duo hæc baptismata ministrata adparerent. Posterior hæc opinio mihi magis placet, quæ congruit in primis verborum formulis a Scriptore sacro adhibitis: congruit deinde, quod potissimum spectandum est, cum expresso Christi Domini mandato de baptismate ministrando expresso nomine sanctissimæ Trinitatis; prior autem opinio, quæ ad dispensationes contra jus divinum confugit, quandam aut injuriam Apostolis infert, quasi Christi mandata non servaverint, aut supponit dispensationem, de qua non constat, adversus jus divinum nuper Christi ipsius ore firmatum, dum esset Cælos adscensus. Ego sane reor, non facile hujusmodi dispensationes præsumendas esse, nisi forte talis emergeret casus, quo aliter interpretari sanctissimorum Virorum acta non possemus. Nec forte dicas, causam fuisse gravissimam dispensandi, quod Christi nomen magis inclarescere videretur; nam si Christum a Filio Dei non distinguit fides nostra, non video, cur æque non inclaresceret Christi nomen, ubi baptizaretur etiam in nomine Filii, una cum Patre, & Spiritu Sancto; imo cum potissima Christi claritas sit ipsa Divinitas, quid prius ad eam demonstrandam, quam ita baptizare, ut Christus, sive Filius Dei a Patre, & Spiritu Sancto minime sejungeretur?

Veniunt deinde ad expendendum Sancti Ambrosii testimonium, & ajunt ad hanc quæstionem Ambrosii sententias vix pertinere. Sane prænotare juvat, ibidem nullum aliud Ambrosii monumentum referri, quam quod habetur in lib. 1. ejusdem Sancti Doctoris de Spiritu Sancto cap. 3., ubi torus est Vir eximius, ut demonstraret ex sacris literis Spiritum Sanctum esse Deum, quemadmodum eisdem fere

fere rationibus demonstrabat S. Basilius in libro etiam de Spiritu Sancto in cap. 10; 11. & 12., ita ut dixeris, Ambrosium de divinitate Sancti Spiritus scribentem habuisse prae oculis librum Basili, ex quo plura in librum suum derivaret. Inter cetera Sanctus Antistes ea profert Scripturæ, seu novi Testamenti fragmenta, ex quibus constat tacite etiam intelligi Spiritum Sanctum, ubi Pater, vel Filius nominarentur, quemadmodum intelligebatur Pater, aut Filius, ubi nomen pronuntiaretur Spiritus Sancti; exinde enim facile consequbatur, sive Patris, sive Filii, sive Spiritus Sancti eandem esse naturam. Ad hanc rem pertinebat, quod in Actibus Apostolorum dicitur cap. 8., Eunuchum Regine Candacis Æthiopum baptizatum fuisse a Philippo, postquam professus est, se credidisse *filium Dei esse Jesum Christum*, ad quod ait Ambrosius, tacite Eunuchum credidisse etiam in Spiritum Sanctum ex eo, quod expresse in Christum crediderat; eodem modo, quo ubi in Evangelio dicitur, Christum baptizatum esse *in Spiritu Sancto*, eadem Spiritus Sancti virtus indicabatur, quæ Patris erat, & Filii. Itaque huc spectat, quod ait Ambrosius, idem esse in sacris literis nominare Christum, aut Filium Dei, item Patrem Deum, ac nominare Spiritum Sanctum; nemo vero non videt, quam parum conveniat hoc propositum cum ea disputatione, utrum sufficiat baptizare in nomine Christi, non expresse aliarum Personarum Divinarum nomine. Non loquebatur Ambrosius de formula Sacramenti pronuncianda, sed potius de vi verborum sacræ Scripturæ, quæ identidem de Filio prædicavit, quod etiam voluit de Sancto Spiritu prædicatum, quemadmodum, ubi dicitur per Filium omnia esse creata, virtutem Sancti Spiritus minime exclusit. Sane ubi de formulis sensibilibus Sacramentorum agitur, non est investigandum, quid tacite intelligatur, sed potius quid expressum voce sit, cum Sacramenta signa sint sensibilia, quæ verbis, & rebus constant; secus enim ex Ambrosii sententia concludere etiam oporteret, valere Sacramentum baptismi tantum in nomine Spiritus Sancti collatum, non expresse nomine Patris, vel Filii, quod non arbitror dicturos eos, qui asserunt valere ex Ambrosii sententia baptismum in nomine Christi collatum. Propositum autem exemplum Eunuchi a Philippo baptizati plurimum ad rem hanc explicandam facere videtur; etenim cum sacræ literæ doceant, non quidem Philippum baptizasse in nomine Christi, sed potius baptizasse, postquam Eunuchus credidit Christum esse Filium Dei, perspicue liquet non agi apud Ambrosium de formula a baptizante pronuncianda, sed potius de formula fidei, quæ præferenda sit a baptizato; & quævis verum sit, satis fuisse Philippo, quod Eunuchus crediderit Christum esse Deum, quia hac fidei formula etiam tacite credidit Deum Spiritum Sanctum, non tamen satis esse Philippo potuit Eunuchum baptizare in nomine Christi, qui ex Christi ipsius mandato baptizare debebat etiam in nomine Patris, & Spiritus Sancti. Adde his omnibus animadversiones Maurinorum Monachorum, qui Ambrosii libros ediderunt; siquidem ipsi demonstratum scripserunt, Ambrosium aliis in locis docuisse, non aliter valere posse baptismatis Sacramentum, nisi quum expresse Sanctissimæ Trinitatis nomine collatum fuerit; quamobrem concludere exinde licebit, Ambrosii loca ad propositam questionem pertinere vix posse.

Ita expostis & sacrarum Literarum, & Sancti Ambrosii monumentis una superest expendenda Nicolai Papæ doctrina, perspicue concludentis, idem esse & in nomine Trinitatis, & in nomine Christi tantummodo Sacramentum baptismi conferre. Verum qui necessaria non asserunt expressam Sanctæ Trinitatis invocationem, recte

recte animadvertunt in Nicolai rescripto duas esse partes, quarum prior explicat, quomodo etiam ab ignoto, nec christiano viro Sacramentum baptismatis collatum valere dicatur juxta vetustam Ecclesie traditionem; posterior explicat parum referre, utrum Sacramentum baptismatis collatum sit sub ea formula, qua solum invoceatur Christi nomen, an sub ea, qua nomen Sanctissimæ Trinitatis exprimitur. In prima resccripti parte jus esse dicunt, at in secunda privatam Nicolai opinionem, cui non sit juris auctoritas. Revera, uti ex toto superius descripto contextu patet abunde, non fuit a Bulgaris Nicolaus interrogatus de formula, aut formulæ qualitate, sed potius de minitro, seu minitri conditione. Regula autem est rescriptorum, quæ postulat, ut resccripta in ea tantum parte vim juris obtineant, in qua vere resccripta dici possunt, sive in qua interrogationi respondent.

## De epistolis ad Episcopos omnes.

Sub nomine Nicolai Papæ ad omnes Episcopos scribentis duo habemus fragmenta apud Gratianum. Primum legimus in can. 6. cau. 17. qu. 4., quem in causa 17. primis exigere juvabit ad decretum Ivonis, ex quo videtur excerptus, deinde quid de eo senserint Viri eruditi indicare. Itaque Ivo in parte 3. decreti cap. 104. ita habet: *Nicolaus Papa omnibus Episcopis: De consuetudinibus cæmeteriorum, sicut antiquitus a Sanctis Patribus statutum est, statuimus: ita ut major Ecclesia per circuitum sexaginta passus habeat, Capellæ vero, vel minores Ecclesie xxx. Qui autem consuetudinem eorum infringere tentaverit, aut personam hominis, vel bona ejus inde abstraxerit, nisi publicus latro fuerit, quousque emendet, & quod rapuerat, reddat, excommunicetur.* Hinc sane adparet non sermonem institui de Ecclesiarum consuetudinibus, quod videtur apud Gratianum, sed potius de consuetudinibus cæmeteriorum non violandis; si enim cæmeteria suapte natura, sive ex ipsa Romanorum etiam veterum lege, tanquam loca religiosa habita semper fuerunt, omnique humano commercio exempta, deinde ubi ecclesiastica illis benedictio accessit, sacra quodammodo loca evaserunt, nulla ratio eadem violari permittit; religionis enim species semper fuit apud homines defunctorum cineribus nullam injuriam, quocumque tandem modo injuria fieri dicebatur, inferri. Antonius Augustinus in dialogo 17. lib. 2. de emendat. Gratiani adnotat inscriptionem illam *Nicolaus omnibus Episcopis*, memorato canoni adjectam, haberi quidem apud Gratianum, Ivonem, & in libro Tarraconensi, sed in Panormia duplicem esse inscriptionem, nimirum & Agathensis Concilii cap. 29., & Nicolai, quamquam nihil tale in Agathensi Concilio reperiatur. Item adnotat, quod etiam Romani Correctores observaverunt, legi in veteribus codicibus *LX. passus pro XL.*, & *consuetudinem earum*, pro *consuetudine earum*. Ego hunc canonem agnosco pertinere potius ad Nicolaum II., cum legatur eisdem omnino verbis, quibus apud Ivonem exhibitus est, in epistola ejusdem Pontificis ad Episcopos Gallie, Aquitanie, & Vasconie, in qua referuntur decreta Concilii Romani anni 1059. edita in recentioribus Conciliorum collectionibus ex apographo Sirmondi, ubi tamen pro illis verbis *vel minores Ecclesie*, legitur, *sive minores Ecclesie*. Quum vero in eodem canone legatur, *sicut antiquitus a Sanctis Patribus statutum est*, arbitror id referendum esse ad illa, quæ constituta fuerunt in Capitulari 2. anni 803., in Capitulis legi Salicæ adjectis, editisque sub Carolo Magno, de illis, qui ad Ecclesias

confugientes sese in atria illarum recipiunt; nam in cap. 3. hæc leguntur: *Siquis ad Ecclesiam confugium fecerit, intra ipsius atria Ecclesiæ pacem habeat, nec sit ei necesse Ecclesiam ingredi, & nullus eum inde per vim abstrahere præsumat, sed liceat ei constiteri, quod fecit, & inde per manus bonorum hominum ad discussionem in publicum perducatur.* Relata hæc sunt in librum 1. Capitularium Francorum cap. 134., & in librum 2. legum Longobardarum tit. 40. cap. 5., atque ad hoc ipsum caput respicientes, ut arbitrator, Episcopi Hispani in Concilio Coyacensi anno 1050., una cum Ferdinando Rege, accedente etiam Sancia Regina, ita constituerunt communi suffragio in can. 12. *Duodecimo quoque titulo præcipimus, ut si quislibet homo pro qualicumque culpa ad Ecclesiam confugerit, non sit ausus aliquis eum inde violentè abstrahere, nec persequi infra dextros Ecclesiæ, qui sunt triginta passus, (dextrorum mentionem fecit, qui edidit appendicem formularum Marculfi formula 17., quasi mensuræ cuiusdam agri, seu soli) sed sublato mortis articulo, & corporis deturbatione, facias quod lex Gothica jubet. Qui aliter fecerit, anathema sit, & solvat Episcopo mille solidos purissimi argenti.*

Can. 25.

cau. 24.

qu. 3.

Alterum fragmentum habemus in can. 25. cau. 24. qu. 3., quod tamen nec tribuere possumus Nicolao I., sed potius adscribendum videtur Nicolao II., quem admodum jam animadvertit Baluzius in notis ad Gratianum, eam potissimum adferens rationem, quod in eo canone agatur de treuga, & pace, quæ istius tantum Nicolai sæculo reperta est, Nicolai I. ævo audita nondum fuerat. Revera inter decreta Nicolai II., quæ Baluzius idem edidit in tomo 7. Miscellaneorum distributa in capita 15. hæc habentur num. 1. *Primum quidem, ut pax, & treuga Domini a fidelibus christianis reperta, & laudata, sicut scriptura habentur, ita firmiter teneantur, infractores vero anathemate feriuntur.* Hæc sane verba eadem sunt cum iis, quæ Gratianus retulit in memorato canone 25. in fine. Qui plura desiderat de modo treugæ servandæ, animadvertat canones numero plurimos Concilii Narbonensis a Baluzio editos anni 1054. Priora autem ejusdem canonis verba leguntur in nuper memorata epistola Nicolai II. ad Episcopos Gallix, Aquitanix, & Vasconix, ubi Sanctus Pontifex tradit nonnulla edita in Concilio Romano anni 1059., inter cetera hunc canonem describens: *Illi etiam, qui peregrinos, vel oratores cujuscunque Sancti, sive clericos, sive monachos, vel feminas, seu inermes pauperes depredati fuerint, vel bona eorum rapuerint, vel in malum eis obviaverint, anathematis vinculo feriuntur, nisi digne emendaverint.*

## De epistola ad Salonitanum Episcopum.

Can. 3.

cau. 30.

qu. 1.

Ex iis, quæ superius tradidi ad epistolam Nicolai ad Rodulfum Episcopum Bituricensem, atque ad canonem 6. cau. 30. qu. 1., facile liquet non injuria tribui eidem Nicolao Pontifici canonem 3. cau. 30. qu. 1., cujus eadem fere sententia est, licet ea, quæ ibidem memoratur epistola, inter eas, quæ usque nunc editæ sunt, non reperiatur; neque vero inanis esse potuit hujusmodi constitutio, quam dixerimus temporibus Nicolai gravem fuisse, & inferendum abusum illorum conjugum, qui religionis prætextu conjugiorum dissolutionem meditabantur. Tantum hæc dixerò, non in omnibus codicibus eandem esse hujus canonis inscriptionem; quemadmodum enim jam adnotavit Antonius Augustinus in lib. 2. de emend. Gratiani



tiani dial. 19., apud Ivonem in decreto legitur: *Idem*, nimirum Nicolaus, *Salemonis Episcopo*, & in Panormia edita *Salomonitano*, in libro Cæsaraugustano *Saleminio*, & in Tarraconensi: *Nicolaus ad Salemoniam*.

## De epistola ad Frontarium Archiepiscopum Burdegalensem.

Frontarium, sive Frotarium, aut etiam, ut alii scribunt, Froterium fuisse, Can. 17. cau. 12. qu. 2.  
Burdegalensem Archiepiscopum temporibus Nicolai I. facile deducitur tum ex subscriptione privilegii monasterio Atrebatensi concessi anno 866. apud Baluzium de concord. Sacerd. & Imper. lib. 3. in fine, tum ex subscriptionibus Concilii Tulensis 2. anni 860. apud Labbeum, tum ex subscriptionibus Concilii Pontigonensis anni 876. apud eundem Labbeum, in quo Concilio idem Frontarius, quidquid plurimi in contrarium molirentur Gallix Anistites, morem illico gessit tum Imperatori Carolo Calvo, tum Johanni Pontifici Maximo in causa Anfegisi Senonensis Primatis constituendi. Verum quis fuerit vir ille nefandus *Burgandus nomine*, & *rabie insana commotus*, de quo mentio fit in can. 17. cau. 12. qu. 2. adscripto Nicolao Pontifici adloquenti memoratum Frontarium, admodum est in obscuro, ac propterea quoquo modo dubitare viderer de auctoritate canonis, nisi generaliter liqueret, temporibus Nicolai plurimos fuisse rerum ecclesiasticarum invasores, ac deprædatores. Dubitationem forte augere posset, quod nimis subtiliter obeunda injungantur varix penitentium stationes, & gradus, quæ disciplina paullo asperior videri posset illis, qui norunt, quam irrequiesci fuerint tunc temporis Francorum animi variis disputationibus concussi, quemadmodum liquet ex pluribus epistolis Nicolai Papæ; cum illis propterea mitius agi decebat, ut suavius ad disciplinam sacram custodiendam traherentur. In hac dubitatione, ipse suspicor, eum canonem forte tribuendum esse alicui auctori, & quidem incerto, libri Penitentialis, cujus generis volumina plurima olim fieri poterant, atque ita composita, ut quod codicis auctor tradebat, sub nomine ejusdem Pontificis Maximi, vel ecclesiasticorum Patrum ederet. Proinde evenire potuit, ut auctor libri Penitentialis, quem Gratianus, aut quisquis Gratianum manu duxit, sequeretur, eundem canonem composuerit, & Nicolai Papæ ad Frontarium scribentis nomine insigniverit. Revera in Penitentiali Romano edito ab Antonio Augustino eadem omnino verba leguntur in titulo 8. cap. 19. sub nomine Nicolai.

## De epistola ad Humifridum Episcopum Morinensem.

Ex Ivonis Carnotensis decreto supplenda est inscriptio canonis 5. dist. 50., etc. Can. 5. dist. 50. cau. 47. qu. 1.  
nim in parte 6. ad caput 120., ubi eadem fere Gratiani verba leguntur, ita legitur: *Nicolaus Wilfredo Morinensis Ecclesie Episcopo*; proindeque nil dubito, quin ad eandem epistolam sit canon iste referendus, ad quam referendus etiam sit canon 47. cau. 7. qu. 1., utpote qui apud Gratianum tribuitur Nicolao ad Humifridum Episcopum Morinensem scribenti. Fateor nomen hujus Morinensis Episcopi paullo aliter in variis, qua Conciliorum nono sæculo celebratorum actis, qua Col-

lectorum codicibus legi, modo enim Humifridus, modo Huntfredus, modo Hunifridus, modo Hunilfredus, modo Guifredus, modo Wilfredus, modo Vinfridus, vel Vinfredus appellatur. Quicumque tamen sit nominis variatio, quæ sane levissima esse videtur, constat Episcopum illum Morinensem unum ex illis fuisse, quos alias diximus ejectos a Nomenojo Brittonum Rege, qui Nortmannorum auxilio fretus sicut regno potitus est, ita sui regni Episcopatus, atque Episcopos defatigavit, plurimos etiam ex istis deturbavit. Videantur, quæ dicta sunt ad canonem 10. cau. 7. qu. 1., ubi de Leone IV., ex quibus sane commode interpretari unusquisque poterit canonem 47. cau. 7. qu. 1. Verum de canone 5. dist. 50., quoniam integra Nicolai epistola, ad quam exigendus esset, deperiit, nihil aliud dicam; tantummodo huc referam, quod apud Ivonem legitur, apud quem plura sunt quam penes Gratianum. Habet Ivo in parte 6. cap. 120. *Clericum autem, qui paganum occiderit, non oportet ad gradum majorem provehi, qui cavere debet etiam acquisito, homicida enim est. Nam cum discreti sint milites seculi a militibus Ecclesie, non convenit militem Ecclesie seculo militare, per quod ad offensionem sanguinis necesse sit pervenire. Denique sicut turpe, ac perniciosum sit, laicum Missas facere, Sacramenta Corporis, & Sanguinis Christi consicere, ita ridiculum est, & inconveniens, clericum arma sustollere, & ad bella procedere, cum Paulus Apostolus dicat: Nemo militans Deo implicat se negotiis secularibus, ac si liquido versa vice dicat: Nemo militans mundo implicat se negotiis spiritualibus. Hæc ad adjuncta illius ætatis, uti decet, exacta, nemo non interpretabitur de illis Clericis, qui Nortmannis, & Nortmannorum adiutoribus Paganis arreptis armis restitissent, atque ut suas tuerentur Ecclesias, milites adversarios occidissent.*

## De epistola ad Johannem Episcopum Ravennatem.

Can. 13. Dubitare visus est Antonius Augustinus in lib. 2. de emend. Gratiani dial. 15., dist. 63. num canon 13. dist. 63. adscribendus sit Nicolao I. Pontifici, an Nicolao minori, sive II. Ait ille: *Ad Nicolaum minorem pertinere in quodam Michaelis Thomasi libro inveni. B. In Pontificali de vitis Pontificum libro certus est, Nicolaum I. in Concilio Romæ habito in domo Leoniana de causa hujus Johannis cognovisse, eique restituto dixisse, ut Episcopos per Æmiliam, nisi post electionem de eis Cleri, & populi, atque per epistolas Apostolicæ Sedis Præsulis, non habeas consecrandi licentiam. A. Hæc meliora sunt, quam quæ Gratianus refert. Hodie vero res est in clariore lumine posita, postquam in editione Labbeana edita sunt acta Concilii Romani sub Nicolao I. celebrati anno 871. in causa Johannis Episcopi Ravennatensis, qui potestate sacra abutens quæ in conferendis, quæ in dejiendis suæ Provinciæ Episcopis, postquam citatus est, ut ad Synodum veniret, obedire detrectans, synodali sententia damnatus est, deinde vero post exhibita obedientiæ argumenta, peractamque poenitentiam, in sedem suam restitutus, datis tamen ipsi aliquot capitulis custodiendis, ne forte rursus auctoritate sua abuteretur. Eorum capitulorum exemplar primus edidit ex Cathedralis Mutinensis tabulario Bacchini in appendice ad Agnelum Ravennatem; numero autem 1. hæc leguntur: *Episcopos per Æmiliam non consecres, nisi post electionem cleri, & populi*; quæ sane verba eadem omnino sunt cum memorato Gratiani monumento.*

De

## De epistola ad Mediolanenses.

Veteres Gratiani editiones in inscriptione canonis 1. dist. 22. ita exhibebant: *Nicolaus Papa scribit Mediolanensibus*. Verba hæc, quæ potius de Nicolao II. erant Can. 1. dist. 22. intelligenda, nescio quis recentior Gratianeus operis editor nomen Nicolai I. expressit. Illum canonem derivaverat Gratianus ex codice Anselmi, qui eundem referens in lib. 1. cap. 63., uti animadvertit Antonius Augustinus dial. 19. de emend. Gratiani lib. 2., sub hac epigraphe adposuit: *Ex epistola Nicolai Papæ junioris Mediolanensibus missa*. Verum ne Nicolao quidem II. adscribendus erit canon, sed potius Petro Damiani Nicolai II. apud Mediolanenses Legato. Turbatur Mediolanensis Ecclesia ob turpem avaritiam, & incontinentiam plurium clericorum, apud quos veteres & Simonis, & Nicolaitarum hæreses renovabantur, atque ita, ut, quod pessimum erat, forent in erroribus pervicacissimi, atque ipsis etiam Pontificibus Maximis pertinaciter obliterent, illorumque jurisdictionem excutere conarentur, in perniciosam morum, disciplinæque libertatem proclamantes. Inter cetera aiebant Mediolanenses Clerici, Ecclesiam suam esse a Romana distinctam, suo se Antistite regi, nec Romano Episcopo subjici. In his causarum, & locorum adjunctis Pontificia legatione suscepta Mediolanum accessit Petrus Damiani, qui initio in ipsum vitæ discrimen adductus, tandem plurimos removit a schismate, & ad unitatem Romanæ Ecclesiæ revocavit. Inter Sancti Viri opera, ubi recensentur Acta Mediolanensia, opusculo 5. habetur sermo habitus ad Mediolanenses, cujus priora verba hæc sunt: *Noveris charitas vestra, Dilectissimi, non me pro Romanæ Ecclesiæ hac honore venisse, sed vestram gloriam querere, vobis salutem, & gratiam, quæ in Christo est, cum ejus auxilio, si permittitis, providere. Quo enim pacto honore indiget parvuli hominis, quæ laudes, atque præconia ex ipsius ore sortita est Salvatoris? Quæ autem provincia per omnia Regna terrarum ab ejus ditione extranea reperitur, cujus arbitrio ipsum quoque Cælum & ligatur, & solvitur? Omnes autem sive Patriarchi, cujuslibet apicem, sive Metropoleon Primatus, aut Episcopatum cathedras, vel Ecclesiarum cujuscumque ordinis dignitatem, sive Rex, sive Imperator, sive cujuslibet conditionis homo parus instituit, & prout voluntas, aut facultas erat, specialium sibi prærogativarum jura præfixit; Romanam autem Ecclesiam solus ipse fundavit, & super petram fidei mox nascentis erexit, qui Beato vitæ æternæ Clavigero terreni simul, & celestis imperii jura commisit. Non ergo quælibet terrena sententia, sed illud verbum, quo constructum est cælum, & terra, per quod denique omnia condita sunt elementa, Romanam fundavit Ecclesiam. Illius certe privilegio fungitur, illius auctoritate fulcitur; unde non dubium, quia quisquis cuilibet Ecclesiæ jus suum detrahit, injustitiam facit; qui autem Romanæ Ecclesiæ privilegium ab ipso summo omnium Ecclesiarum Capite traditum auferre conatur, hic procul dubio in hæresim labitur, & cum ille noceatur injustus, hic est dicendus hæreticus. Fidem quippe violat, qui adversus illam agit, quæ mater est fidei, & illi contumax invenitur, qui eam cunctis Ecclesiis prætulisse cognoscitur. Post pauca subdit Petrus, Ambrosium Sanctissimum, ac vetustissimum ejusdem Ecclesiæ Mediolanensis Antistitem de Nicolaitarum hæresi consuluisse Siricium Papam, atque ejus institutis adhæsisse, ita concludens: *Unde & ipse Sanctus Ambrosius in omnibus sequi se magistræ Sanctæ Romanæ proficetur Ecclesiam. Quicumque sane* verba*

verba isthæc omnia conferet cum memorato canone 1. dist. 22. non solum agnoscat, qualis illius habendus auctor sit, sed etiam quænam sit integra auctoris sententia, & qua ratione verba ejusdem canonis juxta optimos codices sint emendanda.

## De epistola ad Nonensem Electum, & Clerum.

Can. 8.  
de conf.  
dist. 11.

Canonem 8. de conf. dist. 1. aliter Gratianus, aliter Anselmus designarunt; etenim apud Anselmum hæc inscriptio legitur: *Nicolaus Episcopus Clero, & Plebi Nonensis Ecclesie*; sed apud Gratianum in vetustis codicibus ita legebatur: *Nicolaus Papa Clero, & Plebi Viennensis Ecclesie*. Antonius Augustinus in lib. 2. de emend. Gratiani dial. 13. testatur in quodam Veronensi libro ita exhiberi: *Electo, & Clero Ecclesie Nonensis*, una subdens hoc caput inter incerta Nicolai I. monumenta esse recensendum. Hinc plane ego non video, cur recentiores veterem Gratiani editionem corrigendam crediderint in duplici parte, primum addendo nomen *Electi*, & excludendo nomen *Plebis*, deinde pro *Viennensi* Ecclesia *Nonensem* designando. Vel enim sequendus erat Anselmus; tum vero non erat adiciendum nomen *Electi*, neque nomen *Plebis* detrahendum; vel recedendum fuerat ab Anselmo; tum vero designandum non erat pro *Viennensi* nomen Ecclesie *Nonensis* eo prætextu, quod Anselmus non Viennensis fecisset, sed Nonensis Ecclesie mentionem. Fuit isthæc nimis ampla emendandi licentia, ubi præsertim certa esse nequeunt emendationum argumenta. Ego, potius dubitarem de auctoritate ejus epistolæ, utpote cujus non constat fuisse Nicolaum auctorem, cum inter ceteras Nicolai epistolas apud quoscunque etiam recentissimos Collectores desideretur; cum præterea nulla fuisse videatur occasio Nicolao porrecta ita scribendi, sive ad Viennensem Ecclesiam in Gallia, sive ad Nonensem Ecclesiam in Dalmatia; cum demum primus eam epistolam in medium produxerit Anselmus, cujus fides in educendis reconditis monumentis non est sine discrimine probata, præsertim in iis, quæ quoquo modo possent proposito ejusdem Anselmi servire. Non omitam tamen advertere, nonnulla similia haberi in epistola tributa Nicolao eidem I. rescribenti ad consulta Arduici Archiepiscopi Vefontionensis apud Dacherium in tom. 1., in ea enim in cap. 5. hæc leguntur adversus Chorepiscoporum ambitum constituta: *De Chorepiscopis, de quibus consultis, utrum Presbyteros, & Diaconos valeant consecrare, sacri te canonis satis poterunt edocere. Quomodo autem Chorepiscopos posse dicimus Ecclesias consecrare, quas nulli Episcoporum licet sine nostro præcepto secundum sanctas regulas dedicare? Non ergo Chorepiscopis dabimus.*

## De epistola ad Osbaldum Chorepiscopum Quadrantinum.

Can. 6.  
& 39.  
dist. 50.

Osbalus, qui Chorepiscopus, aut Coepiscopus in can. 6. & 39. dist. 50. juxta quædam exemplaria dicitur Quadrantinus, apud Antonium Augustinum in lib. 2. dial. 16. de emend. Gratiani creditur idem esse, ac Osualdus quidam Episcopus, primum Vintonensis, postea Eboracensis in Britannia, auctor libelli cujusdam Martyrologii. Incerta admodum hæc sunt, cum opportunis destituamur monumentis, quæ in hac potissimum parte, quæ privata negotia, & omnino singularia facta

conti-

continet, vix ob vetustatem superesse recentioribus potuerunt. Interea vero jure dicere possum ea, quæ traduntur in memoratis canonibus 6. & 33., neque a Nicolai temporibus, neque ab aliis Nicolai sententiis dissonare. In primis si de temporibus loquamur, nemo ignorat qualis esset tunc, præsertim in Gallia, Chorepiscoporum disciplina, quorum nimirum officio passim Episcopi in administrandis rebus ecclesiasticis utebantur; proinde esse occasio potuit Osbaldo, si Chorepiscopus, ut fertur, Quadrantinus extitit, Sedem Apostolicam in causa Clericorum delinquentium consulendi. Item non ignoramus, temporibus Nicolai Paganos fuisse Christianis maxime infensos, eamque ob rem facile contingere potuisse Paganorum occisiones, sive a Clericis, sive a Laicis propriæ defensionis causa perperatras. Fuerant autem hæ Paganorum cædes jamdudum præsertim viris Ecclesiasticis vetitz, quemadmodum colligitur ex Capitulari Caroli Magni anni circiter 769. cap. 2., & lib. 7. Capitularium cap. 124. ibi: *ut Sacerdotes neque Christianorum, neque Paganorum sanguinem fundant*. Hinc Nicolaus potuit sacerdotali officio jure spoliare Clericos in ejusmodi homicidia pronos, quemadmodum ex laudatis canonibus edocemur; imo & ita eisdem exuere, ut nulla superesset spes in pristinum gradum revertendi; firmum enim erat apud Nicolaum veteris Ecclesiasticæ disciplinæ principium, juxta quod semel jure remoti a sacerdotali gradu nusquam in illum omnino restituerentur. Similis plane sententia legitur in capite 6. epistolæ Nicolai ad consulta Arduici Archiepiscopi Vefontionensis apud Dacherium in Tomo 1. Spicilegii ibi: *Porro de presbytero, quod non possit restaurationem post lapsum recipere, ut multa prætereamus, Beatus Papa declarat Gregorius ad Sabinianum inter cetera scribens Jaderinum Episcopum, Presbyterum vero, inquiens, de quo nos fraternitas tua latoris præsentium relatione consulit, nulla ratione in sacro ordine post lapsum aut permanere, aut revocari posse cognoscas*.

## De Epistola ad Rhatoldum Episcopum Argentoratensem.

Non sunt contemnendæ Baluzii adnotationes ad canonem 15. cau. 33. qu. 2., qui hodie inscribitur in vulgatis Gratiani Codicibus Nicolao Papæ Rhatoldo Episcopo Sanctæ Ecclesiæ Argentoratensis scribenti, ait enim ille, in libro Sangermanensi inscriptionem canonis hanc fuisse: *Item Nicolaus Papa Rodulpho Episcopo Sanctæ Argenteæ retensis*, in Regio libro: *Item Nicolaus Papa Rodulpho Episcopo sanctæ argenteæ retensis Ecclesiæ*; olim vero scriptum fuisse *tretensis*, postea prima litera r jugulata, in antiquo Codice Victorino: *Item Nicolaus Papa Rodulpho Episcopo sanctæ Argenteæ utensis*, in recentiore *sanctæ Argenteæ ercensis Episcopo*; in Codice Colbertino *sanctæ Argenteæ retensis*; in antiquis editionibus Moguntina, & Veneta *sanctæ Ecclesiæ argenteæ retensis*, sive, ut ego lego in edito Codice vetustissimo, *Rhetensis*. Burchardus, ex quo primum ceteri Collectores fragmentum derivasse videntur, ita inscripsit in lib. 6. cap. 46. *Nicolaus Episcopus servus servorum Dei Reverendissimo & Sanctissimo Rodoldo Episcopo sanctæ Argenteæ Retensis Ecclesiæ*. Addit præterea Baluzius, testari B. Rhenanum in admonitione de Tertulliani dogmatis eandem lectionem reperiri in omnibus, quos ipse vidit, Gratiani Codicibus, non excusis

Can. 15.  
cau. 33.  
qu. 2.

excusis modo, verum etiam manu scriptis; reperisse se porro epistolam illam in veteri Codice adjunctam constitutionibus Provincialis Synodi, quam Magunciaci habuit Rhabanus Archiepiscopus, in editione autem Rhenani ita legi: *Nicolaus &c. Ratholdus Episcopo sanctæ Argentoratensis Ecclesiæ*, quo postea modo apud Gratianum Deinohares, & Contius emendaverunt; hinc recte Democharem, Contium, Romanosque Correctores Ratholdi nomen pro Radulphi nomine reposuisse, præsertim quod Radoldum nominet Burchardus memoratus, & ea tempestate vixerit Radoldus Argentoratensis, seu Argentinensis Episcopus, si fides est Jacobo Vvymphelingio in Catalogo Episcoporum Argentinensium, Huc usque Baluzius. Ego cum viderim Burchardi Codicem in pluribus a Gratiano dissonare, imo ibidem integram epistolam exhiberi, hic describendam censui, ut emendetur Gratianus aut suppleatur his verbis: *Dum universis mundi partibus credentium agmina Principis Apostolorum liminibus properant, quidam vir nomine Thlothart venis vestræ beatitudinis epistolam gerens, quam nostro contulit Præsulatui, cujus paginam prælegentes, matricidam illum esse cognovimus, quo sæculo multis fletibus, lacrymisque profusus valde doluimus. Idcirco præcipimus, & patrum aliorum censuris statuimus, ut sub præsentis iugo permaneat, ita ut unum per annum Ecclesiam non ingrediatur, sed ante fores Basilicæ orans, ac deprecans Deum perseveret, qualiter tanto eripiatur piaculo. Completo vero anni circulo introeundi in Ecclesiam licentiam habeat, tamen inter audientes stet, & nondum communicet. Completis autem trium annorum circulis, sacræ communionis illi gratia concedatur. Oblationes vero non offerat, nisi postquam aliorum septem annorum curricula expleantur. In his autem omnibus annis, atque temporibus carnem non manducet, nec vinum bibere præsumat, exceptis festis diebus, atque Dominicis, & a Pascha usque Pentecostes, & quocumque ire voluerit, nullo vehiculo deducatur, sed pedibus proficiscatur, armat non sumat, nisi contra Paganos. Jejunet autem tres dies per hebdomadam usque ad vesperum. A propria quidem; ac legitima sua conjuge non separetur, ne fornicationis voragine corruat, quod ne fiat optamus. Si autem ante trium annorum cursum finis vitæ illius adpropinquaverit, Corporis, & Sanguinis Domini Nostri Jesu Christi particeps fiat; sin autem, ut supra statuimus, efficiatur, tamen si illius conversationem, & lacrymarum fontem in omnibus videritis floridis actionibus, & optimis operibus pullulare, humanius circa eum vestra sollicitudo pervenit adpareat, mitisque omnibus demonstretur. Optamus vos in Christo bene valere. Similis propemodum prænitentia a Nicolao Pontifice præstituta fuit cuidam Wimaro, qui tres suos liberos peremerat, quemadmodum liquet ex epistola ejusdem Pontificis ad Rivoladrum (legunt alii Ronoldum) Episcopum 17. in priore Appendice. Addere his potes similem fere impostam prænitentiam rerum Ecclesiasticarum invasoribus, quemadmodum colligitur ex canon 17. cau. 12. qu. 2. Eadem fere verba Nicolai, qualia sunt apud Burchardum, & Gratianum, edidit Baluzius in tom. 5. Miscellaneorum, sub nomine Decretorum Nicolai Papæ. Ceterum non est inverosimile, quod jam adnotaverunt Romani Correctores, canonem eundem tribuendum potius esse Concilio Wormaciensi anni 868. sive post annum ab obitu Nicolai Pontificis, a Burchardo primum adscriptum Nicolao, quod inscriptiones canonum transformare soleret, & Pontificibus Maximis ut plurimum coævis tribuere, quæ edita in particularibus Conciliis fuissent. Itaque in can. 30. Wormaciensis Synodi hæc leguntur. *Statuimus, ut parricide, & fratricida per unius anni curriculum ante fores Basilicæ orantes Domini clementiam perseverent. Completo autem anni curriculo, introducas-**

introducuntur in Ecclesiam: tamen inter audientes, usque dum unius anni spatium finiatur, stent, cum Missarum solemniam, vel alia sacra audire officia venerint. His ita peractis si poenitentia fructus in eis conspicitur, Corporis, & Sanguinis Domini Nostri Jesu Christi participes fiant, ut desperantia non inludentur caligine. Carnem non manducans omnibus diebus vitam illorum, & jejulent usque ad nonam horam dici quotidie, exceptis festis diebus, atque Dominicis. Abstineant a vino, medone, atque cervisia mellita tres dies per hebdomadam. Arma gerere non audeant, vel fumere, nisi contra Paganos. Et ubicunque ire maluerint, nullo vehiculo deducantur, sed pedestri more proficisci studeant. Tempus autem hujus poenitentia in Episcoporum ponimus arbitrio, ut secundum conversationem illorum aut extendere, vel minuire valeant. Ab uxoribus, si habuerint, non separentur. Si autem non habuerint, & se continere non valuerint, legitimas accipiant in conjugio feminas, ne in fornicationis voraginem incidere videantur. Et si finis vitae illorum venerit, antequam duorum praedictorum annorum finiantur curricula, viaticum illis non negetur. Addi his potest epistola Nicolai ad Episcopos Germaniae, quae habetur inter acta Concilii Moguntini anni 857. ubi eadem fere verba leguntur.

## De Epistola ad Salomonem Episcopum Constantiensis.

Veteres Gratiani editiones canonem 2. cau. 15. qu. 5. tribuerunt Nicolao Papae scribenti ad Solonem Episcopum Constantiensis. Sed recte recentiores emendaverunt pro Solone Salomonem scribentes, potissimum Ivonis auctoritate, qui non solum in Decreto parte 6. cap. 122., sed etiam in epistola 206. ad Hilbertum Cenomanensem Episcopum idem monumentum reulit sub nomine Nicolai ad Salomonem Constantiensis. Sed praeterea Baluzius in tom. 5. Miscellaneorum ejusdem Salomonis Episcopi mentionem fecit referens quendam capitula responsionum Nicolai Papae ad legationem Salomonis Episcopi missi a Rege Ludovico Germanico. His addi possunt acta Concilii Triburiensis anni 895., quibus Salomon Constantiensis Episcopus subscripsisse agnoscitur. Fateor tamen, hanc ipsam Nicolai epistolam demtis Ivonis in memoratis locis, nec non Gratiani fragmentis, inter cetera ejusdem Pontificis monumenta desiderari. Non inde vero ea erit rejicienda, sive quod a ceteris Nicolai sententiis minime dissonet, sive quod disciplinae illius aetatis congruere videatur. Conferantur cum his canones 6. & 39. dist. 50. junctis iis, quae superius tradidi ad illorum interpretationem. Forte huc quisquam referendam arbitrabitur (neque ego repugno) epistolam Nicolai ad Episcopos Germaniae, quae habetur inter acta Synodi Moguntinae anni 857. Ibidem Nicolaus ita scribit inter cetera: *Sacerdotes illi, qui in crimine fornicationis fuerint accusati, & crimen illis non fuerit comprobatum, aut ipsi non manifestaverint, quid aliud agendum est, nisi quod in Neocaesariensis Sancti Concilii capitulo legitur, ac demonstratur? Tamen si ipsi juramento se voluerint purificare, licentiam habeant. Similiter autem & Diaconi, si fuerint accusati, peragant.* Notatu dignum est, inter eos Germaniae Episcopos, ad quos haec directae fuit epistola, recenseri Salomonem Constantiensis; quamobrem non inverosimiliter aget, qui Gratiani canonem cum descripto hujus epistolae fragmento conciliabit.

Con. 2.  
cau. 15.  
qu. 5.

## De Epistola ad Thadonem Archiepiscopum Mediolanensem.

Can. 13. Thadonem, sive, ut alii scribunt, Tadonem fuisse temporibus Nicolai Ecclesię  
 cau. 17. Mediolanensis Episcopum facile demonstratur, tum ex epistola scripta ab Episcopis  
 Tit. 4. constitutis in Regno Lotharii ad Episcopos constitutos in Regno Ludovici, quę habetur apud Labbeum in recente Venetę editione tom. 10. pag. 230., tum ex Concilio Romano III. anni 863. can. 2., ubi fit mentio Thadonis Archiepiscopi Mediolanensis. Sed & fuisse prębitam illis temporibus occasionem eędum, in odium pręsertim virorum Ecclesiasticorum apud Mediolanenses, non obscure indicatur ex iis, quę superius pręjacta sunt ad interpretationem canonis 1. dist. 22., ubi nonnihil dicendum fuit de Petro Damiani ad Mediolanenses Pontificiā auctoritate Legato. Hęc sane me plurimum movent, ut Nicolao ad Thadonem scribenti jure tributum agnoscam canonem 23. cau. 17. qu. 4., ex quo sane liquet humane admodum cum Mediolanensibus rem fuisse a Nicolao gestam; erant enim apud illos Schismatici numero plurimi ad unitatem Ecclesiasticam leniter adducendi. Cum vero apud Ivonem in cap. 20. partis 10. Decreti idem Gratiani canon describatur, aliquibus immutatis verbis, juvabit sectionem Ivonis hoc in loco exhibere, ut Codex Gratianeus emendetur apud eos, quibus major est Ivonis vetustioris, quam Gratiani recentioris existimatio. Scripsit Ivo: *De Presbyterorum flagellatoribus, & occisoribus, prędonibus scilicet, qui seculari brachio minime opercentur, juxta pręceptum Domini, placet fraterno amore conveniantur secundo, ac tertio. Quique si te non audierint, conveniente Ecclesia eos Eucharistia privare, atque si in sua obstinatione parvipendentes Sacerdotalia monita forte permauerint, ab Ecclesię compage sub anathematis interdictione rescare licentiam tribuimus. Quos etiam respicientes, tandem digna satisfactione pręmissa, in gremio Sanctę Matris Ecclesię revocari noveris posse.*

## De ceteris canonibus Nicolao I. Pontifici adscriptis.

Quę supersunt expendenda Gratiani monumenta adscripta Nicolao I. Pontifici  
 Can. 4. incerta admodum sunt. Ex illis est in primis canon 4. dist. 33., de quo Antonius  
 dist. 11. Augustinus in lib. 2. de emend. Grat. Dial. 19. jam adservit: *Id in incertis numerant selecti viri.* Si danda fides est Ivoni, ipse in cap. 104. partis 11. ita eundem canonem exhibet. *Nicolaus Aluvino Juvavensi Archiepiscopo: Clerici, qui in adolescentia a Dæmonibus cognoscuntur obsessi, ad superiorem sacri regiminis gradum accedere non possunt.* Plane jam superius adnotaveram, quędam superesse fragmenta epistolarum Nicolai Papę ad Adalvinum Episcopum Juvavensem; atque ad has epistolas facile referri posset memoratus can. 4., quoties integrę hodie extarent. Verum cum interierint, solęque superfuerint breves quędam lacinię, non erit inutile curare, ut istę, qualescumque sint, Nicolao-tributę sententię, si fieri potest, ad generales sacrorum canonum regulas exigantur. Jam Romani Corredores adnotaverunt, similia quędam constituta fuisse in Concilio Arasifico 1. cap. 16. ibi: *Qui palam a Dæmone arrepti sunt, aliquando non solum non assumendi ad ullum ordinem clericatus, sed et si aliqui jam ordinati sunt, ab imposito officio repellendi.* Addi poterat canon 13. Concilii Toletani xi. ibi: *Bene majorum regulis definitum est, ut*

da-



*dæmoniis, aliisque passionibus irretitis ministeria sacra tractare non liceat.* Præ ceteris clarius id profequitur Gelasius Papa I. ita scribens in epistola ad universos Episcopos per Lucaniam, Brutios, & Siciliam constitutos cap. 19. *Usque adeo sane comperimus illicita quæque prorumpere, &c., quæ habentur in can. 5. dist. 33. quem integrum jam edidi suo in loco.*

Inceriz etiam auctoritatis est canon 49. dist. 50., & nusquam illum repertum esse testatur Antonius Augustinus in lib. 2. dial. 17. de emend. Grat. Ego puto Can. 49. dist. 50. tributam Nicolao eam ipsam Concilii Wormacienfis sententiã, quæ legitur in can. 50. eadem dist. 50., licet alia verborum specie inducta; neque enim id novum est Collectoriis, cum ejusdem sæculi monumenta alia aliis inmereretur solerent, vel subicere non designato nomine auctorum; alias autem scimus, Concilium Wormacienfe celebratum fuisse anno circiter post obitum Nicolai. Quod si evidens in hanc rem inavis exemplum, illud exhibeo itatim in can. 15. cau. 33. qu. 2. qui licet Nicolao Pontifici tributur, idem tamen, uti suo loco diximus, videtur esse cum canone Concilii Wormacienfis. Quod si adhuc nonnihil ex monumentis Nicolai velis huc referre, in medio ego exhibere potero Nicolai ejusdem epistolam, quæ adjicitur adis Concilii Moguntini scripta ad Episcopos Germaniz, ubi inter cetera hæc legimur: *De his, qui non sponte homicidium commiserunt, in vigesimo secundo capitulo Ancyran Concilii, qualiter agere debeant, definitum habetis.* Capitulum hoc Ancyran Concilii habes in can. 42. dist. 50.

Johannes Cochleus in sua collectione decretorum Nicolai Papæ, quod habetur Can. 3. dist. 97. in canone 3. dist. 97. scripsit pertinere ad epistolam missam ad Ludovicum Imperatorem, deinde paullo aliter canonis sententiam delineavit, his verbis: *Licet nunquam Apostolica Sedis motus fuerit, absque signatis apicibus undecunque legationem suscipere, nos tamen sublimitatem vestram in nobilissimo viro, ac strenuo legato vestro honorantes, ejusque gravitatem, & eloquiorum illius veridicas cognoscentes assertiones, nihilominus eum absque epistola vestra suscepimus.* Nonnulla his in Gratiani Codice addidit Pithæus, testatur hæc eidem canoni 3. esse subijcienda: *Illud vero, quod idem Augustus dicebat, fuisse consuetudinis decessorum nostrorum tempore, ut ex quocumque regno aliqua legatio ad Sedem Apostolicam veniret, Optimates Romani interessent, modo vero nullus inserit præter Arsenium, ita non est. Verumsamen quid interest, utrum in suscipienda legatione omnes in unum Optimates Romani, an tres ex iis, vel duo, vel certe unus conveniat, dum tamen nihil reprehensibile, nihil proprium, Deo custode, nos penitus ignoramus. Nam si reprehensione aliquid dignum geritur, non tantum de non convocata turba a vobis, quantum a Domino de hoc, quod male geritur, potius redorguemur.* Unde vero hæc Pithæus depromserit, non satis indicat, imo mihi non videntur cum ipso Gratiani monumento satis consonare, cum Gratianus canon verba contineat epistolaria ad Principem directã, at verba Pithæi ita concepta sint, ut ad tertium quandam de Principe scripta videantur. Ceterum quæ ibidem traduntur a Nicolao, generali disciplinz convenient etiam recentioribus temporibus confirmatæ in Extrav. 1. de electione vers. *asserenti namque.* Ipse etiam Nicolaus in epistola 2., quæ habetur in 1. Appendice epistolarum, Rhadoaldum, & Johannem Episcopos mittens in Franciam legatos, potissimum illud suavit, ut non aliter suam perscriverent legationem, quam solemnibus instructi Epistolis; & in epistola quam scripsit ad Salomonem Britannorum Regem, ejusque conjugem, apud Manuum tom. 1. Supplementi pag. 973. professus est se plurimum dubitare de sug-

geitionibus nomine Principis ad se delatis, quod ex litteris quædam suspiciones falsitatis emergerent. Quod si Nicolaus cum Ludovici Principis legato minus scrupulose agendum voluit, ex eo potissimum, quod legati fides per se ipsam extabat, nihil videtur, quod proponi possit adversus monumentum illud, utpote quod exceptiones certis in casibus admittæ generalibus regulis non officiant, ac disciplinis.

De canone 2. cap. 2. qu. 2. nihil est, quod ego singulari animadversione adicere possim, postquam Romani Corretores, & cum illis universi erudit viri observaverint, non debuisse eundem Nicolao Pontifici adscribi, sed potius Isidoro Mercatori in Præfatione Conciliorum, eodem modo, quo perperam apud Gratianum laudatus est nomine Nicolai etiam canon 3. cau. 33. qu. 2., qui habetur in eadem Mercatoris præfatione. Abstineo a referendis Pseudo-Isidori verbis, sive quod parum habeant apud prudentissimos viros auctoritatis, sive quod infinitus propemodum essent, si huiusmodi, seu similes sententias facile ex omnibus fere Isidorianis Epistolis apocryphis erundas in medium proferrem.

Antonius Augustinus in dial. 15. lib. 2. de emendat. Grat. ad canonem 3. cau. 6. qu. 3. asserit, in ejus investigatione divinum superesse implorandum auxilium, cum destituti simus humano. Clarissimus Pithæus ad eundem canonem adjecit, illum referendum esse ad epistolam Nicolai ad Ludovicum Imperatorem, quod etiam adnotavit recentior Labbeanz Collectionis editor Venetus in tom. 9. pag. 1533. ad marginem, ubi plura referuntur monumentorum Nicolai Papæ fragmenta.

• Gratianus paucis eandem sententiam perstrinxerat in can. 13. dist. 50. ibi: *Sophronium Placentinum Episcopum merito reprobatur Nicolaus Papa ambos reconciliavit*. Mendum sane in alterutro Gratiani loco notatur, cum qui in can. 13. appellatur Sophronius, deinde in can. 3. appelletur Suffredus. Quidquid tamen sit, ego facile adduci non possum eo, ut canonem istum habeam tanquam certum & genuinum Nicolai Pontificis monumentum. Me enim plurimum movet alium, quod in omnibus Nicolai I. actis servatur, silentium; quamquam enim ut plurimum hoc argumentum a silentio deductum non satis firmum per se sit, quousque aliis non juvatur conjecturis, in hac tamen re apud me gravissimum est: Nimirum novi temporibus Nicolai, plures non ex Episcopis tantum, sed etiam ex Presbyteris fuisse Episcopali, seu Synodali auctoritate depositos, dejectosque, eosque ferme omnes ad Sedem Apostolicam appellatione interposita confugisse, plurimos etiam in pristinam Sedem, & Dignitatem restitutos. At novi præterea, quot fuerint in hac materie concertationes Episcoporum, & quot illarum adhuc in præsentia monumenta supersint. Sufficit in hanc rem evolvere acta Codicum, quæ a Collectoribus sub Nicolai temporibus congesta sunt, & passim occurrent præ oculis Episcopi, Presbyterique dejecti, pluribus dejectione confirmati judiciis, ac tandem non sine maxima animorum hinc illinc contententium exagitatione restituti. Cum vero frequentissima ibidem sit ceterorum qui dejectorum, qui restitutorum, & quidem pluries iterata mentio; nullibi autem ne verbum quidem de Suffredo, sive Sofronio fiat, qui a Gratiano Placentinus Episcopus dicitur, non video, qua de causa Gratiano sit adhærendum. Unum forte quemquam morari posset Anastasi Bibliothecarii monumentum, videlicet Anastasius Nicolao Papæ coævus in ejusdem Pontificis vita ita scribit: *Nihilominus Susfredum Placentinæ Sedis Antistitem, a Sede propria ejusdem Pauli diaconi perfidia pulsam, per Legatos suos idem Papa Sedis sue restituit, & eundem Diaconum, qui Sedem illam proprio relore superstitie præsumptè inva-*

*inva-*

invadere, competenti cum suis sequacibus increpatione corripuit. Pro cuius etiam infassa, nefariaque presumptione penitus amputanda sanitatis studio iussit, & pro pace Dei Ecclesie ipsi jam suo precepit Diacono, ut nec tale quid unquam tentaret peragere, nec eandem Sedem Placentinam, sive viveret Seufredus, sive moreretur Episcopus, repetere presumeret, vel recipere. Sed hæc cum in ipsis Nicolai monumentis desiderentur, facile quidem occasionem præbere potuerunt recentiori alicui Collectori, nonnulla ad hanc ipsam rem pertinentia comminiscendi, non tamen satis exinde deduci potest, memorata Gratiani verba haberi posse tanquam firmum & solidum Ecclesiasticæ disciplinæ stabilien- & præsidium. Ceterum si nihilominus forte quisquam monumentum illud velut germanum velit agnoscere, sequi commode poterit Mansium, qui in Supplemento Labbeano tom. 1. pag. 995. illud refert ad Concilium Romanum VII. Nicolai.

Non immemor diu in investigando auctore canonis 4. cau. 12. qu. 1., jam enim ex decreto Ivonis & Burchardi codice collegerunt viri eruditi, canonem illum non ad Nicolaum Papam, sed ad Salignatensem Concilium pertinere. Revera in canone 12. ejusdem anno circiter 1021. celebrati ita legimus: *Statutum est etiam, ut ædificia Laicorum, quæ Ecclesiis adjuncta sunt, auferantur, & nulla in atrio Ecclesie ponantur, nisi tantum Presbyterorum.*

Neque præterea diu immorandum est in investigando auctore canonis 1. cau. 16. qu. 5. falsi tributi Nicolao Pontifici, qui tribuendus potius erat Concilio Arausicano I., etenim in canone 10. ejusdem, qui etiam relatus est inter canones Concilii Arelatenfis II. num. 36., hæc leguntur. *Si quis Episcopus in alienæ Civitatis territorio Ecclesiam edificare disponit, vel pro agri sui, aut Ecclesiastici utilitate, vel quacumque sua opportunitate, permissa licentia, quia prohiberi hoc votum nefas est, non presumat dedicationem, quæ illi omnimodis reservanda est, in cujus territorio Ecclesia assurgit: reservata edificatori Episcopo hac gratia, ut quos desiderat Clericos in re sua videre, ipsos ordinet is, cujus territorium est: vel si jam ordinati sunt, ipsos habere acquiescat, & omnis Ecclesie ipsius gubernatio ad eum, in cujus Civitatis territorio surrexit, pertinebit. Et siquid ipsi Ecclesie fuerit ab Episcopo conditioe donatum, is, in cujus territorio est, auferendi exinde aliquid non habeat potestatem. Hoc solum edificatori Episcopo credimus reservandum.* Adde his sequentem canonem, qui etiam est numero 37. in Concilio Arelatenfi II., cum & iste non mediocrem possit Gratiano canoni lucem adferre. *Quod si etiam quicumque Ecclesiam edificaverit, & alium magis, quam eum, in cujus territorio edificat, invitandum putaverit; tam ipse, qui contra constitutionem, vel distributionem gratificari vult, quam omnes Episcopi, qui ad hujusmodi dedicationem invitantur, conventu abstinantur; si ordinem exceßerit, in reatu revocabitur.* Erant sane hæc prima juris patronatus, seu juris presentationum initia, quæ si conveniunt aut Arausicano I., aut Arelatenfi II. Conciliis, quorum tempore nondum jus presentandi receptum fuerat, sed libera erat, sicut ordinatio Clericorum, ita beneficiorum collatio, non potuerunt tamen amplius congruere temporibus Nicolai I., a quo propterea jure optimo memoratus canon est abjudicandus.

Canon 3. cau. 26. qu. 7. integer legitur in epistola Nicolai jam superius memorata ad Rodulfum Archiepiscopum Biuricensem edita primum abs Johanne Cordesio, & ex eo a ceteris recentioribus Collectoribus tap. 4. ibi: *De his vero, qui pro criminibus penitentiam gerunt, & ad cingulum militie reversionem, constat eos contra*

Can. 4.  
caus. 12.  
qu. 1.

Can. 10.  
cau. 16.  
qu. 5.

Can. 3.  
can. 26.  
qu. 7.

contra sacras regulas agere. Verum quia crimina non equalia sunt, perhibesque alios horum propter nimiam hebetudinem in desperationem adiisse, alios ob hoc ad Paganus fugisse, tibi hoc committimus decernendum, nimirum qui loca, & tempus regionis illius, modumque culpe, nec non & pœnitentiam, & gemitus hominum ad confessionem venientium, præsens potius inspicere vales.

In lib. 2. de emendat. Grat. Dial. 18. ait Antonius Augustinus de canone 1. cau. 30. qu. 2. *Inscriptionem non aliam invenit, quam hanc, Nicolaus Papa, apud Ivonem, & Gratianum, & Bernardum Papiensem, & Raymundum. Fontem tu nobis ostendes. B. Nili fontibus obscurior est.* Sane apud Gregorium IX. nonnulla adjuvantur Gratiani verbis, aliqua etiam immutantur in cap. 2. de desponsat. impub. Ego in his tantum agnosco sententiam quandam Nicolai Pontificis, quæ habetur in rescripto ejusdem ad Bulgaros, deinde apud auctorem Panormiæ, & eum secutum Gratianum paullo aliter digestam, quemadmodum in more habuerunt Collectores. Porro Nicolaus in memorato rescripto cap. 3. Bulgaros docens, quæ ratione sint contrahenda sponsalia, ait: *consensu eorum, qui hæc contrahunt, & eorum, in quorum potestate sunt, celebrantur.* Quæ vero apud Gregorium IX., quemadmodum & in prima Decretalium Collectione, adjecta fuerunt, ex recentiorum placitis proflexerunt; etenim sæculo Ecclesiæ duodecimo cœpit non improbari conjugium etiam inter impuberes, dixerim melius, tolerari, dum gravissimæ emergent causæ. Similem constitutionem ad hanc rem proferre possum ex Mansii, Supplemento Labbeano tom. 2. pag. 670., ibidem enim referuntur canones quidam Concilii sub Ricardo Archiepiscopo Cantuariensi habiti anno 1173., atque inter eos num. 35. legitur ita conceptus: *Non contrahatur matrimonium inter aliquos infra annos, nisi ex dispensatione inter Principes, vel magnos viros, reconciliationis, vel pacis causa.* Forte ex canone isto profluere potuit exceptio tradita in dicto cap. 2. de desponsat. impub., & quoniam Nicolao tributa erant priora canonis verba juxta ea, quæ ediderat Gratianus, facile etiam sub Nicolai ejusdem nomine potuit eadem exceptio tradi.

Quod sub Nicolai nomine describitur in cau. 57. de conf. dist. 4. legimus apud Ivonem in parte 1. decreti cap. 87. sub hac inscriptione: *Nicolaus Papa Johanni Archiepiscopo Ravennæ.* Deinde sequitur fragmentum his verbis: *Catechismi baptizandorum a Sacerdotibus uniuscujusque Ecclesiæ possunt fieri, sicut in sancta hac Romana, cui Deo auctore ministerium famulatus nostri exhibemus, Ecclesiæ, solemniter fieri comprobatur.* Hæc ad Johannem Ravennatem epistola hodie non superest; attamen Ravennatenſi Ecclesiæ temporibus Nicolai præfuisse Johannem Episcopum, minime dubito, cum ejus fiat mentio in epistola ejusdem Pontificis ad Adonem Viennensem Archiepiscopum, quæ est 59. in editione Labbeana. Ejus autem canonis occasio, quæ nimirum quæreretur, an liceret in unaquaque Ecclesiâ singularem catechismum baptizandis proponere, non aliena est a Nicolai ipsius temporibus; tunc enim non ignoramus rerum divinarum studia instaurata in Ecclesiis, quemadmodum deducitur ex canone 10. inter Lingonenses propositos Concilio Tullensi I. apud Saponarias anni 859., ac proinde facile fuit variis propositis in variis Ecclesiis methodos, quibus Catechistæ ad baptizandorum institutiones uterentur. Atque id sufficere potest, ut verosimilis saltem in re obscura laudati canonis fides, atque auctoritas habeatur.

## De Johanne VIII.

Hadriani II., qui Nicolao in Romano Pontificatu successit, nullum apud Gratianum monumentum extat, dummodo excipias canonem 1. dist. 63., quem jam expendi in prima operis parte, ubi actum est de octavo generali Concilio; quamobrem ad monumenta progredior, quæ Johanni VIII. apud Gratianum adscribuntur. Sunt autem sequentia.

- |   |   |   |
|---|---|---|
| Ex epistola ad<br>omaes Episcopos.  | { | Can. 21. cau. 17. qu. 4. ex variis variorum monumentis con-<br>gestus.  |
| Ex epistola ad<br>Rostanum Epi-<br>scopum.  | { | Can. 47. cau. 27. qu. 2. incertæ admodum auctoritatis.  |
| Ex epistola ad<br>Cenomanticum<br>Episcopum Uti-<br>censem.                       | { | Can. 4. dist. 50. non diffonat a germana Johannis doctrina.   |
| Ex epist. ad An-<br>selmum Episco-<br>pum Ecclesiæ Le-<br>movicinæ.               | { | Can. 7. cau. 30. qu. 1. paullo varius in diversis exemplaribus.   |
| Ex epist. ad Vu-<br>libertum Episco-<br>pum Agrippinen-<br>sem.                   | { | Can. 4. dist. 100. illius temporis adjunctis maxime consonat.   |
| Ex epist. ad Cle-<br>rum, & ordinem<br>Salonitanum.                               | { | Can. 109. cau. 11. qu. 3. paullo varius in diversis exemplaribus.   |
| Ex epist. ad Paul-<br>lum Episcopum<br>Legatum in Pan-<br>nonia, & Ger-<br>mania. | { | Can. 14. cau. 16. qu. 3. jungendus cum can. 17. cau. 16.<br>qu. 3., & ex adjunctis illius ætatis explicandus. |

Ex

Ex epist. ad Ludovicum Regem.

Can. 17. cau. 16. qu. 3. jungendus cum can. 14. cau. 16. qu. 3. & ex adiunctis illius temporis explicandus.

Ex epist. ad Demagum Ducem.

Can. 12. cau. 23. qu. 8. consonat cum aliis ejusdem Papæ sententiis.

Ex epist. ad Angelpergam Imperatricem.

Cau. 1. cau. 23. qu. 8. incertæ fidei, atque auctoritatis.

Adjiciuntur.

Can. 10. dist. 10. { simul jungendi, & ad Johannis VIII. epi-  
Can. 3. dist. 86. { stolas parum tuto referendi.  
Can. 11. dist. 96. non congruit Johannis VIII. temporibus.  
Can. 12. cau. 3. qu. 4. consonat æque & Nicolai I., & Johannis VIII. monumentis.  
Can. 26. cau. 23. qu. 5. pertinet ad Concilium Ravennatense anni 877.

**D**ifficillima fuerunt tempora, quibus Johannes VIII. Sedem Apostolicam tenuit post obitum Hadrijani II., nimirum ab anno 872. usque ad finem anni 882. Occidentales Christianæ Provinciæ quatiiebantur diuturnis contentionibus, quas mortuo Ludovico II. Imperatore trium in imperio, regnove successorum Caroli Calvi, Ludovici Balbi, & Caroli Crassi discidia pepererant: Orientalis Ecclesia adhuc turbabatur Photiano schismate; Photius enim nullum non lapidem movebat, ut Constantinopolitanam Sedem iterum occuparet, quemadmodum tandem occupavit mortuo Ignatio Patriarcha, ipsomet Johanne Pontifice lato suffragio consentiente. Demum gravissimas molestias pati idem Pontifex debuit ob inferendas Sarracenorum incurfiones, qui universam Italiam miserando squallore consecerant, adeo ut necessarium fuerit libertatem annui census promissione quoquo modo redimere. Hæc juvat initio generaliter attigisse, in quorum conspectu ad interpretationem Gratianeorum canonum accederemus.

## De epistola ad omnes Episcopos.

Can. 17.  
cau. 17.  
qu. 4.

Fuit quidem Gratiano præbita occasio, tribuendi Johanni VIII. canonem 17. cau. 17. qu. 4., sive quod præcipua, quæ in illo exhibetur sententia, revera habeat Johannem VIII. auctorem, sive quod ejusdem Pontificis nomine apud veteriores Collectores laudatus idem canon fuerit; at vero non omnia verba ita captanda sunt, ut habeantur velut germana illius Papæ decreta. Multa quippe apud Gratianum sunt immutata, multa abs Johanne traduntur non quasi propria, sed quasi tum a veteris, tum a recentioribus Imperatorum legibus derivata. In editione Conciliorum inter acta Concilii Tricassini II. 878. sub Johanne celebrati hæc epistola legitur: *Johannes Episcopus servus servorum Dei, omnibus Episcopis, Comitibus, Vice-Comitibus, Centenariis, Judicibus Catholicis in Hispania, & Gebia Provinciis degentibus, omni- que*

que populo occidentali Catholico, salutem, & Apostolicam benedictionem. Noveritis, dilectissimi Filii, quia nos pro statu sanctæ Dei Ecclesiæ iussimus congregari Synodale Concilium apud urbem Trekas. Ubi sedentibus nobis in corona, venis ante presentiam nostram Siegodus (legunt alii: Sineboldus) primæ Sedis Narbonensis Episcopus, cum suis Suffraganeis Episcopis, & detulit nobis librum Gothicæ legis, ubi nihil habebatur de sacrilegiis, & in eisdem legibus scriptum erat, ut caussæ, quas illæ leges non habent, non aulirentur a iudicibus illius patriæ, atque ita sue Sanctæ Ecclesiæ suffocabatur ab incolis Galliæ, & Hispaniæ Provinciis. Unde nostra serenitas cum præscriptis Episcopis inspectis legibus Romanis, ubi habebatur de sacrilegiis, invenimus ibi a Justiniano Imperatore legem compositionis sacrilegii constitutam in quinque libras auri optimi. Sed nos leniorem legem præcipimus esse tenendam, quæ a Carolo est constituta pio Principe de compositione sacrilegii, videlicet in triginta libras examinati argenti, idest sexcentorum solidorum summam argenti purissimi. Ideoque quisquis inventus fuerit reus sacrilegii, istam levioorem compositionem emendet Episcopis ipsi, vel Abbatibus, sive personis, ad quas ceremoniæ sacrilegii iuste pertinuerit; & si ipse reus sacrilegii facere noluerit, tamdiu excommunicationi subiaceat, usquequo prædictam compositionem sexcentorum solidorum persolvat. Et si in hac obstinatione mortuus fuerit, corpus ejus cum psalmis, & hymnis non deferatur ad sepulturam. Et præcipimus, ut in finæ codicis legis mundanæ scribatur hæc lex. Hæc ipsa verba referuntur etiam apud Ivonem in parte 3. decreti cap. 98. Inscriptionem aliam ejusdem monumenti nobis exhibet ex vetere quodam libro Antonius Augustinus in dial. 9. lib. 2. de emend. Grat. his verbis: Lex sacrilegum edita a Johanne Papa coram serenissimo Ludovico Imperatore, & Episcopis LIII. in Concilio Treacenfi, & eorum auctoritate junda Gothicæ legi: per defectum sacrilegii. Initium autem epistolæ his continetur. Johannes Episcopus servus servorum Dei omnibus Episcopis per Narbonensem, atque, Hispanicæ Provincias consistentibus, Abbatibus, Presbyteris, cunctisque simul Ordinibus ministerio mancipatis, necnon Comitibus, Vice-Comitibus, Vicariis, Centenariis, Judicibus, & omnibus in potestatibus constitutis, & omni populo, & cunctis simul generali Ecclesiæ salutem carissimam cum benedictione Apostolica. Auctore omnipotentis Deo mediante, Incarnationis Domini Nostri Jesu Christi an. DCCCLXXXVIII. xv. Kalend. Septembris Indiæ. 1. Domino videlicet Ludovico Sereniss. Rege anno 1. actum est hoc a nobis apud urbem Trekas pro statu Sanctæ Dei Ecclesiæ Synodale Concilium &c. Ibidem tamen monet Antonius Augustinus erratum esse, & pro notis illis an. DCCCLXXXVIII. Indiæ. 1. ita legendum putat an. DCCCLXXXVIII. Indiæ. 11., ut possit Johannis VIII. temporibus convenire. Ut interpreteris hanc Johannis epistolam actis Tricassinæ Concilii insertam, observare debetis in primis nomine Gothiæ Provincie intelligi Galliam Narbonensem, utpote quæ fuit una cum Hispania Gothis obnoxia; illi autem Narbonensi Provincie præfuisse Siegodum, seu Sineboldum superius memoratum, qui vehementer optaverat, ut Imperiales leges adversus sacrilegos latæ Gothicarum legum codicibus infererentur. Videatur Baluzius in notis ad Capitularia Francorum tom. 2. Capitul. pag. 1118., & 1287. Non poterat præberi occasio magis opportuna renovandis Imperatorum legibus antiquis adversus sacrilegos, quam in eo ipso Concilio, in quo & Ludovicus Princeps, & Johannes Pontifex Maximus publico Ecclesiæ bono interfuisse feruntur, quemadmodum facile demonstrari potest ex actis Concilii, prout habentur in tom. 2. Capitularium Francorum Baluzianæ editionis pag. 274. & sequentibus,

ubi inter cetera habetur allocutio Papæ ad Ludovicum Regem. Alias autem operæ prærium erat, ut leges adversus sacrilegos latæ utriusque potestatis auctoritate, vel intercessionem restaurarentur; etenim cum Sarracenorum vi sacra omnia turbata fuissent in scandalum bonorum omnium, per legum sanctarum restorationem sacra omnia in pristinum decus decebat, honoremque restitui. Observandum præterea erit, duplicis generis leges in medium productas fuisse ab Johanne VIII., quarum alix ex vetusto Romanorum Codice, alix ex Carolinis libris derivarentur. Ex vetusto Romanorum Codice, sive ex Codice Justiniano laudatam voluit Johannes legem Arcadii, & Honorii, quæ habetur in l. 13. Cod. de Episc., & Cler. ibi: *Si venerabilis Ecclesiæ privilegia cujusquam fuerint vel temeritate violata, vel dissimulatione neglecta, commissum hoc quinque librarum auri condemnatione plectetur.* Ex Carolinis legibus voluit laudatam Johannes eam Caroli Magni Imperatoris Constitutionem, quæ legitur in lib. 2. legum Longobardarum tit. 39. num. 4. ibi: *Si quis in immunitate damnum aliquod fecerit, dc. solidos componat; si autem homo furtum, aut homicidium, vel quodlibet crimen foris committens, & infra immunitatem fugerit, mandet Comes Episcopo, vel Abbati, vel Vice-Comiti, aut qui locum Episcopi, vel Abbatis tenuerit, ut reddat ei eum. Quod si ille Episcopus, sive Abbas, sive Custos contradixerit, & eum reddere noluerit, in prima contradictione solidos xv. culpabilis judicetur. Si autem ad secundam requisitionem eum reddere noluerit, solid. xxx. culpabilis judicetur. Si nec ad tertiam inquisitionem consentire noluerit, quidquid reus damnum fecerit, totum ille, qui infra immunitatem eum retinet, nec reddere vult, solvere cogatur. Et ipse Comes unicuique licentiam ipsum hominem infra immunitatem querendi, ubicumque eum invenire potuerit, Si autem statim in prima inquisitione Comiti responsum fuerit, quod reus infra immunitatem quidem fuisset, sed fuga lapsus est, sic statim juret, sive Episcopus, sive Abbas, sive Custos, quod ipse eum ad justitiam cujuslibet disfaciendam fugere non fecisset, & sit ei in hoc satisfactum. Si autem intraverit in ipsam immunitatem Comes collecta manu, & quislibet resistere tentaverit, Comes hoc factum ad Regem, vel ad Principem deferat, ubi judicetur, ut sicut ille, qui in immunitate damnum fecerit, dc. solidos componere debet, ita qui Comiti collecta manu resistere tentaverit, vel præsumserit, dc. solid. culpabilis judicetur.* Hanc Caroli Magni legem voluit insuper habitis veterum constitutionibus executioni demandari Johannes Papa, subiciens in Codicibus *muntana legis* hanc ipsam Constitutionem esse adsuendam. Addidit Johannes, excommunicationis pœnæ subiectum esse eum, qui pœnas indictas minime lueret, quod sane jam aliis Conciliorum decretis nuper fuerat stabilitum, uti liquet ex Capitulari II., quod Baluzius retulit ad annum 814. in tom. 1. Capitul. Francorum pag. 519. cap. 12. præsertim in illis verbis: *Talium vero scelerum patratioribus, nisi post prædictam satisfactionem, nec vivis, nec mortuis communicare debemus.*

Exposui integram, ac germanam Johannis VIII. sententiam; nondum tamen ista sufficere videntur ad interpretationem memorati canonis 21. cau. 17. qu. 4., nam hujus canonis verba quidem priora usque ad versiculum *Sacrilegium committitur* facile ad ea, quæ dicta sunt, exiguntur; sed verba, quæ subsequuntur a laudato versiculo usque in finem canonis, alio referri necessario debent. Itaque quæ exhibentur in vers. *Sacrilegium committitur* sunt non Johannis VIII. Papæ, sed Ivo-  
 nis, qui voluit clarius exprimere in cap. 98. partis 3. decreti, quod ex Johanne  
 Papa



Papam descriperat; nam ipse postquam exaravit verba Johannis VIII. quæ superius edidi, itatim prosequitur Ivo: *Huc usque lex Papæ*, ac deinde hæc subiicit: *Sacrilegium enim committitur, si quis infregerit Ecclesiam, vel xxx. ecclesiasticos passus, qui in circuitu Ecclesiæ fuerint, vel in domibus, quæ infra prædicitos passus fuerint, aliquid inde diripiendo, vel auferendo, seu qui injuriam, vel ablationem rerum intulerit, Clericis arma non ferentibus, vel Monachis, sive Deo devotis hominibus, ecclesiasticis personis. Non enim cappellæ, quæ infra ambitum murorum castellarum sunt, mistuntur, vel ponuntur in hac observatione. Similiter etiam sacrilegium committitur auferendo sacrum de sacro, vel non sacrum de sacro, sive sacrum de non sacro. Non sacrum vero de non sacro, quia non potest computari in crimine sacrilegii, secundum mundanarum legum censuram debet emendari, vel secundum morem patriæ. Quæ sequuntur in vers. Siquis domum Dei apud Gratianum, pertinent ad Concilium Ravennæ habitum ab Johanne VIII. convenientibus 130. Episcopis anno 877., in quo hæc leguntur can. 5. Siquis domum Dei violaverit, & aliqua sine licentia illius, cui commissæ esse dignoscitur, inde abstulerit, vel ecclesiasticis personis injuriam fecerit, donec conventus, & admonitus legitime satisfaciatur, scias se communione fore privatum. Si vero post secundam, & tertiam conventionem coram Episcopo satisfacere detrectaverit, sacrilegii periculo ab omnibus obnoxius teneatur, ita ut secundum Apostolum nemini fidelium miscatur. Demum quæ legimus a vers. Siqui monasteria usque in finem apud Gratianum, referenda erunt ad Concilium Meldense anni 845., in quo can. 60. ita decretum agnoscimus. *Ut hi, qui monasteria, atque sacra loca, vel Ecclesias infringunt, & deposita, vel alia quælibet exinde abstrahunt, & Sacerdotes, ac viros ecclesiasticos non solum dehonorent, verum & diverso, atque adverso modo affligunt, velut sacrilegi canonice sententiæ, quæ ex his decreta esse dignoscitur, subigantur.**

## De epistola ad Rostannum Episcopum.

In veteribus Gratiani codicibus hæc erat adjecta inscriptio canonis 47. cau. 27. qu. 2. *Johannes Chrisostomus Rostanno Archiepiscopo.* Romani Correetores Gratiani erratum emendaverunt ex Codice Ivonis, qui in parte 14. decreti cap. 64. eadem verba referens, hæc exhibet inscriptionem: *Johannes VIII. Rostanno Archiepiscopo.* Alius esse nequit Archiepiscopus iste, quam Rostagnus Arelatenus, qui pluribus Conciliis Johannis VIII. temporibus celebratis interfuit, atque subscripsit. Ad eundem plures extant Papæ Johannis epistolæ, quales exhiberi possunt 93. 94., & 103., quibus patet Rostagnum Arelatensem veteris Sedis suæ privilegia iterum obtinuisse ab Apostolica Sede, nimirum ut Apostolicæ Sedis Vicarius constitueretur, quod se confirmavisse Johannes idem Papa testatur in epist. 95. ad universos Episcopos Galliarum. An vero epistola illa, quam memorato in canone Gratianus, & ante Gratianum Ivo recensuit, revera Johanni adscribenda sit, plurimum dubito, non tam ex eo, quod eadem inter ceteras epistolas collectoribus editas non reperiatur, quam ex eo, quod verosimiles in contrarium urgeant conjecturæ, & quæ in eo canone traduntur editis aliis monumentis non bene conveniant. Enarratur ibidem, Athonem conquestum fuisse uxorem, vel sponsam suam fuisse ab alio raptam. Causæ cognitionem Rostagno mandavit Johannes

hannes, ut illa discuteretur in Concilio Episcoporum, quod in vim Apostolici Vicariatus a Rostagno celebraretur, & ibidem raptor, & rapta communione privarentur, quoties primum conjugium quoquomodo turbarent. Scio quidem Arelatenſi Episcopo inter cetera Vicariatus privilegia illud potissimum fuisse concessum, ut Gallicanorum Antistitum conventus idemdem celebraret in gravibus causis, quemadmodum ex literis abs Johanne VIII. ad illum datis 93., & 94. facile colligitur; at non video, cur mandari debuisset Rostagno, ut in levissima, ac facili quadam causa singulorum, in qua de raptu femine ageretur, Suffraganeorum suorum Concilium convocaret. *Siqua inquisitio de fide* (scribit Johannes ad eundem Arelatenſem Antistitem in dicta epistola 94.) *vel fortasse aliarum rerum inter Episcopos causa emerſerit, quæ discerni difficilius possit, collectis duodecim Episcopis ventiletur, atque decidatur &c.* In epistola etiam 95. ubi Johannes certiores reddit Gallicanos Episcopos de facultate Episcopo Arelatenſi concessa, ita scribit: *Cui etiam injunximus, ut si quarundam causarum tale fuerit certamen exortum, in quo aliorum præsentia opus sit, congregatis sibi numero competentibus, & Coepiscopis nostris, salubriter servata hoc æquitate discutiat, & canonica auctoritate deſinat.* Me præterea admodum movet, quod legitur inter acta Concilii Tricassini anno 878. celebrati, ubi num. 5. legitur monumentum sub hac inscriptione. *Statutum Johannis Papæ adversus laicos, qui viventibus uxores alias ducunt, & contra Episcopos, qui de minore ad majorem Ecclesiam ambitus causa demigrant.* Verba Johannis VIII. ista subsequuntur. *Inter nonnulla necessitatum a sancta Synodo reclamatum est, quod laicorum quidam, sortitis primo legaliter conjugii, postposito Dei timore, secundi, vel tertii, adhuc uxore vivente, conjugii copulam contrahant.* De quibus Ottilio quidam, intra Parochiam Rostagni Arelatenſis Episcopi, & Ecolus intra Ottramni Viennenſis Archiepiscopi, talia fecisse multorum fama refertur. . . . Nos quoque eorum, quos veneranter imitamur, atque complētimur, quorumque statutis consentimus, Ecclesiarumque gubernationem tenemus fulti virtute interdiciamus, & inhaerendo prohibemus, ne quisquam catholicorum taliter audeat amodo, & deinceps agere, & si, ut non optamus, hætenus quidquam taliter actum est, digna pœnitentia ecclesiastica corrigatur. Denique hac auctoritate apostolica virtute Dei nostri intercedimus, ut . . . laici redeant ad primum conjugium, sin autem vinculo anathematis innodentur. Quicumque conferet monumentum istud cum laudato Gratiani canone, facile animadvertet, quantum discipant invicem duo illa fragmenta in ea ipsa, quæ utrobique meo judicio proponitur, causa; ego enim Athonem apud Gratianum non alium esse puto, quam Ottonem illum, de quo sermo institutus est in Concilio Tricassino, sive in statuto Johannis Tricassini Concilii actis adjecto, nisi dicere malis duplicem similem controversiam tunc in eadem Rostagni Diœcesi emerſisse, de qua separatim Johannes aut scribere, aut statuere voluisset. Cum vero id inverosimile prorsus videatur, alias Athonis, & Ottonis nomina maxime affinem habeant sonum, unde diversitas ex una Amannensium officiantia profecta videatur, mihi facile persuadeo, canonem 47. Gratianum concessum fuisse ab auctore incerti nominis, qui vellet sententiam Johannis Papæ paucis perstringere adversus raptos, illamque a ceteris sententiis in eodem statuto contentis adversus nonnullorum Episcoporum inertiam separare; quam dum sejungeret styli immutando, sententiam quoque ipsam præcipuam. Johannes inflexit, atque a facti veritate detorsit. Quam ob rem quicumque op-

tabit

tabit germanam Johannis doctrinam accipere, poterit potius in nuper exarato Johannis statuto consistere, illud sequi, & ex illo deducere, qualis esset Johannis tempore constituta adversus raptos alienarum conjugum ecclesiastica disciplina.

## De epistola ad Cenomanticum Uticensem Episcopum.

Quod Johanni VIII. ad Cenomanticum Uticensem Episcopum scribens Gratianus attribuit in can. 4. dist. 50., apud Ivonem tum in cap. 114. partis 6. decreti, tum in cap. 51. partis 10. adscribitur Johanni VIII. in epistola ad *Cennemocum*, seu *Cennomocum Episcopum Veneticensem*. Si antiquiores codices in dubio semper sunt præferendi, editio Ivonis vel ob unam vetustatis causam erit Gratianæ editioni antehabenda]. Ceterum ipsamet integra epistola hodie non superest, sed tanquam monumentum quandam privati hominis causam spectans facile perit. Quod tamen in eo ipso canone legitur, consonat cum germana canonum sanctorum prudentia, juxta quam & Gratianus idem in can. 29. dist. 50. concludere non dubitavit, Sacerdotes e gradu semel dejectos ne post poenitentiam quidem regulariter esse restituendos, ita scribens adversus eos, qui lapsos Clericos poenitentes facile restituebant. *Sed forte major est in illis pietas, quam in superscriptis cccxviii. Episcopis? Major in illis misericordia, quam in Sancto Johanne Apostolico Papa? major charitas, quam in reliquis sanctis Sacerdotibus &c.* Eadem promodum sententia expressa legitur in canone 5. Concilii Duziacensis II. anno 854. sub Johanne VIII. celebrati, quaraquam tamen non inficias iverim certis in casibus a generali ac severiore regula abs Johanne fuisse recessum, ac nonnullos ex Sacerdotibus lapis post probatam poenitentiam fuisse in dignitatem suam, atque officium restitutos, qua in re non regula constituta fuisse videtur, sed datus singularibus exceptionibus locus, ubi graves quædam causæ, aut singularis poenitentiz adjuncta id postulabant. Hinc in epist. 34. directa abs Johanne ad Anspertum Mediolanensem Episcopum professus idem Pontifex, *se in eo periculoso tempore compelli ad pene cuncta dispensatorie moderanda, nihilominus subdidit, homicidam, & homicidæ socium ab omni esse præpositura pellendum sine spe restitutionis, & in epist. 146. ad Odonem Episcopum Bellovacensem scribit, non aliter impuberes ipsos inter se rixantes deinde ad Ecclesiasticos ordines promoveri, quam si peracta ab ipsis poenitentia inculpabiles reperti fuerint. : servatis in omnibus Patrum regulis, & canonum institutis.* Id magis confirmatur ex epistola 149. ad Johannem Episcopum Ticinensem, ubi Johannes Papa rogavit, ut restitueretur Clericus post exactum poenitentiz quinquennium, quando tamen Clericus ille non homicidio causam dederat, sed intererat præsens, dum femina quædam furem interemisset; subjiciens tamen, si id forte impossibile visum fuisset, Apostolicæ Sedis judicio esse causam eandem reservandam. Item in epistola 283. ad Wilibertum Archiepiscopum Agrippinensem, ubi agebatur de restituendo Clerico, *qui per annos undecim illatam sibi excommunicationis sententiam humiliter sustinuerat, & quod ex polluta consortio femina venenum adtraxerat, longæ poenitentia satisfactione purgaverat, non aliter eum in priore dignitatem revocandum voluit, quam misericordie intuitu, atque ut precibus inclinaretur petentis Episcopi.* Videatur etiam ad hanc rem epistola 294. ad Athanasium Episcopum Neapolitanum,

Can. 4.  
dist. 30.

num, ex qua deducitur, quanta moderatione etiam cum lapsō & poenitente Episcopo Johannes Papa agendum esse decreverit.

## De epistola ad Anselmum Lemovicinæ Ecclesiæ Episcopum.

Quoad inscriptionem canonis 7. cau. 30. qu. 1. nihil aptius huc adferri potest, quam quod ad eundem canonem tradit Baluzius, scribens, in omnibus vetustis Gratiani exemplaribus, & editionibus (addere potuisset Codicem Ivonis parte 1. cap. 306.) legi *Limo-*  
*zina*, vel *Lemozina*, excepta prima editione Moguntina, in qua legitur *Lemovisina*; in  
 codice vetere Monasterii Rivipullensis, & apud Anselmum lib. 10. cap. 30. legi *Lemosi-*  
*na*. Addit vir eruditus, Anselmum Lemovicensem Episcopum, ad quem scripta est  
 Johannis epistola, Synodum suam plenam habuisse Lemovicis Civitate anno 897. ordi-  
 nationis suæ anno 28., ut patet ex charta edita a Clarissimo Viro Christophoro  
 Justello in probationibus historiæ Vicecomitum Turenensium pag. 14.; unde col-  
 ligitur, factum illum fuisse Episcopum anno 869., item in Chartulario Ecclesiæ  
 Lemovicensis extare quandam chartulam Frotharii militis datam anno 871. indi-  
 ctione 4. regnante Ludovico Rege filio Karoli Regis in Aquitanorum Regno  
 anno 5., in qua Anselmus Episcopus nominatur. In editione Conciliorum Veneta  
 Labbeana ad annum 867. legitur Privilegium Monasterio Atrebatensi concessum, cui  
 inter plures Episcopos Anselmus Lemovicensis subscripsit, quemadmodum etiam  
 subscripsisse legitur actis Concilii Pontigonensis anni 876. Quid plura? Inter epi-  
 stolas Johannis VIII. in ea, quæ habetur numero 121. scripta ad Episcopos plu-  
 rimos pari exemplari ad singulos misso, adnotatur, simile exemplar etiam ad An-  
 selmum Lemovicensem fuisse directum. Integra autem epistola hodie edita est  
 inter epistolas ejusdem Johannis Papæ num. 188., quam hic describere juvabit,  
 cum nonnulla sint apud Gratianum paullo aliter descripta; una etiam juvabit adnotare  
 ea, in quibus in Codice Ivonis quoddam discrimen agnoscitur. *Ad limina Bea-*  
*torum Petri, & Pauli Apostolorum Principum hic præsens homo, nomine Stephanus,*  
*orationis causa veniens nostro Præfatus suggerendo innouit, quod filium suum in*  
*extremo vitæ positum, nec baptismatis unda lotum, absentia scilicet Sacerdotum neces-*  
*sitate cogente baptizasset, eumque ipse propriis manibus retinendo suscepisset; atque pro*  
*huius rei negotio notitiæ tuæ patefacto, reverentia tua quasi zelo relictudinis flagrans*  
*præfatum hominem a sua iudicaverit conjuge separandum, quod fieri nullatenus debet,*  
*dicente scriptura a Deo junctam viro esse uxorem, & quod Deus conjunxit, homo non*  
*separet: Unde & Dominus in Evangelio neminem posse dimittere uxorem suam, nisi*  
*causa fornicationis, aperitissime jubet (paullo aliter Ivo: Unde & Dominus in*  
*Evangelio ait: nemo dimittere potest uxorem suam, nisi causa fornicationis). Qua-*  
*propter & Nos tantæ auctoritatis jussione præcipue freti, dicimus omittendum esse, &*  
*inculpabile judicandum, quod necessitas intulit. Nam baptizandi hoc opus etiam Laicis*  
*fidelibus juxta canonicam sanctionem, si necesse fuerit facere, libere conceditur. Unde*  
*si prædictus genitor filium suum corpore morientem adspiciens, ne animam morte per-*  
*petua pereuntem dimitteret, sacri baptismatis unda lavit, ut eum de potestate auctoris*  
*mortis, & tenebrarum eriperet, & in regnum Christi jam regeneratum indubitanter*  
*mitteret, bene fecisse laudatur (legit Ivo: & eum de potestate . . . eripuit, &*

in regnum . . . misit, bene secisse laudatur). Et ideo cum sua uxore sibi jam olim legitime sociata impune, quamdiu vixerint, judicamus manere conjunctum, nec ob hoc contra præfatas auctoritates divinas aliquatenus separari debere. (legitimo: Et ideo cum suam uxorem sibi jam olim optime sociatam impune . . . manere conjunctam, neque ob hoc . . . separari debuisset). Data VII. die mensis Junii, indictione XII.

## De epistola ad Vulibertum Episcopum Agrippinensem.

Periit quidem epist. Johannis ad Vulibertum, seu, ut alii scribunt, Wilibertum Agrippinensem, sive Coloniensem, quibus exhibetur apud Gratianum in can. 4. dist. 100., Can. 4.  
dist. 100. verum ex aliis monumentis epistolæ illius, sive canonis argumentum deducitur, & demonstratur auctoritas. Jam a temporibus Hadriani II., qui Johannem præcessit, depositus fuerat ab Archiepiscopali Sede Colonienſi Guntharius, & quidem auctoritate Apostolica, ita tamen, ut nondum ejus causæ absoluta fuisset, quoniam Hadrianus sponderat se iterum controversiam excussurum, iterumque judicaturum. Interea vero in locum dejecti ordinatus fuit Vulibertus nescio cujus auctoritate, consentiente quidem Ludovico Germaniz Rege, de ordinatione autem conquirente Pontifice Maximo, qui in epist. 27. ad eundem Ludovicum ita scribit. *Miramur præterea gloriam vestram in præficiendo Episcopo Agrippinæ Colonie tam indiscrete præbuisse consensum; cum evidentissime scires, quod Apostolicæ Sedis judicio, atque consultu ibidem debuerit ordinari Antistes, cujus censura nuper fuerat eadem Ecclesia suo privata Restore. Et quidem quod post judicium Sedis Apostolicæ factum est, dure suscepimus: sed quod tua super hoc devotio, quam circa nos habere præbavis, omnimodis tacuit, durius æstimamus. Præcipue quia Guntharii dudum Archiepiscopi causam, antequam in locum illius substitueretur Episcopus, nos iterum audituros, & vocem ejus admissuros fore spondimus. Præfata quippe ordinationem nec confirmamus, nec ratam habere decernimus, quousque ille, qui ordinatus est, nostræ exhibeatur præsentie, & utraque pars coram nobis discussa, conventus Synodalis pendatur audientia. Nondum, ut conjicio, absoluta fuit hæc eadem causa temporibus Johannis VIII., qui prudenter concessionem pallii novo Episcopo in opportunius tempus differre voluit, allegans aliquot causas, quæ in laudato can. 4. describuntur. Erat enim jam tum receptum, ut Archiepiscopi pallium a Sede Apostolica peterent, quemadmodum deducitur ex epistolis Johannis VIII. 93. 94. & 95., quomobrem Vulibertus nihil magis anxie quærebat, quam pallii usum, quo obtento, quasi probata ab ipsamet Apostolica Sede sui consecratione, facile Episcopatum suum pacifice possideret. Verosimile tamen est, Johannem Papam tandem illius ordinationi morem gessisse, quemadmodum liquet ex epistola ejusdem Pontificis 283. ad Wilibertum Agrippinensem Episcopum scripta, ubi Johannes illius Episcopi sollicitudinem Episcopalem, & prudentiam Sacerdotali vigilantiz junctam plurimum laudat; quemadmodum etiam liquet ex eo, quod postea Vulibertus ipse Episcoporum Concilia celebravit, & præsentia sua, ac subscriptione firmavit, quale demonstrari potest Concilium Colonienſe anni 873., & aliud Colonienſe anni 888. Ex hoc vero ipso, quod anno 873. celebraverit Concilium, quo sane tempore jam pallium obtinuerat, deducitur perspicue canonem memoratum 4. editum fuisse, aut anno ipso 873., aut 872., cum primum Johan-*

Johannes VIII. Pontificiam Sedem conscendit; ac propterea miramur inde magis Johannis Papæ moderationem, qui in sui Pontificatus exordio in re gravis momenti, non præcipitem tulit sententiam, sed antequam pallium petenti concederet, de pluribus facti adjunctis se certiores fieri postulavit.

## De epistola ad Clerum, & Ordinem Salonitanum.

Emendanda est inscriptio canonis 109. cau. 11. qu. 3. atque legendum: *Johannes VIII. Clero, & Ordini Salernitano*; ita enim legitur apud Ivonem in parte 14. cap. 35., nec non in Collectiōne epistolarum ejusdem Johannis Papæ, ubi eadem epistola habetur numero 311. his verbis: *De illis Presbyteris, qui tempore sanctissimi decessoris nostri Domini Papæ Nicolai excommunicati sacrum ministerium contingere præsumserint, ipsi in se damnationis, sicuti sancti canones statuunt, sententiam incurrerunt. Tamen quia misericordia Apostolica veniam solet præstare correctis, ob multitudinem misericordiæ illis hanc indulgentiam exhibemus, ut sancta communione saginati studeant tribus continuis annis per hebdomadam omni secunda, & sexta feria, aut a vino, aut a cibo (animadvertendum est in aliquibus Codicibus legi aut a cōso cibo; apud Ivonem autem habetur, aut aceto; solus propterea Gratianus habet, & a carne) penitus jejunare, & ultra lugenda nequaquam committere. Similem, imo benigniorem dispensationem concessisse video Johannem VIII. in epistola 196. ad Anspertum Archiepiscopum Mediolanensem, qui non obstante excommunicatione Sedis Apostolicæ auctoritate inhiſta, in despectum, & injuriam paternorum canonum, ut ibidem legitur, sacrum ministerium egerat, & Missam celebrare præsumserat, quod sine pœna dimissum voluit prudentissimus Pontifex, dummodo in proxima Synodo apud Sedem Apostolicam celebranda se Mediolanensis Episcopus purgaret.*

## De epistola ad Paullum Episcopum in Pannonia, & Germania Legatum, & de epistola ad Ludovicum Regem.

Jungere juvat duas epistolas apud Gratianum relatas in can. 14., & 17. cau. 16. qu. 3., quarum prior abs Johanne VIII. scripta dicitur ad Paullum Episcopum, & Sedis Apostolicæ in Germania, & Pannonia legatum, posterior ad Ludovicum Regem; etenim in utraque eadem sententia eisdem etiam fere verbis exprimitur, alias autem istæ ad Paullum Legatum, & Ludovicum Regem epistolæ adhuc in latebris delitescunt. Vix unam ex illis indicavit Baluzius, qui in lib. 1. cap. 5. de concord. Sacerd., & Imperii Petri de Marca ita adnotavit, ad num. 4. *Eam præterea confirmat epistola nondum edita Johannis VIII. ad Paullum Episcopum Anconitanum fungentem legatione in Germania, & Pannonia. Non solum, inquit, intra Italiam, & ceteras Hespericæ Provincias, verum etiam intra totius Illyrici fines, consecrationes, ordinationes, & dispositiones Apostolica Sedes patrare antiquitus consuevit. Istius epistolæ fragmentum habetur apud Gratianum 16. qu. 3. cap. 14. Sunt sane inter editas Johannis epistolas aliquæ ad Ludovicum Regem, aliquæ ad Paul-*

Paulum Anconitanum Episcopum, & in Germania, ac Pannonia Legatum, sed ad illas non pertinet Gratiani fragmentum. Is idem Paulus interfuit tamquam Sedis Apostolicæ Legatus Synodo Photianæ anni 880., quemadmodum ex actis illius Concilii constat. Extat etiam commonitorium Johannis Papæ eidem Paulo Legato datum, quod insertum est in actis Concilii Romani III. anni 879., sed istud fuisse a Photio corruptum Collectores ipsi testantur. Quid ergo agendum erit, ut laudati canones ad germanas Johannis sententias exigantur? Cum desint epistolarum propositarum exemplaria edita, mihi curandum videtur, ut ex verosimilibus illorum temporum, locorum, ceterisque id genus adjunctis, quoad fieri possit, Papæ sententiam si non omnino adsequar, saltem attingam.

Quod in primis attinet ad canonem 17., cujus verba ad Ludovicum Regem, diriguntur, puto eo referendum illum esse, quo studium Johannis VIII. apud Ludovicum Principem ferebatur. Videlicet cum plures essent, præsertim ex Paganorum numero, qui res Italix variis incursionibus, atque deprædationibus vexabant, eamque ob rem plura in Romanam Ecclesiam incommoda emergerent, ac fierent detrimenta, nihil sollicitius persequabatur Johannes, quam Ludovici Regis animum, & probatam erga Romanam Ecclesiam benevolentiam excitare, ut pius Rex Ecclesiam tueretur, resque Ecclesiasticas ab impiorum invadentium manu diriperet, quod studium maxime liquet ex epistola 197., quæ habetur inter Labbeanas in recentiore editione. Hinc cum adversus Ecclesiam potuisset a possessoribus opponi numerus annorum, sive diuturna præscriptio, commode potuit Johannes replicare, asserendo *Ecclesiæ privilegia nullis temporibus angustari, nullis regnorum portionebus præjudicari*; atque in eam rem confirmandam plurimum facere poterat allegare veterum ipsorum Imperatorum constitutiones, quibus centenaria tantum præscriptio Ecclesiæ Romanæ nocere posse probatur. Res ita explicata satis indicat, quænam sit germana ejusdem canonis interpretatio; neque enim satis firma videtur mihi esse nonnullorum opinio, qui scripserunt, centenariam tantum præscriptionem adversus Romanam Ecclesiam nocere posse non solum post tempora Bonifacii VIII. vi capituli 2. de præscript. in 6., sed etiam a temporibus Johannis VIII., quasi ejus disciplinæ Johannes, non Bonifacius auctor fuerit. Etenim verba Johannis in dicto can. 17. non eo tendebant, ut indicaretur, qualis præscriptio demum Romanæ Ecclesiæ noceret, sed ut indicaretur ab infaustis Ethnibus & Ecclesiam vi armorum vexantibus nullam posse præscriptionem, ac possessionem opponi, eo velut adminiculo accedente, quod Imperatores Romani veteres ne ipsi quidem ordinariam adversus Ecclesiam possessionem, seu præscriptionem admisissent. Quod si ad Romani juris capita quæcumque controversia exigatur, liquet ex l. 25. Cod. de sacros. Eccles. Justinianum habuisse eam mentem, qua definiret res ecclesiasticas nulla unquam temporis meta circumcludi; sed deinde sanxisse omnibus generaliter Ecclesiis, piisve causis solam obesse posse præscriptionem centenariam, quod confirmatum præterea fuit in Novella 9. Justiniani ad Pontificem Romanum directâ; Tandem vero Justinianus idem voluit etiam quadragenariam admittendam præscriptionem in Ecclesiis omnibus in Nov. 111., & 131. cap. 6., neque videtur renovata vetus disciplina unius centenariæ præscriptionis, nisi temporibus Bonifacii VIII. favore Romanæ Ecclesiæ; quin ad verba dicti canonis 17. respectus habeatur, quibus non illum præscriptionis legitimum esse terminum volebat Johannes, sed tantum exemplo veterum Imperatorum, qui

qui singularibus privilegiis res ecclesiasticas tuebantur, ne ab aliis vindicarentur, voluit stimulos addere Ludovico religioso Regi, ut & ipse utilitatibus Ecclesie studeret, nec diutius sineret, Ecclesiastica bona a Paganis occupari, & detineri.

Quod vero adinet ad canonem 14., cujus verba ad Paulum Anconitanum Episcopum & Sedis Apostolicæ legatum in Germania & Pannonia diriguntur, puto referendum esse ad gravissimam illam concertationem, quæ tunc temporis suborta fuit inter Romanum Antistitem, & Ecclesiam Constantinopolitanam occasione Bulgariz recens ad Christi fidem conversæ, hanc enim provinciam Patriarchatui suo obnoxiam Græci iidem asseruerunt, quod jam attigi in præcedente capite. Præcipuum Constantinopolitanæ Sedis fundamentum in eo positum erat, quod olim Bulgari ipsi Constantinopolitanis parerent, ac propterea jure quodam vetustissimo usus Bulgariam sibi Patriarcha Constantinopolitanus assereret. Paulus Anconitanus Episcopus, qui legatione Pontificia fungebatur in vicinia Bulgariz, aliquando etiam in ipsam Urbem Constantinopolitanam missus causa componendorum dissidiorum, quibus causam dederat Photius Constantinopolitanus, mandato Johannis Pontificis illud recipere debuit, ut assereret annorum veterum numerum parum prodesse, eo magis ubi intermedia tempora profluxissent, quibus Bulgari a Paganis detinebantur. Hoc mandatum Paulo Episcopo, & Legato datum facile agnosces in citato canone 14., quem propterea ex his prædictis facile commodeque poteris interpretari.

## De Epistola ad Demagum Ducem.

Can. 18.  
can. 13.  
qu. 8. In omnibus Gratiani Codicibus, sive recentioribus, sive vetustis hæc habetur inscriptio canonis 12. cau. 23. qu. 2. *Johannes VIII. Demago Duci glorioso*. Non defuerunt, qui testati sunt in aliquibus Codicibus pro *Demago* legi: *Hermann*. Apud Ivonem, cujus codex velut antiquior Gratiano majori videtur præditus auctoritate, in parte 10. cap. 70. ubi eadem ipsa canonis verba leguntur, dummodo pro verbis illis Gratiani, *nisi eos compescueris*, verba ista substituas *nisi eos comprescueris*, hæc inscriptio exhibetur. *Johannes VIII. Domagal Duci glorioso*. Utinam vero superesset in præsentia Johannis epistola, non solum, ut integra exinde redderetur scripturæ editio, verum etiam ut facilius & commodior, velut ex integro textu educta, redderetur interpretatio. Sed una cum aliis monumentis epistola hæc periit, neque aliud illius extat fragmentum, quam quod in dicto canone 12. apud Gratianum habemus. Ceterum nemo exinde colliget de auctoritate ejusdem canonis dubitari quoquo modo posse; etenim quidquid ibidem legitur, sæpissime in aliis Johannis VIII. Epistolis repetitur, nimirum ex epistolis ejusdem Pontificis, quarum numerus tercentas multum excedit, inter editas, paucas admodum invenies, in quibus non conqueratur religiosus Papa de rebus Ecclesie Paganorum, & Paganis faventium incurfionibus, & deprædationibus miserandum in modum obnoxiiis, in quibus non omnes passim, præsertim potentes Principes, & Gloriosos Exercituum Duces extimulet, ut prædonum, & impiorum impetus cohibeant, frangant, conficiant. Videatur inter ceteras epist. 43. ad Gregorium Imperialem Prædagogum, epist. 54. ad Carolum Calvum Imperatorem, & epist. 172. Quibus si addas epistolam 22. ad Lambertum Comitem, statim sententiam ipsam, quæ in dicto can.



can. 12. legitur tibi exhibitam agnosces. Ita legitur ibi: *Rogamus, ut... que nostrum de tuis hominibus Pontificium gulsant, emendare nullatenus prætermittas; non enim speramus, ut talia scias, qualia ab eisdem tuis hominibus in nostris finibus perpetrantur. Quæ oportet gloriam tuam studiose inquirere, & (sicut concedet) pro Dei, & nostro amore omni conamine emendare, quia tam hominibus S. Petri Apostoli, quam hominibus Guidonis tui homines, sicut fertur, innumera mala faciunt, & rapinas multas exercent. Quæ rogamus statim emendare facias, & tibi subiectis ultra tale quid facere non consentias. Verum si id forte emendare te non posse fateris, ut cum pace tua dicamus, in praves, atque iniquos homines illos ob tui amoris dilectionem tuo consensu adhibito, nostri Apostolatus sententiam dabimus, & quosque respiciant, a liminibus sanctæ Ecclesiæ sequestrabimus.* In conspectu epistolæ hujus, quis dubitare poterit sententiam canonis 12. cau. 23. qu. 8. a sententiis Johannis esse alienam, licet injuria temporum epistola illius Pontificis integra deperierit? Nonnihil etiam in eundem canonem tractatum fuisse videtur ex can. 3. dist. 86., sed de hoc agendum erit inferius.

## De Epistola ad Angelbergam Imperatricem.

Angelberga Imperatrix mortuo Ludovico II. Augusto conjuge a filiis suis de imperio, regnoque capessendo ac retinendo valde sollicitis plura pati incommoda debuit; verebantur enim illi, ne mater in Bosonem comitem & generum Imperii jura transferre curaret. Hinc Vidua Augusta ex ea suspitione in exilium missa, frequenter obsecrata est officia Johannis VIII.; qui filios Principes per epistolas sæpius hortatus est, ne eandem defatigarent amplius, illos de concepto anxio timore data fide liberans, imo etiam plurium Episcoporum officia requisivit, ut apud Principes eandem ob causam intercederent. Plures extant editæ Johannis VIII. ad Imperatricem epistolæ, nimirum 43. 83. 86. 91. 92. & 204., sed in nulla ex illis reperire possumus, quæ tradidit Gratianus in can. 1. cau. 23. qu. 8., neque ibidem vestigium reperiri potest, unde dignoscatur, quam ad rem Gratiæ canonis sententia pertineat; imo adeo anceps in eo fragmento reddita est Pontificis propositio, ut in utramque partem flecti facile possit; etenim videtur hinc Johannes Papa non satis probare, Episcopum Johannem *de armis tradere*, quod munus illud *terrenæ potestatis est*; illinc videtur eundem Episcopum quodammodo redarguere, quod arma tractare, & militiam sæcularem exercere formidet, & nimium vereatur. Quid ergo? Non possum non concludere dubiam esse monumenti illius fidem, atque incertam auctoritatem. Ceterum si conjecturis in re ancipiti indulgentum est, referendus erit canon eo, ut intelligatur de Johanne Episcopo Ravennate, cujus præsidio mukum fidebat Johannes Papa, atque futurum sperabat, ut res Ecclesiasticæ Paganorum vi & incurfionibus concussæ redderentur incolumes, ablata etiam restituerentur. Cum Johanne Ravennate necessitudine jungebatur Angelberga, quomobrem non dubitavit Johannes VIII. ita ad Angelbergam scribere in epist. 92. inter editas: *Ceterum rogamus, ut Johanni Episcopo Ravennati missalis epistolas ex nostra parte consolatorias, incitantes, ut pro nobis orationes faciat, & contra Dei inimicos se preparare nequaquam formidet, & nostris fidelibus Romæ legatos consolando transmittat &c.* Neque vero novum fuit Johanni Episcopos ea ratione excitare; quemadmodum facile deducitur etiam ex epist. 45. ad Ajonem Episcopum;

pum; quidquid enim a Nicolao statutum legamus in can. 19. cau. 23. qu. 8., singularem tamen disciplinam temporibus Johannis postulare videbantur singularia illius ætatis adjuncta, quibus nihil adeo sacrum, & religiosum erat, quod non Paganorum militum vexationibus subjeceret.

## De ceteris capitibus Johanni VIII. tributis.

Inter ceteros canones, qui apud Gratianum Johanni VIII. Pontifici tribuuntur, duo potissimum sunt, quos jungere oportuit, videlicet canon 10. dist. 10., & can. 3. dist. 86., etenim uterque apud Ivonem uno fere contextu descripti leguntur in parte 6. decreti cap. 115. his verbis: *Idem (idest Johannes VIII.) ad Ludovicum Imperatorem. Vides, fili carissime, quia quod contra leges accipitur, per leges dissolvi meretur. Item. Facientis procul dubio culpam habet, qui quod potest corrigere, &c.*, quemadmodum exhibentur apud Gratianum. Ex quibus adparet Ivonem quidem voluisse priora illa verba, *vides fili charissime .... dissolvi meretur*, nomine Johannis ad Ludovicum Imperatorem scribentis recitare, quemadmodum ea ipsa alio in loco recitavit, nimirum in cap. 230. partis 4., at vero non ita voluisse intelligenda posteriora verba illa: *Item. Facientis &c.*, nam particula *item* demonstrat, Collectorem ad alia disjuncta gradum fecisse, quemadmodum juxta similem scribendi formulam ex aliis capitibus numero plurimis perspicue colligitur. Itaque Gratianus in referendo can. 10. dist. 10. vestigia Ivonis pressit, & quod duobus in locis Ivo tribuerat Johanni scribenti ad Ludovicum Augustum, ipse in dicto canone 10. eodem modo descripsit; verum in can. 3. dist. 86. errore facti lapsus est Gratianus, qui putavit ab Ivone descriptum esse nomine epistolæ Johannis ad Ludovicum Imperatorem, quod post verba Johannis ad Ludovicum Imperatorem scribentis subijciebatur. Sane quod spectat verba canonis 10. dist. 10., dicere quidem possumus, ibidem directam epistolam ad Ludovicum II. Augustum, quem superius diximus fuisse Angelbergæ maritum; imo ulterius progredi licebit, ajendo eam sententiam pertinere ad speciem, quam continuator Pontificalis retulit in vita Johannis VIII., scribens Ludovicum Imperatorem ab Adalgero Beneventano Duce adactum fuisse timore vitæ, ut jurejurando firmaret, nunquam se Beneventi fines ultra intraturum, neque ex periculo injuriæ tunc sibi illarum vindictam aliquando exacturum; deinde vero ab eodem Pontifice Johanne abfolutum jurisjurandi vinculo fuisse Ludovicum, cum gesta contra publicas leges rescindi per leges publicas mereantur; verum certa non est hæc interpretatio, cum integra Johannis ad Ludovicum epistola perierit, & vix supersit memoratum Gratiani fragmentum, quod ita in dubio forte juvabit interpretari, ubi commodior nulla alia esse interpretatio potest. Quod vero spectat ad canonem 3. dist. 86. jam adnotaverunt Romani Correctores, illum esse ex variis laciniiis contextum, illis præsertim, quæ ad Mercatoris epistolas facile exigenterent. Non immeror diutius in illis investigandis, cum contineantur ibidem nonnullæ breves sententiæ, quarum singulæ idem omnino significant inter se collatæ; erant autem quædam dicendi formæ, quæ passim sæculo Ecclesiæ nono recinebantur, velut adagia probatissima: Hinc ad instar earum ita scriptum legimus in cap. 386. lib. 7. Capitularium editionis Baluzianæ: *Omibus fidelibus notum fore desideramus, quod quorundam peccatorum alienorum conscii, nisi ea emendationis, & salutis causa prouiderint, delinquant: Unde scriptum*

*scriptum est: nihil prodest illi suo errore non pollui, qui consensum præstat erranti. Et alibi: non solum qui faciunt, sed qui consentiunt facientibus, rei sunt.* Adde his canones 3. 4. & 5. dist. 83. junctis meis in eosdem canones adnotationibus.

Nullibi inter monumenta Johannis VIII. reperire possum verba canonis 11. dist. 96., unde vacuus omnino non abeo a dubitatione, ne forte canon idem falso illi Pontifici adscriptus fuerit, præsertim quod antiquiorem ex Collectoribus, qui eum sacris codicibus inferuerunt, non agnosco, quam Anselmum Lucensem, cujus in monumentis veterum referendis integritas, ac fides parum probatur, & quidem potissimum in iis, quæ ipsius proposito intervirent. Sed si forte hæc parvi a nonnullis existimentur, plurimum auget dubitationem meam singularis observatio, dum animadverto, non solum nullam occasionem oblatam fuisse Johanni VIII. ita differendi, quemadmodum in illo canone legimus, sed eam fuisse oblatam potius occasione, qua diversis admodum verborum formulis Imperatorem alloqueretur. Siquidem ibidem exhibetur Johannes, quasi de Imperatore conqueſtus, quod Ecclesiasticis sese negotiis immisceret. Non conveniunt hæc temporibus Johannis. Vel enim intelligenda illa sunt de Imperatore, qui erat in occidente, Carolo Calvo, aut etiam ejus filiis. Quis autem ignorat, quot precibus usus fuerit Johannes, ut Principes illos ad occurrendum labentibus Ecclesiæ rebus vehementissime concitaret, quin tamen, prout postulaverat, cum effectu obtinisset Carolo Calvo morte prævento. Id dignoscitur passim ex editis ejusdem Pontificis epistolis. Alias autem tantum abest, ut Johannes de Imperatore conquereretur, quin potius illum in epist. 47. prædicaverit *Ecclesiæ patronum invilium, defensorem potentem, & strenuum adiutorem, & in omnibus ecclesiasticis utilitatibus quasi vindicem Dei ministrum.* Quidquod in epist. 70. ad Archiepiscopum Ebredunensem, improbavit electionem cujusdam Episcopi, quod facta esset adversus aliam Imperatoris electionem? Quidquod Johannes idem Episcopum Vercellensem a Carolomanno Rege eligendum postulavit in epist. 171. & 187. Addi his potest epistola 221. 222. & 223., in quibus agitur de simili Episcoporum Mediolanensis, ac Vercellensis electione. Vel quisquam dixerit, referendum esse canonem ad Orientis Imperatores, quales erant Basilius, aut Constantinus, aut Alexander; sed istorum erga Ecclesiam, & res ecclesiasticas propensionem semper laudavit Johannes, quemadmodum constat ex ejus epistola 169. ad Gregorium Primicerium, ex epist. 80. & 81. ad Basilium Imperatorem, ex epistola 199. ad Basilium, Constantinum, & Alexandrum Imperatores, & ex epist. 251. ad Imperatores Augustos. Qui ergo voluerit cum his epistolis omnibus, & germanis Johannis Papæ monumentis memoratum Gratiani canonem conferre, facile concludet, canonem illum aut temporibus, aut sententiis Johannis VIII. minime congruere, proptereaque recensendum esse inter ea monumenta, quæ Anselmus Lucensis aut ipse effinxit, ut suo serviret proposito, aut ab aliis efficta, ut suo semper serviret proposito, in suum codicem derivavit. Potius ad eam rem si quis nonnihil accommodatum desideraret, arripere posset canones 2. & 3. Concilii Moguncianensis paullo post Johannis VIII. obitum celebrati, nimirum anno 888., & temporibus Stephani Papæ.

Romani Correctores ad canonem 12. cau. 3. qu. 4. observaverunt, non esse quidem inverosimile, illum adscribi Johanni VIII., quia Engeldrudis, sive, ut alii vocant, Ingeltrudis, vivere potuit sub eodem Pontifice, attamen una animadvertunt, eundem canonem facilius adscribi Nicolao Papæ I., cujus temporibus Ingeltrudem

anathemate damnatam fuisse non ignoratur, utpote impudicam feminam, quæ a marito adulterii causa diverterat, atque huc illuc in eodem scelere pertinax vagabatur. Huc sane referri potest Concilium Romanum III. sub Nicolao celebratum anno 863. cujus in canone 4. ita definitum adparet. *Ingeltrudam filiam quondam Matsefredi Comitis, quæ a Bosone proprio viro relicto, ecce jam per septem circiter annos hac, atque illac vagabunda discurrit, nuper cum fautoribus suis regulariter anathematizavimus, sed propter contumaces eam iterum anathematis vinculo duximus innodandam &c.* Addi præterea potest epistola 53. inter editas ejusdem Nicolai Papæ, qui scribens ad Ludovicum Regem, eundem conscium reddit de anathemate in Ingeltrudem non respicientem, sed nequitia sua pertinaciter consistentem illato, deinde etiam rogat, ut invitam & reluctantem feminam auctoritate sua compescat, & ad pristini mariti conjugium reducat. Addatur epistola 54. Nicolai ad Episcopos in Regno Caroli constitutos, una cum epistola Arsenii Episcopi Hortensis Sedis Apostolica Legati ad omnes Episcopos & fideles in Gallia, Germania, & Neustria commorantes, quæ subjecta est in collectione Labbeana memoratæ epistolæ 54. Nicolai; ex his enim omnibus monumentis satis liquebit Ingeltrudis factum, & anathematis causâ. Plane ex his perspicuum redditur, dictum canonem 12. non temere adscribi Nicolao Pontifici potuisse. Sed mihi verosimilis admodum videtur Gratiani inscriptio, præsertim quod idem monumentum referens Ivo in parte 14. decreti cap. 51., ejus auctorem ita designat. *Johannes VIII. Luitberto Archiepiscopo Moguntino.* Vixisse Luitbertum temporibus Johannis compertum est; etenim sunt ad illum directæ Johannis epistolæ, quales sunt 106. & 108. Imo de eadem Ingeltrudis causâ sæpe mentionem factam fuisse ab Johanne VIII. ex ipsius Papæ epistolis abunde colligimus. Sic in epistola 109. & 129. Johannes plurimum curavit, ut bona Ingeltrudis huc illuc vagantis, & jam anathemate percussæ filiis ejus iustis concederentur, exclusis aliis, quibus illa, ut marito, & mariti filiis fraudem faceret, bona sua iniqua voluntate concesserat. Quod si constanter in epist. 108. scripta ad Luitbertum Archiepiscopum Moguntinum, agnosceremus illico ab Johanne illum Episcopum admonitum, ut curaret, bonæ Ingeltrudis ad justos ejusdem filios devolvi, quin aut jure repugnare possent ei, quorum favore donata fuerant, aut donans ipsa Ingeltrudis, utpote quæ sine mariti consensu non poterat illa donare. Imo cum ibidem Johannes memoret, aliam epistolam se jam scripsisse, quæ sane hodie non extat, illa facile esse potuit, quam Ivo, & sequens Ivonem Gratianus in dicto canone 12. indicare voluerunt; quamobrem conjecturacapi facilis potest, ex qua idem Gratianus canon non tam Nicolao Papæ, quam Johanni VIII. recte adscriptus existimetur.

Can. 26.  
cau. 23.  
qu. 5.

Quod sub Johannis VIII. nomine legimus in can. 26. cau. 23. qu. 5., habetur eisdem omnino verbis in canone 13. Concilii Ravennatenfis anno 877. celebrati, ex quo etiam dixi excerptum fuisse canonem 20. cau. 11. qu. 3. apud Gratianum adscriptum Honorio Papæ. Cum autem Concilium illud Ravennatense non solum Johannis temporibus, sed etiam Johanne eodem VIII. convocante, præsentem, ac subscribente celebratum adpareat, quemadmodum præter acta Concilii plures ipsius Papæ epistolæ demonstrant, ac præ ceteris 53. 55. 56. 57. 59. & 60., non injuria Gratianus potuit eundem canonem Johanni tribuere. Acta Concilii Ravennatenfis & canones rursus probati dignoscuntur, ac confirmati in alio Concilio Johannis Papæ anni 878., nimirum Tricassino, cujus in canone 3. ita legimus. *Ut illa Capitula, quæ anno præcedente apud Ravennam statimus synodali collegio, inconvulsa ab omnibus observentur.* CA-

## CAPUT LXXIX.

## De Stephano V. seu VI.

Stephani V., qui apud alios VI. appellatur, hæc referuntur  
apud Gratianum monumenta.

- Ex epist. ad  
Humbertum, alias  
Luythobium Mogun-  
tium Episcopum. { *Can. 13. dist. 16. incertæ omnino auctoritatis.*  
*Can. 20. cau. 2. qu. 5. non satis tuto Stephano tribuendus.*
- Ex Epist. ad  
Sichiberrum Episco-  
pum Corficæ. { *Can. 38. dist. 50. non omnino certæ auctoritatis.*
- Ex epist. ad  
Robertum Meten-  
sem. { *Can. 11. dist. 55. ex optimis codicibus supplendus.*
- Ex epist. ad  
Romanum Raven-  
natem. { *Can. 12. dist. 63. non inverosimiliter Stephano V. tribuendus.*
- Ex epist. ad  
Guidonem Comitem. { *Can. 18. dist. 63. temporibus Stephani V. facile accommodatus.*
- Ex epist. ad  
Leonem Episcopum  
Theanensem. { *Can. 17. cau. 2. qu. 1. { simul jungendi, & facile, quidquid alii  
Can. 1. cau. 15. qu. 5. { senserint, Stephano V. tribuendi.*
- Ex epist. ad  
Girardum Leodien-  
sem. { *Can. 3. cau. 3. qu. 2. incertæ auctoritatis.*
- Ex epist. ad  
Gualbertum Patriar-  
cham. { *Can. 20. cau. 9. qu. 3. ad Ivonis monumentum exigendus.*
- Ex epist. ad  
Haustulphum. { *Can. 8. cau. 33. qu. 2. potius Paullino Forojulienfi adscribendus.*

Ex

Ex epist. ad  
Paulum Episcopum  
Placentinum.

Can. 2. cau. 35. qu. 9. ad Gregorii Magni sententias commodè  
referendus.

Ex epist. ad  
Sylvianum, aliosque  
Episcopos.

Can. 10. de cons. dist. 5. ex integra Stephani epistola emen-  
dandus.

**Q**UARE Stephanum, qui Romanam Sedem tenuit ab anno 885. usque ad annum 891., quintum, vel sextum ejus nominis Pontificem appellaverim, facile unusquisque deducet ex iis, quæ superius tradita sunt in cap. 70. & 73. Successit ille Hadriano III., quem post Johannem VIII. præcesserat Marinus ab alijs dictus Martinus II., at de his duobus Pontificibus frustra sermo instituendus esset, utpote quorum nulla extant apud Gratianum monumenta. Quali autem fuerit Stephanus morum integritate ornatus, quanto cum gaudio apud Romanos fuerit ad supremam Pontificatus dignitatem evectus, quam sollicitus in Ecclesiarum curandis utilitatibus, exhibendis pauperibus, captivis redimendis, quam pius in miseros fideles tum innumeris propemodum calamitatibus, qua causante bellorum injuria, qua agrorum sterilitate, vexatos, quam demum religiosus in Deum, historici Scriptores abunde testari sunt. Inter cetera vero illius animum exagitavit vetus Photii causa; ut enim Photius vir erat in schismata admodum pronus, & Romanæ Ecclesiæ prælationem ægre ferebat, idemtidem, prout sese offerebat occasio, Romanam eandem Sedem perfido animo adoriebatur; cui ut obstitet Stephanus optimum duxit invictam Prædecessorum suorum constantiam æmulari, nunquam ab egregia animi moderatione disjungam. Insignem Pontificis ejusdem virtutem non modicum ostenderent, si superessent, integra illius monumenta. Verum vix pauca apud Gratianum habemus; utinam saltem ea integra essent, & certa consisterent auctoritate.

## De Epistola ad Humbertum, alias Luythobium Moguntinum Episcopum.

Can. 13. Si revera Stephano V. adscribendus esset canon 13. dist. 16., non dubitarem, *dist. 16.* quin inscriptio emendanda esset non solum apud Gratianum, verum etiam apud Ivonem, qui in parte 4. decreti cap. 232. eadem verba retulit; atque pro illis verbis: *Stephanus Luythobio Moguntino Episcopo*, ita scribendum adsererem: *Stephanus Luitberio Moguntino Episcopo*; non enim dubitare possumus, quin Luitbertus Moguntinæ Ecclesiæ Antistes esset temporibus Stephani, quando scimus ab eo celebratum fuisse Moguntinum Concilium anno 888. Verum canon ille passim apud eruditos falsitatis suspicione laborat, quemadmodum testatur Vanespén in tractatu historico canonico parte 2. cap. 1. §. 6., ubi de numero Nicænorum canonum verba faciens inter cetera hæc habet. *Fragmentum epistolæ Stephani Papæ ex Ivone Gratiani decreto insertum can. 13. ead. dist., in quo dicitur, 20. tantum capitula Nicæna Synodi in S. Ecclesia Romana haberi, sed quo neglectu alia defecerunt,* ambi-

ambiguum esse, ejusdem cum predicta epistola Athanasii fidei fore, omnibus hodie persuasum est. Apud Ivonem verba canonis Stephano tributi hæc sunt. *Capitula Nicæni Concilii testimonio Athanasii, septuaginta in figuram septuaginta discipulorum scripta non dubitamus. E quibus viginti tantum in Ecclesia sancta Romana habentur, sed quo neglectu reliqua defecerint, ambiguum est. Arbitrantur enim plurimi ea Antiocheno inserta Concilio. Antonius Augustinus hæc verba postrema expendens in dial. 20. lib. 1. de emendat. Gratiani, ita interrogat: Quod dicit hic Antiocheno Concilio insertos esse plurimos arbitrari Nicænos illos septuaginta canones, velim scire a te, an verosimile putes? Quibus ita respondet: quod ait, plurimos arbitrari, ita ipsum Stephanum invenisse existimo, licet ego non meminerim alibi legisse. Itaque Sardicensi pro Antiocheno sufficerem. Namque Antiocheni canones xxv. tantum fuerunt, quorum auctores si illi sunt, ad quod Julius scripsit, hostes erant Athanasii, & aliorum Patrum. cccxviii. Qua de causa nihil de fide Nicæni Concilii, sed de Paschate tantum statuunt capite primo id Concilium esse observandum. At Sardicenses Patres Catholici aliquot canones scripserunt, qui pro Nicænis habiti sunt, ut constat ex Concilio Carthaginensi vi. Ego pluribus non immoror in hac re, quam ex certis monumentis, imo ne verosimilibus quidem, deduci haud posse dignosco. Habebo canonem illum inter incerta Papæ Stephani monumenta, sive ille Quintus sit, sive alius post Quintum, quin tamen alicui antiquiori tribuendum credam, quemadmodum tradidi superius in cap. 70. Major vero fit dubitatio ex eo, quod non liquet, quænam porrecta fuerit occasio quærendi de numero canonum Nicænorum, de quibus nulla esse potuit eo tempore disputatio; atque ejus disputationis, si forte emerisset, vestigia quædam adparerent in actis Concilii Moguntini memorati, in quo tamen nihil omnino deprehenditur.*

Non absimile iudicium ferendum erit de canone 20. cau. 2. qu. 5., cujus inscriptio videretur in primis emendanda, ut pro Humberto Moguntino Episcopo scribatur *Luitberto*. Varios in hac parte fuisse codices Baluzius testatur in notis ad Gratianum; in aliis enim legit *Huberto*, in aliis *Luiberto*, alibi *Guiliberto*, alibi *Liberto*, alibi *Lamperto*, alibi demum *Ludberto*. Deinde addit ejusdem Moguntini Episcopi epistolam ad Ludovicum Regem extare in calce opusculorum Hincmari apud Cordesium pag. 628., cui adjici potest epistola Otfridi Monachi ad eundem Luitbertum pag. 631. iterum apud Cordesium. Demum Baluzius observat ad illa Gratiani verba *occulta vero & incognita illi sunt relinquenda, &c.*, ita potius legi in quodam Puteano codice: *Occulta vero, & incognita illius sunt iudicio relinquenda, &c.* Apud Ivonem in parte 10. decreti cap. 27. nonnihil diversum agnoscitur in verborum formulis, ac conceptionibus, unde propterea juvabit eundem canonem velut ex codice antiquiore describere, ibi: *Consuluisi etiam de infantibus, qui in uno lecto cum parentibus dormientes mortui reperuntur, utrum ferro candente, an aqua fervente, seu alio quolibet examine parentes se purificare debeant, eos non oppressisse. Monendi namque sunt, & protestandi parentes, ne tam tenellos secum in uno collocent lecto, ne negligentia quolibet proveniente suffocentur, vel opprimantur, unde ipsi homicidii rei inveniuntur. Nam ferri candentia, vel aquæ ferventis examinatione confessionem extorqueri a quolibet sacri non censens canones, & quod sanctorum Patrum documento sancitum non est, superstitiosa adinventione non est præsumendum. Spontanea enim confessione, vel testium approbatione publicata delicta, habito præ oculis Dei timore, commissa sunt regimini judicare: occulta vero, & incognita illius sunt iudicio relinquenda,*

qui solus novit corda filiorum dominum. Hi autem, qui probantur, vel consententur talis reatus se noxios, tua eos castiget moderatio, quia si conceptum in utero, qui per abortum deleverit, homicida est, quanto magis, qui unius saltem dieti puerulum peremerit, homicidam se se excusare nequibit? Ceterum quicumque recipiatur editio, ego valde suspicor, illud ipsum fragmentum falso Stephano Papæ fuisse tributum; etenim ex verbis Ivonis nuper descriptis constat ibidem exhiberi Stephanum de pluribus capitibus a Moguntino Episcopo interrogatum, quemadmodum demonstrant priora illa verba *Consuluisisti etiam*; at vero demonstrari non potest de pluribus ad purificationem scelerum hominum pertinentibus interrogatum fuisse Stephanum a Moguntino Episcopo; imo non fuisse de ea re interrogatum facile conjicitur ex canonibus Concilii Moguntini ab eodem Luitberto anno 888. celebrati, in quo nihil hujusmodi discussum constat, aut definitum, quod tamen definiendum, dicendumque fuisset, si ea tunc emerisissent causæ, unde Moguntinus Archiepiscopus ad Stephanum Pontificem confugere debuisset. Non tamen ego inficias iverim, tunc temporis jam subortam fuisse disciplinam, juxta quam alicubi ubi dubietas esset admitti alicujus criminis, ad purificationem per aquam frigidam, aut ferrum candens deveniretur. Erant medio 11. sæculo, qui eam purgandi formulam receperant, quasi ad imitationem Summi Dei, qui in veteri lege dignoscitur peccantes homines aut aquis, aut igne purgasse, quemadmodum describit Hincmarus Rhemenlis in opusculo de divortio Lotharii pag. 348. & sequ. in editigne Cordesii; alii e converso superstitionem admodum eam purgandi formulam judicaverunt, ac propterea abolendam; hinc ait Hincmarus ibidem pag. 341. *Quidam dicunt nullius esse auctoritatis, sive credulitatis judicium, quod fieri solet per aquam calidam, sive frigidam, neque per ferrum calidum, sed ad inventiones sunt humani arbitrii, in quibus sæpissime per maleficia falsitas locum obtinet veritatis, & ideo credenda esse non debent.* Non itaque repugnat eodem sæculo de ea purificatione recipienda dubitasse plures, forte etiam Stephanum Pontificem interrogasse, atque intellexisse eam purgandi rationem minime probandam videri. Consueverunt tunc commissi homicida etiam casu penitentia purgari, at Synodali auctoritate non omnino recipiebatur purgatio aquæ, vel ignis. Memoro hic canonem 33. Tribuniensis Concilii anni 895. ita expressum. *Siquis filium suum, quod absit, non sponte, sed casu contingente occiderit, secundum homicidia sponte commissi peniteat, ut sequenti subinfertur capitulo. Clarius in can. 37. ejusdem Concilii: Siquæ mulier, ut sæpe contingit, infantem proprium prope ignem collocaverit, & alius, qui caldarium super ipsum ignem pendenterit, & aquam infuderit, atque aqua ipsa per ignem fervens egredietur, & infanti superinfunditur, & propterea mortuus agitur, mater infantis propter negligentiam judicio sacerdotum peniteat, & homo, qui caldarium pendens, securus permaneat. Simili modo de ceteris similibus, quæ sæpe diverse solent evenire, & judicamus, & esse volumus.* Quod si proximius ad speciem apud Gratianum propositam accedere velimus, eo referre commodè poterimus, quod legitur inter canones Isaac Episcopi Lingonenfis ex Capitularibus Francorum Regum depromptos tit. 2. cap. 21. ibi: *Siquis infantem necaverit, ut homicida teneatur, & can. 14. ibi: Mulier quæ dormiens filium suum oppresserit, & mortuus fuerit, sex annis peniteat. Vir ejus, si in domo illius fuerit, quatuor. Si vero in uno lecto, simili modo peniteat, duos in pane & aqua, reliquos quatuor secundum quod Sacerdos viderit illos posse, abstinentiam imponat ciborum.*



## De epistola ad Sichibertum Episcopum Corsicæ.

Quis fuerit Sichibertus ille in Corsica Episcopus, de quo sententiam tulisse, videtur esse Stephanus V. in can. 38. dist. 50., maxime incertum est; tantummodo adnotare potuit Mansius in suo Codice Siebertum appellari. Hinc incerta erit monumenti ejusdem auctoritas, quamquam videam non repugnare Stephani temporibus, quod ibidem legitur; etenim non possumus ignorare, tum maximas fuisse Sarracenorum vires, quibus fideles omnes, ac præsertim Ecclesiarum Antistites obruebantur; non ignoramus præterea in ea temporum improbitate, nullum non lapidem motum fuisse, etiam a viris ecclesiasticis, ut, quoad fieri posset, res Italiz ab exterorum Sarracenorum tyrannide liberarentur. Quid propterea mirum esse potest, si Sichibertus Episcopus vim vi repellens Sarracenos quosdam occidisse proponatur, eaque propter a Summo Pontifice postulavisse, num canonum censuræ subjaceret? Æquum sane timorem illum fuisse respondit Stephanus, interea tamen adjunctis temporum clementer aliquid indulgendum voluit; nam, alias etiam homicidia non sponte commissa, pœnitentiæ subijciebantur, quod sane idem erat, ac Clericos eadem homicidia admittentes, potiore ratione Episcopos, a proprio officio, vel dignitate decidere. Ad rem Isaac Lingonensis Episcopus in suis canonibus tit. 2. cap. 13. depromto ex Francorum Capitularibus scribit: *Siquis quiete gradiens per viam, aut si etiam in domo sua fuerit, aut in platea Civitatis, aut in villa, subito ab alio sit superventus, aut lisis commotione, volens se defendere, non habens contra illum ante odium, interfecerit hominem, septem annis secundum canonicam institutionem pœniteat, res vero a communione privetur, quatuor autem in communione orationum & oblationum susceptus, in Sacerdotis pendeat arbitrio, utrum dignus sit Corpus Christi accipere, aut usque ad plenitudinem pœnitentiæ ab eo separari. Abstinencia ciborum in providentia Sacerdotis erit, secundum possibilitatem pœnitentis, & devotionem, & affectum.*

Can. 38.  
dist. 50.

## De epistola ad Robertum Metensem.

Epistola Stephani ad Episcopum Metensem, ex qua depromtus est canon 11. dist. 55., integra describitur in Labbeana Collectione num. 3., necnon apud Ivo- nem parte 6. Decreti cap. 118.. Non piget illam hic exarare, ex qua, quæ apud Gratianum desunt, suppleantur. *Lator præsentium flavinus scilicet Clericus ad Sanctam Sedem Apostolicam veniens, tulit a te nobis directam epistolam, qua indagare studuisti, eum a Normannis supprime captum sinistra manus digitum habere abscissum (ita legit Labbeus: Paulo aliter Ivo his verbis: Studuisti, cum a Nortmannis... haberet abscissum) sciscitans, si ob hoc ad Ecclesiasticum Ordinem valeret promoveri, an non. Quod & nos reperientes, quia solertia tua magis super hoc sollicita a Sede Apostolica edoceri flagitas, normam justitiæ semper sequi exoptans, studium tuæ sanctitatis merito collaudamus, reverentiam tuam scire volentes, quoniam si ita est, quod a Normannis digitum ipsum habeas abscissum, ad promovendum, si alias dignus fueris, nihil ei nocebit, eo quod quid de his, qui a Dominis, vel medicis, sive a pa-*

Can. 11.  
dist. 55.

ganis, non sponte tale quid patiuntur, sacri censeant canones, dilectionem tuam latere non credimus, quam ei (scribit Ivo: quos eis) obviare debere, si ita est, minime reperimus, monentes religionem tuam, ut circa illum ita peragat, quatenus ut (legit Ivo &) mercedem pro eo magnam incurrat, & desiderium illius, canonica auctoritate et in aliis non obviante, Deo adjuvante perficiat. Hinc sane liquet, Stephanum V. in proposita specie, cum laudavit ecclesiasticos canones, quos sequendos rescripsit, sese retulisse ad canonem Nicenum I., qui apud Gratianum refertur in can. 7. dist. 55. Iis, quæ in memorata Stephani epistola continentur, fidem quandam facere videntur acta Metensis Concilii sub eodem Roberto, sive Rotberto, ut alii scripserunt, celebrati anno 888. temporibus Stephani V., siquidem in canone 1. ejusdem Concilii conquestus est pius Antistes, a Northmannis plurimum exagritos, atque injuriis laceffitos fuisse Christianifideles, atque ideo res Christianorum turbatas, ut Synodales Conventus diu interromperentur:

### De epistola ad Romanum Episcopum Ravennatem.

Can. 12.  
dist. 63. Baluzius in notis ad Gratianum ad canonem 12. dist. 63. animadvertit, in omnibus Gratiani libris antiquis, & editionibus caput istud referri ex epistola Stephani Papæ ad Romanum Archiepiscopum Ravennatem, quo etiam modo legitur apud Anselmum Lucensem lib. 6. cap. 30. in Codice Sangermanensi, quod referendum ad Stephanum V. scribit Hieronymus Rubeus. Ego sane minime dubitarem, quin canon idem recte Stephano V. Pontifici tribuatur, nisi paullisper in ancipiti collocarer ex eo, quod noverim apud Collectores omnes Gratiano vetustiores eam epistolam desiderari, & exhiberi primum, imo tantum, apud Anselmum, cujus fides & auctoritas mihi parum probatur, præsertim in ea re, qua de agitur in eodem canone, utpote quam tractabat Anselmus admodum alacriter, atque ut plurimum sine delectu monumentorum, dummodo proposito suo serviret. Ceterum nihilominus facile in eam trahor opinionem, ut credam eundem canonem Stephano V. convenire, quod plurima concurrant adjuncta, & temporibus, & locis, & personis, de quibus ibidem agitur, accommodata; atque illud unum esse potest, quod non me satis ab omni liberat suspitione; nimirum in referendo germano monumento nonnihil paullo vividius exprimi potuisse apud Anselmum, quod non in epistola Stephani contineretur, præsertim quod temporibus Stephani nulla adhuc suborta fuisset gravis occasio, qua pressius in ea materie quidpiam urgeretur. Dixi multa concurrere adjuncta temporum, locorum, ac personarum, quibus facile monumentum illud accommodatur. Recte Romanus fuit ad Ravennatensem Ecclesiam electus temporibus Johannis VIII., uti liquet ex epistola ejusdem Papæ 184. Ad eundem Episcopum alix sunt plures Johannis VIII. epistolæ, præsertim 218. 220. 270. 272. 273. 275., & 276., & quamquam idem Romanus in Concilio Romano VII. anni 881. fuerit ecclesiastica communione privatus, quod etiam deducitur ex epistola Johannis Papæ 278., tamen temporibus Stephani V. restitutus fuisse ad pristinum honorem videtur ex eo, quod Mansius inter acta Stephani V. duas referat epistolas, quibus indicat idem Stephanus Romanum Ravennatem, quem honorifice ibidem nominat, obisse, ac propterea ad alterius Episcopi electionem esse deveniendum; quibus sine loquendi

quendi formulis non usus fuisset Stephanus, si Romanus in excommunicatione pertinax mortuus fuisset. Præterea constat Immolensem Ecclesiam, de qua fit mentio in dicto can. 12. dist. 63., fuisse subiectam veluti Metropolitanz Ecclesiæ Ravennatenſi, ac propterea juxta disciplinam illius ætatis, vacanti Ecclesiæ Immolensi fuisse per Ravennatenſem Archiepiscopum consulendum. Similis fere species deducitur ex epistola Johannis VIII. 271. superius memorata, nam cum Faventina Ravennatenſi Ecclesiæ subiecta vacavisset, mandavit Johannes Romano Ravennatenſi, ut electum Episcopum secundum morem ordinaret. Simile præterea exemplum perspicue colligimus ex epistola Stephani V. ad Dominicum Romani in Ravennatenſi Ecclesia successorem; cum enim vacavisset Ecclesia Placentina Ravennatenſi Metropolitæ subiecta, professus est Stephanus Papa se extra ordinem Placentinum Episcopum elegerisse, ac consecrasse, quia uno eodemque tempore & Placentina, & Ravennatenſis Ecclesia vacaverat, ceterum regulariter ad Ravennatenſem Archiepiscopum Placentini Episcopi consecrationem pertinere. Habetur hæc epistola apud Mansium tom. 2. Labbeani Supplementi pag. 1046. deprompta ex historia Ravennensi Rubei.

### De epistola ad Guidonem Comitem.

Canon 18. dist. 63. recte laudatur ex epistola Stephani V. ad Guidonem Comitem, quem alii Widonem appellaverunt; licet enim epistola illa perierit, foliumque ejusdem fragmentum apud Gratianum remanserit, tamen ego non dubito, quin eadem germana sit, utpote Stephani Papæ temporibus consentanea. Erat Guido, seu Wido, uti conjicio, Comes ille Spoletanus, qui anno circiter 890. post obitum Caroli Crassi Imperatoris in Concilio Ticinensi Rex Italiz salutatus est, qui tandem curavit, ut filius suus Lambertus jura Imperii nancisceretur. Ad eundem Guidonem scripta existit epistola 291. Johannis VIII., atque ad eum arbitror etiam pertinere epistolam ejusdem Johannis 316. ad Comites in Regno Ludovici constitutos, ex qua patet, Comites numero plurimos nonnihil turbasse jura Imperatoris, unde etiam pax Sanctæ Dei Ecclesiæ, ut ibidem dicit Johannes Pontifex Maximus, turbaretur. Quænam inter cetera essent jura, quæ temporibus Stephani V. sibi vindicaret Imperator, demonstrat Caroli Crassi præceptum, quod edidit Sirmondus ad annum 885. his verbis: *In nomine Sanctæ, & Individuæ Trinitatis Carolus divina favente clementia Imperator Augustus. Si ea, quæ divinis conveniunt auctoritatibus præcepto nostræ altitudinis confirmamus, supernam ob id gratiam promereri nullo modo dubitamus. Quocirca omnibus sanctæ Ecclesiæ fidelibus & nostris, presentibus, & futuris, notum esse volumus, quod venerabilis Agilmarus Arvernorum Præsul, adiens genua reverentis nostræ, innocuit, quoniam Girkoldus Cabilonenſis Ecclesiæ venerabilis Antistes & reverendus, infirmitate jam simulque senio confectus, non modicum metu sui obitus civibus, & filiis Ecclesiæ suæ inferret dolorem. Itaque nostram humiliter deprecatus est dominationem, ut præfata Ecclesiæ canonicam electionem concedere deberemus. Placuit ergo nobis saluberrimæ acquiescere postulationi. Decernimus igitur, & pro Dei amore hoc eidem concedimus, ut obeunte pastore proprio, omni deinceps tempore canonicam habeant electionem. Hoc denique, quod Divino amore concessimus, nostro imperiali præcepto confirmavimus, & annulo nostro insigniri jussimus.*

Ita.

Itaque in electionibus Episcoporum maximas tunc fuisse Imperatoris partes constat; proindeque cum vacasset Reatina Ecclesia, quemadmodum proponitur in specie dicti canonis 18., operæ pretium erat, non aliter recipi electionem Episcopi Reatini a Guidone Comite propositam, nisi Imperatoris consensus accederet; jure enim verebatur Prudentissimus Pontifex Stephanus, ne, si aliter ageretur adversus veterem consuetudinem, turbaretur Imperatoris animus, in iis præsertim & temporum, & locorum adjunctis, quibus Guido idem Comes, qui jam in Spoletano Comitatu, in ipsa etiam Reatina Civitate auctoritatem, potestatemque explicabat, ad regnum universæ Italix inhiabat. Quid vero post epistolam Stephani eveniret, incertum videtur; conjicio tamen Guidonem acquivisse, neque aliter urgere voluisse novi Antistitis electionem, quam si Imperatoris consensus accessisset; etenim in Concilio Ticinensi laudato can. 11. & 12. postquam enarratum fuerit Carolo Imperatore obeunte plurimis periculis fuisse obnoxium Regnum Italix, exhibetur Guido ad Regnum Italix evectus, quod Ecclesiarum pacem strenue tuiturum, & Ecclesiarum omnium jura servaturum, imo & singulares leges editurum promississet. Observandum tamen est, Guidonem eundem, deinde post Regni adfectionem tale pactum, sive legem edidisse, quam minus utilem rebus Ecclesiasticis posteriores nonnulli Antistites crediderunt, ac propterea reformandum Lambertus Imperatori ejusdem Guidonis filio proposuerunt in Concilio Ravennatenſi anni 904. can. 6. & 7. his verbis: *“Ut pactum, quod a beate memorie vestro genitore (ita Lambertum Imperatorem Concilii Patres alloquebantur) Domino Widone, & a vobis piissimis Imperatoribus, juxta præcedentem consuetudinem factum est, nunc reintegretur, & inviolatum servetur. De locis autem, atque rebus, quæ in eodem pacto continentur, præcepta nonnulla illicita facta sunt, quæ perimus, ut in eadem Synodo terminentur, & quæ non recte facta præcepta sunt, corrumpantur.”*

### De epistola ad Leonem Episcopum Theanensem.

Nescio qua de causâ Vanespen in Brevi Commentario ad secundam partem Gratiani ad canonem 1. cau. 15. qu. 5. hanc censuram adjecerit in epistolam, quam tum in memorato can. 1., tum etiam in can. 17. cau. 2. qu. 1. Stephano V. Gratianus adscripsit. Indigna verisimiliter, quæ hujus Pontifici adscribatur, ut propterea nec ejus epistolis tom. 9. Conciliorum Generalium descriptis enumeretur. Contemnenda sane animadversio, ubi nullum aliud argumentum adfertur, quam quod ex silentio Collectorum Conciliorum deducitur; nemo enim ignorat, parcos admodum fuisse Conciliorum, & Epistolarum Pontificiarum Collectores in singulis referendis monumentis, aliquando etiam sine ullo criterio, ut omiserunt germana, ita apocrypha, aut dubia descripsisse. Quid vero diceret Vanespen hodiernis temporibus, si eandem epistolam in Supplemento Mansii descriptam adspiceret, & quidem primo loco inter fragmenta monumentorum Stephani tom. 1. pag. 1043., ubi etiam adnotavit se fragmentum illud excepiſſe ex Gerhoo de ædific. Dei in Anecdotis Pezii tom. 2. p. 2. pag. 374.? Puto autem & Mansio ipsi tantum honorem jure deferri & posse, & debere, ut meliorum Collectorum studia Criticæ arti conjuncta fuerit æmulatus. Ego sane non video, quæ ratione con-

Can. 17.  
cau. 2.  
qu. 1.  
can. 1.  
cau. 15.  
qu. 5.

con-

constat Vanespenii censura; si enim duos illos canones, qui apud Gratianum existunt, jungamus, quemadmodum jungi debent, cum sint ex eadem epistola depromti, nihil emerget, quod aut disciplinæ sacrorum, aut Stephani V. temporibus adferretur. Leonem Theanensem Episcopum labente fere sæculo 9. vixisse, liquet ex epistola 289. Johannis VIII. ad eundem Episcopum scripta; idem propterea Leo potuit adhuc inter vivos esse temporibus Stephani V., cum vix anni quatuor ab uno ad alterum Pontificem interfluxerint. In ejus autem Diocesi facile emergere potuit controversia de purificatione Alderici Diaconi de certis criminibus accusati; non enim infrequentes erant tunc temporis de Clericorum accusatorum purificationibus quæstiones, quemadmodum nemo ignorat. Quid vero congruentius adferri in medium poterat, quam definire, in crimine manifesto ac publico nullis opus esse testibus, viceversa in occultis, in iudicio tamen deductis, necessariam esse probationem, quæ si firma non sit, tota res abs jurejurando accusati dependeat? Non aliud arbitror in similibus illius temporis Pontifices Maximos respondisse; neque aliud ex memoratis Gratiani canonibus Stephano adscriptis colligitur. Ivo Carnotensis, cum ageretur de quodam electo in Episcopum deinde a nonnullis accusato, in eandem propemodum ivit sententiam in Epist. 68. ita scribens ad Hugonem Lugdunensem. *Manifesto autem accusatione non egere testatur B. Ambrosius super epistolam ad Corinthios, ita dicens de eo, qui noverca sua manifeste abutebatur: Judicis, inquam, non est sine accusatore damnare, cognitio autem opere istius, pellendum eum de fraternitatis cœtu censuit; omnes enim crimen ejus sciebant, in qua re. neque testibus opus erat, neque tergiversatione aliqua poterat tegi crimen. Simile quid scribit Papa Nicolaus Carolo Regi: Quæ Lotharius Rex vester nepos operatur, accusatione non indigent; manifesta quippe in eo sunt opera carnis, quæ sunt fornicatio, & immunditia. Quoniam vero integra Stephani epistola non ad nos usque pervenit, licet illius exemplar Romani Correctores se in quadam anonyma Collectione Vaticanæ Bibliothecæ reperisse, asseruerint, alias autem fragmenta etiam Gratiani sive apud Ivonem, sive apud Mansum legantur, juvabit adnotare quandam verborum varietatem. Iis itaque, omisiss, in quibus Gratiana lectio consonat, legit Ivo in parte 6. Decreti cap. 431. De manifesta & nota plurimis causa . . . ut Beatus Ambrosius in epistola ad Corinthios scribit, de fornicatore . . . quia Dominus Judam, cum fuisset fur, quia non est accusatus, minime abiecit. Ac mox. Cognito autem opere pellendum illum de cœtu fuisse fraternitatis censuit &c. Apud Mansum ex Gerhoo: De manifesto . . . ad Corinthios dicit, de fornicatione sententiam exponens Apostoli: Judicis, inquam, non est . . . cum fuisset fur, quia non accusatus, minime abiecit. Cognito autem opere isto, pellendum illum de cœtu fraternitatis censuit &c. His addi potest canon 31. cau. 23. qu. 4. Quod vero pertinet ad verba canonis 1. cau. 15. qu. 5. eadem paulo aliter habentur apud Mansum ibi: De crimine sibi illas Diaconus tuus verissime fotebatur, se esse immunem. Verumtamen si suspicio super viaculum (adnotat vir eruditus forte legendum esse piaculum) habetur, & accusatores idonei reperiuntur, & testes, quales sacri canones sancimus, cum fuerit legitimis testibus approbatus canonica sententia feriat. Quod si nec sponte confitetur, neque legitimè accusatores, vel testes reperi fuerint, & mala fama crederet, non publico examine, sed coram se, & coram Reverendissimis Presbyteris, & Diaconis secreto juramento se purget, & tu deinceps boni testimonii eum annuncia, & compeste, & commone.*

Eccle-

*Ecclesiæ tuæ filios, ne Sacerdotem Dei ulterius infamare præsumant; timentes, quod Cham maledictus est, quod Patris verenda derisit. Paulo aliter habentur apud Ivo- nem in parte 6. cap. 430., cuius verba describam, ea omitiendo, quæ consonant cum editione Gratiani, ibi: De crimine sibi illato Diaconus tuus verissime se fatebatur immunem . . . quod si nec sponte . . . & mala fama crebescit . . . com- pefce, ac admone . . . Sacerdotem Dei infamare ulterius præsumant, timentes male- dictionem Cham, qui Patris verenda derisit.*

## De epistola ad Girardum Leodiensem.

Valde in obscuro delitescit epistola, quæ fertur a Stephano scripta ad Girar-  
 dum Leodiensem, ex qua depromptus dicitur canon 3. cau. 3. q. 2. Referam.  
 hic, quid nonnulli jam tradiderunt, licet nihil adhuc definierint, deinde ex qui-  
 busdam conjecturis, quid addi alienis traditionibus possit, indicabo, interea niti-  
 dora lumina ab aliis expectaturus. Romani Correctores ubi observaverunt ad  
 eundem canonem codicum varietatem, in aliquibus enim noverunt epistolam  
 scriptam ad Girardum Laodicensem, in aliquibus scriptam ad Girardum Leodiensem,  
 posteriorem hanc editionem priori antehabuerunt, ex eo, quod mansorum  
 mentio, quæ in canone fit, satis indicat non ad Græcum Episcopum, qualis fuisset  
 Laodicensis, sed potius ad Germanum, vel Gallum, qualis fuisset Leodiensis in  
 Belgii finibus, canonem pertinere. Non placuit hæc emendatio Baluzio, qui in  
 notis ad illum canonem, postquam animadvertit in Codice Sangermanensi hanc  
 haberi inscriptionem, *Item Stephanus Papa Girardo Laodicensi*, in Regio *Leodi-*  
*censi*, in antiquiore Victorino *Lodicensi*, in recentiore Gerardo *Laodicensi*, in Col-  
 bertino demum *Grando Leodicensi*, subdit, manifestissime constare epistolam in-  
 scriptam esse cuidam Clerico Leodiensi, seu is Episcopus erat, sive in inferiore  
 gradu constitutus, cum veteres Codices nihil de dignitate hominis habeant. His  
 præiactis, inquit, si de Leodiensi Episcopo heic agitur, necesse esse, ut Franco-  
 nis nomen pro Girardo substituitur, quum nullus sub Stephani V. Pontificatu  
 Leodiensis Episcopus fuerit Girardus, sed Franco, uti constat ex historia Episco-  
 porum Leodensium. Paulo aliter Pithæus, qui putavit pro *Girardo* legendum  
 esse *Ratherio*; quod deduxit ex Sigeberto, Trithemio, & Placentino. Manlius  
 in Supplemento Labbeano postquam eundem canonem juxta Gratiani editionem  
 descripsit, hæc ad marginem adnotavit: *In MS. Codice meo per compendium scri-*  
*bitur: Gigo Leodicensi. Sed quocumque modo hæc accipiantur, vix coherent Episcopo*  
*alicui, qui tunc Leodiensem Cathedram teneret.* In tanta dubitatione si licet conje-  
 cturis indulgere, atque si opus est emendare scripturam, ego potius ita emen-  
 darem, ut quanto minus fieri posset, corrupta olim videretur; Hinc legerem  
*Girardo Laudensi*; scio enim Girardum Laudensem Episcopum Archiepiscopi Me-  
 diolanensis suffraganeum vixisse temporibus Stephani V., qui subscripsit Concilio  
 Ticinensi anni 876. & Concilio Ravennensi anni 877., atque ad eum scripta Ste-  
 phani epistola nihil continet, quod locis, vel temporibus dissonum dignoscatur;  
 Scimus enim in Italia tunc res Ecclesiasticas variis direptionibus obnoxias fuisse,  
 neque inverosimile est, cum de illarum restitutione ageretur, ita omnia fuisse  
 composita Pontificum auctoritate, ut non aliter in communionem Synodali iudicio  
 reci-

reciperentur rerum Ecclesiasticarum inuafores, quam si direpta primum restituisſent. Non tamen inde illud perspicue deducendum velim, ut in memorato canone 3. certum agnoscendum sit disciplinæ Ecclesiasticæ monumentum.

## De epistola ad Gualbertum Patriarcham.

Can. 20. cau. 9. qu. 3. non ad alios codices commodius exigi potest, quam ad codicem Ivonis, & quo Gratianus ipse fragmentum descripsit. Illic in parte 5. cap. 13. ita legitur: *Stephanus Walberto Patriarchæ. Miramur prudentiam tuam Cumenſi Ecclesiæ denegare consecrare pastorem, cum te jam ab hoc provocatum noveris Apostolica exhortatione. Sic enim in ejus electione, quod tibi displicuit sacris canonibus interdictum, apologeticis literis tuis respondere nobis debueras. Nunc vero iterato tibi scribimus, nolentes alicujus Ecclesiæ privilegium infringere, licet Apostolica prærogativa possimus de qualibet Ecclesiâ Clericum ordinare. Dehinc jam cujuspiam zelo electum a Clero, & expectatum a populo Lantvardum Cumenſi Ecclesiæ Antistitem protelare: quia si protelaveris, & eum consecrare totiens monitus non matuaveris, quam ad nos venerit, procul dubio consecratus abibit, quia licet apostolica auctoritate id facere valeamus, tuo tamen incitatum exemplo, qui transgressus terminis tibi commissis in Ecclesiâ Senonensi Episcopum ordinare ad indecentiam Apostolicæ Sedis præsumpsisti, quod quantæ prævaricationis sis, ipse perpende. Nonnulla ex his retulit idem Ivo in epistola 61. ad Hugonem, ex quibus sine multa suppleri possunt, quæ defunt apud Gratianum. Ego vero paullisper codicum lectionem corruptam puto, ubi scilicet Cumenſis Ecclesiâ memoratur; nam pro voce *Cumenſis* legerem potius *Comenſis*, quando scimus Comenſem Ecclesiâ subjectam fuisse Aquilejensi Patriarchatui, quem tenebat Walbertus, seu Gualbertus, Cumenſem autem Ecclesiâ subjectam fuisse asserere minime possumus; alias autem Stephanus nolebat a Valberto fieri Episcopi ordinationem extra Provinciam Patriarchalis Aquilejensis jurisdictionis. Interea vero nollem certo concludere, eam epistolam sine ulla dubitatione tribui posse Stephano V. Generaliter tamen dixero fuisse media præsertim Ecclesiæ ætate Romanorum Antistitem morem, ut ipsi ad consecrationes electorum Episcoporum progredierentur, quoties Metropolitanis, vel Primates, ad quos ordinario jure suffraganeorum consecratio pertinebat, electos suffraganeos consecrare in longiora, quam par esset, tempora differabant. Sic Gregorius VII., cum vacasset Carnotensis Ecclesiâ, non tam populum & Clerum admonuit de successoris Antistitis faciendâ juxta canones electione, quam Richerium Archiepiscopum Senonensem de electi consecratione non differenda, ira subdens: *quem electum canonice cognoveritis, & manus imponere, & in Episcopum consecrare nulla occasione recusetis; scientes quoniam si illud timore aut gratia cujusquam prætermiseritis, nos tamen inordinatum eum nullatenus relinquemus, & vos eo honore, & dignitate, quam ignobiliter deferere non erubescitis, deinceps indignos fore judicabimus.* Habentur hæc in epist. 15. lib. 4.; addi his potest epistola Urbini II., quæ est secunda inter epistolas Ivonis Carnotensis junctâ epistolæ 8. ejusdem Ivonis, ex quibus deducitur, ideo Ivonem in Carnotensi Ecclesiâ fuisse auctoritate Pontificis Maximi consecratum, quia Senonensis Metropolitâ illum ordinare neglexerat, imo illius electioni certis de causis diu restiterat. Hic si forte quisquam de auctoritate dubitaverit memorati canonis 20. cau. 9. qu. 3., alia hæc*

Can. 20.  
cau. 9.  
qu. 3.

monumenta in illius vicem substituendo, eandem servatam fuisse colliget disciplinam apud alios Pontifices medix ætatis, exinde etiam capiet conjecturam, ut auctoritatem ejusdem canonis ad minus ancipitem, &, si non omnino certam, saltem verosimilem arbitretur.

## De epistola ad Hastulphum.

Can. 8.

can. 33.

q. 2.

Jam persuasum est viris eruditis, epistolam ad Hastulphum quandam, quam Stephano V. Papæ tribuit Gratianus in can. 8. cau. 33. qu. 2., nullo modo Stephano V. tribui potuisse; siquidem illa potius pertinet ad Paulinum Forojuliensem Episcopum, qui illam edidisse fertur in Synodo Francofordiensi anni 794. Revera Burchardus eundem canonem referens in lib. 6. decreti cap. 40. sub hac inscriptione voluit exarandum: *Epistola Paullini Forojulienfis Episcopi ad Heistulphum*. Sub hoc ipso titulo edita fuit apud Labbeum ad calcem memorati Francofordiensis Concilii, nimirum in tom. 9. pag. 108. Venetz editionis, quam Collector eruit ex Ms. codice Rhemenfi collato cum codice Burchardi. Adnotat autem Baluzius, dubium esse, non posse, quin ea sit vera, ac genuina epistolæ hujus inscriptio, cum diserta illius mentio extet apud Flodoardum lib. 3. historix Rhemenfis cap. 21. in commemoratione epistolarum ab Hincmaro Rhemenfi Archiepiscopo scriptarum. Verba Flodoardi hæc sunt: *Vulso Bituricensi Archiepiscopo, de his, qui consule uxores suas interficiunt, sententiam Paullini, quam sibi mitti petierat, scribens*. Fateor quidem apud Ivonem in parte 8. decreti cap. 126. eandem epistolam legi sub hoc nomine: *Stephanus V. Hastulpho*. At ex eo quidem deducitur, errare facile potuisse Gratianum, qui Ivonem ut plurimum sequebatur, non tamen colligitur ceteris Ivonis codicem antehabendum esse, quemadmodum nec antehabendus esset Pœnitentialis Romanus editus ab Antonio Augustino, in quo tit. 1. cap. 11. hæc ipsa epistola refertur sub nomine *Decreti Pii Papæ*. Quoniam vero & in Gratiani decreto, & in Pœnitentiali Antonii Augustini, & in decreto Ivonis, & in editione Conciliorum, & apud Burchardum varia est paullisper epistolæ editio, alias autem nimis operosum esset, huc singulas atque integras referre scripturas, tantum exarabo verba, quæ habentur apud Burchardum, sive quod antiquissima omnium videatur editio, sive quod mihi singula conferenti visa fuit ceteris accuratior, sive demum quod hodie Burchardi codices pene interierint, nec facile sit ad illos manum admovere; qui autem curiosius ceteras etiam editiones animadvertere voluerit, & comparare, commode id, quo proprio studio satisfaciatur, inveniet. Itaque his verbis apud Burchardum integra Paullini Forojulienfis Episcopi ad Heistulphum epistola exprimitur: *Admonere te cum lacrymis, & multo gemitu curo fili Heistulph, si tamen filius dici debeas, qui tam crudeliter infelix homicidium perpetrasti. Nam occidisti uxorem tuam partem corporis tui, legitimo tibi matrimonio sociatam hinc causa mortis, non tibi resistentem, non insidiantem quoquo modo vite tue. Non invenisti eam cum alio viro nefariam rem facientem, sed incitatus a diabolo, impio inflammatus furore, latrocinii more, atrocior, & crudelior omni bestia, eam gladio tuo inzeremisti. Et nunc post mortem ejus addis iniquitatem super iniquitatem filiorum tuorum, improbe prædo, qui matri non pepercisti, & filios tuos ideo orphanos fecisti, ut superinduceres mortis causam post mortem: & per unum homicidam, & reprobum resem*  
Incuſa-



incusare vis mortuam; hoc nec Evangelium, nec ulla divina humanaque lex concedit, ut unus testimonio etiam idoneo aliquis condemnetur, vel iustificetur: quanto magis per ipsum tam flagitiosum, & scelestum nec illa viva debuit condemnari, nec tu poteris post ejus mortem excusari? Prius causa criminis subtiliter erat investiganda, & nunc si rea fuisset inventa, secundum legis tramitem debuit excipere ultionis vindictam. Nam & si verum, quod absit, fuisset, sicut ille adulter mentitus est, post septem annos penitentia peccata dimittere eam per approbatam causam poteras, si voluisses, occidere eam nullatenus debuisti. Duo consilia proponimus tibi. Accepta tecum deliberatione duorum, elige magis, quod placeat, & misereve animæ tuæ. Et tu hic in isto angusto tempore positus, ne sis tu ipse tuimet homicida, & in aeternum pereas, relinque hoc malignum sæculum, quod te traxit ad tam immanissimum peccati facinus. Ingredere monasterium, humiliare sub manu Abbatis, & multorum fratrum precibus adjutus, observa cuncta simplici animo, quæ tibi ab Abbate fuerint imperata, si forte ignoret infinita Dei bonitas peccatis tuis. Illud consilium; ut certissime scias, levius, & salubrius est, ut sub alterius custodia luceas deservenda peccata. Secundum autem consilium tale est. Arma deponere, & cuncta secularia negotia dimitte. Carnem, & sagimen omnibus diebus vitæ tuæ non comedas, excepto uno die Resurrectionis Domini, & uno die Pentecostes, & uno die Natalis Domini, ceteris temporibus in pane, & aqua, & interdum leguminibus, & oleis paniteas, in jejuniis, in vigiliis, & in orationibus, & in elemosinis persevera omni tempore. Vinum, medonem, & mellitam cervisam nunquam bibas, nisi in illis prædictis tribus diebus. Uxorem ne ducas, concubinam non habeas, adulterium non facias, absque spe conjugii perpetuo permaneas. Nunquam te laves in balneo, equum non ascendas, causam tuam & alterius in conventu fidelium non agas, in conviviis lætantium nunquam sedear, in Ecclesia segregatus ab aliis Christianis post ostium humiliter stes, ingrediens, & egrediens orationibus suppliciter te commendes, communione Sacri Corporis, & Sanguinis Domini cunctis diebus vitæ tuæ indignum te existimes. In ultimo termino vitæ tuæ pro viatico, si observaveris consilium, ut accipias tibi concedimus. Sunt & alia multa duriora, quæ tibi juxta pondus tanti facinoris essent adjicienda, sed si hæc omnia, quæ supra misericorditer dicta sunt, perfello corde Deo auxiliante perfeceris; & custodieris, confidimus de immensa Dei clementia, remissionem tuorum peccatorum habiturum, & secundum boni justique Pastoris imperium, resolvās te Sanctæ Ecclesiæ ab hoc vinculo peccati in terris, ut per ipsum gratiam, qui eam suo sanguine redemerat, sis solutus in cælis. Sin autem aliter feceris, & Sanctæ Matris Ecclesiæ salubre consilium despexeris, ipse tibi sis judex, & in laqueo diaboli, quo irretitus teneris, maneat, sanguisque tuus sis super caput tuum: nos alieni a consorcio tuo, & sub indissolubili anathemate permaneat, donec Deo, & Sanctæ Ecclesiæ satisfacias.

## De Epistola ad Paullum Episcopum Placentinum.

Paullum Placentinæ Ecclesiæ Episcopum vixisse temporibus Stephani V. verosimile admodum est; scimus enim ad ipsum scriptam fuisse epistolam ab Iohanne VIII., quæ inter editas est numero 142., item scimus illum subscripsisse Concilio Pontigonensi anni 876. Num vero ad illum revera scripta epistola fuerit, cujus fragmentum refertur in can. 2. cau. 35. qu. 9. non satis compertum est; cum inter editas Stephani epistolas nullibi integra habeatur. At quoniam nihil in eo canone fere continetur, quod non excerptum sit ex epistolis Gregorii Magni,

quemadmodum jam Romani Correctores animadverterunt, ita satis erit huc illa referre, quæ apud eundem Gregorium exhibentur, nimirum in lib. 7. Regelli epist. 13. & 28. indiç. 1. Ait Gregorius initio epist. 13. ad Candidum Abbatem S. Andreæ. *Sicut loci nostri consideratis providere nos admonet, ut monasteriorum negotia pacis intentio salubri fine distinguat, sic iterum ratione constringimur, consensus nostri auctoritate, quæ utiliter decisa fuerint, roborare, ne forte cujuscunque excusationis obtentu, quod a religioso proposito, & equitate valde dissentit, aliquid in dubium contentio recidiva perducatur, & gignat ex pace litigium &c.* Et in epistola 28. ad Johannem Episcopum Syracusanum: *Ecclesiastici vigoris ordo confunditur, si aut semere illicita presumantur, aut impune non concessa sententur &c.*

## De epistola ad Stylianum, aliosque Episcopos.

Can. 10.  
de conf.  
dist. 5.

Ivo Carnotensis, quæ Gratianus tradit in canone 10. dist. 5. de consecr., refert etiam in suo Decreto parte 1. cap. 114. sub hac inscriptione: *Stephanus V. Styliano Archiepiscopo.* Item in parte 2. cap. 91. *Stephanus I. papa Styliano, Anastasio, Eusebio, Johanni, Paulo Episcopis, &c.* nem utrobique his verbis monumentum exaravit: *Numquid non omnia charismata sacerdotalis ministerii crucis figura perficiuntur? Numquidne baptismatis unda, nisi cruce sanctificata, peccata relaxat? Et ut cetera prætereamus, sine crucis signaculo quis sacerdotii gradus ascendit? Siquis Ivonis codicem Gratiano velut recentiori præferendum velit, poterit interea Gratiani canonem ex Ivonis canone emendare. Ceterum uterque canon sive Ivonis, sive Gratiani paullisper ab ipsa Stephani epistola dissonat. Fuit Stylianus temporibus Stephani V. Neocæsareæ Euphratesis Provinciæ Metropoli, qui interfuit Concilio Constantinopolitano IV. anno circiter 870. Ejus extant epistolæ ad Stephanum Pontificem missæ, quibus precatur, ut quidem adversus Photium Orientalis Ecclesiæ turbatorem ex canonum censura agatur, clementius tamen recipiantur ii, qui olim a Photio decepti fuerant, deinde vero a schismate recedentes, unitatis Ecclesiæ servandæ studio excitabantur. Ad ipsum, & plures alios Episcopos Orientales, quales fuerunt Anastasius, Eusebius, Johannes, & Paulus ab Ivone laudati, rescriptit Stephanus, cujus epistola duplici refertur editione, primo inter monumenta Stephani Papæ numero 2. in recentiore Labbeana collectione, secundo ad calcem actorum Concilii Constantinopolitani 4. ex græco in latinum traducta. Ad hanc epistolam, quæ caussam Photii respicit, memoratus Gratiani canon pertinet, atque ex eadem erit emendandus. Vulgaris epistolæ editio ita habet. *Nec igitur mirum, si Photium satis exosum ab Ecclesia damnatum ejecistis, qui salutiferam Dementi Crucem ita deliquit, per quam videlicet venerandam Crucem omnia dona sacerdotalis ministerii perficiuntur, & sancti baptismatis lavacrum sanctificatur. Prædidus itaque Photius laicus homo, si regiam viam ambulasset, & decretis Sanctorum Patrum inhaesisset, ad tantam insaniam nunquam devenisset. Quapropter qui Christi humilitatem, venerandam scilicet crucem contemnunt, percussi sunt tanquam primogenita Aegypti, tunc enim Israelitarum primogeniti, cum essent signati, servati sunt, ac custoditi. Quid vero erat ille sanguis agni in limine Israelitarum, nisi crux Passionis Christi, quæ in frontibus fidelium imprimitur? Quicumque igitur salutarem crucem parvipendit, Evangelico ense interimitur. Consonat his altera editio, nimirum Græca, quæ ita latine reddi-**

redditur: Quare mirandum non est, si satis invisum ab Ecclesia Photium ejecitis; qui ipsam quoque vivificam crucem, per quam omnia sacra sacerdotii ministeria peragantur, a qua ipse fons sacri baptismatis sanitatem accipit, ludificatus est. Si ergo is, quem modo dixi, laicus Photius viam regiam institisset, & a Patrum decrevis & sanctionibus non recessisset, nunquam in tantam insaniam incidisset. Hinc illi, qui humilitatem Christi, hoc est, venerandam ejus crucem irriserunt, non secus ac primogenita Aegypti percussi sunt. Tunc quidquid Israelis signatum erat, salvum fuit. Quid enim sanguis agni in Israelitarum possibus erat aliud, quam crux patientis Christi, qua credentium frontes insigniuntur? Qui ego salutarem crucem contemnis, Evangelico gladio mactatur.

## CAPUT LXXX.

## De Leone VIII.

Miror, Gratianum laudavisse Leonem VIII., qui passim e numero Pontificum Maximorum expungitur, atque inter invasores Apostolicæ Sedis recensetur. Tolerabilius tamen est, unicum tantum sub ejusdem nomine monumentum fuisse descriptum: nimirum

*Can. 23. dist. 63. incertæ prorsus filiei, nec probatæ auctoritatis.*

Nemo ignorat, quantum turbata fuerit Romana Ecclesia electo in Pontificem circa annum 956. Johanne XII., cujus mores improbi, quemadmodum historici universi fatentur, & non servata erga Imperatorem Ottonem fides, diro schismati occasionem dederunt, eo usque, ut celebrata Episcoporum plurium Synodo in Urbe Roma, quo ipse Imperator accesserat, Johannes, qui metu fugam arripuerat, dignus declararetur, qui esset Pontificatu privandus, imo repente dejiceretur, substituto in ejus locum Leone, qui dictus fuit octavus. Ejus Synodi gesta passim improbantur, quamobrem consulere quisque poterit Natalem Alexandrum in differrat. 16. sæculi 9. & 10. quæst. unica. Sed diu non consistit Leonis Pontificatus; nam evehus ad illum anno 963., quo celebratum Concilium fuit, initio fere sequentis anni 964. in alia Romana Synodo auctoritate Johannis convocata, depositus fuit, gelis omnibus præcedentis Synodi omnino cassatis. Post breve temporis spatium vita functo Johanne novum schisma emerfit; nam in locum defuncti electus illico fuit a Romano Clero, ac Populo Benedictus V., rursus vero in medium prodiit Leo VIII. Benedicti electioni refragatus, qui consentiente Ottone Imperatore anno 964. aliam Romæ Synodum congregavit, sibi que ejusdem Benedicto, & in exilium pulso Pontificiam Sedem asseruit. Ad postremam hanc Synodum vulgo referunt constitutionem illam, quæ habetur in can. 23. dist. 63. Sed in primis statim adparet, quænam esse debeat ejusdem constitutionis auctoritas, si tamen illa germanum illius Synodi appellanda sit monumentum. Quæ enim esse pote-

poterat ejus legis auctoritas, quæ ab invalore Sedis Apostolicæ per vim, & metum adductis in Pseudo-Synodo Episcopis edita proponitur? His accedit non certo constare, eandem constitutionem in Synodo editam fuisse; imo plurimi ex eruditis scriptoribus asseruerunt, & gravissimis argumentis demonstrarunt, illam a recentiore quodam conscriptam fuisse, & Leoni tributam. Ego sane video datam Leoni occasionem, ut illa constituenda curaret, quæ in memorato canone leguntur. Cum enim ipse jactatus crebro fuerit, modo in Summum evedus Pontificatum, modo vexatus, & pressus; atque in sui tutelam Imperatoriam Ottonis auctoritatem vocavisset, quam facile obtinuit ob exasperatum Imperatoris animum adversus Johannem XII., nihil sibi utilius fore censuit, quam mulcere Ottonis voluntatem, eidem concedendo jus eligendi, ordinandique Pontificem Maximum; ea enim ratione suam electionem in primis certiore redderat, utpotequæ jamdudum facta fuerat consentiente Imperatore; deinde magis ac magis sibi videbatur conciliare Principis gratiam, qua adjuvante tuto Sedem Pontificiam occuparet. Licet vero facilis esse potuerit ita constituendi occasio, non inde tamen concluditur, captam occasionem fuisse, & revera editam illam constitutionem. Sunt enim gravia argumenta, quibus ista apocrypha censeatur, & recentiore manu conscripta. Non est cur eadem a me in præsentia adferantur, cum tritissima sint apud omnes fere scriptores historicos, inter quos unum laudo Cardinalem Baronium, quem facile consulere quisque poterit. Tantum dixerò, eos, qui pro ea constitutione pugnant, potissimum uti auctoritate Luitprandi, testis sane alias idonei, utpote qui Romanæ Synodo eidem interfuit. Verum in primis Luitprandi fides plurimis est suspecta, utpote qui curabat Ottonis Imperatoris gratiam sibi captare, proindeque assentionibus, consiliisque singularibus juribus potuit Principi velificari, deinde jam persuasum viris eruditissimis est, Luitprandi opera hodie ita esse confarcinata, ut aut libelli aliena manu & recentiore conscripti sub Luitprandi nomine cum ceteris Luitprandi libris emerferint; aut ipsimet Luitprandi libri additamentis recentiorum depravati fuerint, unde propterea nullum verum gestarum firum argumentum deduci ab aliquo possit.



## De Leone IX.

Omissis quamplurimis Pontificibus decimi, & undecimi sæculi, quorum nulla sunt apud Gratianum, vix etiam apud ceteros Collectores quædam existunt, monumenta, gradum facio ad Leonem IX., cujus nomine canones inferius subiecti recensentur.

Ex epist. ad Michaelem Episcopum Constantinopolitanum. { *Can. 3. dist. 12. partim Leoni IX., partim Nicolao I. adscribendus.*

Ex dictis contra epistolam Nicetæ Abbatis. { *Can. 3. dist. 16. {tribuendi potius Humberto Sylvæ Candidæ  
Can. 11. dist. 31. {Episcopo, & ad integros Codices exigendi.  
Can. 14. dist. 32.*

Adicitur { *Can. 55. de cons. dist. 1. incertæ auctoritatis, consonat autem cum Concilio Toletano VI. annis 653.*

**A**Nno 1049. ad Sedem Apostolicam vocatus est vir vere Apostolicus Leo IX., cujus inignis pietas, ac religio in Deum potissimum eo sæculo emicuit, quod corrupti admodum essent (lucens dico, quod & lugentes etiam Scriptores Ecclesiastici referunt) Clericorum fere omnium mores, quibus propterea reformandis opportuna erat providi piissimique Pontificis vigilantia. Si bella, & clades Romanum Imperium universum, præsertim Italiam, turbabant, ipse vir pacificus Leo animos componere studuit, Simoniacorum vitia compescuit, recentiores Nicolaitas damnavit, aut in meliorem frugem reduxit, sublevandis pauperibus misericors, optimum præbens in omnibus humilitatis, & christianæ charitatis exemplum, dignissimus, ut paucis omnia complectar, Universæ Ecclesiæ Pastor, cujus sollicitudinis fructus uberior extitisset, si diutius Pontificatum Maximum administrasset; verum brevi tempore, & vix quinquennio elapso post adeptam dignitatem obiit, anno scilicet 1054. Quæ nunc ex Gratiano expendam, ejusdem Sancti Pontificis virtutes aliqua in parte exhibebunt.

De Epistola ad Michaelem Episcopum Constantinopolitanum.

Veteres contentiones Constantinopolitanæ Ecclesiæ adversus Romanam, quæ plurimorum Patriarcharum Constantinopolitanorum ambitus vehementissime contabatur, eo etiam acriores emerferant temporibus Leonis, quum Michael Cerularius

*Can. 1. dist. 12.*

rius Constantinopolitanus Antistites Romanæ Ecclesiæ mores, disciplinam, imo & ipsam Romanam Ecclesiam improbis conviciis laceravit, aliosque etiam in perfidiam suam attraxit, quos inter fuit Leo quidam Acridianus Archiepiscopus, & Bulgarorum Ecclesiæ Primas. Opponebant adversus Romanam Ecclesiam, quod Sacra Eucharistia in azymo conficeretur apud Latinos, quasi id esset adversus Christi Domini institutionem, & exemplum, unde ludibrio quodam Romanos *azymitas* vocabant. His accesserat præcipuus orientalium scopus; etenim Michael se universalem Ecclesiæ totius Patriarcham dicere non verebatur: omitto quæ de Spiritus Sancti processione a Patre, & Filio adhuc disputabant, aut qua ratione Latinos Sacerdotes quasi Hæreticos a suis Provinciis exclusissent, & templa, monasteriave Latinorum, quasi superstitionis delubra, & hæreticorum conventus clausissent. Leo Pontifex Maximus studiosissimus pacis, atque unionis inter utramque Ecclesiam nihil curavit sollicitus, quam ut tandem aliquando Patriarcham Constantinopolitanum ad fidei, & animorum unitatem adduceret, una cum iis, qui Patriarchæ eidem adversus Romanos ad hæserant. Fuit quidem sine fructu quæcumque sollicitudo; interea tamen non omisit Sanctus Pontifex schismaticos per epistolam admonere blandis æque, ac vividis rationibus, quemadmodum inter cetera liquet ex epistola 1., quæ incipit *In terra pax* distributa in capita 41. quasi libellus. Scripta eadem fuit ad Michaellem Constantinopolitanum Patriarcham, nec non ad Leonem Acridianum apud Bulgaros Metropolitanam Michaeli adhærentem: ibidem plurima tradita sunt de custodienda Ecclesiarum pace, atque unitate, plurima etiam de obedientia erga Romanam Ecclesiam, veluti ceterarum omnium matrem; plurima de azymorum consecratione; atque ubi eo ventum est, ut de disciplinæ capitibus differeretur, quæ, salva unitate fidei, varia esse in variis provinciis possunt, ut quemadmodum etiam in latinis provinciis non rejiciebatur usus Græcorum in fermentato consecrantium, ita rejiciendus non esset apud Græcos Latinorum usus in azymo consecrantium, subjicit Leo IX. in cap. 29. *Omnes Latinorum basilicas penes vos clausistis, monachis Monasteria & Abbatibus tulistis, donec vestris viverent institutis. Ecce in hac parte Romana Ecclesia quanto discretior, moderatior, & clementior vobis est? Siquidem cum intra, & extra Romam plurima Græcorum reperiantur monasteria, sive Ecclesiæ, nullum eorum adhuc perturbatur, vel prohibetur a paternæ traditione, sive sua consuetudine, quin potius suadetur, & admonetur eam observare. Nec enim animositate impie hæreseos habet, quæ semper divisione gaudet, dicens per patricidam meretricem: nec mihi, nec tibi sit, sed dividatur: sed pietate vere matris sic Salomonem deprecatur: obsecro, Domine, date huic infantem vivum, & nolite interficere eum. Scit namque, quia nil obsunt salutis credentium diversæ pro loco & tempore consuetudines, quando una fides per dilectionem operans bona, quæ potest, uni Deo commendat omnes. Idipsum fere antea scripserat, in dissimili tamen causâ, Nicolaus I. ad Photium Constantinopolitanum in epist. in recentioribus collectionibus 6., quæ incipit *Postquam B. Petrus*: cum enim Nicolaus Photium objurgasset, quod repente ex Laico factus esset Episcopus, Photius vero quendam consuetudinis speciem in contrarium opposuisset, ait Nicolaus: *De consuetudinibus quidem, quas nobis opponere vixi estis, scribentes per diversas Ecclesias diversas esse consuetudines, si illis canonica non obstitit auctoritas, pro qua eis obviare debeamus, nil iudicamus, vel eis resistimus: tamen cavere volumus, ne hæc vestra consuetudo, quæ omnium Sanctorum Patrum promulgatione convincitur, ut ex Laico non subito ordinetur Episcopus, vires accipiat, aut in vestra Ecclesia magis pullum**

*pullulet, operam dare minime cessamus.* Ex his duabus epistolis sive Leonis, sive Nicolai depromptus est Gratianus canon 3. dist. 12., quemadmodum jam animadvertenter Romani Correctores, qui olim in vetustis editionibus tribuebatur Nicolao Pontifici ad Michaellem Imperatorem scribenti. Ex iis autem, quæ huc usque perspicue tradita sunt, facile unusquisque poterit eundem canonem interpretari.

## De dictis contra epistolam Nicetæ Abbatis.

Quæ sub nomine Leonis IX. scribentis adversus epistolam Nicetæ Abbatis apud Gratianum exhibentur, hodie jam manifesto constat falso fuisse adscripta Leoni, sed fuisse potius Humberto Sylvæ Candidæ Archiepiscopo, ejusdemque Leonis apud Græcos Constantinopolitanos Legato adscribenda. Fervebat tunc, uti superius prænotatum est, æstuans Græcorum ambitio adversus Romanam Ecclesiam. Duce Michaelæ Cæsarario, quo tempore Nicetas quidam Peñoratus Monachus, Presbyter Constantinopolitanæ Ecclesiæ, scripto proposuit, quidquid contra Romanos Græci omnes opponerent, potissimum vero asseruit, perperam Romanos in azymo consecrare, perperam etiam jejunare Sabbato, perperam demum Sacerdotum conjugia improbare; laudans viceversa Græcos, quod fermentato uterentur in Eucharistia conficienda, a Sabbati jejuniis averterent, ac venerabiles in ipsis etiam Sacerdotibus nuptias agnoscerent; curavit autem in his omnibus demonstrare consentaneam Græcorum disciplinam vetustis Patrum Sanctissimorum sanctionibus, quemadmodum ab his difformem consuetudinem Latinorum. Operæpretium fuit adversus Nicetæ libros Pontificios Legatos Constantinopolim missos insurgere, ac emendicatis Græcorum argumentis respondere. Hanc provinciam amplexus est Legatus Humbertus Sylvæ Candidæ Episcopus, & brevi quidem, sed acri libello Nicetam compefcuit, eo usque, ut Nicetas idem (si fides est habenda actis illis, quæ describuntur apud Labbeum in tom. 11. Venetæ editionis pag. 1360.) quod scripserat ejurasset, sui que erroris consortes anathemate conficere non dubitasset. Ad eum itaque Humberti librum pertinet in primis canon 3. dist. 16., cujus integram sententiam juvabit excutere, ne forte cuiquam videatur Humbertus (quæ-  
Can. 3.  
dist. 16.

liscumque tandem disputantis habenda sit auctoritas) ex canonibus illis, qui vulgo Apostolici appellantur, saltem quinquaginta recepisse, suoque suffragio comprobasse. Integra Humberti verba hæc sunt: *Hinc videamus, si non estis Sabbatiani, quos commemorant Patres sanctæ quintæ Synodi. Reprehendens enim nos, cur jejunemus Sabbatis, dicitis: quarta & sexta feria jugiter jejunandum, una propter traditionem, altera propter passionem Domini, Sabbato autem nunquam nisi uno. Et hoc asserere canas ex apocryphis libris, & canonibus pari sententia sanctorum Patrum repudiatis. Nam Clementis liber, idest itinerarium Petri Apostoli, & Canones Apostolorum numerantur inter apocrypha, exceptis capitulis quinquaginta, quæ decreverunt regulis Orthodoxis adjungenda; unde nos quoque omne apocryphon abjicientes dedignamur audire eorum fabulosas traditiones, quia non sunt, ut lex Domini. Hinc sane liquet Nicenam Peñoratum Romanos accusavisse, quod Sabbato jejunarent, atque ut demonstraret id adversus sacros vetustissimos canones fieri, in medium protulisse canonem 65. ex vulgo Apostolicis ita conceptum: Siquis dominicum diem,*

aut sabbatum, uno solo demisso, jejunare deprehendatur, deponitor, fin Laicus, communi-  
one ejicitor. Quid aliud in contrarium reponendum erat ab Humberto, quam  
monumentum illud, quod tamquam Græcorum Achillem objiciebat Nicetas, apocry-  
phum esse, uti ceteri apocryphi dicebantur canones, qui quinquaginta Aposto-  
licis adjecti fuerant? Neque dicas, Humbertum priores canones quinquaginta pro-  
basse, dum eos voluit excipiendos, quando posteriores improbavit; etenim non  
ideo priores quinquaginta excepit Humbertus, quod dissimilem esse crederet  
causam, & originem illorum, sed quod in proposito parum intererat veritatem  
quinquaginta priorum canonum investigare. Non ignorabat vir prudens, apud  
Græcos passim quinquaginta priores Apostolicos canones passim receptos fuisse,  
præsertim in Synodo Trullana, posteriorum autem auctoritatem firmam non  
fuisse apud illos. Non erat ergo opportunum de omnibus canonibus rejiciendis  
disputare, quando satis erat Humberto aliquos rejici apud Græcos, atque illos  
rejici, qui negotium adversus Romanos facessere videbantur. Quinquaginta cano-  
nes excipiendos dixit, quasi de illis nulla proponenda quæstio foret; eos qui ex-  
cedebant numerum quinquaginta, inter quos erat canon de interdicto jejunio  
Sabbati, voluit rejiciendos; idipsum sane & de præcedentibus quinquaginta dictu-  
rus, si ex istorum auctoritate quæstio dirimenda emerisset. Revera in fine ejus-  
dem libelli, ubi Humbertus idem contra Nicetam opponentem canones 5. & 39.  
ex Apostolicis, probat vetitam esse Sacerdotibus conjugii usum, generaliter ad-  
struit non esse apocryphis monumentis pugnandum, sed germanis veterum Pa-  
trum doctrinis, quod idem erat ac dicere, canonem 5. & 39. ex vulgo Aposto-  
licis, falso Apostolis fuisse tributos.

Ad eundem Humberti sermonem pertinent canon 11. dist. 31., & canon 14.  
dist. 32., quorum verba consonant cum integris libelli exemplaribus. Ibidem,  
ut liquet, totus est Humbertus, ut probandam suadeat disciplinam Romanorum,  
qui conjugiorum usu Sacerdotibus interdicit, quin tamen id adversetur Sancti  
Pauli doctrinæ, aut quidquam honori conjugii detrahatur.

### De can. 55. de conf. dist. 1.

Sub nomine Leonis IX. refertur apud Gratianum canon. 55. de conf. dist. 1.,  
qui tamen in monumentis illius nomine editis non reperitur. Quid ergo? Inter  
incerta ejusdem Pontificis acta recensendus erit, donec res ipsa in nitidiore lu-  
mine collocetur. Non omitam tamen indicare, similia nonnulla legi in Concilio  
Toletano 6. anni 633. cap. 11. his verbis: *Item cognovimus, quosdam Hispanie*  
*Sacerdotes, qui in Quadragesimæ diebus alleluja decantant, præter in ultima hebdo-*  
*mada Paschæ, quod deinceps interdiximus fieri, stauentes, ut in omnibus prædictis*  
*Quadragesimæ diebus, quia tempus est non gaudii, sed mæroris, alleluja non decan-*  
*teur: tunc enim opus est fletibus, ac jejuniis insistere, corpus cilicio, & cinere in-*  
*duere, animum mæroribus deicere, gaudium in tristitia vertere; quousque veniat*  
*tempus Resurrectionis Christi, quando oportet alleluja in lætitia canere, & mærorem*  
*in gaudium commutare; hoc enim Ecclesiæ universalis consensio in cunctis terrarum*  
*partibus roboravit; quod & a nobis omnibus, ut conservetur per Hispanias, Gallias-*  
*que Provincias oportebit. In temporibus quoque reliquis, idest, Kalendis Januariis,*  
*quæ*



quæ propter errorem gentilitatis aguntur, omnino alleluja non decantetur. In quibus etiam præter piscem, & olus, sicuti in aliis quadraginta diebus a ceteris carnibus abstinetur, & a quibusdam nec vinum bibitur. Siquis igitur Episcopus, aut Presbyter, aut Diaconus, aut quilibet ex ordine Clericorum fuerit repertus, qui arbitrium suum huic constitutioni æstimes præferendum, ordinis sui officio cavere cogatur, & a communione ejusdem Paschæ privetur. His addi potest recentior constitutio anni 817. edita in Capitulari Aquigranensi sub Ludovico Pio Imperatore cap. 30. ibi: *Ut alleluja in Septuagesima dimittatur.*

## CAPUT LXXXII.

## De Nicolao II.

Omissio Victore II., nec non Stephano IX., utpote quorum nulla apud Gratianum extant Decreta, progredior ad illorum Successorem Nicolaum II., quem in sequentium canonum inscriptionibus laudavit Gratianus.

Omnes ex actis Concilii Romani.	{	Can. 1. dist. 23.	{	<i>Simul juncti, &amp; ad varios Co- dices, ac monumenta exigendi.</i>
		Can. 5. dist. 32.		
		Can. 1. dist. 79.		
		Can. 9. dist. 79.		
		Can. 107. cau. 1. qu. 1.		
		Can. 109. cau. 1. qu. 1.		
		Can. 110. cau. 1. qu. 1.		
		Can. 3. cau. 16. qu. 2.		
		Can. 17. cau. 35. qu. 2.		

**N**ON diu vixit in Romano Pontificatu Nicolaus II., qui electus prope finem anni 1058., obiit anno 1061., brevi tamen eo tempore plurima Ecclesiæ utilia edidit, præsertim in Lateranensi Concilio anni 1059., licet Italicorum Ecclesiæ fere omnes, Romana ipsa præ ceteris, turbarentur. Initio Pontificatus sui æmulum quendam dignitatis intueri debuit Sedis Apostolicæ invasorem Benedicturn, quem tamen deinde dejecit. In finitimis Ecclesiis, seu Diocæsesibus ac Provinciis renovatas agnovit veteres Simoniacorum, & Nicolaitarum hæreses, præcipue in Ecclesia Mediolanensi, quemadmodum jam superius observandum fuit ad canonem 1. dist. 22., quem falso dixi fuisse Nicolao I. adscriptum; illinc enim constat maxime fuisse laborandum Nicolao II., ut Mediolanenses germanam canonum disciplinam, quam jamdiu abjecerant, reciperent, & Romanæ Ecclesiæ doctrinam sequerentur, curante inter ceteros Petro Damiani ejusdem Nicolai II. Legato. Sed iterum fructum ingentem de suis laboribus retulit in hac etiam parte Nicolaus; nam & Simoniacorum, & Nicolaitarum veteres damnavit traditiones, obicemque perpetuum posuit, canonibus latè editisque, ne iterum similia dogmata reviviscerent. Ejus Pontificis solertem industriam exhi-

bent monumenta nonnulla, quæ pertinent ad Concilium Lateranense, sive Romanum memoratum anni 1059., cujus acta integra interierunt quidem, nonnulla tamen ad illud spectantia remanserunt. Numerus Episcoporum & convenientium quantus fuerit, incertum admodum est propter Codicum varietatem, cum in aliquibus legamus centum, & tresdecim convenisse Episcopos, alicubi tantummodo tres supra sexaginta. Videatur in hanc rem Mansius in tom. 1. Supplementi Labbeani, ubi duplicem subscribentium Episcoporum catalogum texuit, una cum ejusdem animadversionibus. Ceterum liquet eam Synodum celeberrimam fuisse, sive quod in illa de rebus gravissimis agendum erat, potissimum de stabilienda electionis Romani Pontificis disciplina, in qua sane electione plurima identidem schismata improborum quorundam hominum factionibus suboriebantur, sive quod agendum erat de damnandis hæresibus Nicolaitarum, & Simoniacorum, quæ tunc universam Italiani miserandum in modum occupaverant. Eam ob rem nullo opportuniore remedio indigebant res Ecclesiasticæ, quam eo, quod universonum, aut plurimorum saltem Italici Episcoporum auctoritate, ac sollicitudine pararetur. In Labbeana postrema collectione, in quam sane vetustiorum lacinia relatæ sunt, hæc habentur velut Synodum ipsam spectantia. In primis epistola Nicolai II. sub hac inscriptione: *Nicolaus Episcopus servus servorum Dei omnibus Episcopis Catholicis, cunctoque Clero, & Populo salutem carissimam, & Apostolicam benedictionem.* Distribuitur ista in capita 13., quibus adjungitur decretum quoddam, quod adversus Simoniacos in eadem Synodo editum dicitur. Subsequitur deinde iurjurandum Berengarii Andegavensis Diaconi, quo primum hæresim suam dicitur ejurasse. Adjunctæ fuerunt tres epistolæ apud Martenium olim editæ, quarum prima dicitur Hugonis Episcopi Trecentis ad Bartholomeum Episcopum Turonensem, secunda Hugonis Nivernensis Episcopi ad eundem; tertia Walterii Episcopi Meldensis ad eundem. Demum ex Severino Binio tenor constitutionis adversus Simoniacos in Concilio editæ, qua etiam consuleretur electioni rite celebrandæ Pontificis Maximi, describitur; atque ad hæc omnia acta referenda quoque videtur epistola Nicolai II. apud Labbeum VIII. ex Sirmondi Apographo edita, scriptaque ad Episcopos Galliarum, Aquitaniarum, & Vasconiarum, in qua Episcopos illos certiores reddit Nicolaus de iis, quæ ad firmitatem disciplinæ Ecclesiasticæ fuerant recens in Romana Synodo constituta. Canones Romani Concilii ejusdem edidit præterea Mansius in tom. 1. Supplementi Labbeani pag. 1333., quasi eos, quos Nicolaus II. misit custodiendos ad Clericos Amalphitanæ Dioceseos, plurimum sane consonantes cum iis, qui describuntur in memorata epistola Labbeana; & vix eo intercedente discrimine, quod Labbeana epistola scripta videtur ad omnes Episcopos, quemadmodum ex nuper edita inscriptione demonstratur, at Epistola Mansii eruta, ut ipse ait, ex vetere Codice Pistoriensi, hanc habet inscriptionem. *Nicolaus Episcopus servus servorum Dei omnibus Episcopis Amalphitane Ecclesiæ suffraganeis, cunctoque Clero, & Populo salutem carissimam, & Apostolicam benedictionem.* Hæc omnia monumenta in variis quidem reperta codicibus invicem consonant, nisi forte verborum, ac formularum, quibus exprimuntur, discrimina velis investigare; quamobrem facile concludere poterimus, eorundem singulorum sententis pro germanis habendas esse, quamquam in varia illarum descriptione nonnihil dandum sit, atque indulgendum scriptoribus illius ætatis, qui dummodo gesta compilarent sine fraude, parum solliciti fuerunt in descriptione verborum.

Neque

Neque vero inutile est omnia isthæc monumenta recensuisse, cum ad eadem facile Gratiani canones Nicolao II. tributū redigantur. Nam Gratianus canones Nicolai II. modo ita laudavit, quasi erutos ex *epistola unica*, modo quasi editos ex *epistola ad Amalphytanæ Ecclesiæ suffraganeos*, modo quasi ex *Concilio Lateranensi*, modo demum sine ulla adjectione *epistolæ*, vel *Concilii*. Ceterum quæcumque inscriptio fuerit, non aliud designatur apud Gratianum, quam acta Concilii Romani; cum *epistola illa unica* sit eadem cum illa, quam Labbeus edidit, ad omnes Episcopos scripta, ut consilii redderentur canonum in Romano Concilio editorum, quæ sane eadem esse videtur cum *epistola ad Amalphytanos*, quam ex Pistoriensi Codice edidit Mansius.

Ejus Concilii, ut patet, integrum decretum exarare voluit Gratianus in can. 1. dist. 23., quod etiam retulit Binius, animadvertens ex Baronio ad annum 1059. fuisse a Schismaticis depravatum. Hinc operæ pretium erit, canonem illum conjungere cum canone 1. & 9. dist. 79., qui videntur esse deprompti ex memorata *epistola ad Episcopos omnes apud Labbeum*, cujus exordium hoc est: *Vigilantia universalis regiminis assiduam sollicitudinem omnibus debentes, saluti quoque vestræ providentes, quæ in Romana Synodo nuper celebrata, coram centum tredecim Episcopis, nobis licet immeritis præsentibus, sunt canonice constituta, vobis notificare curamus; quia ad salutem vestram executores eorum nos esse optamus, & Apostolica auctoritate jubendo mandamus. Primo namque, inspectore Deo, est statutum, ut electio Romani Pontificis in potestate Cardinalium Episcoporum sit, ita, ut si quis Apostolicæ Sedi sine præmissa concordia, & canonica electione eorum, ac deinde sequentium ordinum religiosorum, Clericorum, & Laicorum consensu intronizatur, is non Papa vel Apostolicus, sed Apostolicus habeatur. Paulo aliter in editione Mansi in epistola superius memorata his verbis: Vigilantia universalis regiminis assiduam sollicitudinem omnibus debentes, salutis quoque vestræ causa prærogativæ dilectionis carissimi consuetis nostri Archiepiscopi vestri specialiter providentes, quæ in Romana Synodo nuper celebrata coram 113. Episcopis, nobis licet immeritis præsentibus, sunt canonice instituta, vobis notificare curamus, quia ad salutem vestram executores eorum vos esse optamus, & Apostolica auctoritate jubendo mandamus. Primo namque inspectore Deo est statutum, ut si quis Apostolicæ Sedi sine concordia, & canonica electione, ac benedictione Cardinalium Episcoporum, ac deinde sequentium ordinum religiosorum Clericorum, intronizatur, non Papa, vel Apostolicus habeatur. Ex his emendandi erunt Gratiani canones, nimirum nihil aliud pro germano Nicolai monumento in memoratis canonibus habendum est, quoniam de depravatione Codicum constat, quam quod cum hujusmodi Nicolai epistolis consonare penitus videatur.*

Ad idem Concilium Nicolai pertinet can. 5. dist. 32., nam in capite 3. memoratæ *epistolæ apud Labbeum* ita legitur: *Ut nullus Missam audiat Presbyteri, quem scit concubinam indubitanter habere, aut subintroductam mulierem. Unde etiam ipsa sancta Synodus (Mansius in Pistoriensi ejusdem epistolæ exemplari legit: Unde ipsa prima Synodus) hoc Capitulum sub excommunicatione statuit dicens: Quicumque Sacerdotum, Diaconorum, Subdiaconorum post constitutum B. memoriæ prædecessoris nostri Sanctissimi Papæ Leonis de castitate Clericorum concubinam palam duxerit (Mansius ex Pistoriensi Codice omissa voce palam legit concubinam duxerit) vel ductam non reliquerit, ex parte Omnipotentis Dei, auctoritate Beatorum Apostolorum Petri, & Pauli præcipimus, & omnino contradicimus, ut Missam non cantet, nec Evangelium,*

vel

Can. 1.  
dist. 23.  
can. 1. &  
9. dist.  
79.

Can. 5.  
dist. 32.  
can. 1.  
can. 16.  
q. 2.

vel Epistolam ac (Manfius legit ad) Missam legat, neque in Presbyterio ad divina Officia cum iis, qui præfate constitutioni obedientes fuerint, maneant, neque partem ab Ecclesia suscipiant, quousque a nobis sententia super hujusmodi Domino concedente procedat. Et præcipientes statuimus, ut ii prædicatorum ordinum, qui eidem prædecessori nostro obedientes castitatem servaverunt, juxta Ecclesias, quibus ordinati sunt, sicut oportet religiosos Clericos, simul manducent, & dormiant, & quidquid eis ab Ecclesiis venit (Manfius ab Ecclesiis competit), communiter habeant, & rogantes monemus, ut ad Apostolicam, communem scilicet, vitam summo opere pervenire studeant (addit hic Manfius hæc verba, quæ in Labbeano exemplari omittuntur: Quatenus perfectionem consecuti cum his, qui centesimo distant, in celesti patria mereantur adscribi.) Deinde, ut decima, & primitiæ seu oblationes vivorum, & mortuorum Ecclesiis Dei fideliter reddantur a Laicis, & ut in dispositione Episcoporum sint, (addit Manfius secundum canones distribuendæ), quas qui retinuerint, a Sanctæ Ecclesiæ gremio separantur. His videtur integre expositus non tam canon 3. dist. 32., in quo nonnulla Gratianus omittenda censuit, eadem propemodum sub nomine Alexandri II. in sequenti canone descripturus, quam canon 3. cau. 16. quæ 2., ad quem postrema nuper descripta verba pertinent. Similia etiam leguntur in epistola Nicolai apud Labbeum 8. ad Episcopos Galliarum, Aquitaniarum, & Vasconiarum, ibi: Anno Dominicæ Incarnationis 1059. anno Pontificatus nostri primo, indictione 12. Romana Urbe in Basilica Sancti Salvatoris, quæ appellatur Constantiniana, Sanctam celebrantes Synodum, a Sanctis Patribus, videlicet 113. Episcopis, exceptis Abbatibus, & Clericis religiosis, ac Laicis celebratam de statu Ecclesiæ Sanctæ ad communem utilitatem, Deo propitio, canonicè disposuimus. Inter cetera de Nicolaitarum hæresi, idest de conjugatis Presbyteris, Diaconibus, & omnibus in clero constitutis, ab omni Concilio statutum est, & corroboratum ita: Quicumque sacerdotum, diaconorum, & subdiaconorum, post constitutum beatæ memoriæ prædecessoris nostri Sanctissimi Leonis Papæ de castitate Clericorum, concubinam palam duxit, vel duxit non reliquit, ex parte Omnipotentis Dei auctoritate Beatorum Apostolorum Petri, & Pauli, præcipimus, & omnino contradicimus, ut missam non cantent, neque Evangelium pronancient, neque epistolam ad missam legant, neque in presbyterio ad divina officia cum his, qui præfate institutioni obedientes fuerunt, maneant, neque partem ab Ecclesia recipiant, quousque a nobis sententia super hujusmodi, Deo concedente, procedat. Et præcipientes statuimus, ut hi prædicatorum ordinum, qui ejusdem prædecessoris nostri decreto obedientes hæc servaverint, juxta Ecclesias, quibus ordinati sunt, sicut oportet religiosos Clericos, simul manducent, & dormiant. Et rogantes monemus, ut ad Apostolicam, communem scilicet, vitam summo opere pervenire studeant, quatenus perfectionem consecuti cum his, qui centesimo fructu distantes in celesti patria mereantur adscribi. Similia præterea edidit Baluzius nomine decretorum Nicolai II. Papæ in canonibus sacris reperorum, quæ Romana Ecclesia præcipue asserit tenere, in Miscellaneis tom. 7. pag. 67. ibi num. 3. Ut presbyteri conjugati aut uxores dimittant, neque cum eis sine testimonio legitimo habitent, aut Ecclesiam cum ordinibus suis amittant; & nu. 4. Ut presbyteri, & diaconi, & subdiaconi, & omnes, qui canonici sunt, uxores non habeant, & si duxerint, deponantur, & a Canonicorum consorsio separentur. Ex his adparet, quænam sit sancta illa Synodus, quæ in codice Mansii appellata fuit prima, nimirum fuit illa ipsa, quam nuper Nicolaus Romæ celebraverat, & cujus canones ipse palam edebat, & Episcopis indicabat; adparet præterea, quoniam sit Leo ille, quem suum Prædecessorem Nicolaus

laus vocat, & cujus etiam refert constitutiones; neque enim ignoramus fuisse Leonem IX., upote qui jam cœperat corruptos Clericorum mores, quoad fieri per temporum improbitatem poterat, emendare.

Huc usque ii canones relati sunt, qui spectant ad improbandos Nicolaitarum mores; qui vero adversus alteram Simoniacorum hæresim editi sunt, habentur apud Gratianum in can. 107. 109. & 110. cau. 1. qu. 1. Verum non dubito, quin aliis verbis per Collectores, Scriptoresque varios exhibitii fuerint, ideoque erunt ad meliores codices exigendi. Itaque Nicolaus in epistola ad Episcopos omnes apud Labbeum cap. 9. ita refert in Concilio constitutum: *Ut per Simoniacam hæresim nemo ordinetur*, & in cap. 6. *Ut per Laicos nullo modo quilibet Clericus, aut Presbyter obtineat Ecclesiam, nec gratis, nec pretio*. Paulo aliter Mansius, quia ita verba epistolæ descripsit ex Pistoriensi codice: *Ut per Simoniacam hæresim nemo ordinetur, vel promoveatur ad quodlibet officium ecclesiasticum*. Et: *Ut per Laicos nullo modo quilibet Clericus, aut Presbyter obtineat Ecclesiam nec gratis, nec pretio*. In decretis Nicolai a Baluzio editis in tomo 7. Miscellaneorum pag. 67. ista leguntur, num. 5. *Ut Ecclesiæ, vel altaria nec vendantur, nec emantur*. Qui autem amodo vendiderint, aut emerint, anathemati subiacent; num. 7. *Ut Episcopi canonicas, vel officia Ecclesiastica non vendant, & de consecrationibus Ecclesiarum, aut ordinationibus Clericorum ipsi, & Clerici eorum nihil exigant*; num. 8. *Ut Ecclesiæ per pretium a Simoniacis consecrate denuo consecrentur*; num. 9. *Ut Presbyteri, & omnes a tempore Nicolai Papæ usque nunc, & deinceps scienter ordinati a Simoniacis, sciant se non esse ordinatos, & deinceps non fiant*; num. 12. De cimiteriis autem, & sepultura, & baptisteriis exaltionem fieri omnino prohibemus; & num. 14. *Ut nullus Abbas obedientias suas vendat, neque nullus Monachus emas obedientias* (erant obedientiæ regularia quædam beneficia, sive Cappellæ a monasteriis dependentes) *quod si præsumserint, utrique ordine, officioque careant, quia simoniace agunt*. Huc quoque referendum est decretum illud integrum adversus simoniacos, quod in editione Labbeana adjectum est epistolæ Nicolai ad Episcopos universos his verbis: Dominus Papa Nicolaus Synodo in Basilica Constantiniana præsidens dixit: erga simoniacos nullam misericordiam in dignitate servanda habendam esse decernimus; sed juxta canonum sanctiones, & decreta sanctorum Patrum, eos omnino damnamus, ac deponendos esse apostolica auctoritate sancimus. De iis autem, qui non per pecuniam, sed gratis sunt a simoniacis ordinati, quia quæstio a longo tempore est diutius ventilata, omnem modum (alias nodum) dubietatis absolvimus, ita ut super hoc capitulo neminem deinceps ambigere permittamus. Quia igitur usque adeo hæc venenata perniciēs hactenus inolevit, ut vix quælibet Ecclesiæ valeat reperiri, quæ hoc morbo non sit aliqua ex parte corrupta, eos, qui usque modo gratis sunt a simoniacis consecrati, non tam censura justitiæ, quam intuitu misericordiæ in acceptis ordinibus manere permittimus, nisi forte alia culpa ex vita eorum contra canones eis existat. Tanta quippe talium multitudo est, ut dum rigorem canonici vigoris super eos servare non possumus, necesse sit, ut dispensatorie, ad piæ condescensionis studium nostros animos ad præsens inclinemus. Ita tamen auctoritate Sanctorum Apostolorum Petri, & Pauli omnimodis interdiciamus, ne aliquando aliquis successorum nostrorum ex hac nostra permissione regulam sibi, vel alicui assumat, vel præfigat, quia hoc non auctoritas antiquorum Patrum jubendo, aut concedendo promulgavit, sed temporis nimia necessitas permittendum a Nobis extorsit. De cetero autem si quis hinc in posterum ab eo, quem simoniacum esse non dubitat, se consecrari permiserit, & consecrator, & consecratus non disparem damna-

Can. 107.  
109.  
110.  
cau. 1.  
qu. 1.

damnationis sententiam subeat; sed uterque depositus penitentiam agat, & privatus a propria dignitate persistat &c. Essent & alia numero plurima, quæ decrepta ex variis ejusdem temporis monumentis, ad eam ipsam rem facere possent; etenim nullum fere Concilium tunc celebratum extat, nulla fere Pontificum proxime succedentium constitutio, in quibus non eadem penitus repetantur: hinc Gratianus canones illos non tam sub nomine Nicolai II., quam sub nomine Alexandri II., qui Nicolao successit, recensendos voluit, cum eadem fere verba in Alexandri constitutionibus exhibeantur. Verum sufficiat, quæ superius demonstrantur, edidisse, ut exinde valeat unusquisque ad similes sententias Collectorum aliorum fidei commendatas Gratianum exigere, apud quem nonnulla videntur varia verborum textura composita. Interea tamen necessarium erit animadvertere, quod idem Nicolaus professus est, canones istos adversus Simoniacos editos non continere strictam ecclesiasticæ disciplinæ censuram; siquidem nonnihil a stricto jure recedendum ex humanitate, ac dispensatione illis temporibus fuit, dum ingens erat simoniacorum multitudo, intererat autem Ecclesiæ simoniacos ipsos mitiore remedio ad penitentiam adducere.

Can. 17.  
cau. 35.  
qu. 2.

In eadem epistola Nicolai ad omnes Episcopos apud Labbeum, dum palam fiunt Romani Concilii canones, ista leguntur num. 11. & 12. *Ut de consanguinitate sua nullus uxorem ducat usque ad generationem septimam, vel quousque parentela cognosci poterit. Ut laicus uxorem simul, & concubinam habens non communicet Ecclesiæ.* Mansius ex Ms. Codice Pistoriensi, ubi refertur Nicolai epistola ad Ecclesiæ Amalphitanæ suffraganeos, cui Gratianus consonare videtur in inscriptione canonis 17. cau. 35. qu. 2., ita canonem exhibet: *Ut de consanguinitate sua nullus uxorem ducat usque post generationem septimam, vel eousque parentela cognosci poterit. Ut laicus uxorem simul, & concubinam habens non communicet Ecclesiæ.* Paulo aliter etiam Baluzius in Miscellaneis tom. 7. pag. 67. inter decreta Nicolai Papæ II. hæc recensuit num. 13. *Siquis infra septimum consanguinitatis gradum uxorem habet, aut deinceps duxerit, ab Episcopo suo eam dimittere canonice compellatur. Si vero obedire noluerit, excommunicetur.* Nemo sane non videt in his omnibus eam ipsam referri sententiam, quæ habetur in canone 17. cau. 35. qu. 2., quem propterea jure optimo Nicolao II. tributum fuisse minime dubitabimus.



*De Alexandro II.*

Alexandri II. nomine sequentes Canones proferuntur apud Gratianum.

Ex Epistola  
ad Clerum, &  
Populum Medio-  
lanensem. { *Can. 17. dist. 81. { simul jungendi, consonantque cum non-*  
*Can. 18. dist. 81. { nullis Alexandri monumentis.*

Ex Epist. ad  
Clerum, & Po-  
pulum Lucensem. { *Can. 9. cau. 1. qu. 3. ex integra epistola supplendus.*

Ex Epist. ad Epi-  
scopos, & Regem  
Dalmatarum. { *Can. 16. dist. 81. referendus ad Concilium Romanum Nicolai II.*

Ex Epist.  
ad Episcopos  
Hispaniz. { *Can. 11. cau. 23. qu. 8. scriptus potius ad Episcopos Galliz.*

Ex Epist. ad Epi-  
scopos, & Clerum  
per Italiam. { *Can. 2. cau. 35. qu. 5. referendus ad Concilium Romanum Alexandri.*

Ex Epist. ad Ge-  
bonardum Viva-  
riensem Episcop. { *Can. 1. cau. 7. qu. 2. ex Ivonis codice emendandus.*

Ex Epist. ad Gri-  
maldum Constans-  
tensem Episcop. { *Can. 1. dist. 52. ex Ivonis codice emendandus.*

Ex Epist.  
ad Gulielmum  
de Monstrolio. { *Can. 10. cau. 35. qu. 6. ex Ivonis codice emendandus.*

Ex Epist.  
ad Landulphum  
in Corsica. { *Can. 2. cau. 33. qu. 5. ex Ivonis codice supplendus.*

Ex Epist. ad Raineraldum Cumanum Episcopum.

Can. 11. cau. 2. qu. 5. *iungendus cum can. 7. vers. purgationem eadem causa, & questione.*

Ex Epist. ad Valerianum Episcopum Martyrem.

Can. 4. cau. 24. qu. 1. *ex Ivonis, necnon ex vetustis aliquot Gratiani codicibus emendandus.*

Adjiciuntur

Can. 6. dist. 32. *exigendus ad canones Romani Concilii sub Alexandro.*

Can. 12. dist. 56. *non satis firmam habet auctoritatem.*

Can. 109. cau. 1. qu. 1. { *simul iungendi, & ad alia Romani Concilii exigendi.*

Can. 110. cau. 1. qu. 1. {

Can. 11. cau. 16. qu. 1. *ex codice Ivonis supplendus.*

Can. 20. cau. 16. qu. 7. *referendus ad canones Romani Concilii sub Alexandro.*

Can. 1. cau. 17. qu. 2. *supplendus ex codice Ivonis.*

Can. 22. cau. 17. qu. 4. *apocryphus, & ad Phasianam Synodum potius referendus.*

Can. 17. cau. 35. qu. 2. *referendus ad canones Romani Concilii sub Alexandro.*

Can. 5. cau. 35. qu. 5. *est potius Isidori Hispalensis.*

Can. 53. de cons. dist. 1. *referendus potius ad excerptiones Egberti Eboracensis.*

**D**escripisse tempora, & temporum improbitates, quæ Nicolai II. Pontificatum curis angere sollicitis potuerunt, idem est ac descripisse tempora improba, in quæ incidit etiam Pontificatus Alexandri II., qui Nicolao successit anno 1061. Hic vero Sanctus Ecclesiæ Princeps diutius pro restituenda canonum disciplina elaboravit, cum per decem, & amplius annos Romanam Sedem tenuerit, vita demum functus anno 1072. Natus ipse Mediolani, ad Lucensem dein Episcopatum evectus compertos admodum habuit corruptos Clericorum in finitimis provinciis mores, qua Nicolaitarum, qua Simoniacorum erroribus inquinatos; in eosdem propterea reformandos toto studio incubuit, Prædecessoris sui prudentiam, æque ac sapientiam æmulatus; unde apud Collectores non semel conigit, ut iidem canones, eademque monumenta utrique Pontifici, nimirum & Nicolao II., & Alexandro II. sine discrimine tribuerentur, sive quod Alexander decreta Nicolai confirmavit, sive quod eorundem edendorum decretorum apud utrumque eisdem fere emerferunt occasiones.

## De Epistola ad Clerum, & Populum Mediolanensem.

Can. 17. Ex iis, quæ pluries, præsertim ad canonem 1. dist. 22. dicenda fuerunt, satis  
& 18. liquet Mediolanensem Ecclesiam inter ceteras medio undecimo sæculo indiguiffe,  
dist. 21. morum reformatione; qua in re obeunda nil aptius evenire poterat, quam ut  
Sum-



Summus Ecclesiæ Pastor, cujus opera remedium adferretur, in ipsa Ecclesia Mediolanensi natus, non tamen Clericorum Mediolanensium erroribus inquinatus Alexander seligeretur. Revera ipse itatim ac ad maximum evectus est Pontificatum, nihil antiquius habuit, quam ut suos in rectam virtutum semitam revocaret. Id palam fit ex prima ejusdem Pontificis epistola scripta ad Mediolanensem Clerum, & Populum, in qua ita præfatus est Alexander. *Divini judicii dispositione provivum est, ut Mediolanensis Ecclesiæ filius, & Ambrosianis uberibus sublatatus ad famulatum Apostolicæ Sedis indignus ascenderem, ac Matri omnium Ecclesiarum Pastoralis curæ sollicitudine deservirem. Unde cum totius universalis Ecclesiæ cura nobis non levis incumbat, propensius circa vos ipsa natura nos provocat esse pervigiles, ut unde nos constat originis duxisse primordium, ibi etiam majoris ad æternam salutem habeamus sollicitudinis incrementum. Et prope finem epistolæ ita concludit: Sic profecto, Fratres, quamplures sunt hodie Christianæ professionis titulo decorati, qui videlicet in Christi hereditate nequaquam merentur adscribi, & nunc quidem paterno vocabulo gloriantur; sed nequaquam ad hereditaria paterna perveniunt, quia velut spiritus non cælestis, sed terrena ignobiliter concupiscunt. Vos autem dilectissimi, membra mea, viscera animæ meæ sic satagite per viam mandati cælestis sic incedere, ut mens nostra merito semper debeat de sancta consanguineorum suorum conversione gaudere; speramus autem in eo, qui de Virgine dignatus est nasci, quia nostri ministerii tempore sancta Clericorum castitas exaltabitur, & incontinentium luxuria cum ceteris hæresibus consumdetur &c.* Hæc sollicitudo, qua Alexander curabat, ut Mediolanensis Ecclesia Nicolaitarum potissimum vitii abstinere, probabilem reddit causam, quod asseramus ab Alexandro eodem non esse abjudicandos canones 17., & 18. dist. 81., qui inscribuntur Alexandro ad Clerum, vel Populum Mediolanensem scribenti, licet illorum canonum verba in memorata edita ad Mediolanenses epistola non legantur. Ceterum in Labbeana editione inter fragmenta quædam epistolarum Alexandri duo isthæc recensentur, ad quæ Gratiani canones exigantur. Primum est: *Noveritis nos in Synodo nostra Romana Episcopis omnibus, & religiosis Fratribus adjudicantibus decrevisse a simoniaciis, & fornicatoribus officium celebrari non debere, nec aliquem Christianum id ab iis audire. Populum itaque a simoniaciis, & ab his, quos feminis abuti cognoscitis, officium audire interdicit, & Sacerdotes nihilominus a tam nefaria præsumptione repellite. Siquis vero Sacerdotum, Diaconorum, vel Subdiaconorum officium contumaciter deserens, feminam sibi potius eligit, sicut sponte ob fornicationem dimittit officium, ita ob prævaricationem dimittere cogatur & invitum beneficium.* Alterum ita exprimitur: *Sciat nobilitas vestra, nos in Romana Synodo consilio totius Sancti Conventus decrevisse, ut a Presbytero simoniaco, seu concubitu habente missa a nullo fidelium audiat. Eos etiam, qui, ut fornicari liceat, divinum officium derelinquunt, & ab eo recedentes diabolo, & ejus operibus serviunt, sicut se justissime ab officio alienes faciunt, ita beneficio Ecclesiarum privatos adjudicamus.* Hæc ita profuerunt, ut videantur Romani Concilii sub Alexandro II. celebrati canones continere; hodie tamen in eodem Romano Concilio non leguntur; verum non exinde de eorundem auctoritate dubitare possum, cum sciverim nonnulla similia edita fuisse Mediolani a Legatis Apostolicæ Sedis anno 1067. Maynardo Episcopo Sylvæ Candidæ, & Johanne Cardinali. Eorum gesta habentur post epistolam 6. Alexandri II. in Collectione Labbeana, ibidemque inter cetera hæc leguntur: *Apostolica auctoritate fuit ex parte omnipotentis Dei, & Apostolorum Principis Petri, gloriæque*

risque Confessoris Sancti Ambrosii statuente precipimus . . . . Presbyter etiam, Diaconus, & Subdiaconus feminam ad fornicandum palam retinens, donec in culpa manserit, nec officium faciat, nec Ecclesie beneficium habeat. Qui vero non retinet; & eventus ex humana conditione ceciderit, postquam manifestum veraciter fuerit, suspendatur ab officio tantum, donec per penitentiam satisfecerit. Statuimus insuper, neminem prædictorum graduum Clericum ex suspitione damnari ita, ut nec officio careat, nec beneficium, nisi ipse forte confessus, vel per idoneos testes veraciter sit convictus. Ne autem lædendo eos aliqua occasio pro relictis feminis eorum fiat, statuimus, ut cum illis in una domo non maneant, nec manducant, nec bibant, nec sine tribus, vel duobus idoneis testibus simul loquantur, & hæc servantes nullam pro eis calumniam patiantur, ipsi vero juxta Ecclesias, si fieri potest, habitare cogantur. Qualiter vero quisque eorum pro ordinum inæqualitate, vel culpæ varietate officium, ac beneficium perdat, ideo scribimus, quia cuncta ecclesiastica officia in status sui dignitate consistere volumus, & nullum Clericorum pro cuiusquam peccati culpa, vel officii sui aliqua in Deum offensâ in iudicio laicorum amodo esse permittimus, sed modis omnibus in perpetuum prohibemus. Siquis autem laicus, cuiusque ordinis prædictorum graduum Clericos in potestate sua habet, cum primum sciverit in veritate aliquem ex eis vel feminam, sicut dictum est, retinere, vel in fornicationis crimen casu cecidisse, statim per se, vel per suum Nuntium hoc stultice indicare Archiepiscopo, & huius Ecclesie Ordinariis, quibus cura ista commissâ fuerit. Si ipse, aut ipsi, illi admodum scilicet in culpa indurato, vel accidentaliter lapsi interdixerint, ut dignum est, officium, ipse laicus postmodum interdicit obdurato tantum officium. Si vero Archiepiscopus, vel sui Ordinarii, postquam audierint, hoc neglexerint, ipse laicus, quicumque sit, ex tunc in sua potestate, nec officium facere, nec beneficium alicui ex illis permittat tenere, donec culpam deserat, & digne Domino per penitentiam satisfaciât. Posset etiam huc referri canon 3. Concilii Romani sub Alexandro eodem celebrati anno 1063., cujus fragmentum legitur in can. 6. dist. 32., quamquam & iste canon etiam Nicolao II. Prædecessori tribui potuerit in can. 5. ejusdem distinctionis, quemadmodum superius fuit animadvertendum.

## De Epistola ad Clerum, & Populum Lucensem.

Can. 9. Providam quoque Pastoris sui sollicitudinem jure optimo sibi singularem fecit  
9<sup>to</sup>. 3. Lucensis Ecclesia, quam Clerici simoniâcâ beneficiorum collationibus labeſcē-  
cau. 1. bant. Et quidem frequens fuisse eodem sæculo vitium simoniacæ facile demonstra-  
tur ex canonibus Conciliorum illius ætatis, quibus nihil urgetur pressius, quam  
ut Clerici ab eo crimine abſtinerent, quod potissimum deduces perspicue ex can.  
109., & 110. cau. 1. qu. 1., & can. 20. cau. 16. qu. 7. Erat jam simonia vetustissi-  
mis canonum regulis improbatâ, sed criminali in Clericis iterum inveniendâ occasio-  
nem quandam dedit disjunctio collationis sacrorum ordinum a collatione benefico-  
rum; etenim tunc primum cum inciperent Clerici sine beneficio ordinari, vel post  
ordinationem susceptam beneficio donari, persuasum nonnullis avaritia turpissima  
corripis fuit, in recentiore beneficiorum collatione proprie simoniacæ vitium non  
admitti, quando beneficiorum collatio non juris spiritualis, sed temporalis conceſ-  
ſio

hio videretur. Intererat ecclesiasticæ rei redarguere falsitatis hanc recens subortam opinionem, atque eo pertinet epistola Alexandri ad Lucensem Clerum, & Populum, quæ est 35. in collectione Labbeana, consonans sane cum Gratiano canonum 9. cau. 1. qu. 3., qui eandem epistolam integram exhibet. Vtrum hodie, præsertim post Mansii supplementum, integra omnino edita adparet ex Lucensi Archetypo, quem in archivo Canonicorum illius Ecclesiæ adservari Mansius idem testatur; atque epistola hæc ita edita cum plura contineat, quæ in Gratiani codice desiderantur, aliqua etiam paullisper diversa videantur ab editione Gratiani, non inutile erit, eandem hic integram exarare, iis exceptis, quæ cum Gratiano omnino concordant subsequentibus punctulis interjicienda. Verba epistolæ hæc sunt.

*Alexander Episcopus servus servorum Dei Lucensis Ecclesiæ Clero, & Populo in perpetuum.* Cum Divina providentia idcirco nos in Sede Apostolica constituere volueris, ut omnium Ecclesiarum generalem curam gerere debeamus, tum maxime illi Ecclesiæ studium nostræ devotionis sollicitius est exhibendum, in qua ante susceptum universalis regiminis opus ecclesiastici officii necessitate laboravimus, & cui privata quodammodo dilectione prius deservire studuimus. Circa Lucensem itaque Ecclesiam tanto specialius nostræ devotionis studium desideramus impendere, quanto & illi privata ejus, & publica omnium cura compellimus providere. In ea igitur quod multis temporibus pullulasse, & in rebus jam inveterate malitiæ comperimus excrevisse, divini verbi gladio succidere, & penitus extirpare optamus, ut, Deo volente, erutis spinis vitiorum, in fertilem postmodum messem semen illic satum valeat abundare. Ex multis temporibus hoc detestabile malum (hinc exorditur Gratianus) intra ipsam Ecclesiam inolevisse cognovimus.... fiebat Ecclesia, & res ejus.... Chalcedonense nempe Concilium unum ex principalibus simili pœna condemnat eos, qui sacram manus impositionem (per quam Spiritus Sanctus confert) mercari dignoscuntur. Utroque enim auctoritate inexcusabili, illos a beneficio, istos sacro ordine jubet repelli. Sacrorum vero canonum auctoritate docemur, omnia, quæ Deo, vel ejus Ecclesiæ offeruntur, sacra fieri ipsa oblatione, nullaque autem sacra fieri possunt, nisi Spiritu Sancto, a quo omnis sanctificatio procedit. Nam sicut omnis quælibet res cum Imperatori deferretur, imperialis efficitur, sic cum ex voto Deo, vel Sanctis offertur, divina, ac per hoc sanctificata cognoscitur. Non igitur mirum, si per pœna confringitis eos, qui aut sacrum ordinem, aut sacram rem Ecclesiæ vendere, seu emere audent, cum neutram nisi Sancti Spiritus dono valeat sanctificari. Præterea cum sacrorum canonum auctoritas quatuor ex rebus Ecclesiæ jubeat fieri portiones, quarum una pauperibus, altera fabricis Ecclesiarum sit impendenda, tertia Episcopo, quarta Clericis conferenda, sicut pauperibus Ecclesiæ singula partes gratis sunt concedendæ, ita quoque reliquæ partes nec ab ipso Episcopo, vel Clero sunt retinendæ, aut vendendæ, sed eis pro Evangelii præcepto, & officii sui labore eodem modo conferendæ. In veteri quoque testamento cum adduc gratia Evangelii adduc non coruscaret in mundo, legimus scelus hoc quantum abominabile esset, cum tempore Jeroboam quicumque volebat, implebat manum suam, & fiebat Sacerdos excelsorum, & propter hanc causam peccavit domus Jeroboam, & deleta est de superficie terræ. Si vero domus Jeroboam ob hoc deleta est, quod pecuniam accipiens constituebat Sacerdotes in excelsis, non immerito de libro vitæ celestis eorum nomina deletur, quæ interventu pecuniæ Sacerdotes, vel Clericos in domo Dei constituunt. Puto enim, quod hi tales nunquam adverterunt Psalmistæ sententiam dicentis: Quia non cognovi negotiationem, introibo in potentias Domini. Nam si quis ideo intrat in potentias Domini, quia non cognovit negotiationem, aperte confiteatur,

quitur, ut non intret in eas, qui negotiationes maxime ecclesiasticarum rerum non solum cognoverit, sed etiam exercuerit. In novo autem testamento humani generis Redemptor . . . negotiationis. In quo Salvatoris facta vigilanter est advertendum, quod nondicitur cathedras vendentium movisse, sed evertisse. Levius utique ferendum esset, si talium negotiatorum cathedrae moverentur, quam si everterentur, sicut per Johannem dominica voce Angelo idem predicatori Epheſi Ecclesiae dicitur: Age paenitentiam, & prima opera fac; alioquin veniam ad te, & movebo candelabrum tuum de loco suo. Illud quoque . . . speluncam latronum efficiunt. Quia ab hujusmodi mercatoribus quidquid possunt capiunt, & gladio suae malitiae non corpora, sed, quod pejus est, animos tractare noscuntur. Tempore vero Apostolorum cum multi rerum suarum pretia ad pedes eorum ponerent, Anania, & Saphira, inspirante S. Spiritu, voto cordis pretium agrorum suorum Deo obtulerunt. Qui postmodum, quia suggerente diabolo, partem ipsius pretii retinere conati sunt, voce B. Petri Principis Apostolorum Spiritui Sancto mentiti esse dicuntur, & quam grave scelus contraxerint, utriusque repentina morte monstratur. Si ergo illi initio surgentis Ecclesiae tam horribili poena divinitus sunt puniti, pro eo solummodo, quod partem pretii retinuisse, quod solo voto Ecclesiae obtulerant, quid dicendum est de his mercatoribus, qui non suas, sed res Ecclesiae, sed in usus suos ex (videtur legendum &) propinquorum suorum non verentur vendere? Profecto sicut de terius est distrabere, vel comparare res Ecclesiae, non quas ipsi Ecclesiae conferunt, seu quas pro animabus suis fideles offerunt, quam solam pretii partem rerum a se oblatarum retinuisse; sic talium negotiatorum interitus gravior, & profundior, quam illorum esse convincitur. Ex hac quoque pessima venditione pene malorum omnium semina pullulare noscuntur. Nam ii, qui res Ecclesiarum, & potiora earum pretia student acquirere, non Deo, vel ejus Ecclesiae velle famulari, sed soli mammonae velle servire veridice ratione probantur. Sicut etiam S. Gregorius de simoniaci testatur, non vitam moribus componere, non scientia curant exornare, sed solummodo aurum, & pecuniam, quibus res emanant Ecclesiae, inhiantes desiderant congregare. Ac si tandem malitiae suae vorum impleverint, & data numerosa pecunia rerum ecclesiasticarum penes se dominium habere coeperint, tunc aperiunt, qua intentione Ecclesiae militare decreverunt. Toto enim mentis annisu undecumque possunt contrahere pecuniam student, ut, quae prius evacuaverant, possint redimplere marsupia, cujus aviditate impulsu sacris non parcant altaribus, sed veluti fures, & sacrilegi profanas eis manus injiciunt, pauperibus, & Ecclesiarum fabricis decimas, & oblationes iuste, & canonice competentes, more praedonum diripiunt, a mortuis etiam, quasi fisci exaltores importunis clamoribus velut tributa exigunt. Terras quoque, quas fideles pro suis peccatis Ecclesiae contulerunt, quia eas ex toto vendere non possunt, ob vilissimum redditum pecunia accepta quibusque concedunt. Inter se autem ubi de lege divina, & de animarum salute esset tractandum, litibus, & contentionibus, clamoribus, & injuriis praestrepere non desistunt. Quibus ad cumulum suae damnationis non sufficit, quod ipsi pereuntque, sed insuper laicos, quibus ducatum vel vitae praebere debuerant, secum malo exemplo trahunt in profundam inferni voraginem. Quapropter ego Alexander . . . unquam conferre, sed etiam ministros . . . sustentare Ecclesiam. Sponte (videtur legendum sponse) Christi donaria, non pro libitu cujusque invito sponso venalia sunt, sed gratis, & pro vitae meritis erubuant, nec audeat ullus, ejusmodi gradus sit Clericus per se, vel per interpositam personam aliquo ingenio premium vel dare, vel promittere, nec ipsi Episcopo, nec alicui ex ejus ministris, sed cuiusque magnae, vel mediocri, aut parvae personae. Ne vero calliditas, aut fraus diaboli sub-

spe-

*specie religionis aliquos sue malitiæ laqueo capiat, constituimus, & eodem modo firmamus, ut nullus . . . . modis omnibus abscindatur. Ego Alexander solius Domini misericordia Sanctæ Romanæ, & Apostolicæ Ecclesiæ Præsul, & Lucensis Episcopus in hoc decreto ad confirmandum s.s. Integrum hoc monumentum satis perspicue indicat, qua animi alacritate Alexander simoniacorum sui temporis hæresim oppugnaret, quo sine nihil est in epistola, quod non spectet, vel in ipsamet subscriptione; quid enim aliud indicare voluit Sanctus Pontifex, ubi se solius Di. miser., idest Dei misericordia Sanctæ Romanæ Ecclesiæ Præsulem nominavit, quam se non humano favore, aut gratia, non data pactaque pecunia, sed Deo vocante, Sedem Apostolicam conscendisse? Forte quemquam turbabit Concilii Chalcedonensis decretum. ab Alexandro illic memoratum, quasi Alexander non satis recte protrahere potuerit Chalcedonensium Patrum sententiam ad recentiora, & sui temporis beneficia. Verum non est, cur Alexandri oratio minus apta existimetur. Quod enim apud Veteres, & tempore Concilii Chalcedonensis erat ordinatio Clericorum, fuit deinde temporibus Alexandri beneficiorum collatio etiam post ordinationem facta, nam in ipsa collatione beneficii adhuc certum officium in Ecclesia obeundum Clerico iungitur, quod profecto non est simoniace iungendum. Imo si integer legatur Chalcedonensis canon relatus a Gratiano in can. 8. cau. 1. qu. 1., facile videbitur, eum esse rei ipsi ab Alexandro tractatæ valde adcommodatum, licet in eo ecclesiastici beneficii nulla specialis mentio habeatur. Nimirum mentio ibidem fit de defensoribus, de dispensatoribus, de mansionariis, qui sane sicut non semper per sacram ordinationem, & per ipsum sacræ ordinationis actum singularibus ecclesiasticis officiis addicebantur, ita facile potuerunt recentiorum beneficiariorum, qui extra ordinationis sacræ causam, & titulum constituuntur, imaginem præferre; atque exinde validissimum erat ad confirmandum Alexandri propositum argumentum. Etenim, si damnandi apud Veteres fuerunt, quicumque defensorum, dispensatorum, mansionariorum, aut similia officia pretio vel concessissent, vel impetrassent, licet illa non in ipso sacræ ordinationis actu conferrentur, licet etiam quandam temporalis potius administrationis speciem exhiberent, eadem ratione erat velut simoniaca. improbanda beneficiorum collatio, illa etiam, quæ Alexandri temporibus demonstrabatur sejuncta a sacri ordinis collatione, ac videbatur nonnullis potius in temporali quodam emolumento consistere.*

## De Epistola ad Episcopos, & Regem Dalmatarum.

Alexandro II. tribuitur canon 16. dist. 81. sub hac inscriptione: *Episcopis, & Regi Dalmatarum.* Ego vero puto inscriptionem corruptam esse, vel quod apud Collectores epistolarum Alexandri nullibi eadem inscriptio legatur, vel potissimum quod Regis Dalmatarum mentio Alexandri temporibus minime congruat. Siquidem refert Baronius ad annum 1076. primum sub Gregorio VII. Ducem Dalmatiæ Regis nomine appellatum fuisse, id demonstrans ex Aëtis synodalibus, quæ in Archivo Lateranensi adservata testatur. Quomodo ergo jam potuit ad Regem Dalmatiæ epistolam mittere Alexander Gregorii VII. prædecessor? Suspicio ego rem ita contigisse: nimirum occupam Nicolaitarum hæresis plurium Italicorum animos temporibus Alexandri II. quæperet, quemadmodum supra jam dicendum fuit, ad eam conficiendam duo a Romano Pontifice designati fuere Legati, Mainardus Episcopus

Can. 16.  
dist. 81.

pus Sylvæ Candidæ, & Johannes Cardinalis, de quibus jam supra mentionem habui ad canones 17., & 18. dist. 81. lidem etiam in Dalmatiam missi fuerunt, ut ibi clericalis continentie leges sancirent, observandasque curarent, cujus rei auctor est Ivo Carnotensis, coævus auctor, referens in parte 4. decreti cap. 139. Alexandri II. monumentum his verbis conceptum: *Notificamus omnia capitula, quæ per Confratres nostros venerabiles Mainardum scilicet cellatalem Episcopum nostrum, & Johannem Archipræfulem nostrum in Spalato, aliisque Civitatibus sunt statuta, eadem in Romana Synodo seriatim ea referente a B. memoria prædecessore nostro Nicolao apostolica auctoritate roborata, & sub anathematis interpositione roborata.* Et quoniam monumentum istud tribuitur Alexandro II. scribenti *Episcopis, & Regi Dalmatarum*, facile in eodem inferi potuit quidquid a Pontificiis Legatis alibi adversus incontinentes Clericos statutum fuerat sub Nicolao II. ejusdem Alexandri prædecessore. Porro non absimilis constitutio edita videtur in Concilio Romano anni 1059. can. 3. ibi: *Ut nullus missam audiat Presbyteri, quem scit concubinam indubitanter habere, aut subintroductam mulierem. Quicumque Sacerdos, Diaconorum, Subdiaconorum post constitutum beate memoriae Prædecessoris nostri Sanctissimi Papæ Leonis de castitate Clericorum concubinam palam duxerit, vel dultam non reliquerit, ex parte omnipotentis Dei auctoritate Beatorum Apostolorum Petri, & Pauli precipimus, & omnino condemnimus, ut missam non cantes, neque evangelium, vel epistolam, ac missam legat, neque in presbyterio ad divina officia cum iis, qui præfate constitutioni obediens fuerint, maneant, neque partem ab Ecclesia suscipiant, quousque a nobis sententia super hujusmodi, Deo concedente, procedat.* Quibus ita descriptis liquet non aliam esse apud Dalmatas renovatam constitutionem ab Alexandro, quam quæ olim dicta fuerat a Nicolao, quamobrem ex eodem Nicolai canone facile intelligere possumus, quid Alexander ad Dalmatas rescribendum voluerit in dicto canone 16. In inscriptione, canonis Regis Dalmatarum nomen potuit a recentiore auctore adjici, ubi primum Dalmatia Regibus fuit obnoxia. Num vero Alexandri II. constitutio paratam habuerit in eadem Provincia executionem, plurimum dubito; nam temporibus Innocentii III. anno 1199. novis opus fuit Pontificiis constitutionibus, ut Dalmatiz Clerici ad continentie leges servandas adigerentur, nam in Concilio illius anni habito in Dalmatia, præsentibus Apostolicæ Sedis Legatis hic canon num. 2. edendus fuit: *Cum Domini Sacerdotes, & sicut sacro Altario deserviunt, continenter vivere debeant juxta illud: Mundamini, qui fertis vasa Domini, in partibus Dalmatiæ, atque Diocesiæ Sacerdotes & uxores habere, & Ecclesias tenere dicuntur. Quocirca præsent decreto statuimus, ut Sacerdotes, & Diaconi ante susceptum officium, nisi eorum conjuges in manu Episcopi votum fecerint continentie, uxores habentes cum ipsis maneant, & Ecclesias dimittant. Non enim possunt secundum ordinem Romanæ Ecclesiæ manentes in conjugio, nisi defunctis uxoribus, aut continentiam coventibus, si digni inventi fuerint, ad sacerdotium promoveri. Illi vero, qui post susceptum Sacerdotii, vel Diaconatus honorem adulteras potius, quam uxores accepisse probantur, nisi eas dimiserint, & dignam egerint penitentiam, ab officio, & beneficio ecclesiastico sunt generis alieni.*

## De Epistola ad Episcopos Hispaniæ.

Mendum irrepsisse videtur in inscriptionem canonis 11. cau. 23. qu. 8., non enim ad Episcopos Hispaniæ, sed ad Episcopos Galliarum Alexandri epistola dirigitur. Integra epistola est apud Ivonem eorum auctorem in parte 13. decreti tap. 114. sub hac inscriptione: *Alexander Papa II. omnibus Episcopis Hispaniæ*, sed ad marginem addnotatur pro voce *Hispaniæ* in aliis codicibus legi *Galliæ*. In hac codicum varietate ea sane erit præferenda scriptura, quæ magis epistolæ consonat. Verum integra epistola potius indicat, Alexandrum ad Gallias, non ad Hispaniæ Episcopos scripsisse: ibi: *Placuit nobis sermo, quem nuper de vobis audivimus, quomodo tutati estis Judæos, qui inter vos habitant, ne interimerentur ab illis, qui contra Sarracenos in Hispaniam proficiscebantur. Illi quippe stulta ignorantia, vel forte cæca cupiditate commoti in eorum necem volebant servire, quos fortasse divina pietas ad salutem prædestinavit: Sic etiam B. Gregorius quosdam, qui ad eos delendos exardecebant, prohibuit, impium esse denuncians, eos delere velle, qui Dei misericordia servati sunt, ut patria, libertateque amissa, diuturna poenitentia, patrum præjudicio, in effusione sanguinis Salvatoris damnati per terrarum orbis plagas dispersi vivant. Dispar nimirum est Judæorum, & Sarracenorum causa. In illis enim, qui Christianos persequuntur, & ex urbibus, & propriis sedibus pellunt, justè pugnatur: hi ubique parati sunt servire. Quendam etiam Episcopum Synagogam destruere volentem cohibuit. Nemo sane dixerit, verba hæc ad Hispaniæ Episcopos dirigi potuisse, neque enim Hispaniæ Episcopi tueri poterant Judæos ab illis, qui contra Sarracenos in Hispaniam proficiscebantur: Facilius tueri eos Judæos poterant finitimi Galliarum Episcopi; his etiam accedit similis propemodum ejusdem Alexandri sententia in epistola ad Berengarium Narbonensem in Gallia Vicecomitem, cujus fragmentum legitur apud eundem Ivonem in parte 13. decreti cap. 115. ibi: *Noveris prudentia vestra nobis placuisse, quod Judæos, qui sub vestra potestate habitant, tutati estis, ne occiderentur; non enim gaudet Deus effusione sanguinis, neque lætatur in perditione malorum. Quæ verba cum fere consonent cum iis, quæ habentur in dicto can. 11., facile colligitur utraque ad easdem Provincias Galliarum spectare. Ut vero hæc perspicue intelligantur, animadvertere juvabit adjuncta illorum temporum, quibus fieri posset, ut fieret ea Judæorum, ac Sarracenorum comparatio. Sarraceni gens Arabica universum tunc regnum Hispaniæ occupaverant, ipsam etiam urbem Toletanam, in qua Christiani nominis hostes nihil vividius moliebantur, quam ut everterent, perderentque, quidquid ad fidem Christi, ac religionem tuendam conducere. Præ ceteris Christianos Reges expulerunt, gravissimoque jugo tyrannidi suæ omnia subjecerunt. Temporibus Alexandri II. barbari illius imperii impatientes Hispani suaserunt Alfonso licet monacho, legitimo tamen Regni Hispanici Successori (is erat frater Sancti II. jam defuncti Hispaniarum Regis), ut provinciam adgrederetur Sarracenos ejiciendi. Morem gessit Alfonso, Rex ejus nominis sextus salutaris, qui proinde coacto ingenti exercitu undecumque ex universa Hispania, finitimisque populis Sarracenos omnes non solum a Toletana Civitate, sed etiam a toto Regno ejecit; hinc recolli Christianam fidem, resque ecclesiasticas augeri in dies vehementissime studuit, & quidquid superstitiosum ex Barbarorum moribus irreperat,**

Can. 11.  
cau. 23.  
qu. 8.

D d d

anti-

antiquari. Quamobrem scimus temporibus Alexandri II. in Concilio celebrato in Hispania, quod refert I. abbeus ad annum 1068., abrogatum fuisse ritum *Mosarabicum* celebrandi divini officii, ita dictum, quod tunc celebraretur ab Hispanis mixtis cum Arabiz populis, quasi *Mixtarabicum*, vel, ut alii dicunt, a Musa Arabum duce, quod sane officium non erat adeo quacumque superstitione vacuum, ut Christianum hominem omnino deceret. Ex his facile deduci potest Alexandri II. sententia, qualis in dicto can. 11. exhibetur, quæ eo spectat, ut Judæis nemo molestiam ingereret, quoties ipsi Christianis non essent importuni, quamquam liceret vim Sarracenorum vi facta repellere, quod sane etiam juris publici apud omnes gentes firmati constitutionibus est maxime consentaneum.

## De Epistola ad Episcopos, & Clerum per Italiam.

Meretur jucundam observationem canon 2. cau. 33. qu. 5., qui ita exhibetur  
 can. 2. quasi ad omnes Episcopos, & Clericos, nec non iudices per Italiam constitutos  
 cau. 33. directus. Tempore Nicolai II. Pontificis celebrata fuerat Romana Synodus anno  
 qu. 5. 1059., ad quam convenerant Episcopi 113., atque in ea ita definitum fuerat can. 11.  
 11. *Ut de consanguinitate sua nullus uxorem ducat usque ad generationem septimam*  
*&c.*, quod ipsum rursus decretum fuit in Synodo Romana anni 1063. centum,  
 & amplius Episcoporum sub Alexandro II. can. 9. Emergit hinc gravissima quæ-  
 stio, qua ratione *septimæ generationis* nomen interpretandum esset; alii enim ita  
 intellexerunt, ut septem civilis cognationis gradus computarentur, atque ii dice-  
 rentur ultra septimam generationem distare, qui ex juris civilis regulis ultra septi-  
 mum cognationum gradum constituerentur, qua in specie jam videbantur ultra  
 septimam generationem distare illi, quorum uterque esset quarto jam gradu a com-  
 muni stipite remotus; alii e converso duplicandam voluerunt computationem, ex  
 latere scilicet utriusque, de quorum cognatione quæreretur, faciendam, ita ut tum  
 demum inter se septima generatione disjungerentur, quoties septima generatione  
 a stipite communi distarent. Potissimum apud Ravennates hujusmodi controver-  
 siam scimus fuisse subortam, quam verbis primum, deinde etiam literis compe-  
 scere studuit S. Petrus Damiani, rem ita enarrans in libro de parentelæ gradibus  
 in principio, quem librum ad Johannem Episcopum Cæsenatem (hic erat Suffra-  
 ganus Ecclesiæ Ravennatensis) & ad Archidiaconum Ravennatem inscripsit, ibi:  
*Ravennam, ut nosis, nuper adii, quam mox periculoso erroris scrupulo turbatam vacil-*  
*lare cognovi. Erat autem de consanguinitatis gradibus plurima disceptatio, atque jam*  
*res eo usque procefferat, ut sapientes civitatis in unum convenientes sciscitantibus Flo-*  
*rentinorum veredaris in commune rescripserint, septimam generationem canonica aucto-*  
*ritate præfixam ita debere intelligi, ut numeratis ex uno generis latere quatuor gradi-*  
*bus, atque ex alio tribus jure jam matrimonium posse contrahi videretur. Ad adstruen-*  
*dam quoque præposteræ hujus allegationis ineptiam, illud etiam in testimonium deduce-*  
*bant, quod Justinianus suis interferit institutis; sed & neptem, inquit, fratris, vel*  
*sororis ducere quis potest, quamvis in quarto gradu sit. . . . & quidem ego nudis ver-*  
*bis ista dogmatizantibus refutavi, ac prout in expeditione licuerat, emergentem, ut ita*  
*fatear, hæresim canonicæ auctoritatis attrivi; quo tamen vos minime con-*  
*sentis dignum esse decrevistis, ut quod ore protuleram, opibus traderem, atque ita non*  
*paucis,*



paucis, sed omnibus hoc errore mutantibus facili compendio responderem. Sed non satis confecit errores, imo nec disputationibus modum dare potuit privata Damiani doctrina: Opportuna fuit Concilii celebratio indicta ab Alexandro II. anno 1065, in quo Concilio editus est memoratus canon 2. cau. 35. qu. 5., ubi adversus eos, qui contra sentirent, propositæ anathematis minæ; demum adversus perversos inflicta pœna anathematis in alio Concilio Romano ejusdem anni, ut testatur idem Petrus Damiani in libello de contentu sæculi. Sane Gratianus memoratum canonem melius sub nomine Romani Concilii edidisset, aliam tamen putavit proferendam inscriptionem, scilicet *ad Episcopos, & Clericos Italie*, vel ut alii codices habent: *Neapolitanis Clericis, & omnibus Episcopis, atque Judicibus per Italiam constitutis*, quod ex eo fortassis a Gratiano factum arbitror, quia Alexander post illorum Conciliorum celebrationem aliquas de ea re epistolas scripsit tum ad Neapolitanos, tum ad Episcopum Venetensem, tum ad Episcopum Basileensem, tum demum ad Episcopum Aretinum, quarum epistolarum fragmenta reulit Ivo Carnotensis Alexandro coævus in parte 9. decreti cap. 6. 9. 10., & 37. Jam vero si propius accedamus ad consequendam, aut saltem ad attingendam Alexandri mentem, & vim acerrimæ, quæ in eo canone exhibetur, disputationis, non inutilis erit, quemadmodum non injucundus labor. Vulgus interpretum legum tum ecclesiasticarum, tum civilium adaveravit in computatione graduum consanguinitatis contrarias omnino esse regulas in jure ecclesiastico, ab iis, quæ sunt jure Romano præstitutæ; quamobrem nec dubitavit velut consecrarium quoddam exinde deducere, quo in matrimonii canonum regulæ, in hereditariis successionibus Romanæ leges spectandæ sint, ut cognatio investigetur. Ego vero in figendo illo principio non possum æque assentiri; quippe qui utriusque juris regulas contemplatus, non contrarias hac in parte, sed diversas agnovi; neque ex illis sum, qui cum quandam jurium diversitatem intueor, statim de jurium eorundem consensu, & pugna judicem, gnarus ut plurimum juris ecclesiastici, & civilis regulas mutuum sibi manum, & adjutricem præbere, quemadmodum scripsit Lucius III. in cap. 1. de novi operis nunciacione. Revera qui putant hac in re canones veteribus Romanorum legibus adversari, jam tales habendi sunt, ut Romanarum legum peritia non polleant; quemadmodum habiti fuerunt apud Petrum Damiani, qui sub Alexandro II. vivebat. Etenim cum eo tempore nonnulli vellent in conjugis computationem fieri, ascendendo primum ad communem stipitem, deinde ab eodem communi stipite descendendo, ita redargui a Petro debuerunt in lib. de gradibus Parentelæ cap. 4. *Sed ut de ceteris flicam, miror saltem legisperitos ita peruisse desipere, ut subiecta figura oculis videantur in supputandis gradibus caligare, qui nimirum dum quantum generis gradum ostium faciunt, quid super hac re etiam sue leges definiant, non attendunt.* Simili ratione eosdem, qui ita sentiebat, redarguit Alexander II. in epistola ad Neapolitanos, quæ est numero 27. apud Labbeum, ibi: *Sedentes enim in cathedra pestilentie diuunt jura, quæ nesciunt, & docent illa, quæ nulloatenus didicerunt.* Si revera civile jûs singulas personas, non generationes in supputandis cognationum ordinibus matrimoniorum causa numeraret, cur Alexander, cur Damianus imperitos, & caligantes in luce appellavissent. Jurisconsultos illos ita loquentes, ea præsertim ætate, quæ hæc juris, ut ajunt, civilis, & ecclesiastici differentia nondum agnita esse poterat, utpote quæ ab hoc Alexandro II. decreto passim traditur originem habuisse? Dicam paucis, in quo sita sit rei veritas.

Jus civile Romanorum nunquam mentionem fecit graduum cognationis in matrimonii contrahendis; tantum in hereditatibus, aut tutelis, ut dignosceretur, quis cognatione proximus esset, vel ut in adeunda intestati hereditate ceteris præferretur, vel ut ad obeundam tutelam legitimam præ ceteris adigeretur. Hujus rei argumento perspicuo esse potest, quod Justinianus de nuptiis sermonem habens in institutionibus gradus cognationis minime recenset, sed eos potius, dum de successione intestatorum ageret, enumeravit. Adde Jurisconsultum Paullum, qui in l. 10. ff. de gradibus, & affinibus proficitur, gradus cognationum solertissime esse ab Jurisconsultis inquirendos; quorum perquisitionem necessariam dicit, *quia legibus hereditates, & tutelæ ad proximum quemque agnatum redire consueverunt, & edito Prætor proximo cuique cognato dat bonorum possessionem; præterea lege publicorum judiciorum contra adfines, & agnatos testimonium inviti dicere non cogimur*. Porro addidisset etiam Paullus graduum cognitionem necessariam esse, ratione habita conjugiorum, si etiam apud Romanos ratione conjugiorum ad graduum computationem deveniri debuisset. Ubiam in toto Romani juris corpore legitur in matrimoniis celebrandis gradus esse servandos? Dicitur quidem inter certas, designatasque personas locum non esse iustis nuptiis, de gradibus altum ubique silentium custoditur. Quidquod Modestinus in l. 4. §. 5. ff. de grad. & affin. scripsit, *gradus adfinitati nullos esse*, quando tamen certum est etiam inter certas, designatasque adfinium personas nuptias vetitas fuisse, nisi concludamus nullam in specie nuptiarum factam fuisse graduum computationem? Itaque in celebrandis conjugii graduum designatio in jure civili Romanorum præstituta non fuit, primum præstitui visa est recentioribus Constitutionibus, Principum æque, ac Sanctorum Antistitum auctoritate firmatis, quibus declaratum est, usque ad certam modo quartam, modo septimam generationem contrahi matrimonia non debere. Notandæ profecto recentiorum harum legum formulæ, quibus non de *gradibus*, sed de *generationibus* mentio facta proponitur, can. 1. §. 12. 16. 17. 18. 20., & 21. cau. 35. qu. 2. Nomen gradus in utraque transversa linea locum habet, sive in ea, qua ascenditur ad communem stipitem, sive in ea, qua descenditur, cum per gradus ascendamus æque, ac descendamus; quamobrem ubi graduum mentio fit, tot gradus constituimus, quot sunt personæ in utraque transversa linea, ut ex. gr. duo nepotes ex duobus filiis nati in quarto gradu constituti dicantur, cum sint ab uno ex nepotibus gradus duo ascendendo ad avum, totidem gradus ab avo ad alterum ex nepotibus descendendo. At nomen generationis, quo sacrorum canonum auctores usi fuerunt, significat primum generantis stipitis actum per varios descendendum veluti surculos, ramosque diffusum; ideoque cum a communi stipite exordium fiat usque ad remotiorem, ut vocant, geniculum, duplicatis personis, quæ per transversas generationes descendunt, fit computatio. Mea hæc, qualicumque tandem habeatur interpretatio, dixerim etiam utriusque juris conciliationem, consonare videtur cum sententia Magni Gregorii relata apud Gratianum in can. 20. cau. 5. qu. 2., atque ab Alexandro II. in dicto can. 2. cau. 35. qu. 5. verific. *Hanc computationem*. Vixerat Gregorius paullo post tempora Justiniani, idest sub finem sexti sæculi; callebat ergo modum computandi Justinianæum, scilicet ut fratrum filii in quarto gradu constituti dicerentur; attamen quartum illum gradum, non quartam, sed secundam generationem appellavit. Erant ergo Gregorio in secunda generatione, qui erant in quarto gradu; ergo gradus est 2.

gene-

generatione distinctus, & generationum numerus duplicato fere graduum numero computatur.

## De Epistola ad Gebonardum Vivariensem Episcopum.

Quæ adnotanda occurrunt ad canonem 1. cau. 7. qu. 2. jam satis adnotavit Baluzius in notis ad Gratianum, scribens in tribus Gratiani codicibus hanc exhiberi inscriptionem: *Unde Alexander II. scribit Gebonardo Vivariensi Archiepiscopo*, in alio *Vinaniensi*, in alio recentiore *Viennensi*; deinde vero non potuit probare vulgarem Gratiani codicis editionem ex eo, quod Vivariensis Episcopus nunquam metropolitico honore gavissus fuerit, qualis dicitur in codicibus Gratiani, item ex eo, quod nullus ea tempestate fuerit Gebonardus Episcopus Vivariensis. Hinc concludit ita legendum esse: *Alexander II. Gebonardo Juvavensi Archiepiscopo*, idest Salzbürgen, quam lectionem facile probare uniusquisque potest ex codice Ivonis parte 6. Decreti cap. 405.; & vetere canonum collectione MS., quam fuisse Claudii Puteani Baluzius idem testatur. Porro Gebonardum tenuisse Cathedram Juvavensem temporibus Alexandri II. liquet ex ejus vita ab Henrico Canisio edita in tom. 6. lectionis antiquæ pag. 1227., & ex Sigeberto in lib. de unitate Ecclesiæ pag. 94. in editione Basileensi Simonis Scardii. Demum notat Baluzius similem emendationem faciendam fuisse capiti *Quod interrogasti* dist. 27., & in causa 1. qu. 1. cap. 4. His nihil addi posse videtur, nisi forte quisquam exoptaret, ut canon hoc in loco describeretur, qualis est apud Ivonem parte 6. cap. 405. tanquam apud auctorem corvum, ex quo Gratiani editio sit emendanda. Ivonis monumentum ita exhibetur: *Alexander II. Gebonardo Juvavensi Archiepiscopo. In literis tuis continebatur sic: Hic Clericus ordinem habet presbyterii, sed quia caduco morbo laborat, & ipsi hoc in presentiarum agnovimus, non ausi fuimus ei concedere, ut offerret, vel missam celebraret. Quia vero languor non in culpa est, super hac re auctoritatis nostræ decreto consulendum deliberavimus. Consulimus itaque, ut si frequenter hoc morbo tangitur, ab oblatione omnimodis, & missarum celebratione prohibeatur. Indecens enim est, & periculosissimum, ut hoc ei accidat, quatenus in consecratione Eucharistiæ morbo vitæ epileptico cadat. Si vero Dei misericordia convalescit, quandoquidem non culpa, sed infirmitas est in causa, eum sacrificare jam non interdiciamus.*

Can. 1.  
cau. 7.  
qu. 2.

## De Epistola ad Grimaldum Constantiensem Episcopum.

Non est dubitandum, quin canon 1. dist. 52. jure tribuendus sit Alexandro II., cujus nomine ab Ivone corvo auctore descriptus legitur. Verum juvabit hoc in loco ipsa Ivonis verba exarare, utpote quæ paullo dissonant a verbis Gratiani. Scripsit Ivo in parte 6. Decreti cap. 409. *Alexander Secundus Rinaldo Constantiensi Episcopo. Sollicitudo dilectionis tue studuit consulere, utrum portiter istarum literarum Diaconatus, & Presbyteratus officium sit idoneus peragere, necne: cum ad id præpropere cursu, videlicet sine Subdiaconatus ordine, negligentia potius, quam superbia cognoscatur ascendisse. Unde nos consulendo charitati tue mandamus, ut ab officio Sacerdotii eum prohibeatis, donec proximo quatuor temporum jejuniis Subdiaconatus ministerium* sibi

Can. 1.  
dist. 52.

sibi rite imponas, & sic deinceps ad majora officia cum redire concedas. Simile quoddam monumentum sub Alexandri II. nomine edidit Manzius in supplemento Labbeano tom. 1. pag. 1330. ex MS. Codice Pistoriensi, ibi: *Alexander II. Quidam in clericalibus officiis educatus Subdiaconatus gradum suscipere neglexit, & Diaconatus, ac Presbyteratus honorem, non quidem ambitiose, sed negligenter conscendit. In quo præceptum canonicum non nos invenisse meminimus; consilium autem ex prærogativa auctoritatis Apostolicæ damus. Ab utriusque itaque, idest Sacerdotalis, & Leviticæ, quos inordinate suscepit, officio suspendatur, donec congruo tempore intersis ejus, qui ad Subdiaconum benedicendum honorem, & cum eis Subdiaconatus suscipiat benedictionem. Prius tamen discutiendum, si ejus vita digna officio habeatur, & sic si vita canones non obviaverit, in priore ordinatione Diaconus, & Presbyter teneatur. Nolo sane, ut quicquam præferat Pistoriensem hunc canonem canoni Ivoniano; etenim ab obscuris quibusdam fragmentis ego facile recedendum puto, ubi antiquiores codices nobis, & publicæ utilitati supersunt, præsertim cum recentiora, quæ prodeunt, corrupta esse, vel ipsa verborum compositio demonstrat. Itaque cum Ivonem sequor ad emendationem Gratiani, animadverto in primis pro nomine Grimaldi Episcopi Constantiensis, quod apud Gratianum occurrit, legendum esse nomen Rumaldi, quem sane Constantiensis Ecclesiæ temporibus Alexandri II. præfuisse scimus, eisdemque in Cathedra successisse Carolum, de cujus simoniaca ordinatione actum est in Concilio Moguntino anni 1071. Deinde etiam colligimus, temporibus Alexandri II. jam invecram fuisse disciplinam illam, juxta quam nemo ad majores ordines promoveatur, nisi qui primum in minoribus ordinibus sanctus officio fuisset.*

## De Epistola ad Guilielmum de Monstrolio.

Quod legitur in canone 10. cau. 35. qu. 6. habetur eisdem verbis apud Ivonem in cap. 32. partis 9. Decreti; tantum discrimen adparet in inscriptione canonis, ubi legitur: *Alexander II. Guilielmo de Monasterio*; in aliquot Gratiani codicibus legitur *de Monstrolico*. Sed parum interesse videtur alterutram sequi lectionem. De rei veritate non dubito, statim ac apud Ivonem habemus firmissimum utpote, coævi scriptoris testimonium. Adnotare possumus, disciplinam illius temporis fuisse, ut proposita, eique similes causæ in Episcoporum Conciliis examinarentur, quod tunc temporis decebat maxime ab Alexandro II. insinuari, quod ad dirimendas consanguineorum controversias acerrime a plurimis disputabatur, quemadmodum superius dicendum fuit ad interpretationem canonis 2. cau. 35. qu. 3.

## De Epistola ad Landulphum in Corsica.

Canon 2. cau. 33. qu. 5. supplendus erit ex decreto Ivonis parte 8. cap. 220, quod idem est cum epistola Alexandri II. undecima apud Labbeum; neque enim Gratianus integrum retulit monumentum, sed eam tantum descripsit monumenti partem, qua satis proposito suo facere sibi videbatur. Habet Ivo. *Alexander Papa II. Landulpho in Corsica. Notificasti te morte tenus infirmatum, & peccatorum suorum recordatione, & terrore valde pavescatum, annie quæsisse monachum fieri, & a tua*

tua uxore minis, & terroribus eam occidendi, ad hoc licentiam extorxisse; & sic te monasticam vestem sine abbate sumpsisse, & monasterium petiisse. Postea vero cum sanus factus esses, tuæ uxoris reclamationibus, ejulationibus, & planctibus, tuæque familiæ dispersionibus, utpote pœnitens (ad marginem in decreto Ivonis adnotatur legi in aliis codicibus, utpote penitus) devotus domum remeasse, & post multos dies quorundam sapientum consilio ad jam dissc cubile mulieris redisse. Nunc autem si tibi tua uxore uti liceat, nostrum requiris consilium. Si ita denique est, ut tuus nuncius narrat, non videtur nobis rationabiliter, neque sana mente id factum; quoniam cum omni homini ad monasticam vitam tendenti legaliter sancte, & juxta sic peragendum, tu contra leges minaciter, & violenter a tua uxore, partim terrore mortis, partim tuæ infirmitatis doloribus exanimatus, devotus secutus, nulla, ut dicitur, licentia accepta recessisti, & Monasterium petisti. Non enim violentia, sed ex pari voluntate & consensu, sicut sancti Patres dicunt, hoc fieri debet; neque vir in monasterium recipiendus est, nisi uxor illius fornicarium monasterium elegerit, aut professæ continentiam, habitum cum festinatione mutaverit. Sanctus enim Basilus de hac re taliter dicit: Siquis conjugatus vult converti ad monasterium, non est recipiendus, nisi prius a conjugæ castimoniam proficiente fuerit absolutus. Nam si illa, vivente illo per incontinentiam alteri nupserit, procul dubio adultera erit, nec recipitur apud Deum ejusmodi viri conversio, cujus sequitur conjugalis fœderis profuturum. Tales igitur tunc sine culpa relicto sæculo sequuntur Christum, si habeant ex pari voluntate castitatis consensum. Itaque, fili carissime, perpende, & vide, si sic canonice a tua es absolutus uxore, & tua uxor ita pollicita est, & tu, & illa adimpleo bonum inceptum, & votum vestrum: aliter autem non debemus vobis necessitatem imponere separationis.

## De Epistola ad Rainaldum Cumanum Episcopum.

Canonem 11. cau. 2. qu. 5. recte tributum fuisse Alexandro II. jam superius demonstratum est in cap. 59. ad canonem 7. eadem causa, & questione pag. 104. cau. 24. ubi integrum Alexandri Papæ monumentum ex Ivonis codice describendum volui, 94. 5. nimirum ex epistola 74. ad Hildebertum Cenomanensem Episcopum. Eadem etiam leguntur apud Ivonem in parte 10. cap. 15. decreti, quamobrem nulla superest dubitatio, quin sententiam illam unusquisque Alexandro facile tribuat, cui etiam jungi poterit, imo & debet versiculus *Purgationem*, qui habetur in can. 7. cau. 2. qu. 5., quemadmodum etiam adnotavit Mansus in tomo 1. Supplementi Labbeani pag. 1347., quemadmodum etiam ego laudato in loco animadverti.

## De Epistola ad Valerianum Episcopum Martyrem.

Adnotavit Baluzius in notis ad Gratianum ad canonem 4. cau. 24. qu. 1. in-  
 scriptionem ejusdem canonis esse corruptam in omnibus Gratiani exemplaribus ma-  
 nuscriptis, & editis: Recte autem apud Ivonem parte 14. decreti cap. 57. legi: *Guillelmo Marconi*; in Panormiz editionibus lib. 5. cap. 135. legi uti apud Gra-  
 tianum, quamquam in optimo Panormiz codice Victorino ita habeatur: *Vuillermo Marconi*. Concludit autem Vir eruditus, querendum deinceps esse, quis fuerit ille  
 Mar-

*Marchio Vuillermus*. Lucem quandam præferre obscuræ rei jam visæ est hæc adnotatio Baluzii; hinc facile nobis possumus persuadere, immutandam in primis esse. Gratiani inscriptionem, ut cum Ivone coevo auctore legamus: *Alexander II. Guillelmo Marcioni*, seu verosimilius *Marchioni*; neque enim congruit Alexandri Papæ temporibus nomen *Martyris*, quod solebat primis Ecclesiæ sæculis significare Episcopos in carceribus detentos, vel exilio pulsos Æthnicorum tyrannide; neque, præterea possum assentiri illorum opinioni, qui pro voce *Martyri* legunt *Marturi*, nomine desumpto ab Episcopatu Marturani, urbis in Calabria sitæ; etenim Marturana urbs non Ravennati, sed Consentino Archiepiscopo subest, propterea non facile evenire potuit, ut Martur ille Episcopus a Ravennate Metropoli sententiam passus fuisset excommunicationis. Itaque vel Gratianus, vel Gratiani codicis Amnenses pro *Guillelmo*, sive *Vuillielmo* scripserunt *Valeriano*, & pro *Marchioni* scripserunt *Martyri*. Qua re supposita, amplius progredior, & puto Willielmum illum fuisse Comitum Northmannum, qui dein S. Eduardo in Angliæ Regno successit, cujus meminit tanquam in Germania existentis Baronius ad annum 1064. num. 43. Tunc temporis Archiepiscopus Ravennensis nomine Wibertus adhaeserat Henrico IV. Germanorum Regi, ut scribit Hieronymus Rubeus in lib. 5. Histor. Ravennat., eamque ob rem, ut scribit Johannes Monachus in vita Petri Damiani cap. 21., pro sua protervia, sententia Romanæ Synodi olim fuerat communione privatus, qui tamen cum nimia temeritate nequaquam ob illam sibi sententiam tremefactus ab archiepiscopali temperaret officio, consentaneum sibi populum sua contagione misere sedavit, totamque Ecclesiam illicitis ausibus profanavit. E converso Romanis Pontificibus acceptissimus fuit Willielmus, quem præ ceteris Borealibus Principibus a Gregorio VII. etiam atque etiam commendatum fuisse scribit Baronius ad annum 1074. num. 65., imo excitatum ab Alexandro II. quasi Virum de Sede Apostolica optime meritum ad capeffendum Anglorum Regnum ad se delatum testamento Sancti Eduardi testantur Ingulphus, & Mattheus Westmonasteriensis. Huc spectat epistola 10. inter Labbeanas Alexandri II. ad eundem Willielmum scripta, ubi inter cetera scribit Alexander: *Omnipotentii Deo laudes, gratiasque referimus, quod in hoc tempore licet mundus in maligno positus plus solito pravis incubat studiis, tamen inter mundi Principes, & Rectores egregiam vestræ Religionis famam intelligimus, & quantum honoris Sanctæ Ecclesiæ, tum simoniacæ hæresis vires opprimendo, tum catholice libertatis usus, & officia confirmando, vestra virtus impendat, non dubia relatione cognoscimus. Cum hæc vera sint, verosimile admodum est, inter Willielmum eundem, & Ravennatem Archiepiscopum exortas fuisse simulates, quarum causa, sicut Ravennas Antistes potuit sententia sua Willielmum damnare, ita Willielmus idem potuit auctoritate, & sententia Romani Pontificis erigi, ne sententiam ab Episcopo damnato pronunciatam extimesceret. Verba canonis, qualia habentur apud Ivonem, hæc sunt: *Audivimus, quod Henricus Ravennas diſſus Archiepiscopus nſus sit te excommunicare: quod quia excommunicatus te excommunicare non potuit, apostolica auctoritate te, tuosque absolventes, mandamus exinde non curare. His videor facile adsecutus & sententiam, & interpretationem canonis, nisi forte quemquam adhuc jure moretur, quod dicitur in canone, Henricum Ravennatem Episcopum fuisse, quando alias non ignoretur, non eum fuisse Henricum, sed potius Vuibertum. Sed hæc difficultas, quæ statim suo momento non carere videtur, facile evanescit in conspectu Gratianeorum quorundam vetustissimorum exemplarium, in**

quibus

quibus ita legitur: *Audivimus, quod hereticus Ravennas, &c.* Itaque non Henricum legemus, sed *hereticum*; qualis tunc temporis appellari solebat, qui eadem navi vehebatur cum Henricianis omnibus, quibus Vuibertus adhærebat.

## De ceteris Capitibus Alexandro II. adtributis.

Plurima adhuc supersunt capita Alexandro II. tributa, quæ leguntur definita in Concilio Romano sub eodem Pontifice celebrato centum, & amplius Episcoporum anno 1063. adversus Simoniacos, & recentiores Nicolaitas. Cumque in hac Synodo eadem fere statuta fuerint duodecim canonibus editis, quæ pridem decreta fuerant a Nicolao II., Gratianus non infrequenter canones ipsos utriusque Pontificis nomine laudandos voluit. Hujusmodi sunt in primis canones 109. & 110. cau. 1. Can. 109.  
110.  
cau. 1.  
qu. 1. qu. 1., qui, uti superius tradidi, editi jam fuerunt a Nicolao II., ac postea renovati perhibentur ab Alexandro in cap. 1. & 2. memorati Concilij his verbis: In cap. 1. *Primo namque inspectore Deo, sicut a Sancto Papa Leone, & a sanctæ memoriæ Papa Nicolao primum statutum est, erga Simoniacos nullam misericordiam in dignitate servanda habendam esse decernimus, sed juxta canonum sanctiones, & decreta Sanctorum Patrum, eos omnino damnamus, ac in Ecclesia non præesse Apostolica auctoritate sancimus.* In cap. 2. *De his autem, qui non per pecuniam, sed gratis sunt a simoniaci ordinati, quia quæstia jam a longo tempore diutius ventilata est quæstio, omnem nodum dubietatis absolvimus, ita ut super hoc capitulo neminem deinceps ambigere permittamus. Quia igitur usque adeo hæc venenata perniciēs hactenus inolevis, ut vix quælibet Ecclesia valeat reperiri, quæ hoc morbo non sit aliqua ex parte corrupta, eos, qui usque modo gratis sunt a simoniaci ordinati, non tam obtentu justitiæ, quam intuitu misericordiæ, in acceptis ordinibus manere permittimus, nisi forte alia culpa ex vltis eorum secundum canones eis obstat. Tanta quippe talium multitudo est, ut dum rigorem canonici vigoris super eos servare non possumus, necesse sit, ut dispensatione ad piæ condescensionis studium nostros animos ad præsens inclinemus. Ita tamen, ut auctoritate Sanctorum Apostolorum Petri, & Pauli omnimodis interdicamus, ne aliquis Successorum nostrorum ex hac nostra permissione regulam sibi, vel alicui sumat, vel præfigat; quia non hanc aliquis antiquorum Patrum jubendo, aut concedendo promulgavit, sed temporis nimia necessitas permittendo a nobis extorsit. De cetero autem statui-  
mus, ut si quis in posterum ab eo, quem Simoniacum esse non dubitat se consecrari permisit, & consecrator, & consecratus non disparem damnationis sententiam subeat, ut uterque depositus agat pœnitentiam, & privatus ab ea propria dignitate persistat. Sic descripti integri canones perspicue indicant, quænam fuerit Alexandri sen-*

In capite 3. 4. & 5. ejusdem Romanæ Synodi legitur canon 6. dist. 32. his verbis: In cap. 3. *Præter hæc autem præcipiendo mandamus, ut nullus missam audiat Presbyteri, quem scitis concubinam indubitanter habere, vel subintroduciam mulierem.* Unde sancta Synodus hæc a capite sub excommunicatione statuit, dicens: *Quicumque Sacerdos, vel Diaconus post constitutum B. memoriæ Prædecessoris nostri Sanctissimi Papæ Leonis, aut Nicolai de castitate Clericorum, concubinam duxerit palam, vel dulum non reliquerit, ex parte omnipotentis Dei, & auctoritate Apostolorum Petri, & Pauli præcipimus, & omnino interdicimus, ut non cantet missam, neque*

*Evangelium, neque epistolam ad missam legat, neque in presbyterio ad divina officia cum his, qui præfatæ constitutioni obedientes fuerint, maneat, neque partem ab Ecclesia suscipiat. In cap. 4. Et præcipientes statuimus, ut hi prædicatorum ordinem, qui ipsæ Prædecessoribus nostris obedientes castitatem servaverint, juxta Ecclesias, quibus ordinati sunt, sicut oportet religiosos Clericos, simul manducent, & dormiant, & quidquid eis ab Ecclesia competiti, communiter habeant. Et rogantes monemus, ut ad apostolicam communem vitam summo pere pervenire studeant, quatenus perfectionem consecuti, cum his, qui centesimo fructu distantur, in cælesti patria mereantur adscribi. Et in cap. 5. Ut decimæ, primitiæ, seu oblationes vivorum, & mortuorum reddantur a laicis, & in dispositione Episcoporum sint; quas qui tenuerit, a Sanctæ Ecclesiæ separetur communione.*

Can. 20.  
can. 16.  
qu. 7.

Ad idem Concilium referendus erit canon 20. cau. 16. qu. 7., in quo continentur tria Synodi capita, nimirum 6. 7. & 11. In cap. 6. hæc habentur: *Ut per laicos nullo modo quilibet Clericus, aut Presbyter obtineat Ecclesiam nec gratis, nec pretio. In cap. 7. Nec aliquis Presbyter duas Ecclesias obtineat. In cap. 11. Ut nullus habitum monachalem suscipiat, spem, aut promissionem habens, ut Abbas fiat. Nemo statim non videt, has constitutiones fuisse illis temporibus maxime opportunas.*

Can. 17.  
can. 35.  
qu. 2.

Decum huc etiam referri posset canon 17. cau. 35. qu. 2., licet enim iste, describatur nomine Nicolai II., jure tamen pertinere etiam videtur ad eandem Romanam Synodum, in cujus cap. 9. hæc leguntur: *Et ut de consanguinitate sua, nullus uxorem ducat usque ad septimam generationem, vel quousque parentela cognosci poterit, quod prius a Nicolao II. statutum fuit. Et in cap. 10. Et ut laicus uxorem simul habens, & concubinam, non communicet Ecclesiæ.*

Can. 13.  
dist. 56.

In aliquot Gratiani editionibus depravata fuit scriptura canonis 13. dist. 56. in fine, ubi enim antiquiores omnes habent: *Nam pro eo, quod filius Sacerdotis dicitur, si ceteræ virtutes in eum conveniant, non recipimus, sed suffragantibus meritis connivendo eum recipimus, perperam in aliquot recentioribus errato, ut puto, Typographorum legitur: Nam pro eo, quod filius Sacerdotis dicitur, si ceteræ virtutes in eum conveniant, non recipimus. Ceterum non arbitror in hoc canone satis firmum juvandæ ecclesiasticæ disciplinæ præsidium posse collocari; etenim non alterius testimonio fulcitur, quam Anselmi Collectoris, quem sine delectu germanis monumentis passim apocrypha miscuisse eruditus Viris perspicue constat. Falsitatis suspicio in hac parte non levis etiam emergit ex eo, quod canon ille parum congruere Alexandri II. temporibus videatur. Etsi enim circa finem undecimi sæculi vetitæ fuerint ordinationes spuriorum, ac præsertim filiorum ex Presbyteris descendendum, plurimum tamen vereor, ne illud interdictum Alexandri II. temporibus adhuc prodidiisset, cum in Conciliis Alexandri II. plura quidem inveniamus, quibus apparet aut Simoniacos, aut incontinentes Clericos a sacris officiis fuisse remotos, nihil tamen specialiter de filiis Presbyterorum cautum adpareat; quum obrem non video, qua ratione scribere potuerit Alexander se ex convincta Presbyteri filium recipere, quasi ex dispensatione generalis jam præstitutz per editos canones disciplinæ. Quædam veluti imago recentioris disciplinæ adparuit sub finem decimi Ecclesiæ sæculi; non tamen formata generalibus decretis Conciliorum, vel Summorum Pontificum, sed potius singularibus quorundam Capitulorum, seu Collegiorum statutis, & passionibus: *Eo namque tempore* (sunt verba Christi-*



(Christiani Lupi) Duces, & Comites suos passim ex ancillis bastardos violententer intrudebant in sacras dignitates, atque ita servili simul, atque adulterino sanguine sadabant Ecclesias. Adversus illos solemni juramento se adstrinxerunt plura Capitula, de nullis deinceps in suum Collegium admittendis bastardis, nullisque servis, nisi ex Ecclesie sue familia legitime natis. Deinde primum hac in re editus adparet canon in Concilio Pictavienſi anni 1078. tempore Gregorii VII. celebrato, relatus in cap. 1. de filiis Presbyter. apud Gregorium IX., quæ tandem disciplina passim ad omnes fere Ecclesias traducta fuit, ex constitutionibus variarum Diocesinarum Synodorum, inter quas recenseri potest Claromontana anni 1095. can. 25. Atque id maxime, congruum videbatur, ut & Clerici incontinentes quoquo modo plederentur, & nonnullorum laicorum beneficia ecclesiastica suis conferentium excessus coerceretur.

Canon 11. cau. 16. qu. 6. auctoritate Ivonis Carnotensis coevi Collectoris innititur, nam Ivo in parte 7. Decreti cap. 151. hæc scribit: *Alexander II. Clero, & Populo Florentino: Juxta Chalcedonenſis tenorem optimi Concilii, cujus series adſeſſitur inferius, Monachis quavis religioſis ad normam S. Benediſti inter clauſtra morant præcipimus: vicus, caſtella, civitates peragrarè prohibemus, a Populorum omnino prædicatione ceſſare conſuimus, niſi forte quis de ſue ſalute animæ ſollicitus, ut eorum habitum aſſumas, eos intra clauſtrum conſulere volueris.* Canonis hujus ut integra, & temporum adjunctis adcommodata interpretatio habeatur, animadvertendum eſt, exortum fuiſſe tunc in Florentina Civitate dirum ſchiſma auctoribus quibuſdam Monachis, quarum caput in conientione erat Theuſo & ipſe Monachus, quemadmodum refert Baronius ad annum 1063. num. 7. & ſequi. Siquidem Monachi illi Populum fere univerſum concitaverunt adverſus Petrum Florentiæ Episcopum, quem ſimoniace electum prædicabant, atque turbas, comitiæque facinriæ a rebus ſacris a Petro celebratis abhorrebant, eaque veluti ſacrilegia damnabant; hinc palam ſuadebant non in urbe Sacramenta eſſe ſuſcipienda, ſed extra urbem in monaſteriis; imo quoties baptizandum eſſet, ipſi Sacramentum regenerationis adminiſtrabant, utentes aqua non chriſmate benediſta, ne chriſma a Simoniaco conſecrarum tangerent. Tanta fuit, ac tam pernicioſa ſeditio, ut opus fuerit eo Alexandri Papæ decreto, quo Monachorum illorum inopportuna temeritas cohiberetur. Sane huiusmodi tempora paſſim Monachorum, & Clericorum contentioniſus occaſionem præbuiſſe nemo ignorat; cum ob lugenda Clericorum plurimorum vitia nonnullis viſa fuerint Sacramenta per Monachos religioſius adminiſtranda. Et quidem alicubi res bene ceſſit, alicubi vero ubi acriores fuere contentiones, vix congruum adferri remedium potuit. Hinc Alexander idem II. in epiſtola ad Lanfrancum Cantuarienſem Episcopum, quæ eſt 39. apud Labbeum, redarguit nonnullos Anglicanos, qui Monachos omnino a clericalibus officiis expellendos voluerint, ibi: *Accepimus a quibuſdam venientibus de partibus veſtris, quod quidam Clerici aſſociato ſibi laicorum auxilio moliantur de Ecclſia S. Salvatoris Monachos expellere... hoc niſiocere conantur, ut in omni Sele Episcopali ordo Monachorum exſiſtor, quæſta eis non vigeat auctoritas religionis.* Viceverſa ipſe Alexander in adprobatione Congregationis Monachorum Eremitarum Camildolenſium Ordinis S. Benediſti, quæ habetur in Bullario Romano, verius, ne forte aliquando Clericorum invidia in ſe Monachi concitarent, ita cavet in §. 4. *Volumus, & conſtituimus, ut jam dictum oratorium cum cellis ſuis omni tempore eo modo, atque tenore, quo prius incho-*

Can. 11.  
cau. 16.  
qu. 6.

tum est, & ad nostra usque tempora produlum maneat in suo vigore, atque stabilitate, scilicet ut semper eremitico tramite contemplativæ vitæ celsitudine perseveret, nec liceat cuiquam unquam aut abbatem ibi ponere, aut cœnobium facere, sed semper solitaria vitæ locus ipse sit deditus, & firmitate continua dedicatus.

Can. 1.  
can. 17.  
qu. 2. Testatur Baluzius in notis ad Gratianum, in Panormia edita Basileæ inscriptionem canonis 1. cau. 17. qu. 2. hanc esse: Calix III. Hugoni Treverensi, & Theorico Virilinenſi Episcopo; in editione autem Lovanienſi lib. 3. cap. 183. hanc esse: Calix III. Hugoni Treverensi, & Theorico Verdunenſi Episcopis; melius in codice, Viſtorino: Alexander II. Hidoni Tervirensi, & Theodorico. Mihi recedendum non videtur a decreto Ivonis coevi collectoris, unde non tam inscriptionem canonis, quam canonem ipsum integrum describere possumus. Habet Ivo in parte 6. cap. 428. Alexander II. Udoni Ereverensi, & Theodorico Viridunenſi Episcopis. Presensium latior Cosaldus Presbyter ad limina Apostolorum veniens querelam Apostolicæ Sedi deposuit, beneficiæ, & altaria, quæ per canonicam Viridunenſis Ecclesiæ obtinere solebat, a quodam Diacono Richerio nomine sibi ablata esse. Dixit enim, quod quondam in infirmitate fervore passionis oppressus Monachum se facere promiserit, non tamen ut monasterio, vel Abbati se tradiderit, vel promissionem scripserit, sed confectur, quod præfatum beneficium in manu Advocati Ecclesiæ restituerit. At postquam convalescit, Monachum facere mox negavit. Dixit etiam, quod cum infirmus jaceret, prædictus Richerius beneficium suum ab Episcopo Viridunenſi adquirere potuisset, quia dixit eum Monachum jam factum esse. Causa differtur in Treverensem Synodum, in qua præfatus Richerius Diaconus mala fide adquisisse, ac male intrasse convictus est. Quapropter, quia B. Benedicti, canonicaque, & præcipue Patris, & Prædecessoris nostri S. Gregorii Papæ constitutio interdicat, ante unius anni probationem effici Monachum, si ita est, ut dixit, iudicamus, & auctoritate apostolica præcipimus, ut diligentia vestra, atque clementia eorum portitor Cosaldus Presbyter videlicet, beneficiæ, & altaria recipiat, habeat, & quiete retineat. Memoratæ hujus Trevirensis Synodi mentionem facit Mansius in tom. 1. Supplementi Labbeani pag. 1371.

Can. 22.  
can. 17.  
qu. 4. Verba canonis 22. cau. 17. qu. 4. referenda videntur ad canonem 3. Concilii Constantinopolitani in templo S. Sophiæ habiti a Photio, ubi ita legitur ex interpretatione Beveregii: Si quis laicus auctoritate usus, divinis quidem, & regiis iussis contemtis, reverendisque Ecclesiæ ritibus, & legibus irritis aliquem Episcopum verberare ausus fuerit, vel in custodiam tradere, vel sine causa, vel aliqua consilia causa, is sit anathema. An hæc, similisve sententia Alexandro II. tribui quoquo modo possit, plurimum dubito, ex eo, quod nec apud Ivonem, nec apud alios Collectores coevos aliquid tale sub Alexandri nomine reperitur, nisi forte quemquam detinere posset epistola ad Clerum Vvulturnensem, quæ est 30. inter Labbeanas, eruta ex decreto Ivonis parte 10. cap. 16., ubi pœnitentia infligitur adversus percussores, atque occisores Presbyterorum. Non immoror in voce illa priorum interpretanda, ubi enim Gratianus immutavit canonum verba, quid interest, privati Collectoris sententiam investigare? Mihi satis est retulisse Synodi Photianæ verba, tanquam illa, ad quæ Gratianus canon exigatur, licet deinde Synodi illius auctoritas nihil habeatur.

Can. 5.  
can. 35.  
qu. 5. Non est quoque, cur immorer in can. 5. cau. 35. qu. 5., utpote quem satis expenderunt Romani Corredores, adseverantes illum non esse Alexandri, sed usque ad S. uxorem esse Gregorii Polycarpi, qui in lib. 6. suæ collectionis postquam con-

stituitur.

stitutionem Alexandri II. retulit, quæ habetur apud Gratianum in can. 2. cau. 35. qu. 5. hæc verba de suo adjecit: *Quod autem frater, sororve uxoris tuæ cognati tui dicuntur, æquivocationis jure fit, & necessitate vulgaris appellationis potius, quam ulla causa cognationis.* Imprudens Gratianus putavit hæc esse Alexandri, cui propterea statim adscripsit. Quæ vero sequuntur, acceperat Polycarpus ex Ildoro in lib. 9. Ethimologiarum cap. ult. ibi: *Fratris uxor fratris vocatur: mariti frater levir dicitur: Duorum inter se fratrum uxores janitricæ vocantur, quasi eandem januam terentes, vel per eandem januam iter habentes. Viri soror glos appellatur. Sororis vir speciale nomen non habet, nec uxoris frater.* Consonant hæc etiam cum l. 4. §. 6. ff. de gradibus, & affinibus, ubi Homeri auctoritate & viri frater levir, & duorum fratrum uxores non janitricæ, sed inateres appellantur; ubi etiam viri soror glos apud Græcos dicitur, glos apud Latinos, quo pertinet versus Horatii: *Vitricus, atque audax sequitur cum glote noverca.*

Apud Ivonem in parte 2. Decreti cap. 81. eisdem verbis refertur canon 53. de conf. dist. 1., neque ego dubitarem, quominus jure tribuendus esset Alexandro II., Can. 53.  
de conf.  
dist. 1. si Alexandro II. idem Ivo adscripsisset. Verum tantum Alexandrum Papam nominavit, quin indicaret, primusne esset, an secundus. Quamobrem res admodum incerta esse videtur, eo vel magis, quia similia quædam habentur in excerptionibus Egberti Eboracensis Alexandro II. longe antiquioris, nam in cap. 54. ita legitur: *Et sufficit Sacerdoti unam missam in una die celebrare, quia Christus semel passus est, & totum mundum redemit: in levitico quoque scriptum est, non debere Aaron ingredi assidue intus in sancta.* Hinc non videtur adfentiendum Severino Binio, qui eum canonem referendum putavit ad Synodum Romanam sub Alexandro II. celebratam, utut inter ejusdem Synodi canones desideretur. Interea vero non video, sententiam ejusdem canonis temporibus Alexandri II. dissonare. Etenim cum ea ætate plures essent Sacerdotes simoniace ordinati, ut ad illius temporis passim testantur, facile eo adducebantur ex avaritia, ut missarum sacrificia quotidie ingeminaient turpis lucri causa, præsertim quod, ut scribit Petrus Damiani in lib. 5. epist. 15., privatarum jam invecus esset usus elemosynarum, & extra Ecclesiam datarum, quamquam hic usus post sæculum demum duodecimum generaliter in latina Ecclesia obtinuerit, quemadmodum docet Mabillonius in præfatione ad 1. partem sæculi 3. Benedictionum num. 62.



## CAPUT LXXXIV.

## De Gregorio VII.

Gregorio VII. Pontifici hæc apud Gratianum capita tribuuntur :

Ex statutis  
Concilii Romani.

- Can. 1. dist. 83. referendus ad Concilium Romanum V.*  
*Can. 113. cau. 1. qu. 1. referendus ad Concilium Romanum V.*  
*Can. 124. cau. 1. qu. 1. referendus ad Concilium Romanum V.*  
*Can. 3. cau. 1. qu. 3. referendus ad Concilium Romanum V.*  
*Can. 103. cau. 11. qu. 3. jungendus cum can. 4. cau. 15. qu. 6.*  
*Can. 4. cau. 12. qu. 2. referendus ad Concilium Romanum V.*  
*Can. 4. cau. 15. qu. 6. exigendus ad Concilium Romanum IV.*  
*Can. 1. cau. 16. qu. 7. referendus ad Concilium Romanum V.,*  
*et emendandus.*  
*Can. 12. cau. 16. qu. 7. referendus ad Concilium Romanum VII.*  
*Can. 13. cau. 16. qu. 7. referendus ad Concilium Romanum V.*  
*Can. 6. de pœn. dist. 5. referendus ad Concilium Romanum V.*  
*et ex eo emendandus.*  
*Can. 69. de conf. dist. 1. referendus ad Concilium Romanum V.*  
*et emendandus.*  
*Can. 15. de conf. dist. 5. ad alios seculi xi. codices exigendus.*  
*Can. 31. de conf. dist. 3. referendus ad Concilium Romanum V.*

Ex Epist. ad Vitr-  
mundum Episcop-  
pum Aversanum.

- Can. 5. dist. 8. temporibus Gregarii facile accommodatus.*

Ex Epist. ad  
omnes per Re-  
gnum Italicum,  
& Theutonicum.

- Can. 15. dist. 81. pertinet ad Concilium Romanum anni 1074.*

Ex Epist. ad Heri-  
mannum Meten-  
sem Episcopum.

- Can. 9. dist. 96.*  
*Can. 3. cau. 15. qu. 6.*
- { simul jungendi, atque ad optimorum-  
Scriptorum monumenta exigendi.*

Adjiciuntur

- Can. 13. cau. 1. qu. 3. pertinere videtur ad Concilium Roma-  
num V.*  
*Can. 3. cau. 16. qu. 7. idem est cum can. 13. cau. 1. qu. 3.*

Postquam Romani discissi fuerunt ab imperio Græcorum, vix quisquam inveniet, per plura succedentia sæcula Occidenti universo firmam aliquam, aut diuturnam pacem, tranquillitatemque adquisitam; non solum enim barbararum gentium

gentium arma ad totam fere Europam devastandam accefferunt, verum etiam, interlinis concertationibus obnoxia Provinciarum omnes fuisset armis in extremum, interitum corruerant. Nimirum ea rebus publicis perpetuo imminuit calamitas, quoties in novam regiminis formam transferrentur, ut plurimos regnandi cupiditas invaderet, in varia studia distractis suffragiis populorum. Hinc apud Historicos legimus, post interitum Orientalis in Romanos Imperii non paucos in Europa Principes prodixisse de variis ditionibus inter sese contentendes, variatque etiam pro vi, fatoque armorum provincias occupantes, ac sibi vindicantes imperium. His sane in causis si multum poterat auctoritas Sacrorum Antistitum in singulis Diocesisbus constitutorum, quos tamquam Parentes optimos populi venerabantur, quos etiam velut Consiliarios prudentissimos ipsimet populorum Principes colebant quam frequentissime, nemo statim non videt, quanta fuerit auctoritas Pontificum Maximorum, qui Occidentali Ecclesiarum singulari etiam jure praeerant, ut semper praefuerunt, quique illi urbi, ac populo regendo additi specialiter ex Sancti Petri Apostolorum Principis successione fuerunt, qui populus, quaeque urbs Imperatoribus ipsis nomen dabat, & reparatam quodammodo vetustissimi Imperii dignitatem cum potestate. Urgebant etiam populorum animos aliquot Religionis causae cum Imperii translatione conjunctae; Graecorum ambitus, qui universae Ecclesiae Primum in Constantinopolitano Episcopo renovato identidem conatu constituebant; Graecorum eorundem haeresis adversus sacras Imagines non ubique locorum, nec perpetuo confecta, atque alia his similia, quae a populis in libertatem quandam proclamantibus sum Principem, in sacras Imagines religiosum, Apostolicamque Sedis Cultorem eligendum exposcere videbantur. Quamobrem eo deducta res fuit, ut a Romanis Pontificibus post octavum Ecclesiae saeculum usque donec stabilia fuerunt vel Imperia, vel Regna, universae propemodum Principum in Europa potestates pendere potissimum viderentur, in illos ut plurimum ex populorum consensionibus, ac suffragiis translato Principatu, quorum fidem, religionem, pietatem, virtutem, ceterasque dotes Summo Imperante dignas Maximus Pontifex probavisset. Erat tum fluctuans inter diversas gentes imperium a Graecis jamdiu abscissum modo apud Francos, modo apud Germanos transferendum. Quis autem non videat, in his temporum, locorum, ac causarum adjunctis qualis esse potuerit Sacerdotii, & Imperii imago, imo & utriusque conjunctio: nimirum qui rebus sacris praeerat, regna etiam administrare quodammodo videbatur, cum ejus essent maximae in eligendis Principibus partes; illi vero, qui Principatum gerebant, nihil antiquius habebant, quam curare, ut electiones Sanctorum Antistitum, quoad fieri posset, ad suam potestatem devolverentur, rati futurum tum, ut firmiter in se, ac suis regnum, vel imperium obtinerent, cum sibi, ac suis chariores, ac propensiores eligerent. Est haec imago Christiani Occidentalis Orbis mediae aetatis, quae ex temporibus Gregorii VII. exhiberi potest. Sedem ipse Pontificiam consecutus est anno 1073., tenuitque usque ad annum 1085. Testatur ipse, pertinuisse tunc ad iura Sancti Petri plura Europae Regna: De Regno Galliarum ita scribit in epistola ad Philippum Regem Francorum lib. 8. Regesti epist. 20. *Maxime entere, ut B. Petrum, in cujus potestate est tuum regnum . . . tibi facias debitorem*; item in epistola 23. lib. 8. asserit jam ab aetate Caroli Magni Gallos omnes annuum tributum Romanarum Ecclesiarum persolvisse; praeterea in lib. 9. Regesti epist. 12. exhibetur juramentum fidelitatis, quod Romano Pontifici praestitit Bertrannus Provinciae

vinciz Comes, ut adpareat, Provinciz Comitatum in Gallia singulari jure a Pontificibus Maximis accepto ferendum fuisse. Præterea in *Dalmatia Regem auctoritas Apostolica constituit* (sunt eadem verba Gregorii in epistola ad Wezelinum lib. 7. Regesti epist. 4.) Exhibetur in lib. 7. Regesti post epistolam 1. investitura a Romano Pontifice concessa Apuliz, Calabriz, ac Siciliz, item juramentum fidelitatis a Roberto facti, imo & jura proponuntur ejusdem Papæ quoad Salernum, Amalphiam, & partem Marchiz Firmanz. Corficam etiam insulam perinuisse ad jura Apostolicæ Sedis idem Gregorius testatus est in epistola ad Corfos 4. lib. 5. Regesti ibi: *Scitis Fratres, & charissimi in Christo Filii non solum vobis, sed multis gentibus manifestum esse, insulam, quam inhabitatis, nulli mortalium, nullique potestati, nisi Sanctæ Romanæ Ecclesiæ ex debito, vel juris proprietate pertinere*; atque hæc eadem insula dicitur in epistola ad Landolphum 12. in lib. 6. a jure & dominio Sanctæ Romanæ Ecclesiæ per quorundam pravorum hominum invasionem subtrahæ. Regnum quoque Hispaniæ refert Gregorius Romanæ Ecclesiæ fuisse subjectum; ait enim epist. 7. ad Principes Hispaniæ lib. 1. Regesti: *Non latere vos credimus, Regnum Hispaniæ ab antiquo proprii juris Sancti Petri fuisse, & adhuc (licet diu a Paganis sit occupatum) lege tamen justitiæ non evacuata nulli mortalium, sed soli Apostolicæ Sedi ex æquo pertinere*. Et in lib. 4. epist. 28. ad Hispanos scribit, Regnum Hispaniæ ex antiquis Constitutionibus B. Petro, & Sanctæ Romanæ Ecclesiæ in jus & proprietatem esse traditum, licet postea subjiciat, barbarorum tyrannide ita fuisse occupatum, ut proprietatis memoria dilabi cæperit. Simile jus fuisse Romanæ Sedi Gregorius adseruit in Regno Hungariæ in epist. ad Salomonem Hungarorum Regem 13. lib. 1. Regesti ibi: *Regnum Hungariæ Sanctæ Romanæ Ecclesiæ proprium est a Rege Stephano olim B. Petro cum omni jure, & potestate sua oblatum, & devote traditum*. Curam quoque ac sollicitudinem se non mediocrem adhibuisse, fatetur Gregorius in Rege Angliæ constituendo epist. 23. lib. 7. Quid plura? Liquet ex his abunde, Gregorii VII. Pontificis tempore quæ, quantaque fuerint Sedis Apostolicæ jura in universa propemodum Europæ Regna, ac Principatus, unde videretur supremæ ac generali spiritualium rerum potestati, summa quoque ac generalis imperii in occidente constituti auctoritas accessisse. Quod quidem non satis placuisse videtur Imperatori, qui tunc erat Henricus IV. Henrici III. filius, licet & ipse dignitatem a Sede Apostolica consequutus; etenim Gregorius in Epistola ad Rodolphum Sveviz Ducem 19. lib. 1. testatur se Henricum in Regem elegisse, & in epistola ad Salomonem Hungarorum Regem 13. lib. 2. asserit Henricum Imperatorem defunctum jura imperii a Sede Apostolica agnovisse. Displicuit, inquam, Henrico, qui ubi agnovit viros ecclesiasticos, præsertim Pontificem Maximum, plurimum potuisse tunc in imperiis, regnque firmandis, transferendisve, solertissime curavit, ut ad se sacrorum eorumdem Antistitum inaugurationem, ipsius etiam Pontificis Maximi electionem pertraheret.

En originem satis undique pervagati dissidii inter Pontificem Maximum, ac Principes nonnullos, unde plurima in Rempublicam, & Ecclesiam ipsam incommoda derivaverunt. Gregorius Regi Angliæ indixit, ut si modum in conferendis Episcopatibus minime fervet, se sciat iram B. Petri in se graviter provocaturum, lib. 7. Regesti epist. 1. ad Humbertum. Regem Galliarum monuit, ut resipisceret, secus futurum comminatus est, ut Franci generalis anathematis mucrone percussus illi ulterius obtemperare recusent, in lib. 1. Regesti epist. 35. ad Rodericum.

Cabilo-

Cabilonenſem Episcopum . Urget præterea in lib. 2. epist. 5. ad Episcopos Francorum ibi : *Quod si nec hujusmodi districtione voluerit respicere nulli clam, aut dubium esse volumus, quin modis omnibus Regnum Franciæ de ejus occupatione adjuvante Deo tentemus eripere, quod ipsum repetit in epist. 18. lib. 2. ad Guillelmum Comitem Pictavensem. Tandem sententia prodiit non semel, sed pluries pronuntiata adversus Henricum Imperatorem, qualem legimus in Regeſto lib. 3. ad calcem epistolæ 6. nec non in Concilio III. Romano sub Gregorio. At vero e contrario Reges ac Principes facto suo Episcopos sibi non adherentes ejecerunt, recepto aliquando pretio alios ejectorum in locum substituerunt. Henricus III. Germaniæ Rex Gregorium VI. Pontificem deturbavit suffecto in ejus locum Suidgero, qui dictus est Clemens II., ac deinde Nicolaus II., & Alexander II. aliis substitutis a Sede Pontificia semel adepta dejecti sunt; atque, ut ad Gregorium VII. deveniam, ipse antequam in Henricum IV. in Romano Concilio sententiam pronuntiaret, depositionis suæ sententiam ab eodem Henrico latam in ipſo Concilio præfatus audivit, eam pronuncians Imperatoris Legato: quibus sane contentioni- bus concutiebatur propemodum Christianus orbis, dum Pontifices ac Reges mutuis se dejectionibus lacessirent, dum tamen interea æqualia viderentur utriusque partis studia, unde improbi homines occasionem sumserunt, impune multa flagitia perpetrandi; siquidem ex istis qui Regum ac Principum minas gravissimorum criminum reus spernere voluisset, adsumta decora Religionis specie, Pontificiæque sententiæ titulo inobedientiam suam protegebat; qui vero irreligiosas res ecclesiasticas pessumdare meditabatur, Regium facile patrocinium se obrinuisse jactabat.*

Et quidem gravissima hæc in Rempublicam universam incommoda agnovcrunt & Gregorius Papa, & Imperator Henricus; ille dum metuendum Theutonico- rum, aliorumque adhaerentium schisma adversus Romanam Ecclesiam concitatum, sensit, hic dum plures a suo deficere in dies imperio animadvertebat; eam propterea ob rem mitius utrimque agi cœpit, ac conclamatum nihil aliud nisi pacem, unitatemque exoptari. Pacem conclamavit Sanctissimus Pontifex lugens ex acerrimis contentionibus suborientia mala, in epist. 39. lib. 1. ad Wozelinum Magdeburgensem Archiepiscopum, & alios ibi: *Verum inter ceteras curarum anxietates ea nos maxime sollicitudo coarctat, quod inter vos & Henricum Regem vestrum videlicet dominum tantam discordiam, & tam inimica studia exorta esse cognovimus, ut exinde multa homicidia, incendia, depredationes Ecclesiarum, & pauperum, ac miserabilem Patriæ vestræ vastitatem fieri audiamus. Qua de re Regi missimus exhortantes, & ex parte Apostolorum Petri, & Pauli eum admonentes, ut interim sese ab armis, & omni bellorum infestatione contineat, donec tales ad eum ab Apostolica Sede Nuntii dirigamus, qui tantæ dissensionis causas & diligenter inquirere, & annuente Deo ad pacem, & concordiam æqua valeant determinatione perducere. Atque itidem vos exoratos & Apostolica auctoritate commonitos esse volumus, ut ex vestra parte omni motione sopita easdem pacis inducias observetis, nec aliqua occasione nobis cum Dei adjutorio adjuvenda pacis impedimentum opponatis. Eandem concordiz voluntatem clarius etiam exhibuit in epistolis ad Germanos, & ad Udonem Trevirenssem, quæ sunt 15., & 16. in lib. 5. Regeſti, ubi scripsit gravissimam sibi sollicitudinem, imo & tristitiam fuisse de perturbatione ac dissidio Germanici Regni, eo etiam vehementiore in dies augeri animi curam, quo diuturnior, ac perniciosior res in dies fieri dignoscebatur; proindeque se quidquid consultius visum esset, maturare*

cepisse, deque ineunda firmandaque pace sedulo meditari, professus tandem se Legatos missurum, quorum interventu, quæ juris essent, communi consilio desinrentur, eaque ratione concordia, in quam toto animi sui conatu intendebat, repararetur; quæ ipsa Gregorius idem repetiit in epist. ad omnes Clericos, & Laicos Regni Theutonici, quæ in Regeito est 1. lib. 6. Pacem quoque aliquando conclamavisse Henricum Gregorius ipse testatus videtur in epistola ad Herlembaldum Mediolanensem 25. lib. 1. ibi: *Henricum Regem præterea scias dulcedinis & obedientiæ plena nobis verba misisse, & talia, qualia neque ipsum, neque Antecessores suos recordamur Romanis Pontificibus misisse.* Sed magis id ostendit Henricus idem in epistola ad Gregorium, quæ est in lib. 1. Gregoriani Regeiti ad calcem epistolæ 29., cujus priora verba hæc sunt: *Cum enim Regnum, & Sacerdotium, ut in Christo rite administrata subsistant, vicaria sui ope semper intelligant, oportet nimirum Domine mi, & Pater amantissime, quatenus ab invicem minime dissentiant, verum potius Christi glutino conjunctissima indissolubiter sibi cohereant. Namque, sic, & non aliter conservatur in vinculo perfectæ charitatis, & pacis, & Christianæ concordia unitatis, & ecclesiasticæ simul status religionis.* Aurea sane sententia, quæ si perpetuo menti Henrici infunderetur, Gregorio annuente, facile erat futurum, ut pacatis Ecclesiæ & Imperii rebus nec Gregorius in exilio Henricus insequente obisset, nec Henricus urgente Gregorio Rodolphum Imperii Æmulum, ac deturbatorem expertus fuisset.

Hæc omnia per brevem veluti historiam paucis collecta satius duxi prænotanda, atqueam Gregorianos canones, qui apud Gratianum proponuntur, expendere, ut æquus sacrorum Canonum Interpres exinde rationem sumat, Gregorianas ipsas Constitutiones, atque epistolas suis temporibus, ac causarum suarum adjunctis, uti decet, accommodare. Nemo enim non videt ex illis, qualis fuerit & quam tristis sæculo undecimo Ecclesiæ facies, quam scilicet turpiter labefactatam Gregorius pluries lugebat, epist. 42., & 70. lib. 1. inter cetera ita scribens in epist. 9. lib. 2. *Pene in oculis nostris naufragantem Ecclesiam nullo valemus eripere gubernaculo,* & epist. 45. lib. 2. *Infelicia tempora nemo viventium vidit, nec a tempore B. Sylvestri Patris nostri scripturarum traditione reperit.* Conferatur cum his epistola 49., & 75. lib. 7., & epist. 9. lib. 8. Quod si fervidis hæc diuturnisque Sacerdotii, & Imperii contentionibus addas corruptam Clericorum non minorum tantum, sed & majorum disciplinam, quemadmodum ex simoniaciis Episcopatuum, ceterorumque beneficiorum inferiorum collationibus, depravatisque virorum ecclesiasticorum moribus, quales historici exhibent universi, facile constat, nemo dubitabit, quin res plena periculi esset tunc temporis in officio singula continere, quum nec qui auctoritate continendi pollebant, ea facile experiri potuissent. In referendis autem Gratiani capitibus Gregorii ejusdem nomine memoratis, et primum recensendo, quæ spectant Romana concilia ejus Pontificis auctoritate celebrata, deinde illa, quæ ex illius epistolis, ceterisque monumentis decerpta dignoscuntur.



## De Romanis Conciliis sub Gregorio celebratis.

Plura sub Gregorio VII. celebrata fuerunt Romæ Concilia, quorum canonibus potissimum lapsus propemodum apud Clericos ecclesiasticæ disciplinæ vigor restauraretur. Decem apud Labbeum recensentur, ex quibus tria tantummodo memoravit Gratianus, nimirum quartum, quintum, & septimum.

In Concilio 4., quod anno 1078. fertur celebratum, interfuere centum fere Episcopi, præter Abbates, aliosque ex Clericis, laicisve quamplurimos. In eo primum damnati sunt Episcopi quidam, atque e gradu suo dejecti, quod simoniace ordinati fuissent, aliosque etiam simoniace ordinavissent. Hi fuerunt Thealdus Mediolanensis, Guibertus Ravennas, Arnulphus Cremonensis, Rolandus Tarvisiensis, Hugo Cardinalis, & Gaufridus Narbonensis. Deinde vero oculos convertens Gregorius ad discissum Imperium inter fautores Henrici, & Rodolphi, sese paratum ad pacem inter utramque partem conciliandam exhibuit. Itaque constituit, se. Legatos missurum in Theutonicum Regnum, quorum opera schismata sedarentur; animo vero perpendens, futuros fuisse non paucos, præsertim ex Archiepiscopis, Episcopis, Comitibus, Ducibus, ac militibus, qui minime passi fuissent controversiam jamdiu agitatam componi, sed forte pro sua singuli factione decertassent, hujusmodi deturbatores pacis generaliter ab Ecclesiæ communione alienos esse voluit, inausultumque ipsis certaminis exitum deprecatus est. Post hæc in ipsis Concilii actis subjunguntur quædam capitula ad disciplinam ecclesiasticam pertinentia, præsertim ad causas excommunicationum: nimirum ea ætate frequentior erat excommunicationum usus, uti patet ex epistolis Gregorii, cui visum fuit acriori quadam regiminis asperitate corruptos sui sæculi mores in pristinam virtutem, simplicitatemque revocare. Inter hæc capita Synodalia legitur canon 4. cau. 15. qu. 6. his verbis: *Ordinationes vero illorum, qui ab excommunicatis sunt ordinati, Sanctorum Patrum sequentes vestigia irritas fieri decernimus. Iterum Sanctorum Prædecessorum nostrorum statuta tenentes, eos, qui excommunicatis fidelitate, aut Sacramento constricti sunt, apostolica auctoritate a Sacramento absolvimus, & ne sibi fidelitatem observent, omnibus modis prohibemus.* Apud Gratianum sequuntur hæc verba: *Quousque ipsi ad satisfactionem veniant, quæ in Codice MS. Vaticano desiderari jam animadverterunt Correctores Romani, quæ etiam in editis apud Labbeum Concilii exemplis non leguntur, eamque ob rem facile quisquam judicabit adjecta fuisse a quodam Interprete vel Glossographo, & primum fortassis ad marginem, deinde translata incuria librariorum in textum, ut in aliis monumentis sæpiissime contigit.* Sunt qui canonem istum judicaverunt spectare causam Henrici Imperatoris, & subditorum ipsius. Verum toto cælo falluntur: etenim adnotat Severinus Binius ad hoc Concilium, Henrico Regi non fuisse suffectum Rodolphum, a Saxonibus, & Principibus Imperii, nisi biennio post hanc Synodum. Præterea in hoc ipso Concilio Gregorius professus est, se pacis, justitiæque fovendæ causæ Legatos destinare, qui omnia componenda curarent, cui parti magis justitia faveret addiscerent, deinde operam sollicitam darent, ut omnis controversia finiretur. Sane verosimile non est, Sanctissimum Pontificem, ubi pacem sperabat faciendam, imo & faciendam meditabatur, legatione missa de dissocianda communione

quidpiam decrevisse. Quid vero plura ad hanc rem congeram? Ipsamet canonis verba, prout superius exarata sunt, integra perspicue docent, monumentum illud potius pertinere ad causas Episcoporum, vel interiorum Clericorum, qui ab Archiepiscopis, aut Episcopis simoniaciis, atque extra communionem ecclesiasticam positis ordinati fuerant, suisque ordinatoribus sese iurejurando fidelitatis de more legitimarum ordinationum adtrinxerant. Cum autem Gregorius irritas declarasset hujusmodi ordinationes illegitime celebratas, ne forte ordinati suis ordinatoribus adhererent, schismateque concitato ab Ecclesia deficerent, rati se iurejurando utcumque contra leges prestito obstringi, solvenda voluit, aut irrita declaravit hujusmodi juramenta Gregorius, probe sciens iusjurandum esse non posse vinculum iniquitatis, & potius perjurii nomine donandum esse, quoties contra publicam, aut ecclesiasticam utilitatem prestatum. Ad hujusmodi causas facile etiam intelliguntur pertinere, quæ Gratianus tradit in canone 103. cau. 11. qu. 3., etenim in eis-

Can. 103. cau. 11. qu. 3. Item: *Et quoniam multos, peccatis nostris exigentibus, pro causa excommunicationis perire quotidie cernimus, partim ignorantia, partim etiam nimia simplicitate, partim timore, partim etiam necessitate, devili misericordia anathematis sententiam ad tempus, prout possumus, opportune temperamus. Apostolica namque auctoritate anathematis vinculo hos subtrahimus, videlicet uxores, liberos, servos, ancillas, seu mancipia, nec non rusticos, & servientes, & omnes alios, qui non adeo curiales sunt, ut eorum consilio scelera perpetrentur, & illos, qui ignoranter excommunicatis communicant, seu illos, qui communicant cum eis, qui communicant excommunicatis. Quicumque autem aut orator, sive peregrinus, aut viator in terram excommunicatorum devenerit, ubi non possit emergere, vel non habet, unde emat, ab excommunicatis accipiendi licentiam damus. Et si quis excommunicatis pro sustentatione, non superbiæ, sed humanitatis causa, aliquid dare voluerit, fieri non prohibemus.*

Quod quintum in Labbeana Collectione Romanum Gregorii Concilium dicitur celebratum est anno 1078., in quo præter singulares causas Henrici, & Rodulphi de imperio contententium præsentibus ac consentientibus eorundem legatæ discussas, præter causas etiam nonnullorum Episcoporum, aliquot ecclesiasticæ disciplinæ capita statuta sunt, quorum pauca hodie supersunt, eaque in duodecim numero distributa, atque ista ferme omnia, duobus nimirum exceptis, retulit in suum Codicem Gratianus. Caput 1. legitur in canone 4. cau. 12. qu. 2., ubi tamen pro illis verbis *susciperis, vel invaseris, vel de Restorum &c.* in Labbeana Collectione legitur: *Susciperis, vel suscepis, vel invasit, vel etiam de Restorum &c.* Hæc constitutio, quæ cavebatur, ut bona ecclesiastica non alienarentur, maxime erat tunc temporis opportuna: nemo enim ignorat ex monumentis illius sæculi, quæ hodie supersunt, quo impetu ab irruentibus hinc illinc hominibus eadem bona vastarentur, atque occuparentur. Ad hunc canonem adjecta hæc leguntur in aliquibus collectionibus Conciliorum, licet alibi desiderentur, quemadmodum etiam apud Gratianum. *Siquis Nortmannorum, vel quorumlibet hominum prædia monasteriis S. Benedicti montis Cassini invaserit, vel quascumque res ejusdem monasterii injuste absterit, & bis, vel ter admonitus non emendaverit, excommunicationi subjaceat, donec restituerit, & Ecclesiæ satisficiat.* Causam hujus canonis sancienti tradidit Severinus Binius ex Leone Oltiensis, qui præfens Concilio fuerat, dum esset Bibliothecarius Monasterii Sanctæ Sophiæ Beneventani.

Caput 2. ejusdem Concilii legimus in can. 13. cau. 16. qu. 7., ubi notandum est verba illa intra parenthesim posita apud Gratianum *imo ruinam Sanctæ Religionis* in exemplaribus Concilii non haberi. Ad eundem canonem animadvertitur in Collectiōe Labbeana, §. *quod si præsumserit* usque in finem non haberi in Chronico Virdunensi, in quo Concilii illius capita descripta sunt. Nemo autem non agnoscat, quænam occasio fuerit ita definiendi de collationibus sacrarum dignitatum; hujusmodi enim causa frequentissime in conventibus sive ecclesiasticis, sive civilibus diu tunc agitata passim demonstratur.

Ad damnandas simoniacas ordinationes, seu collationes beneficiorum ecclesiasticorum pertinet canon 3. ejusdem Concilii relatus apud Gratianum in can. 3. cau. 1. qu. 3., his verbis describendus: *Siquis Præbendas, Archidiaconatus, Preposituras, vel aliqua officia ecclesiastica vendiderit, vel aliter, quam statuta Sanctorum Patrum præcipiunt, ordinaverit, ab officio suspendatur: dignum est enim, ut sicut gratis Episcopatus accepit, ita membra ejusdem Episcopatus gratis distribuatur.*

Eandem rem pertraxit, consecitque Gregorius in cap. 4., quod retulit Gratianus in can. 113. cau. 1. qu. 1. ubi tamen observandum est, pro illis verbis *falsas esse* *judicamus* legendum esse *infirmas*, & *irritas esse* *judicamus*, dummodo vulgata Concilii exemplaria Gratianæ editioni anteferenda arbitremur.

In capite 5. Concilii legitur sententia canonis 6. de pœn. dist. 5., quem aliquantulum depravatum idem Romani Correctores se non emendavisse testantur, quod nolent studiosos Glossarum beneficio carere. En ipsam tamen canonis verba, prout in exemplari Concilii describuntur: *Falsas pœnitentias dicimus, quæ non secundum auctoritatem sanctorum Patrum pro qualitate criminum imponuntur. Ideoque quicumque miles, vel negotiator, vel alicui officio deditus, quod sine peccato exerceri non possit, si culpis gravioribus irretitus ad pœnitentiam venerit, vel qui bona alterius injuste detinet, vel qui odium in corde gerit, & recognoscat, se veram pœnitentiam non posse peragere, per quam ad æternam vitam valeat pervenire, nisi arma deponat, ulteriusque non seras, nisi consilio religiosorum Episcoporum pro defendenda justitia vel negotium derelinquat, vel officium deserat, & odium ex corde dimittat, bonaque, quæ injuste abstulit, restituat. Ne tamen desperes, interim quidquid boni facere poteris, hortamur ut facias, ut omnipotens Deus cor illius illustret ad pœnitentiam. Multo aliter sane Concilii sententia exhibetur apud Gratianum; imo & quod de militia dicitur, adhuc temperandum videtur, juxta illius temporis adjuncta, quo nimirum non omnes milites publica auctoritate supremi Principis posiebantur; sed non pauci erant, qui vi, & armis militiam privatam jactantes, ad contentiones omnes fovendas dato pretio sese paratissimos exhibebant aliena odia promoventes. Clarius aperit mentem suam Sanctus Pontifex in epistola 10. lib. 6. Regesti ad Britannos scripta. Conquestus ibidem Gregorius fuit de collapsa in Britanniæ regionibus veræ sinceræque pœnitentiæ disciplina, cujus restituendæ gratia misit Legatum suum Amatum Olorensem Episcopum, omnes horiatus, ut convocato Pontificia auctoritate Concilio, & singulis convenientibus salubres pœnitentiæ canones stabilirent. Inter cetera ita scribit: *Qua in re hoc summopere vos cavere oportet, aliosque monere debetis, quia si quis in homicidium, adulterium, perjurium, vel aliquid hujusmodi lapsus in aliquo talium criminum permanserit, aut negotiationi, quæ vix agi sine peccato potest, operam dederit, aut arma militaria portaverit, excepto si pro tuenda justitia sua, vel domini, vel amici, seu etiam pauperum, nec non pro defendendis**

denis Ecclesiis (nec tamen sine Religiosorum Virorum consilio sumserit, qui æternæ salutis consilium sapienter dare noverunt) aut aliena bona injuste possederit, aut in odium proximi sui exarserit, veræ poenitentiae fructum facere nullatenus potest. Infructuosam enim poenitentiam dicimus, quæ ita accipitur, ut in eadem culpa, vel simili deteriori, vel parum minori, permaneat. Hæc Gregorii sententia si sedulo perpendatur, non solum dignoscetur, jure optimo emendandum esse Gratiani fragmentum, verum, etiam illud ita emendatum eo genere interpretationis esse donandum, quod Gregorianæ menti conveniat, qualis ex postremo hoc monumento deducitur.

Quod in capite 1. Concilii de prædiis statutum fuerat, id ipsum de decimis definitum est in capite 6., unde Gratianus depromsit canonem 1. cau. 16. qu. 7. 2. principio usque ad illa verba *damnationis periculum incurrere*; quæ enim sequuntur in §. oporteat, in ipso Concilio non leguntur, quemadmodum recte animadvertunt Correctores Romani. Ego in hoc §. agnosco vetustissimam Ecclesiæ disciplinam, eamque ob rem suspicor, vetustissimo cuiusdam incerti nominis auctori tribuendum esse; etenim ibi agitur de jure decimarum, quæ sicuti omnes ad manum Episcopi devenire, ita ab Episcopo ipso in singulos Clericos distribui debeant, quod sane ad vetustissimos canones referendum est, illos scilicet, qui editi sunt ante constitutiones Parochiarum, vel saltem antequam ad Paroches decimarum jura devolverentur. Simile quidpiam legitur in Constitutionibus Apostolicis vulgo tributis S. Clementi lib. 2. cap. 29. & 39., ubi inter cetera hæc habentur. *Te enim dare oportet (subaudi decimas), illum (subaudi Episcopum) distribuere tamquam æconomum, & dispensatorem rerum ecclesiasticarum.* Similia ferme etiam legimus in can. 4. vulgo Apostolorum, quæ monumenta etsi apocrypha sint, veteris tamen disciplinæ argumentum facile suppeditant.

De canone 31. de conf. dist. 5., nec non de canone 104. cau. 1. qu. 1. nihil est, quod addotemus. Habentur illi eisdem omnino verbis in cap. 7. & 9. Gregoriani Concilii.

Caput 11. Concilii his verbis exprimitur: *Siquis Episcopus fornicationem Presbyterorum, Diaconorum, seu Subdiaconorum, vel crimen incestus in sua Parochia, precibus, vel pretio interveniente consenserit, vel commissum, sibi que compertum, auctoritate sui officii non impugnaverit, ab officio suspendatur.* Hic autem est canon 1. dist. 83. apud Gratianum.

Quæ apud Gratianum habentur in can. 69. de conf. dist. 1. referenda sunt ad postremum caput ejusdem Concilii, in quo ita legitur: *Ut omnis Christianus procuret ad Missarum solemniam aliquid Deo offerre, & ducat ad memoriam, quod Deus per Moysen dixit: Non adparebis in conspectu meo vacuus. Etenim in collectis Sanctorum Patrum liquido adparet, quod omnes Christiani offerre aliquid Deo ex usu Sanctorum Patrum debent.* Nonnulla sequuntur apud Gratianum, quæ cum apud ceteros Collectores etiam desiderentur, quemadmodum animadvertunt Romani Correctores, non temere judicabit, qui dixerit aut verba Gratiani esse, aut Interpretis ejuspiam ad marginem primum adjecta, quæ tandem in textum irreperierint, quemadmodum in aliis numero plurimis contigit.

Concilium, quod Romanum VII. dicitur ex iis, quæ Gregorius celebravit, frequentissimum habuit Episcoporum, Abbatum, & Clericorum diversi generis, imo etiam laicorum conventum anno 1080. Tractata ibidem fuit Henriciani dissidii causa; atque in canone 1. & 2. ita decretum legimus: *Sequentes statuta Sanctorum*

*horum Patrum, sicut in prioribus Conciliis, quæ, Deo miserante, celebravimus, de ordinatione ecclesiasticarum dignitatum statuimus, ita & nunc Apostolica auctoritate decernimus, ac confirmamus, ut siquis deinceps Episcopatum, vel Abbatiam de manu alicujus laicæ personæ susceperit, nullatenus inter Episcopos, vel Abbates habeatur, nec ulli ei ut Episcopo, seu Abbati audientia concedatur. Insuper etiam ei gratiam Sancti Petri, & introitum Ecclesiæ interdicimus, quousque locum, quem sub crimine tam ambitionis, quam inobedientiæ (quod est scelus idololatriæ) cepit, resipiscendo non deserit. Similiter etiam de inferioribus ecclesiasticis dignitatibus constituimus. Item siquis Imperatorum, Regum, Ducum, Marchionum, Comitum, vel quilibet secularium potestatum, aut personarum, investituram Episcopatum, vel alicujus ecclesiasticæ dignitatis dare præsumerit, ejusdem sententiæ vinculo se obstrictum esse sciat. Insuper etiam, nisi resipiscat, & Ecclesiæ propriam libertatem dimittat, Divinæ animadversionis ultionem in hac præsentī vita tam in corpore suo, quam ceteris rebus suis sentiat, ut in adventu Domini spiritus salvus fiat. Ex his supplendus erit canon 12. cau. 16. qu. 7. apud Gratianum.*

Quædam adhuc dicenda supersunt de canone 15. de conf. dist. 5., cujus apud Gratianum hæc est inscriptio: *Item Gregorius VII. in generali Synodo residens statuit.* Quæ ibi describitur sententia in nullo ex Conciliis Gregorii VII., qualia edita sunt, reperitur. Cum autem noverim, & Conciliorum Collectores aperte testentur, Concilia Gregorii integra in codicibus non haberi, non est, cur exinde idem canon ab eodem Pontifice abjudicaretur, præsertim quod non una Gratiani fides intercedat, sed plura sint argumenta, quibus ille canon Jure Gregorio tributus censeatur. In primis constat, Gregorium valde fuisse sollicitum, ut Romanus Divinorum Officiorum ordo accurate servaretur, qualis jam ab antiqua ætate fuerat constitutus. Id probat ejus epistola 64. in lib. 1., ubi Sanctus Pontifex suasit Alphonso Castellæ, & Sancio Aragoniæ Regibus, ut in Hispania Romanum Officium recitaretur. Imo ibidem refert Gregorius, Episcopos Hispaniæ jam Romæ fuisse in Concilio, deque recipiendo Romano Officio pertrastasse, ac promississe, ibi: *Vos adhortor, & moneo, ut vos . . . Romanæ Ecclesiæ Ordinem, & Officium recipiatis . . . quod etiam Episcopi vestri ad nos nuper venientes juxta Constitutionem Concilii per scripta sua facere promiserunt, & in manu nostra firmaverunt.* Quid clarius tradi potest, quod demonstretur, Gregorium Synodum habuisse, in quam plures diversarum Provinciarum, atque inter ceteros Hispaniarum Episcopi conveniant, atque de Romano Officio recipiendo, aut restituendo tractaverant? Atque inde sequitur, quemadmodum memorata epistola ad annum primum Pontificatus Gregorii pertinet, ita Concilium hoc, quod Gratianus in dicto canone laudat, ad eundem annum, qui est 1074., esse referendum. Hanc eandem sollicitudinem exhibet Gregorius in epistola 18. lib. 3. ad Simeonem in Hispania Episcopum, ad quem his verbis scribit: *Procura ergo, ut Romanus Ordo per totam Hispaniam, & Galliciam, & ubicumque poteris, in omnibus rectius teneatur.* Edidit Mansus in Supplemento Labbeano tom. 1. pag. 1393. Gregorii ejusdem decretum ex MS. Codice Pistoriensi, quod hanc rem maxime illustrat his verbis expressum: *Gregorius Papa VII., & Urbanus Papa II. constituerunt, ut festivitates Romanorum Pontificum celebres haberentur. Mariigrum in ix. lectionibus, Confessorum in tribus saltem lectionibus, præter quorundam, qui pro sui excellentia celeberrimi haberentur, sicut & S. Silvester, Gregorius, & alii. Nam cum quælibet Ecclesia sui Patreni, & si Confessor fuerit*

Can. 15.  
de conf.  
dist. 5.

fuert, festum solemniter observet, quanto magis eorum, qui totius Ecclesie non tam Patroni, quam Patres extiterunt, quam & usque ad martyrium verbis, & exemplis instituere non desisterunt. De his quidem Sanctis Martyribus invitariorum, hymnus, responsoria, psalmi, & versus, ut de Martyribus decantantur. Nota autem S. Gregorium Papam I. in graduati libro de his Martyribus, sicut & de Confessoribus Pontificalia administrantibus instituisse officia, ut de S. Marcello P. & M. Statuit ei Dominus, & de S. Felice P. & M. Sacerdotes. Et hoc utique satis congrue propter excellentiam dignitatis apostolicæ. His accedit testimonium Gregorio VII. contemporaneum, scilicet auctoris Micrologi de ecclesiasticis observationibus, (non desunt quidem, qui velint Micrologum opus tribuendum esse Rhabano; sed id verum esse non potest in conspectu decretorum Gregorii VII., & sententiarum Anselmi Lucensis, quæ ibidem memorantur, cum uterque sit Rhabano recentior.) Porro hujus Micrologi auctor cap. 14. testatur se scribere tempore Gregorii VII., rursusque in cap. 54. sub titulo de Paschali observatione ait, Gregorium VII. constituisse illud ipsum, quod legimus apud Gratianum in dicto canone 15. de modo recitandi matutinas horas juxta ritum Ecclesie Romanæ. Prætermitterem huc etiam adducere Radulphum de Rivo Decanum Tungrensem, qui refert idem decretum sub nomine Gregorii VII. in Concilio generali, atque ideo prætermitterem, quod Scriptor recentior aliquibus videri possit, nimirum anni 1403., ceteroque accuratissimus in investigandis vetustis Romanæ Ecclesie ritibus de officiis ecclesiasticis. Verum multum valere video ejusdem auctoritatem; non enim ex Gratiani codice Gregorianum Decretum exhaustit, sed scriptis se decerpisse ex epistola Galterii Magolonenfis Episcopi ad fratres regulares Calmosienses. Vivebat autem Galterius anno 1119., uti constat ex ejus subscriptione adjecta epistolæ synodali Callisti II. in Concilio Toletano apud Labbeum, ac propterea fuit hic Episcopus Gregorio VII. fere contemporaneus, eamque ob causam testis fide dignissimus hujus rei, ut proinde dubitare minime possimus, quin memoratus canon 15. dist. 5. de conf. jure optimo eidem Gregorio tribuatur.

Arbitror his satis perspectum esse posse, sententiam laudati canonis Gratiani Gregorio donandam, licet in Conciliis Gregorianis editis desideretur. Nunc investigandum ulterius est, num scriptura Gratiani authographo omnino respondeat. Non est recedendum ab auctoribus Gregorio fere contemporaneis, quique Gratianum præcesserunt; ex iis enim emendandam reor Gratiani editionem. In Micrologo cap. 54. ita legitur: *Gregorius Papa in Apostolica Sede constitutus de hac causa tale statutum promulgavit. A die, inquit, resurrectionis usque in sabbatum in Albis, & a die Pentecostes usque in sabbatum ejusdem hebdomadæ tres psalmos tantum ad nocturnas, tresque lectiones antiquo more cantamus, & legimus. Omnibus aliis diebus per totum annum si festivitas est, novem lectionem, & responsoria dicimus; aliis autem diebus duodecim psalmos, & tres lectiones recitamus. In diebus dominicis duodecim psalmos, excepto die Pasche, & die Pentecostes, & novem lectiones dicimus. Hoc etiam usquequaque juxta Romanum Ordinem ita fieri statuimus, ut supra notavimus. Hæc si conferantur cum Gratiano canone 15. nemo non videt plurimum congruere, & paucis quibusdam exceptis unum, idemque Gregorii decretum utrobique exhiberi. Sed adhuc Gratiano codici propius accedit codex laudati Radulphi Tungrensis, qui in libro de canonum observantia propositione 10. refert eundem Gratiani canonem, eumque appellat *Sacratissimum canonem Magni Viri Gregorii VII. editum in Synodo,**

generalis, quem subdit se excepisse ex laudato Galterio Magalonensi Episcopo, ac postmodum ita scribit: *Est autem talis tenoris: In die resurrectionis usque ad sabbatum in Albis, & in die Pentecostes usque ad sabbatum ejusdem hebdomade tres psalmi tantum ad noctem, tresque lectiones antiquo more cantamus, & legimus. Omnibus diebus aliis per totum annum, si festivitas est, novem psalmos, & novem lectiones dicimus. Aliis autem diebus duodecim psalmos, & tres lectiones recitamus. In diebus dominicis octodecim psalmos, (exceptis diebus Paschæ, & Pentecostes) & novem lectiones celebramus. Illi autem, qui quotidianis diebus tres psalmos, & tres lectiones tantum videntur legere, non ex regula Sanctorum Patrum, sed ex fastidio, & negligentia comprobantur facere. Romani autem diverso modo agere cœperunt, maxime a tempore, quo Theutonicis concessum est Regnum Romanæ Ecclesiæ. Nos autem & Ordinem Romanum investigantes, & antiquum morem nostræ Ecclesiæ statuimus fieri, sicut supra notavimus, antiquos Patres imitantes.*

Ita ad optimos codices exacto Gratiani monumento non incongruum erit quædam hoc in loco animadvertere de Psalmodia sacra, quam Clerici in Ecclesiâ exercent, atque jamdiu exercuerunt. Antiquissimus sane est, & fere apostolicus ejus usus, nec non generaliter apud omnes Ecclesias receptissimus. Modus autem, & ordo psallendi prioribus Ecclesiæ sæculis uniuscujusque relinquebatur arbitrio; donec Sanctus Ambrosius, & S. Hieronymus in Romana Ecclesiâ, & S. Benedictus in claustris Monachorum certum ordinem sequendum præstituerunt, unde triplex Divinorum Officiorum ordo prodiit, Ambrosianus, Romanus, seu Hieronymianus, nec non claustralis, seu Benedictinus. Ordo a S. Benedicto institutus Monachorum proprius esse cœpit; peculiariter item apud Ecclesiam Mediolanensem servatus est Ordo Ambrosianus; at Romanus Ordo passim apud omnes fere Ecclesias receptus est. Illustrat hæc memorato in libro laudatus Rodolphus in hac materie eruditissimus. Interfuit ergo rei ecclesiasticæ, ut Divinum Officium recte, accurateque recitaretur, & quemadmodum olim Benedictus Monachis psallendi modum recte præscripserat, Ambrosius Mediolanensibus, Hieronymus Romanis, ita recentiores Pontifices studuerunt, ut in aliis universæ Ecclesiæ, ac præsertim Occidentalibus Provinciis certus quoque psallendi Ordo haberetur, proptereaque Romanum Ordinem tamquam optimum proponere minime dubitarunt. Non dubitavit Gregorius VII., qui in Hispaniam, uti superius prænotavimus, Romanum Ordinem invehendum curavit. Octavo etiam sæculo legimus id in Conciliis actum, inter quæ est Concilium Cloveshoviz anni 747. cap. 15., in quo cautum est, ut Clerici tantum quod ex Sacrarum Scripturarum auctoritate descendit, & quod Romanæ Ecclesiæ consuetudo permittit, cantent, vel legant, quatenus unanimes uno ore laudent Deum. Similia fere sunt, quæ habentur in Capitulari Ahytonis Episcopi Basileensis anno circiter 822. num. 14., ubi hæc Basileensibus Clericis proponuntur. *Ut horas canonicas tam nocturnas, quam diurnas nullatenus prætermittant; quia sicut Romanæ Ecclesiæ psallit, ita omnibus ejusdem propostæ viam tenentibus faciendum est.* Omittendum autem censo, quod aliquibus placuit dicere meo judicio alienum ab historica veritate, atque a fide dignis veterum monumentis. Nimirum, aliqui crediderunt, modum, ac formam Divini Officii recitandi a discipulis Sancti Petri Apostolorum Principis fuisse institutam, eandemque in Nicæno Concilio confirmatam, quod traditum est in Concilio Lemovicensi anni 1031. nu. 2., ubi varis diversarum Ecclesiarum consuetudines memorantur, & inter cetera hæc ha-

bentur: Numquid Canonici Monachos pro duodecim lectionibus, vel Monachi Canonicos pro novem numero reprehendere possunt? Utraque enim ratione, & auctoritate firma sunt. . . Duodecim comprobavit ille Vir spiritu omnium iustorum plenus, Sanctusque. Papa Gregorius, prius Monachus, postea Apostolicus. Novem tradita sunt a discipulo B. Petri Ignatio Martyre, qui per novenarium numerum lectiones, & psalmos ab Angelorum cheris prolata auditus in celo; deinde a Nicæno Concilio; deinde ab ipso S. Gregorio hic numerus in psalmis, & lectionibus, atque responsoriis observatus est. Plane, huiusmodi Divini Officii origines non satis in memoratis veterum monumentis demonstrantur; & quod refertur sub nomine Concilii Nicæni, spectat potius canones illos Arabicos, qui sub nomine canonum Nicænorum vulgati fuerunt, titulo de Monachis, & Anachoritis canone 11.

## De Epistola ad Vivimundum Episcopum Aversanum.

Can. 5. In Gratiani codicibus ad canonem 5. dist. 8. hæc adjecta fuit inscriptio: *Gregorius Vivimundo Aversano Episcopo*; sed quis ille Gregorius fuerit, num VII., num alius antiquior Pontifex, nec Gratianus idem, nec alii Collectores perspicuum faciunt. Id jam accurate animadvertit Baluzius in notis ad Gratianum; postquam enim observaverit testimonia Correctorum Romanorum, qui in aliquot MSS. codicibus, & apud Ivonem canonem Gregorio VII. tributum agnoverunt, subjicit, apud Ivonem parte 4. Decreti cap. 213. ita legi: *Gregorius VII. Vivimundo Aversano Episcopo*, in Panormia edita Basilæ lib. 2. cap. 166. *Gregorius Guimundo Aversano Episcopo*; in editione Lovaniensi: *Augustinus cap. 5. & 6. lib. 4. de Baptismo*; in veteri codice Panormiz Victorino: *Gregorius VIII. Vivimundo Aversano Episcopo*; in antiqua collectione canonum, quæ fuerat Viri clarissimi Claudii Puteani, temporibus autem Baluzii servabatur in Regia Bibliotheca: *Gregorius VII. Vivimundo Aversano Episcopo*; in codice S. Germani Parisiensis: *Item Gregorius VII. Guimundo Aversano Episcopo*; in vetere codice Victorino: *Item Gregorius Papa VII. Guimundo Aversano Episcopo*; in antiqua editione Moguntina: *Item Gregorius VII. Guimundo Aversano Episcopo*; in codice Colbertino: *Item Gregorius VII. Vivimundo Aversano Episcopo*; & in altero codice Victorino: *Item Gregorius VII. Guimundo Aversano Episcopo*. Antonius Augustinus in dial. 19. lib. 1. de emendat. Gratiani, ubi adnotavit varias huiusmodi canonis inscriptiones, Romanorum Correctorum, retinendam editionem voluit, quoad certiora invenirentur. Si hoc monumentum in Reperto Gregorii VII., in quod ad instar epistolarum Gregorii Magni epistolæ ipsius relatae fuerunt, investiges, nullibi invenies. Nihilominus tamen non ausim ego hocce fragmentum ab eodem Gregorio VII. abjudicare, præsertim cum sciamus, ejusdem Pontificis temporibus fuisse quendam Vivimundum Aversanum Episcopum, qui scripsit librum de Corpore, & Sanguine Domini in Bibliotheca Patrum relatum, & quidem, ut arbitror, vixit ille post annum 1075., scilicet eo anno Aversanam Ecclesiam tenebat adhuc Goffridus, cujus subscriptio legitur in Concilio Beneventano ejusdem anni apud Labbeum. Nonnihil sane probare videntur plerique codices, quos ex Baluzio nuper memoravi Gregorio VII. ad Episcopum Aversanum scribenti canonem tribuentes; potissimum vero probat Ivo Carnotensis Corrector Gregorio VII. coævus, qui, ut diximus, hujus canonis auctorem etiam lau-



laudavit Gregorium VII. in epistola ad Wimundum Averſanum Episcopum; quem admodum itaque nonnulli impudenter eſſet, decreta apocrypha contemporaneis Pontificibus adſcribere, eoſque nomine damnaretur Ivo, ſi canon ab ipſo memoratus ad Gregorium VII. minime pertineret; ita temeritatis eſt, ubi certa in contrarium non ſuppetunt argumenta, fidem ſcriptori contemporaneo denegare. Quod ſi ad ſententiam ipſam Gratiani canonis expendendam quiſquam provocaret, video ibidem nihil, quod temporibus Gregorii parum conveniat. Ut enim ex adiunctis illius ætatis deducam in dubio, quo ſpectaret Pontificis illius ſententia, dixerō, neminem ignorare, quanta tum eſſet nonnullorum Laicorum licentia in poſſeſſionibus eccleſiaſticis ſibi vindicandis, ſacris etiam rebus manu impia diripiendis; quanta inſuper eſſet Clericorum libido injuſtis connubiis Sacerdotii dignitatem labefactantium; neminem præterea ignorare, quanta e converſo fuerit Maximorum Pontificum, ipſius etiam Gregorii ſollicitudo in depravatis huiusmodi moribus improbandis, damnandiſque. Forte vero reis hominibus una excuſationi eſſe poterat vetus impune peccandi conſuetudo; hinc verofiſimile admodum eſt, Gregorium adverſus eam conſuetudinem, velut honeſtati contrariam, verba feciſſe apud Wimundum Averſanum; non enim ferendum erat, ut in dies alacrior ea conſuetudo gloriſceret, qua aliena jura præſertim eccleſiaſtica per vim uſurparentur, ac poſſiderentur, vel Clerici mores corruptiſſimos protegere quoquo modo valerent. Hæ ceteroqui graviffimæ temporum, ac cauſarum conjeſturæ majorem adhuc vim obtinebunt, quotieſcumque animadvertatur ſimilem adeſſe ſententiam apud Urbanum II., qui paullo poſt Gregorium VII. Romanam Cathedram tenuit: nimirum Urbanus II. anno 1092. epistolam ſcripſit ad Robertum Flandriæ Comitem, quæ habetur in Actis Concilii Rhemenſis ejusdem anni apud Labbeum, illum corripiens quod bona decedentium Clericorum invaderet. Allegabat Robertus conſuetudinem, adverſus quam ita ſcribebat Urbanus: *Quod ſi præſentis hoc ex antiquo uſu in terra tua proceſſiſſe, ſcire debes Creatorem tuum dixiſſe: Ego ſum veritas, non autem uſus, vel conſuetudo.* Ad hæc reſpiciens Clerus Flandrenſis in epistola ad Raynaldum Rhemenſem Archiepiſcopum, quæ reſertur in eodem laudato Rhemenſi Concilio, ait: *Convicit autem eum (idelt Robertum) Dominus Papa verbis Domini dicentis: Ego ſum veritas, non autem uſus, vel conſuetudo.* Hæc porro ſi cum Gratiano cavone Gregorio tributo conferantur, plurimum cum illo convenire videbuntur, ut propterea verofiſimile ſit in eadem cauſa, aut fere ſimili Gregorium VII. ſcripſiſſe, quæ deinde ſcripſit Succellor Urbanus. His addi poteſt, quod legitur in can. 20. Concilii Romani I. anni 1074. temporibus ejusdem Gregorii, cum enim decreta de cuſtodienda a Clericis continencia commemorarentur, ita ſubjicitur: *Fortaſſis autem aliquis dicat, cur noſter Gregorius tam contraria noſtræ conſuetudini ſtatuta obſervari præceperit, cur non poſius noſtram conſuetudinem quaſi miſericordi diſſimulatione toleraverit. Sed ille audiat Ec.* At vero ſive Urbanus, ſive Gregorius eas phraſes, ſeu loquendi formulas ex vetuſtiſſimorum Patrum monumentis exhauſerunt; nam ſimilia, licet in diſſimilibus cauſis, jam protulerant Epifcopi LXXXVII. in Concilio Carthaginenſi ſub Cypriano, quod integrum reſert S. Auguſtinus in lib. 3. de Baptiſmo. Agebant Africani plures Epifcopi, & tuebantur rebaptizantium cauſam, rati hæreticos a Divino jure poſtremo excluſos a poteſtate, ac miniſterio baptizandi. Quibus cum objiceretur vetus Ecclēſiæ conſuetudo, qua venientes ab hæreſi miniſteri rebaptizari ſolebant, ſtatim ipſi reſpondebant: *Id Evangelia Dominus, ega ſum,* inquit,

inquit, veritas, non dixit: Ego sum confuctudo: Itaque veritate manifestata cedat confuctudo veritati, ut etſi in prateritum quis in Eccleſia hæreticos non baptizabat, nunc baptizare incipiat. Quod igitur Africani Epifcopi perperam aliquando ſcripſerunt ad ſuum errorem fovendum, protegendumque, meliore ſane ratione & Gregorius, & Urbanus uſurpaverunt, ut corruptos ſui temporis mores reprobarent.

## De Epiftoſa ad omnes per Regnum Italicum, & Theutonicoꝝ debitam S. Petro obedientiam exhibentes.

*Can. 15. diſt. 81.* In Gregoriano Regeſto non habetur epiftoſa, ex qua indicatur depromptus apud Gratianum canon 15. diſt. 81., nimirum data omnibus per Regnum Italicum, & Theutonicoꝝ debitam S. Petro obedientiam exhibentibus. Verum nemo dubitavit, quin monumentum iſtud iure optimo Gregorio tribuatur. Plura indicaverunt Romani Correctores, ex quibus deducerent ſimilem ſententiam ſapiffime in Actis Gregorii exhiberi; quam frequentiffime indici opus fuit ob corruptos Clericorum plurimorum mores, atque ob denegata eam ob cauſſam Clericis eccleſiaſtica jura. Ad hanc rem ita ſcribit auctor incertus magni Chronici Belgici apud Piſtorium inter veteres Scriptores rerum Germanicarum ad annum 1074. de Gregorio VII. Pontifice. Anno 2. Pontificatus ſui ſecundum Sigebertum celebrata Synodo Simoniacos anathematizavit, & uxoratos (ut ſe eſſe putabant) Sacerdotes ab officio removit, & laicis miſſas eorum audire interdixit novo exemplo, & ut multis viſum eſt, inconfiderato præjudicio contra Sanctorum Patrum ſententiam, qui ſcripſerunt, Sacramenta, quæ in Eccleſia ſunt, ſcilicet Baptiſmum, Chriſma, Corpus, & Sanguinem Chriſti, Spiritu Sancto latenter operante, eundem præſtare eſſectum, ſive per bonos, ſive per malos. Intra Dei Eccleſiam diſpenſentur. . . . Ex illa igitur re tam grave erit ſcandalum, ut nullius hæreſis tempore Sancta Eccleſia graviore ſchiſmate diſcaſſa ſit, ipſis pto iuſticia, illis contra iuſtitiam agentibus. . . . ad hæc opportunitate illa laiciſ infurgentibus contra ſacros Ordines, & ſe ab omni eccleſiaſtica ſubjectione exautientibus, ut ſacra Myſteria laici temerarent, & de his diſputarent &c. Agnoſcis exinde facili ratione argumentum, & cauſſas Gregoriani monumenti, cujus ſi plura velis ſimilia, adire potes epiftoſam 45. lib. 2. Regeſti ad Rodolphum, & Bertolphum, ibi: Sciunt namque Archiepiſcopi, & Epifcopi terre vœſtriæ, quod & omnibus Fidelibus notum eſſe debet, quodiam in ſacris canonibus prohibitum eſt, ut hi, qui per ſimoniacam hæreſim, hoc eſt interuentu precii, ad aliquem ſacrorum Ordinum gradum, vel officium promoti ſunt, nultum in Sancta Eccleſia ulterius miniſtrandi locum habeant, nec illi, qui in crimine fornicationis jacent, miſſas celebrare, aut ſecundum inferiores ordines miniſtrare Altari debeant. Quæ cum eos Sancta, & Apoſtolica Mater Eccleſia jam a tempore B. Leonis Papæ ſæpe in Conciliis tum per Legatos, tum per epiftoſas in ſe, & commiſſas ſibi ſcribibus, utpote ab antiquioribus neglecta renovare, & obſervare commonueris, rogaveris, & accepta per Petrum auctoritate jufferis, adhuc tamen inobedientes (exceptis per paucos) tam execrandam conſuetudinem nulla ſtuduerunt prohibitione decipere, nulla diſtinctione punire, non attendentes quod ſcriptum eſt, quia arſolandi peccatum eſt repugnare, & quaſi crimen idololatriæ nolle acquieſcere. Similia leges in epiftoſis 61. 62. & 66. ejuſdem libri 2. item in epiftoſa 4. libri 3., rurſum in epiftoſis 11. 20. & 24. lib. 4.; in epiftoſa 24. lib. 7.; demum, ut, alia plura prætermittam,

in

in epistola 94. lib. 9. Quæ vero magis præ ceteris epistolis consonat, est epistola ad Germanos, quæ habetur numero 10. in 2. appendice Gregorianarum epistolarum tom. 12. Labbeæ Venetæ editionis pag. 697. his verbis : *Gregorius Episcopus servus servorum Dei omnibus Clericis, & Laicis in regno Teutonicorum constitutis salutem, & apostolicam benedictionem. Audivimus, quod quidam Episcoporum apud vos commorantium, aut Sacerdotum, & Diaconi, & Subdiaconi mulieribus commisceantur, aut consentiant, aut negligant. His præcipimus vos nullo modo obedire, vel illorum præceptis consentire, sicut ipsi Apostolicæ Sedis præceptis non obediunt, neque auctoritatem Sanctorum Patrum consentiunt, testante Divina Scriptura, facientes, & consentientes par pœna completitur. Sciunt namque Archiepiscopi, & Episcopi terræ vestræ, quod omnibus Fidelibus notum esse debet, quoniam in sacris canonibus prohibitum est, ut hi, qui per simoniacam hæresim, hoc est, interventu pretii ad aliquem sacrorum Ordinum, gradum, vel officium promoti sunt, nullum in Sancta Ecclesia ulterius ministrandi docum habeant, nec sitis, qui in crimine fornicationis faciem, missas celebrare, aut secundum inferiorem ordinem ministrare Altari debeant. Et infra : Quapropter ad omnes, de quorum fide, & de doctrina confidimus, nunc convenimus, rogamus vos, & apostolica auctoritate commoneamus, ut qui quilibet Episcopi debite loquantur, aut taceant, vos officium eorum, quos aut simoniace ipromotos, & ordinatos, aut in crimine fornicationis facientes cognoveritis, nullatenus recipiatis. Quia vero ad similia Gregorii monumenta ulterius progredior, quum modò videatur idem canonem potius, & in qua delinqueret, editus a Mansio in tomo 2. appendicis Labbeæ pag. 12. tamquam fragmentum Concilii I. Romani a Gregorio VII. Pontifice celebrati anno 1074. Ediderat tamen tammodò Labbeus illius Concilii synopsin, sed Acta integra Concilii perierunt. Actum fragmentum excerptum Mantius ex Gerhoo Reicherspergersi in expositionibus in psalmos ad psalmum 10. pag. 197. his Gregorii verbis : *Siqui sunt Presbyters, vel Diaconi, vel Subdiaconi, qui in crimine fornicationis faciant, interdictionis eis, ex Dei parte omnipotentis, & Sancti Petri & Pauli apostolorum Beatorum interdictum, usque dum poeniteant, & emendant, digni vero in peccato suo perseverare maluerint, nulla vestrum eorum audire præsumat officium, quia benedictio eorum vertitur in maledictionem, & oratio in procurum, Divine testante per Prophetam : Maledicam, inquit, benedictionibus vestris. Qui vero huius saluberrima præcepto obedire noluerint, idololatricæ pæcarum incurunt, Samuels teste, & B. Gregorio instruentes. Peccatum arielandi testem obedire, & scelus idololatricæ nolite acquiescere. Peccatum igitur paganitatis incurris quilibet, dum Christianum se offerat. Sed Apostolicæ obedire contumacia. Sunt hæc ipsa met. Gratiani verba : et quibus dubitare non licet, ad idem Concilium I. Gregorianum exhibitum canonem pertinere. Atque id magis, magisque confirmat Apostolice capitulum Gregorii apud Labbeum editus in tom. 2. 2. editionis Venetæ ad idem Concilium, si quidem ibidem in cap. 129. ita legitur : *Necandum autem quod nosse Gregorius juxta Sanctorum Patrum statuta prius incantientes Presbyteris officio privavit, quosdamque populo in coram officia recipere interdixit, & unde non tam incongruentium, quam pro inconscientia damnatorum missas audire prohibuit, ne & populus, se juxta Antiochenum Concilium sub eadem communicatione poneret, si eorum officia recipere præsumeret. Ipse, quum Spiritus Sanctus per Savonem Prophetam doceret populum, ut Canonici, instructionibus nostræ Apostolice potius obediat, quam hujusmodi præsumptorum sacrificia in periculum suum recipiat. Licet enim : melior res obedientia, quam rebellio, & audire magis, quam offerre arrium ad idem questionem***

quasi peccatum ariolandi est repugnare, & quasi scelus idololatriæ nolle acquiescere. Igitur populus apostolicus institutus obediens inobedientium Sacerdotum officia, & Sacramenta recusat, ne ipse crimen idololatriæ per inobedientiam incurrat. Liqueat ex his satis superque, in Gratiano canone nihil aliud contineri, quam sententiam Gregorii ante Concilii Romani celebrationem editam, ac promulgatam, in cujus executione, cum nonnullorum pervercia difficilia plura occurrerent, opportunum visum fuit in Concilio ipso controversias omnes dirimere, atque ad Sanctorum veterum Patrum Gregorii doctrinam exigere; unde tandem eo deventum est, ut quicquid Gregorius idem præstituerat, Concilii quoque sententia confirmaretur, quemadmodum constat non solum ex canonibus Concilii ejusdem Romani I., sed etiam sequentium Conciliorum.

## De Epistola ad Herimannum Metensem Episcopum.

Fuit Herimannus Metensis Episcopus in Gallia ex illis, qui adversus Henricianos in causa diri illorum schismatis acerrime pugnarunt, animo conjunctissimus Gregorio VII., qui propterea oblatz sibi sententiæ Concilii Wormaciensis ab Henricianis adversus Gregorium prolataz subscribere strenue recusavit, uti refert Baronius ad annum 1076. num. 14., eamque ob causam Henricianorum sententia depositus est ab Episcopatu, suffecto in ejus locum Meginardo, nec non in exilium pulsus, ubi misere afflictus vitam traduxit, & obiit, eodem rursus Baronio inscribente ad annum 1085. num. 9. Itaque & Gregorio, & Herimanno causa communis fuerat adversus Henricianos, quamobrem uterque missis invicem epistolis familiaribus idem idem quid disputandum, quid agendum, & qua ratione gerenda essent omnia, significabant, mutuis se subsidiis adjuvantes, & quicquid aut ecclesiasticis Patribus, aut ex Historicorum quorumcumque monumentis ad rem quodammodo facere videretur, investigantes, & munus prodentes, quo unusquisque data occasione in conficiendis adversariis uteretur. Hujus rei argumento sunt valde perspicue duæ Gregorii epistolæ, quarum prior est 2. lib. 4. Regessi, posterior est 21. lib. 8. Ex hac posteriore duo fragmenta recitantur apud Gratianum, nimirum canon 9. dist. 96., & canon 3. cau. 15. qu. 6., in quo pro verbis illis Zacharias scilicet . . . quam pro eo, quod tante preestati eras inuitis . . . in ejus locum substituit . . . ex autoritate frequenter agit &c. legendum est ex integris epistolis exemplaribus: Zacharias videlicet . . . quam eo, quod tante preestati non eras inuitis . . . in ejus loco substituit . . . ex frequenti autoritate saepe agit &c. Proposuerat ibi Gregorius duo Pontificum Acta, & primum Innocentii Papæ adversus Anastasium Imperatorem, qui consenserat expulsiōi Johannis Chrysostomi; alterum, quod apud Gratianum recensetur de Zacharia Pontifice; in quibus tamen deceptum fuisse ex apocryphis monumentis Gregorium Viri gravissimi testantur. Pagios ad Acta Innocentii Papæ a Baronio relata ad annum 407. ita adnotavit: *Epistola Innocentii Papæ XXX. ad Arcadium Imperatorem, qui excommunicantur persecutores S. Chrysostomi, supposititia, cum in ea sermo sit de Euthymia vivente, quæ tamen jam ab anno 404. (quod demonstraverat perspicue idem Pagius ad annum 404. num. 28.) superpremium diem obtineret. Quare ejusdem epistolæ nec Palladius, nec Socrates, nec Theodoretus, nec Sozomenus, nec Zonaras, nec aliqui in locis mentionem facere, potest musque*

Can. 9.  
dist. 96.

Can. 3.  
cau. 15.  
qu. 6.

musque Georgius Alexandrinus, qui septimo Ecclesie sæculo vixit, ex quo Nicephorus, & Glicas eam hausere. His Pagii adnotationibus adijci potest, quod de Arcadio Imperatore, velut in ecclesiastica communione perpetuo consistente, ac vita suo, refertur in historia Tripartita cap. ult. ibi: *Non multo post tempore, quam Johannes defunctus est, moritur & Arcadius Imperator, vir mitis, & quietus, & circa finem vite pro hujusmodi causa venerabilis existimabatur*. Pagio consensus Natalis Alexander in historia ecclesiastica sæculi 5. cap. 2. art. 1., vocans ibidem Georgium solitarium hujus, aliarumque non abimilium fabellarum auctorem. Supposititia quoque idem Natalis Alexander in historia ecclesiastica sæculi 8. differt. 2. probavit gesta, quæ Zachariæ Pontifici tribuebantur, vel quod contemporanei Scriptores silentium perpetuum de iis habuerint, vel quod Historici, idem contemporanei multo aliter rem gestam enarrent, quam recentiores nonnulli tradiderint. Suspicio ergo, gesta hujusmodi inventa fuisse a Græcis Schismaticis, eademque Constantinopolitanis Imperatoribus proposita, ut illa specie Imperatorum animum a Romanis Pontificibus averterent, quorum ipsi potestati subijci recusabant. Atque hæc figmenta certis temporum, ac locorum adiunctis adjuvabantur; in primis enim constabat, Romanos ab Imperio Orientali jamdiu defecisse, aliosque sibi Principes constituisse post Iconoclastarum hæresim subortiam, quod facile Summorum Antistitem operæ tribui a Schismaticis poterat; deinde, ubi ageretur de Francorum Regibus, facile etiam erat figmentis omnia vertere, cum illorum Acta incertissima vagarentur etiam apud suos. Notat enim Baronius ad annum 671., incertissimum sæculo 7. fuisse Francorum Regum successionem ob maximam Scripturæ varietatem; imo etiam ætate Caroli Magni scribit Eghinardus in vita ipsius, nihil se scire de nativitate, infantia, & pueritia illius Principis, nec aliquem suscepisse, qui horum se dicat habere notitiam.

## De ceteris Canonibus Gregorio VII. adscriptis.

Duo adhuc supersunt fragmenta apud Gratianum Gregorio VII. tributa, nimirum canon 13. cau. 1. qu. 3., & can. 3. cau. 16. qu. 7., seu verius dixerim, unum tantummodo bis exaratum diversis in locis, uti liquet unicuique utrumque canonem conferenti. Inter editas Gregorii epistolas, aut Concilia eadem, quæ Gratianus retulit, verba minime reperiuntur; non dubito tamen, quin jure optimo adscripta eidem Pontifici fuerint, cum maxime conveniant temporibus illius, quibus nihil prestinus urgendum erat, quam decimas a Clericis subreptas Clericis esse reddendas. Duo detestabilia nonnullorum Clericorum vitia, nimirum simonia in celebrandis ordinationibus, & inconscientia occasionem dederant Laicis, ut decimas a Clericis, quasi ab indignis, eriperent. Hinc quemadmodum elaborandum fuit Pontificibus Maximis, ac præsertim Gregorio, ut Clerici in bonam frugem reducerent, ita quoque curandum, ut decimæ Clericis restituerentur. Quid aliud porro aut in epistolis ejusdem Gregorii, aut in Conciliis illius ætatis, prestinus, ac frequentius urgetur? Exemplum est in canone 1. cau. 16. qu. 7., de quo superius actum est; exemplum perspicuum in epistola 5. lib. 6. ad Hieronimum Merensem, quem Gregorius ideo reprehendit, quod Laicis jura quædam Ecclesiastica concessisset. Exemplum, ut cetera omitam, in epist. 5. lib. 9. ad

Can. 13.

can. 1.

qu. 3.

Can. 3.

can. 16.

qu. 7.

ad

ad Hugonem Dientsem Episcopum, ubi Gregorius laudat Regem Anglorum, quod compulerit Laicos ad decimas dimittendas, quas ipsi detinebant. Ego arbitror, memoratum Gradani canonem pertinere ad Concilium Romanum V. sub Gregorio VII. celebratum anno 1078. cujus acta integra perierunt: etenim de hac materie actum illic fuisse constat ex capite 6. ex illis, quae edita supersunt apud Labbeum, ibi: *Decimas, quas in usum pietatis concessas esse canonica auctoritas demonstrat, a Laicis possideri Apostolica auctoritate prohibemus; sive enim ab Episcopis, vel Regibus, vel quibuscunque Personis eas acceperint, nisi Ecclesia reddiderint, scient se sacrilegii crimen committere, & aeternae damnationis periculum incurere.* Similem sententiam Gregorii VII. edidit Mansi in tom. 2. Supplementi Labbeani pag. 29. erutam ex tom. 2. parte 2. fer. italicarum, in cujus postremis verbis haec leguntur: *Quicumque militem, vel cujuscunque ordinis, vel professionis persona praedia ecclesiastica a quocunque Rege, seu seculari Principe, vel ab Episcopis, inuitis Abbatibus, aut ab aliquibus Ecclesiarum Rectoribus suscepit, vel suscepit, vel invasis, vel etiam eorundem Rectorum depravato sententioso consensu tenuerit, nisi eadem praedia Ecclesis restituerit, excommunicationi subiaceat. Romae in universali Synodo praesidente B. Gregorio Papa ab eodem promulgata, ab universali Concilio comprobata.* Ex his constat, acta Concilii Romani integra perisse, ejusdemque varia fragmenta in aliquorum monumentis dispersa superuisse, forte autem nos nonnihil Gratiano debere, qui in memoratis canonibus 13., & 57. Gregorii verba posteritati servaverit; nisi forte dixeris apud Gratianum non verba ipsa Gregorii exhiberi, sed sententiam, propterea exigendam ad fragmenta illa, quae alii ex eodem Concilio prodiderunt.

## A P P E N D I X

### De Confessione Berengarii.

Con. 42.  
de conf.  
dist. 2. Habetur in canone 41. de conf. dist. 1. confessio quaedam nomine Berengarii Andegavensis Diaconi, quem alii Berengerium vocant; quam hunc in locum retuli, quod ipsius causa finem tandem acceperit sub Gregorio VII., licet sub Gregorii Antecessoribus, praesertim Leone IX., ac Nicolao II., variis obnoxia fuerit vicibus, modo enim versipellis Diaconus in unam sententiam descendeat, modo ab illa in altam recedebat pro variis temporum; & locorum adiunctis. Extrat de hac re apud Labbeum in tom. 11. Venetz editionis pag. 1425. Opusculum Anonymi, qui scribebat anno 1088. quo mortuus est idem Berengarius; editum a Chiffethio. Refert ille, Berengarium primum asseruisse in Sacratissimo Eucharistiae Sacramento Christi Corpus, & Sanguinem non contineri, sed tantum inesse figuram. Id ubi primum intellexit Leo IX. Pontifex Maximus in Romano Concilio anni 1059. novam haesim damnavit, haereticum etiam communione ecclesiastica privavit, quae damnationis sententia confirmata est in Concilio Vercellensi ejusdem anni. Renovatum est iudicium, Berengario ipso praesente, seque etiam pro viribus defendente in Concilio Turonensi anni 1055. mandato Victoris Papae II., cujus vices gerebat Hildebrandus, qui postea ad Summum Pontificatum electus est nomine Gregorii VII.; ibidemque Berengarius haesim suam praestito iurejurando anathematizavit; sed in eandem rursus opinionem inclinatus a Nicolao II. ad Romanum

manum Concilium advocatus est anno 1059., ibique convulsus libros propriæ hæreseos in conspectu Pontificis Maximi, & Episcoporum, qui eo convenerant, CXIII. concremavit, præstitoque rursus jurejurando catholicam professionem renovavit, quam in Turonensi Concilio fecerat. Hæc est illa confessio, quæ legitur in dicto canone 42. de cons. dist. 2. eisdem omnino verbis. Verum Berengarius more suo ad pristinam hæresim reversus est, eo ulterius progressus, ut Romanos Antistes, & Romanam ipsam Ecclesiam pudendis convitiis lacessiret, interea, per discipulos suos virus hæreseos undique diffundens, & incautos inficiens. Pervicacem hominem tandem Gregorius VII. audire voluit in duabus Synodis, tum anni 1078., tum anni 1079., ubi Berengarius tandem retractatione facta bene de se sperandum bonis universis reliquit. Formula professionis hujus postremæ a Berengario factæ hæc est: Ego Berengarius corde credo, & ore confiteor, panem, & vinum, quæ ponuntur in Altari, per mysterium sacræ orationis, & verba nostri Redemptoris, substantialiter converti in veram, ac vivificatricem Carnem, & Sanguinem Jesu Christi Domini nostri, & post consecrationem esse verum Christi Corpus, quod natum est de Virgine, & quod pro salute mundi oblatum in cruce pendit, & quod sedet ad dexteram Patris, & verum Sanguinem Christi, qui de latere ejus effusus est, non tantum per signum, & virtutem Sacramenti, sed in proprietate naturæ, & veritate substantiæ, sicut in hoc brevi continetur, & ego legi, & vos intelligitis: sic credo, nec contra hanc fidem ulterius docebo: sic me Deus adjuvet, & hæc sancta Dei Evangelia. Post hæc Berengarius a Gregorio VII. restitutum omnino fuisse in Christianam communionem facile constare potest ex literis commendatitiis, quas idem Pontifex Berengario concessit anno 1080., quæque referuntur in 2. Appendice epistolarum Gregorii VII. apud Labbeum epist. 2. ibi: Gregorius servus servorum Dei omnibus B. Petro fidelibus salutem, & apostolicam benedictionem. Notum vobis omnibus facimus, nos anathema fecisse ex auctoritate Dei omnipotentis Patris, & Filii, & Spiritus Sancti, & BB. Apostolorum Petri, & Pauli omnibus, qui injuriam aliquam facere præsumserint Berengario Romanæ Ecclesiæ Filio, vel in persona, vel in omni possessione sua, vel quæ eum vocatis hereticum, quem post multas, quas apud Nos quantas voluimus, fecit moras, domum suam remissimus, & cum eo fidelem nostrum Fulconem nomine.

## CAPUT LXXXV.

## De Urbano II.

Præter illa, quæ Urbani II. Conciliis tributa fuerunt, quæque expendi in cap. 63. primæ partis, multa adhuc sunt ejusdem Pontificis monumenta apud Gratianum.

Ex Epist. ad Gebhardum Episcopum Constantiensem. { Can. 110. can. 11. qu. 3. { simul jungendi, atque in integrâ  
Can. 4. can. 9. qu. 1. { epistola supplendi.

Ex Epist. ad Hugonem Lugdunensem Episcopum.

Can. 10. cau. 9. qu. 2. ad varia temporum, & locorum adjuncta exigendus.

Ex Epist. ad Lucium Præpositum S. Iuventii.

Can. 8. cau. 1. qu. 3. ex optimis exemplaribus emendandus.  
Can. 12. cau. 1. qu. 3. referendus ad can. 8. cau. 1. qu. 3.

Ex Epist. ad Petrum Pistoriensem, & Rusticum Abbatem Vallis Umbrosæ.

Can. 24. cau. 1. qu. 7. varius in diversis codicibus.

Ex Epist. ad Abbatem S. Ruffini.

Can. 3. cau. 19. qu. 3. paullo varius in diversis exemplaribus.

Ex Epist. ad Bartholomæum Episcopum Turonensem.

Can. 13. dist. 56. perperam Urbano II. tributus.

Ex Epist. ad Dominicum Patriarcham Gradensem.

Can. 12. dist. 32. perperam Urbano II. tributus.

Ex Epist. ad Hugonem Gratianopolitanum Episcopum.

Can. 39. cau. 16. qu. 7. pluribus Urbani monumentis consonat.  
Can. 11. cau. 35. qu. 2. ex aliis monumentis explicandus.

Ex Epist. ad Guarnierum Narbonensem Episcopum.

Can. 37. dist. 50. ex aliis monumentis emendandus.

Ex Epist. ad Albertum Metensem Episcopum.

Can. 3. cau. 1. qu. 5. aliis Urbani monumentis consonat.

Ex Epist. ad Episcopum Vapicensem.

Can. 5. cau. 15. qu. 6. consonat Urbani temporibus.

Ex Epist. ad Guimondum Episcopum.

Can. 3. cau. 24. qu. 2. ex Ivonis codice emendandus.

Ex



- Ex Epist. ad Goffredum Episcopum Lucanum. { *Can. 47. cau. 23. qu. 5. ex Ivonis codice emendandus.*
- Ex Epist. ad Petronium Episcopum Legionensem. { *Can. 14. dist. 56. ad Panormia codicem exigendus.*
- Ex Epist. ad Richardum Archiepiscopum Genueensem. { *Can. 3. cau. 35. qu. 6. paullo varius in diversis codicibus.*
- Ex Epist. ad Sanctum Regem Aragonum. { *Can. 3. cau. 31. qu. 2. paullo varius in diversis codicibus.*
- Ex Epist. ad Vitalem Presbyterum Brixiz. { *Can. 2. cau. 1. qu. 5.*  
*Can. 4. cau. 30. qu. 3.* { *simul jungendi, atque ad Baluzianum codicem exigendi.*  
*Can. 6. cau. 30. qu. 4.*
- In Capitulo Sancti Ruffini. { *Can. 2. cau. 19. qu. 2. falso adscriptus Urbano.*
- Ex Gestis ejusdem Pontificis. { *Can. 2. cau. 8. qu. 3. paullisper depravatus.*
- Adjiciuntur { *Can. 1. dist. 56. consonat cum pluribus Urbani II., & Gregorii VII. monumentis.*  
*Can. 11. dist. 56. referendus ad canonem 1. dist. 56.*  
*Can. 4. dist. 60. referendus ad Concilium Beneventanum anni 1091.*  
*Can. 6. dist. 68. consonat cum Paschalis II., tum S. Augustini monumentis.*  
*Can. 2. cau. 9. qu. 2. falso tributus Urbano II.*  
*Can. 37. cau. 12. qu. 2. pertinet ad Concilium Lateranense Calixti II.*  
*Can. 2. cau. 16. qu. 2. pertinet ad Concilium Moguntinum anni 813.*  
*Can. 6. cau. 16. qu. 2. referendus ad Concilium Claromontanum.*  
*Can. 1. cau. 16. qu. 4. pertinet ad Concilium Lateranense Calixti II.*  
*Can. 2. cau. 16. qu. 7. ad integros Claromontani Concilii codices exigendus.*  
*Can. 2. cau. 19. qu. 3. est ascribendus Anselmo Episcopo Havelbergensi.*

Adjiciuntur

- Can. 23. cau. 22. qu. 5. consonat Urbani II. temporibus.*  
*Can. 22. cau. 23. qu. 8. consonat Urbani II. temporibus.*  
*Can. 24. cau. 24. qu. 3. pertinet ad Concilium Lateranense Cal-*  
*listi II.*  
*Can. 37. cau. 24. qu. 3. convenit Urbani II. temporibus.*  
*Can. 6. cau. 25. qu. 1. non dissonat ab Urbani II. sententiis.*  
*Can. 1. cau. 31. qu. 2. ad emendatiorem Ivonis codicem ex-*  
*gendus.*  
*Can. 3. de pen. dist. 6. idem est cum can. 2. cau. 9. qu. 2.*

**N**emo facile poterit de Gratianeis fragmentis Urbano II. tributis sententiam ferre, nisi paucis saltem attingantur quædam Occidentalis ecclesiasticæ disciplinæ capita, quæ ejusdem Pontificis temporibus propemodum collapsa ab Historiographis feruntur. Romanam Sedem tenuit Urbanus natione Gallus, professione Monachus Cluniacensis ab anno 1088. post obitum Victoris III. usque ad annum 1099., quum adhuc vigerent adversus Romanam Ecclesiam dira, ac diuturna Henricianorum schismata, eamque ob rem suæ dignitatis æmulatorem adhuc pati debuit Guibertum jamdiu contra Gregorium VII. constitutum. Vix Romæ in rebus incertis asylum invenire potuit recens electus Antistes, qui satius duxit confugere ad suos, videlicet perrexit in Galliam, ibidemque plura celebravit Concilia, de quibus jam alibi egimus. Turbabat etiam Pontificis animum nonnullorum Clericorum pervicacia, qui nunquam solertia Prædecessorum Pontificum adduci potuerunt, ut continentiam custodirent; laicorum etiam plurimorum, qui Clericos insequendo bona ipsa ecclesiastica diripiebant, decimarum jura, atque iis similia denegabant. Interea vero Monachi discere cœperant vel novis liberalitatibus, vel ex accessione bonorum ecclesiasticorum, quæ fiebat a laicis directa bona ecclesiastica monasteriis concedentibus; atque etiam totis viribus contenderunt, ut abs jurisdictione Episcoporum eximerentur, modo Pontificiis obtentis privilegiis, modo diplomatibus Principum, modo tabulis fundatorum; utinam etiam nulla commentitia ipsi monumenta exemptionum suarum confecissent, quibus facile eludebant Episcopos, imo & Clericos universos, ut plurimum in ecclesiasticis literis tunc ineruditos, sed inhiantes sæcularibus rebus, adeo ut animarum cura ad Monachos quodammodo transiisse videretur. Quod deinde clarius adparuit, dum sub eodem Urbano II. bellum sacrum adversus Turchas, sive ad recuperationem terræ, ut vocant, sanctæ pararetur. Nimirum anxia fuit tunc Clericorum ferme, omnium sollicitudo in augendis militum copiis, instruendo exercitu, elemosynis indicendis, exigendisque, dum Monachi, alique hujus generis homines eximia vitæ probitate, & proximorum zelo spectabiles curam animarum subsidaria quadam opera gererent. Vides in his Ecclesiæ Occidentalis imaginem, qualis erat Urbani temporibus, quam præ oculis habere frequentissime oportebit in capitibus ejusdem Pontificis expendendis. Et quoniam maximam partem ex epistolis Urbani videntur eruta hujusmodi capita, opportunum erit animadvertere, plures hodie ex illis epistolis desiderari, plures e converso ex extantibus eidem Pontifici falso esse tributas. Petrus Diaconus in libro de Viris illustribus Monasterii Cassinensis cap. 31. ita scribit: *Leo Romanæ Ecclesiæ Diaconus Cardinalis Cassinensis Cænobii Monachus insignis studio eloquentiæ scripsit ex nomine Urbani Pape complures episto-*

*epistolas, fecit & Registrum ejus.* Hocce Registrum tempore Ivonis Carnotensis notum fuisse liquet ex ipsius Ivonis decreto, ubi caput 53. partis 9. ita laudatur: *Ex Registro Urbani Papæ II.* Hanc collectionem periisse animadvertit Marus Benedictinus in suis adnotationibus ad dictum caput 31. in bibliotheca Parrum. Ceterum quo tempore Regestum præ manibus Collectorum erat, plures apocryphas epistolas, præsertim in gratiam Monachorum, factas emeruisse pluribus ostendit Cardinalis Baronius ad annum 1088., idque ab ipsis Monachis Cassinensibus factum ait, qui epistolas Urbani II. nomine inscripserunt, ac postquam id vividiori stylo tradidit, ita subdidit: *Esti sciamus concitari in nos odium Monachorum, sed præstat anteferre omni humano respectui veritatem.* Quæ si vera sunt, nimirum si Monachi Cassinenses in commentitiis Urbani II. epistolis effingendis elaborarunt, si itidem Gratianus in Cassinensi Cœnobio diutius vixit, & Cassinensis propterea Cœnobii bibliotheca usus est, eo animo ad epistolas Urbani a Gratiano exhibitas accedere, licet, ut ad rejiciendas illas solis conjecturis indulgere facile quispiam possit. Regestum Urbani in Monachorum bibliothecis diu delituit, in Monachorum manibus diutissime versabatur; in collectiones publicas nusquam redactum est, imo & ipsum Urbanum, ut arbitror, latuit, utpote qui Pontifex peregrinari quodammodo cogebatur Henricianorum vexationem evitans. Ea igitur, qua par est, sollicitudine investigandæ illinc depromtæ epistolæ, & nonnisi seduli criterii ope vel admittendæ, vel rejiciendæ videntur.

## De Epistola ad Gebehardum Episcopum Constantiensem.

Ex codice Acrebatenſi edidit Jacobus Sirmondus epistolam Urbani ad Gebehardum Constantiensem Episcopum, qui aliquot in codicibus dicitur Guieardus, alibi Genebaldus, alibi Geboardus. Tota epistolæ sententia eo tendit, ut Guibertus Antipapa cum fautoribus Henricianis tanquam extra communionem Ecclesiæ prorsus existens habeantur; insuper excommunicati etiam sint quicumque cum illis communicaverint; quod si quisquam communicaverit non cum Guiberto, aut Guiberti fautoribus, sed cum illis, qui Guiberto, & fautoribus communicaverant, isti quidem non sine pœnitentia recipiendi essent, nullam tamen excommunicationem incurrerent. Nihil est meo judicio, quod dubitationem facere possit de hujus epistolæ veritate; præterquamquod enim temporis adjunctis apprime conveniat, consonat etiam cum iis, quæ nonnulli ex historicis retulerunt. Bernardus Pez in tom. 1. parte 3. sui Thesauri Anecdotorum edidit MS. vetus Monasterii Zuvetlensis Ordinis Cisterciensis, in quo textitur historia Romanorum Pontificum a S. Petro usque ad Cælestinum III., sive ad annum 1191. De Urbano autem II. ibidem ita legitur: *Canones statuit Genebaldo Constantiensi Episcopo de iis, qui communicant excommunicatis sponte, aut per ignorantiam.* Scimus præterea eam Urbani epistolam in causa fuisse, cur in Diœcesi Constantiensi plures meditentur a Diœcesi ipsa recedere, & in alias se recipere civitates, ne cum excommunicatis communicare viderentur, donec Paschalis II. Urbani successor in epistola (12. ex Labbeanis) ad eundem Gebehardum scripta docuit, qui, & qua ratione excommunicati vitari a Fidelibus deberent. Ad istam sane epistolam Urbani pertinet canon 110. cau. 11. qu. 3.; postquam enim Urbanus Guibertum, & Henricianos excommunicasset primo

Can. 110.  
cau. 11.  
qu. 3.  
Can. 4.  
cau. 9.  
qu. 1.

primo gradu, deinde quasi ad secundum gradum deveniens excommunicasset eos, qui cum illis communicaverant, hæc subicit: *Hos igitur principaliter anathematis vinculo adstringentes, in tertio gradu communicantes eis nos quidem non excommunicamus. Sed quia ipsi se eorum communione commaculant, in nostram eos societatem nequaquam sine penitentia ultione, & absolutione recipimus. Sanctis quippe canonibus cautum constat, ut qui excommunicatis communicaverit, excommunicetur. Ipsi tamen penitentia, atque absolutionis modis ea moderatione discrevimus, ut quicumque seu ignorantia, seu timore, seu necessitate negotii cuiusque maximi, & maxime necessarij eorum se convivu, salutatione, oratione, osculove contaminaverit, cum minoris penitentia, absolutionisque medicina societatis nostræ participium sortiasur. Eo vero, qui aut spontanee, aut negligenter inciderint, sub ea volumus disciplina coercionem (legunt alii coercionem pro coercionem) suscipi, ut ceteris metus incutiasur. Ex his supplendus, emendandusque erit Gratiani canon 110., post quæ ita statim prosequitur Urbanus: Cujus disciplinæ moderamina, quod ad tuam curam spectat, nos tuæ prudentiæ, prout oportere videris, pro temporis, & personarum competentia servanda committimus. Porro de Clericis, qui ab excommunicatis sunt Episcopis ordinati, necdum quidem sententiam ferimus, quia generalis mali contagium generalis Synodi est cauterio comburendum. Tuæ tamen Fraternitati hoc respondemus ad præsens, ut ab excommunicatis quondam tamen Catholicis Episcopis ordinatos, siquidem non simoniace Ordines ipsos acceperint, etsi Episcopos ipsos non simoniacos esse constiterit, ad hoc si religiosior eorum vita, & doctrinæ prærogativa visa fuerit promereri, penitentia indulta, quam congruam duxeris, in ipsis, quos acceperint, Ordinibus manere permittas. Ad superiores autem ascendere non concedimus, nisi necessitas, & utilitas maxima flagitaverit, & ipsorum sanctorum conversatio promeruerit, & hoc tamen ipsum rarius cum cautela est præcipua concedendum. Hæc verba retulerat Gratianus in canone 4. cau. 9. qu. 1., quemadmodum etiam Ivo in parte 6. cap. 406. sub nomine Urbani II. ad Gebardum scribentis, quam ipsam inscriptionem notat Baluzius ad Gratianum fuisse in veteri collectione canonum, quæ erat Claudii Puteani, Sirmondum arguens, quod in cap. 3. Antirrhetici secundi adversus Aurelium crediderit mutandam esse inscriptionem, & pro Gebardo Episcopo Constantiensi substituendum esse nomen Pibonis Episcopi Tullensis. In hac parte nec rejicienda est Baluzii nota, qui Collectorum inscriptionibus eo usque insistendum esse rectissime asserit, quo cum authorographis, aut optimis exemplaribus consonant; neque alias nimis erit improbanda Sirmondi traditio, cum eadem propemodum verba legamus in epistola Urbani II. ad Pibonem Tullensem Episcopum editam apud Labbeum in Appendice epistolarum Urbani II. num. 17. ex codice MS. Petavianæ Bibliothecæ. In cap. 4. ejus epistolæ hæc leguntur: Porro de Clericis, qui ab excommunicatis Episcopis sunt ordinati, necdum quidem sententiam fiximus, quia generalis mali contagium generalis Synodi est cauterio comburendum. Tuæ tamen Fraternitati hoc respondemus ad præsens, ut ab excommunicatis quondam tamen Catholicis Episcopis ordinatos, siquidem non simoniace ipsos Ordines acceperint, & si Episcopos ipsos non simoniacos fuisse constiterit, & adhuc si eorum religiosior vita, & doctrinæ prærogativa visa fuerit promereri, penitentia indulta, quam congruam duxeris, in ipsis, quos acceperunt, Ordinibus manere permittas. Ad superiores autem ascendere non concedimus, nisi necessitas, vel utilitas maxima flagitaverit Ecclesiæ. Hoc tamen ipsum rarius, & cum cautela est præcipua concedendum.*

## De Epistola ad Hugonem Lugdunensem Episcopum.

Exstat præterea apud Labbeum in Appendice epistolarum Urbani II. num. 19. epistola ad Hugonem Lugdunensem Archiepiscopum, eadem ipsa, qualis apud Gratianum refertur in can. 10. cau. 9. qu. 2. Eandem epistolam integram retulit Ivo in parte 6. cap. 412., cujus auctoritas plurimum me movet in hac parte, vel quod non distat ab Urbani temporibus, vel quod in Gallia scripserit, illudque momentum laudaverit, quod editum fuerit a Pontifice scribente in Gallia, & ad Episcopum Gallicanum. Temporibus autem Urbani II. Hugonem fuisse Lugdunensem Episcopum, imo & aliquando vices Urbani gessisse, constat tum ex Concilio Brivatenſi anni 1094., tum ex Concilio Turonenſi anni 1096. Totus epistolæ tenor eo pertinet, ut in Diœcesi Lugdunensi nemo sit ordinandus juxta generales canonicum regulas ab alterius Diœcesis Episcopo; verum bono pacis patienter indulgendum, si quis ita ordinatus esset, ut in suo gradu Ecclesiæ ministret, dummodo integer vitæ sit, ac propterea veniam sibi quodammodo promereatur; atque ad eam rem adferretur in medium exemplum S. Epiphani, qui in Diœcesi S. Johannis Chrysostomi fertur quosdam Clericos ordinasse. Sunt hæc digna animadversione; quamobrem duo potissimum hoc in loco consideranda veniunt: primum, quia de causa contingere potuerit, ut in Diœcesim Lugdunensem extranei Episcopi accederent Clericos ordinaturi; cur etiam id benigne ferre debuisset Lugdunensis Episcopus: alterum, quid sentiendum sit de proposito Sancti Epiphani exemplo, quasi Epiphanius. Vir ceteroqui justitiæ cultor terminos diœcesanos publica auctoritate constitutos violaverit transgrediendo.

Quod primum spectat, contingere tunc facile potuit, ut extranei Episcopi in Lugdunensi Diœcesi Clericos ordinarent, de illis propterea conquereretur Lugdunensis Episcopus, quem Urbanus ad patientiam, atque indulgentiam flecteret; atque id triplici forte de causa. En primam: Nemo ignorat anno 1079. in Gallianis provinciis constitutum fuisse Primatum Lugdunensis Ecclesiæ supra Rothomagensem, Turonensem, ac Senonensem Ecclesias, ut Lugdunensis Archiepiscopus legatione quadam Pontificis Maximi potiretur, cujus vi ceteris memoratis Archiepiscopis præsidere. Nihilominus tamen posteriore ætate Legatos alios extra ordinem Romani Antistites mittere in illas Provincias solebant, quemadmodum constat missum fuisse in Gallias Amatam Episcopum Oloronensem, in Hispanias Geraldum Episcopum Ostiensem, & Bonifacium ad Germanos, ut omittam alios numero plurimos, qui cum Apostolicam auctoritatem vi suæ legationis explicarent, arbitrati sunt se in unaqueque Diœcesi posse Episcopali officio fungi, ac propterea etiam celebrare ordinationes Episcoporum, quod aliquantulum ægre tulerunt Episcopi Diœcesani, quemadmodum constat apud Ivonem Carnotensem in suis epistolis quam frequentissime. In his adjunctis Personarum, ac temporum, quid mirum, si etiam Hugo Lugdunensis Primatis auctoritate, legatione etiam Pontificia insignitus conquereretur de extraneis Episcopis ordinationes Clericorum in Lugdunensi Ecclesia celebrantibus? Quid præterea mirum, si Urbanus Episcopos illos extraneos, quos legationis honore decoraverat, excusaret? Altera causa hæc esse potuit. Dixeram nuper, Lugdunensem Archiepiscopum jure Pontificis legationis

Can. 10.  
cau. 9.  
qu. 2.

tionis pluribus Provinciis fuisse Praefectum veluti Primatem. Hugo autem Lugdunensis ex his fuit, & Primas, & Legatus Apostolicus, quemadmodum Historici univervi testantur, qui de Lugdunensi Primatu egerunt, & quemadmodum perspicue colligitur ex decreto Urbani ad eundem Hugonem missio. Idem propterea Lugdunensis Antistes ad se unum spectare arbitrabatur Episcoporum omnium Primatui subditorum consecrationes, contra forte sententibus Archiepiscopis, & Episcopis illarum Provinciarum, qui jus vetustissimum servandum, custodiendumque asserabant, quo & Metropolitanus, coaetio Suffraganeorum Concilio, consecratur, & a Metropolitano in conventu Suffraganeorum suffraganeus Episcopus ordinabatur. Testem hujus rei habeo optimum Ivonem Carnotensem, qui de Hugone ipso Lugdunensi hac de causa gravissime conqueritur in epist. 59., 60., 61., & passim. Hinc cum Episcopi, vel Archiepiscopi has Coepiscoporum ordinationes, non petita ab Hugone facultate, celebrare non dubitarent, conqueri Hugo penes Urbanum potuit, æquumque putavit Urbanus ordinatores Episcopos excusare, qui dum ad ordinationes illas procedebant, veterum canonum disciplinæ sese studiosissimos exhibebant, non considerata in hac parte Legatione Pontificis Maximi, utpote quæ erat in Hugone recentissima. Tertiam demum causam adjicio, quam Monasteria præbere poterant: nimirum coeperant tunc temporis Monasteria quædam exemptionum privilegia producere, quibus episcopalem evaderent jurisdictionem; quomobrem quoties ordinari Clericos in Monasteriis hujusmodi decebat, Monachi ordinationes non a Diocesano, sed ab extraneo Episcopo postulabant, veriti ne si Diocesano adivissent causa ordinationis, renuntiasset easque suo privilegio viderentur. Id manifeste colligitur ex Concilio apud Urbem Ansam celebrato in Diocesi Lugdunensi anno 1025., cujus verba edidit Jacobus Severtius in Chronologia Archiepiscoporum Lugdunensium num. 67. Conquestus fuit in hoc Concilio coram Burchardo Lugdunensi Archiepiscopo Gauslenus Episcopus Matifensis de Burchardo Archiepiscopo Viennensi, quod sine suo assensu ordinationes Monachorum fecisset in suo Episcopatu, idest in Cluniacensi Cœnobio. Cum autem præsens adesset Odilo Cluniacensis Abbas, exemptionis privilegia allegavit a Romana Ecclesia obtenta, ex quibus patebat potuisse Monachos Cluniacenses quemcumque Episcopum accire, causa sacrarum ordinationum, licet tamen deinde res synodali judicio eo deveniret, ut Burchardus veniam peteret, & Gausleno satisfaceret. In his rerum, & locorum adjunctis facile suspicari quispiam poterit, Hugonem Lugdunensem simili de causa conquestum fuisse apud Urbanum; ipsum autem Urbanum, qui auctor monasticorum quorundam privilegiorum esse poterat, aut saltem intellexerat propositas exemptiones fuisse, velut obtentas a Sede Apostolica, voluisse illos Episcopos, quoad fieri posset, excusare, qui privilegiis, aut exemptionibus fidentes ad ordinationes in aliena Diocesi celebrandas accesserant.

Sic absoluta priore observatione ad alteram venio, quæ pertinet ad memoratum S. Epiphanii exemplum, qui consecraverat, seu ordinaverat Clericos in Diocesi S. Johannis Chrysostomi. Agnoscendus illic est error facti: non in Diocesi Johannis Chrysostomi, sed in Diocesi Johannis Episcopi Hierosolymitani fertur Epiphanius Clericos ordinavisse: Error quidem excusatione dignus; etenim cum tempore S. Epiphanii Salaminæ in Cypro Episcopi Episcopus Constantinopolitæ esset Johannes cognomento Chrysostomus, Hierosolymitanum vero Episcopatum gereret Johannes II., facile erat decipi ita, ut pro Johanne Hierosolymitano  
Johanna

Johannes Constantinopolitanus, sive Chrysostomus diceretur. Laudo ego auctorem S. Hieronymum Epiphанию ipsi contemporaneum tum in epistola ad Pammachium adversus errores Johannis Hierosolymitani, tum in epistola ad Theophilum adversus eundem Johannem. Laudo præterea Epiphanium ipsum in epistola ad Johannem Hierosolymitanum, quam e græco in latinum idem Hieronymus transtulit, ex quibus optimis monumentis hæc facti series colligitur. Johannes Hierosolymitanus Episcopus Origenis doctrinam & errata sequebatur. Prope ejus Provinciam in loco ab hominum societate dissito (puta in solitudine, ac sylvestribus locis, in quibus monasteria olim condi solebant) Monachi quidam morabantur sacri alicujus administri officio destituti, nemine ex ipsis patientie causa humilitatis se sacris ordinibus initiari. Sanctus Epiphanius ut Monasterii illius, & Monachorum utilitati consulere, arbitratus se alienam Provinciam minime ingredi, ibidem invitum quendam Monachum Diaconum primum, deinde Sacerdotem ordinavit. Hinc Johannes Hierosolymitanus, qui recte noverat Epiphanium Origenis doctrinam, quam ipse excolebat, detestari, cepit hac oblatâ occasione eundem Episcopum tanquam alienæ Diœceseos invasorem, ac turbatorem prædicare, ut sic facilius Epiphanium premeret, unumque ex præcipuis Origenis hostibus perterrefaceret, atque in eum multorum, si fieri posset, odia concitaret. Id ubi Epiphanius novit, ita tim epistolas ad Johannem scripsit, candide facti seriem enarravit, de jure edocuit, uno verbo certiore reddidit de re legitime gesta; imo exinde occasionem sumit acrius erga ipsum tanquam Origenis doctrinæ adhærentem differere. Hinc Johannes e converso cepit passim, & in vulgus tradere, ab Epiphanio se de hæresi proclamari suspectum, non quod Epiphanius ita crederet, sed quod eo prætextu illegitime factam ordinationem excusantem ab omnibus vellet, unde acerrimæ inter utrumque Episcopum subortæ sunt, & diutius commotæ contentiones. Quæ hucusque enarrata sunt, ex memoratis & Hieronymi, & Epiphaniî monumentis deducuntur. Quod pertinet ad rem nostram, ut dignoscamus an legitima Epiphaniî ordinatione fuerit, juvabit eadem Epiphaniî, aut Hieronymi verba referre. Ita scribit Epiphanius in epist. ad Johannem: *Nihil tibi nocuimus, nihil injuriæ fecimus, nec quidquam violentè extorsimus. In Monasterio Fratrum, & Fratrum peregrinorum, qui Provincie tue nihil deberent (adnotanda sane sunt iisthæc, ex quibus aperte constat, ordinationem in Provincia Johannis minime fuisse celebratam, licet id Johannes assereret, forte ut justam de Epiphanio conquerendi causam arriperet) & propter nostram parvitatem, & literas, quas ad eos crebro direximus, communionis quoque tue cæperunt habere discordiam, (forte ex eo, quod Origenitis assentiri non deberent) ne viderentur quadam duritia, & conscientia nostra antiquæ fidei ab Ecclesia separari, ordinavimus Diaconum, & postquam ministravit, rursus Presbyterum, super quo debueras graviter intelligens, quod ob Dei timorem hoc sumus facere compulsi, maxime cum nulla sit diversitas in Sacerdote Dei, & ubi utilitati Ecclesiæ provideretur. Nam etsi singuli Ecclesiarum Episcopi habent sub se Ecclesias, quibus curam videntur impendere, & nemo super alienam mensuram extenditur, tamen præponitur omnibus charitas Christi, in qua nulla simulatio est, nec considerandum quid factum sit, sed quo tempore, & quo modo, & in quibus, & quare factum sit. Deinde facti serie integre exposita ita prosequitur: Hæc ita acta sunt, ut, loquutus sum, in charitate Christi, quam te erga parvitatem meam habere credebam, quamquam in Monasterio ordinaverim, & non in Parochia, quæ tibi subiecta sit. Hieronymus autem in memorata epistola ad Theophilum*

lum ita de Monasterio, in quo Epiphanius Clericum ordinaverat, & quod Johannes Hierosolymitanus aiebat ad Parochiam Bethleemiticam pertinere, scribit: *Monasterium Sancti Papæ Epiphaniî nomine vetus additum, in quo frater meus ordinatus est Presbyter in Eleuteropolitano territorio, & non in Eliensi situm est*. Ex quibus sane liquet, controversiam omnem non in eo fuisse, utrum Epiphanius extra Diocesim suam, & in Diocesi Hierosolymitana, sive Eliensi Clericum ordinare potuerit; sed utrum Monasterium, in quo Epiphanius Clericum ordinavit, ad Ordinantis ejusdem Diocesim, an potius ad Episcopum Hierosolymitanum spectaret. Quæ cum ita sint, jam etiam liquet, qualis Gratiano canonî assignenda interpretatio sit, non solum in ea parte, in qua factum Epiphaniî memoratur, sed etiam in ea, qua Urbanus quid agendum esset a Lugdunensi Archiepiscopo tradidit.

## De Epistola ad Lucium Præpositum Sancti Juventii.

**Can. 8.** Epistolam Urbani ad Lucium Præpositum Sancti Juventii, seu, ut alicubi scribitur, Sancti Jumentii, ferme integram retulit Gratianus duobus in locis, nimirum **C. 12.** in canone 8. cau. 1. qu. 3., & post canonem 6. vers. *ad hoc vero* dist. 32. Integra autem legitur in Collectione Labbeana inter epistolas Urbani II. num. 17. Ejus inscriptio hæc est: *Urbanus Episcopus servus servorum Dei dilecto Filio Lucio Præposito Ecclesiæ Sancti Juventii apud Ticinum salutem, & apostolicam benedictionem*. Argumentum epistolæ pendere videtur ex præviis interrogationibus Lucii Præpositi. Interrogaverat Pontificem Maximum Lucius de aliquot ecclesiasticæ disciplinæ capitibus. Primo, utrum simoniacum esset vendere ecclesiastica prædia: deinde utrum præstanda esset humilis obedientia Prælati, quoties isti minus honesta præciperent. Postremo quid sentiendum, agendumve, ubi ordinationes, & reliqua Sacramenta ab improbis Sacerdotibus confecta proponerentur. Quod priorem interrogationem spectat, exhibetur in dicto canone 8., ubi tamen nonnulla sunt ex Labbeanis Codicibus emendanda. Exhibeo hoc in loco verba illa Labbei, ex quibus emendare juvabit Gratiani scripturam. *Salvator prædixit . . . ex adverso ascendere, & murum . . . in regnum Dei, unde non sunt . . . res ipsius Ecclesiæ oblata . . . per eundem fiebant, multiplicatam pecuniam, quam obtulerat, lucraretur . . . sed ambitionem talis questus, idest avaritiam, quod est Idolorum servitus . . . de consecratione, & de rebus, quæ proveniunt ex consecratione, affirmat, quod quisque alterum eorum vendit, sine quo alterum habere non potest, neutrum non venditum derelinquit . . . simoniacum intelligit, in nomine vero . . . Audi Augustinum super Johannem: Ob quot proposita fecerunt? alterum propositum habet . . . unusquisque propositum suum laudat, quod vendit &c. . . attendat super bis Augustinum . . . unusquisque propositum suum laudat, quod vendit, non adjiciens in templo, vel extra templum. Hæc contra venditores, vel emtores sacrarum rerum. Post hæc secundæ interrogationi satisfaciens, ait non esse obediendum hominibus, quotiescumque Divinis præceptis quidquam contrarium jubeant, eamque ad rem adducit verba Hieronymi, quæ retulit Gratianus in can. 93. cau. 11. qu. 3. Demum postremæ interrogationi respondet eisdem verbis, quæ apud Gratianum leguntur post canonem 6. dist. 32. Addidit Gratianus in eadem cau. 1. qu. 3. canonem 12. ex eadem epistola Urbani depromptum; sed nemo non videt, priora ejusdem canonis verba esse Gratiani, aut a*

Grat-



Gratiano excerpta esse ex alio Collectore, & tantum ad Urbani epistolam pertinere verba vericui *quisquis res &c.*, quæ referenda prorsus erunt ad memoratum canonem 8. eadem causa, & quæstione in versic. *Quisquis igitur*.

## De Epistola ad Petrum Pistoriensem, & Rusticum Abbatem Vallis Umbrosæ.

Extat inter epistolas Urbani II. numero decimanona, quæ hunc titulum præfert: *Urbanus II. Papa Pistoriensis, & Rustico Vallis Umbrosæ Abbatibus*. Eam edidit Severinus Binius ex MS. Bibliothecæ S. Victoris Parisiensis ad se missam a Picardo Ecclesiæ ejusdem S. Victoris Canonico Regulari his verbis expressam: *Scriptistis nobis maximum apud vos scandalum emeruisse, quod Pisanum Episcopum consecraverimus, quod a Guezelone hæretico Diaconus fuerat ordinatus. Et nos profecto scimus, Guezelonem hæreticum fuisse, Moguntinumque Episcopatum simoniaco credimus saccinore invasisse, propter quem aut alium acquirendum Regi sub anathemate posito diu servierat, & propter adquisitum omni vitæ suæ tempore deservivit. Eundem & ipsi nos pro eadem causa, qui ab excommunicatis consecratus est, in synodali Concilio excommunicavimus, & ab omni ecclesiastico officio sine spe restitutionis aliqua deposuimus. Hunc Guezelonem auctoritate Henrici Regis Moguntinum Archiepiscopum inauguratum veteres appellant Wicellonem; etenim recentioribus facile fuit literam *W* immutare in *G*, uti memoratus Binius animadvertit. Hæc vero, quæ ex Binio apud Labbeum descripsi, eadem, arbitror, sunt cum iis, quæ Gratianus describere voluit in can. 24. cau. 1. qu. 7., licet apud Gratianum aliis loquendi formulis contexta oratio sit, sive in Gratiani codicem ex aliis codicibus aliter contexta oratio derivaverit. Extat in Regii Taurinensis Athenæi Bibliotheca Codex MS. membranaceus Panormiz, ubi in lib. 3. cap. 79. idem Gratiani monumentum refertur sub hac inscriptione: *VII.*, quæ adnotatio forte significat *Urbanum Secundum*, se-juncta litera *V* a literis *II*. Post hæc in eadem inscriptione subsequitur: *A Petro Pistoriensis, & Rustico Vallis Umbrosæ*. Vox illa *A* forte significat *Abbatibus*. Baluzius in notis ad Gratianum refert eandem inscriptionem legi in Panormia impressa Basileæ, & in codice Victorino. Subjicit etiam in codice Victorino initium capitis esse hujusmodi: *Daibertum a Guezelone &c.* Et infra: *Negzelon hæreticus constat ab hæret. ordinatus, quia nihil habuit, dare nil potuit, cui manus imposuit; & mox: necessitate ingruente diaconem*. In memorato autem MS. Taurinensi Codice ita se se habent priora canonis verba: *Lambertum a Neghelone licet Simoniaco simoniace* (inter hæc postrema duo verba imminet superimposita particula *non*, sed diverso charactere, quasi legendum esset: *Simoniaco non simoniace*, uti legitur apud Gratianum) *ejusdem confessione* (rursum alio charactere, & eodem ipso, quo in præcedentibus adjecta est negativa particula, inter postremas illas voces imminet nomen *Daiberti*, quasi legendum esset: *Ejusdem Daiberti confessione*) *reperimus in Diaconum ordinatum &c.* Quæ sequuntur cum Gratiano optime consonant. An Daiberti, an Lamberti, aut simile quoddam nomen præferamus, parum, aut nihil interesse videtur. Verum negotium facere potest particula *non*, prout vel adiciatur, uti adicitur in vulgaris codicibus, vel detrahatur, quemadmodum detracta est in prælaudato MS.; etenim quoties a Gratiano codice detrahenda foret, statim*

Can. 24.  
cau. 1.  
qu. 7.

consequeretur, non fieri locum pœnis adversus Simoniz crimen indictis, nisi qui ordinatur, & a Simoniaci ordinaretur, & ipse etiam simoniace ordinem consequeretur, quod quidem est sedulo observandum. Ego sane ubi varios codices agnosco, definitionem eo suspendendam arbitrarer usque, quo ex aliis ecclesiasticæ prudentiæ monumentis confici res posset, eaque ratione Urbani monumentum explicari.

## De Epistola ad Abbatem Sancti Ruffini.

Ad canonem 3. cau. 19. qu. 3. emendanda in primis inscriptio erit vulgarium. Gratiani codicum, non solum quod accuratiôres codices alii aliter habeant, sed etiam quod aliter legatur apud Ivonem Colledtorem antiquiorem, & Urbano II. contemporaneum parte 6. cap. 411. ibi: *Urbanus II. Abbati S. Ruffi*. Eiusdem Ivonis auctoritate non dubito, quo minus idem canon Urbano II. jure sit adscribendus, imo etiam ipsam Ivonis editionem ceteris præferendam arbitror ita expressam: *Statuimus, ne professionis canonicæ quispiam, postquam Dei vice super caput sibi hominem imposuerit, alicujus levitatis insinû, vel districtioris religionis obtentu ex eodem claustro audeat sine Abbatis, totiusque Congregationis permissione discedere, discedentem vero nullus Abbatum, vel Episcoporum, & nullus Monachorum sine communi literarum cautione suscipiat*. Neque vero demonstrari ullo modo potest, hujusmodi sententiam aut non congruere Urbani temporibus, aut ceteris etiam Urbani canonibus non consonare. Congruit in primis Urbani temporibus; etenim prodierant nuper Maximorum Pontificum, ac Conciliorum decreta, quibus Clerici omnes ad regularis vitæ professionem vocati fuerant, ut ea ratione lapsa propemodum clericalis disciplina restitueretur; propterea opportunum maxime fuerat identidem monere singulos, ne a suscepto regularis vitæ proposito ullo prætextu recederetur. Congruit etiam ceteris Urbani canonibus; nam in Concilio Melfitano ab eodem Pontifice celebrato anno 1089. cap. 10. ita statutum legitur: *Præterea constituimus, nequis Episcopus, aut Primas, Monachum quemlibet vagantem in sua Diocesi, Provinciaque retineat, nisi Abbatis proprii fuerit literis regulariter commendatus*. Edidit præterea Baluzius in Miscellaneis tom. 2. pag. 179. epistolam Urbani II. ad Petrum Præpositum, & Canonicos Ecclesiæ Ruthenensis, in qua hæc leguntur: *Vitæ canonicæ ordinem, quem professi estis, præsentis privilegii auctoritate firmamus, & ne cui post professionem exhibitam proprium quid habere, neve sine Præpositi, vel Congregationis licentia de claustro discedere liceat, interdiciamus. Quod si discesserit, & communis redire contemserit, tibi, tuisque successoribus facultas sit ejusmodi ubilibet a suis officiis interdicere; interdiciûm vero nullus Episcoporum, Abbatumve suscipiat, quamdiu scilicet illic canonici ordinis tenor, Domino præstante, viguerit*. Idem decretum Urbani, quod apud Gratianum legitur, edidit quoque Stephanus Tornacensis in epist. 1. ad Robertum Pontiniacensem, & ex eo Mansius in tom. 2. Supplementi Labbeani pag. 82., sed nonnihil immutatis verbis, ibi: *Item statuimus, ne professionis canonicæ quispiam Dei vice super caput sibi hominem imposuit, alicujus levitatis insinû, vel districtioris religionis obtentu ex eodem claustro audeat sine Patris totius Congregationis permissione recedere. Discedentes vero nullus Abbatum, vel Episcoporum, & nullus Monachorum sine communi literarum cautione suscipiat, ad hæc impetrata venia, salva*

*reuerentia maiorum, & gratia.* Quem ad locum monet Baluzius in notis ad Gratianum, verba illa: *ad hæc impetrata venia, salva reuerentia maiorum, & gratia*, apud Stephanum Tornacensem italico charactere edita, non esse Urbani, sed potius ejusdem Stephani. Non est quoque omittenda alia Baluzii animadversio in illa verba *sine communi literarum cautione*, ad quæ ait, eam formulam servatam postea fuisse a Romanis Pontificibus, quum Monasteriis privilegia concesserunt, ejusdemque rei fere innumera posse produci exempla, quorum unum refert in Bulla Lucii III. pro Monasterio Montis Sancti Quintini, edita a Dacherio in notis ad Guibertum pag. 620., ibi: *Prohibemus insuper, ut nulli fratrum vestrorum, post factam in eodem loco professionem, nisi arctioris religionis obtentu, sine Abbatis sui licentia fas sit de eodem loco discedere. Discedentem vero absque communium literarum cautione nullus audeat retinere.* Unum adhuc adjicio, nimirum eam Urbani II. epistolam hodie integre editam haberi ad calcem Pœnitentialis Theodori Cantuariensis in editione Petiti tom. 2. pag. 614., & quidem aliis verbis exarata sententia, quæ ad Gratiani canonem pertinet, ibi: *Statuimus enim, ut nemini inter vos professione exhibitæ proprium quid habere, nec sine tua, fili Arberte Abbas, & eorum, qui post te in eodem regimine successerint, aut sine communi Congregationis licentia de claustro discedere liberum sit, & si discesserit, & communitus redire contemserit, tibi, tuisque successoribus facultas sit ejusmodi ubilibet a suis officiis interdicere, interdictum vero nullus Episcoporum, Abbatumque suscipiat.*

## De Epistola ad Bartholomæum Turonensem Episcopum.

Non possum assentiri Gratiano, qui canonem 13. dist. 56. tribuit Urbano II. in epistola ad Bartholomæum Episcopum Turonensem: etenim constat Bartholomæum fuisse Turonensem Episcopum jam anno 1059. sub Nicolao Papa, idest triginta circiter annos, antequam Urbanus II. Sedem Pontificiam conscenderet, ut patet ex Conventu Rhemenfi celebrato sub Nicolao II. anno 1059.; constat etiam tempore Urbani Turonensem Episcopum fuisse Rodulphum, ut patet ex epistola ejusdem Urbani 36. in Appendice Labbeana, seu potius ex Actis Romæ in consecratione Lamberti, quæ eidem epistolæ subjiciuntur, quæque referuntur ad annum 1093., imo & jam ab anno 1080. tempore Gregorii VII. obiisse Bartholomæum, eique successisse Rodulphum patet ex Concilio Santonensi anni 1080., in quo subscriptio ipsius Rodulphi habetur. Causa vero Cenomanensis Episcopi, de qua in eodem canone agitur, demonstrare etiam potest, caput illud esse Urbano II. antiquius. Nimirum agitur de Episcopo Cenomanensi electo, de cujus admissionis dubitatio suborta fuerat, quod Sacerdotis filius esse proponeretur. Hic plane alius esse nequit, quam Arnaldus, qui tempore Gregorii VII. Cenomanensem Episcopatum gessit, quique Sacerdotis filius esse dicebatur. Itaque auctor Urbano II. vetustior querendus esset, cui Gratiani fragmentum tribueretur, vel Gregorius VII., uti credidit Baluzius in notis ad Gratianum, vel quidam Lugdunensis Episcopus, ad quem, tanquam ad Primate, spectabat de electione Cenomanensis Episcopi ab Archiepiscopo Turonensi perficienda judicare juxta disciplinam illius ætatis. Gratiano errandi occasionem præbere potuit Panormiz Codex, cujus in exemplari MS., quod asservatur in Taurinensi Athenæo lib. 3. cap. 50. hæc leguntur: *Decretum.*

Gre.;

Can. 13.  
dist. 56.

Gregorii VII., & Urbani II. Presbyterorum filios a sacris Altaris ministris removendos decernimus, nisi aut in Cœnobiiis, aut in Canonicis regularibus religiose probati fuerint conversari. Hic est canon 14. ex Melphitanis tempore Urbani II. editus, ac renovatus in Concilio Claromontano can. 25. Post hæc in cap. 51. ejusdem Panormiz quædam describuntur ex Libro Pontificali; deinde in cap. 52. hic titulus sequitur: *Bartolomæo Turonensi Archiepiscopo*, nullo tamen adjecto auctoris, sive scribentis nomine, & post titulum subjiciuntur statim verba dicti canonis 15. dist. 56. Itaque Gratianus Urbano II. potius tribuendum putavit, quod sine ullo auctoris nomine in cap. 52. Panormiz legerat, Urbani II. nomen derivans ex capite 50. præcedenti. Unum adhuc animadvertendum superest, in memorato Panormiz Codice ita legi: *Cenomanensem electum pro eo, quod filius Sacerdotis dicitur, si ceteræ virtutes in eum conveniunt, pro tempore non rejicimus, sed suffragantibus meritis &c.*

## De Epistola ad Dominicum Gradensem Patriarcham.

Can. 11.  
dist. 32.

Arbitror, perperam a Gratiano tributam fuisse Urbano II. epistolam ad Dominicum Patriarcham Gradensem, ex qua depromptus scribitur canon 11. dist. 32. Fuerat Dominicus jam in Patriarchatu Gradenfi tempore Leonis IX. anno 1053., ut patet ex epistola 2. ejusdem Pontificis ad Episcopos Venetiz, & Istriæ, in qua mentio fit de Dominico Gradenfi, quasi jamdiu Gradensem Patriarchatum teneret. Scimus etiam anno 1077. sub Gregorio VII. vixisse Dominicum eundem, ut adparet ex epistola Gregorii VII. ad illum lib. 4. Regesti epist. 26.; at verosimile non videtur, Dominicum adhuc vixisse sub temporibus Urbani II. Hinc placet potius Labbeum sequi, qui canonem illum inter fragmenta Alexandri II. recensuit circa annum 1065., his tamen verbis: *Erubescant impii, & aperte nos intelligant judicio Sancti Spiritus eos, qui in tribus sacris gradibus, Presbyteratu scilicet, Diaconatu, & Subdiaconatu positi mulierculas non abjecerunt, & caste non vixerunt, excludere ab eorundem graduum dignitate. De manifestis loquimur, secretorum autem cognitor, & judex Deus est.* In Panormiz Codice MS. Regii Taurinenfis Atheni lib. 3. cap. 102. refertur idem fragmentum sub hac inscriptione: *Dominico Gradenfi Patriarchæ*, non adjecto scribentis Pontificis nomine; in capite autem præcedente refertur fragmentum quoddam sub nomine Urbani II. Hinc verosimile est, errandi occasione summis Gratianum, qui canonem depromptus ex Panormiz Codice, quod tribuebatur scribenti ad Dominicum Gradensem, cum de scribente non constaret, adscriptis Urbano II., cujus nomen legebat in canone præcedente. Quoniam vero in eo ipso MS. Panormiz Codice aliqua scripturæ varietas inest, canon ipse describendus est, prout illic habetur, vel ex antiquiore codice emendandus: *Erubescant impii, & aperte nos intelligant judicio Sancti Spiritus eos, qui in tribus gradibus sacris, Presbyteratu scilicet, Diaconatu, Subdiaconatu positi mulierculas non abjecerunt, & caste non vixerint, excludere ab eorum graduum dignitate. De manifestis quidem loquimur; secretorum autem cognitor judex Dominus.* Ceterum sententia hujus canonis æque convenit temporibus Alexandri II., ac temporibus Urbani II., quum facile sciverit unusquisque, utriusque ætate abusum illum viguisse inter Clericos, ut mulieribus, aut etiam concubinis publico cum scandalo uterentur, eamque ob rem tum in Conciliis Alexandri II., tum in Conciliis Urbani II. saluberrimas plures editas fuisse constitutiones.

De

## De Epistola ad Hugonem Gratianopolitanum Episcopum.

Plures hodie editæ sunt nomine Urbani II. epistolæ ad Hugonem Episcopum Gratianopolitanum. Jacobus Petitus in suis aduersionibus ad Penitentiale Theodori Cantuariensis tom. 2. pag. 315. plures hujusmodi epistolas evulgavit excerptas ex Chartulario Ecclesiæ Gratianopolitanæ; verum ex omnes potius spectant ad jurâ Ecclesiæ Gratianopolitanæ servanda adversus Guidonem Viennensem Episcopum, nihilque habent commune cum Gratianensis canonibus, qui Urbano II. ad Hugonem scribenti tributi fuerunt. Baluzius in Miscellaneis tom. 2. pag. 177. refert etiam quandam epistolam ad Hugonem Episcopum Gratianopolitanum anni 1099. Can. 39.  
cau. 16.  
qu. 7.

11. Idus Maji, ad quam pertinere aliquomodo videtur canon 39. cau. 16. qu. 7., etenim illic ista leguntur: *Constituimus ergo, ne ulli omnino hominum qualibet subreptionis astutia liceat vestri Episcopatus possessiones invadere, minuere, vel auferre, aut Episcopatus vestri decimas sine vestra concessione subripere, aut subreptas tenere, neque vestri juris Ecclesias per manum laicam obtinere; sed omnia, quæ justè hæcenus vestra possedit Ecclesia, sive in futurum domino adjuvante justè, atque canonice poterit adipisci in tua, tuorumque successorum manu integra semper, & illibata permaneat.* Cum hæc plurimum cum Gratianei canonis sententia consonent, in hunc locum Gratianeum ipsum fragmentum retuli, quasi jure optimo laudari potuisset ex epistola Urbani ad Hugonem Gratianopolitanum. Ceterum referri etiam, & forte commodius posset ad canones 5., & 6. Concilii Melphitani sub Urbano II. celebrati anno 1089., siquidem in can. 5. ita legitur: *Nullus laicus decimas suas, aut Ecclesiam, aut quidquid Ecclesiastici juris est sine consensu Episcopi, vel Romani concessione Pontificis Monasteriis, aut Canonici offerre præsumat.* Et in can. 6. *Nullus Abbas, nullus Ecclesiarum Præpositus quæ juris sunt ecclesiastici accipere sine Episcopi concessione præsumat.* Huc quoque referri potest canon ille Melphitani Concilii, quem ex vetusto Codice Vaticano edidit Mansius in Supplemento Labbeano tom. 2. pag. 85. his verbis: *Perlatum est ad Sanctam Synodum, quod sint quidam Episcopi, & Abbates, qui colonos ad se pertinentes non sinant decimas dare ad Ecclesias, ubi missas audiunt, & infantes eorum baptizantur. Proinde decrevit sacer iste conventus, ut Episcopi, & Abbates de vineis, vel agris, ac frugibus, quæ ad suum, vel fratrum usum laborant, decimas sibi pro benedictione, vel hospitum susceptione habeant: familiæ vero ibi dent decimas suas, ubi per totum anni circulum missas audiunt, & infantes eorum baptizantur.*

Epistola Urbani ad Hugonem Gratianopolitanum, ex qua depromptus est canon 11. cau. 35. qu. 2. in Collectionibus Conciliorum, ac Decretalium Pontificiarum minime reperitur. Nihilominus tamen eadem tanquam genuina recipienda erit; in primis enim laudanda est Romanorum Correctorum solertia, qui inscriptionem canonis emendaverunt olim corruptam, quæ nimirum ita exhibebat: *Urbanus II. Gratiano Neapolitano Episcopo, vel alibi, uti notavit Baluzius, Gratiano Apolitano Episcopo, vel alibi, Gratiano & Apolitano Episcopo.* Deinde epistolæ ejusdem fidei facit integra Ivoonis contemporanei scriptoris epistola 252. ad Hildebertum Cenomanensem Episcopum, in qua, quoniam Urbani ejusdem epistolæ argumentum exhibetur, integra referenda utilis erit labor ad Gratianei canonis interpretationem. Ista scribit Ivo: *De viro, qui antequam uxorem duceret, circa maritalia*

loca

Can. 11.  
cau. 35.  
qu. 2.

loca matrem ejusdem uxoris exteriori pollutione maculavit, nihil sanius respondere valeo, quam quod Papa Urbanus respondit Hugoni Gratianopolitano Episcopo consulenti eum de simili negotio: respondit enim ex consulto, propter tale flagitium legitimum solvendum non esse matrimonium. Consuluit tamen diligentissimis, & distridissimis examinationibus esse perquirendum, utrum in tali turpitudine contigerit aliqua carnis commixtio, per quam fierent in commixtione seminata una caro, propter quam fieri debet male init, vel violati matrimonii disjunctio. Audivi enim, quod vir ille, de quo agitur, de obiecto crimine examinatione igniti ferri se purgaverit, & a lachryme ignis illaesus repertus sit. Quod si ita est, & hoc in Sacramento purgationis suae posuit, quod nunquam cum matre uxoris suae una caro fuerit, contra divinum testimonium nullum ulterius investigandum intelligo esse judicium. Vale. Ex hac Ivonis epistola facile intelligit unusquisque, non solum Gratiani canonem jure optimo Urbano II. ad Gratianopolitanum Episcopum scribenti adtribui debuisse, verum etiam percipiet, de qua re interrogatus Urbanus fuerit, & quomodo juxta propositam speciem responderit. Unum adjicio: nimirum idem canon Gratianus legitur in quadam antiqua Collectione canonum incerti auctoris MS., quae adservatur in Bibliotheca Regii Taurinensis Athenaei: Distributa est illa Collectio in libros 7., quorum in quinto cap. 204. ita legitur. *Urbanus Papa: extraordinaria pollutio non in naturalibus admissa citra maritalem affectum, licet saepius repetita, non videtur impedire, aut separare conjugum.* Et quidem ita editum Urbani Papae monumentum paullisper differt ab editione Gratiani: verum quae editio sequenda potius sit, jure optimo ambigere, cum utri Collectori praestanda major sit fides, prorsus ignorem. Hanc viam ineundam crederem, ut ea lectio praeferatur, quae magis accommodata est memoratae Ivonis epistolae.

## De Epistola ad Guarnerium Narbonensem Episcopum.

In investiganda vera inscriptione canonis 37. dist. 50. jam plurimum elaboravit Baluzius, qui in notis ad Gratianum scribit, in Codice Sangermanensi hanc esse inscriptionem: *Unde Urbanus secundus scribis Guarnerio Mereburgensi Episcopo*, sic quoque scriptum primo fuisse in Regio Codice, sed postea emendatum, & pro *Mereburgensi* reposuim *Nerebonensi*, puncto addito sub litera e, quod significat hanc quoque litteram esse delendam, ut scribatur *Nerbonensi*. Addit praeterea, antiquum librum Victorinum, & primam editionem Panormiz habere *Nerbonensi*; ceteros, & antiquam editionem Moguntinam, & Venetam *Narbonensi*, quo etiam modo legitur in Lovanienſi Panormiz editione lib. 3. cap. 154. Non ita sane legitur in Codice MS. Panormiz Regii Taurinensis Athenaei, ubi haec habetur inscriptio: *Urbanus II. Guarnerio Mereburgensi Episcopo.* Equidem certum est, proseguir Baluzius, nullum ea tempestate Narbonensem Archiepiscopum fuisse, Guarnerium, sed Dalmatium, cujus successor Bertrandus ex Cathedra Nemausensi ad Narbonensem translatus est ab Urbano II. Notat Guillelmus Caellus in libro 5. Memoriarum Historiarum Occitanarum pag. 784., in antiquis Codicibus MSS. hoc caput inscriptum esse *Gurrino Neubrigensi Episcopo*; sed nec Baluzio placuit hujusmodi inscriptio, cum nullus unquam Neubrigensis Episcopus fuerit. Placuit potius legere, uti exhibebat antiquus Codex Victorinus (quod etiam superius adnotavi legi in Taurinensi Codice) *Urbanus II. Guarnerio Mereburgensi Episcopo.*

Werne-  
rum

Can. 37.  
dist. 50.

rum autem fuisse Merseburgensem, sive Marspurgensem in Germania Episcopum ab anno 1073. usque ad tempora Paschalis II. docet ex Broturfo Johannes Gualterius in Chronico Chronicorum. Post tam uberes Baluzii adnotationes nihil aliud addendum videtur, quod pertineat ad Gratiani canonis inscriptionem. Quod vero spectat ad ipsius canonis sententiam, illam sub nomine Urbani relata reperio in Actis Concilii Bellovacensis non multo post tempore celebrati, nimirum anno 1114. sub Paschali II. Urbani ipsius successore, cujus verba hic describam, quum paulisper discrepet a Gratiana editione. Post relata ibidem aliquot Sanctorum Patrum, ac Pontificum monumenta, ipsius etiam Urbani epistolae nonnullas ita legitur: *Urbanus Gar . . . . Clericum, quo jaciente lapidem puer dicitur interemtus, nos pro amore tuo in eodem ordine permanere permittimus: ut tamen semper in poenitentia, & timore permaneat.*

## De Epistola ad Albertum Metensem Episcopum.

Num canon 3. cau. 1. qu. 5. jure Urbano II. tribuatur, incertum prorsus est, Can. 3.  
cau. 1.  
qu. 5. ex eo, quod integra, quae ibidem memoratur ad Albertum Metensem Episcopum, epistola perierit. Sane Pontificum Epistolae illae, quae singularibus propositis gestis, veluti privata quaedam rescripta, sunt accommodatae, nec generalem continent disciplinam, difficiliter adservari consueverunt: vix illas Scriptor, aut Collector aliquis, data occasione commemoravit, cujusmodi est rescriptum, de quo in dicto canone 3. Si consideraveris ipsam fragmenti inscriptionem, forte illud ab Urbano abjudicabis; etenim non conitat, Albertum Metensem aliquem Episcopum fuisse, sed potius Herimannum, ad quem scripta est epistola 53. lib. 1. in Regesto Gregorii VII. Anre Herimannum fuit Metensis Episcopus Adalbero, pro quo forte, apud Gratianum Alberti nomen substitui facile potuit; ast si Adalbero dicendus sic rescriptum istud recepisset, non erit rescriptum tribuendum Urbano, sed potius Victori II., aut alteri Pontifici, cui Adalbero contemporaneus fuerit. Quod si consideraveris rescripti ejusdem sententiam, ea certe non dissonat a temporibus, & disciplina Urbani II., ut propterea ea de causa recte Urbano tributa videatur. Id facile demonstratur ex canone 1. cau. 1. qu. 5., qui editus fuit in Concilio Placentino sub Urbano eodem celebrato; hunc autem canonem si contuleris cum canone 3., agnosces statim eandem propemodum utrobique propositae causae definitionem, nisi in eo discrimen reperias, quod canon 1. generalem exhibeat disciplinam, in canone autem 3. singulare rescriptum contineatur. In Concilio Bellovacensi anni 1114. similia traduntur sub nomine Urbani II. his verbis: *Quicumque adhuc pueri cupiditate parentum aliquid ecclesiasticum beneficium per pecuniam adepti sunt, illo dimisso, ibidem misericorditer & in sacris Ordinibus vivere possunt.* Ad laudatum canonem 3. animadvertit Baluzius in notis ad Gratianum, in veteri codice Rivipullensi legi cuidam Principum ejus oblatam pro eo, quod Gratianus habet datam, & in eodem libro infra sic haberi: *Liceat eum ex concessione Episcopi sui, fratrumque &c.*

## De Epistola ad Episcopum Vapicensem.

Canonem 5. cau. 15. qu. 6. retulit Gratianus sub hac inscriptione : *Urbanus II. Episcopo Vapicensi*. Forte is esse potuit Leodegarius Vapicensis in Delphinatu Episcopus, ad quem extat scripta Gregorii VII. epistola in lib. 7. Regesti epist. 21. ad annum 1079. Idem Gratiani fragmentum in Codice MS. Panormiz Regii Taurinensis Athenzi refertur pag. 92. col. 2. sub hoc titulo : *Urbanus II. Vapicensi Hedrensis Diocesis Episcopo*. In editis Panormiz exemplaribus parte 5. cap. 111. paullo aliter se se habet canonis inscriptio, nimirum : *Urbanus II. Vapicensi, & Dieni Episcopis*. Baluzius in notis ad Gratianum testatur, se in Codice Victorino ita scriptum vidisse : *Urbanus II. Edrensi, Vapicensi, Dieni Episcopis*, & melius in Codice MS. Monasterii Rivipullensis : *Urbanus II. Ebredunensi, Vapincensi, Dieni Episcopis*. Subdit etiam ad vocem *Hugoni*, ita quidem habere Gratiani codices omnes, uno excepto Sangermanensi, qui *Wigoni* habet, quam lectionem optimam arbitratur, quod in Codice Rivipullensi ita diserte scriptum viderit; monet demum in duobus Codicibus Victorino, & Rivipullensi pro illis Gratiani verbis *prohibeto*. *Qui si Sacramenta . . . Principi juraverunt &c.* legi : *prohibete : quod si Sacramenta . . . Principi juraverunt &c.* In laudato Taurinensi Codice MS. eadem verba leguntur, quæ in vulgaribus Gratiani codicibus. Epistola autem integra Urbani apud Collectores minime reperitur; nihilominus tamen minime dubito, quin recte eidem Pontifici adscripta fuerit, cum epistolæ argumentum, formulæque ibidem expressæ Urbani temporibus apprime conveniant. Revera fuit sub Urbano II. apud Gallos Hugo quidam Comes de Inciaco, qui armata manu in villam Sancti Gaucericus veniens treviam Dei fregerat, ut illius temporis Acta perhibent ( treviam Dei frangere dicebatur tunc quicumque, aut res ecclesiasticas pro lubito invadebat, aut res quidem alias occupabat, sed certis diebus Deo dicatis, quemadmodum deducitur ex Concilio Rothomagensi anni 1096. can. 1. 2., & sequentibus ). Cameracensi Ecclesie infensus Comes illius jura, ac prædia devastaverat, in quem propterea Rainoldus Rhemensis Episcopus excommunicationis sententiam, quemadmodum & in ejus affectas, fautoresque pronuntiaverat. Id referunt Acta Concilii Compendiensis anni 1095. apud Mansum in Supplemento Labbeano, ubi legitur fragmentum epistolæ Rainoldi Rhemensis ad Lambertum Episcopum Atrebatensem his verbis : *Liquere vobis credimus, quoniam in Concilio, quod Compendii celebravimus, ad clamores Gerardi Cameracensis Episcopi omnium præsentium judicio in eum ( idest in Hugonem de Inciaco ) anathematiz gladium exeruimus, & in omnes ejus cooperatores, & consentaneos. Sed neque ideo ipse, nec filius ejus Cameracensem Ecclesiam persequi destiterunt &c.* Hæc sane Hugonis durities facilem occasionem præbere potuit, ut causa ad Urbanum deferretur, cujus deinde auctoritate ea sententia prolata fuit, de qua in dicto canone 5.



## De Epistola ad Guimondum Episcopum.

Guimondum, qui apud Gratianum Guitmondus, in MS. autem codice Panormiz Willimundus appellatur, & ad quem Urbanus II. epistolam scripsisse fertur in can. 3. cau. 24. qu. 2., illum ipsum fuisse arbitror, ad quem scripta extat epistola Gregorii VII., ejusdemque fragmentum in can. 5. dist. 8., nimirum Episcopum Averfanum. Mihi suffragatur Ivo Carnotensis coævus auctor, qui idem fragmentum referens in parte 14. cap. 68. illud tribuit Urbano in epistola ad Guimondum Episcopum Averfanum. Satis autem esse videtur Ivonem Carnotensem memorasse, apud quem eadem epistola referatur, ut statim illa jure Urbano II. adjudicaretur. Nimirum fuit Ivo Urbano II. charissimus, imo ab eodem Pontifice Carnotensem Episcopatum obtinuit, atque sub finem Pontificatus Urbani suam edidit Collectionem, ut proinde nemo suspicari facile possit, Virum Religiosum in epistolis Urbani referendis decipi potuisse, aut alios voluisse decipere. Quoniam vero Gratiani lectio paullisper discrepat a lectione Ivonis, quæ sane videtur anteferenda, hoc in loco Ivonianum canonem describendum puto, ibi: *Sane quod super Richardo Burrelli filio vestra Fraternalitas egisse innotuit pro zelo Dei, & animarum charitate, laudamus: sed non adeo timendum, non adeo vobis ab ejus elemosynis abstinendum. Inter ceteros quippe nostræ fidei Patres B. Leo Doctor egregius, quibus, inquit, vivis non communicavimus, nec mortuis communicare debemus. Constat ergo, quoniam quibus vivis (ut ex opposito loquamur) communicavimus, mortuis quoque communicare possumus. Nos plane inter duo oppugnantia positi, impiis quidem, & schismaticis communicare nullo modo possumus, istis autem licet peccatoribus, & prædonibus dispensative pro tempore communicamus; quia & hætenus Ecclesiam sustentaverunt, & se fideiiores in posterum pollicentur; alioquin oportet nos de hujus mundi partibus exire, sub qua etiam sponsione nos eis nuper in B. Petri natalitiis absolutionem indulimus. Quia ergo prædictus vir neque nominative excommunicatus, neque communicans excommunicatis ex nomine obiit, sed in Domini sui fide, atque servitio, licet nobis ejus, dispensative, idest quandiu eos nos patimur, elemosynis communicare, & defundi animam Christiane Religionis moribus adjuvare.*

Can. 3.  
cau. 24.  
qu. 2.

## De Epistola ad Gofredum Episcopum Lucanum.

Eadem ratione, quod scilicet referatur apud Ivonem in parte 10. Decreti cap. 54. fragmentum epistolæ Urbani II. ad Gofredum, seu Gotifredum, seu Godefridum Episcopum Lucanum, illud ipsum, quod legitur apud Gratianum in can. 47. cau. 23. qu. 5., non erit sane ab eodem Pontifice abjudicandum. Describenda tamen hic erunt eadem Ivonis verba, cum Gratiani ejusdem nonnihil corrupta deprehendantur. Habet Ivo: *Excommunicatorum interfectoribus, prout morem Romanæ Ecclesiæ nostræ, secundum ipsorum intentionem modum congruæ satisfactionis injunge. Non enim eos homicidas arbitramur, quod adversus excommunicatos zelo Catholice Marris ardentes eorum quoslibet trucidasse contigerit. Ne tamen ejusdem Ecclesiæ Matris disciplina deficiat, senore, quem diximus, penitentiam ei indicite congruentem, qua Di-*

Can. 47.  
cau. 23.  
qu. 5.

Kkk 2

vina

*vinæ simplicitatis oculos adversus se complacere pervaleant, si forte quid duplicitatis pro humana fragilitate in eodem flagitio contraxerunt.* Ad interpretationem hujusce canonis mihi non displicet illorum opinio, qui tradiderunt, non generaliter illum referendum esse ad eos, qui quoscumque extra Ecclesiæ communionem positos interfecissent, sed potius qui interfecissent illos, qui ideo erant excommunicati, quod treviam Dei fregissent, nimirum adhuc bellis privatis intendissent feriatis diebus. Nemo enim ignorat, quanta tum & sollicitudine, & prudentia apud sacros Antistites opus fuerit, ut aboleretur tandem pravus ille usus privatorum certaminum, quæ temporum barbaries invexerat. Excommunicationis pœna si quospiam non amovisset a pravo consilio, forte amovere poterat metus, ne occiderentur ab aliquo, dum interfector excommunicatorum ordinariam homicidii penitentiam ex indulgentia canonum non timebat.

## De Epistola ad Petronium Episcopum Legionensem.

*Can. 14. dist. 56.* Si auctor Panormiz revera esset Ivo Carnotensis, quemadmodum nonnulli tradiderunt, jure etiam asserere unusquisque posset, tributum fuisse Urbano II. canonem 14. dist. 56., qui eisdem verbis legitur in Panormia, cujus MS. Codex Taurinensis Regii Athenzi ita habet in inscriptione: "*Urbanus II. Pet.º in Legionensi Epº.*" Num recte legerit Gratianus, *Petronio Legionensi Episcopo* plurimum dubitaverim; imo ego putaverim legendum potius esse *Petro Legionensi Episcopo*, cum Petri Legionensis mentio fiat in actis Concilii Hispanici anni 1088. apud Labbeum in Veneta editione tom. 6. pag. 567. Ceterum plurimum consonat adjunctis temporum Urbani ejusdem fragmenti sententia; scimus enim tunc beneficia majora, præsertim Episcopatus, minus idoneis personis concessa fuisse, unde Pontifices Maximi identidem consulebantur, & pro variis causis modo asperiore, modo indulgentiore utebantur disciplina. Præcipue vero humaniter agendum fuit cum Legionensi Episcopo, licet minus idoneo; etenim in Hispania tunc temporis, & quidem in ipsa Provincia Compostellana, in qua situs est Legionensis Episcopatus, res ecclesiasticæ propemodum universæ turbatæ erant, quamobrem Urbanus II. impense studuit per Legatos missos, Primatumque Toletanæ Ecclesiæ constitutum, ut omnia in pristinum restituerentur. In rebus autem maxime turbatis non erant rejiciendi Antistites illi, qui maxima cum humilitate, animique demissione, utcumque minus fortasse idonei, ad Sedem Apostolicam accesserant, germanam canonum sententiam expectaturi a Pontifice Maximo, qualis fuisse exhibetur Petrogus, sive Petrus Legionensis. Adde his, ad demonstrandum jure tribui posse Urbano memoratum canonem, aliquo adhuc momento valere Panormiz auctoritatem; sive enim Ivo, sive alius quispiam illius auctor extiterit, corvus tamen Urbano fuit, ac proinde non omnino contemnendus.

## De Epistola ad Richardum Archiepiscopum Genuensem.

*Can. 3. cau. 35. qu. 6.* Ad inscriptionem canonis 3. cau. 35. qu. 6. notat Baluzius, in omnibus antiquis Gratiani exemplaribus, & editionibus caput istud inscriptum esse *Richario*, vel

vel Richardo Episcopo Januensi; Codicem Sangermanensem Ricarium Genuensem vocare; veterem collectionem canonum Rivipullensem *Ciriaco Genuensi Episcopo*, Ivonem parte 9. Decreti cap. 33. *Cyriaco*; in Panormia edita lib. 7. cap. 85. *Richardo Januensi Episcopo*; in Codice Victorino *Ciriaco Genuensi Episcopo*. (huic consonat MS. Codex Panormiz, in quo hæc est inscriptio: *Urbanus II. Ciriaco Genuensi Episcopo, quomodo sit inquirenda parentela*): Demum adnotat legendum esse *Cyriaco* ex eo, quod moneat Ferdinandus Ughellus tomo 4. Italiz sacræ pag. 1164. *Cyricum* factum fuisse Episcopum Januensem circa annum 1090., eamque Ecclesiam rexisse annis quatuor. Quod spectat ipsam canonis sententiam, ego ab Ivone non arbitror recedendum, utpote illius ætatis scriptore. Fere autem consonat cum Gratiano, dummodo pro illis Gratiani verbis: *Notificamus tibi, ut postquam tres . . . quod si propinqui aut extranei &c.* legamus: *Notificamus tibi, ut si tres . . . quod si propinqui, vel extranei &c.* Notat Baluzius ad ea verba defunctæ uxoris &c., in omnibus antiquis libris, & veteribus editionibus, etiam apud Democharem, & Contium ita haberi: *Duo ex propinquieribus jam defunctæ uxoris, vel vivæ ejus, qui accusatur, hanc &c.* In MS. nuper laudato Codice Taurinensi Panormiz pro illis verbis: *Remoto amore, timore, pretio, omni malo studio &c.* legitur: *Remoto amore, timore præcipue, & omni malo studio &c.* Ad eandem rem pertinet canon 1. Concilii Trojani apud Labbeum celebrati ab Urbano II. anno 1093. ibi: *Episcopi, quorum Diæcesani sunt, eos usque in Pentecosten trina advocacy convenient. Tunc si duo viri, vel tres, consanguinitatem jurejurando firmaverint, vel ipsi forte confessi fuerint, conjugia dissolvantur. Si vero neutrum contigerit, Episcopi eos per baptismum Christi, per fidem Christi, per Christi judicium in vera obedientia obtestentur, quatenus palam faciant, utrum se, sicut fama est, consanguineos recognoscant. Si negaverint, sibi ipsis relinquendi sunt; ita tamen ut si aliud in conscientia habeant, se a liminibus Ecclesiæ, a Corpore, & Sanguine Domini, a fidelium communione noverint segregatos, atque infames effectos, donec ab incestu facinore desinant. Si se judicio Episcoporum segregaverint, si juvenes sunt, alia matrimonia contrahere non prohibeantur.*

## De Epistola ad Sanctium Regem Aragonum.

Rursum ad canonem 3. cau. 31. qu. 2. adnotat Baluzius, variam esse in diversis codicibus monumenti inscriptionem; etenim in Gratiani Codice Regio, Sangermanensi, & prima editione Moguntina, animadvertit legi. *Item Sanctio Regi Aragonum*, & in aliis codicibus MSS. & editione Veneta *Sacrato*, vel *Sacratio*. Non inde sane colligas, tribuendum esse Hormisdæ Pontifici, cujus est præcedens canon; nam errandi in inscriptione occasionem præbere posset auctor Palearum, qui inter duo Urbani fragmenta, nimirum canonem 1. & canonem 3. fragmentum epistolæ Hormisdæ Pontificis inseruit. Apud Ivonem in parte 8. Decreti cap. 24. hæc habetur inscriptio: *Urbanus Satino Regi Aragonum*. In Panormia editionis Lovaniensis lib. 6. cap. 109. *Item Sanctio Regi Aragonum*, in editione Sebastiani Brant. *Item Sacratio Regi Aragonum*; in Taurinensi Panormiz Codice MS. jam superius laudato: *Urbanus Sancio Regi Aragonum*. Antonius Augustinus Dial. 5. lib. 1. de emendat. Gratiani monet in libro Cæsaraugustano scriptum

Can. 3.  
cou. 31.  
qu. 2.

prum legi: *Urbanus secundus Sanctio Regi Aragonum*. Nonnulla præterea notatu digna sunt in ipso canone; etenim in memorato Codice MS. Panormiz Taurinen- si pro illis verbis *sub fidei pollicitatione* ita legitur breviter characteribus *sub fidei pollicitatione*, quæ scriptura hanc commodiorem pateretur interpretationem *sub fidei pollicitatione*; item pro verbo *decernimus* legitur *discimus*, deinde pro verbis *aut crimen fornicationis incurrat*, ita legitur breviter characteribus *aut enim fornicationis incurrat*; verosimile autem est, in particula *enim*, quæ forte exprimit etiam forte exscriptores intellexisse *crimen*, priorem literam *e* vertentes in literam *c*. Demum postrema illa Gratiani verba: *Qui eam conjunxit invitam, quod pari tenore de viro est etiam sentiendum*; in eodem MS. Codice alio characterè descripta sunt, ut propterea tamquam suspectæ fidei haberi merito possint. His consonant exemplaria, quæ edidit Mansius in tom. 2. supplementi pag. 83., ubi postrema illa verba: *Quod pari tenore de viro est etiam sentiendum* desiderantur. Describam, quale hic habetur, integrum monumentum, in quo nonnihil agnoscitur varietatis. *De neptis tuæ conjugio, quam te cuidam daturum necessitatis instante articulo sub fidei pollicitatione firmasti, hoc æquitate disante decernimus; ut si illa virum, ut dicitur, omnino renuit, & in eadem voluntatis auctoritate persistit, ut viro illo propterea se deneges nupturam, nequaquam eam invitam, & renitentem ejusdem viri cogas conjugio sociari; quorum enim unum corpus est, debet esse & animus, ne forte cum viro aliis in vita fueris copulata contra Domini, Apostolique præceptum, aut reatum dissidii, aut crimen fornicationis incurrat. Cujus videlicet peccati malum in eum redundare conflet, qui eam conjunxit invitam.* Non est prætereundum, idem monumentum haberi etiam apud Hildebertum de Lavardino Cenomanensem Episcopum Urbano II. coævum, qui in epist. 42., postquam tradidit consensum conjugum in matrimonio requiri, ita prosequitur: *Hoc etiam Urbanus Papa non tacuit super Aragonum Regem, qui neptem suam cuidam militi se daturum sub fidei professione firmaverat, canonicum proferens in hæc verba capitulum: De neptis tuæ conjugio &c.* Sequuntur hoc loco, quæ leguntur apud Gratianum, usque ad illa verba: *Qui eam conjunxit invitam*; nam postrema illa: *Quod pari tenore &c.* apud eundem Hildebertum etiam desiderantur.

## De Epistola ad Vitalem Presbyterum Brixie.

Ut expendantur canones 2. cau. 1. qu. 5., 4. cau. 30. qu. 3., & 6. cau. 30. qu. 4., depromti ex eadem epistola Urbani II. ad Vitalem Presbyterum Brixiam nihil aptius adferri potest, quam quod ad dictum canonem 2. Baluzius tradidit in notis ad Gratianum, quibus vix quidpiam addi posse videtur. Ait ille, epistolam illam integram haberi in vetere Codice MS. Monasterii Rivipullensis. Ejus initium est: *Urbanus II. Vitali Presbytero Brivenfi. Super quibus &c.*, ut in dicto canone 4., deinde: *Quod autem uxor &c.*, ut in dicto canone 6. denique. Porro eos, qui &c. ut in dicto canone 2. Quis autem fuerit Vitalis ille, dubium faciunt antiqui Codices Manuscripti. Apud Gratianum vocatur Presbyter absque titulo, sed Correptores Romani admonent in libro MS. decretorum Pontificum citari ex Nicolao ad Vitalem Presbyterum Pruvientem. Rectius tamen dicitur derivatum ex epistola Urbani II. Antiqui Codices Regius, & Sangermanensis canonicum

nonem tribuunt Urbano II. scribenti ad Vitalem Presbyterum Brixiz; in optimo tamen, & vetusto codice Monasterii Rivipullensis, qui scriptus est xvo Paschalis II., capita illa constanter inscribuntur Vitali Presbytero Brivenfensi, quo etiam modo legitur in vetustissima Collectione Canonum MS., quæ fuit Claudii Puteani. Ex his Baluzius prope eo adducebatur, ut intelligeret fuisse eam epistolam scriptam ad Vitalem Presbyterum Brivensem in finibus Lemovicum. Verum eum dimovit antiquus auctor vitæ Anselmi Episcopi Lucensis a Sebastiano Tengenelio editus, apud quem mentio fit cujusdam Vitalis Brixienfis Presbyteri eo ipso tempore viventis. Hæc ejus sunt verba: *Aliud quoque miraculum, quod confratre Vitali Brixienfis Ecclesiæ Presbytero, religioso vitæ Viro, aliisque pluribus referentibus didici &c.* Ea auctoritate permotus Vir eruditus veram lectionem putavit, quæ docetur epistolam scriptam esse ad Vitalem Presbyterum Brixiensem, tamen libri optimi MSS. nomen habeant Vitalis Presbyteri Brivenfis. Imo exinde etiam dubitat, de capitulo *Consuluit*, quod extat in tit. Decretalium de usuris, quodque in prima Collectione Decretalium lib. 5. tit. 15. cap. 12. dicitur esse Urbani III. ad Brixiensem Presbyterum, num restituendum sit Urbano II., nam Antonius Augustinus illic admonet Presbytero Brixienfi inscriptum illud esse in tribus Libris Tarraconensibus, licet hæc inscriptionem omiserint Raymundus, & Contius.

De can. 2. cau. 19. qu. 2., qui editus ab Urbano  
dicitur in Capitulo Sancti Ruffini.

Eruditi omnes quotquot Gratiani canonibus notas adjecerunt, dum deveniunt ad canonem 2. cau. 19. qu. 2. legendum existimarunt in inscriptione: *Urbanus II. in capitulo Sancti Ruffi*, eodem modo, quo superius etiam animadverti ad inscriptionem canonis 3. cau. 19. qu. 3., imo Baluzius in notis Gratianis asserit, decretum istud fortasse olim extitisse in epistola Urbani ad Arberium Abbatem, & Capitulum S. Ruffi data Tricastri anno 1096. 13. Kal. Octobris, quæ edita fuit a Fratribus Sanmarthanis valde decurtata, ubi hoc ipsum fragmentum desideratur. Ego vero non facile eo adduci possum, sed canonem illum consilium arbitror ab otioso quodam Monacho, qui monasticis exemptionibus forte plus æquo consistens, ita de illis e mentito Sancti Pontificis nomine disseruit, ut extra germanam, rectamque sacri Ecclesiæ regiminis viam profluerit. Sane hoc monumentum nec in Panormia, nec in decreto Ivonis legitur, unde me nemo ex Collectoribus Urbano coævus tenet. Ivo autem, vel Panormiz auctor, qui Urbani II. decreta præ manibus diu versabant, non omiserunt istiusmodi monumentum, tanquam insigne ad asserendam monasticam libertatem, si illud præ manibus habuissent. Neque temere id de quibusdam Monachis illius ætatis dictum est, cum de adulterinis, consilisque Privilegiis, & Constitutionibus apostolicis consilii fuerint. Præter ea, quæ initio hujus capitis paucis præfatus sum, perspicuum, & insigne exemplum præferebat Juretus in observationibus ad epist. 65. Ivonis Carnotensis de Monachis B. Walerici, quorum fraudem detexit Godefridus Ambianensis Episcopus, cum veste abstergeret atramentum scripturæ recentis. Neque vero in medium proferatur auctoritas Stephani Tornacensis, qui in epist. 2. hunc eundem canonem laudavit; etenim ipse, sicut alii quicumque post Gratianum scripserunt,

Gra-

Gratiani fidem sequuti sunt , & ex illo Collectore decepti . Profecto sufficit exhibere sententiam propositi canonis , ut non solum pateat , Urbanum Pontificem longe ab illa distare , verum etiam in oppositam penitus partem non semel declinavisse . Proponitur ibidem duas esse leges , publicam unam ab ecclesiasticis Antistitibus ordinatam , privatam alteram , quam Sanctus Dei Spiritus in corde uniuscujusque fidelis intimo quodam , & invisibili charactere descripsit . Subjicitur deinde , privatam hanc legem multo digniorem esse publicam , ac propterea legi publicæ anteferendam , quatenus Spiritus Dei ipse lex est . & Spiritui Dei obsequendum est , non resistendum . Ergo concluditur , Episcopis contradicentibus resisti potest lege privata , quia ubi Spiritus Dei , ibi libertas sine lege . Quis non horreat istiusmodi principia altius repetita , quam propositum postularer ? Etenim canonis auctor exinde colligebat , posse unumquemque etiam Clericum muneris ecclesiastico addictum , invito Episcopo , monasticam vitam appetere , ac proficisci , quod ut demonstraret eo adductus est , ut divinitus institutum Ecclesiæ publicum regimen dissolvere videatur . Quod enim majus & schismatibus , & hæresibus , ipsis etiam immanibus flagitiis patrocinium accedere potest , quam hæc de privata lege legi publicæ anteferenda doctrina , cujus sane prætextu nullæ leges , nullæ jura optime , sanctissimeque firmata usquam consistent . Vel enim qui spiritu privato , quem Spiritum Dei appellat auctor canonis , agitur , puro , putoque sui ipsius consilio relinquendus est , vel Superiorum adhuc judicia expectabit . Si primum , dummodo agenti ipsi lubeat , quid non licebit ? Si alterum , frustra adseritur privatam legem legi publicæ , sive Superiorum voluntati anteferrî . Quotquot ab Ecclesiæ communionem extorres hodiernis temporibus sunt , in sua hæreses patrocinium in his quoque perniciosas Reipublicæ Christianæ opiniones inveniunt , nihilque aliud , quam hæc Ecclesiæ matri , a qua recesserunt , opponere potuerunt . Faveor quidem singulari Dei spiritu nos aliquando , pluries etiam illustrari , & moveri ad optima ; sed hujusmodi illustratio Superioris adhuc auctoritate probanda est , ne forte mali spiritus illusiones cum Divina illustratione perperam confundamus . Quod si Spiritus Dei legem ipsam , ut dicitur , privatam inspirat , magis sane , ac magis inspirat legem , ut dicitur , publicam , quippe qui publicis Ecclesiæ Magistratibus magis , quam privato unicuique fideli illustraturus adsit ; qua in specie is potius diceretur agi Spiritu Dei , qui legi publicæ obtemperet , quam qui privatæ indulgeat voluntati , ubi oimrum privata voluntas lege publica distrahitur , vel impeditur ; neque enim sibi metipsum contrarius esse potest spiritus idem in duobus legibus , publica , uti in eodem canone dicitur , & privata . Nusquam in his sententiis ivisse credendus est Urbanus , qui non semel publicam hujusmodi legem præ privata longe custodiendam prædicavit . Constat id ex canone 2 . & 3 . cau . 19 . qu . 3 . , quos Urbano II . idem Gratianus adtribuit . Ibi enim statuitur , contra quam in dicto canone 2 . cau . 19 . qu . 2 . legatur , neminem ex Canonis regulis , aut ex Monachis posse ad ætatiorem vitam in alio Monasterio ducendam transire , nisi Superioris consensus accesserit . Quomodo intelligi potest Urbanus decrevisse , modo Superiorum auctoritatem , ac consensionem necessariam fore , modo nulla ratione attendendam , & privato consilio postponendam ? Nimis libertatis amor videtur illuisse auctori hujus monumenti , quem non alium , nisi otiosum quendam , & falsarium Monachum jure optimo fuisse suspicatus fui .

De Canone 2. cau. 8. qu. 3., quem ex gestis  
Urbani II. se excerptisse Gratianus ait.

Ad interpretationem canonis 2. cau. 8. qu. 3., quem Gratianus laudavit, quasi depromptum ex gestis Urbani II., nihil accommodatius huc adferri potest, quam quod tradit Baluzius in libro de Concord. Sacerd. & Imp. lib. 5. cap. 41. Ait ipse in primis, apud omnes eruditos perspectissimum hodie esse, canonem illum mendis esse corruptum, ubi praesertim memoratur Arelatensis Episcopus, veluti Suffraganeus Archiepiscopi Narbonensis, quemadmodum etiam agnovit Stephanus Tornacensis Episcopus, qui paullo post editum Gratiani codicem, Gratianum idem opus glossate illustravit, Correctores praeterea Romani, qui pro nomine Episcopi Arelatensis substituendum voluerunt nomen Episcopi Elethenensis, quod Elethenensis Episcopus esset Suffraganeus Archiepiscopi Narbonensis. Licet autem emendationem Franciscus Bosquetus reprehenderit in notis ad Epistolam Innocentii III. pag. 114., tamen idem Baluzius necessariam probavit, quod agnovit toto tempore, quo Urbanus Pontificatum tenuit, nullum fuisse Arelatensem Episcopum nomine Artaldum, sed ad Arelatensem Cathedram post depositum Achardum in Concilio Avenionensi, anno 1076. electum fuisse Gibelinum, qui eam tenuit usque ad annum 1107., quo ad Patriarchatum Hierosolymitanum translatus est, uti testatur Willelmus Tyrius lib. 11. cap. 4. Tandem post haec concludit Baluzius, agi ibidem de Helenensi, seu Elenensi Episcopo, (cujus Episcopatum hodie Periphaniam translatum scimus) in finibus Galliae Narbonensis constituto; & quidem de hoc Episcopo testatur se vidisse duos veteres codices MSS., praeterea Arnaldum fuisse Elenensem Episcopum anno 1087. docet, eumque passum fuisse controversiam a Dalmatio Archiepiscopo Narbonensi propter causas in hoc ipso Gratiani capite commemoratas, donec Romam pergens ab Urbano Pontifice consecratus fuit in Episcopum. Hic tamen finem non habuerunt diutissimae concertationes inter Artaldum, & Dalmatium Metropolitam, quandoquidem Urbanus Papa scribens ad Raynerium Legatum suum ei mandavit, ut de causa Elenensis Episcopi diligenter inquireret, eandemque finiret, his verbis: *Elenensis quoque Episcopi causam diligenter inquirito, & inter Narbonensem Episcopum, & ipsum iusto omnia iudicio definito.* Huc usque Baluzius in loco laudato, cujus observationi nihil sane amplius addendum videretur, nisi Baluzius idem nonnulla adhuc observanda credidisset in suis notis ad Gratianum. Ait ille, in veteri collectione canonum. MS., quae fuerat Viri clarissimi Claudii Puteani, haec, quae sequuntur, paullo aliter legi, quam apud Gratianum: *Canonicis iuraverat . . . huiusmodi sacramentum . . . feci, nullam conventionem ante . . . consecrationem meam . . . criminis ejus conficius sum . . . a sacerdotio me repellat.* Ceterum, subdit ille, omnia antiqua Gratiani exemplaria MSS., & edita habent *a sacerdotio me repellat*, quae verba optimum sensum faciunt, ut mirum sit, hanc lectionem fuisse repudiariam a Correctoribus Romanis, qui a *sacra me unctione repellat*, edere maluerunt. Subjicit deum ibidem nonnulla, quae pertinent ad jura Ecclesiae Elenensis, quae huc non refero, quia parum, aut nihil conferunt ad Gratiani capituli interpretationem.

## De ceteris Capitibus nomine Urbani II. laudatis.

Quædam adhuc supersunt discutienda fragmenta Urbano II. apud Gratianum tributa, quin in Gratiani codice designetur monumentum, ad quod eadem sint exigenda. Ex his est in primis canon 1. dist. 56., qui apud auctorem Panormiz non tam Urbano II., quam Gregorio VII. adtribuitur. Revera in Codice Panormiz MS., qui asservatur in Regia Taurinensis Athenæ Bibliotheca lib. 3. cap. 50. ita legitur: *Decretum Gregorii VII., & Urbani II. Presbyterorum filios a sacris Altaris ministeriis removendos decernimus, nisi aut in Cœnobiiis, aut in Canonicis regulis religiose probati fuerint conversari.* Si acta Urbani II. evolvamus, eadem omnino verba legemus in epistola ejusdem Papæ ad Pibonem Episcopum Tullensem, quam numero 17. refert Labbeana Veneta editio in Appendice. Eadem fere verba leguntur in Concilio Melphitano anni 1089. can. 14. ibi: *Presbyterorum filios a sacri Altaris ministeriis removendos decernimus, nisi aut in Cœnobiiis, aut in Canonicis religiose probati fuerint conversati.* Idipsum ferme habetur in Concilio Claramontano anni 1095. can. 11. ibi: *Ut nulli filii concubinarum ad ordines, vel aliquos honores ecclesiasticos promoveantur, nisi monachaliter, vel canonicè vixerint in Ecclesia.* Hæc perspicue probant, laudatum Gratiani canonem jure tribui Urbano II. potuisse, quum non solum in Conciliis ejusdem temporibus celebratis, verum etiam in ejusdem epistolis integer reperitur. Sed præterea, ut aiebam ex Panormiz auctore, tribui posset Gregorio VII., cum legatur expressus in Concilio sub eodem Pontifice celebrato; etenim in Concilio Pictavensi, quod Labbeus ex apographo Jacobi Sirmondi refert ad annum 1078., can. 8. ita legitur: *Ut filii Presbyterorum, & ceteri ex fornicatione nati ad sacros gradus non provehantur, nisi aut Monachi fiant, aut in Congregatione canonica regulariter viventes, prelationes vero nullatenus habeant.* Atque ex his præterea adparet, huc referendum esse canonem 11. dist. 56. Notanda porro est disciplina illius ætatis; cum enim Clerici aut concubinis, aut uxoribus uterentur, rebus ecclesiasticis quasi familiaribus fruebantur, ita, ut eas in filios post mortem suam quasi hæreditatem una cum Sacerdotio ipso transferrent. Id sane vertebatur in gravissimam Ecclesiarum perniciem, quamobrem meliori modo consuli non poterat Ecclesiarum utilitatibus, quam si ad vitam communem vel in Monasteriis, vel in Canonicis locis ducendam Clerici vocarentur. Erat autem inter Monasteria, Canonicaque loca discrimen, quod in Monasteriis constituti tribus votis adstringebantur sub Abbate, certa que regula a Fundatore monastico præstituta; at Canonica loca ad instar Clericalium Congregationum redigebantur sub vitæ communis instituto, quales hodie dixeris Congregationes Clericorum S. Philippi, aliasve similes.

Locum etiam hic habere videretur canon 4. dist. 60., sed hunc pertinere ad Concilium Beneventanum anno 1091. celebratum jam dixi in cap. 63. prioris partis hujus ejusdem Operis, quemadmodum etiam de ceteris similibus fragmentis differendum ibidem fuit.

Canon 6. dist. 68. inter ea, quæ hodie supersunt Urbani II. Pontificis monumenta, minime legitur: verum nihil prohibet, quominus ejusdem Papæ temporibus maxime convenire videatur; quum enim dirz tunc essent inter Clericos, &

Laicos



Laicos contentiones, quæ collationes spectabant sacrarum dignitatum, nihil antiquius erat Viris ecclesiasticis, quam tradere, Viros Apostolicos adhuc recentioribus temporibus exiltere, quorum auctoritate Sacri Administri designarentur, quo pertinere videbatur illud Psalmistæ: *Pro Patribus tuis nati sunt tibi filii*. His usus ad eam rem est Paschalis II., qui Urbano II. immediate successit, ita scribens ad Henricum in epist. 93. apud Labbeum: *Præterea Propheta David ad Ecclesiam loquens ait: Pro Patribus tuis nati sunt tibi filii, constitues eos Principes super omnem terram. Ecclesia filios genuit, Ecclesia Principes statuit: possemus alia de Scripturis sacris testimonia, & exempla præponere, quibus constaret Ecclesiæ Sponsos, ac Pastores Episcopos non secularium potestatum nutu, sed Christi dispositione, & Ecclesiæ judicio præponendos*. Qui hæc Paschalis II. verba cum dicto canone 6. contulerit, facile agnosceret, unam, eandemque esse sententiam, ita ut recte idem canon 6. tribui forte posset Paschali II., neque enim absonum est & Paschalis, & Urbani monumenta ita confusa, permixtaque fuisse, ut quod unus esset, alteri apud Collectores tribueretur, quum uterque eodem sæculo vixerit, eademque controversiæ ab utroque discuti, dirimique debuerint. Forte agnoscendum erit, apud Gratianum in eodem canone 6. nonnulla addita fuisse ex S. Augustino, qui in enarratione Psalmi 44. ita memoratum versiculum interpretatus est: *Pro patribus tuis nati sunt tibi filii: quid est, pro Patribus tuis nati sunt tibi filii? Patres missi sunt Apostoli, pro Apostolis filii nati sunt tibi, constituti sunt Episcopi*. Hodie enim Episcopi, qui sunt per totum mundum, unde nati sunt? Ipsa Ecclesia Patres illos appellat, ipsa illos genuit, ipsa illos constituit in sedibus Patrum. Non ergo te putes desertam, quia non vides Petrum, quia non vides Paulum, quia non vides illos, per quos nata es, de prole tua tibi erexit Paternitas. *Pro patribus tuis nati sunt tibi filii: Constitues eos Principes super omnem terram. Vide templum Regis, quam late diffusum est, ut moverint virgines, quæ non adducuntur in templum Regis, non se ad istas nuptias pertinere*. Pro patribus tuis nati sunt tibi filii, constitues eos Principes super omnem terram. Hæc est catholica Ecclesia, filii ejus constituti sunt Principes super omnem terram, filii ejus constituti sunt pro Patribus. Agnoscam, qui præcisi sunt, veniant ad unitatem, adducantur in templum Regis. Templum suum Deus ubique collocavit, fundamenta Prophetarum, & Apostolorum ubique firmavit. Filios genuit Ecclesia, constituit eos pro Patribus suis Principes super omnem terram.

Auctor Palearum in can. 2. cau. 9. qu. 2. parum apte tamen, & apposite, re-  
tulit, quod Gratianus sub nomine Urbani II. descripserat in can. 3. de pen. dist. 6. cau. 9.  
Sive unum, sive alterum, quod in idem consonat, fragmentum respicias, frustra  
illud inter Urbani II. monumenta requires. Observare tamen nihilominus juvat,  
tempore Urbani II. tria de pœnitentibus in disputationem venisse, ob quosdam,  
qui tunc irreperant, abusus. In primis cum Laici, præsertim Ecclesiarum Patroni,  
de Ecclesiis a se erectis tamquam de rebus omnino suis libere posse se disponere  
arbitrarentur, in illis non solum Clericos sacro fundueros officio nominabant, sed  
etiam pro lubito quæcumque Sacramenta independentes ab Episcopis, & Paro-  
chis, ipsum quoque pœnitentiæ Sacramentum, suscipiebant, quamobrem in Concilio  
Claromontano anni 1095. can. 18. ita decernendum fuit: *Ut nullus Presbyter  
Capellanus alicujus laici esse possit sine concessione sui Episcopi; vel, ut alii legunt:  
Ut nullus Princeps Capellanum habeat, nisi quem Episcopus suus, aut Archidia-  
gus Procuratorem animæ delectum constituat*. Alterum in eo situm erat, quod qui-

dam fallaces pœnitentias adfœdabant, & licet pluribus irretiti eriminibus detine-  
rentur, unius aut alterius pœnitentiam humili confessione coram Sacerdotibus  
exhibebant, in aliis vero pervicacissimi perseverabant. Id liquet tum ex eodem  
Concilio Claromontano can. 22., ubi statutum legimus, neminem admittendum  
ad pœnitentiam fore, nisi perfectam confessionem fecerit, verbi gratia, ut si perpetrato  
homicidio manserit in adulterio, vel perjurio, hujusmodi ad perfectam pœnitentiam mi-  
nime recipi debere decretum est; tum ex Concilio Melpitano can. 16., quo ita  
statuitur: Sane quia inter cetera unum est, quod maxime Sanctam perturbat Ecclesiam,  
falsæ videlicet pœnitentiæ; Confratres nostros Episcopos, & Presbyteros admonemus,  
ne falsis pœnitentiis laicorum animas decipi, & in infernum pertrahi patiantur. Falsam  
autem pœnitentiam esse constat, cum spretis pluribus de uno solo peccato pœnitentia agi-  
tur, aut sic cum agitur de uno, ut non discatur ab alio &c. Postremo vige-  
bat acerrima inter Clericos, & Monachos controversia, Monachis Sacramentum etiam  
Pœnitentiæ passim ministrantibus, Clericis autem sibi hanc potestatem reserva-  
tam adserentibus; unde varia tunc prodierunt decreta modo in favorem Mona-  
chorum, modo in odium eorundem, prout vel in diversis provinciis, vel diversis  
temporibus ea facultate, aut uterentur Monachi, aut abuti viderentur. Sic in  
cap. 1. de Cappellis Monachorum, quod ad ætatem Urbani II. eruditi referunt,  
Monachis interdictum adparet, ne quamlibet gererent animarum curam, sed po-  
tius per Clericum Cappellanum ab Episcopo institutum Sacramenta in Ecclesia  
Monasterii ministrarentur. Testatur præterea Ivo Carnotensis in epist. 63., Lemo-  
vicensem Episcopum interdixisse Monachis regimine Parochiarum, & confessione  
Pœnitentium excipienda. Viceversa in Concilio Nemausensi anni 1096. decretum  
est, Monachos uti posse facultate absolendi, ligandique in can. 2., quem Gra-  
tianus retulit sub nomine Bonifacii Papæ, imo & in ipso Concilio adjectum est  
in can. 3., eos, qui sæculum reliquerunt plus, valere peccata hominum solvere, quam  
Presbyteros sæculares. In tanto Monachorum, Clericorumque confidit, mirum  
est, quid utrimque pertentatum fuerit, dum Monachi præ ceteris objicerent  
quidam Clericorum illius temporis vitia, quæ facile palam demonstrabant, præ-  
sertim ignorationem sacrorum canonum, qua revera tunc plurimi cœcutiebant,  
unice intenti aut militaribus rebus, aut laicorum famulatui, a quibus pluribus be-  
neficiis, lisque pinguibus ditatum iri sperabant. Ex his facile mihi persuadeo,  
sententiam dicti canonis 3. de pœn. dist. 6. seu canonis 2. cau. 9. qu. 2. a qui-  
busdam Monachis fuisse confictam, ut suæ causæ, cui impense studebant, servi-  
rent, quemadmodum, ut albi jam monui, facere consueverunt. Noverant illi  
in sacris canonibus definitum, ut unusquisque a proprio Parocho susciperet Pœ-  
nitentiæ Sacramentum. Quid autem moliri melius, & ad rem suam opportunius  
poterant, qui laicos ad Monasteria pertrahabant, quam sub nomine Urbani alle-  
gare ignorantiam Parochorum, ex qua a Parochiis ad Monasteria sacrorum causæ  
divertere liceret? Porro illud Gratiani monumentum neque inter epistolas Ur-  
bani, neque inter canones Conciliorum illius ætatis reperitur, imo nec ab ullo  
ex Collectoribus Gratiano antiquioribus laudatur; unde verosimile est primum ex  
Bibliotheca Monasteriorum, in quibus Gratianus scribebat, prodisse. Neque vero  
conjectare quisquam facile poterit, Urbanum II. in eam erupisse sententiam, quæ  
in Parochos odia omnium concitaret, ansamque preberet singulis in scientiam  
sui Parochi inquirere, dum ibidem perspicue traditur, licere unicuique a proprio  
Parocho

Parocho discedere, quoties sciat Parochum rerum sacrarum ignorantia laborare. Quod si fervidiore zelo correptus de Parochorum honore parum sollicitus ab aliquo fingatur Urbanus, cur non etiam eo progressus fingitur, ut diceret, non solum posse, sed etiam debere fideles a Parochis suis eo in casu divertere; non enim tantum eos, qui in via Domini cœcutiunt, ne ab ea cum ipsis deflectamus evitare possumus, sed omnino debemus. Sed hæc nunquam fuit ratio salutis animarum consulendi, quæ semper optimam inveniunt Pontifices Maximi. Nimirum cavere potius consueverunt, ut si quis ex Parochis parum exequendo muneri videretur idoneus, is removeretur, non facultatem dare fidelibus de Pastoris sui scientia judicandi, eumque pro libito rejiciendi, vel retinendi; ne forte exinde gravissima schismata suborirentur.

Romani Corredtores ad canonem 37. cau. 12. qu. 2. animadverterunt, se reperiisse fragmentum Concilii Urbani II., in quo eadem propemodum Gratiani canonis verba legebantur. Hodie vero postquam editi sunt a recentioribus canones 22. Concilii Lateranensis sub Callisto II. celebrati anno 1123., perspicue liquet potius ad Callisti Concilium, quam ad Urbanum eundem canonem pertinere. Ita in Concilio legitur canone ultimo: *Alienationes, quæ specialiter per Ottonem, (legitur alii Attonem) Guidonem, Hieremiam, seu forte Philippum, ubilibet de possessionibus Ravennatis Exarchatus factæ sunt, damnamus; generaliter autem omnium, per intrusionem, seu canonicè electorum sub Episcopi nomine, aut Abbatis, qui secundum usum Ecclesiæ suæ consecrandus est, alienationes quocumque modo factas, nec non personarum ordinationes ab eisdem sine communi consensu Clericorum Ecclesiæ, sive per simoniam itidem factas irritas judicamus. Illud etiam per omnia interdiximus, ut nullus Clericus præbendam suam, seu aliquod ecclesiasticum beneficium aliquo modo alienare præsumat; quod si præsumtum olim fuit, vel aliquando fuerit, irritum erit, & canonicæ ultioni subiacebit.* Mirum porro esse non debet, Urbano II. tributa fuisse, quæ potius Callisto II., seu Concilio Lateranensi sub eodem Pontifice celebrato tribui debuissent; cum enim Callistus proxime Urbano II. successerit, facile utriusque Pontificis acta a quodam collectore confundi potuerunt. Evidens hujus rei exemplum præbent iidem Romani Corredtores, qui ad canonem 8. dist. 27. Callisto tributum observaverunt, se eundem canonem reperiisse una cum canone *alienationis cau. 12. qu. 2. & can. paternarum cau. 24. qu. 3.* in quodam fragmento Concilii, quod dicebatur ab Urbano II. celebratum; hi tamen omnes canones leguntur in memorato Lateranensi Concilio sub Callisto.

Auctor Palæarum errandi occasionem nonnullis præbere potuit, qui crediderunt ad Urbanum II. pertinere canonem 2. cau. 16. qu. 2., qui tamen Urbani non est, sed potius Concilii Moguntini anni 813. In veteribus Gratiani codicibus nec iste canon 2. nec sequentes 3., 4., & 5. habebantur; quemadmodum in notis ad Gratianum Baluzius monuit, quamobrem nomen Urbani II., quod eidem canonibus præfigitur, potius spectat canonem 6. Porro in commemorato Concilio can. 38. ita legitur: *Admonemus, atque præcipimus, ut decimas Deo omnino dari non negligatur, quas Deus ipse sibi dari constituit; quia timendum est, ut quisquis Deo debitum suum abstrahis, ne forte Deus per peccatum suum auferat ei necessaria sua.* Eadem verba referuntur in Capitularibus Francorum lib. 5. cap. 154. Baluzianæ editionis, his adhuc adjectis: *Necessaria sua, & qui decimam Deo dare neglexerit, novem partes auferantur ab eo.* Nomen etiam Concilii Moguntini retulit Burchardus

Can. 37.  
cau. 12.  
qu. 2.

Can. 2.  
& 6.  
cau. 16.  
qu. 2.

dus in cap. 131. lib. 3., & lvo parte 3. cap. 197. Itaque liquet, inscriptionem canonis 2. pertinere potius ad canonem 6. cau. 16. qu. 2., qui canon 6. quemadmodum ad Urbani II. Constitutiones referendus sit, jam tradidi in prima hujus operis parte cap. 63., ubi de Concilio Claromontano, seu Arvernensi. Hic nonnulla subijciam ex Haluzio, qui postquam canonem ediderit, atque illustraverit in cap. 31. lib. 6. de concordia Sacerdot. & Imper., in notis ad Gratianum ad illa verba *cum Abbatum consensu*, animadvertit canonem hunc non levem difficultatem ingerere, ubi tota instituendi Presbyteri auctoritas datur Episcopo, Abbati solus consensus, licet in principio dicatur, electionem Presbyteri, sive collocationem, ut ibidem dicitur, tribui Monachis, consensum Episcopo, dum præcipitur, ne Monachi in Parochialibus Ecclesiis, quas tenent, absque Episcoporum consilio Presbyteros collocent; quæ prima fronte videntur esse contraria. Controversiam istam dirimere conatur vir eruditus, dum rationem habet usus, quem in Ecclesiâ statim inveniit canon ille Claromontanus. Certum quippe ait, eodem tempore, quo conditus fuit, intellectum de jure presentationis fuisse, quod Abbates deinceps habuerunt in institutione Presbyterorum, qui regerent Parochiales Ecclesias eorum Monasteriis contributas. Testis est ipsemet Urbanus auctor conditorque canonis, cujus hæc sunt verba ex epist. ad Hugonem Abbatem Cluniacensem edita in Bibliotheca Cluniacensi pag. 520. *Liceat quoque vobis, seu fratribus in Ecclesiis vestris Presbyteros eligere, ita tamen ut ab Episcopis, vel ab Episcoporum vicariis animarum curam absque venalitate suscipiant.* Quæ verba haud ita multo post repetita inveniuntur in epist. Paschalis II. ad eundem Hugonem data pag. 522. Anno deinde 1111. Lambertus Atrebatensis Episcopus, qui Concilio Claromontano interfuerat Ecclesiæ B. Petri de Insula concedens altare de Moncellis hanc cautionem donationi suæ adjecit apud Ferreolum Locrium in Chronico Belgico pag. 268. *Adjicimus etiam, ut Ecclesiâ B. Petri per vos Presbyterum idoneum Episcopo Atrebatensi præsentet, qui ei obedientiam promittat, & de vitæ suæ honestate, sicut canonicum est, promissionem faciat, ac deinde curam in populo de Moncellis gerendam gratis suscipiat.* Biennio post Guillelmus Cadurcorum Episcopus statuens in futurum de Ecclesiâ S. Stephani Vairiacensis, quæ tenebatur a Monachis Tutelensibus, his, quæ sequuntur, verbis explicavit potestatem Episcopis, & Abbatibus datam in Concilio Claromontano. *Electio, & providentia Tutelensis Abbatis, & Monachorum in sepe dictâ Ecclesiâ S. Stephani de Vairiaco Sacerdos ponatur, sed nobis præsentetur, & nobis curam suscipiat animarum, nobis obedientiam promittat.* Eodem modo canonem postea explicavit Eugenius III. in epist. de privilegiis majoris Monasterii Turo-nensis data anno 1145. *In Parochialibus vero Ecclesiis, quas tenetis, Presbyteros eligatis, quibus si idonei fuerint, Episcopi Parochiæ cura committant, ut ejusmodi Sacerdotes de plebis quidem cura Episcopo rationem reddant, vobis autem pro rebus temporalibus debitam subjectionem exhibeant.* Apertius Alexander III. anno 1179. cum privilegia confirmaret Monasterii Tornodorensis in tom. 4. Galliz Christianæ pag. 645. *In Parochialibus autem Ecclesiis, quas tenetis, licet vobis Sacerdotes eligere, & electos Episcopo representare; quibus, si idonei inventi fuerint, Episcopus &c.* Unde facile colligi potest, esse huic Concilio Claromontano imputandam originem juris, quo recentioribus temporibus utuntur Abbates, quoties Sacerdoria vacant, quibus incumbit cura animarum, quæ ab eorum Monasteriis pendet. Destinant enim virum huic ministerio, quem Episcopo præsentant, tum vero Episcopus.

Episcopus eum in Sacerdotio instituit, si idoneus repertus fuerit. Rursum earatione sublata est quoque repugnantia, quæ esse initio videbatur in verbis canonis Claromontani. Huc usque egregie Baluzius.

Canon 1. cau. 16. qu. 4. tantum abest, ut sit Urbani II., quin potius ejusdem Papæ adversari sententiis videatur. Siquidem non semel constituit Urbanus, ut Monachi jure optimo illa possiderent, in quibus illis tricennaria possessio suffragabatur. Hinc in Concilio Claromontano anni 1095., quod Baluzius edidit in lib. 6. de Concord. Sacerd. & Imp. cap. 31. can. 3. ita legitur: *Porro quæcumque altaria, vel decimas ab annis 30., & supra hujusmodi redemptione Monasteria possedisse noscuntur, quiete deinceps, & sine molestia qualibet eis possidenda firmamus.* Eadem propemodum verba repetita legimus in Concilio Nemausensi anni 1096. can. 1., ex quibus profecto colligitur, temporibus Urbani II. sufficientem fuisse ad res ecclesiasticas a Monasteriis præscribendas tricennem possessionem. Potius itaque Gratianus canon referendus erit ad Concilium Lateranense Callisti II. anno 1123. celebratum; neque enim novum fuit Gratiano, aliisve Collectoribus, monumenta ejusdem Concilii Urbano tribuere, quemadmodum superius tradidi ad can. 37. cau. 12. qu. 2. Itaque in can. 19. illius Concilii hæc habentur: *Servitium, quod Monasteria, aut eorum Ecclesiæ a tempore Gregorii Papæ VII. usque ad hoc tempus Episcopis facere, & nos concedimus. Possessiones Ecclesiarum, & Episcoporum tricennales, Abbates, vel Monachos habere omnimodis prohibemus.* Hic canon habetur quidem in editione Concilii facta a Cossartio, sed desideratur in editione Baluzii facta ex vetere MS. Monasterii Anianensis in lib. 8. de Concord. Sacerd. & Imp. cap. 21., forte abrasus, aut omissus a Monachis Anianensibus ejusdem codicis auctoribus. Juvat hæc paulisper explicare. Ante Justinianum Imperatorem universa jura, & actiones 30. annorum spatio præscribebantur, quæ prudentia in omnibus rebus ecclesiasticis, utut singulari privilegio donatis, obtinuerat. Primus Justinianus in rebus ecclesiasticis Ecclesiæ Orientalis centenariam tantummodo præscriptionem locum habere decrevit I. 23. cod. de Sacros. Eccles. quam deinde ad Occidentalem Ecclesiam protraxit Nov. 9. Sed demum restricta eadem præscriptio fuit ad annos 40., uti colligitur ex Nov. 111., & Nov. 131. cap. 6.; ita ut usque ad Urbani II. ætatem quadragenaria præscriptio in rebus ecclesiasticis obtineret. Contigit tunc, Laicos bona quamplurima ad Ecclesias pertinentia occupasse, neglectis sacrorum canonum sanctionibus, ex eo præsertim, quod Episcopi Laicorum potentiorum famulatu additi, vel ipsa etiam decimarum jura Laicis eisdem concederent iterato; & parum juvaret illa Ecclesiis, Episcopisque restitui; quotidianum enim erat periculum, ne rursus transferrentur in Laicos. Quid igitur? Plausu receptum est apud Viros probos, ut Monachi illa ipsa decimarum ecclesiasticarum jura redimerent, ac retinerent; ea enim ratione eveniebat, ut a Laicorum manibus eximerentur, & si non ecclesiastica omnino evaderent, ecclesiasticis saltem jurebus religiosa facta propius, quoad tempora paterentur, accederent. Hinc factum est, ut Monachis daretur non solum hæc ampla redimendi facultas, sed præterea eadem jura sic redempta præscribendi solo triginta annorum spatio contra legem quadragenariæ præscriptionis, uti liquet perspicue ex commemoratis canonibus Conciliorum Claromontani, & Nemausensis; adjuvanda autem erat hujusmodi præscriptio, quæ favorabilis Ecclesiæ videbatur, ideoque minori etiam temporis spatio perficienda. Gavisi sunt hoc privilegio Monachi, quodque erat singulare, in redem-

Con. 1.  
cau. 16.  
qu. 4.

redemptione decimarum, non autem in aliis Ecclesiasticis rebus redimendis expressum, utpote quod erat reparandis illius temporis injuriis accomodatum, cœperunt ad alias res Ecclesiasticas extendere, imo etiam ad sequentia sæculi prorogare. Quamobrem opportunum fuit Ecclesiæ rebus, in Concilio Lateranensi Callisti II. tricennali hujusmodi præscriptione rerum Ecclesiasticarum Monachis interdicere, ut rursus jus commune vigeret quadragenariæ præscriptionis. Id, licet paullo obscurius, agnovit ipsemet Gratianus, qui postquam laudavit in can. 1. cau. 16. qu. 4. Concilii Lateranensis fragmentum, statim animadvertit, adversus Ecclesiam quadragenariam præscriptionem Monachis non denegari; erat enim ipse in hac re admodum verus, qui in Monasteriis degebat, & jura Monasteriorum sui temporis ignorare non poterat.

Can. 2.  
cau. 16.  
qu. 7.

Quæ hucusque velut per juris historiam de præscriptione rerum Ecclesiasticarum disserui, lucem non modicam adferunt canon 2. cau. 16. qu. 7. Certum est, Laicos, qui ab Episcoporum liberalitate res Ecclesiasticas acceperant, easdem Monachis, aut Clericis Regularibus tandem aliquando restituisse, et quamquam id pluribus placuerit, redire ea ratione ad Ecclesiam bona sua, Episcopi tamen ægre senserunt, bona eadem minoribus potius Clericis, aut Monachis assignari, quam restitui sibi, aut saltem in hujusmodi restitutionibus postularum suum debere intervenire consensum, in quo præstando sui juris veltigium quoddam agnosceretur. Ita statutum legimus in Concilio Melphitano anni 1089. can. 5. & 6., in Concilio Beneventano anni 1091. can. 2., in Concilio Claramontano can. 6. & 7., & in Concilio Romano anni 1099. can. 15. & 16. Ceterum quæ leguntur in can. 2. cau. 16. qu. 7. exigenda sunt ad canonem 6. Concilii Claramontani his verbis: *Ut altaria congregationibus Canonicorum, vel Monachorum per personas data, mortuis personis libera redeant in manus Episcoporum, nisi fuerint illis per eorum scripta, vel privilegia confirmata*; ex quibus adparet Palæstrum auctorem in describendo eo canone non verba Concilii, sed potius sententiam, quam ipse aliis verbis ornavit, descripsisse. Apud Mansium in Supplemento Labbeano tom. 2. pag. 142. ad Concilium Claramontanum exhibetur idem canon paulo aliter exaratus ex ms. codice Decreti Gratiani Bibliothecæ Lucensis Congregationis Matris Dei, quem vir eruditus conjicit esse sæculi duodecimi exeuntis, ibi: *Congregatio apud Claramontensem urbem multorum Coepiscoporum Synodali conventu proposita est nobis a quibusdam quæstis de Ecclesiis, vel Ecclesiasticis progressionibus a Clericis, vel Monachis usque in presentiarum inconsultis Episcopis acquisitis. Nos autem usi sanctorum consilio eorum ... condescendentes, providentesque Ecclesiarum pace, vel ... scandali periculo hujusmodi, quod non poterat procedere apostolica auctoritate decrevimus, ut ea, quæ a Clericis, vel Monachis, a quibuscumque personis prout potueris usque hodie fueris acquisita, rata probentur, & inconcussa permaneant, hoc tamen tenore, ne in posterum Episcopis inconsultis talia præsumant.*

Can. 2.  
cau. 19.  
qu. 3.

Canon 2. cau. 19. qu. 3. tribuendus potius est Anselmo Episcopo Havelbergensi, qui in libro de Ordine Canonicorum Regularium edito apud Bernardum Pezium tomo 4. Theauri Anecdotorum, cap. 5. ita scribit ad fuz Diocesanos Clericorum institutionem. *Mandamus, & mandantes utiliter interdiximus, ne quisquam Canonicus regulariter professus, nisi, quod absit, publice lapsus fuerit, Monachus efficiatur; quod si decreto nostro contraire præsumens facere tentaverit, ad ordinem canonicum præcipimus ut redeat, & deinde memoriale presumptionis suæ cutellam deferat* (forte le-

legendum videretur deferat, quemadmodum ex sequentibus facile colligi posset: Gratianus autem legit: *memorialem cucullam deferat, & ultimus in choro maneat. Et quidem de hoc verbo apud quosdam contentio, vel dubium est, utrum deferre, vel deferre cucullam in præcepto sit. Nos vero de verbo non contendimus. Id tamen indubitantes scimus, ipsum præcepti datorem Urbanum Papam II., ac post ipsum alios Romanos Pontifices ejusmodi præsumptoribus cucullam detraxisse.* Postrema hæc verba, quæ indicant, hinc prudentiam probatam fuisse Romanis Pontificibus, et specialiter ipsi Urbano II., in causâ fuerunt, cur Gratianus, aut is, qui Gratiano auctor extitit, ejusdem monumenti Urbani II. auctorem faceret.

Inter monumenta Urbani II. minime reperitur canon 23. cau. 22. qu. 5., qui licet in aliquibus vetustis Gratiani codicibus desideretur, quemadmodum animadvertenter Correctores Romani, tamen relatus est inter Decretales Gregorii IX. in cap. 3. de jurejurando. Quod sane in eodem canone decretum legitur, & generali sacrorum canonum traditioni consonat, in ea parte, qua Clerici jurare prohibentur, consonat præterea disciplinæ temporum Urbani II., qua vigeat, ut Clerici illi, qui bonorum Ecclesiasticorum administrationem obtinuerant, fidem suam, & sponsonem jurejurando firmitus obstringerent. Canon 13. Cabilonenfis II. Concilii anni 813. juramenta Clericorum fuisse improbata demonstrat ibi: *Videtur est interea de quibusdam fratribus, quod eos, quos ordinaturi sunt, jurare cogan, quod digni sint, & contra canones non sint facturi, & obediens sint Episcopo, qui eos ordinat, & Ecclesie, in qua ordinantur, quod juramentum, quia periculosum est, omnes una habendum statuimus.* At vero jurare temporibus Urbani II. consuevisse Clericos, quibus singularis erat bonorum Ecclesiasticorum commissæ administratio, probat peripicue canon 8. Concilii Londinensis celebrati anno 1108. ibi: *Jurabunt Archidiaconi omnes, quod pecuniam non accipient pro toleranda transgressione hujus statuti, (statutum illud erat de mulieribus abjiciendis), nec tolerabunt Presbyteros, quos sciunt feminas habere, canare, vel vicarios habere: similiter & Decani hæc eadem per omnia jurabunt. Qui vero Archidiaconus, vel Decanus hæc jurare noluerit, Archidiaconatum, vel Decanatum irrecoverabiliter perdet.* Huc sane referri commodè possent duæ epistolæ Paschalis II., quæ habentur num. 5. & 6. apud Labbeum, in quibus Archiepiscopus Panormitano, & Polono non aliter se concessurum pallium idem Pontifex profertur, nisi illi jurejurando fidem suam Sedi Apostolicæ obtrinxerint, adjecta ratione, quia in pallio conceditur plenitudo Pontificalis officii, seu generalis rerum sacrarum administratio.

Canonem 22. cau. 23. qu. 8. in monumentis Urbani II. hucusque editis reperire nusquam potui; non tamen eo facile adducor, ut illud apocryphum censeam, cum in primis noverim, non omnes Urbani epistolæ ad nostram usque ætatem pervenisse; deinde videam temporibus Urbani, & monumentis illa ætate editis plurimum congruere. Nemo sane ignorat, quanta fuerit tunc temporis sacrorum Antistitum, ac præsertim Romanorum solertia, ut res Ecclesiasticas a Laicis potentioribus jamdiu occupatas vindicarent. Vix Acta alicujus Concilii, aut Decreta, Epistolæve Pontificis illius sæculi arripere potes, quum statim objiciuntur oculis hujusmodi imagines. Commemorare sufficiat canonem 11. Concilii Melphitani sub Urbano II. celebrati, & epistolam Urbani ad Rodolphum Comitem, quæ hodie non superest integra; cujus tamen fragmentum legitur apud Ivonem parte 6. cap. 408. Ad hanc ipsam materiem pertinere putò memoratum canonem 22., immò si in re valde

Con. 23.  
cau. 22.  
qu. 5.

Con. 22.  
cau. 23.  
qu. 8.

obscura conjecturis locum dare licet, suspicor eum canonem pertinere ad epistolam Urbani II. ad Robertum Comitem, qui Flandrensem Clerum ita gravabat, ut nihil esset de bonis Ecclesiasticis a Clero possessis, quod non tandem per vim in illius Comitibus potestatem redigeretur. Editā est ad calcem Concilii Rhemenfis anni 1092. epistola Cleri Flandrenfis ad Rainaldum Rhemensem Episcopum, in qua post expostas injurias a Roberto in Clerum, & Cleri res jamdiu illatas, refertur, Robertum eundem per epistolam ab Urbano Pontifice commonitum fuisse; imo & gravi praecepto obstrictum, ut a susceptis facinoribus temperaret. Hæc epistola Urbani deperit; cum autem Gratianum illud fragmentum convenire videatur sententiis illis, quæ ad commonendum Robertum aptæ esse poterant, quid prohibet, ne interea putem, Gratiani canonem ad illam epistolam pertinere? Utinam rei huic plurimum dubiæ majus lumen accederet: illud statim sequeretur quam lubentissime.

Can. 24.  
cau. 24.  
qu. 3.

Antonius Augustinus in dial. 5. lib. 2. de emendatione Gratiani canonem Gratianum 24. cau. 24. qu. 3. asseruit se vidisse in quibusdam schedis Urbano II. adscribi, addito numero capituli 1. Baluzius vero in notis ad Gratianum putavit, esse potius Concilii Claromontani. Ego eum canonem editum video in Concilio Lateranensi I. Callisti II. anni 1123. quod nimirum edidit Cossartius can. 20. his verbis: *Paternarum traditionum exemplis commoniti pastoralis officii debitum persolventes, Ecclesias cum bonis suis tam personis, quam possessionibus, quam possessionibus, ac Monachis, eorumque conversos, aratores (Gratianus legit oratores) quoque cum suis nihilominus rebus, quas ferunt, tutos, & sine molestia esse statuimus. Si quis autem contra hoc facere presumpserit, & postquam facinus suum recognoverit, infra 30. dierum spatium competeret non emendaverit, a liminibus Ecclesie arceatur, & anathematis gladio ferietur.* Neque mireris canonem Concilii Lateranensis sub Callisto editi adscriptum fuisse Urbano; siquidem id jam in aliis canonibus evenisse animadvertendum superius fuit ad canonem 37. cau. 12. qu. 2. Duplex autem esse potuit ratio illius edendi Decreti in Concilio Lateranensi. Prima, quod Laici passim ea reate bona Ecclesiarum diriperent, atque per vim occuparent. Altera, quod post Urbanum II. sequentes Pontifices Maximi incubuerunt in expeditionem fidelium faciendam causa recuperanda, ut vocant, Terræ sanctæ; unde opus fuit opportuno decreto, quo bona illorum, qui eo etiam studio detinebantur, imo illud exequabantur dum peregre proficiscerentur, ab omnium impetu, & injuria præcavendo eriperentur. Hinc in eodem Concilio can. 11. hæc leguntur: *Eis, qui Hierosolymam proficiscuntur, & ad Christianam gentem defendendam, & tyrannidem infidelium debellandam efficaciter auxilium præbuerint, suorum peccatorum remissionem concedimus, & domos, & familias, atque omnia bona eorum in B. Petri, & Romanæ Ecclesie protectione, sicut a Domino nostro Papa Urbano statutum fuit, suspicimus.* Item in canone ultimo Concilii Claromontani anni 1095. editi apud Baluzium hæc habentur: *Et quia pleraque Galliarum regiones alimentorum inopia laborabant, interdictum est, treviam usque ad annos tres villanis, & mercatoribus esse continuam, militibus vero a quinta feria usque ad dominicam per singulas hebdomadas observandam; Clericis autem, & Monachis omnibus æque temporibus, ac primum peregrinis ad sacra loca tendentibus.* Similia leguntur in Concilio Rothomagensi anni 1096. can. 2., ex quibus fieri forte potuit, ut idem canon Urbano II. potius tribueretur. Unum adhuc adjiciam, memoratum canonem 20. Concilii Lateranensis inveniri quidem in editione Cossartii, at in editione Baluzii ad lib. 8. cap. 21. de concord. sacerdot. & imper. desiderari.

Lieet



Licet inter Urbani II. monumenta non facile reperiatur canon 37. cau. 24. qu. 3. Can. 37.  
cau. 24.  
qu. 3. imo potius congruere videatur scriptori alicui adversus schismaticorum sectas disputanti, quam Pontifici quidpiam per epistolam decementi, tamen ego non dubitaverim, quin recte Urbani ejusdem temporibus tribuatur, unde Urbani nomen illi adscribi potuerit. Nemo ignorat, illis temporibus frequentissimas fuisse excommunicationum sententias, præsertim adversus Enricianos, qui diutius Ecclesiam exagitabant. His proximi erant Ecclesiasticarum rerum invasores, simoniaci, concubinarij, quorum facinora turpem sæculi illius faciem reddiderunt. Interea vero, qui flagitijs detinebantur, aut Enricianis adhærebant, graviter de excommunicatoribus conquirebantur, asserentes aut se nihil, nisi mali speciem admisisse, aut etiamsi malum admiserint, non ideo ab Ecclesia esse expellendos, sed potius tolerandos, quam ob rem adferebant Sanctorum Patrum, præsertim Augustini testimonia, quibus demonstrabatur, in Ecclesia malos tolerari, nec omiserunt Christi Domini exemplum, qui non ex agro dominico voluit eradicanda zizania. Hujusmodi querimoniarum, ac disputationum exemplar insigne est in epistola Leodientium scripta circa annum 1107. adversus Paschalem II. Urbani II. successorem, quæ habetur apud Labbeum inter epistolas ejusdem Paschalis post septimam. Quoties hæc integra legatur, deinde cum ea conferatur memoratus canon 37., facile colligetur, canonem 37. ad quoddam illius temporis monumentum pertinere, quo Leodientibus excommunicatis, vel aliis hujusce generis hominibus responderetur, collectis Patrum sententiis, & exemplis ad demonstrandum, quo jure Ecclesia excommunicationis poena uteretur adversus improbos homines, quænam præterea essent observanda inter excommunicationem, eradicationemque discernimina.

Sententia canonis 6. cau. 25. qu. 1. convenit quidem cum aliis, et quidem egregiis Romanorum Pontificum monumentis, quorum multa in eadem causa & questione Gratianus commemorat, convenit præterea cum iis, quæ habentur passim apud Gelasium Pontificem Maximum, qui nihil adversus Acacianos antiquius habebat, quam formulas hujusmodi proponere, quo præter canonem 1. cau. 25. qu. 1., referri etiam potest canon 2. cau. 24. qu. 1. Sed minime legitur inter monumenta Urbani II. quæ huc usque edita proponantur. Ab eodem Pontifice abjudicandum esse eum canonem fidenter dicendum non est, cum nulla ad hanc rem possint esse argumenta; neque etiam tuto posset ille eidem Pontifici adscribi. Tantum ego dixero, nonnihil simile legi in epistola ejusdem Urbani ad Lucium Præpositum Sancti Juventii ibi: *Illud B. Petri respondemus obedire Deo oportet magis, quam hominibus; in quo exemplo notandum est, hominibus interdum obediri debere, sed magis Deo: hominibus quidem in his, quæ contra fidem, & religionem non sunt: quoniam cives Jerusalem legimus Babylonis civibus militasse, ut sanctum Joseph & socios Danielis: quorum primus stuprum dominae, sequentes vero idolatriam perhorrentes, Rempublicam & alienigenarum Principum strenue gubernaverunt. Et in Evangelio habes, cum eo, qui te angariaverit uno milliario, alia duo ambulare debere, & reddere quæ sunt Caesaris Cesari, & quæ sunt Dei Deo. Item Hieronymus super epistola ad Philippenses: Si Dominus ea jubet, quæ non sunt adversa scripturis sanctis, subjiciatur domino servus: si vero contraria præcipit, magis obediat spiritus, quam corporis Domino, & infra: Si bonum est, quod præcipit Imperator, jubentis exequere voluntatem: si malum, responde: obedire oportet Deo, magis, quam hominibus.* Can. 6.  
cau. 25.  
qu. 1.

Can. 1. De canone 1. cau. 31. qu. 2., ut Urbano II. Pontifici illum tribuamus, nos dubitare non sinit non solum Panormiz auctor, qui eadem verba retulit sub hoc titulo: *Judicium Urbani Papæ de filia Jordani*; verum etiam Ivo Carnotensis Urbano ipsi coævus, qui in parte 8. Decreti cap. 23. hæc habet: *Judicium Urbani Papæ de filia Jordani Principis: Si verum esse confiteris, quod nobis legati Jordani Principis retulerunt, scilicet quod ipse coactus, & dolens filiam suam infantulam, nolentem, sentem, & pro viribus renitentem, non assentientibus, sed valde dolentibus, matre, & parentela, Raynaldo Ridelli filio desponsaverit, quoniam canonum, & legum auctoritas talia sponsalia (ut infra ostenditur) non approbat, ne ignorantibus leges, & canones nimis durum, quod dicimus, videatur, ita sententiam temperamus: ut si Princeps cum assensu filię, matris, & parentelę, id quod coactum est, perficere voluerint, concedamus. Sin autem, legatus noster utraq; partes audiat, & si nihil fuerit ex parte supradicti Raynaldi amplius, quod impediat, ab ipso Jordane Sacramentum quod ita consensit. Hęc ut dicta sunt, accipiat: & nos canonum, ac legum scita sequentes, deinceps non prohibemus, quin alii viro si voluerit, prædicta filia ejus tantum in domino nubat. Fateor, canon iste inter editas Urbani epistolae non reperitur; sed nec omnia monumenta ad nos usque pervenerunt; & præ ceteris non maxima habenda fuit hujus monumenti ratio apud Collectores, cum de causis privatorum ibidem agatur. Ceterum & similia quædam in simili propemodum causâ definivit Urbanus in can. 3. cau. 31. qu. 2., item ad impediendos abusus, qui tunc temporis in hac materie irreperant, habemus editum canonem 13. Concilii Nemausensis temporibus Urbani II. celebrati ibi: *Puellulę usque ad duodecim annos non nubant.**

## CAPUT LXXXVI.

## De Paschali II.

Paschali II. Pontifici sequentes Canones apud Gratianum tribuuntur.

Ex Epist. ad Guidonem Archiepiscopum Viennensem. { Can. 1. cau. 14. qu. 2. a Successore Pontifice retractatus.

Addi potest (Can. 19. cau. 25. qu. 2. perperam adscriptus Gelasio I.

Ex Epist. ad Rheginum Episcopum. { Can. 5. cau. 30. qu. 3.  
Can. 5. cau. 30. qu. 4. { non dissonant a Paschalis II. temperibus, & disciplina.  
Can. 22. cau. 35. qu. 2.

Addi potest (Can. 1. cau. 30. qu. 4. ex memoratis Paschalis monumentis inter apocrypha recensendus.

Ex Epist. ad Victo-  
rem Episcopum Bo-  
noniensem.

Can. 9. cau. 16. qu. 1. plurimum convenit Paschalis II. tem-  
poribus.

Adjiciuntur

{	Can. 125. cau. 1. qu. 1.	{	conveniunt cum aliis Paschalis II., aliis
	Can. 14. cau. 1. qu. 3.		etiam ejusdem temporis monumentis.
	Can. 47. cau. 16. qu. 1.		Paschali II. jure tributus.
	Can. 16. cau. 16. qu. 7.	{	referendi ad Trecentse Concilium anno 1107. celebratum.
	Can. 17. cau. 16. qu. 7.		
	Can. 18. cau. 16. qu. 7.		
Can. 19. cau. 16. qu. 7.			
Can. 18. cau. 18. qu. 2. incertæ admodum auctoritatis.			

**P**ervenit tandem ad ipsum Gratiani sæculum, scilicet sæculum Ecclesie duodeci-  
mum, cujus initio & Gratianus vivebat, & summum Pontificatum gessit Pas-  
chalis II., eo cæpto ab anno 1099., protractoque usque ad annum 1118., utinam  
vero in hac ipsa ætate multo accuratiorem Gratianum intrueretur! Verum, quod  
ludendum est, eo tempore, ipso etiam vivente Pontifice, falsarii plures extiterunt,  
qui sub nomine Paschalis comminisci decreta, & epistolas minime dubitaverunt,  
unde concertationibus inopportunitis datam fuisse occasionem, perspicue demonstrat  
Baluzius in notis ad Gratianum ad canonem 53. cau. 2. qu. 7. Sane epistolæ,  
quæ sub Paschalis II. nomine præferuntur, plurimæ numero sunt, atque ex illis  
nonnullæ apud Labbeum referuntur, quibus aliquot addidit Mansus una curans,  
ut singulæ, quoad fieri posset, ad sua tempora referrentur. Ego Gratianum ex  
proposito sequar, postquam initio præmonuerim, eundem Paschalem Pontificem  
variis temporum, & locorum vicissitudinibus agitatum fuisse, aliquando etiam in  
grave discrimen adductum maxime laboravisse, quemadmodum universi historici  
scriptores testantur; neque enim adhuc res Ecclesiasticæ jamdiu Prædecessorum tem-  
pore turbatæ firmam ubique obtinere potuerunt tranquillitatem.

## De Epistola ad Guidonem Archiepiscopum Viennensem.

Ex Dacherii Spicilegio edidit Venetus Labbeani codicis typographus num. 80.  
epistolam Paschalis II. ad Guidonem Viennensem Archiepiscopum, quæ habetur  
apud Gratianum in can. 1. cau. 14. qu. 2. his verbis: *Paschalis Episcopus, Servus*  
*Servorum Dei Venerabili Fratri Guidoni Viennensi Archiepiscopo Sedis Apostolicæ le-*  
*gato salutem, & Apostolicam benedictionem. Super prudentia tua plurimum admirorur,*  
*quod in negotio Ecclesiæ B. Stephani Clericorum ipsorum testimonium acceptare nolueris,*  
*cum B. Gregorius in hujusmodi causis Ecclesiarum auctoribus (legunt alii, sorte, etiam*  
*melius, adioribus) probationem imponat. Diversæ namque sunt in causarum auctoribus*  
*species, nec in omnibus causis crimina agitantur. In criminibus siquidem accusatorum,*  
*testium illa distinctio observanda est, quæ canonibus continetur, ne qui ad probationem do-*  
*meistici assumantur. Ceterum in possessionum, vel ceteris hujusmodi negotiis, bi potissimum*  
*assumendi sunt, qui eadem negotia tractaverunt, de quorum visu, & auditu hæsitatio esse*  
*non debeat. Si ergo iidem Clerici idonei sunt, ab assertionem causæ illius nullatenus re-*  
*pel-*

Can. 1.  
cau. 14.  
qu. 2.

pellantur, sed sicut aliis literis deliberatum est, inter Sancti Johannis, & Sancti Stephani Canonicos, lis illis plenius decidatur. Cesset jam malitia zelus, & dolositatis cavillatio, & prædilatam Ecclesiarum negotium juxta literarum tenorem omnimodis peragatur. Alioquin ad præsentiam nostram parati prorsus, & instructi proximo quadragesimalis Concilii tempore revertantur. Datum Troje 6. Kalendas Septembris indictione VIII. Non inutile etiam erit hic referre aliam Paschalis ad eundem Guidonem Legatum Apostolicæ Sedis epistolam, quæ apud Labbeum est numero 79., quæque ad eandem Ecclesiæ Sancti Stephani causam pertinet, his verbis: *Controversiam, quæ inter Bisuntinos Canonicos, & Sancti Stephani tanto jam tempore voluta, & revoluta est, canonico nunc tandem judicio apud nos noveris esse decisam. Præcipimus igitur sollicitudini tuæ, ut pro hoc negotio peragendo, & tanti scandali lite sedanda, adhibitis tecum sapientibus, & religiosis fratribus, vel Divionum, vel ad alium competentiore locum convenias, quo possint sine gravamine personas sibi necessarias adducere, ut omnium partium animositate seposita ita sincere, ita liquide judicii hujus perfectionem accipias, quatenus inter eos nulla ulterius hujus rei lis, aut querela remaneat. Testes autem hujus questionis probatores, quia de capite Parochiæ causa gravius agitur, quinque sint, sive Clerici, sive laici, qui secundum canonicas sanctiones de visu, & auditu testimonium proferant. Eadem epistolæ habentur etiam inter acta Concilii Trenorciensis celebrati anno 1115. a Guidone Viennensi Archiepiscopo, & Sedis Apostolicæ Delegato, immo & illa epistola, quæ incipit *Controversiam* fufius describitur, ex qua propterea quo tota disputatio pertineret, facile colligi potest: nam post illa verba nuper relata moveris esse decisam, ita prosequitur: Cum enim & illi, videlicet Canonici S. Johannis, per multos jam annos Episcopalem Sedem in Ecclesia sua permansisse perbiberent, & illi contra, videlicet Canonici S. Stephani, suam Ecclesiam matrem esse, quibusdam privilegiis, & præceptis assererent, sed per occasionem destructionis Ecclesiæ suæ cathedram ab ea remotam conquerebantur, juxta Chalcedonensis decreta Concilii communi fratrum nostrorum consensu judicatum est, ut si Canonici B. Stephani testibus idoneis probare potuerint, quod post reintegrationem Ecclesiæ suæ infra annos triginta super querela hac questionem fecerint, per quam illorum videatur interrupta rentio, videlicet vel ante Antistitem suum, vel ante Legatum nostrum in communi audientia: hac probatione perfacta, privilegia eorum proprium robur obtineant, & Episcopalis Sedes in posterum apud B. Stephani Ecclesiam habeatur; alioquin Canonici B. Johannis ab hac querela liberi maneant, & Episcopalem Sedem, sicut tenuerunt, teneant. Sane in hac negotii executione nihil eis impediat illa excommunicationis diuturnitas, quam a Fraternitate tua pro hoc negotio passi sunt. Præterea Canonici B. Stephani Ecclesiæ suæ munimenta detineri a Canonicis S. Johannis conquesti sunt. Item Canonici S. Johannis, quædam usualia sibi ab eis subtrahita clamabant. Judicatum est ergo, ut & istis omnino Ecclesiæ munimenta reddantur cum vino, & præbenda mansionarii, & illi rerum corporaliū restitutionem recipiant, idest vini, carnis, & cere. Præcipimus igitur sollicitudini tuæ &c. ut supra usque ad illa verba testimonium proferant, post quæ, adhuc ista erunt adadjicienda: Plane hujus judicii executionem usque in assumptionem proximam B. Mariæ perfici, consummarique præcipimus. Interim processiones, vel officiorum celebrationes, quæ ab alterutra solent Ecclesiæ exhiberi, mutuo secundum consuetudinem persolvantur. Datum Laterani X. Kalendas Maji. Hinc itaque adparet circa annum 1115. exortam fuisse concertationem inter duas Ecclesias in urbe Vesonionensi sitas de jure primatus, quarum una erat S. Johannis, altera S. Stephani titulo insignita. Utraque se Cathedrali-*

thedralem Ecclesiam, & principem esse dicebat, quod Episcopalis Sedes modo in una, modo in altera collocata fuisset. Caussam hanc Paschalis Papa dirimendam primum voluit a Guillelmo Vefontionensi Episcopo, deinde ipse decreto suo absolvit, definiendo penes Canonicos B. Stephani Ecclesiam Cathedralam habendam esse, quoties testibus probaretur, infra annos triginta super ea querela quæstionem fuisse factam adversus Canonicos B. Johannis. Interea vero Paschalis eam probationem per testes faciendam mandavit, aut coram Ordinario, aut coram Apostolico Delegato. Legatione functus est Pontificia Guido Viennensis Episcopus, qui convocato in eam rem Concilio apud Trenorcium testes examinavit, quotquot a Canonicis B. Stephani producti fuerant, quorum tamen plurimos rejciendos voluit, quod eidem Ecclesiæ B. Stephani deservirent; proptereaque favore Canonicorum B. Johannis sententiam pronunciavit. Id placere non potuit Paschali Pontifici Maximo, qui eam ob rem memoratas literas de rejeclis testibus dedit ad Guidonem, quem admodum haberetur apud Gratianum. Non tamen hic res constitit: nam mortuo Paschali Papa, ubi summum Pontificatum obtinuit idem Guido Viennensis Episcopus sub nomine Callisti II., in primis plura favore Monasterii B. Johannis privilegia confirmavit, & consuetudines adseruit etiam adversus Canonicos B. Stephani, ut liquet ex epistola 13. in collectione Labbeana, & anni 1120.; deinde in epist. 14. scripta ad Ansericum Archiepiscopum Bisuntinum, & Canonicos S. Johannis eo progressus est, ut sui Prædecessoris factum, quod subreptionis vitio laborare professus est, retractaret, ita exorsus: *Decessorum statuta sicut legitima, & justa successorem convenis custodire, ita etiam debet malefacta salubri provisione corrigere. Ea propter nos subreptionem illam, que Domino Prædecessori nostro sanctæ memoriæ Paschali Papæ a Clericis S. Stephani de maternitatis judicio facta est, ad veritatis, & justitiæ curavi-mus ordinem revocare &c.*

Hic interea paullisper subsistendum puto, quod in prioribus memoratis Callisti II. verbis facile demonstro verba canonis 19. cau. 25. qu. 2., quæ jam suo loco dixi Con. 19.  
cau. 25.  
qu. 2. perperam fuisse Gelasio Magno tributa. Sunt enim illa Callisti II. Pontificis, atque ad causam Canonicorum S. Johannis, & Canonicorum S. Stephani, de qua huc usque sermonem habui, pertinentia, quamobrem canonem illum huc referendum esse non prorsus immerito censui.

Revertor in viam. Callistus II. in laudata epist. 14. enarravit, jamdiu inter Canonicos S. Johannis, & Canonicos S. Stephani agitatam fuisse controversiam *super Episcopali Cathedra, & Ecclesiastica maternitate*; allegantibus ex una parte Canonicis S. Stephani, Ecclesiam suam matricem antiquitus extitisse, sed propter ejus destructionem Episcopos ad Ecclesiam S. Johannis secessisse: ex altera parte Canonicis S. Johannis contendentibus, usu se jura Cathedralis, & Matricis Ecclesiæ cepisse, quasi longa possessione. Præterea enarravit Callistus, se jampridem, dum Viennensem Episcopatum teneret, vice Apostolica celebrato Episcoporum plurimum conventu controversiam diremisse, ac favore Canonicorum S. Johannis sententiam in Concilio pronunciasse. Post hæc prosecutus Callistus, retulit Canonicos S. Stephani fraude facta clanculum Romam provocavisse ad Apostolicam Sedem, ubi Paschalis Papæ animus ita circumvenerunt, ut persuaderent nihil eo usque fuisse discussum, sed integram adhuc controversiam pendere; atque ita jam Curiam eorum figmentorum suorum fallacis, & assentionum blandimentis asperserant, ut aliis nullum in ea locum habentibus, ipsi scriptum Maternitatis acceperint. Insuper retulit, Paschalem

Paschalem conscium de re gesta apprimè factum vehementius doluisse, ac facultatem concessisse Episcopo Bisuntino, ut in quacumque vellet Ecclesia, seu S. Johannis, seu S. Stephani Episcopalia perageret. Tandem ex integro controversiam omnem a se retractatam adfirmans revocavit scriptum favore Canonicoꝝ S. Stephani a Prædecessore datum declarans, jura Episcopalia Ecclesiæ S. Johannis competere; quod etiam firmatur subsequētibꝫ epistolis 15. & 16., quæ commodè apud Labbeum legi possunt, ut magis, ac magis res in aperto collocetur. Itaque adparet ex his, qua ratione interpretari debeamus memoratum Gratiani canonem 1. cau. 14. qu. 2., cujus sententia visa fuit a successore Pontifice Maximo quodammodo retractata. Unum adhuc adjiciendum puto, quod ex hac usque traditis facile colligitur; nimirum epistolam Paschalis ad Guidonem, cujus fragmentum apud Gratianum legitur, non posse referri ad annum 1100. quod in sua Syntaxi Chronologica epistolarum Paschalis II. tradidit Mansius, laudabili ceteroqui labore, cum videatur epistola data circa tempora Concilii Trenorciensis, ac propterea circa annum 1115.

## De Epistola ad Rheginum Episcopum.

Tres apud Gratianum canones legimus sub nomine Paschalis II. ad Rheginum Episcopum scribentis, nimirum canonem 5. cau. 30. qu. 3., canonem 5. cau. 30. qu. 4. & canonem 22. cau. 35. qu. 2. His ego jungendum putavi, quem inter monumenta Nicolai Papæ, utut illis adscribat, recensere nolui, canonem 1. cau. 30. qu. 4. iste enim canon 1. ex aliis memoratis Paschalis Papæ fragmentis tanquam *omnino apocryphus* reputatur. Legitur quidem ipse apud Ivonem Carnotensem in parte 1. cau. 35. cap. 137., nec non in cap. 35. partis 9. sub nomine Nicolai ad Salomonem Episcopum Constantiensē scribentis; verum religio & fides Ivonis non satis me liberat suspitione, non tam quod nihil late inter edita Nicolai monumenta legam, quam quod resistat Paschalis Papæ Rhegino Episcopo rescribentis auctoritas. Quæsi verat Rheginus Episcopus, num mortua uxore, superstes maritus defunctæ uxoris comatrem posset sibi conjugio jungere. Respondit Paschalis id *nulla videri auctoritate vel ratione prohibitum* in dicto can. 5. cau. 30. qu. 4. Quomodo vero ita rescriptisset Paschalis, si tum notum esset Nicolai rescriptum initio ejusdem causæ & quæstionis apud Gratianum exhibitum; ne forte dicamus aut nullam fuisse Nicolai auctoritatem penes Paschalem, aut monumenta Nicolai Papæ ad Paschalis usque ætatem minime pervenisse, quando tamen non diuturnum tempus a Nicolao interfuxit ad Paschalem. Erant quidem temporibus Nicolai interdictæ nuptiæ inter eos, qui compadres, comatresque spirituales appellabantur; quod idem Nicolaus in suis responsis ad Bulgaros tradidit can. 1. cau. 30. qu. 3., at ne leve quidem vestigium est ulterius productæ disciplinæ, qua fieret, ut hæc spiritualis cognatio ad finitatis legibus subiceret, quemadmodum subjacet consanguinitas. Controversiæ istæ circa finem undecimi tantum, aut initio duodecimi sæculi prodierunt, quo tempore non ignoramus, fuisse de cognationum juribus ad finem impediendi matrimonii acerrime disputatum. Neque pepercerunt, qui disputabant, effingendis Maximorum Pontificum decretis, sententisque, quibus opinionem suam quasi in tuto collocarent. Atque inter ista non injuria r. cenfeo memoratum canonem 1. cau. 30. qu. 4., cui effingendo verosimilem præbebat occasionem epistola quædam Nicolai I. data Salomoni

moni Episcopo Constantensi in causa Ludovici Germanici Regis, in qua nonnulla de injustis ejusdem nuptiis tradita fuerunt.

Sic paucis expeditus a canone Nicolao Pontifici adscripto, ad alia accedo, quæ Paschali Pontifici tribuuntur. Romani Correctores ad canonem 5. cau. 30. qu. 3. jam observaverunt, epistolam Paschalis ad Rheginum fere integram legi apud Anselmum, atque apud Polycarpum hoc ordine: nimirum ut primum legatur canon 5. cau. 30. qu. 4., deinde canon 5. cau. 30. qu. 3., postremo canon 22. cau. 35. qu. 1. Ego non dubito de hujus epistolæ veritate, tanquam ejus, cujus meminerunt Collectores Paschali II. cœvi. Dixero tamen, Anselmum Lucensem atate Paschalis jam obiisse, proptereaque nisi collectionem ipsam ab Anselmo abjudicemus, necessario concludere oportebit, eam epistolam recentiore manu Anselmi collectioni adjectam fuisse; cum autem recentior eadem manus Gratianeam collectionem anteverterit, utpote quam Gratianus secutus est, non dubito, quin Paschalis II. temporibus eidem epistola addi Anselmi collectioni potuerit, ac proinde additamentum in ipsa tempora Paschalis inciderit. Neque vero aliquid in eisdem monumentis occurrit, quod minus ad commodatum disciplinæ illius sæculi videatur. Etenim in primis canon 5. cau. 30. qu. 3. comparat filios ex baptismo susceptos, filiis adoptione quæsitis, ita, ut quemadmodum adoptio matrimonia impedit inter naturales liberos, atque adoptivos, sic etiam spiritualis quædam filiorum susceptio inter spirituales, naturalesque filios conjugia prohiberet. Quis autem ignorat, has fuisse non tantum Ecclesiasticorum Patrum, sed etiam veterum Principum tales nuptias prohibentem sententias? quemadmodum etiam ratiocinabatur inter ceteros. Nicolaus I. in can. 1. cau. 30. qu. 3. Deinde in can. 5. cau. 30. qu. 4. declaravit Paschalis, cognationem spiritualement adfinitati non subijci, uti subijcitur consanguinitas, quod sane receptis Ecclesiasticæ disciplinæ principiis minime adservabatur. Nimirum ipsa exempla adoptionis, quæ facile accommodabantur, ut diximus, cognationi spirituali, id ipsum facile, & sine discrimine evincebant; præsertim, quod nulla veterum auctoritas intercederet, quin amplius facessere negotium possit memoratus canon 1. cau. 30. qu. 4. quem ob eam rationem perperam Nicolao Pontifici adtributum fuisse nuper scribebam. Imo eidem firmandæ disciplinæ commode accedere huc potest canon 47. Concilii Triburiensis ita conceptus: *Qui spiritalem habet compatrem, cujus filium de lavacro sacri fontis accepit, & ejus uxor commater non est, liceat ei defuncto compatre suo ejus viduam ducere in uxorem, si nullam habent consanguinitatis propinquitatem.* Demum quod spectat ad canonem 22. cau. 35. qu. 2., consonat ipse germanis, quæ jamdiu stabilitæ erant, regulis adfinitatum, quibus cavebatur, ut non solum inter consanguineos a nuptiis abtineretur; verum etiam vir abtineretur a ducenda defunctæ conjugis consanguinea, sicut uxor abtineretur a conjugio cum defuncti conjugis consanguineo celebrando.

## De epistola ad Victorem Episcopum Bononiensem.

Ex collectione Anselmi primum etiam repetitur canon 9. cau. 16. qu. 1. tributus Paschali II. ad Victorem Bononiensem Episcopum scribenti. Verum ex iis, quæ superius jam dicta sunt, liquet collectioni Anselmi posteriore manu eundem canonem fuisse adjectum, cum ante Pontificatum Paschalis vita jam functus fuisset

Can. 9.  
cau. 16.  
qu. 1.

Item, III.

N n n

Ansel-

Anselmus. Ego sane affirmare non possum, jure optimo canonem Paschali adscribi, cum inter edita Paschalis ejusdem monumenta minime reperiat, cum præterea Victoris Bononiensis Episcopi nomen non adpareat inter monumenta Ecclesiastica illius ætatis. Dixero tamen, quod in eodem canone traditur, convenire admodum canonibus numero plurimis eo tempore constitutis; nimirum contentiones tunc acerrimæ fuerunt inter Clericos, & Monachos de Sacramentorum administrationibus, Monachis passim Ecclesiastica officia sibi vindicantibus, & quamquam, ubi Episcopi id in Diocæsisbus permisissent, res nullam dubitationem haberet, rejeçti tamen Monachi ab eisdem muneribus frequentissime fuerunt, quoties ipsi propria auctoritate eam sibi potestatem adferrent. Idipsum etiam de decimarum jurbus passim constitutum est; nemo enim ignorat, undecimo Ecclesiz sæculo decimas ex concessione Episcoporum, Maximorumque Pontificum pluribus in locis Monasteriis fuisse donatas, ut tandem aliquando a Laicis auferrentur, qui easdem pridem occupaverant, & viris Ecclesiasticis, quasi non sitis tunc officio suo fungentibus denegaverant. Ita ad eam rem scribit Ivo Carnotensis in epistola 192. ad Monachos Columbanenses. *Abbatēs, & Procuratores Monasteriorum aliquas decimas, quæ jure pertinent ad dispensationem Episcoporum, Monasteriis suis adquisierunt ... Licet enim decimæ, & oblationes principaliter Clericali debeantur militia; potest tamen Ecclesia omne, quod habet, cum omnibus pauperibus habere commune. Quanto magis cum his pauperibus, qui relictis facultatibus propriis non in angaria bajulantes Christi crucem sequuntur pauperem Christum? Est tamen, in quo Abbatibus, & Præpositis Monasteriorum parcendum esse non æstimō, si ab illis, ad quos non pertinet, idest a laicis decimas, & oblationes accipiant, si inordinate eas a quibuscumque personis adquirant, si terminos transgrediantur antiquos, idest si stipendia Presbyterorum antiquitus instituta minorent, ac sibi usurpent. Ut vero canones illos in medium producam Paschalis II. temporibus editos, quibus nonnulla similia cum sententia memorati canonis 9. continentur, in promptu est canon 38. Concilii Strigoniensis anni 1114. apud Mansium ita conceptus: *Abbatēs mitram, sandalia, nodum ante cappam non habeant, vel cetera insignia, neque baptizent, neque penitentiam dent, neque ad populum sermonem faciant.* Huic similis est canon Concilii Lateranensis paulo post Paschalis II. obitum celebrati sub Callisto II. anno 1123. num. 17. ibi: *Interdicimus Abbatibus, & Monachis publicas penitencias dare, & infirmos visitare, & unctiones facere, & missas publicas cantare. Chrisma, & oleum, consecrationes altarium, ordinationes Clericorum ab Episcopis accipiant, in quorum Parochiis manent.* Huic etiam pertinent canones 6. 10. & 11. Concilii Pictaven- sis celebrati sub Paschali II. anno 1100. ibi: can. 6. *Ut nullus Abbatum utatur cboro- teis, sandaliis, annulo, nisi quibus fuerit per privilegium a Romana Ecclesia concessum.* Can. 10. *Ut Clericis Regularibus jussu Episcopi sui baptizare, predicare, penitentiam dare, mortuos sepelire liceat.* Et can. 11. *Ut nullus Monachorum parochiale ministerium presbyterorum, idest baptizare, predicare, penitentiam dare præsumat.* Facere etiam posset ad eandem rem epistola Paschalis II. 75. ad Pontium, & Cluniacensem Abbatem, ubi postquam Sanctus Pontifex retulit, temporibus Berardi Matificensis Episcopi inter Monachos, & Episcopum eundem omnia quiete, pacificeque ordinata fuisse, conqueritur deinde, quod illi post Episcopi ejusdem obitum sibi jura quædam Episcopalia temere vindicassent. Adde, si lubet, canonem 6. cau. 16. qu. 2. qui pertinet ad Claromontanum Concilium sub Urbano II. celebratum paulo ante, quam Paschalis II. summum Pontificatum consequeretur: adde demum duos canones 15. & 16.*

Con-



Concilli Romani sub Urbano II., & anni 1099., quo ipso anno Paschalis II. ad Pontificatum evectus est; sunt autem his verbis concepti: Can. 15. *Nullus laicus decimas suas, aut Ecclesiam, aut quidquid ecclesiastici juris est sine consensu Episcopi, vel Romani concessionem Pontificis, Monasteriis, aut Canonicis offerre presumat. Quod si quis Episcopus improbitatis, & avaritiæ causa consentire noluerit, Romano Pontifici nuntiatur, & ejus licentia quod offerendum est, offeratur.* Can. 16. *Nullus Abbas, nullus Ecclesiarum Praepositus quæ juris sunt ecclesiastici, a laicis accipere sine Episcopi concessionem presumat.* Ex quibus omnibus satis arbitror demonstratum, canonem 9. cau. 16. qu. 1., & si forte indicari non possit, quoniam singulari ex monumento decerptum sit, tamen Paschali II., & ejusdem temporibus plurimum convenire.

## De ceteris canonibus Paschali adscriptis.

Superfunt adhuc nonnulla Paschalis II. monumenta, quæ aut apud Collectores Can. 125. alios perierunt, aut ad alios auctores pertinent, ideo vero Paschali adscripta, quod cau. 1. temporibus ejusdem Papæ in variis Episcoporum Conciliis edita fuerint. Hujusmodi sunt in primis canon 125. cau. 1. qu. 1., & canon 14. cau. 1. qu. 3., quorum equidem verba in ipsis Paschalis epistolis desiderantur, sed sententia aut maxime congruit ejusdem Pontificis ætati, aut in canonibus illius temporis Conciliorum facile continetur. Pertinet illa ad improbandam simoniz labem, item ad redarguendam vim, quæ in beneficiorum ecclesiasticorum, præsertim majorum, concessionibus intervenire solebat, quemadmodum apprime norunt quotquot in historia illius sæculi vel leviter versati sint. Cum vero ea res non modicis contentionibus esset obnoxia, unde gravia & ipse Pontifex pati incommoda debuit, mirum non est, si sancti Viri scripta eo colimantia non ad nos usque pervenerint; quamobrem curandum est, ut similia quædam adhuc adferantur, ex quibus Paschalis sententia in tuto collocetur. Profecto cum memorato canone 125. plurimum consonat epistola Paschalis 3., 41., & 42. ad Anselmum Cantuariensem in Veneta editione Labbei, ubi sane Episcoporum electiones libere, nec vi adhibita faciendas esse traditur. Eo etiam referri possunt canones aliquot non longe diffusi ad ætatem Paschalis; inter quos memoratur canon 4. Concilii Tolosani anni 1119., ubi qui bona Ecclesiarum regulariter ordinari non patitur, ita damnatur, ut *ab Ecclesiæ liminibus tanquam sacrilegus arceatur*; & canon 4. Concilii Lateranensis anni 1123., in quo ejusdem criminis reus ut *sacrilegus judicatur*. Item cum memorato canone 14. plurimum consonat canon 9. Concilii Pictavenensis sub Paschali II. celebrati anno 1100. ibi: *Ut neque Clerici, vel Monachi per pecuniam Altaria, vel decimas a laicis, vel quibuslibet personis sibi adquirant, similiter sub excommunicatione interdicimus.* Romani Correctores etiam adnotaverunt, verba illius canonis eadem esse, cum verbis canonis 3. cau. 1. qu. 1., ad quem videre quisque poterit, quod de eo superius tradidi, junctis etiam ad illum Romanorum Correctorum adnotationibus, quibus canon ipse ad varia veterum Conciliorum capita exigendus porrigitur.

Canon 47. cau. 16. qu. 1. inter edita Paschalis II. monumenta desideratur: Can. 47. tantummodo nonnulla similia sub ejusdem Pontificis nomine leguntur apud Gregoriorum in cap. 2. de decimis, & uberius in Collectione 1. Decretalium cap. 7. cau. 16. 9<sup>th</sup>. 1.

eod. tit. his verbis: *Novum genus exactionis est, ut Clerici a Clericis frugum decimas, vel animalium exigant; nusquam in lege Domini hoc præcipi legimus, aut per-  
mitti; non enim Levitæ a Levitis decimas accepisse, vel extorxisse leguntur. Illi pro-  
fesso Clerici, qui a Clericis spiritualium ministeriorum labores accipiunt, decimas eis  
debent. Ceterum quoties memoratus canon 47. exigendus sit ad Constitutiones aut  
ab eodem Paschali II., aut ejusdem Paschalis II. temporibus editas, facile in me-  
dium ea producentur, unde colligatur, canonem illum jure optimo tenere Levitarum tri-  
butum fuisse. Tres canon ille partes habet: nimirum in prima agitur de obliga-  
tione decimarum Sacerdotibus, ac Levitis persolvendarum; in secunda de exem-  
ptione Monachorum, ac Clericorum communem vitam ducentium a decimis præ-  
statis; in postrema Gregorii Magni sententia explicatur. Sane quod ad primum  
attinet, extat egregium monumentum Paschalis II. apud Gerohum Præpositum  
Reicherspergensem in psalmum 64. editum apud Baluzium lib. 5. Miscellaneo-  
rum pag. 188., & apud Mansium in tom. 2. Supplementi Labbeani pag. 171.,  
atque in illo traditur, Sacerdotes novæ legis locum quodammodo tenere Levitarum  
antiquæ legis, ut quemadmodum olim Levitis, ita Sacerdotibus hodie decimæ per-  
solvantur, his verbis: *Clericorum ordinem in Ecclesia tribus Leviticæ locum tenere,  
& apostolicæ dignitatis jura servare, & officia gerere nemo sanum sapiens dubitat.  
Unde certum est, eos Levitarum, & Apostolorum regulas, & vitas imitari debere;  
quorum noscuntur locum tenere, dignitatem habere, & officia gerere. Quæ enim lex  
Levitis; & quæ a Domino regula datur Apostolis, hæc eadem Catholicis pariter Cle-  
ricis usque in finem mundi vices eorum suppletibus indita nequaquam ambigitur. Ecqui-  
dem quod Levitis interdicitur adhuc in umbra gradientibus, quomodo nobis conceditur  
jam in veritate persistentibus, cum multa legamus illis fuisse concessa, quæ nobis præcul  
dubio sunt prohibita? Aaron itaque, & filius ejus, ceterisque Levitis a Domino dicitur,  
In terra filiorum Israel nihil possidebitis, nec habebitis partem inter eos; ego enim pari,  
& hereditas vestra in media filiorum Israel, & paulo post subsequitur: *Filiis Levi  
dedi omnes decimas Israelis in possessionem pro ministerio, quo serviunt mihi in taberna-  
culo fœderis: & de eisdem post pauca: nihil aliud possidebitis, decimarum oblatione  
contenti, quas in usus eorum, & necessaria separari. . . Hæc Levitis, & Apostolis  
mandata sunt. Utrisque una regula, & eadem lex præcipitur. Qui ergo alis re-  
gula, & lege ista tenentur, nisi Clerici, qui Levitarum Domini, & Discipulorum  
Christi locum tenent, ministerium implent, vices servant, ordines habent? Quod spe-  
ctat ad secundam partem, plurimum facit canon 62. Concilii Strigoniensis anni  
1114. celebrati temporibus Paschalis in illis verbis: *Decretum est, & sancti Con-  
cilii sancitum est auctoritate, ut de propriis horreis, seu cellariis, aut quolibet Monaste-  
riorum, & Ecclesiarum, & omnium, qui in Clero sunt, decimæ non exigantur, ex-  
cepta quarta parte parochiani Presbyteri. Quod demum nomine Gregorii Magni in  
postrema canonis parte describitur, referendum est ad celebrem illam epistolam ejus-  
dem Pontificis ad Augustinum Anglorum Episcopum cap. 2., de quo jam agen-  
dum fuit ad canonem 8. cau. 12. qu. 1.****

Can. 16. Non aberravit a veri specie Baluzius ad canonem 16. cau. 16. qu. 7., cum tra-  
17. 18. didit, putare se, illum conditum fuisse in Concilio Trecensi, cui Paschalis II.  
19. præfedit; addens, ad illud ipsum Trecense Concilium videri pertinere, etiam tria  
cau. 16. capita, quæ sequuntur, videlicet canones 17., 18., & 19. Sane quotquot Scrip-  
qu. 7. tes de Concilio Trecensi anno 1107. celebrato mentionem fecerunt, universi te-  
stati

stati sunt, ea omnia ibidem decreta fuisse, quæ in memoratis Gratiani canonibus continentur. Perierunt hodie illius Concilii acta, tantum nonnullæ actorum reliquæ superfuere, unde vix Gratianeorum canonum verba ad alios codices exigiquoquo modo possunt: interea tamen non dubito, quominus eorum per omnia consistat auctoritas. Etenim si in primis consideremus canonem 16., scribit Urspergensis in Chronico ad annum 1107. latam fuisse in Trecenti Synodo sententiam de libera Pastorum electione, & de coercenda laicorum in ecclesiasticis dignitatibus presumptione. Aptius Crantzius lib. 3. cap. 33. inquit: Paschalis autem Pontifex tum in Gallis apud Trecentas habuit generale Concilium, in quo inter alia decretum est, quod nemo investituram alicujus beneficii, aut ecclesiasticæ dignitatis a manu laica excipiat, quoad usque hæc questio inter Papam, & Regem synodali ter terminaretur. De eadem re scripsit Paschalis ad Rothardum Archiepiscopum Moguntinum utens canonibus vulgo Apostolorum, & sententia Concilii Antiocheni, quemadmodum liquet ex epistola, quam edidit Martene veterum monumentorum tom. 1. pag. 616., cujus in fine hæc leguntur: Nos quoque Sanctorum Patrum constitutiones sequentes cum fratribus nostris in Trecenti Concilio statuimus, ut quicumque Clericorum de hac hora investituram Ecclesiæ, vel ecclesiasticæ dignitatis de manu laici acceperit: & qui ei manum imposuerit, gradus sui periculo subjaceat, & communione priuetur. Nemo statim non agnoscit in his verbis memoratum canonem 17. cau. 16. qu. 7. Huc quoque pertinet, quod dicitur in alia Paschalis epistola ad Reinhardum Episcopum Halberstadensem apud laudatum Martenium pag. 618. ibi: Statutum est in Trecenti Concilio, ut si quis ex manu laica Ecclesiæ investituram acceperit, tam ipse, quam ordinator ejus deponatur, & a communione removeatur. Idem Martene in tom. 7. monumentorum ex MS. S. Germani a Præcis nonnullos edidit Trecenti Concilii canones, quorum primus hic est: Qui ab hac hora investituram episcopalem, seu aliquam spiritalem dignitatem a laicali manu susceperit, si ordinatus fuerit, deponatur, simul & ordinator ejus. De canone 18. cau. 16. qu. 7. præter ea, quæ Romani Corrodores observaverunt, illud notandum est, quod deducitur ex epistola Richardi Albanensis Episcopi, & Sedis Apostolicæ Legati, quæ habetur inter acta Concilii Claromontani anni 1110. ibi: Dominus Papa Paschalis in Concilio Trecenti omnes eos excommunicavit, qui pacem violarent, & præcipue eos, qui res ecclesiasticas usurparent, vel personas in aliquo iniuste læderent; ut nec in vita, nec in morte Ecclesiæ communionem haberent, nisi aliqua satisfactione prius resipiscerent &c. Eadem fere constituta leguntur in Concilio Pictavensi anni 1124. sub eodem Paschali II. celebrato can. 14. & 15. ibi: Ut nullus laicorum de oblationibus, quæ offeruntur, vel donantur ad Altaria, sive ad manus Presbyteri, ut quod pro sepultura fidelium devote donatur, presumat participare, sub excommunicatione interdicimus. Ut nempe advocatus, vel quæcumque persona res Episcopi, sive in vita, sive post mortem sibi vindicare presumat. Quod si fecerit, anathema sit. Denum verba canonis 19. cau. 16. qu. 7. non leguntur quidam ipsa in illis, quæ supersunt, Trecenti Concilii latinis, sed tamen facile ad illius Synodi sententias rediguntur; eos, nimirum, ut intelligatur res ecclesiasticas a nemine diripiendas fuisse, nec Ecclesiæ dividi quoquo modo videretur. Huc referri potest Capitulum quoddam Concilii Guastallensis a Paschali II. celebrati, & quidem edicam apud Labbeum ad annum 1106. ita conceptum: Jamdiu a pravis hominibus tam clericis, quam laicis Catholica est Ecclesia conculcata, unde plura temporibus nostris sublimata, & hostes præcesserunt. Nunc autem per Dei gratiam, hujus nequitia

sic deficientibus auctoribus in ingenuam libertatem resurgit. Unde providendum est, ut horum scilicet causæ penitus abscondantur. Patrum ergo constitutionibus consentientes, Ecclesiarum investitura a laicis fieri omnino prohibemus. Siquis autem hujus decreti temerario extiterit, tanquam maternæ injuriæ reus, Clericus quidem ab ejusdem dignitatis consortio repellatur, laicus vero ab Ecclesiæ liminibus arceatur. Porro Trescenti Patres in eo canone, qui apud Gratianum laudatur, imitati quoquo modo videntur verba S. Augustini in enarratione 2. in psalmum 21. ita scribentis: *Diviserunt sibi vestimenta mea: vestimenta sua, Sacramenta ipsius: Attendite, fratres, vestimenta ipsius, Sacramenta ipsius poterunt dividi per hereses, sed erat ibi vestimentum, quod nemo divisit. Et super vestimentum meum miserunt sortem. Erat ibi tunica, dicit Evangelista, desuper texta. Ergo de celo, ergo a Patre, ergo a Spiritu Sancto. Quæ est ista tunica, nisi caritas, quam nemo potest dividere, quæ est ista tunica, nisi unitas? In ipsam fors mittitur, nemo illam dividit: Sacramenta sibi heretici dividere potuerunt, caritatem non diviserunt: & quia dividere non potuerunt, recesserunt, illa autem manet integra. Sorte obvenit quibusdam, qui habet hanc, securus est. Nemo illam movet de Ecclesia catholica. Et si fors illam incipiat habere, intronitur, quomodo ramus olive a columba. Hæc omnia simul juncta facilem memoratis canonibus universis exhibent interpretationem.*

Solius Gratiani testimonio Paschali II. adscriptum invenio canonem 18. cau. 18. qu. 2., verum Collector ille apud me tanti non fit, ut statim adquiescendum putem. Nimirum aut ea, quæ in canone exhibentur, non sunt Paschalis verba, aut si sunt, commoda erunt interpretatione donanda, non ea, quæ ex ipso verborum cortice colliguntur. Nimirum iterum ibidem videtur, nemini ex Abbatibus, Monachisve sacra ministeria esse a quoquam Episcopo concedenda, qui non fuerit aut Episcopi, aut Archiepiscopi, aut Primatis, aut Patriarchæ alicujus obnoxius jurisdictioni. At vero quid juris, si Episcopi, aut Metropolitæ, aut Primatis, aut etiam Patriarchæ jurisdictionem declinet Abbas ex Apollonico, quod rite obviasset, privilegio exemptionis? Ecquidem verba canonis generalia sunt, nec sinunt hujusmodi Abbates aliquam cum Episcopis habere communionem. Verum hæc omnino dissonant a mente Paschalis II., & aliorum Pontificum Maximorum illius sæculi, qui non semel plurimis Monasteriis exemptionum privilegia concessere, idest, ut soli Pontifici Maximo subessent, nemini ex inferioribus Antistitibus quæcumque dignitate condecoratis, ita tamen, ut iidem Abbates, & Monachi a proximis Episcopis, quos elegissent, Sacramenta quædam, & Sacramentalia postularent. Sic Paschalis II. sibi immediate subjecit Monasterium Cabilonenſe, ut liquet ex ejus epistola 2., *salva tamen Cabilonenſis Ecclesiæ canonica veneratione*. Sic epist. 47. *Soli Romanæ Ecclesiæ subditum, & ab omni Ecclesiarum iugo liberum haberi* voluit Cœnobium Sanctæ Sophiæ Beneventanum, ita tamen, ut *Christina, Oleum sanctum, consecrationes Altarium, sive Basilicarum, ordinationes Monachorum ad sacros Ordines* ab Episcopis Diocesanis acciperentur. Idipsum habetur in epist. 51. de Monasterio Vezeliacensi, necnon in epistola 67. & 75. de Monasterio Cluniacensi, & in epistola 94. de Monasterio S. Mariz apud Bannium, ut multa alia omittam similia, & vetustiorum, & recentiorum Maximorum Pontificum monumenta. Itaque aut memoratus Gratiani canon a Paschali II. erit abjudicandus, tanquam is, qui Paschalis sententiis minime consonet; aut si forte a quoquam recipiatur, ita erit intelligendus, ut pertineat ad Abbates illos, qui tene-

re, & nullo obtento a Sede Apostolica privilegio Episcopis Diocesanis parere, ac subesse detractabant. Illis occasionem excutiendi Antistitem jurisdictionem dare poterunt Monasteria quædam, quæ vel foundationum tabulis, vel singularibus privilegiis exempta fuerant ab Ordinariorum potestate. Tunc autem temporis plurimos fuisse hujusmodi Abbates, qui adversus Episcopos contenderent, unde propterea oriri occasio potuerit Paschali II. ita constituendi, eisdemque ad præstandam Episcopis legitimam obedientiam hortandi, compellendique, facile colligitur ex universis propemodum Conciliorum actis, quæ sub sæculi undecimi finem, vel sub initium duodecimi celebrata feruntur.

## CAPUT ULTIMUM.

## De Innocentio II.

Innocentii II., cujus ætate Gratianus aut jam collectionem suam adornabat, aut adornandam meditabatur, Decreta, & Constitutiones, aut ex Lateranensi Concilio sub eo celebrato, aut ex duabus illius Pontificis epistolis depromptæ sunt.

Ex Concilio  
Lateranensi.

- Can. 2. dist. 28. consonat etiam cum canonibus Concilii Romani anni 1191.*
- Can. 3. dist. 60. jungendus cum can. 5. cau. 21. qu. 2.*
- Can. 35. dist. 63. ex integris exemplaribus emendandus.*
- Can. 11. dist. 90. ex integris Concilii exemplaribus supplendus.*
- Can. 15. cau. 1. qu. 3. ex integris Concilii exemplaribus emendandus.*
- Can. 7. cau. 8. qu. 1. supplendus ex integris Concilii exemplaribus.*
- Can. 47. cau. 12. qu. 2. ex aliis integris exemplaribus emendandus.*
- Can. 29. cau. 17. qu. 4. ex adjunctis illius temporis explicandus.*
- Can. 25. cau. 18. qu. 2. consonat cum integris Concilii exemplaribus.*
- Can. 5. cau. 21. qu. 2. jungendus cum can. 3. dist. 60.*
- Can. 5. cau. 21. qu. 4. paullo varius in aliis Concilii exemplaribus.*
- Can. 38. cau. 23. qu. 8. ex integris Concilii exemplaribus supplendus.*
- Can. 40. cau. 27. qu. 1. supplendus ex integris Concilii exemplaribus.*
- Can. 8. de par. dist. 3. consonat cum integris Concilii exemplaribus.*

Ex Epistolis  
Innocentii.

- Can. 17. cau. 2. qu. 5. conferendus cum aliis Pontificum Martimorum collectionibus.*
- Can. 8. cau. 55. qu. 6. consonat etiam cum Concilio Rhenensi Gelasii,*

**G**elasii II., Callisti II., Honorii II. gesta non recenseo, quod apud Gratianum vix quædam alicui ex ipsis tribuenda referantur, atque ista jam aliis in locis commodius descripsi. Hinc recta methodo progressus sum ad Innocentium II. anno 1130. Maximum Pontificatum adeptum, non tamen sine contradictione nonnullorum; siquidem aliqui facto schismate ab eo deficientes Pontificem nominarunt Petrum quendam, & nomine Anacleti II. appellaverunt. Et quidem quousque Petrus vixit, omnem movit lapidem, ut Innocentium huc illic exagitarer. Eo deinde vita functo anno 1127. nondum quies, restituta Ecclesie Romanæ, & Innocentio, quum Schismatici Petro olim adherentes alium Victorem IV. nominatum in Apostolica Sede collocaverunt. Sed hic Victor paucis mensibus Sedem tenuit, sponteque suffusionibus Virorum gravissimorum publice Ecclesiarum boni causæ abdicavit, unde tandem libere Innocentius universam Ecclesiam rexit usque ad annum 1143., quo demum obiit.

## De Concilio Lateranensi.

Pacatis Romanæ Ecclesie rebus anno 1139. mortuo jam Petro Pseudo-Pontifice, & post Victoris abdicationem, uti nuper scriptum est, nihil sollicitius curavit Innocentius II., quam ut fere ipsam Ecclesiasticam disciplinam repararet. Ob eam rem Romæ Concilium convocavit, quo confluerunt Episcopi numerociriter mille, ubi triginta canones constitutos æstimus, qui apud Collectores Conciliorum exhibentur. Ut plurimum isti ad auferendos varios in Ecclesiis indutos abusus pertinent; simul autem nonnullis edendis occasionem etiam præbuerunt dira schismata tunc temporis coeuita, nec non aliquot hæreticorum novissime produncium errores, quales erant Petrus de Bruis in templo Summo Deo dicata, in sacram ipsam Christi Redemptoris, gratiam, in sacrificium Divinum, mysteriisque seu Eucharistiæ, seu baptismatis impia verba evomens, item Arnaldus quidam de Brixia in viros ecclesiasticos, & Ecclesiis concessa bona quæcumque debacchatus. Percurram universos ejus Concilii canones, singulos eo referens, quo potissimum spectant, sive ad memoratas hæreses confodiendas, sive ad disciplinam ecclesiasticam restaurandam, ac potissimum eos, qui apud Gratianum habentur, ne ultra propositum meum vagari videar.

Exordiantur Lateranenses Patres in can. 1., & 2. adversus gesta Simoniacorum, ac detestati sunt non solum simoniacæ Clericorum ordinationes, verum etiam simoniacas quascumque rerum ecclesiasticarum, sacrarumve concessiones. Verba canonis 1. apud Gratianum non habentur; sed verba canonis 2. leguntur

*Can. 15. in can. 15. cau. 1. qu. 3. ita describendi ex integra Concilii illius exemplaribus:*  
*Can. 1. Siquis prebendam, vel prioratum, seu decanatum, aut honorem, vel promotionem aliquam ecclesiasticam, seu quodlibet Sacramentum ecclesiasticum, utpote Chrisma, vel Oleum Sanctum, consecrationes altarium, vel Ecclesiarum, interperiente execrabili ardore avaritiæ per pecuniam acquisitis, honore male acquisito careat, & embor, atque venditor, & intervenor non infamie percellantur. Et nec pro passu, nec sub obtentu alicujus consuetudinis ante, vel post a quoquam aliquid exigatur, vel ipse dare præsumat, quoniam simoniacum est, sed libere, & absque imminutione aliqua collata sibi dignitate,*

atque

atque beneficio perfruatur. Nova sane non fuit hujusmodi constitutio, sed jam ab anno 1231. edita in Concilio Rhemenſi celebrato, cum Innocentius II. in Gallia conſiſteret, ut ſubortis in Romana Eccleſia ſchiſmate ſeditiones eluderet, nam ibidem can. 1. hæc habentur: *Statuimus, ut ſiquis ſimoniace ordinatus fuerit, ab officio cadat, quod illicite uſurpavit. Ut ſiquis præbendas, aut honorem, vel promotionem aliquam eccleſiaſticam, interveniente execrabili ardore avaritiæ, per pecuniam acquiſiſſet, honore male acquiſito careat, & emptor, ac venditor, & interventor nota infamiæ percellantur.* Similia etiam fere leguntur in univerſis illius ætatis Conciliis, cum ſimoniacorum hæreſis late in Eccleſia diſfuſa plurimorum animos occuparet.

In canone 3. ejuſdem Concilii ſtatutum fuit, ne excommunicati a Diœceſano Epifcopo ab aliis ſuſciperentur. Deinde in can. 4. leguntur eadem verba, quæ retulit Gratianus in can. 5. cau. 21. qu. 4., dummodo pro illis, *ſed potius, quod eorum deceat ſanctitatem, præſeferant*, iſta ſubſtituantur ex Codice Labbeano, *ſed potius, quæ eos deceat, ſanctitatem præſeferant*. Similia jam edita fuerant in Rhemenſi Concilio ſuperius memorato can. 2. ibi: *Præcipimus etiam, quod tam Epifcopi, quam Clerici, in ſtatu mentis, vel habitu Corporis Deo, & hominibus placere ſtudeant, & nec in ſuperſtitiæ, aut colore veſtium, intuentium, quorum forma, & exemplum eſſe debent, offendant aſpectum, ſed quod eorum deceat ſanctitatem.* Opportunitas ſane erant hujusmodi conſtitutiones ob eſtremam illorum licentiã, qui duce Arnaldo Brixienſi hæretico, cujus ſuperius mentionem feci, adverſus Clericos & res eccleſiaſticas vim faciebant, contra quos nihil ſane ſalubrius objici poterat, quam ſanctior, & purior Clericorum eorundem vita, etiam quæ ex humili exteriore corporis habitu colligeretur.

Ex eadem ratione, nimirum adverſus Arnaldum Brixienſem, ejuſque ſocios, ſanciendum fuit in canone 5., quod etiam eiſdem verbis ſtatutum fuerat in canone 3. Concilii Rhemenſis prælaudati, quod apud Gratianum legimus in can. 47. cau. 12. qu. 2., ubi tamen emendanda videntur poſtrema verba ex integris exemplaribus tam Lateranenſis, quam Rhemenſis Concilii, in quibus non legitur uti apud Gratianum, *ſimili ſententiæ ſubjaceant*, ſed *ſimili ſententiæ ſubſciantur*. Id autem ſedulo animadvertendum velim, præſertim ab illis, qui in verbo *ſubjaceant* excommunicationem quandam, ut recentiores loquuntur, latæ ſententiæ agnoſcunt, quam ſane agnoſcere non poſſent in verbo *ſubſciantur*.

Quid præterea aliud exhibetur in canone 6. Concilii, quem retulit Gratianus in can. 2. diſt. 28., quam ſollicitudo quammaxima Innocentii Papæ in Clericorum moribus jamdiu corruptis reformandis, ut tandem os obſtrueretur Arnaldis Clerum univerſum inſimulantibus, & res ipſas eccleſiarum invadentibus, quarum poſſeſſione indignos viros eccleſiaſticos adfirmabant? Imitatus jam fuerat in hac parte Innocentius vigilantiam Prædeceſſorum ſuorum, qui ſimiles paſſim conſtitutiones ediderant; imo & ipſe toridem verbis eadem ipſa jam conſtituerat in cap. 4. memorati Concilii Rhemenſis.

Eo quoque memem Innocentii pertinuiſſe dignoſcitur, dum primum in laudato Concilio Rhemenſi canone 5. ita ſtatuit: *Ad hæc Prædeceſſorum noſtrorum Gregorii VII., Urbani, & Paſchalis Romanorum Pontificum veſtigia inherentes præcipimus, ut nullas miſſas eorum audiat, quos uxores, vel concubinas indubitanter habere cognoverit.* Deinde in Concilio Lateranenſi ita definiendum voluit can. 7. *Ad hæc*

Prædecessorum nostrorum, Gregorii VII., Urbani, & Paschalis Romanorum Pontificum vestigiis inherentes præcipimus, ut nullus missam eorum audiat, quos uxores, vel concubinas habere cognoverit. Ut autem lex continentiae, & Deo placens munditia in ecclesiasticis personis, & sacris Ordinibus dilatetur; statuiamus, quatenus Episcopi, Presbyteri, Diaconi, Subdiaconi, Regulares Canonici, & Monachi, atque conversi professi, qui sanctum transgredientes propositum uxores sibi copulare præsumpserint, sepaventur. Huiusmodi namque copulationem, quam contra ecclesiasticam regulam constat esse contrariam, matrimonium non esse censemus. Qui etiam ab invicem separati pro tantis excessibus condignam poenitentiam agant. Et in canone 8. Idipsum quoque de sanctorum mulieribus feminis, si, quod ab his, nubere attentaverint, observari decernimus. Hinc erutus est canon 40. cau. 17. qu. 1., qui etiam legitur eisdem verbis in Poenitentiali Romano edito ab Antonio Augustino tit. 8. cap. 7.

Non satis id fuerat Innocentio, ut Clericos ab Arnaldistarum conviciis tutius liberaret; hinc in can. 9. eisdem Clericis interdixit, ne aut Imperialium legum, vel medicorum disciplinæ operam darent. Deinde vero in canone 10. ad Laicos orationem convertens, illos præsertim, qui hæretici Brixienfis dictis adhererant, & res ecclesiasticas, præcipue decimas, a Clericis abstulerant, ita voluit definiendum: Decimas Ecclesiarum, quas in usu pietatis concessas esse canonica demonstrat auctoritas, a laicis possideri apostolica auctoritate prohibemus. Sive enim ab Episcopis, vel Regibus, vel quibuscumque personis eas acceperint, nisi Ecclesiæ reddiderint, sciant se sacrilegii crimen committere, & periculum æternæ damnationis incurrere. Præcipimus etiam, ut laici, qui Ecclesias tenent, aut eas Episcopis restituant, aut excommunicationi subjaceant. Innovamus autem, & præcipimus, ut nullus in Archidiaconum, vel Decanum, nisi Diaconus, vel Presbyter ordinetur: Archidiaconi vero, Decani, vel Præpositi, qui infra ordines nominatos existunt, si inobedientes ordinari contempserint, honore suscepto priventur. Prohibemus autem, ne adolescentibus, vel infra sacros Ordines constitutis, sed qui prudentia, & merito vitæ clarescant, prædicti concedantur honores. Præcipimus etiam, ne conductitiis Presbyteris Ecclesiæ committantur: & unaquæque Ecclesia, cui facultas suppetit, proprium habeat Sacerdotem. Ex hoc canone depromti sunt simul propterea jungendi canon 3. dist. 60., & canon 5. cau. 21. qu. 2. Similia etiam propemodum jam constituta fuerant in memorato Concilio Rhemenfi, ubi canone 8. hæc leguntur: Innovamus autem, & præcipimus, ut nullus in Archidiaconum, vel Decanum, nisi Diaconus, vel Presbyter ordinetur. Archidiaconi vero, Decani, & Præpositi, qui infra ordines prænominatos existunt, si inobedientes ordinari contempserint, honore suscepto priventur. Prohibemus autem, ne adolescentibus, vel infra sacros Ordines constitutis, sed qui prudentia, vel merito vitæ clarescant, prædicti concedantur honores. Et canone 9. Placuit etiam, ne conductitiis Presbyteris Ecclesiæ committantur, & unaquæque Ecclesia, cui facultas suppetit, proprium habeat Sacerdotem. Hæc sane erant opportuna remedia, quibus & Sacerdotum, & Ecclesiarum honori adversus Arnaldistas consuleretur.

In canone 11. Concilii Lateranensis renovatus est canon 10. Concilii laudati Rhemenfis, quo parta Ecclesiasticis viris, Monachis, peregrinis etiam, Mercatoribus, & rusticis viarum securitas. Deinde in can. 12. constitutum est, quod jam antea decretum in Canone 11. Concilii Rhemenfis, his verbis: *Treguam autem ab occasu solis in quarta feria usque ad ortum solis in secunda feria, & ab adventu Domini usque ad octavas Epiphaniæ, & a quinquagesima usque ad octavam Paschæ, ab omnibus inviola-*



inviolabiliter observari precipimus. Siquis autem treguam frangere tentaverit, post tertiam communionem, si non satisfecerit Episcopus suus, in eum excommunicationis sententiam distet, & scriptam Episcopis vicinis annunciet. Episcoporum autem nullus excommunicatum in communionem suscipiat, imo scripto susceptam sententiam quisque confirmet. Siquis autem hoc violare presumpserit, ordinis sui periculo subiacebit. Et quoniam funiculus triplex difficile rumpitur, precipimus, ut Episcopi ad solum Deum, & salutem populi habentes respectum, omni tepiditate seposita, ad pacem firmiter tenendam mutuum sibi consensum, & auxilium praebeant, neque hoc alicujus amore, aut odio pretermittant. Quod si quis in hoc Dei opere tepidus inventus fuerit, damnum propriae dignitatis incurrat. Posteriora hac Lateranensis canonis verba leguntur apud Gratianum in can. 11. dist. 90., ad cujus interpretationem nonnulla adijcienda hoc in loco viderentur de trevia, ut canones habent, Dei, nisi vel apud Scriptores Canonici juris jam plura ad eandem hanc rem pertinentia haberentur, vel alibi de hac ipsa re sermo incidisset.

De canone 13. & 14. Concilii Lateranensis, quibus & foeneratoribus usura interdicitur, & detestabiles nundinarum, vel feriarum tempore concertationes improbantur, verba non facio, cum de illis nihil apud Gratianum occurrat. Hinc progredior ad canonem 15., unde decerptus fuit Gratianus canon 29. cau. 17. qu. 4. His verbis ille describitur: Item placuit, ut si quis suadente diabolo hujus sacrilegii reatum incurrit, quod in Clericum, vel Monachum violentas manus injecerit, anathemati vinculo subiaceat: & nullus Episcoporum illum presumat absolvere, nisi mortis urgente periculo, donec apostolico conspectui praesentetur, & ejus mandatum suscipiat. Precipimus etiam, ut in eos, qui ad Ecclesiam, vel cimiterium confugerint, nullus omnino manum mittere audeat. Quod si fecerit, excommunicetur. Non haec primum in Lateranensi Concilio constituta fuerunt, sed in Concilio Rhemeni memorato, cujus in canone 13. haec habentur. Item placuit, ut si quis suadente diabolo hujus sacrilegii reatum incurrit, quod in Clericum, vel Monachum violentas manus injecerit, anathemati subiaceat. Et nullus Episcoporum illum presumat absolvere, donec Apostolico conspectui praesentetur, & ejus mandatum suscipiat; & can. 14. Precipimus etiam, ut in eos, qui ad Ecclesiam, vel cimiterium confugerint, nullus omnino manum mittere audeat, quod qui fecerit, excommunicetur. Severior haec disciplina, qua qui manus violentas in Clericum vel Monachum injecisset, anathemate percelleretur, sine spe absolutionis a Dioecetano Episcopo obtinenda, opportuna admodum fuit, ut occurreretur incommodis, quibus quotidie subiacebant Clerici universi ab Arnaldistis infenso ductis spiritu, & publice jactantibus adversus Clericos esse pugnandum, Clericosque perendos esse, quo puto referenda esse illa verba canonis suadente Diabolo. De Arnaldo Brixiensi hujusmodi haeticorum adversus Hierarchiam Ecclesiasticam temere debacchantium Duce ita scribit Guntherus Ligurinus.

... Assumpta sapientis fronte, diserto  
Fallebat sermone rudes, Clerumque procaci  
Insestans odio, Monachorum acerrimus hostis,  
Plebi adulor, gaudens popularibus auris,  
Pontifices, ipsumque gravi corrodere lingua  
Audebat Papam, scelerataque dogmata vulgo  
Diffundens variis implebat vocibus aures.  
Nil proprium Cleri, fundos, & praedia nullo

Jure sequi Monachos, nulli fiscalia jura  
Pontificum, nulli curæ popularis honorem  
Abbatum, sacras referens concedere leges.  
Omnia Principibus terrenis subdita, tantum  
Committenda viris popularibus, atque regenda.

Pontificum fastus, Abbatum denique laxos  
Damnabat penitus mores, Monachosque superbos.  
Veraque multa quidem, nisi tempora nostra fideles  
Respuerent monitus falsis admixta monebat.  
Et, fateor, pulchram fallendi noverat artem,  
Veris falsa probans, quia tantum falsa loquendo  
Fallere nemo potest, veri sub imagine falsum  
Influit, & furtim deceptas occupat aures.  
Articulos etenim fidei, certumque tenorem  
Non satis exacta stolidus pietate fovebat,  
Impia mellifluis admiscens toxica verbis.  
Ille suam vecors in Clerum, Pontificemque,  
Atque alias plures adeo commoverat urbes,  
Ut jam ludibrio sacer, extremoque pudori  
Clerus haberetur. Quod adhuc, ni fallor, in illa  
Gente nocet, multumque sacro detruncat honori  
Mox in Concilio Romæ damnatus, &c.

Itaque perspicue exinde liquet, quibusnam primum de causis obtinuit, latius  
deinde subsequenrium Pontificum Maximorum decretalibus producta, disciplina,  
juxta quam quicumque violentas manus in Clericos injiciant, anathemati subja-  
ceant, cujus absolutio sit a solo Romano Pontifice impetranda. Dixi latius pro-  
ductam recentioribus decretalibus; etenim si unum Concilii Lateranensis cano-  
nem consideres, non statim, & facile tibi persuadebis, anathema in percussores inflatum  
fuisse latus sententiæ, quemadmodum a recentioribus receptum est, sed potius in-  
terpretaberis de excommunicatione ferendæ, ut nostri loquuntur, sententiæ ob ver-  
ba illa *anathematis vinculo subjaceat*, quæ loquendi formula cum non majorem ha-  
beat vim, quam ista sit *anathematizatus*, vel sit *ab ecclesiastica communione sequestra-*  
*rus*, indicat profecto adhuc sententiæ pronuntiationem expectandam, quemadmo-  
dum in istis differunt Glossographi ad cap. 2. de foro competent. Adde his,  
etiãsi de dubia formula ageretur, eam capiendam esse interpretationem, ut de  
anathemate ferendæ sententiæ intelligatur, eo præsertim tempore, quo excommu-  
nicationes latus sententiæ, nullaque prævia sacrorum Antistitum monitione inflatæ  
minime frequentarentur. Quinobrem mihi non displicet nonnullorum juris eccle-  
siastici Interpretum opinio, qui scripserunt excommunicationem, quæ infligitur in  
percussores Clericorum juxta mentem Lateranensium Patrum, non ipso jure, &  
latus sententiæ, quoad originem attinet, appellari, quamquam deinde talis evaserit  
ex jure recepto, ita postulantis temporum, locorum, & causarum adjunctis,  
unde gravioribus pœnis perveraces gravissimorum criminum rei plesterentur. Qui  
hac disputatione delectatur, conferre poterit etiã canonem 5. Lateranensem, seu  
canonem 47. cau. 12. qu. 2., ubi de diripiente ecclesiastica bona dicitur, *excom-*  
*muni-*

*municationi subiaceat*; item canonem 10. Lateranensem, quem superius retuli, in eo siquidem legitur de laicis, qui Ecclesias tenent, ut aut eas Episcopis restituant, aut excommunicationi subiaceant.

Quæ habentur in canone 16. Concilii Lateranensis, jam edita fuerant pridem in Concilio Rhemensi ab eodem Innocentio II. can. 15., utrobique autem hæc sunt canonis verba, ex quibus supplere juvabit, quod deest Gratiano canoni 7. cau. 8. qu. 1. *Indubitatum est, quoniam honores ecclesiastici sanguinis non sunt, sed meriti, & Ecclesia Dei non hereditario jure aliquem, neque secundum carnem successorem expellat, sed ad sua regimina, & officiorum suorum dispensationes, honestas, sapientes, & religiosas personas exposcit. Propterea auctoritate prohibemus apostolica, nequis Ecclesias, Præbendas, Præposituras, Cappellanias, aut aliqua ecclesiastica officia hereditario jure valeat vendicare, aut expositulare præsumat. Quod si quis improbus, aut ambitionis reus attentare presumpserit, debita poena multabitur, & postulatis carbit. Hæc quoque, ut patet, opportune, & salubriter erant decernenda, ut, quoad fieri per tempora posset, suos honores Ecclesiis, & Viris Ecclesiasticis restitueretur.*

De confanguineis iusto conjugio non copulandis conceptus est canon 17. Lateranensis, qui apud Gratianum desideratur. Sed in canonibus subsequenter, nimirum 18., 19., & 20., habentur ea, quæ jamdiu definita fuerant in canone ultimo laudati Concilii Rhemensis. Eadem recensuit Gratianus in can. 32. cau. 23. qu. 8., ubi tamen multa suppleenda sunt ex integris Concilii exemplaribus. Canon 18. ita exprimitur: *Pessimam siquidem, & depopulatricem, & horrendam incendiariorum malitiam auctoritate Dei, & Beatorum Apostolorum Petri, & Pauli omnino detestamur, & interdiciamus. Hæc etenim pessima, hæc hostilis vastitas omnes alias depredationes exsuperat. Quæ quantum populo Dei sit damno, quantumque detrimentum animabus, & corporibus inferat, nullus ignorat. Assurgendum est igitur, & omni modo laborandum, ut tanta clades, tantaque perniciēs pro salute populi eradicetur, & extirpetur. Siquis igitur post hujus nostre prohibitionis promulgationem malo studio, sive pro odio, sive pro vindicta ignem apposuerit, vel apponi fecerit, aut apostolorum consilium, vel auxilium scienter tribuerit, excommunicetur. Et si mortuus fuerit incendiarius, Christianorum careat sepultura. Nec absolvatur, nisi prius damno, cui intulit, secundum facultatem suam rescario, juret se ulterius ignem non appositurum. Pœnitentia autem ei detur, ut Hierosolymis, aut in Hispania in servitio Dei per annum integrum permaneat. Canon 19. Siquis autem Archiepiscopus, vel Episcopus hoc relaxaverit, damnum restituat, & per annum ab officio episcopali abstineat. Canon 20. Sane Regibus, & Principibus facultatem faciendæ justitiæ, consulti Archiepiscopi, & Episcopi, non negamus. Ad laudatum Gratiani canonem nonnihil adnotavit Baluzius, scribens in primis, idem fere legi in Concilio habito ab Innocentio II. apud Claramontem initio sui Pontificatus, in quo tamen hæc diversa leguntur a vulgato canone Synodi Lateranensis: *Omnimodis laborandum . . . ignes apposuerit . . . & si in hoc mortuus fuerit &c.* Deinde animadvertit ad verba illa in Hispania in servitio Dei, non intelligi ibidem iter hispanicum causa simplicis peregrinationis susceptum, sed potius iter causa belli sacri, quod tum adversus Sarracenos Christianis universis infestus fuerat institutum.*

In capite 21. Concilii ejusdem Lateranensis hæc leguntur: *Presbyterorum filios a sacri Altaris ministeriis removendos decernimus, nisi aut in Canonibus, aut in Canonibus religiose fuerint conversati.* Verba isthæc alias retulit sub nomine Urbani II.

Gra

Can. 7.  
cau. 8.  
qu. 1.

Can. 32.  
cau. 23.  
qu. 8.

Can. 8.  
de pæn.  
dist. 5.

Gratianus in can. 1. & 11. dist. 56., imo etiam similia quædam sub nomine Concilii Pictaviensis habentur apud Gregorium IX. in cap. 1. de filiis Presbyterorum. Subsequitur caput 22. his verbis: *Sane quia inter cetera unum est, quod sanctam maxime perturbat Ecclesiam, falsa videlicet pœnitentia, Confratres nostros, & Presbyteros admonemus &c.*, quæ eisdem omnino verbis leguntur in can. 8. de pæn. dist. 5.

Can. 25.  
caus. 18.  
qu. 2.

Adversus eos, qui Divina Ecclesiæ Sacramenta damnarent, aut res sacras pendendæ mercaturæ supponerent, editi fuerunt in Lateranensi Concilio canones 23., 24., & 25., deinde in canone 26., & 27. damnati sunt nonnullarum mulierum mores, quæ quidem sanctimonialium speciem præferebant, prætextu autem singularis cuiusdam pietatis, ac religionis ab integritate vitæ procul, & longissime aberant. Ipsamet canonum Lateranensium verba habentur apud Gratianum in can. 25. cau. 18. qu. 2., unde semper adparet, quam constans fuerit Innocentius in instituenda, restaurandaque religiosarum personarum vita, ne occasio daretur hominibus hæreticis de Viris ecclesiasticis conquerendi, & adversus eos convicia proferendi.

Can. 35.  
dist. 63.

Superfunt adhuc tres Concilii canones 28., 29., & 30. Sed apud Gratianum nec 29. habetur, quo artem Ballistariorum, & Sagittariorum adversus Christianos, nec 29. habetur, quo artem Ballistariorum, & Sagittariorum adversus Christianos, nec 30., quo irritæ declarantur ordinationes celebratæ a Petro Pseudo-Pontifice, & aliis Schismaticis, vel Hæreticis. Tanrum legimus in canone 35. dist. 63. canonem 28. Lateranensem, qui his verbis exhibetur in vulgatis Concilii exemplaribus. *Obeuntibus sane Episcopis, quoniam ultra tres menses vacare Ecclesiæ prohibent Patrum sanctiones, sub anathemate interdicimus, ne Canonici de Sede Episcopali ab electione Episcoporum excludant religiosos Viros, sed eorum consilio honesta, & idonea persona in Episcopum eligatur. Quod si exclusis eisdem religiosis electio fuerit celebrata, quod absque eorum assensu, & conniventia factum fuerit, irritum habeatur. Quinam religiosorum Virorum nomine intelligantur, satis obscurum est. Ego vero arbitror, laicos quosdam fuisse de Ecclesia optime meritos, quique patrocinio suo fovere, ac tueri Ecclesiam possent; quod facile deduci puto ex canone 25. Lateranensis ejusdem Concilii, ibi: *Laici, quamvis religiosi sint, nullam tamen habent disponendi de ecclesiasticis facultatibus potestatem*. Intererat sane tunc temporis Viros istos in electionibus Episcoporum admittere, ut eorum præsidio tutior Episcopus esset, qui etiam illorum suffragio ad cathedram conscendisset, quum alias non ignoremus, Arnaldistarum ausu bellum quodammodo adversus Episcopos fuisse, & Clerum universum indictum. Præterea sub eo religioso Virorum nomine reor, venisse etiam Clericos, qui in Canonicis non versabantur, idest communem vitam minime ducebant. Siquidem cum sæculo undecimo in Clerum reducta fuisset vita communis, qui istam amplexati fuere, quasi soli Clerum constituerent, facile ceteros aspernabantur; unde tandem factum est, ut ipsi Capitulum Cathedralis Ecclesiæ appellarentur, & fratres Episcoporum, ceteris non in eadem vita constitutibus a rerum ecclesiasticarum generali administratione, & præcipua cura remotis, quemadmodum hodierna etiam disciplina demonstrat. Initio novæ hujus consuetudinis pati non potuit Innocentius, ut soli Canonici in communi viventes, vacante Episcopali Sede, ad successoris Episcopi devenirent electionem, sed voluit, religiosos quoscumque, idest præ ceteris etiam Clericos non inter Canonicos viventes admitti debere, quibus admissis Clero universo major accedebat honos, de quo restaurando potissimum Innocentius cogitabat.*

De

## De duabus Innocentii Epistolis apud Gratianum laudatis.

Duo adhuc supersunt fragmenta, quæ a Gratiano sub nomine Innocentii II. describuntur, nimirum can. 17. cau. 2. qu. 5., & can. 8. cau. 35. qu. 6. quos nonnisi temere ab eodem Pontifice abjudicaremus. In primis quod attinet ad canonem 17. cau. 2. qu. 5. fateor apud alios Gratiano coævum Collectores nihil tale reperiri. Verum hac in parte plurimum valet auctoritas Gratiani, dum de sui temporis re testimonium facit, neque suspicandum est tantam fuisse ejus audaciam, ut in evulgando opere, ex quo non mediocrem laudem sui nominis expectabat, falsa obtruderet sui ejusdem temporis monumenta, de quibus propterea facile, atque illico redargueretur. Non ignoro, quod adnotatur a Romanis Correctoribus, in aliquibus vetustis MSS. Gratiani codicibus eundem canonem desiderari, in omnibus vero desiderari vericulum *nos itaque* usque in finem; quem-admodum nec ignoro in nonnullis Gregorii IX. codicibus eundem canonem referri in cap. 5. de purgatione canonica usque ad vers. *nos itaque* sub nomine Innocentii III. Verum Innocentio III. nullo modo tribui posse facile evincitur non solum ex eo, quod animadverterunt jam Romani Correctores, quia Collector Decretalium Gregorii IX. in Decretalibus, sive earum capitulis describendis servavit ordinem temporum, laudatumque capitulum edidit quasi editum ante tempora Alexandri III., sed etiam quod idem capitulum sub nomine Innocentii Papæ legatur in prima Collectione Decretalium sub eodem titulo de purgatione canonica cap. 4., alias vero auctor primæ Collectionis Decretalium minime attigit Innocentii III. ætatem, cujus propterea rescripta recenseret. Itaque Innocentio II. recte tribui memoratum caput probat Gratiani, auctoris Collectionis 1. Decretalium, & Gregorii IX. testimonium. Quid habeat Gratianus, quid deinde Gregorius IX. describendum ex ea epistola voluerit, facile omnibus patet. Ego hoc in loco describam, quid in memorata 1. Decretalium Collectione referatur adfutis optimis Antonii Augustini adnotationibus. Verba Collectoris Decretalium hæc sunt: *Innocentius Papa Aquilegensi Patriarchæ & Episcopo Mant. Quoties frater noster A. Tridentinus* (notat Antonius Augustinus in aliquo Codice legi *Artridentinus*, alibi *Adispertinus Tudertinus*, apud Raymundum vero, & Contium. omissam fuisse literam *A.*, uti omnibus facile patet) *Episcopus in nostra, & vestra de simonia impetratus sit presentia* (adnotat Antonius Augustinus aliquam in his esse codicum varietatem, quam ego omittendam puto, eum in simplici vocum transpositione consistat), *prudenciam vestram latere non credimus, cujus causam in presentia nostra ventilavimus.* (Antonius Augustinus refert alibi legi: *cujus causa in nostra tandem ventilata presentia alibi: cujus causa tandem in nostra presentia ventilata.*) *Producti sunt apud eum* (legunt alii, ut notat Antonius Augustinus *adversus eum*) *accusatores; & una voce scriptum adferentes* (teste Antonio Augustino alibi legitur: *viva voce, & scripto asserentes*, quod &c. alibi: *& testes viva voce, & scripto accusantes eum, eo quod &c.*), *nec testes secundum formam canonum* (alibi *formam canonicam*, *producere potuerunt*, quod *Ecclesiam B. Petri de Pasorum* (alibi: *producere nequiverunt*, quod *Ecclesiam B. Petri de Pado*) *Presbytero Paulo dederit pro quatuor modis de frumento* (alibi *modis frumenti*, alibi *pro mistendis modis frumenti*)

quos

Can. 17.  
cau. 2.  
qu. 5.

quæ ab ejusdem Ecclesiæ laicis acceperis. Unde quia (legitur alibi verum quia, alibi verum quoniam) nec accusatores, nec testes secundum formam canonum, & præsertim Sanctorum Patrum in causam ipsam (alibi ex Antonio Augustino in causâ ipsâ) procedere potuerunt, communi fratrum nostrorum consilio (alibi de communi fratrum Concilio) judicavimus, ut tertia manu sui ordinis, & quatuor (legerunt alii & quarta manu) Abbatum, & Religiosorum Sacerdotum de supradictâ simonia in vestra præsentia se debeat expurgare. (alibi: de prædictâ simonia debeat se purgare, alibi: se expurgaret). Porro expurgationis tenor eris hujusmodi. Idem Episcopus super sanctâ Evangelia (alibi Dei Evangelia) primum jurabit pro Ecclesiâ Sancti Petri de Pa. (postremam hanc vocem alii Codices ita ediderunt de Pajo, alii de Pado) Presbytero Paulo danda, nec ipse per se, nec per submissam personam, nec aliquis pro eo se sciente pretium receperit. Deinde expurgatores super Sanctâ Evangelia jurabunt similiter, quod ipsi credunt, quod verum juravit. Legunt alii: scilicet quod, sicut ipsi credunt, verum juravit: alii: quod ipsi credunt verum esse, quod ipse juraverat, alii demum, quod ipsi credunt eum verum jurasse. Sic testatur semper Antonius Augustinus, cujus sunt supra allatz animadversiones, omisiss illis, quæ levissimi momenti essent. Concludit autem vir eruditus, ea, quæ sequuntur apud Gratianum in vers. Nos itaque, uti in eadem Collectione prima Decretalium, & in Collectione Decretalium Gregorii IX. desiderantur, ita etiam deesse in multis veteribus Gratiani libris. Proinde eundem ego versiculum non omnino indubie fidei existere arbitrarer.

Can. 8.  
cau. 35.  
qu. 6.

Quæ habentur in can. 8. cau. 35. qu. 6., integram exhibent epistolam Alexandri II. ad Ottonem Lucensem Episcopum, quæ inter Labbeanas eisdem omnino verbis recensetur numero 43. Similia etiam nonnulla definita videntur in Concilio Rhemensi anno 1131. celebrato ab Innocentio II. juxta editionem Mansi in tom. 2. Supplementi Labbeani pag. 407. can. 13. ibi: *De conjugii dissolvendi caute determinatum est, quod post manifestam nuptiarum celebrationem nec marito, nec uxori licet querere occasionem spontaneam dissolvendi conjugii, nec juramentum eorum recipiendum, qui in laici familiaritate privata jurant cognationem conjugatorum. Sed si quis fidelis pro charitate Christi aliquam lineam consanguinitatis præpedientem conjugium monstraverit, ceterisque indicis, & testimoniis comprobaverit, ei fidem habendam esse censet Sedis Apostolicæ venerabilis auctoritas.* His absolutam arbitror secundam mei operis partem, dignissimam profecto, in quam labor omnis impenderetur. Quod meæ tulerant vires, perfecti; quod deest, humanissimos, eruditissimosque lectores rogo ut suppleant doctrina sua, eaque, quam huc usque numero plurimi, & verbis, & epistolis erga me exhibuerunt, benevolentia, unde eadem animi hilaritate tertiz operis parti manum admoveam, istudque opus meum Deo dante, undecumque perfectum læter dicari bono publico potuisse.

ANT 131611









XIV  
E. 29